

ৰ চ না ব লী

সৈয়দ মুজতবা আলী



স্বদেশী সংস্কৃত ভাষা বচনাবলী

চতুর্থ খণ্ড



মিত্র ও ঘোষ পাবলিশার্স প্রাঃ লিঃ
১০, শ্যামাচরণ দে স্ট্রীট, কলকাতা - ৭০০ ০৭৩

প্রথম প্রকাশ, বৈশাখ ১৩৫৯

—একশ পঞ্চাশ টাকা—

..... Public Library

... FIN Com No..... সম্পাদক

110 FIN. Com. M R No. গজেন্দ্রকুমার মিত্র

78263 সুমধনাথ ঘোষ

সবিতেন্দ্রনাথ বায়

মণীশ চক্রবর্তী

প্রচ্ছদপট শ্রীঅনুপ বায়

SYED MUJIBABA ALI RACHANAVALI VOL IV
An anthology of complete works vol IV by Syed Mujtaba Ali
Published by Mitra & Ghosh Publishers Pvt Ltd 10 Shyama
Charan Dey Street Kolkata 700 073

Price Rs 150/-

ISBN 81-7293 092 5

শব্দগ্রন্থন পি বি প্রিন্টার্স, ৭২/১ শিশির ভাদুড়ি সৰণী, কলকাতা ৭০০ ০০৬

মিত্র ও ঘোষ পাবলিশার্স প্রাঃ লিঃ, ১০ শ্যামাচরণ দে স্ট্রিট, কলকাতা ৭০০ ০৭৩ হইতে
এস এন বায় কর্তৃক প্রকাশিত ও প্রোগ্রেসিভ আর্ট কনসার্ন, ১৫৯/১ এ বি বি
গাসুলী স্ট্রিট, কলকাতা ৭০০ ০১২ হইতে অনিল হবি কর্তৃক মুদ্রিত

সূচীপত্র

ভূমিকা	শ্রীপবিমল গোস্বামী	[১]
বডবাবু		
বডবাবু		১
ববীন্দ্রনাথের আত্মত্যাগ		১৭
বামানন্দ চট্টোপাধ্যায়		২৫
সবলাবালা		২৮
হাসনোহানা		৩০
বঙ্গে মুসলিম সংস্কৃতি		৩৩
পরিচিতি		৩৯
হতভাগ্য কাছাড়		৪৩
নেতাজী		৪৬
মস্কো যুদ্ধ ও হিটলাবেব পবাজয়		৪৮
কুড়ি		৫৩
দবখাস্ত		৫৯
সর্বাপেক্ষা সঙ্কটময় শিকার		৬২
অপর্ণব পাবণা বা স্যালাড		৮৩
ববীন্দ্রনাথ ও তাব সহকর্মিদ্বয়		৮৬
বাস্তবভাষা		৯১
বন্ধ-বাতায়নে		১০২
এ্যাবোলেন		১০৭
চবিত্র বিচ'ব		১১৫
গান্ধীজীব দেশে ফেবা		১১৭
তপঃশাস্ত		১২০
মৃত্তা		১২১
কত না অশ্রুজল		
কত না অশ্রু জল		১৩১
আন্ ফ্রাঙ্ক		১৬৯
ভবা ডুবি (আন্ ফ্রাঙ্ক)		১৭১
ধন্য অবাঙালী'		১৭৯
নট গিলটি		১৮২
ব্রেন-ড্রেন		১৮৪
বনে ভূত না মনে ভূত		১৮৭

স্পাই	১৮৯
আধুনিকের আত্মহত্যা	১৯৫
দর্পণ	২০৮
চুষন	২১৮
মরহম অধ্যাপক ডক্টর আব্দুল হাই	২২৪
সিংহ-মুখিক কাহিনী	২২৭
রাবাৎ-ইনসন্ট	২৩১
অল-মসজিদ-উল—আকসা	২৩৩
ন্যাকামো	২৩৬
বিশ্বভারতী প্রাগ্	২৩৮
ত্রিমূর্তি	২৪০
রহস্য-লহরী	২৪৩
দ্বন্দ্ব-পুরাণ	২৪৫
মাঠে:	২৬৫
হিটলারের শেষ প্রেম	২৬৭
হিটলার			
হিটলারের শেষ দশ দিবস	২৮৩
৩০ এপ্রিল—শেষ দিন	.	..	৩০৩
(উত্তর-হিটলার)	৩০৯
গ্রন্থ-পরিচয়	৩১০

॥ নিবেদন ॥

এই খণ্ডেব তৃতীয় গ্রন্থ “হিটলার” বইয়ের হিটলাবের প্রেম, মস্কোযুদ্ধ ও হিটলারের পরাজয়, গাডোলস্য গাডোল, লক্ষ মার্কের বরমান, কনরাট আডেনাওয়ার, রাজহংসের মবণ-গীতি, আবাব আবাব সেই কামানগর্জন, হিটলার—এই প্রবন্ধগুলি পূর্বেই অন্য গ্রন্থের অন্তর্ভুক্ত ছিল। তদনুযায়ী রচনাবলীব পূর্ববর্তী খণ্ডগুলিতে ও ঔর্থ খণ্ডের পূর্বাংশে প্রকাশিত হইয়াছে। সেই কারণে উক্ত প্রবন্ধগুলি “হিটলার” অংশে আর অন্তর্ভুক্ত করা হইল না।

ভূমিকা

পুরীর সমুদ্রে যাঁরা স্নান করতে নেমেছেন, অথবা যাঁরা সেখানে নুলিয়ারদের নৌকো নিয়ে দূর সমুদ্রে এগিয়ে গিয়ে মাছ ধরা দেখেছেন তাঁরা জানেন তীরের কাছাকাছি এসে সমুদ্রের ঢেউগুলি পাহাড়-প্রমাণ উঁচু হয়ে দুইয়েরই বাধা সৃষ্টি করে। স্নানার্থীরা সেই ব্রেকার বা উত্তাল তরঙ্গভঙ্গের আগেই ডুবে গিয়ে তা থেকে আত্মরক্ষা করে, আর নুলিয়ারা বহু দৃশ্য সহ্য করে অনেক সময় নৌকো সমেত ডিগবাজী খেয়ে প্রথম বাধাগুলি পার হয়ে গেলে অনেকটা শান্ত সমুদ্রে গিয়ে উত্তীর্ণ হয়।

ঠিক এর সঙ্গে সৈয়দ মুজতবা আলীর ভাষাভঙ্গির তুলনা করতে পারলে পাঠককে তা বোঝাবার পক্ষে সুবিধাজনক হত। কিন্তু মুজতবার ভাষাভঙ্গি, বানান, উচ্চারণ, লিপ্যন্তর, ইডিয়ম প্রভৃতি তাঁর অধিকাংশ রচনার মধ্যে সমুদ্রের ঢেউয়ের মতোই মাঝে মাঝে ধাক্কা মারে, এবং তা শুধু মরুভূমিতে নয়। এ ধাক্কা অবশ্য অভাব্য পাঠকের সহ্য হয়ে যায় এবং পাঠক তখন তাঁর রচনা-সমুদ্রের শান্ত গাভীরের স্তরে ডুবে গিয়ে অনায়াসে লেখককে ক্ষমাও করতে পারেন। এবং শুধু তাই নয়, লেখককে ভালবাসতেও পারেন।

লেখার কোন্‌ গুণে এটি সম্ভব সে আলোচনা পরে করছি। কিন্তু তার আগে এই চরম খেয়ালি অথচ নিরহঙ্কার লেখকটির ভাষা খেয়ালের কিছু নমুনা দিই। কারণ নতুন পাঠক এই সব অপরিচিত ইডিয়ম ইত্যাদিতে ধাক্কা খেয়ে লেখককে ভুল না বোঝেন।

মুজতবা সব স্থানে লিখেছেন চেষ্টা দেওয়া অথবা প্রচেষ্টা দেওয়া। অনভ্যস্ত কানে বিষম লাগে। অথবা man proposes-এর বাংলা করা হয়েছে মানুষ প্রস্তাব পাড়ে। অজ্ঞতা নয়, এ তাঁর নিজস্ব ভাষা। বেপমানের স্থলে বেপখুমান, অপর্থাপ্ত অর্থে অপচরু, অপরিচ্ছিন্ন শব্দের সঙ্গে কেন লিখলেন ‘মলিন অর্থে নয়’? উপমিত ও উপমেয়-এর স্থলে তুল্য ও তুলনীয় কেন? তারপর লিপ্যন্তর। এ, অ্যা, এ্য ও এ্যা এই চার রকম বানান আছে। ভাষাবিজ্ঞানের মতে অ্যা হওয়া উচিত। পার্লিমেন্ট সর্বত্র। পেলেস (প্যালেস), এশেমড (অ্যাশেমড)। সাইকোঅ্যানালিসিস, ক্যারেবিয়ান লিপ্যন্তরে অ্যানালিসিস এবং ক্যারিবিয়ান হওয়া উচিত। Function ফন্ক্শন কেন? Zinc জিনক কেন? গ্যোয়েবলস, গ্যোয়েরিং, গ্যোয়েট হয়েছে গ্যোবলস, গ্যোরিং, গ্যোটে, Roosevelt রোজোভেলট কেন? রুজভেন্ট বা রোজভেলট হওয়া উচিত ছিল। Concentration কনসানট্রেশন কেন? ফ্রয়লাইন ফ্রলাইন কেন? মহারাজাকে ‘মহরাটশা’ কেন বলবে জার্মানরা? মাহারাজা বলবে। Maharajah হলে ‘মাহারাৎসা’ হতে পারত। তবু মহা নয়, মাহা। Valet ভ্যালে কেন সর্বত্র? এটি না ইংরেজী না ফরাসী না জার্মান উচ্চারণ। উদ্ধৃতিতেও গণ্ডগোল আছে। Dog and the manger নয়—in the manger হবে। এ রকম কত যে আছে।

এ রকম ধাক্কা নতুন পাঠকের পক্ষে অসুবিধাজনক হতে পারে। কিন্তু এ সবও তুচ্ছ হয়ে যায় যখন লেখক মানুষটির সমস্ত মধুর ব্যক্তিত্বের গভীর স্পর্শ পাওয়া যায় তাঁর রচনাগুলির ভিতর দিয়ে। এ থেকে পাঠকের মুক্তি নেই। মুজতবা এত জনপ্রিয় তার অনেকগুলি কারণ। প্রথম কারণ কৃত্রিমতাহীন সরল বলার ভঙ্গি। দ্বিতীয় কারণ তাঁর আশন

সম্পর্কে সম্পূর্ণ অহঙ্কারহীনতা। তৃতীয় কারণ যাঁর বিষয়ে বলতে গেছেন তাঁর প্রতি আছে তাঁর গভীর মমত্বপূর্ণ শ্রদ্ধা ও ভালবাসা। অনেক ক্ষেত্রে নিজেকে নিয়ে কৌতুক ও নিজের প্রতি মৃদু ব্যঙ্গ বর্ষণ। চতুর্থ কারণ লঘু বিষয়ে লঘু চাল ও গুরু বিষয়ে যথার্থ চিন্তাশীলতার প্রকাশ। সবার প্রতি গৌড়ামি বর্জিত অভিগম বা অ্যাপ্রোচ। যেখানে বেদনা, সেখানে তিনি অন্যের বেদনার অংশীদার হয়েছেন। অনেক সময় হৃদয় থেকে যেন রক্ত ঝরেছে বেদনা প্রকাশ করতে গিয়ে। তাঁর মাতৃভক্তি, ভ্রাতৃপ্রেম, বন্ধুবাৎসল্য তুলনাহীন।

মুজতবা প্রকৃত কথা-শিল্পী, কথা বলার আর্ট তাঁর জন্মগত। এ বিষয়ে আমার নিজেরও কিছু অভিজ্ঞতা আছে তাঁর বিষয়ে। আমার বয়স যখন বাইশ-তেইশ, আর মুজতবার বোল, সেই সময় (১৯২১) আমরা কিছুদিন পাশাপাশি বিছানায় কালযাপন করেছি। তখনই দেখেছি তাঁর অবিরাম কথা বলে ও নানা ম্যাজিক দেখিয়ে (প্রায় টম সইয়ারের মতো) আশ্চর্যপ্রকাশের চেষ্টা। তারপর দীর্ঘ ৩২ বছর পরে দেখা। গার্সিন প্লেসে, অল ইন্ডিয়া রেডিওতে। ঘণ্টা দুই একত্র কাটিয়েছি। এর মধ্যে আমি কথা বলার সময় পেয়েছি বোধ হয় পনেরো মিনিট মোট। প্রথম পরিচয় ১৯২১, শেষ দেখা ১৯৭১। এর মধ্যে দীর্ঘ পঞ্চাশ বছর পার হয়ে গেছে। স্থান আমার বাড়ি। আড়াই ঘণ্টা ছিলেন, সেদিনও আমি শ্রোতা, তিনি বক্তা।

তাঁর মুখের মতো তাঁর কলমও অবিরাম কথা বলতে চায়। এদিক থেকে দেখলে মনে হয় তাঁর যে তিনখানা বই বিষয়ে আমি আলোচনা করছি, তার অনেকগুলি রচনাই এই অবিরাম কথা বলার দৃষ্টান্ত। আর ঠিক এই কারণেই সে-সব রচনায় ব্যাকরণ গৌণ হয়ে পড়েছে। কিন্তু পাঠকের পক্ষে সেটি যে বড় বাধা হয়ে ওঠেনি, মুজতবার জনপ্রিয়তাই তার প্রমাণ। তাঁর সমস্ত চিন্তাকর্ষক ব্যক্তিত্ব তাঁর লেখার ছত্রে ছত্রে প্রকট।

অন্যের বেদনা তাঁর মনে যে বেদনার সঞ্চার করেছে, তাই থেকে কত না অশ্রুজলের প্রথম দিকের অনূদিত রচনাগুলি। গত দ্বিতীয় মহাযুদ্ধের যারা বলি—তরুণ-তরুণীই অধিকাংশ, তারা মৃত্যুর মুখোমুখি দাঁড়িয়ে তাদের নিকটতম প্রিয়জনকে যে সব অপূর্ব সুন্দর চিঠি লিখে গেছে তারই একটি সংকলন গ্রন্থ থেকে অনেকগুলি চিঠি এই বইয়ে ব গোড়ার দিকে দেওয়া হয়েছে। চিঠিগুলি স্বভাবতই মর্মস্পর্শী। মুজতবার প্রধানত হাঙ্কা মেজাজের নিচের স্তরে যে একটি গভীর সংবেদনশীল মন আছে, তার প্রতিটি তন্ত্রীতে যেন এই চিঠিগুলির বেদনা ঘা দিয়েছে, তাই তিনি এগুলি বেছে নিয়েছেন বাঙালী পাঠকদের দেখাবার জন্য। এই সঙ্গে পটভূমিরূপে প্রথম মহাযুদ্ধের বলি তরুণ কবি ওয়েনের ডায়ারি এবং রবীন্দ্রনাথকে লেখা তাঁর মায়ের চিঠির উল্লেখ থাকলে ভাল হত।

কিন্তু সব রচনাই অশ্রু নয়। সৈয়দ ভসি ও মেজাজের রচনাও আছে, প্রায় টেবিলে বসে বলা, শুনতে বেশ লাগে। 'নট গিলটি' এই জাতীয় রচনা। পরবর্তী কয়েকটিও তাই। একেবারে শূন্যগর্ভ নয়, চিন্তার পরিচয় আছে, ভাববার কথাও আছে। স্পাইন্ডের গল্পগুলিও চমকপ্রদ, ভাল লাগে পড়তে।

'আধুনিকের আশ্চর্যত্যা' যেমন কাজের কথায় তেমনি মজার কথায় ভরা। আধুনিকতা নিয়ে মুজতবা যেসব দিকে ইঙ্গিত করেছেন, তা আমার বিশেষ ভাল লেগেছে। এর সঙ্গে

বিশ্বভারতীর স্মৃতি আছে এবং শেষ পর্যন্ত পিকাসো বিষয়ে যেসব চমকপ্রদ কথা মুজতবা সংগ্রহ করে এতে উদ্ধৃত করেছেন, তা পড়লে শিরীজগৎ স্তম্ভিত হবে। এবং প্যারিসের ডি-লিট পাওয়াও অতি মনোরম। আমি কিছু উদ্ধৃত করছি—

“শেষটায় ভিটেমাটি বেচে, কালোবাজারে ফরেন এক্সচেঞ্জ কিনে যদি প্যারিসে চলে যান, ভুলবেন না ফেরার সময় মঁ পলিয়ে থেকে একটা ডি-লিট নিয়ে আসবেন, এ দেশে কাজে লাগবে। প্ল্যাটফর্মেই বোধ হয় সনদ বিক্রি হয়, নয়তো দু’একদিন বিশ্ববিদ্যালয় পাড়ায় বাস করে রেডিমেড থীসিস কিনে সেটা পেশ করা মাত্রই সনদটা পেয়ে যাবেন সঙ্গে সঙ্গে। ডট করা লাইনের সঠিক জায়গায় নাম সহই করতে কিংবা টিপসই দিতে যেন ক্রটি না হয়।”

পিকাসো সম্পর্কে যেসব তথ্য এ রচনায় সংগ্রহ করা হয়েছে তা পড়লে ত্রৈলোক্যনাথ মুখোপাধ্যায়ের ভূতের গল্পের সঙ্গে তাঁর নিজের ভূতে অবিশ্বাস বিষয়ে মন্তব্যের কথা মনে পড়ে যাবে। পিকাসো বলেছেন, লোকে চায় তাই আমি আর্টের নামে বান্দরামি করি। আর ত্রৈলোক্যনাথ তাঁর ইওঁ ‘প দর্শন বইতে বলেছেন, আমি কোনো ভূতেই বিশ্বাস করি না, জীবিত বা মৃত কোো। ভূতেই না।

তবে দুইয়ের তুলনা চলে না, কারণ পিকাসো জ্ঞানপাপী, টাকার জন্য আর্টের নামে লোক ঠকিয়েছেন এতকাল। ত্রৈলোক্যনাথের গল্পের ভূত লোক-ঠকানোর জন্য নয়।

মুজতবার এ রচনাটি বিশেষ মূল্যবান নানা দিক থেকে। এতে তাঁর ‘আধুনিকতা’ বিষয়ে চিন্তায় কিছুমাত্র অস্পষ্টতা নেই।

কত না অশ্রুজলের অন্যান্য রচনাও বিষয়বৈচিত্র্যে এবং পাঠকের চিত্ত-আকর্ষণকারী ক্ষমতায় কিছুমাত্র কম নয়। “হিটলারের শেষ প্রেম” তথ্যপূর্ণ রচনা। সবচেয়ে মজার “দ্বন্দ্ব পুরাণ”। কীর্তিমানদের জীবনে যা ঘটে তা থেকে ক্রমে কিভাবে লেজেভ তৈরি হয় তার আলোচনা হৃদয়গ্রাহী। শান্তিনিকেতনের গাদুলীমশাই-এর আসন্ন গান্ধী আগমনের প্রস্তুতির জন্য প্রাণান্তকর কর্মতৎপরতা, অসম্ভব সব আয়োজন, এবং তার অ্যাণ্টিক্লাইম্যাক্স, যে কোন রোমাঞ্চকর উপন্যাসের মতো চিত্তগ্রাহী। এবং গান্ধীজীর ইটালিয়ান জাহাজে ভ্রমণও এর সঙ্গে তুলনীয়। বর্ণনাগুলি এমন কৌতুককর, এবং রবীন্দ্রনাথ গান্ধীজী এবং গাদুলীমশাই প্রভৃতির চরিত্র উদ্ঘাটক যে, শুধু এই জাতীয় রচনাতেই মুজতবার একটা দিকের পরিচয় অতি সুন্দর ভাবে পাওয়া যায়। কিন্তু গুরুদেবের ঠাকুরদার উক্তি ভুল করে গুরুদেবের পিতার মুখে দেওয়া হয়েছে। Babu often changes his mind—এটি প্রিন্স দ্বারকানাথের কথা, মহর্ষিদেবের কথা নয়।

দু-একটি শব্দের যথাযথ ব্যবহার অনেকেই করতে পারেন না, মুজতবাও সেই দলে পড়েছেন। ‘উদ্দেশ্য’ ব্যবহৃত হয় ক্রিয়ার সঙ্গে যুক্ত থাকলে। দর্শনের উদ্দেশ্যে, ক্রয়ের উদ্দেশ্যে, আহারের উদ্দেশ্যে। আর ‘উদ্দেশ্যে’ ব্যবহৃত হয় ব্যক্তি স্থান বা বস্তু সম্পর্কে। কলকাতার উদ্দেশ্যে, রবীন্দ্রনাথের উদ্দেশ্যে। মুজতবার লেখায় ঐ শব্দটি ভুল এবং নির্ভুল দু’রকমই আছে। ঐ যে চারিত্রিক অসতর্কতা, তা নইলে মুজতবার পরিচয় সম্পূর্ণ হবে কেন?

মুজতবা নাৎসি জার্মানির সঙ্গে পরিচিত ছিলেন। তাই হিটলার বিষয়ে তাঁর পড়াশোনার আগ্রহ স্বভাবতই হয়েছে। এবং তাঁর নানা রচনায় হিটলার বিষয়ক বহু তথ্য এবং তাঁর ব্যক্তিগত জীবন ও রাজনৈতিক জীবনের অনেক তথ্য তিনি তাঁর বইতে দিতে পেরেছেন। এবং হিটলার নামক পৃথক একখানি পুস্তকই লিখেছেন। হিটলারের ট্রাজিক জীবনের খুঁটিনাটি শুধু নয়, তাঁর বন্ধু হিমলারের হাতে প্রায় পঞ্চাশ লক্ষ ইহুদিকে গ্যাস চেম্বারে পুড়িয়ে মারার বিবরণে শিউরে উঠতে হয়। ঠিক যেমন পূর্ব পাকিস্তানে বাঙালীদের সঙ্গে যুদ্ধে ইয়াহিয়া খাঁর হাজার হাজার বুদ্ধিজীবী বাঙালী নিধনের বর্বরতার কথায় আমরা শিউরে উঠেছি। এবং তার সঙ্গে অ্যামেরিকান সাপ্তাহিকে ছাপা সেই বর্বরতার ছবিও দেখেছি।

এ খণ্ডে অবশ্য হিটলারের শেষ দশ দিবসের অবশ্যজ্ঞাবী পরিণতির রোমাঞ্চকর কাহিনী বিবৃত হয়েছে। হিটলার কখনই নেই, তাঁর বিষয়ে লোকের আগ্রহও বিশেষ আর নেই, কিন্তু এ বইয়ের বর্ণনা যে-কোনো ট্রাজিক নাটককে হার মানাবে। এবং এখানে হিটলার শুধু ঐতিহাসিক একটি চরিত্র নন, এখানে তিনি ঐ মর্মান্তিক নাটকের প্রধান চরিত্র।

বড়বাবু নামক পুস্তকখানি, এবং যেমন কত না অশ্রুজল নামক পুস্তক—নামের দিক থেকে খুব সঙ্গত হয়েছে মনে হয় না। বিশেষ করে বড়বাবু। নামের সঙ্গে ‘ও অন্যান্য রচনা’ জুড়ে দিলে ভাল হত। কারণ বড়বাবু এ বইতে দ্বিজেন্দ্রনাথ ঠাকুর নামক প্রথম রচনা। স্যালাড তৈরির ব্যবস্থাপত্রও আছে একটি রচনায়। কাজেই বড়বাবু ভ্রান্তি ঘটায়।

কিন্তু দ্বিজেন্দ্রনাথ ঠাকুর পড়লে পুস্তকের নাম কি তা আর মনেই পড়বে না। এই একটি মানুষ এ দেশে আর হয় নি, হওয়া সম্ভব কিনা তাও জানি না। জ্যোতিরিন্দ্রনাথের সঙ্গে দূর তুলনা হয়তো একটুখানি চলতে পারে। দ্বিজেন্দ্রনাথ আমার একটি মস্ত বড় বিস্ময়। তাঁর বিষয়ে মুজতবা তাঁর বড়বাবু রচনাটি যতদূর সম্ভব তথ্যে ভরে দিয়েছেন। দ্বিজেন্দ্রনাথের প্রতিভার যত দিক প্রায় সবই তিনি ছুঁয়ে ছুঁয়ে গেছেন। এক দিকে তাঁর বিরাট পাণ্ডিত্য, অন্য দিকে তাঁর বস্লামেট্রির খেলা। এর তুলনা হয় না। বাংলা শর্টহ্যান্ড নিয়ে তাঁর কত গবেষণা। এবং অনেক নির্দেশ ও বলবার কথাই ছন্দে লেখা। গভীর চিন্তাশীলতার সঙ্গে শৈশবের মিলন ঘটতে দেখা যায় না সহজে। “আপন স্বপন মাঝে বিভোল ভোলা”—বিশেষগটি মনে হয় দ্বিজেন্দ্রনাথ সম্পর্কে বেশি খাটে।

রথীন্দ্রনাথ ঠাকুর তাঁর পিতৃস্মৃতিতে এই শিশু ভোলানাথ বিষয়ে অনেক চমকপ্রদ সংবাদ দিয়েছেন। সুধাকান্ত রায়চৌধুরীর লেখা শ্রীদ্বিজেন্দ্রনাথ ঠাকুর বইতেও অনেক মজার ঘটনার উল্লেখ আছে। ঠাকুর পরিবারের অনেকেই ছিটগস্ত ছিলেন। উম্মাদ সীমানার একচুল এদিক ওদিক। একখানা পা সম্পূর্ণ ঐ সীমানার দিকে বাড়ানোই ছিল।

দ্বিজেন্দ্রনাথ এই উম্মাদ ব্যাধির উদারা মুদারা তারা—এই তিন সপ্তকের প্রত্যেকটি সুর ছুঁয়ে গেলেও কোন্ দৈবশক্তিতে সুস্থ মানুষ রূপেই পরিচিত ছিলেন, এও এক পরমার্শ্ব ঘটনা। কোন্ মন্ত্রবলে তিনি ঘোষিত উম্মাদ হন নি, এ আমার বোধের অতীত। তাঁর সমস্ত আচরণ, সমস্ত পাণ্ডিত্য, সমস্ত সাধনার স্থিতি ছিল সকল লোভ লালসা

স্বার্থের উর্ধ্বে। তাঁর সমস্ত আচরণের, ভিতরে ভিতরে একটি শিশু খেলা করে বেড়াতে। রবীন্দ্রনাথ লিখেছেন, সভায় পঠিতব্য কোনো রচনা (দর্শন বিষয়ে) লেখা শেষ হলে সভায় পাঠের আগে কাউকে পড়ে শোনাতেন। একদিন কাউকে না পেয়ে বাড়ির বুড়ো ঝিকে পড়ে শুনিয়েছিলেন। সে এক পরম দুর্লভ দৃশ্য। দ্বিজেন্দ্রনাথ 'সার সত্য' নামক কঠিন প্রবন্ধ পড়ছেন আর ঝি মাথায় ঘোমটা টেনে ধৈর্যের সঙ্গে তা শুনছে।

স্বদেশী আন্দোলনের সময় পল্লীগ্রামে যেখানে-সেখানে নানারকম দেহচর্চা আরম্ভ হতে দেখেছি। তার মধ্যে একটি, সোজা দাঁড়িয়ে দেহটাকে চক্রাকারে ঘুরিয়ে মাথা সমেত হাত দুটি পা স্পর্শ করার খেলা। দেহের সম্মুখভাগটা আকাশের দিকে। এ ব্যায়াম খুব কঠিন (আমি চেষ্টা করে পারি নি)। যাই হোক, মাথাটা পায়ের সঙ্গে স্পর্শ করানোর সেই দৃশ্যটা মনে পড়ে দ্বিজেন্দ্রনাথের মগজ ও পা এক সমতলে এনে ব্যবহারের ক্ষমতায়। এক প্রান্তে পণ্ডিত ও অন্য প্রান্তে শিশু।

মুজতবা এ মানুষটির অনেক দিকের পরিচয়ই দিয়েছেন দৃষ্টান্ত সমেত—অবশ্য সংক্ষেপে যতটা দেওয়া সম্ভব। দ্বিজেন্দ্রনাথের প্রতি আমার নিজের কিছু দুর্বলতা আছে, তাই আরও ভাল লাগল রচনাটি। আজও মনে পড়ে সেই ঋষিতুল্য ব্যক্তির চেহারাটি—রিকশায় তাঁকে ছুটে আসতে দেখেছি বিধুশেখর শাস্ত্রীর সঙ্গে দার্শনিকতত্ত্ব আলোচনার জন্য।

লেখক একটি প্রশ্ন তুলেছেন, দ্বিজেন্দ্রনাথ কেন বাংলায় শর্টহ্যান্ড প্রচলনের জন্য উঠে পড়ে লাগলেন। আমাব মনে হয় যিনি বঙ্কোমেট্রি তৈরিতে এত যত্নবান ছিলেন, তাঁর পক্ষে শর্টহ্যান্ড পদ্ধতি উদ্ভাবনের চেষ্টা আদৌ অস্বাভাবিক নয়। অক্ষের খেলাও তাঁর প্রিয় ছিল। শর্টহ্যান্ড উপলক্ষে তাঁর বাংলা বানান সংস্কারের নির্দেশ পরবর্তীকালে অনেক ক্ষেত্রে গৃহীত হয়েছে।

“কর্মের ম-এ মফলা অকর্ম বিশেষ
কার্যের য-এ যফলা অকার্যের শেষ।...”

এখন আর এই রেফের ক্ষেত্রে দ্বিত্ব বর্জন অস্বাভাবিক মনে হয় না।

এই রচনার একস্থানে আছে : “লোকমুখে শুনেছি সকলের অজান্তে এক ভিথিরি এসে তাঁর কাছে ভিক্ষা চাইলে তিনি বললেন, আমার কাছে তো এখন কিছুই নেই, তুমি এই শালখানা নিয়ে যাও।...ভিথিরি প্রথমটায় নাকি নিতে চায়নি।”

তারপর দিনেন্দ্রনাথ বোলপুর থেকে শালখানা উদ্ধার করেন। আমি অনুরূপ আর একটি কাহিনী পড়েছি, পার্ক স্ট্রীটে থাকতে দ্বিজেন্দ্রনাথ একখানা ট্রাইসাইকেলে ময়দানে ঘুরতেন। একদিন এক ভিথিরিকে অন্য কিছু দেবার মতো না পেয়ে সেখানা দান করেন। দুই ঘটনাই সত্য কিনা বোঝা যায় না। হয়তো একটা সত্য। প্রণাম, দ্বিজেন্দ্রনাথকে।
Others abide our question, Thou art free.

পরবর্তী রচনা 'রবীন্দ্রনাথের আত্মত্যাগ'। রবীন্দ্রনাথ জীবনে যে দুঃখ পেয়েছেন, যে দুঃখ দেখেছেন এবং তার শরিক হয়েছেন, তার কিছু কিছু পরিচয় আছে এতে। এ সব দুঃখ-বেদনা রবীন্দ্রনাথের মতো অতি স্পর্শচেতন মনে কি মর্মভেদী আঘাত হেনেছে তার

অংশবিশেষ মাত্র আমরা জানতে পারি, তাঁর গানের ভিতর দিয়ে, কাব্যের ভিতর দিয়ে। সে কি মর্মান্তিক ভাবা ও প্রকাশ। অথচ কত সংযত। কবি সমস্ত জীবন একের পর এক আঘাত পেয়েছেন, কিন্তু কখনও ভেঙে পড়েন নি। নীরবে সব মেনে নিয়ে তার উর্ধ্বে মাথা তুলেছেন। দুঃখ-বেদনাকে দার্শনিকতা অথবা কাব্যের ভিতর দিয়ে প্রকাশ করে তবে মনকে শান্ত করেছেন।

সকল জখম যে এড়িয়ে যাওয়া যায় না, সে কথা বোঝাপড়া নামক কবিতাতে স্পষ্ট বলেছেন যৌবন বয়সেই। বলেছেন—

অনেক ঝঞ্জা কাটিয়ে বুঝি
এলে সুখের বন্দরেতে,
জলের তলে পাহাড় ছিল
লাগল বৃকের অন্তরেতে,
মুহূর্তেকে পাজরগুলো
উঠল কেঁপে আর্তববে
তাই নিয়ে কি সবার সঙ্গে
ঝগড়া কবে মরতে হবে?

এমনি অতর্কিতে আঘাত এসেছে। এবং অনেক সময় এমনও গেয়েছেন—
আরও আঘাত সইতে হবে সইবে আমরা—। এমন কত আত্মসাক্ষনা, এবং যিনি বলতে পারেন—

ক্ষত যত ক্ষতি যত মিছে হতে মিছে,
নিমেষের কুশাকুর পড়ে রবে নিচে।
কী হল না কী পেলে না, কে তব শোধেনি দেনা,
সে সকলি মরীচিকা মিলাইবে পিছে।

তাঁর জীবনে বেদনা-আঘাতের আর নতুন সংবাদ কি শোনানো যাবে? অথচ যখনই এই অপরূপ জীবনদর্শনের কথা আলোচনা করা যায়, তখনই তা নতুন বোধ হয়। নতুন বিস্ময়। নতুন একটি ব্যক্তির মহৎ পরিচয়। যে ব্যক্তি অনন্যসাধারণ, যিনি আর সবার উর্ধ্বে।

এই রচনাটির নাম ববীন্দ্রনাথের আত্মত্যাগ হওয়া ঠিক মনে হয় না। ত্যাগের প্রশ্ন কোথায়? সর্বত্র বেদনাকে গ্রহণের প্রশ্নই আলোচিত হয়েছে। সর্বত্রই ভাগ্যের হাতে বঞ্চনা।

মুজ্তাবার আর একটি মন্তব্য আলোচনার যোগ্য। তিনি এই রচনাটির একস্থানে বলেছেন—

আপাতদৃষ্টিতে আমাদের মনে হয়, পৃথিবী নিশ্চল এবং ধ্রুবতারা ধ্রুবস্থির।
বৈজ্ঞানিকেরা কিন্তু বলেন, এ বিশ্বব্রহ্মাণ্ড—মায় ধ্রুবতারা প্রচণ্ড গতিবেগে
কোন অজ্ঞানার দিকে যে ধেয়ে চলেছে সে খবর কেউ জানে না। তাই
বলে ববীন্দ্রনাথ যখন লেখেন

দেখিতেছি আমি আজ

এই গিরিরাজি,

এই বন, চলিয়াছে উন্মুক্ত ডানায়

দ্বীপ হতে দ্বীপান্তরে, অজানা হইতে অজানায়।

তখন তিনি কোনো বৈজ্ঞানিক সত্য মস্তিষ্ক দিয়ে বুঝে, তারপর হৃদয় দিয়ে অনুভব করে সেটি কবিতার রসে প্রকাশ করছেন না। এটা প্রত্যক্ষ অনুভূতি পুত্রশোকে মাতার কাতরতা যেমন সোজা অনুভূতি, প্রিয়জন-বিরহ আমাদের বুকে যেমন সরাসরি বেদনার অনুভূতি এনে দেয়, সেই রকম।

এর মধ্যে প্রত্যক্ষ অনুভূতি বা immediate perception অথবা experience বোঝাতে শুধু বিচ্ছেদ-বেদনার প্রত্যক্ষ অনুভূতির কথা এলো কেন? কিন্তু আসল কথা, বলাকা কবিতার “দেখিতেছি আমি আজি”—ইত্যাদির মূলে কোনো পূর্বলব্ধ বৈজ্ঞানিক সত্য অথবা উপনিষৎ থেকে পাওয়া সত্যের সম্পর্ক নেই, মুক্তবার এ কথা বিপ্রান্তিক। গিরিরাজি বন ইত্যাদির ছুটে চলা কল্পনার ‘প্রত্যক্ষ দর্শন’ ছাড়া কখনও ইন্দ্রিয়গত প্রত্যক্ষ দর্শন বা immediate perception হতেই পারে না। পূর্বলব্ধ জ্ঞানের উপর প্রতিষ্ঠিত হয়েই এই কবিসুলভ ‘প্রত্যক্ষ অভিজ্ঞতা’। মনটা tabularasa হলে এই প্রত্যক্ষ অভিজ্ঞতা হতে পারত কি?

রবীন্দ্রমানসে পূর্বলব্ধ জ্ঞান কি ভাবে ছিল তার দৃষ্টান্ত দিচ্ছি—

- ১। আমরা বীজকে ক্ষুদ্রকালের মধ্যে বীজরূপে দেখিতেছি, কিন্তু বৃহৎ কালে তাহাকে দেখিতে গেলে তাহা গাছ হইয়া অরণ্য পরম্পরার মধ্য দিয়া নানা বিচিত্ররূপে ধাবিত হইয়া পাথুরে কয়লার খনি হইয়া আওনে পুড়িয়া ধোঁয়া হইয়া ছাই হইয়া ক্রমে যে কী হইয়া যায় তাহার উদ্দেশ্য পাওয়াই শক্ত। (রূপ ও অরূপ)
- ২। যদি এমন হতে পারত যে আমি যে কালটাতে আছি সেটা যেমন আছে তেমনি থাকত অথচ গাছের ঐ পাতাটার সম্বন্ধে এক মাসকে এক মিনিটে ঠেসে দিতে পারতুম, তবে পাতা হওয়ার পূর্ববর্তী অবস্থা থেকে পাতা হওয়ার পরবর্তী অবস্থা পর্যন্ত এমনি ছস করে দৌড় দিত যে আমি ওকে প্রায় দেখতে পেতুম না। জগতে যে সব পদার্থ আমাদের কাল থেকে অভ্যস্ত ভিন্ন কালে চলছে তারা আমাদের চারদিকে থাকলেও তাদের দেখতেই পাচ্ছি, এমন হওয়া অসম্ভব নয়। (আমার জগৎ)

এ ছাড়াও বহু দৃষ্টান্ত দেওয়া যেতে পারে (ক্ষিতিমোহন সেনের ‘বলাকা’ হতেও) যে, তাতে নিশ্চিত বোঝা যেত রবীন্দ্রনাথ ছোট কালকে বড় কালের মধ্যে ফেলে এবং বড় কালকে ছোট কালের মধ্যে ফেলে দেখার চিন্তা কত ভাবে করেছেন। একটাতে কাল যেন চলছে না, অন্যটাতে কাল নক্ষত্রবেগে ছুটে চলেছে। “তদেজতি তমৈজতি তন্দুরে তদ্বস্তিকে—সে চলেও বটে চলে নাও বটে, সে দূরেও বটে নিকটেও বটে।” বিভিন্ন দৃষ্টিকোণ থেকে দেখলে একই জিনিস বিভিন্ন রূপে প্রতিভাত হয়—এ কথা আইনস্টাইনের তত্ত্বও স্বীকার করছে। অতএব মুক্তবার প্রত্যক্ষ দর্শনের সিদ্ধান্তটা খুব

স্পষ্ট হয় নি তাঁর লেখায়। তাছাড়া slow motion ও rapid motion-এ সিনেমা ছবি তুলে একই কালকে অতি সচল ও অতি অচল রূপে দেখানোর ঘটনা অনেক দিনের।

এ বইতে এই দুটি ছাড়া আরও নানা শ্রেণীর এবং নানা আকারের ১৯টি রচনা আছে। বিষয়বস্তুর চরিত্র অনুযায়ী কোনোটি নিতান্তই ব্যক্তিগত শ্রদ্ধা নিবেদন, কোনোটা বিশেষ ভেবেচিন্তে লেখা, কোনোটা ভাষা বিষয়ে, কোনোটা বা অন্য লেখক বা শিল্পী বিষয়ে। কিন্তু যে বিষয়ে হোক, মুজতবা মুখ খুললে তা শ্রোতার না শুনে উপায় থাকে না। এক্ষেত্রে অবশ্য পাঠকের কথা বলছি। যদিও মুজতবা বারবার বলেছেন তিনি চাকরি পেলে লেখেন না, চাকরি না থাকলে লেখেন, তবু তাঁর নিজস্ব প্রকাশভঙ্গি প্রায় সব স্থানেই উপস্থিত। এবং চাপে পড়ে লেখা অনেক লেখকের ক্ষেত্রেই সত্য, এবং তা আছে বলেই অনেক ভাল লেখার জন্ম হয়েছে।

হাসনুহানা নিয়ে গবেষণামূলক রচনাটি অনেক তথ্যে সমৃদ্ধ এবং উপাদেয়। যে-কোনো বিষয়ে চিন্তা করতে গেলেই মুজতবার মনে একই সঙ্গে আরও দশ রকম চিন্তা ভিড় করে আসে, কিন্তু তাতে রচনার স্বাদ আরও বাড়িয়েই দেয়।

ঢাকার কুটিদের বিষয়ে রচনাটি বেশ। কিন্তু কুটির উৎপত্তি বিষয়ে কিছু সন্দেহ রয়ে গেল। ওদের বিষয়ে একটি কাহিনী এই রচনায় আছে। ঘোড়াগাড়ির ভাড়া নিয়ে দর কষাকষি। দেড় টাকা সাধারণ ভাড়া, কিন্তু বাবুর জন্য এক টাকাতেই রাজি। বাবু বললেন, বল কি, ছ আনায় হবে না? কুটি গাড়োয়ান বলল, আস্তে কন কস্তা, ঘোড়ায় শুনলে হাসবো।—আমি গল্পটা আর একরকম শুনেছি। ছ আনা শুনে কুটি বলল, ওরে, বাবুরে চাকার লগে বাঁধা ল।

দরখাস্ত নামক রচনার এই ঘটনাটি পড়ে আমার একটি গল্প মনে পড়ল। মুজতবা লিখছেন—

একবার ফ্রান্সে ঢোকবার ফর্মে প্রশ্ন ছিল—তোমার জীবিকানির্বাহেব উপায় কি?

উত্তরে লিখেছিলুম কিছুদিন অন্তর অন্তর চাকরি রিজাইন দেওয়া।

তাহলে চলে কি করে?

তুমি রেজিগনেশনগুলো দেখছ আমি চাকরিগুলো দেখছি।

আমার যে গল্পটি মনে পড়ল :

এক চাকরিপ্রার্থিনীর সঙ্গে নিয়োগকর্তার কথা হচ্ছিল।

“তুমি কি অবিবাহিত?”

“তিনবার।”

মাঝে মাঝে চাকরি ছাড়া এবং স্বামী ছাড়া প্রায় একই। অবশ্য নতুন দেশে প্রবেশের মুখে যে সব মজার কাণ্ড ঘটে তা চেস্টারটনের একটি রচনায় পড়েছিলাম এককালে। প্রত্যেকেরই মজার অভিজ্ঞতা আছে এ বিষয়ে।

মুজতবার ভাষা ব্যবহারের খামখেয়ালির কথা আর একবার বলি। তাঁর যৈ সব শব্দ বা ইডিয়ম বাংলা নয়, তাব অনুকরণ অন্যের দ্বারা অসম্ভব, অতএব তাতে ভয়ের কারণ কিছু নেই। কিন্তু যে সব ডুল শব্দ ব্যবহারে তিনি অন্য লোকের অনুকরণ করেছেন সেখানে সাবধান হওয়া দরকার। দৃষ্টান্ত দিচ্ছি। তিনি একস্থানে লিখেছেন “ঢেলে সাজানো”। এই ইডিয়মটি ডুল। কারও সাজ ঠিক না হলে তা ‘ঢেলে’ অন্য সাজ পরানো

বলে না। ‘খুলে ফেলে’ বা ‘বদলে ফেলে’ বলে। ঢালা এবং সাজা এ দুটি পরস্পর সম্বন্ধযুক্ত। কলকে থেকে পোড়া তামাক ঢেলে নতুন করে সাজা থেকে এসেছে কথাটা। তামাক সাজানো নয়, সাজা (যেমন পান সাজানো নয়, পান সাজা)। এখানে ঢালা মানেই কলকে থেকে পোড়া তামাক ঢালা। অতএব নতুন সাজ পরানোর কথায় ‘ঢেলে’ ব্যবহার করলে তার সঙ্গে ‘সাজা’ ব্যবহার্য। সাজানো নয়, ‘ঢেলে সাজা দরকার’ বলতে হবে। তামাক সাজিয়ে আন কেউ বলে না, সেজে আন প্রকৃত বাংলা ইডিয়ম। মুজতবা হাঁকো টানলে বুঝতে পারতেন। তাছাড়া তাঁর নিজস্ব উচ্চারণে কনফিড্যান্টকে কনফিডেন্ট বলা কিছু বিপজ্জনক হয়েছে। ‘কনফিড্যান্ট’ ব্যক্তিকে বোঝায়, ব্যক্তিগত গোপনীয়তা যে রক্ষা করবে। কিন্তু বাংলায় সেই অর্থে তাকে কনফিডেন্ট উচ্চারণ করলে তার মানে তো ঠিক রইল না? একটি confidant, অন্যটি confident। অতএব উচ্চারণ পৃথক। তেমনি অপূরা কম্পানিস্ট কি, বোঝা গেল না। ইংরেজি অপেরার সঙ্গে জারমান কম্পানিস্ট জুড়ে কি লাভ হল? দুটো শব্দই জার্মান অথবা ইংরেজি হলে ক্ষতি ছিল কি? আরও অনেক আছে এ রকম।

এই বইয়ের ‘রবীন্দ্রনাথ ও তাঁর সহকর্মীদ্বয়’ রচনাটি সব দিক থেকে সার্থক। বিধুশেখর শাস্ত্রী, ক্ষিতিমোহন শাস্ত্রী এই দুই প্রধান সহকর্মীকে অতি নিষ্ঠার সঙ্গে চিত্রিত করা হয়েছে। বিশেষ করে বিধুশেখরের পবিত্র হাসিমুখখানা পড়তে পড়তে যেন চোখের সামনে নতুন করে জীবন্ত হয়ে উঠল। এই প্রবন্ধটি রচনার সময় মুজতবা তাঁর স্বভাব অনুযায়ী এঁদের প্রতি গভীর শ্রদ্ধা প্রকাশ করেছেন। সেই সময়কার সমস্ত পটভূমিটিও সামগ্রিক ভাবে ছবির মতো ফুটে উঠেছে তাঁর বর্ণনাভঙ্গিতে। রবীন্দ্রনাথ অনেক বিষয়ে এই দুজনের উপর কতখানি নির্ভরশীল ছিলেন সে কথা ছাড়াও আনুষঙ্গিক অনেক তথ্য এতে পরিবেশিত হয়েছে।

রাষ্ট্রভাষা বিষয়ে দীর্ঘ রচনাটিতে রাষ্ট্রভাষা বিষয়ে বিস্তারিত আলোচনা—নানা দিক থেকে করা হয়েছে কিন্তু তা সত্ত্বেও রচনাটি সম্পূর্ণতা পায় নি, অনেক সমস্যা পরে এসেছে এবং আরও আসবে, কাজেই বহু সং কথা এবং কাজের কথা থাকা সত্ত্বেও পরবর্তী সিদ্ধান্তে পাঠককেই পৌছাতে হবে। রাষ্ট্রভাষা শেষ পর্যন্ত প্রাদেশিক ভাষাগুলিকে কোণঠাসা করে প্রধান হয়ে উঠবেই, এ বিষয়ে সন্দেহের অবকাশ মাত্র নেই। সেই জন্যই ইংরেজি বিদায়ের জন্য এত উৎসাহ। ইংরেজি যখন রাজভাষা ছিল তখন প্রাদেশিক ভাষার স্থান ছিল দ্বিতীয়। কিন্তু তা সত্যই ছিল আশীর্বাদ স্বরূপ। সে অনেক কথা। শ্রেষ্ঠ ভাষাবিদ সুনীতিকুমার যে ভয়ে বর্তমানে ক্রমে ভীত হয়ে উঠছেন, তা অকারণ নয়। মাতৃভাষায় শিক্ষা গ্রহণের মতো সংকর্মের পিছনে যে ষড়যন্ত্র কাজ করছে তা যেদিন সবাই বুঝবেন সেদিন আর ভ্রম সংশোধনের উপায় থাকবে না। মুজতবা আলী এই শেষ পরিণামের আভাসটুকু দিয়ে যেতে পারলেন না এটি দুর্ভাগ্যজনক।

অন্যান্য ছোটখাটো অনেকগুলি রচনার পৃথক উল্লেখ নিম্নপ্রয়োজন, আগেই বলেছি প্রত্যেকটি রচনাই সুখপাঠ্য। শুধু এ বইতে একটি বিদেশী রোমাঞ্চকর গল্পে অনুবাদ স্থান না পেলেই আমার ভাল লাগত।



বড়বাবু

নগরপাল বন্ধুবর

শ্রীযুত সুধীন্দ্র ও

শ্রীযুক্তা নীলিমা দত্তের

চতুর্ভদ্রচরণে

—সৈয়দ মুজতবা আলী

নিবেদন

এই সঞ্চয়নের কোনো কোনো প্রবন্ধে পুনরাবৃত্তি দোষ একাধিকবাব ঘটেছে। তার প্রধান কাবণ, তাবৎ প্রবন্ধ একই সময় পর পব লেখা হয়নি। ফলে কোনো প্রবন্ধেব মূল বক্তব্য বহু বৎসর পরে লিখিত অন্য প্রবন্ধেব পটভূমি নির্মাণে পুনরায় ব্যবহাব করা হয়েছে। কিন্তু, আমার যাবতীয় প্রবন্ধের তাবৎ বিষয়বস্তু পাঠকমাত্রই স্মরণে বেখে পববর্তী প্রবন্ধ পড়বেন, এ হেন দুরাশা আমার মত নগণ্য লেখক করতে পাবে না। এমতাবস্থায় স্মৃতিধব পাঠকের কাছে অধম কিঞ্চিৎ ক্ষমাভিক্ষা করতে পাবে। কিন্তু এর সঙ্গে অন্য কথাটি না বললে সত্য গোপন করা হবে যে, স্মৃতিশক্তিব দুর্বলতাবশত আহেতুক পুনরাবৃত্তিও ঘটেছে যার জন্য আমি কোনো প্রকাবের ক্ষমা প্রার্থনা কবতে পাবি না। তবে ভরসা রাখি, ভবিষ্যৎ সংস্করণে, যতখানি সম্ভব, ভ্রমের পুনরাবৃত্তি সংশোধন করে নিতে, পাববো।

বিনীত--

মুজতবা আলী

বড়বাবু

॥ অবতরণিকা ॥

প্রিন্স দ্বারকানাথ ঠাকুরের জ্যেষ্ঠ পুত্র মহর্ষি দেবেন্দ্রনাথ ঠাকুর; তাঁর জ্যেষ্ঠ পুত্র ঋষি দ্বিজেন্দ্রনাথ ঠাকুর। দ্বিজেন্দ্রনাথের জন্ম ১৮৪০ খ্রীস্টাব্দে; পিতার চেয়ে তেইশ বছরের ছোট এবং জন্মের সময় তাঁর মাতার বয়স চৌদ্দ। কনিষ্ঠতম ভ্রাতা রবীন্দ্রনাথ তাঁর চেয়ে একুশ, বাইশ বছরের ছোট।

আমি এ জীবনে দুটি মুক্ত পুরুষ দেখেছি; তার একজন দ্বিজেন্দ্রনাথ।

এঁর জীবন সম্বন্ধে কোনো-কিছু জ্ঞানবার উপায় নেই। তার সরল কারণ, তাঁর জীবনে কিছুই ঘটেনি। যৌবনারম্ভে বিয়ে কবেন, তাঁর পাঁচ পুত্র ও দুই কন্যা। যৌবনেই তিনি বিগতদার হন। পুনর্বীর দাবগ্রহণ করেননি।^১ চতুর্থ পুত্র সুধীন্দ্রনাথের জ্যেষ্ঠ পুত্র শ্রীযুত সৌম্যেন্দ্রনাথ এ দেশে সুপরিচিত। দুঃখের বিষয় সুধীন্দ্রনাথের স্থায়ী কীর্তিও বাঙালী পাঠক ভুলে গিয়েছে।

দ্বারকানাথ যে যুগে বিলেত যান সে-সময় অল্প লোকই আপন প্রদেশ থেকে বেরত। তাঁর পুত্র দেবেন্দ্রনাথ তো প্রায়শ বাড়ির বাইরে বাইরে কাটাতেন। (ছোট ছেলে রবীন্দ্রনাথের তো কথাই নেই।) তাই স্বতঃই প্রশ্ন জাগবে, ইনি কতখানি ভ্রমণ করেছিলেন।

একদা কে যেন বলেছিলেন, বাংলায় মন্দাক্রান্তা ছন্দে লেখা যায় না। সঙ্গে সঙ্গে তিনিই লিখে দিলেন

ইচ্ছা সম্যক্ জগদরশনে^২ কিন্তু পাথের নাস্তি
পায় শিক্রি মন উড় উড় এ কি দৈবের শাস্তি!

১ এ তথ্যগুলো প্রভাত মুখোপাধ্যায়ের রবীন্দ্রজীবনী থেকে নেওয়া।

২ আমি 'ভ্রমণরশনে' পাঠও শুনেছি। কিন্তু স্পষ্টত 'জ' অক্ষর 'ত্র'-র চেয়ে ভালো।

এই কবিতাটির আর একটি পাঠ আমি পেয়েছি। কোনটা আগেব কোনটা পত্রের বলা কঠিন। মনে হয় নিম্নলিখিতটাই আগেব। এটি বাঙলাবায়ণ বসুকে লিখিত :

দীন দ্বিজের রাজ-দর্শন না খটিবার কারণ।

টঙ্কা দেবী কর যদি কৃপা

না রহে কোন জ্বালা।

বিদ্যাবুদ্ধি কিছুই কিছু না

বালি ভরে যি ঢালা ॥

ইচ্ছা সম্যক্ ভব দরশনে

কিন্তু প্যথের নাস্তি

পায় শিক্রি মন উড় উড়

এ কি দৈবের শাস্তি ॥'

টকা দেবী করে যদি কৃপা না রহে কোনো জ্বালা।

বিদ্যাবুদ্ধি কিছু না কিছু না শুধু ভস্মে ঘি ঢালা।*

চারটি ছত্রের চারটি তথ্যই ঠাট্টা করে লেখা। কারণ আজ পর্যন্ত কাউকে বলতে শুনিনি, বড়বাবুর (দ্বিজেন্দ্রনাথের) বেড়াবার শখ ছিল। বরঞ্চ শুনেছি, তাঁর প্রথম যৌবনে তাঁর পিতা মহর্ষিদেব তাঁর বিদেশ যাবার ইচ্ছা আছে কি না, শুধিয়ে পাঠান এবং তিনি অনিচ্ছা জানান। ‘পাথের নাস্তি’ কথাটারও কোনো অর্থ হয় না; দেবেন্দ্রনাথের বড় ছেলের টাকা ছিল না, কিংবা কর্তা গত হওয়ার পরও হাতে টাকা আসেনি, এটা অবিশ্বাস্য।

আমার সামনে যে ঘটনাটি ঘটেছিল সেটি তা হলে নিবেদন করি। ১৩৩১-এর ১লা বৈশাখের সকালে রবীন্দ্রনাথ মন্দিরে উপাসনা সমাপন করে যথারীতি সর্বজ্যেষ্ঠের পদধূলি নিতে যান। সেবারে ঐ ১লা বৈশাখেই বোঝা গিয়েছিল, বাকি বৈশাখ এবং বৃষ্টি না নামা পর্যন্ত কি রকম উৎকট গরম পড়বে। প্রেসের পাশের তখনকার দিনের সব চেয়ে বড় কুয়োর জল শুকিয়ে গিয়ে প্রায় শেষ হতে চলেছে। রবীন্দ্রনাথ তাঁর সর্বাগ্রজকে বললেন যে, এবারে গরম বেশী পড়বে বলে তিনি হিমালয়ের ‘ঘুমে’ বাড়ি ভাড়া করেছেন, ‘বড়দাদা’ গেলে ভালো হয়। আমার স্পষ্ট মনে আছে, বড়বাবু যেন আকাশ থেকে পড়লেন। বললেন, ‘আমি? আমি আমার এই ঘর-সংসার নিয়ে যাবো কোথায়?’ যে-সব গুরুজন আর ছেলেরা গুরুদেবের সঙ্গে গিয়েছিলেন তাঁরা একে অন্যের দিকে মুখ চাওয়া-চাওয়া করেছিলেন। হয়তো বা মুখ টিপে হেসেও ছিলেন। তাঁর ঘর-সংসার! ছিল তো সবে মাত্র দু-একটি কলম, বাস্তব বানাবার জন্য কিছু পুরু কাগজ, দুএকখানা খাতা, কিছু পুরনো আসবাব! একে বলে ঘর-সংসার! এবং তার প্রতি তাঁর মায়া! ‘জীবনস্মৃতি’র পাঠক স্মরণে আনতে পারবেন, নিজের রচনা, কবিতার প্রতি তাঁর কী চরম ঔদাসীন্য ছিল! লোকমুখে শুনেছি সকলের অজ্ঞাপ্তে এক ভিথিরি এসে তাঁর কাছে ডিন্কা চাইলে তিনি বললেন, ‘আমার কাছে তো এখন কিছু নেই। তুমি এই শালখানা নিয়ে যাও।’ প্রাচীন যুগের দামী কাশ্মিরী শাল। হয়তো বা দ্বারকানাথের আমলের। কারণ তাঁর শালে শখ ছিল। ভিথিরি প্রথমটায় নাকি নিতে চায়নি। শেষটায় যখন বড়বাবুর চাকর দেখে বাবুর উরুর উপর শালখানা নেই, সে নাতি দিনেন্দ্রনাথকে (রবীন্দ্রনাথের ‘গানের ভাণ্ডারী’) খবর দেয়। তিনি বোলপুরে লোক পাঠিয়ে শালখানা ‘কিনিয়ে’ ফেরত আনান।

৩ এর থেকে কিছুটা উৎসাহ পেয়েই বোধ হয় সত্যেন্দ্রনাথ রচেন ‘শিশল বিহুল, ব্যথিত নভতল,—’। চতুঃপদীটি আমি স্মৃতিশক্তির উপর নির্ভর করে উদ্ধৃত করছি বলে ছন্দপটন বিচিত্র নয়। সংস্কৃত কাব্যের আদি ও মধ্যযুগে মিল থাকতো না (মিল জিনিসটাই আর্থ ভাষা গোষ্ঠীর কাছে অর্থপরিচিত। পঞ্চমুদ্রে সেমিতী আরবী ভাষাতে মিলের ছড়াছড়ি। মিলের সংস্কৃত ‘অভ্যাসগ্রাস’ শব্দটিই কেমন যেন গায়ের জোরে তৈরী বলে মনে হয়। এ নিয়ে গবেষণা হওয়া উচিত।

৪ ‘বসন্তে আমারে বোল যেমন অকালে অজব করিয়া পড়িয়া গাছের তলা ছাইয়া ফেলে, তেমনি ‘বঙ্গপ্রাণেশ’র রক্ত পরিত্যক্ত পর বাড়িময় ছড়াছড়ি যাইত তাহার ঠিকানা নাই। বড়দাদার কবিকল্পনার এত প্রচুর প্রাণশক্তি ছিল যে, তাঁহার স্বতটা আবশ্যিক তাহার চেয়ে তিনি ফলাইতেন অনেক বেশি। এই জন্য তিনি বিস্তর লেখা ফেলিয়া দিতেন। সেইগুলি কুড়াইয়া রাখিলে বঙ্গসাহিত্যের একটি সাজি ভরিয়া তোলা যাইত।’—জীবনস্মৃতি।

ভিখিরি নাকি খুশী হয়েই 'বিক্রী' করে; কারণ এ রকম দামী শাল সবাই চোরাই বলেই সন্দেহ করতো। কথিত আছে, পরের দিন যখন সেই শালই তাঁর উরুর উপর রাখা হয় তখন তিনি সেটি লক্ষ্যই করলেন না, যে এটা আবার এল কি করে!

আবার কবিতাটিতে ফিরে যাই। 'পায়ে শিকলি, মন উড় উড়' আর যার সম্বন্ধে খাটে খাটুক, দ্বিজেন্দ্রনাথ সম্বন্ধে খাটে না! এ রকম সদানন্দ, শাস্ত প্রশাস্ত, কণামাত্র অজুহাত পেলে অট্টহাস্যে উচ্ছ্বসিত মানুষ আমি ভূ-ভারতে কোথাও দেখিনি। আমার কথা বাদ দিন। তাঁর সম্বন্ধে বিখুশেখর, ক্ষিতিমোহন, হরিচরণ যা লিখে গেছেন সে-ই যথেষ্ট। কিংবা শ্রীযুত নন্দলালকে জিজ্ঞেস করতে পারেন।

'টকা দেবী করে যদি কৃপা'—ও বিষয়ে তিনি জীবশ্মুক্ত ছিলেন।

আর সবচেয়ে মারাত্মক শেষ ছত্রটি। তাঁর 'বিদ্যাবুদ্ধি' 'কিছু না কিছু না' বললে কার যে ছিল, কার যে আছে সেটা জানবার আমার বাসনা আছে। অবশ্য সাংসারিক বুদ্ধি তাঁর একটি কানাকড়িমাত্রও ছিল না। কিন্তু সে অর্থে আমি নেব কেন? 'বুদ্ধি' বলতে সাংখ্যদর্শনে যে অর্থ আছে সে অর্থেই নিচ্ছি—যে গুণ প্রকৃতির রজঃ তম গুণের জড়পাশ ছিন্ন করে জীবকে 'পুরুষে'র উপলব্ধি লাভ করতে নিয়ে যায়।^৫ তাঁর বিদ্যা সম্বন্ধে পুনরাবৃত্তি করে পাঠককে স্মরণ করিয়ে দি, রবীন্দ্রনাথ একদিন আমাদের বলেন, তিনি জীবনে দুটি পণ্ডিত দেখেছেন। রাজেন্দ্রলাল মিত্র এবং তাঁর বড়দাদা; কিন্তু রাজেন্দ্রলাল পণ্ডিত ইয়োরোপীয় অর্থে। তাঁর বড়দাদা কোন্ অর্থে কবি সেটি বলেননি। এবং খানিকক্ষণ চুপ করে থেকে বললেন, আমরা যেন না ভাবি তাঁর বড়দাদা বলে তিনি একথা বললেন।

বর্তমান লেখকের বিদ্যাবুদ্ধি উভয়ই অতিশয় সীমাবদ্ধ। তবে আমারই মত অজ্ঞ একাধিকজনের জানবার বাসনা জাগতে পারে আমি কাদের পণ্ডিত বলে মনে করি। আমি দেখেছি দুজন পণ্ডিতকে, দ্বিজেন্দ্রনাথ ঠাকুর ও ব্রজেন্দ্রনাথ শীল। ইয়োরোপবাসের পরও।

অনেকের সম্বন্ধেই বেখেয়ালে বলা হয়, অমুকের বহুমুখী প্রতিভা ছিল। আমি বলি সত্যকার বহুমুখী প্রতিভা ছিল দ্বিজেন্দ্রনাথের। বিজ্ঞান ও দর্শন উভয়েরই চর্চা করেছেন তিনি সমস্ত জীবন ধরে। রবীন্দ্রনাথ তাঁর গণিতচর্চা বিদেশে প্রকাশিত করার জন্যে উৎসাহী ছিলেন, কিন্তু 'বড়দাদা' বিশেষ গা করেননি।^৬ এদেশের অভ্যন্তর লোকই এ যাবৎ গ্রীকলাতিনের প্রতি মনোযোগ করেছেন। দ্বিজেন্দ্রনাথ গ্রীকলাতিনের সঙ্গে পরিচিত ছিলেন বলে শব্দতত্ত্বে সংস্কৃত উপসর্গ, তথা মুখুয্যে, বাঁড়ুয়োর উৎপত্তি সম্বন্ধে তাঁর সুদীর্ঘ রচনা অতুলনীয়। কঠিন, অতিশয় কঠিন—পাঠককে সাবধান করে দিচ্ছি। কিন্তু সঙ্গে সঙ্গে

৫ অবশ্য শেষ পর্যন্ত কৈবল্য লাভের পর এটিও থাকে না। গীতাতে আছে, 'ভূমিরাপোংজলো বায়ুঃখং মনোবুদ্ধিরেবচ/অহঙ্কার ইতীযং মে ভিন্না প্রকৃতিরষ্টকা॥' ভূমি জল অগ্নি বায়ু আকাশ মন বুদ্ধি অহঙ্কার (আমিস্বভাব) এ প্রকৃতি অপরাপ্রকৃতি। প্রবন্ধের কলেবর দীর্ঘ হয়ে যাবে বলে কৈবল্য লাভে 'বুদ্ধি'র কতখানি প্রয়োজন সেটি এস্থলে না বলে পাঠককে ঠাকুর রামকৃষ্ণের কথা মত, পঞ্চম খণ্ডের ৪৭ পৃষ্ঠায় বরাত দিচ্ছি।

৬ দ্বিজেন্দ্রনাথের এক আত্মীয়ের (ইনি রবীন্দ্র সমনে কাজ করেন) মুখে শুনেছি, রবীন্দ্রনাথ যখন তাঁর কাব্যের ইংরেজী অনুবাদ আরম্ভ করেন তখন দ্বিজেন্দ্রনাথ তাঁকে একদিন বলেন, 'এ সব কাজ তুই করছিস কেন? যার দরকাব সে অনুবাদ করিয়ে নেবে। তুই তোর আপন কাজ করে যা না।'

এটারও উল্লেখ করা প্রয়োজন বোধ করি যে, এরকম কঠিন জিনিস এর চেয়ে সরল করে স্বয়ং সরস্বতীও লিখতে পারতেন না।

আমার যতদূর জানা, খাঁটি ভারতীয় পণ্ডিতের ন্যায় ইতিহাসকে তিনি অত্যধিক মূল্য দিতেন না—ইতিহাস ‘পের সে’, বাই ইটসেলফ্। অথচ পরিপূর্ণ অনুরাগ ছিল ‘ইতিহাসের দর্শন’-এর (ফিলসফি অব হিস্ট্রি) গ্রাঁও।

সাহিত্য ও কাব্যে তাঁর অধিকার কতখানি ছিল সে সম্বন্ধে রবীন্দ্রনাথের অভিমত পূর্বেই উদ্ধৃত করেছি। বিশেষ বয়সে তিনি খাঁটি কাব্য রচনা বন্ধ করে দেন। কিন্তু দর্শন ছাড়া যে কোন বিষয় রচনা করতে হলে (যেমন শব্দতত্ত্ব বা লেখাঙ্কর বর্ণমালা অর্থাৎ ‘বাংলায় শর্টহ্যান্ড’) মিল, ছন্দ ব্যবহার করে কবিতারূপেই প্রকাশ করতেন। বস্তুত কঠিন দর্শনের বাধানুবাদ ভিন্ন অন্য যে কোনো ভাবানুভূতি তাঁর হৃদয়মনে সঞ্চারিত হলেই তাঁর প্রথম প্রতিক্রিয়া হত সেটি কবিতাতে প্রকাশ করার। এবং তাতে যদি হাস্যরসের কণামাত্র উপস্থিতি থাকতো, তাহলে তো আর কথাই নেই।

নিচের একটি সামান্য উদাহরণ নিন :

তাঁরই নামে নাম, অধুনা অর্ধবিস্মৃত, কবিবর দ্বিজেন্দ্রলাল রায় (বরফ ডি. এল. রায় বললে আজকের দিনের লোক হয়তো তাঁকে চিনলে চিনতেও পারে) ‘একদা তদীয় গণ্যমান্য বিখ্যাত ও অখ্যাত বহু বন্ধু-বান্ধবকে একটা বিরাট ভোজে নিমন্ত্রণ করিয়াছিলেন। এই উপলক্ষে তাঁহার যে আহ্বান-লিপি ‘জারি’ হইয়াছিল তাহা এ স্থলে অবিকল মুদ্রিত করিয়া দিতেছি।—

“বাঁহুর কুবেরের ন্যায় সম্পত্তি, বৃহস্পতির ন্যায় বুদ্ধি, যমের ন্যায় প্রতাপ—এ হেন যে আপনি, আপনার ভবনের নন্দন-কানন ছাড়িয়া, আপনার পদ্মপলাশ-বসনা ভামিনী-সমভিব্যাহারে (sic), আপনার স্বর্শকটে অধিরূঢ় হইয়া, এই দীন অকিঞ্চিৎকর, অধমদের গৃহে, শনিবার মেঘাচ্ছন্ন অপরাহ্নে আসিয়া যদি শ্রীচরণের পবিত্র ধূলি ঝাড়েন—তবে আমাদের চৌদ্দপুরুষ উদ্ধার হয়। ইতি,

শ্রীসুরবালা দেবী

শ্রীদ্বিজেন্দ্রলাল রায়।

শ্রীজিতেন্দ্রনাথ মজুমদার।””

এর উত্তরে দ্বিজেন্দ্রনাথ লিখলেন,

‘ন চ সম্পত্তি ন বুদ্ধি বৃহস্পতি

যমঃ প্রতাপ নাহিক মে।

ন চ নন্দনকানন স্বর্শসুবাহন

পদ্মবিনিন্দিত পদযুগ মে।

আছে সত্যি পদরঞ্জরত্তি—

তাও পবিত্র কে জানিত মে

১ দেবকুমার রায়চৌধুরী, দ্বিজেন্দ্রলাল, পৃ. ৩২০।

চৌদ্দপুরুষ তব ত্রাণ পায় যদি,
 অবশ্য ঝাড়িব তব ভবনে।
 কিন্তু—মেঘাচ্ছন্ন শনি অপরাহ্নে
 যদি গুরু বাধা না ঘটে মে।
 কিন্না (sic) যদিপি সহসা চুপিচুপি
 প্রেরিত না হই পরধামে।”^৮

গুরুজনদের মুখে এখানে শুনেছি যে সময় তিনি এই মিশ্র সংস্কৃতে নিমন্ত্রণ পত্রের উত্তর দেন তখন তিনি গীতগোবিন্দ নিয়ে নাড়াচাড়া করছিলেন বলে ঐ ভাষাই ব্যবহার করেন। কেউ কেউ বলেন, জয়দেবই প্রকৃতপক্ষে বাঙলা ভাষার কাঠামো তৈরী করে দিয়ে যান। তাই দ্বিজেন্দ্রনাথের উত্তরও শেষের দিকটি বাঙলায়। আবার কোনো কোনো গুরুজন দ্বিতীয় ছত্রটি পড়েন, ‘ন চ নন্দনকানন স্বর্ণসুবাহন পদ্মপালাশলোচনভামিনী মে।’

কবিতাতে সব-কিছু প্রকাশ করার আরও দুটি মধুর দৃষ্টান্ত দি।

শান্তিনিকেতন ব্রহ্মবিদ্যালয়ে শারীরিক শাস্তি দেওয়া নিষেধ ছিল। একদিন দ্বিজেন্দ্রনাথ প্রাতঃভ্রমণের সময় দূর হতে দেখতে পান, হেডমাস্টার জগদানন্দ রায় একটি ছেলের কান আচ্ছা করে কষে দিচ্ছেন। কুটিরের ফিরে এসেই তাঁকে লিখে পাঠালেন :

‘শোনো হে, জগদানন্দ দাদা,
 গাধারে পিটিলে হয় না অশ্ব
 অশ্বে পিটিলে হয় যে গাধা—’

‘গাধা পিটিলে ঘোড়া হয় না’—এটা আমাদের জ্ঞানা ছিল, কিন্তু ‘ঘোড়াকে পিটিলে সেটা গাধা হয়ে যায়’ এটি দ্বিজেন্দ্রনাথের ‘অবদান’। এর সঙ্গে আবার কেউ কেউ যোগ দিতেন,

‘শোন হে জগদানন্দ,
 তুমি কি অশ্ব!’

এটির লিখিত পাঠ নেই। তাই নির্ভয়ে উদ্ধৃত করলুম। এর পরেরটি কিন্তু ক্যালকাটা মিউনিসিপাল গেজেটে বেরিয়েছে। এর মধ্যে ভুল থাকলে গবেষক সেটি অনায়াসে মেরামত করে নিতে পারেন। রবীন্দ্রনাথের ৬৫ বৎসব বয়স হলে তিনি ভোরবেলা চিরকুটে লিখে পাঠালেন :

চমৎকার না চমৎকার!
 সেই সেদিনের বালক দেখো,
 পঞ্চযষ্টি হল পার।

৮ যদিও দেবকুমার মহাশয় লিখেছেন তিনি এগুলো ‘অবিকল মুদ্রিত’ করে দিয়েছেন, তবু আমার মনে ধোঁকা আছে যে তাঁর নকলনবীস কোনো কোনো স্থলে ভুল কবেছেন। এমন কি শান্তিনিকেতন লাইব্রেরিতে যে দ্বিজেন্দ্রলালের জীবনী রয়েছে সেটিতে ‘চৌদ্দপুরুষ তব ত্রাণ পায় যদি’ স্থলে ‘চৌদ্দপুরুষাবধি ত্রাণ পায় যদি’-কে যেন মার্জিনে পাঠান্তর প্রস্তাব করছেন, হস্তাক্ষরে। তাই বোধ কবি হবে। কারণ শ্রুতি ছত্রে ভিতরের মিল, যথা ‘সম্পত্তি’-ব সঙ্গে ‘বৃহস্পতি’, ‘কানন’-এব সঙ্গে ‘বাহন’, ‘সতি’-ব সঙ্গে ‘রতি’ রয়েছে। বস্তুত দ্বিজেন্দ্রনাথের এ সব রসরচনা কখনো পুস্তকাকারে প্রকাশিত হয়নি বলে শুদ্ধপাঠ যোগাড় করা প্রায় অসম্ভব।

কাণ্ডখানা চমৎকার,
চমৎকার না চমৎকার!

পিতা মহর্ষি দেবেন্দ্রনাথ যতদিন বেঁচে ছিলেন, দ্বিজেন্দ্রনাথ ততদিন কলকাতাতেই ছিলেন। মোটামুটি বলা যেতে পারে, ১৮৭০ থেকে ১৯০৫ পর্যন্ত তিনি কলকাতার বিদ্বৎজনসমাজের চক্রবর্তী ছিলেন। বিদ্যাসাগর মহাশয় ধর্ম (তিনি ধর্মের স্মৃতিশাস্ত্রটুকু ব্যবহার করেছেন মাত্র; মোক্ষপথনির্দেশক ধর্ম ও দর্শনে তাঁর বিশেষ অনুরাগ ছিল না) ও দর্শন নিয়ে আলোচনা করতেন না বলে সে যুগের অন্যতম চক্রবর্তী ছিলেন বঙ্কিমচন্দ্র। তিনি ছিলেন দ্বিজেন্দ্রনাথের নিত্যলাপী—প্রায়ই ঠাকুরবাড়িতে এসে তাঁর সঙ্গে তত্ত্বালোচনা করে যেতেন।*

ঐ সময় বঙ্কিমের বিরুদ্ধ-আলোচনা হলে পর তাঁর কিঞ্চিৎ ধৈর্যচ্যুতি ঘটে এবং ফলে, ঐর মধ্যে একজন ঠাকুরবাড়িতে কাজ করতেন বলে বঙ্কিম লেখেন, ‘গুনিয়াছি ইনি জোড়াসাঁকোর ঠাকুর মহাশয়দিগের একজন ভৃত্য—নাএব কি কি আমি ঠিক জানি না।’ অথচ দ্বিজেন্দ্রনাথ যখন—আমার মনে হয় অনিচ্ছায়—বঙ্কিম সম্বন্ধে আলোচনা করেন তখন বঙ্কিম গভীর শ্রদ্ধা প্রকাশ করে বলেন, ‘তত্ত্ববোধিনীতে “নব্য হিন্দু সম্প্রদায়” এই শিরোনামে একটি প্রবন্ধে আমার লিখিত “ধর্ম-জিজ্ঞাসা” সমালোচিত হয়। সমালোচনা আক্রমণ নহে। এই লেখক বিজ্ঞ, গভীর এবং ডাবুক। আমার যাহা বলিবার আছে, তাহা সব গুনিয়া যদি প্রথম সংখ্যার উপর সম্পূর্ণ নির্ভর না করিয়া (বঙ্কিমের রচনাটি ধারাবাহিকরূপে প্রকাশিত হইছিল—লেখক) তিনি সমালোচনায় প্রবৃত্ত হইতেন, তবে তাঁহার কোনো দোষই দিতে পারিতাম না। তিনি যদি অকারণে আমার উপর নিরীশ্বরবাদ প্রভৃতি দোষ আরোপিত না করিতেন,†’ তবে আজ তাঁহার প্রবন্ধ এই গণনার ভিতর (অর্থাৎ যাঁরা বঙ্কিমের প্রতিবাদ করেন, ‘নগণ্য’ অর্থে নয়—লেখক) ধরিতে পারিতাম না। তিনি যে দয়ার সহিত সমালোচনা করিয়াছিলেন, তাহাতে তিনি আমার ধন্যবাদের পাত্র। বোধ হয় বলায় দোষ নাই যে, এই লেখক স্বয়ং তত্ত্ববোধিনী সম্পাদক বাবু দ্বিজেন্দ্রনাথ ঠাকুর।’

আমি জানি আমার কথায় কেউ বিশ্বাস করবেন না, তাই আমি ঐর সম্বন্ধে বঙ্কিমচন্দ্রের ধারণার উল্লেখ করলুম। বস্তুত বাঙলা দেশের এই উনবিংশ শতকের শেষের দিক (ফ্যা দ্য সিএক্ল) যে কী অজুত রত্নগর্ভা তা আজকের দিনের অবস্থা দেখে অবিশ্বাস্য বলে মনে হয়।

আমি সে আলোচনা এস্থলে করতে চাই নে। আমি শুধু নব্যসম্প্রদায়ের মধ্যে যাঁরা তত্ত্বাষেধী তাঁদের দৃষ্টি দ্বিজেন্দ্রনাথের দিকে আকৃষ্ট করতে চাই।

৯ ব্রাহ্মসমাজ ও বঙ্কিমে উভয় যে বাদ-বিবাদ হয় সে সময় প্রসঙ্গক্রমে বঙ্কিম লেখেন, ‘১৫ই শ্রাবণ আমার ঐ প্রবন্ধ প্রকাশিত হয়। তারপর অনেক বার রবীন্দ্রবাবুর সঙ্গে সাক্ষাৎ হইয়াছে। প্রতিবারে অনেকক্ষণ ধরিয়া কথাবার্তা হইয়াছে। কথাবার্তা প্রায় সাহিত্য বিষয়েই হইয়াছে।’ (বঙ্কিম বচনাবলী, সাহিত্যসংসদ, ২ খণ্ড, পৃঃ ৯১৬। ১৭) বলাবাক্যে বঙ্কিম যেতেন দ্বিজেন্দ্রনাথের সঙ্গে দেখা করতে।

১০ বস্তুত তখন বাঙলা দেশে প্রচলিত ধারণা ছিল, বিদ্যাসাগর ও ‘কৈ-এর শিষ্য’ বঙ্কিমের ঐশ্বরবিশ্বাস দৃঢ় নয়।

পিতার মৃত্যুর পর তিনি প্রায় এক বৎসর তাঁর সখা সিংহ পরিবারের সঙ্গে রাইপুরে কাটান। তারপর ১৯০৭-এর কাছাকাছি শান্তিনিকেতন আশ্রমের বাইরে (এখন রীতিমত ভিতরে) এসে আমৃত্যু (১৯২৬) বসবাস করেন। কলকাতার সঙ্গে তাঁর যোগসূত্র ছিল হয়ে যায়। এখানে তিনজন লোক তাঁর নিত্যলাপী ছিলেন, স্বর্গত বিধুশেখর শাস্ত্রী, ক্ষিতিমোহন সেন ও রেভারেন্ড এশুডুজ। রবীন্দ্রনাথ তাঁকে অত্যন্ত সমীহ করে চলতেন। দ্বিজেন্দ্রনাথ প্রায়ই ভুলে যেতেন যে রবীন্দ্রনাথের বয়সও ষাট পেরিয়ে গেছে (আমি শেষের পাঁচ বৎসরের কথা বলছি—স্বচক্ষে যা দেখেছি) এবং শাস্ত্রীমশাই যদি দ্বিজেন্দ্রনাথের কোনো নূতন লেখা শুনে মুগ্ধ হয়ে বলতেন, ‘এটি গুরুদেবকে দেখাতেই হবে’, তখন তিনি প্রথমটায় বুঝতেনই না, ‘গুরুদেব’ কে, এবং অবশেষে বুঝতে পেরে অট্টহাস্য করে বলতেন, ‘রবি? রবি তো ছেলেমানুষ! সে এসব বুঝবে কি?’ ভুলে যেতেন, বিধুশেখর, ক্ষিতিমোহন রবীন্দ্রনাথের চেয়ে বয়সে অনেক ছোট। আবার পরদিনই হয়তো বাঙলা ডিফথং সম্বন্ধে কবিতায় একটি শব্দ (!) লিখে পাঠাতেন রবীন্দ্রনাথকে। চিরকুটে প্রশ্ন, ‘কি রকম হয়েছে?’ রবীন্দ্রনাথ কি উত্তর দিতেন সেটি পাঠক বুঝে দেখে নবেন।

শিশুর মত সরল এই মহাপুরুষ সম্বন্ধে সে যুগে কত লেজেন্ড প্রচলিত ছিল তার অনেকখানি এখনো বলতে পারবেন শ্রীযুত গোস্বামী নিত্যানন্দবিনোদ, আচার্য নন্দলাল, আচার্য সুরেন কর, বঙ্কুবর বিনোদবিহারী, অনুজপ্রতিম শান্তিদেব, উপাচার্য সুধীরঞ্জন। দ্বিজেন্দ্রনাথের পুত্র দীপেন্দ্রনাথ তাঁরই জীবদ্দশায় গত হলে পর তিনি নাকি চিন্তাতুর হয়ে পুত্রের এক সখাকে জিজ্ঞেস করেন, ‘তা দাঁপু উইল-টুইল ঠিকমতো করে গেছেন তো?’ এ গল্পটি বলেন শ্রীযুক্ত সুধাকান্ত ও উপাচার্য শ্রীযুত সুধীরঞ্জন। সুধীরঞ্জন চীফ-জাস্টিস ছিলেন বলে আইনের ব্যাপারে দ্বিজেন্দ্রনাথের ‘দৃষ্টিভঙ্গি’ স্বতই তাঁর মনে কৌতূহলের সৃষ্টি করে—এবং গল্পটি বলার পর তিনি বিজ্ঞভাবে গম্ভীর হয়ে চোখের ঠার মানেন।

তাঁর অকপট সরলতা নিয়ে যে-সব লেজেন্ড (পুরাণ) প্রচলিত আছে সে সম্বন্ধে একাধিক আশ্রমবাসী একাধিক রসরচনা প্রকাশ করেছেন। আমার ব্যক্তিগত অভিজ্ঞতা সামান্য। একবার আমার হাতে একটি সুন্দর মলাটের খাতা দেখে শুধোলেন, ‘এটা কোথায় কিনলে?’ আমি বললুম, ‘কোপে’। ‘সে আবার কি?’ আমি বললুম, ‘কো-অপারেটিভ স্টোর্সে’। তিনি উচ্চহাস্য’’ (এ উচ্চহাস্য কারণে অকারণে উচ্ছ্বসিত হত এবং প্রবাদ আছে ‘দেহলী’তে বসে গুরুদেব তাই শুনে মৃদুহাস্য করতেন) করে বললেন, ‘ও! তাই নাকি! তা কত দাম নিলে?’ আমি বললুম, ‘সাড়ে পাঁচ আনা।’ আমি চলে আসবার সময় একখানা চিরকুট আমার হাতে দিলেন। তাতে লেখা ছিল, ‘বউমা (কিংবা ঐ ধরনের সম্বোধন), আমাকে তুমি (কিংবা ‘আপনি’, তিনি কখন কাকে ‘আপনি’ কখন ‘তুমি’ বলতেন তার ঠিক থাকতো না—‘তুই’ বলতে বড় একটা গুনিনি) সাড়ে পাঁচ আনা পয়সা দিলে আমি একখানা খাতা কিনি।’ তাঁর পুত্রবধু তখন বোধ হয় দু’একদিনের জন্য উত্তরায়ণ গিয়েছিলেন।

১১ তিনি একাধিকবার গীতা থেকে, প্রসন্নচেতসো ন্যস্ত বুদ্ধি: পর্যবর্তিততে —‘প্রসন্নচিত্ত ব্যক্তির বুদ্ধি লক্ষ্যবস্তুতে স্থিরভাবে নিবিস্ট হয়’, ছত্রটি উদ্ধৃত কবেছেন।

টার এক আত্মীয়ের মুখে শুনেছি, একবার বাম্পার-ক্রপ হলে পর সুযোগ বুঝে পিতা মহর্ষিদেব তাঁকে খাজনা তুলতে গ্রামাঞ্চলে পাঠান। গ্রামের দূরবস্থা দেখে তিনি নাকি তার করলেন, 'সেস্ত ফিফটি থাউজেন্ড'। (টার 'গ্রামোন্নয়ন' করার বোধ হয় বাসনা হয়েছিল।) উত্তর গেল, 'কাম ব্যাক!'

* * *

টার সাহিত্যচর্চা, বিশেষত 'স্বপ্নপ্রয়াণ', মেঘদূতের বঙ্গানুবাদ ও অন্যান্য কাব্য শ্রীযুক্ত সুকুমার সেন টার ইতিহাস গ্রন্থে অত্যন্তম আলোচনা করেছেন। বস্তুত তিনি দ্বিজেন্দ্রনাথকে উপেক্ষা করেননি বলে বঙ্গজন টার কাছে কৃতজ্ঞ। এ নিয়ে আরও আলোচনা হলে ভালো হয়।

আশ্চর্য বোধ হয়, এই সাত্তিশয় অন্-প্রাকটিক্যাল, অধাবসায়ী লোকটি কেন যে বাঙলায় 'শর্টহ্যান্ড' প্রচলন করার জন্য উঠে পড়ে লাগলেন। এ কাজে টার মূল্যবান সময় তো একাধিকবার গেলই, তদুপরি আগাগোড়া বইখানা—দু'দু'বার—ব্লকে ছাপতে হয়েছে কারণ তিনি যেসব সাঙ্কেতিক চিহ্ন (সিম্বল) আবিষ্কার করে ব্যবহার করেছেন সেগুলো প্রেসে থাকার কথা নয়। তদুপরি মাঝে মাঝে পাখী, মানুষের মুখ, এসবের ছবিও তিনি আপন হাতে ঐক্কে দিয়েছেন।

প্রথমবারের প্রচেষ্টা পুস্তকাকারে প্রকাশের^{১২} বহু পরে তিনি দ্বিতীয় প্রচেষ্টা দেন। তার প্রাক্কালে তিনি 'বিধুশেখরকে যে পত্র দেন সেটি প্রথম (কিংবা দ্বিতীয়) প্রচেষ্টার পুস্তকেব ভিতর একখানি চিরকুটে আমি পেয়েছি। তাতে লেখা,

'শাস্ত্রী মহাশয়,

আমি বহু পূর্বে হোল্ডে কাগজে রেখাঙ্কর স্বহস্তে ছাপাইয়াছিলাম^{১৩}—
লাইব্রেরীতে তাহার গোটা চার-পাঁচ কপি আছে। তাহার একখানি পাঠাইয়া দিই।' নীচে স্বাক্ষর নেই। শুনেছি, স্বর্গত রামানন্দ চট্টোপাধ্যায়ের অনুরোধে তিনি দ্বিতীয়বার একখানি পূর্ণাঙ্গ পুস্তক রচনা করেন। প্রথমখানির সঙ্গে দ্বিতীয়খানি মিলালেই ধরা পড়ে যে তিনি এবারে প্রায় সম্পূর্ণ নূতন করে বইখানা লিখলেন। এটির প্রকাশ ১৩১৯ সনে।

এবং বই দুখানি না দেখা পর্যন্ত কেউ বিশ্বাস করবেন না, যে, শর্টহ্যান্ডের মত রসকশহীন বিষয়বস্তু তিনি আগাগোড়া লিখেছেন পদ্যে—নানাবিধ ছন্দ-ব্যবহার করে।

প্রথমেই তিনি লেগেছেন বাঙলার অক্ষর কমাতে; লিখেছেন,

রেখাঙ্কর বর্ণমালা

॥ প্রথম ভাগ ॥

বত্রিশ সিংহাসন।

বাঙলা বর্ণমালায় উপসর্গ নানা।

অদ্ভূত নূতন সব কাণ্ডকারখানা ॥

য-য়ে শূন্য, ড-য়ে শূন্য, শূন্য পালে পাল!

দেবনাগরিতে নাই এসব জঞ্জাল ॥

১২, ১৩ এ-পুস্তক বোধ হয় কখনো সাধারণে প্রকাশ হয়নি। প্রাইভেট সার্কুলেশনের জন্য ছিল। তার অন্যতম কারণ তাতে প্রকাশক বা প্রকাশস্থানের নাম নেই। এবং লেখক বলছেন, তিনি 'স্বহস্তে' ছাপিয়েছিলেন।

য যবে জমকি বসে শবদের মুড়া।
 জ বলে সবাই তারে—কি ছেলে কি বুড়া ॥
 মাজায় কিম্বা ল্যাজায় নিবসে যখন।
 ইয় উচ্চারণ তার কে করে বারণ ॥
 ময়ূর ময়ূর বই মজুর তো নয়!
 উদয় উদজ নহে, উদয় উদয় ॥

এর পর তাঁর বক্তব্য ছবি দিয়ে দৃষ্টি আকৃষ্ট করে তিনি ড ট ও ড় ঢ নিয়ে পড়লেন :

কেন এ ঘোড়ার ডিম ড-য়ের তলায়?
 বুঢ়াটাও ডিম পাড়ে! বাঁচিনে জ্বালায়!
 একি দেখি! বাঙ্গালার বর্ণমালী যত
 সকলেই আমা সনে লড়িতে উদাত!
 ব্যাকরণ না জানিয়া অকারণ লঢ়।
 শবদের অস্ত্রে মাঝে ড ট-ই তো ড় ঢ়।

দ্বিতীয় সংস্করণে ব্যাপারটি তিনি আরও সংক্ষেপে সারছেন :

শূন্যের শূন্যত্ব।

শবদের অস্ত্রে মাঝে বসে যবে সুখে।
 বেরোয় য-ড়-ঢ় বুলি য-ড-ঢ়'র মুখে ॥
 জানো যদি, কেন তবে শূন্য দেও নীচে?
 চেনা বামুনের গলে পৈতে কেন মিছে।
 নীচের ছস্তর চারি চৌচাইয়া পড়—
 যাবৎ না হয় তাহা কঠে সড়গড় ॥

পাঠ

আম্বাঢ়ে ঢাকিল নভ পযোধর-জ্বালে
 বাযস উড়িয়া বসে ডালের আডালে ॥
 ঘনরবে ময়ূরের আনন্দ না ধরে।
 খুলিয়া খড়ম জোড়া চুকিলাম ঘরে ॥

একেই বোধ হয় গ্রীক অলঙ্কারের অনুকরণে ইংরাজিতে 'বেথস্' বলা হয়। প্রথম তিন লাইনে নৈসর্গিক বর্ণনার মায়াজাল নির্মাণ করে হঠাৎ খড়ম-জোড়ার মুদাব দিয়ে আলঙ্কারিক মোহ-মুদগর নির্মাণ।

ছন্দ মিল ব্যঞ্জনা অনুগ্রাস—কবিতা রচনার যে কটি টেকনিক্যাল স্কিল প্রয়োজন তাব সবটাই কবির করায়ত্ত। কোন্টা ছেড়ে কোন্টা নিই! এর পরেই দেখুন সাদামাটা পয়ার ভেঙে ১১ অক্ষরের (!) ছন্দ :

চারি বর্ণপতি

ক চ-বরণের ক মহারণী :
 ত প-বরণের ত কুলপতি;
 ন ট-বরণের ন নটবর;
 র স-বরণের র গুণধর;—

চারি বরণের চারি অধিপ

বরণমালার কুলপ্রদীপ ॥

শুধু তাই নয়, পাঠক লক্ষ্য করবেন, প্রথম চার ছত্রের প্রথম অংশে 'ছ' অক্ষর, শেষের অংশে চার অক্ষর; ফলে জোর পড়বে সপ্তম অক্ষর ক, ত, ন, র-এর উপর। এবং সেইটেই লেখকের উদ্দেশ্য, জোর দিয়ে শেখানো।

ঐ যুগে অনেকেই বৈষ্ণবদের "ঢলাঢলি" পছন্দ করতেন না। দ্বিজেন্দ্রনাথ তাঁদের বহু উর্ধ্ব। তাই :

'এই' 'এউ' 'আউ' ইত্যাদি ডিফথং-এর অনুশীলন করাতে এগুলো নিয়ে কি রকম কবিতা ফেঁদেছেন, দেখুন :

আউলে গোসাই গউর চাঁদ
ভাসাইল দেশ টুটিয়া বাঁধ
দুই ভাই মিলি আসিছে অই'^{১৪}
কী'^{১৫} মাধুরী আহা কেমনে কই ॥
পাষণ হৃদয় করিয়া জয়
আধা-আধি করি বাঁটিয়া লয়
শওশ হাজার দোখাবি লোক।
দৌহারে নেহারে ফেরে না চোক ॥
কুল ধসানিয়া প্রেমের ঢেউ
দেখেনি এমন কোথাও কেউ
এই নাচে গায় দুহাত তুলি
এই কাঁদে এই লুটায় ধুলি ॥

কে বলবে এটা নিছক রসসৃষ্টি নয়, অন্য উদ্দেশ্য নিয়ে রচনা? নিতান্ত গদ্যময় শট্‌হ্যান্ড—পদ্যে!

এর পর তিনি যেটা প্রস্তাব করেছেন সেটি বহু বৎসর পরে মেনে নেওয়া হল —

গুনিবে গুরুজি মোর কি বলেন? শোনো!
তেলা শিরে তেল দিয়া ফল নাই কোনো ॥
আর্-ত দিলে "আর্ত"-এ ছাড়িবে আর্তরব।
আর-দ চাপাইলে পিঠে রবে রবে না গর্দভ ॥
ইষ্ট করিও না নষ্ট বোঝা করি পুষ্ট।
অর্কে'^{১৬} দিয়া জলে ফেলি অর্ধে 'থাক' তুষ্ট ॥
কর্মের ম এ ম ফলা অকর্ম বিশেষ।
কার্যেব যযে য ফলা অকার্যেব শেষ ॥

১৪ এটি বহু বৎসর পরে বানান-সংস্কার-সমিতি গ্রহণ করেন।

১৫ পববর্তী যুগে তিনি প্রধানত বিষয় হুলে (যেমন এখানে) 'কী' লিখতেন। অবশ্য বানান-সংস্কার-সমিতির বহু পূর্বে।

১৬ এখানে ৯ আছে। আজকাল প্রেসে তার উপর বেফ দেবার ব্যবস্থা আছে কি না, অর্থাৎ দ + খ + বেফ, জানি না।

প্রথম পাঠ সাক্ষ হলে 'কবি-মাস্টার' ভরসা দিচ্ছেন 'পুরো লেখা সাক্ষ হবে অর্ধেক পাতায়।' এবং তদুপরি

কাগজ বঁচিবে ঢের নাহি তায় ভুল।

বঁচিতেও পারে কিছু ডাকের মাশুল ॥

এ না হয় হল। কিন্তু গড়ের মাঠে যখন কংগ্রেসিরা (তখনো কমুনিস্টি আসেননি) বাক্যের ঝড় বওয়াবেন তখন? তখন কি সেটা শব্দে শব্দে তোলা যাবে? না।

ওবিদ্যার কর্ম নহে—যখন বক্তার

মুখে ঝড় বহি চলে ছাড়ি হুঙ্কার—

তার সঙ্গে লেখনীর টক্কর লাগানো

এ বিদ্যা দ্বিতীয় খণ্ডে হয়েছে বাগানো

তখন

মস্তকে মথিয়া লয়ে পুস্তকের সার,

হস্তকে করিবে তার তুরুক-সোআর ॥

হইবে লেখনী ঘোড় দোউড়ের ঘোড়া।

আগে কিন্তু পাকা করি বাঁধা চাই গোড়া ॥

এবং দ্বিতীয় খণ্ডের শেষে পুস্তক-সমাপ্তিতে বলছেন :

তখন তাহাকে হবে ধামানো কঠিন।

ছুটিবে—পরায়ণ ভয়ে যেমতি হরিণ ॥

এ বইয়ের প্রতিটি ছত্র তুলে দিতে ইচ্ছে করে। কিন্তু স্থানাভাব। তবে সর্বশেষে কয়েকটি ছত্র না তুলে দিলে সে আমাদের কয়েকটি তরুণ—আজ তাঁরা বৃদ্ধ—মর্মান্বিত হবেন। কারণ রেখাকর তাঁরা না শিখলেও এ-কবিতাটি মুখে মুখে এতই ছড়িয়ে পড়েছিল যে আজও সেটি কিয়জ্ঞানের কণ্ঠস্থ :—

আনন্দের বৃন্দাবন আজি অঙ্ককার।

গুঞ্জরে না ভৃঙ্গকুল কুঞ্জবনে আর ॥^{১৭}

কদম্বের তলে যায় বংশী গড়াগড়ি

উপুড় হইয়া ডিম্বা পঙ্কে আছে পড়ি!

কালিন্দীর কূলে বসি কান্দে গোপনারী,

তরঙ্গিনী তরাইবে কে আর কাণ্ডারী ॥^{১৮}

আর কি সে মনোচোর দেখা দিবে চক্ষু

সিদ্ধিকাঠি থুয়ে গেছে বিদ্ধাইয়া বক্ষে ॥

কৃষ্ণ গেছে গোষ্ঠ ছাড়ি রাষ্ট^{১৯} পথে হাটে।

শুষ্ক মুখ রাধিকার দৃশ্যে বুক ফাটে ॥

১৭ প্রথম সংস্করণে এর পাঠ . বন্ধ হলো বৃন্দাবনে যাহার যা কাজ।

ভঙ্গ হল ভৃঙ্গগীত কুঞ্জবন মাঝ ॥

১৮ ডোন্নাখানি ভাসিতেছে নবকন্দুসুঠাম/পার্লপার হইবাব নাহি আর নাম। কালিন্দী বহিয়া যায় কান্দ কান্দ যরে / কৃষ্ণিত কুন্তল প্রায় মন্দানিল ভবে ॥

১৯ দ্বিজেন্দ্রনাথ বরাবর 'রাষ্ট' লিখতেন; 'রাষ্ট্র' লেখেননি।

কৃষ্ণ বলি দ্রষ্ট বেণী বক্ষে ধরি চাপি।
 ভূপৃষ্ঠে লুটায় পড়ে মর্মদাহে তাপি ॥
 কষ্ট বলে অষ্ট সখী মর্মদাহে কোলে
 চিন্তা করিও না রাই কৃষ্ণ এল বলে ॥
 এত বলি হাহ করে বাষ্প আর মোছে।
 সবারই সমান দশা কেবা করে পোছে ॥
 দুষ্ট বধে পুরে নাই কৃষ্ণের অভীষ্ট।
 অদৃষ্টে অবলাবধ আছে অবশিষ্ট ॥^{২০}

কে বলবে প্রথমাংশ লেখা হয়েছে ন, ঙ, ম-প্রধান যুক্তাক্ষর ও দ্বিতীয়টি স্ব-প্রধান যুক্তাক্ষরের অনুশীলনের জন্য! আরেকটি কথা এই সুবাদে নিবেদন করি—আমার এক আত্মজনের মুখে শোনা : বঙ্কিমচন্দ্র যখন তাঁর ‘কৃষ্ণচরিত্রে’ প্রমাণ করতে চাইলেন, গীতার শ্রীকৃষ্ণ আর বৃন্দাবনের শ্রীকৃষ্ণ এক ব্যক্তি নন, তখন দ্বিজেন্দ্রনাথ নাকি রবীন্দ্রনাথের কাছে এসে বলেন, ‘বঙ্কিমবাবু এসব কি আরম্ভ করলেন, রবি? বৃন্দাবনের রসরাজকে মেরে ফেলছেন যে!’ বাঙলা সাহিত্য বৈষ্ণব-পদাবলীর উপর কতখানি খাড়া, আজ সেটা স্বীকার করতে আমাদের আর বাধে না। কিন্তু সেই মারাত্মক পিউরিটান যুগে, যখন কেউ কেউ নাকি কদম্ববৃক্ষকে ‘অশ্লীলবৃক্ষ’ (এটা অবশ্য বিরুদ্ধ পক্ষের ব্যঙ্গ—‘রিডাকসিও অ্যাড আবসার্ভাম’ পদ্ধতিতে) বলতেন তখন দ্বিজেন্দ্রনাথ জ্ঞানভেদে, বৃন্দাবনের শ্রীকৃষ্ণকে গীতার শ্রীকৃষ্ণ থেকে ভিন্ন করে ফেললে বৃন্দাবন-লীলা নিতান্তই মানবিক প্রেমে পর্যবসিত হয়; ভক্তজন তাঁদের আধ্যাত্মিক অমৃত থেকে বঞ্চিত হবেন।

প্রথম যৌবন থেকেই দ্বিজেন্দ্রনাথ ধর্ম-সঙ্গীত রচনা আরম্ভ করেন। রবীন্দ্রনাথ জীবনস্মৃতিতে লিখেছেন তাঁর এগারো বছর বয়সে ‘আমি বেহাগে গান গাহিতেছি—

তুমি বিনা কে প্রভু সংকট নিবारे

কে সহায় ভব-অন্ধকাবে

তিনি (পিতা) নিস্তরু হইয়া নতশিরে কোলের উপর দুই হাত জোড় করিয়া শুনিতেছেন—সেই সন্ধ্যাবেলাটির ছবি আজও মনে পড়িতেছে।’

এই গানটি দ্বিজেন্দ্রনাথের রচনা; এবং রেখাক্ষর বর্ণমালাতেও তিনি অনুশীলন হিসাবে এটি উদ্ধৃত কবেছেন। যদিও ‘ব্রহ্মসঙ্গীতে’ তাঁর মাত্র ত্রিশটি গান পাওয়া যায়, তবু এ-বিষয়ে সন্দেহ নেই তিনি বিস্তর গান রচনা করেছিলেন। কিন্তু তিনি নিজের বচনা সম্বন্ধে এমনই উদাসীন ছিলেন—একথা পূর্বেই উল্লেখ কবেছি—যে সেগুলো বাঁচিয়ে রাখবার কোনো প্রয়োজন বোধ করেননি।

ধীরে ধীরে তিনি সাহিত্য, কাব্য, সঙ্গীত, শব্দতত্ত্ব, ইতিহাসেব দর্শন সব জিনিস থেকে বিদায় নিয়ে ভারতীয় তত্ত্বজ্ঞান ও তার অনুশীলনে নিযুক্ত হলেন। এ যে কী অভ্রভেদী দুর্জয় সাধনা তার বর্ণনা দেবার শাস্ত্রাধিকার আমাব নেই। এক দিকে ইয়োরোপীয় দর্শন তাঁর নখাগ্রদর্পণে ছিল—অন্য দিকে বেদান্ত, সাংখ্য এবং যোগ—উপনিষদ, গীতা এবং মহাভারতের তত্ত্বাংশ। ভারতীয় তত্ত্বজ্ঞান শুধু স্পেকুলেট তথা তর্কবিতর্ক করতে শেখায়

২০ বলা বাহুল্য ‘কৃষ্ণ’ শব্দ ‘ক্রিষ্ট’ বা ‘কেষ্ট’ পড়তে হবে।

না। গোড়ার থেকেই ধ্যানধারণা, সাধনা করতে হয়। ভারতীয় তত্ত্বজ্ঞান মেটাল জিমনাস্টিক নয়।

দ্বিজেন্দ্রনাথ শাস্ত্রচর্চার সঙ্গে সঙ্গে ধ্যানধারণায় মগ্ন হলেন।

এখনো বাঙলা দেশে বিস্তার না হোক, বেশ কিছু লোক বেঁচে আছেন যাঁরা তাঁর সে ধ্যানমূর্তি দিনের পর দিন দেখেছেন। সূর্যোদয়ের বহু পূর্বেই তিনি আগের দিনের বাসি জলে স্নান করে ধ্যানে বসতেন। সে সময় ছোটো ছোটো পাখী, কাঠ-বেরালি তাঁর গায়ের উপর বসতো, ওঠা নামা করতো। ঘণ্টার পর ঘণ্টা কেটে যেত। পাখীরা অপেক্ষা করতো, ধ্যান ভঙ্গের পর তিনি তাদের খাওয়াবেন। ময়দার গুলি বানিয়ে মুনীশ্বর তার ব্যবস্থা করে রাখতো।

বহু বৎসর একাগ্রচিত্তে ধ্যানধাবণা ও শাস্ত্রচর্চার ফলস্বরূপ তাঁর গ্রন্থ, বাঙলা তত্ত্বকথার অতুলনীয় সম্পদ, ‘গীতাপাঠ’।

এখানে এসে আমাব ব্যক্তিগত মত অসঙ্কোচে বলছি—বিড়ম্বিত হতে আপত্তি নেই, যদি, শাস্ত্রজ্ঞরা বলেন, আমার মতের কীই বা মূল্য—বাঙলা ভাষায় একরম গ্রন্থ তো নেই-ই, ভারতীয় তথা ইংরিজি, ফরাসী, জর্মনেও ভারতীয় তত্ত্বালোচনার এমন গ্রন্থ আর নেই।

যাদের সামনে (এবং খুব সম্ভব তাঁদের অনুরোধেই তিনি এ-গ্রন্থখানি লেখেন) তিনি এই গ্রন্থখানি পাঠ করে শোনান (পুস্তকের ভূমিকায় আছে ‘এই “গীতাপাঠ” তত্ত্ববেধিনী এবং প্রবাসীতে ছাপাইতে দিবাব সময়ে সময়ে শান্তিনিকেতনের ব্রহ্মবিদ্যালয়ের আচার্যগণের সভা আহ্বান করিয়া তাঁহাদিগকে উত্তরোত্তর-ক্রমে শুনানো হইয়াছিল’) তাঁদের অনেকেই ইয়োরোপীয় দর্শনে সুপণ্ডিত ছিলেন। তাই তাঁদের বোঝার সুবিধার জন্য (আজও তাই ইয়োরোপীয় দর্শনের পণ্ডিতদের কাছে এ-বইটি অমূল্য) তিনি প্রয়োজনমত ইয়োরোপীয় দার্শনিকদের অভিমতও প্রকাশ করেছেন। দৃষ্টান্তস্বরূপ উদ্ধৃত করি : উপনিষদে আছে ‘অবিদ্যা’ শব্দটি, সেটি বোঝাতে গিয়ে তিনি বলেছেন, ‘বেদান্ত এবং সাংখ্য ছাড়া আরেক শাস্ত্র আছে; সে শাস্ত্রে বলে এই যে, ১। সাংখ্যের অচেতন প্রকৃতি, ২। কান্টের Thing-in-itself, ৩। Schopenhauer-এর অন্ধ Will, ৪। Mill-এব ইন্ড্রিয় চেতনার ভাষায়—Permanent Possibility of Sensation, ৫। বেদান্তের সদসদভ্যামনির্বাচনীয়া অবিদ্যা; পাঁচ শাস্ত্রের এই পাঁচ রকমের বস্তু একই বস্তু।’ পূর্বেই বলেছি, দ্বিজেন্দ্রনাথের মূল উপনিষদ, গীতা, মহাভারত, বেদান্ত (দর্শন) সাংখ্য ও যোগ। পাঠক আরও পাবেন, বেহাম, চার্বাক, সফিস্ট, স্টয়িক, ডাকইন, ভোজবাজ, যাজ্ঞবল্ক্য, জনক, ভাস্করাচার্য, সেন্ট আইওস্টিন, নীলকণ্ঠ, স্পেন্সার প্রভৃতি।

সম্পূর্ণ পুস্তিকায় পাঠক পাবেন কি? এর নাম নাকি গোড়াতে ছিল ‘গীতাপাঠের ভূমিকা’—পরে ‘গীতাপাঠ’-এ পরিবর্তিত হয়। সাংখ্য বেদান্ত তথা তাবৎ ইয়োরোপীয় জ্ঞান (এবং বিজ্ঞান) ও দর্শনের ভিত্তব দিয়ে দ্বিজেন্দ্রনাথ তরুণ সাধককে গীতাপাঠ এবং তার অনুশীলনে নিয়ে যেতে চান।

তাই তিনি আরম্ভ করেছেন সাংখ্য নিয়ে।

‘দুঃখত্রয়াভিঘাতজ জিজ্ঞাসা।’

অর্থাৎ 'ত্রিবিধ দুঃখের (বাইরে থেকে, নিজের থেকে এবং দৈবদূর্বিপাকে ঘটিত দুঃখ) কিরূপে বিনাশ হইতে পারে, তাহাই জিজ্ঞাসার বিষয়।' এবং সেটা যেন 'একান্তাত্যন্ততোংডবাং' ক্ষণিক বা আংশিক বিনাশ না হয়; হয় যেন, ঐকান্তিক এবং আত্যন্তিক বিনাশ। কারণ দুঃখ লোপ পেলেই সুখ দেখা দেবে। যে রকম শরীর থেকে সর্বরোগ দূর হলে স্বাস্থ্যের উদয় হয়। তা ভিন্ন স্বাস্থ্য বলে অন্য কোনো জিনিস নেই। এবং এ-সুখ যা-তা সুখ নয়। উপনিষদের ভাষায় অমৃত, আনন্দ।

গ্রন্থের মাঝামাঝি এসে তিনি এই তত্ত্বটি গীতা থেকে উদ্ধৃত করে আরও পরিষ্কার করে বলেছেন :

আপূর্যমানমচলপ্রতিষ্ঠং সমুদ্রমাপঃ

প্রবিশস্তি যদবৎ।

তদবৎকামা যং প্রবিশস্তি সর্বে স

শান্তিমাপ্নোতি ন কামকামী।

অর্থাৎ 'স্বস্থানে অবিচলিত ভাবে স্থিতি করিতেছেন যে আপূর্যমান সমুদ্র, তাহাতে যেমন নদনদী সকল প্রবেশ করিয়া বিলীন হইয়া যায়, তেমনি, যিনি আপনাতে স্থিৎ থাকেন, আর, চতুর্দিক হইতে কামনা সকল যাঁহাতে প্রবেশ কবিয়া বিলীন হইয়া যায়, তিনিই শান্তি লাভ করেন; যিনি কামনার পশ্চাৎ পশ্চাৎ ধাবমান হ'ন—তিনি না।'

এরই টীকা করতে গিয়ে তিনি তাঁর জীবনের উদ্দেশ্য, মানবমাত্রেয়ই জীবনের উদ্দেশ্য অতি পরিষ্কার ভাষায় বলেছেন :

'আত্মসত্তার রসাস্বাদ-জনিত এক প্রকার নিষ্কাম প্রেমানন্দ যাহা মনুষ্যেব অন্তঃকরণের অন্তরতম কোষে নিয়তকাল বর্তমান রহিয়াছে, তাহা জীবাত্মার অনন্তকালের পাথেয় সম্বল, এবং সেই জন্য তাহারই পরিস্ফুটন মনুষ্যজীবনের চরম উদ্দেশ্য হওয়া উচিত।' (গীতাপাঠ পৃ. ১৬২)

এই চরম মোক্ষকেই মুসলমান সাধকেরা বলে থাকেন, ফানা ও বাক্য। খ্রীস্টীয় সাধকেরা এরই বর্ণনা দিতে গিয়ে বলেছেন, 'As the bridegroom rejoiceth over the bride, so shall the Lord rejoice over thee।'

এদেশে একাধিক সাধকও ঐ একই বর্ণনা দিয়েছেন।

দ্বিজেন্দ্রনাথ খুব ভাল করেই জানতেন এ-যুগে কেন, সর্বযুগেই মানুষ সাধনার এই কঠিন পথ বরণ করতে চায় না। তাই তিনি গীতা পাঠেব তৃতীয় অধিবেশনের অন্তে বলেছেন :

'আনন্দ সম্বন্ধে এ যাহা আমি কথা-প্রসঙ্গে বলিলাম—এটা সাধন' পদ্মানদীর ওপারের কথা; আমরা কিন্তু রহিয়াছি এপারে কারাবদ্ধ; কাজেই আমাদের পক্ষে ওরূপ উচ্চ আনন্দের কথাবার্তার আন্দোলন এক প্রকার "গাছে কাঁটাল—গোঁফে তেল।" এ-রকম বাক্যবাণ আমার সহ্য আছে ঢের; সুতরাং টেহা গ্রাহ্যের মধ্যে না আনিয়া আমার যাহা কর্তব্য মনে হইল তাহাই আমি করিলাম;—যাত্রীরা পাছে নৌকাযোগে পদ্মানদী পার হইতে অনিচ্ছুক হ'ন—এই জন্য পদ্মানদীর ওপার যে কিরূপ রমণীয় স্থান তাহা দূরবীন যোগে (অর্থাৎ প্রথম তিন অধিবেশনে তিনি যে অবতরণিকা নির্মাণ করেছেন তা

দিয়ে—লেখক) তাঁহাদিগকে দেখাইলাম। এখন নৌকা আরোহণ করিবার সময় উপস্থিত; অতএব যাত্রী ভায়ারা পৌঁটলাপটুলি বাঁধিয়া প্রস্তুত হউন।^{২১}

এই অমূল্য পুস্তকের গুণাগুণ বিচার করা আমার জ্ঞানবুদ্ধির ত্রিসীমানার বাইরে। তবে বর্ণনা দিতে গিয়ে এইটুকু নিবেদন করতে পারি, জড়-প্রকৃতি, জীব-প্রকৃতি, তথা জীবের সুখদুঃখ বিশ্লেষণ করার সময় তিনি প্রধানত শরণ নিয়েছেন সাংখ্যের, সাধনার যে পন্থা অবলম্বন করেছেন সেটি যোগের এবং আস্থা ও আশা রেখেছেন বেদান্তের উপর।

তবে এ পুস্তিকায় মৌলিকতা কোথায়? ছত্রে ছত্রে পৃষ্ঠায় পৃষ্ঠায়। তিন দর্শন এক করে (প্রয়োজনমত ইউরোপীয় দর্শন দিয়ে সেটা আমাদের আরও কাছে টেনে এনে) তার সঙ্গে নিজের অক্লান্ত পরিশ্রমজনিত দীর্ঘকালব্যাপী সশ্রদ্ধ সাধনা-লব্ধ অমূল্য নিধি যোগ করে, কবিজ্ঞানোচিত অতুলনীয় তুলনা, ব্যঞ্জনা, বর্ণনা দিয়ে অতিশয় কালোপযোগী করে তিনি এই পুস্তিকখানি নির্মাণ করেছেন।

সকলেই বলে, এ পুস্তক বড় কঠিন। আমিও স্বীকার করি। তার প্রধান কারণ, দ্বিজেন্দ্রনাথ একই সময়ে একাধিক ডাইমেনশনে বিচরণ করেন। কিন্তু সঙ্গে সঙ্গে এ কথাও পুনরায় সর্বিনয় নিবেদন করি, এ রকম কঠিন জিনিস এতখানি সরল করে ইতিপূর্বে কেউ লেখেননি।

রবীন্দ্রনাথের আত্মত্যাগ

কেউ দেশের জন্য প্রাণ দেয়, কেউ বা দয়িতের জন্য, কেউ বংশের সম্মানরক্ষার্থে আত্মোৎসর্গ করে। যাঁরা প্রাণ দিয়ে শহীদ হন তাঁদের অনেকেই তখন সুদ্ধমাত্র কর্তব্যবোধ থেকে, বিবেকের অলম্ব্য আদেশ পালন করাব জন্মই নিজের জীবন বিসর্জন দেন। আবার কেউ কেউ ভাবেন, কর্তব্যকর্ম না করলে তাঁরা মুক্তি-মোক্ষ-নির্বাণ থেকে বঞ্চিত হবেন।

এদেশে সাধারণজনের ধারণা, মুক্তি বা মোক্ষের অর্থ নাসিকাগ্রে মনোনিবেশ করে কঠোর-কঠিন কৃচ্ছসাধন। অথচ আমাদের দেশে সব দার্শনিক সব ঋষি একবাক্যে বলেছেন মানুষের চরম কাম্য বা মোক্ষ বলতে বোঝায় পরিপূর্ণ, নিরবচ্ছিন্ন আনন্দ—যে আনন্দের সঙ্গে পার্থিব কোন সুখেরই তুলনা হয় না। মুসলমান সাধকরা ঐ কথাই বলেছেন, এবং ইহুদি মহাপুরুষ তো স্পষ্ট ভাষায় বলেছেন, “As the bridegroom rejoiceth over the bride, so shall the Lord rejoice over thee” এবং এইটিই খ্রীস্টানদের মূলমন্ত্র।

কয়েক মাস পূর্বে আমি ‘মৃত্যু’—হয়তো ‘শোক’ বললে ভালো হত—নাম দিয়ে একটি প্রবন্ধ লিখি এবং রবীন্দ্রনাথের জীবনে মৃত্যুদূত বার বার এসে তাঁকে যে কী গভীর

২১ দ্বিজেন্দ্রনাথ বলতেন, বাংলা ভাষা এখনো এমন দুর্বল যে সুন্দর চিন্তা প্রকাশ করা কঠিন; তাই আমাদের প্রধান কাজ হবে টু বি কনসাইজ, টু বি স্লিসাইজ, টু বি ক্লিয়ার। সেটা করতে গিয়ে যদি একটি বাঁঠন সংযুক্ত শব্দের পবেই একটি জুতসই—not just—সহজ বাংলা শব্দ আসে, তবে নির্ভয়ে সেখানে লাগানো উচিত। অর্থাৎ তিনি ‘গুরুচণ্ডালী’ অনুশাসন মানতেন না।

বেদনা দিয়েছে তার বিবরণ দি। আরও বহু বহু বেদনা তিনি পেয়েছেন, যার স্বরণে আপন
জন্মদিন উপলক্ষে গিছন পানে তাকিয়ে বলছেন।

‘পায়ে বিধেছে কাঁটা

কতবন্ধে পড়েছে রক্তখারা।

নির্মম কঠোরতা মেয়েছে চেউ

আমার নৌকার ডাইনে বাঁয়ে,

জীবনের পণ্য চেয়েছে ডুবিয়ে দিতে

নিন্দার তলায়, পঙ্কের মধ্যে।’^১

এ-সব কিছু তিনি সয়ে নিয়েছিলেন তাঁর অসাধারণ চরিত্রবল দিয়ে।

কিন্তু সবচেয়ে বেদনা পেয়েছেন, যখন তাঁর আত্মজন পেয়েছে আঘাত। যেখানে
তাকে শুধু দাঁড়িয়ে দাঁড়িয়ে দেখতে হয়েছে, বেদনা-বেদনায় সে আত্মজনের খুলিতলে
অবলুষ্ঠন। সাধনা দেবার মত ভাষাও খুঁজে পাননি তখন। নিজের বেলা তিনি অন্তরের
দিকে তাকিয়ে নিরাশ হননি, কিন্তু আত্মজনের বেলা?

বলা হয়, পৃথিবীতে সবচেয়ে কঠিন শোক পায় মা, যখন সে পুত্রহারা হয়। এবং সে
মাও যদি দুঃখিনী হয়, এবং ঐ পুত্রই যদি একমাত্র পুত্র হয়। এবং তার চেয়ে নির্মম আঘাত
পান যদি সে মাতার আপন গিতা জীবিত থাকেন তবে তিনি। রবীন্দ্রনাথের বেলা তাই
হয়েছিল। ‘দুর্ভাগিনী’কে মনশ্চকুর সামনে রেখে বলছেন,

‘তোমার সম্মুখে এসে, দুর্ভাগিনী, দাঁড়াই যখন

নত হয় মন।

বেন ভয় লাগে

শশয়ের আরম্ভেতে স্তম্ভতার আগে।

এ কী দুঃখভার,

কী বিপুল বিবাদে স্তম্ভিত নীরক্ৰ অন্ধকার

ব্যাপ্ত করে আছে তব সমস্ত জগৎ

তব ছূত ভবিষ্যৎ!

প্রকাশ এ নিঃশব্দতা

অপ্রভেদী ব্যথা

দাবদহ পর্বতের মতো

খররৌদ্রে রয়েছে উন্নত

লয়ে নগ্ন কালো শিলাস্থল

ভীষণ বিরূপ।’

১ সত্যেন্দ্রনাথের মৃত্যুতে রবীন্দ্রনাথ লেখেন,

যে বেয়ার কর্ণধার তোমাতে নিয়েছে সিদ্ধপারে

আবাফের সজল ছায়ায়, তার সাথে বায়ে বায়ে

হয়েছে আমার চেনা।’

—পূর্ববী

কী হৃদয়ভেদী তুলনা! যেন আশ্বেয়গিরি থেকে বেরিয়ে এসেছে ‘লাভা’ হয়ে মাতার বাংসল্যরস! তারপর সে মায়ের আকুলিবিকুলি,

‘সব সাস্ত্রনার শেষে সব পথ একেবারে
মিলেছে শূন্যের অঙ্ককারে;

ফিরিছ বিশ্রামহারা ঘরে ঘরে,
খুঁজিছ কাছের বিশ্ব মুহুর্তে যা চলে গেল দূরে
খুঁজিছ বৃকের ধন সে আর তো নেই
বৃকের পাথর হল মুহুর্তেই।’

এর চেয়ে নিদারুণতার বর্ণনা আর মানুষ কি দিতে পারে—মায়ের পুত্রশোকের? আমার লেখাপড়া সীমাবদ্ধ। পাঠক, তুমি যদি পেয়ে থাকো, তবে সেটি আমায় পাঠিয়ে। না, ভুল বললুম, পাঠিয়ে না! পড়ে দরকার নেই।

‘চিরচেনা ছিল চোখে চোখে
অকস্মাৎ মিলালো অপরিচিত লোকে।’

স্বল্পপরিচিত জনের মৃত্যুসংবাদ শুনেই আমরা শোকে, এক অজানা আতঙ্কে স্তব্ধ হয়ে যাই—আর, এখানে কল্পনা করুন যে বাচ্চাটিকে মা ক্ষণতরে চোখের আড়াল হতে দিত না, যার কণ্ঠস্বরের সামান্যতম রেশ, যার ক্ষুদ্রতম অঙ্গভঙ্গী তার চেনা, আর সে যখন হঠাৎ খেলা ছেড়ে ছুটে এসে বৃকে ঝাঁপিয়ে পড়ে বলতো, ‘মা’, সে হঠাৎ নেই হয়ে গেল? চিরতরে? এ মহাশূন্যতা—কল্পনায়—এ যে আপন মৃত্যুযজ্ঞগার চেয়েও নির্মম!

কিন্তু তারপব শুনুন, বীভৎসতার চূড়ান্ত :

দেবতা যেখানে ছিল সেথা জ্বালাহিতে গেলে ধূপ
সেখানে বিদ্রপ।

চরম দুঃখে মা যখন কোনো সাস্ত্রনা পেয়ে তার পূজোর ঘরে মাথা কুটতে গেল—ইষ্টদেবতার সামনে—, যে দেবতা যুগ যুগ ধরে এ-বংশের কত না দুঃখী, কত না দুঃখিনীর চোখের জল মুছিয়ে দিয়েছেন, সে-দেবতা তখন যদি লজ্জায় গা-ঢাকা দিতেন তাও কিছু বিচিত্র হত না, কিন্তু তার চেয়েও পৈশাচিক পরিস্থিতি। দেবতার জায়গায় হনুমান বসে মায়ের শোকের দিকে ভেংচি কাটছে!

* * * *

এ সব দুঃখ থেকে নিষ্কৃতির পথ কি রবীন্দ্রনাথ জানতেন না? জানতেন, খুব ভাল করেই জানতেন—অন্তত আমার মনে এ-বিষয়ে কোনো সন্দেহ নেই।

একাডেমিক অর্থে রবীন্দ্রনাথ দার্শনিক ছিলেন না। অর্থাৎ কার্টের ‘থিং ইন্ ইটসেল্ফ’ এবং বেদান্তর ‘অ-সত্য’ একই বস্তু কিনা, ব্রহ্মা যেখানে নির্গুণ সেখানে ত্রিগুণ তাঁর ভিতরে লোপ পায়, না, তিনি তখন ত্রিগুণের অতীত এ-সব নিয়ে রবীন্দ্রনাথ কালক্ষেপ করতেন না। কিন্তু এ-কথা তিনি খুব ভাল করেই জানতেন ভারতীয় দর্শনের চরম আদর্শ আনন্দ। এবং সাংখ্য দর্শনের গোড়ার কথাই হচ্ছে, দুঃখের কারণ কি ভাবে, ঐকান্তিকরূপে সমূলে বিনষ্ট করা যায়। আমার সঙ্গে সকল্বে একমত না হলেও নিবেদন করি, যোগ যত না ব্রহ্মানন্দের পথ নির্দেশ করেছেন, তার চেয়ে বেশী পথ নির্দেশ করেছেন আপনাতো

স্থির হয়ে আপন 'আনন্দময় কোব' থেকে আনন্দ আহরণ করতে। বেদান্ত প্রশ্নবমস্ত্রের অনুসরণে ত্রিভুবনে—অর্থাৎ ভূঃ, ভুবঃ, স্বঃ—মা-কিছু আনন্দ আছে তা ব্রহ্মে লীন আছে জেনে সেই ব্রহ্মে যোজিত হয়ে অনন্তকালব্যাপী অনন্তদেশব্যাপী পরিপূর্ণানন্দে লীন হতে আদেশ দেয়।

পাঠক! মা ভৈঃ! আমি তোমাকে দর্শনশাস্ত্রের গোলকধাঁধায় ঢুকিয়ে অথবা হায়রান করতে চাই নে—যদিও আমার বিশ্বাস পতঞ্জলি, কপিল, শঙ্কর তাঁদের মূল বক্তব্য আমাদের মত সাধারণজনের জন্যই বলে গেছেন, এবং সামান্য একটু শ্রদ্ধাভরে এঁদের মূল বক্তব্য বার বার পড়লে আপাতদৃষ্টিতে যা কঠিন বলে মনে হয় সেটি সরল হয়ে যায়। অবশ্য এঁরা প্রত্যেকেই যেস্থলে আপন বক্তব্য সপ্রমাণ করতে, অন্যের বক্তব্যের সঙ্গে আপন বক্তব্যের কোনখানে গরমিল সেটা বোঝাতে গিয়ে সূক্ষ্মাতিসূক্ষ্ম তর্কের অবতারণা করেছেন—সেগুলো বোঝা পরিশ্রম-ও ধ্যান-সাপেক্ষ। যেমন স্বাস্থ্যবান হতে হলে বৈদ্যরাজ প্রদত্ত কয়েকটি মূলসূত্র পালনই যথেষ্ট; পুরো আয়ুর্বেদ খুঁটিয়ে খুঁটিয়ে অধ্যয়ন করা পরিশ্রমসাপেক্ষ ও নিষ্প্রয়োজন।

এ-সব তত্ত্ব রবীন্দ্রনাথ খুব ভালো করেই জানতেন।

এবং সেটা সপ্রমাণ করা কঠিন নয়।


*

*

*

রবীন্দ্রনাথ তাঁর জীবনের শেষ কবিতা রচনা করে যান অস্ত্রোপচারের কয়েক ঘণ্টা পূর্বে। এবং সকলেই জানেন, সে অস্ত্রোপচার ব্যর্থকাম হয়, ও কবি অন্য কোনো রচনাতে হাত দিতে পারেননি। এ কবিতা সকলেই পড়েছেন, তবু আলোচনার সুবিধার জন্য এটি তুলে দিচ্ছি :

'তোমার সৃষ্টির পথ রেখেছ আকীর্ণ করি
বিচিত্র ছলনাজালে
হে ছলনাময়ী।
মিথ্যা বিশ্বাসের ফাঁদ পেতেছ নিপুণ হাতে
সরল জীবনে।
এই প্রবঞ্চনা দিয়ে মহত্বেরে করেছ চিহ্নিত;
তার তরে রাখনি গোপন রাত্রি।
তোমার জ্যোতিষ্ক তারে
যে-পথ দেখায়
সে যে তার অন্তরের পথ,
সে যে চিব স্বচ্ছ,
সহজ বিশ্বাসে সে যে
করে তারে চির সমুচ্ছল।
বাহিরে কুটিল হোক অন্তরে সে স্বজ,
এই নিয়ে তাহার গৌরব।
লোকে তারে বলে ষিড়্ধিহিত।



কিছুতে না পারে তারে প্রবঞ্চিত,
শেষ পুরস্কার নিয়ে যায় সে যে
আপন ভাঙারে।
অনায়াসে যে পেরেছে ছলনা সহিতে
সে পায় তোমার হাতে
শান্তির অক্ষয় অধিকার।

শেষ লেখা, ৩০ জুলাই, ১৯৪১।

এস্থলে প্রথমেই বলে রাখা ভালো, রবীন্দ্রনাথ কোনো বিশেষ দার্শনিক তত্ত্ব বা বৈজ্ঞানিক তথ্য প্রমাণ করবার জন্য কবিতা লিখতেন না। একথা তিনি নিজেও একাধিকবার বলেছেন। কবিতা তার নিজের মহিমায় মহিমাময়ী,—দর্শন বিজ্ঞান এমন কি ধর্মের সেবা-দাসী হয়েও সে তার চরম মোক্ষের অনুসন্ধান করে না (ধর্মও ঠিক সেই রকম দর্শন বা বিজ্ঞানের মুখাপেক্ষী নয়)। কাল যদি বিশ্ব-ব্রহ্মাণ্ডের তাবৎ ঐতিহাসিক কড়ায় কড়ায় প্রমাণ করে দেন যে কুরুপাণ্ডবের যুদ্ধ আদৌ হয়নি, কৃষ্ণার্জুন সংবাদের তো কথাই ওঠে না, তাহলেও গীতার মূল্য কানাকড়ি কমবে না। মধুসূদন যখন উষ্ণ দীর্ঘশ্বাস ফেলে বলেন,

‘আশার ছলনে ভুলি কি ফল লভিনু হয়!’

তখন তিনি এ-কথা সপ্রমাণ করতে কোমর বাঁধেননি যে ‘আশার ছলনে’ ভুলতে নেই। বস্তুত তিনি তারপরও আশার ছলনে ভুলেছেন, বৈচে থাকলে আরও ভুলতেন—এবং না ভুললে আমাদের ক্ষতি হত।

আপাতদৃষ্টিতে আমাদের মনে হয়, পৃথিবী নিশ্চল এবং ধ্রুবতারা ধ্রুবস্থির। বৈজ্ঞানিকরা কিন্তু বলেন, এ বিশ্বব্রহ্মাণ্ড—মায় ধ্রুবতারা—প্রচণ্ড গতিবেগে কোন অজানার দিকে যে ধেয়ে চলেছে সে খবর কেউ জানে না। তাই বলে রবীন্দ্রনাথ যখন লেখেন,

‘দেখিতেছি আমি আজ

এই গিরিরাজি,

এই বন, চলিয়াছে উন্মুক্ত ডানায়

দ্বীপ হতে দ্বীপান্তরে, অজানা হইতে অজানায়।’

তখন তিনি কোনো বৈজ্ঞানিক সত্য মস্তিষ্ক দিয়ে বুঝে, তারপর হৃদয় দিয়ে অনুভব করে সেটি কবিতার রসে প্রকাশ করছেন না। এটা প্রত্যক্ষ অনুভূতি, পুত্রশোকে মাতার কাতরতা যেমন সোজা অনুভূতি, প্রিয়জনবিরহ আমাদের বুকে যেরকম সরাসরি বেদনার অনুভূতি এনে দেয়, সেইরকম।

তাই যখন কবি বলেছেন ‘তোমার সৃষ্টির পথ’ ‘বিচিত্র ছলনাজালে আকীর্ণ’ করে রেখেছ তখন তিনি একটি সহজ সত্য অনুভব করেছেন। এটি দার্শনিক গবেষণা নয়।

এখন প্রশ্ন, এই ‘ছলনাময়ী’টি কে?

তিনি পরব্রহ্ম হতে পারেন না, কারণ তাঁর লিঙ্গ নেই, এবং এ-স্থলে শব্দটি পরিষ্কার স্ত্রীলিঙ্গে আছে।

তাই এখানে সাংখ্যদর্শনের আশ্রয় নিলে কবিতাটি পুঙ্খানুপুঙ্খরূপে বোঝবার সুবিধে হয়—রসগ্রহণ অবশ্য অন্য ক্রিয়া।

‘কপিল মূনির চরম বক্তব্য কথা এই যে, প্রকৃতিই আপন অধিষ্ঠাতা পুরুষকে অর্থাৎ জীবাত্মাকে মোহে আচ্ছন্ন করিয়া তাহাকে সুখ-দুঃখাদির গুণদ্বারা বন্ধন করেন, এবং প্রকৃতিই মোহাঙ্ককার ক্রমে ক্রমে অপসারণ করিয়া সুখ-দুঃখাদির হস্ত হইতে জীবকে নিষ্কৃতি প্রদান করেন।’

এই টীকাটি করেছেন রবীন্দ্রনাথের সর্বজ্যেষ্ঠ ভ্রাতা দ্বিজেন্দ্রনাথ ঠাকুর ‘গীতাপাঠ’ গ্রন্থে। স্বয়ং রবীন্দ্রনাথের মতে এর মত তত্ত্বজ্ঞানী পুরুষ তিনি তাঁর জীবনে আর দেখেননি।’ পাছে পাঠক ভাবেন আমি আমার নিজস্ব টীকা দিয়ে তাঁকে অতিশয় কঠিন বস্তু সাতিশয় সরল করে বুঝিয়ে দিচ্ছি তাই দ্বিজেন্দ্রনাথের টীকা উদ্ধৃত করলুম।

তাহলে দাঁড়ালো এই :

‘হে ছলনাময়ী’ (অগ্নি প্রকৃতি!), তুমি তোমার আপন হাতে ‘সৃষ্টির পথ’ (যে-পথ দিয়ে মানুষ চলে) ‘বিচিত্র ছলনা’ দিয়ে কণ্টকাকীর্ণ করে রেখেছ (যেমন দড়ির টুকরো দেখে সাপ ভেবে আঁতকে উঠি, আবার কিনূকের টুকরোটাকে কোম্পানির টাকা ভেবে উল্লাসে নৃত্য করি)। তারপর কবি এই ‘বিচিত্র ছলনা’ উদাহরণ দিয়ে পরিষ্কার করছেন, চতুর্থ ছত্রে,—‘মিথ্যা বিশ্বাসের ফাঁদ পেতেছ নিপুণ হাতে।’ যে ‘জীবন সরল’ বলে মনে হয়, সেখানে রয়েছে ‘মিথ্যা বিশ্বাসের ছলনা (তাই প্রকৃতি ‘ছলনাময়ী’)। এই ‘মিথ্যা বিশ্বাস’ কি সেটা রবীন্দ্রনাথ এ-কবিতা লেখার সতেরো বছর পূর্বে বর্ণনা করেছেন—তাঁর আপন জীবনে,

‘পিপাসার জলপাত্র নিয়েছে সে

মুখ হতে, কতবার ছলনা করেছে সে হেসে হেসে

ভেঙেছে বিশ্বাস, অকস্মাৎ ডুবায়ছে সে ডরা তরী

তীরের সম্মুখে নিয়ে এসে।’

১ ঠাকুর রামকৃষ্ণ বোঝাতেন উপনিষদ দিয়ে : ‘বিদ্যারূপিণী স্ত্রীও আছে আবার অবিদ্যা-রূপিণী স্ত্রীও আছে। বিদ্যারূপিণী স্ত্রী ভগবানের দিকে লয়ে যায়; আর অবিদ্যা-রূপিণী ঈশ্বরকে ভুলিয়ে দেয়, সংসাবে ছুবিয়ে দেয়। তাঁর মহামায়াজে এই জগৎসংসার। এই মায়ার ভিতর বিদ্যামায়া, অবিদ্যামায়া দুই-ই আছে। বিদ্যামায়া আশ্রয় করলে সাধুসঙ্গ, জ্ঞান, ভক্তি, শ্রেম, বৈরাগ্য এই সব হয়। অবিদ্যামায়া পঙ্কভূত আর ইন্দ্রিয়ের বিষয়, রূপ, রস, গন্ধ, স্পর্শ, শব্দ, যত ইন্দ্রিয়ের ভোগের জিনিস; এরা ঈশ্বরকে ভুলিয়ে দেয়।’

উপনিষদে আছে : ‘অঙ্ক তমঃ প্রবিশন্তি যে অবিদ্যামুপাসতে,

ততো ভূয়ো ইব তে তমো য উ বিদ্যায়ঃ রতাঃ।’

অর্থাৎ,

‘যাহারা অবিদ্যার উপাসনা করে তাহারা অন্ধ তিমিরে প্রবেশ করে।

তাহা অপেক্ষা আরও ঘোরতর অন্ধ তিমিরে প্রবেশ করে যাহারা বিদ্যায় রত।’

দ্বিজেন্দ্রনাথের অনুবাদ।

এখানে স্পষ্টত একটা স্বপ্ন রয়েছে। সেটা সরল হয়, কাণ্ড খেঁটাকে thing-in-itself বঙ্গোছেন সেটাকে অবিদ্যা অর্থে নিলে। দ্বিজেন্দ্রনাথ সেই অর্থে নিয়েছেন। তাঁর মতে, ‘এই জিনিসই সাংখ্যের অচেতন প্রকৃতি, শোপেনহাওয়ারের অন্ধ Will, Mill-এর ইন্দ্রিয়চেতনার অধিষ্ঠাত্রী নিত্যশক্তি, ইংবাজীতে Permanent possibility of sensation, বেদান্তের সদসদ্ভ্যামনির্বাচনীয়া অবিদ্যা।’ সাংখ্য নিয়ে রবীন্দ্রনাথের কবিতাটি বুঝবার চেষ্টা করণ সরল হয় বলে আমি সাংখ্য নিয়েছি।

২ সূক্তমাত্র পাণ্ডে হিসাবে রবীন্দ্রনাথ নাম করতেন স্বর্গীয় বাজেন্দ্রপাল মিত্রের।

আর এ-কথা বুঝতে তো কশামাত্র অসুবিধা হয় না, সরলকেই ফাঁকি দেয় ধুরন্ধর।
বিদ্যাসাগরের মত সরল লোকই ঠেকেছেন সব চেয়ে বেশী!

এর পর আবার একটুখানি সাংখ্যদর্শনে আসতে হয়। সাংখ্যাদি শাস্ত্রে যার নাম মহান্ দেওয়া হয়েছে সেই মহান্ শব্দের অর্থ অব্যবহিত অপরিচ্ছিন্ন (বাঙলা মগ্নিন অর্থে নয়, সংস্কৃত অর্থে অখণ্ডিত) বুদ্ধিতত্ত্ব।

এই মহান্-ই চিরানন্দের পথ দেখায়।

সেই মহান্-কে 'হে ছলনাময়ী', তুমি 'মিথ্যা বিশ্বাসের কাঁদ' পেতে
'প্রবন্ধনা দিয়ে মহত্বেরে করেছ চিহ্নিত'

অর্থাৎ মহান্-কে আচ্ছাদিত করেছ। সাংখ্যের সেই মহান্-কে এখানে কবি 'মহত্ব'রূপে ব্যবহার করেছেন। এর পর বোঝার সুবিধার জন্য একটি 'কিন্তু' যোগ দিতে হবে।^৩ পড়তে হবে,

(কিন্তু) 'তার তরে রাখনি গোপন রাত্রি।'

এর পর বাকি কবিতাটুকু সহজ; তাতে তিনটি কথা আছে :

১। যে-পথ দিয়ে জীব ছলনা থেকে মুক্ত হয়ে 'শান্তির অক্ষয় অধিকার' পায়, সেটা তার ভিতরেই আছে। সেটা তার 'অন্তরের পথ'।

২। সে যখন মানুষকে সরল বিশ্বাস করে ঠকবে, সে হয়তো জানতেই পারবে না যে বুদ্ধিমতী (ছলনাময়ী) তাকে ঠকাচ্ছে, এবং অন্য লোক তার সরলতা ও ছলনাময়ীর নষ্টামি দেখে তাকে নিয়ে ব্যঙ্গ-বিদ্রোপ করবে—'লোকে তারে বলে বিড়ম্বিত।'

৩। সে-ই শুধু 'শান্তির অক্ষয় অধিকার পায়' যে 'অন্যায়সে' 'ছলনা সহিতে' পারে। সেই লোক যে ছলনাময়ীকে—তা সে রমণীরূপেই দেখা দিক, আর পুরুষরূপেই দেখা দিক [সে ছলনা—সে বেদনা—তিন প্রকারের হতে পারে : (ক) বাহ্যবস্ত্র-ঘটিত (খ) আপনা-ঘটিত কিংবা (গ) দেবতা-ঘটিত—অর্থাৎ অ্যাক্সিডেন্টাল] সে যখন তার বেদনার জন্য দায়ী দৃষ্টিকে কঠোর সাজা দিয়ে প্রতিহিংসা নেয় না, হাসিমুখে ক্ষয়ক্ষতি স্বীকার করে নেয়—সে-ই পায় 'শান্তির অক্ষয় অধিকার।' (অব্যয় সে যখন লোকের কাছে আরও বেশী হাস্যাস্পদ, বিড়ম্বিত।)

আবার অন্তরের পথে ফিরে যাই। এ-প্রবন্ধের সেইটেই মূল বক্তব্য।

এই অন্তরের পথের শেষ প্রান্তে আছেন জ্যোতির্ময় পুরুষ। কুরান শরীফও বলেন তিনি জ্যোতিস্বরূপ।^৪

ঊরু সম্বন্ধে রবীন্দ্রনাথ যে ঊরু জীবনে কতবার উল্লেখ করেছেন তার ইয়ত্তা নেই। তিনিই জীবন-দেবতা। যে-পাঠক 'জীবন-দেবতা' জাতীয় কবিতা কঠিন বলে মনে করেন তিনি যেন গল্পে গল্পে বলা—ঐ বিষয় নিয়েই—'সিদ্ধুপারে' (চিত্রা) কবিতা পড়েন। কবি

৩ মনে রাখতে হবে এ-কবিতাটি রবীন্দ্রনাথ ডিক্টেট করেন। যখন সেটি read-back করা হল তখন তিনি বলেছিলেন যে ওটাকে আবার দেখে দিতে হবে। সে সুযোগ তিনি পাননি।

৪ কুরান শরীফ, ২৪ অধ্যায়, 'অন-নূর' (জ্যোতিঃ) মণ্ডল দৃষ্টব্য। বাইবেলেও মহাপুরুষ ঊরু প্রভৃ ইয়াহুভেকে অমিরূপে দেখেছিলেন। সর্বকণ্ঠ্য পুড়ে গিয়ে জীবাত্মা যখন অমিরূপে পবিত্রিত হয় তখন ব্রহ্মাগ্নিতে লীন হতে মাঝখানে আর কোনো প্রতিবন্ধ থাকে না। রবীন্দ্রনাথ তাই চেয়েছেন,

'কোণের প্রদীপ মিলান বখা জ্যোতিঃ সমুদ্রেই।'

এক গভীর রাতে হঠাৎ ডাক শুনতে গেয়ে, ঘুম থেকে জেগে উঠে, ‘দুরু-দুরু বৃকে’ বাইরে এসে দেখেন, ‘কৃষ্ণ অশ্বে’ বসে আছে এক ‘রমণীমূর্তি’—‘আরেক অশ্ব দাঁড়িয়ে অদূরে পুচ্ছ ভূতল চূমে।’ কবিকে নিয়ে রমণী উখাও—‘বিদ্যুৎ বেগে ছুটে যায় ঘোড়া।’ তার পর কি হল, পাঠক নির্ভয়ে পড়ে নেবেন, ঠিক ‘কথা ও কাহিনী’র গল্পের মত সরল—সাস্পেন্স নষ্ট হবে বলে আমি আর বাকিটা বললুম না।

এঁকে তিনি ঠিক চিনতে পারেননি বলে রবীন্দ্রনাথ বার বার দুঃখ করেছেন :

‘জানি, জানি আপনার অন্তরের গহনবাসীকে
আজিও না চিনি।’

এবং এই ধরনের স্কোভ ও আক্ষেপ কবি বহু শত বার করেছেন। এ নিয়ে কৌতূহলী তরুণ পাঠক চর্চা করলে উপকৃত হবেন।

তাহলে প্রশ্ন, এই ‘অন্তরের পথ’ ধরে তিনি সেই ‘অন্তরের গহনবাসী’র সম্মুখীন হলেন না কেন?

তার অসাধারণ চরিত্রবল ছিল, জীবনমরণ পণ করে যে-কোনো সাধনার পথে এগিয়ে যাবার মত বিধিদস্ত বীর্যবল তাঁর ছিল, তিনি জিতেপ্রিয় পুরুষোত্তম ছিলেন—এসব কথা নূতন করে বলার প্রয়োজন নেই। ঋষিভূল্য দ্বিজেন্দ্রনাথ তাঁর কনিষ্ঠতম ভ্রাতার সম্বন্ধে এখানকারই এক গুরুজনকে বলেন, ‘আমাদের সকলেরই পা পিছলিয়েছে—রবিব কখনো পা পিছলোয়নি!’

তবে শেষদিন পর্যন্ত রবীন্দ্রনাথ সে সাধনা করলেন না কেন, যাতে কবে তিনি দুঃখবেদনার ওপারে চলে যেতে পারেন?

আমার মনে হয়—এবং পাঠককে সাবধান করে দিচ্ছি, এইখানে এসে আপনার সঙ্গে আমার মতের মিল নাও হতে পারে—তাহলে তাঁকে কাব্যলক্ষ্মীর কাছ থেকে বিদায় নিতে হয়। আমার দুঃখানুভূতি হবে, আমার আনন্দোন্মাদ হবে, পুত্রবিয়োগে, সন্তানহারা মাতার হাহাকারে আমার অনুভূতির কেন্দ্র, আমার হৃদয়ের অন্তরতম প্রদেশ উদ্বেলিত উচ্ছ্বসিত হয়ে উঠবে তবে তো আমি সেটাকে রসস্বরূপে প্রকাশ করতে পারব। যদি মহাপুরুষেব বাণী

‘সর্বদা নিত্য প্রত্যক্ষ আত্মনে তন্ময় হয়ে থাকবে’

বরণ করে নি, তবে সুখদুঃখ আমাকে স্পর্শ করবে কি করে?

প্রাচীন যুগের কথা বলা কঠিন। এ যুগে দেখতে পাচ্ছি, যে-দ্বিজেন্দ্রনাথ (গুনেছি মধুসূদনের মত কবি তাঁর কবিতা পড়ে বলেছিলেন, এ একটিমাত্র লোক কবিতা লিখতে পারে; হ্যাঁ অফ টু দ্যাট ম্যান—তাকে নমস্কার) স্বপ্নপ্রয়াগের মত অতুলনীয় কাব্য রচনা করে বাস্পেবীর বরণপূত্ররূপে স্বীকৃত হলেন, তিনি যেদিন থেকে তাঁর ‘অন্তরের পথে’ব প্রয়াগ আরম্ভ করলেন, সেদিন রুদ্ধ হল—কিংবা আপন হাতেই তিনি রুদ্ধ করলেন—গোলাপের-পাপড়ি-ছড়ানো পথের শেষের (‘প্রিম্‌রোজ পাথ টু ইটার্নেল বন ফায়ার’) কাব্যলক্ষ্মীর দেউল দ্বার। স্বামী বিবেকানন্দের অতুলনীয় সৃজনীশক্তি ছিল; প্যারিসে (বোধ হয়) তিনি একখানা উপন্যাসও আরম্ভ করেছিলেন—শেষ করলেন না কেন? শ্রীঅরবিন্দও কবিতা রচেননি, কিন্তু সে তো গায়ত্রীর সমগোত্র—আপনার আমার নিত্যদিনের হাসিকান্নার সম্মান ত্যক্ত কোথায়? ঠাকুর রামকৃষ্ণ, দক্ষিণভারতের

রমণ মহর্ষি উভয়ই এ-যুগের বিখ্যাত পরমহংস, জীবশুক্ত। সাধারণজনের সুখদুঃখ নিয়ে এঁরা আলোচনা করেছেন অতি ললিত মধুর ভাষায়—কিন্তু সে তো রসসৃষ্টি নয়।

ঠাকুর শ্রীরামকৃষ্ণ বলেছেন, দাসী মুনিব-বাড়িতে কাজ করে নিখুঁতভাবে, কিন্তু তার মন পড়ে থাকে আপন বাড়িতে আপন বাচ্চার কাছে। আমরা এ-সংসারের কর্তব্য-কর্ম করবো দাসীর মত, কিন্তু মন পড়ে রইবে ব্রহ্মার পদতলে।

এই উপদেশ নিয়ে কারও মনে কোনো সন্দেহ থাকার কথা নয়। কিন্তু শ্রদ্ধ, দাসীকে যদি আদেশ করা হয়, তাকে কাপড় কাচা বাসন মাজার মেকানিক্যাল্ রুটিন কাজ নয়, তন্ময় হয়ে গাইতে হবে গান, কিংবা উদ্ভাবন করতে হবে কাঁথা সেলাইয়ের নিত্য নব প্যাটার্ন—পারবে কি সে? দাসী কেন যদি স্বয়ং রবীন্দ্রনাথকে বলা হত, জমিদারী চালানো বা ছাত্র-অধ্যাপনা নয়—এগুলো মোটামুটি মেকানিক্যাল্ কাজ—তোমাকে তন্ময় হয়ে গাইতে হবে গান কিংবা রচতে হবে কবিতা অথচ তোমার সর্বসত্তা পড়ে থাকবে পরব্রহ্মের পদপ্রান্তে, তবে তিনি কি সেটা পারতেন? এই ডবল তন্ময়তা কি সম্ভবপর? হয়তো ধর্মসঙ্গীত রচনার সময় সম্ভবপর (যদিও কেউ কেউ বলেন, তাঁর ধর্মসঙ্গীত অনবদ্য হলেও তাঁর প্রেম বা প্রকৃতি সঙ্গীতের তুলনায় নিচে) কিন্তু হৃদয়ের গভীরতম বেদনার স্মরণে তন্ময় হয়ে সে-বেদনাকে সর্বাসুন্দর, বিশ্বজননমস্য রূপ দিয়ে সৃষ্টি করা কি সম্ভবপর? দুঃখে যে জন অনুদ্বিগ্নমনা, সুখে যে জন বিগতস্পৃহ সে তো শাস্ত; শাস্ত রস কি রস? খ্রীস্টান মিস্টিক্ তরুণ সাধককে বলেছেন, 'যা বলার এই বেলা বলে নাও। ব্রহ্মপ্রাপ্তির পর যে অভূতপূর্ব আনন্দ পাবে তখন আর-কোনো-কিছু বলতে চাইবে না।'

চতুর্দিক থেকে তারস্বরে প্রতিবাদ উঠবে—আমি জানি—তবু স্মীগকণ্ঠে নিবেদন করে যাই, রবীন্দ্রনাথ সেই ব্রহ্মানন্দে লীন হতে চাননি। তিনি আমাদের মত পাপীতাপীদের যে ভাঙা নৌকা, সেটা ছেড়ে দিয়ে চলে যেতে চাননি। সুখের মলয় বাতাসে ঝঞ্জাবাতের ক্রুর আঘাতে নিমজ্জমান তরীতে বসে তিনি আমাদের গুনিয়েছেন, আমাদেরই হৃদয়ের গীতি—যে গীতির প্রকাশক্ষমতা আমাদের নেই।

যুধিষ্ঠিরের মত তিনিও স্বর্গারোহণ করতে চাননি।

রামানন্দ চট্টোপাধ্যায়

স্বর্গত রামানন্দ চট্টোপাধ্যায় তাঁর প্রাপ্য সম্মানের শতাংশেব একাংশও পাবেন বলে আমি আর আশা করি না।

এই যে আজ আমরা অজস্রা বাঘ গুহার ছবি নিয়ে এত দাপাদাপি করি, অবনীন্দ্রনাথ গগনেন্দ্রনাথ নন্দলাল বসুর কীর্তিকলাপ নিয়ে গর্ব অনুভব করি—আমাদের চোখের সামনে এঁদের তুলে ধরলো কে? এবং তখন তাঁকে কী অন্যান্য প্রতিবাদের সামনে না দাঁড়াতে হয়েছিল! শুধু প্রতিবাদ নয়, নীচ আক্রমণ।

আজ আর তাই নিয়ে ক্ষোভ করি না। তার কারণ, প্রতিবাদ এবং ভিন্নমত (অপজ্ঞিশন) না থাকলে অসং মানুষ যে আরও কতখানি অসততার দিকে এগিয়ে যায় সে তো আজ চোখের সামনে স্পষ্ট দেখতে পাচ্ছি। রামানন্দের শতদোষ থাকতে পারে কিন্তু তিনি অসং একথা বললে আমাদের মত লোক মানবজাতির উপর শ্রদ্ধা হারাতে।

তিনি সৎ ছিলেন তৎসঙ্গেও তাঁর অপজ্ঞিশনের দরকার ছিল। পেয়েছিলেন পূর্ণমাত্রার চেয়েও বেশি।

এই বক্তব্যটি আবার উশ্টো করেও দেখা যায়।

আশুতোষ কৃতী পুরুষ। রামানন্দ ও আশুতোষের কর্মক্ষেত্র ভিন্ন। কিন্তু একটি বিষয়ে দুজনাতে বড়ই মিল। দুজনাই জহরী। ভারতের সুদূরতম প্রান্তের কোন্ এক নিভৃত কোণে কে কোন্ গবেষণা নিয়ে পড়ে আছে, আশুতোষ ঠিক জানতেন। তাকে কি করে ধরে নিয়ে আসা যায় সেই সঙ্কানে লেগে যেতেন। রামানন্দের বেলাতেও ঠিক তাই। কোথায় কোন্ এক অখ্যাতনামা কাগজে তার চেয়েও অখ্যাতনামা এক পণ্ডিত তিন পৃষ্ঠার একটি রচনা প্রকাশ করেছে—ঠিক ধরে ফেলতেন রামানন্দ! আপন হাতে চিঠি লিখে তাঁকে সবিনয় অনুরোধ জানাতেন তাঁর কাগজে লেখবার জন্য। শুধু তাই নয়, এ-পণ্ডিত কোন্ বিষয়ে হাত দিলে তাঁর পাণ্ডিত্যের পরিপূর্ণ জ্যোতি বিকশিত হবে সেটি ঠিক বুঝতে পারতেন—সেদিকে ইঙ্গিতও দিতেন কোন কোন স্থলে।

তাই রামানন্দ ছিলেন আশুতোষের অপজ্ঞিশন। কলকাতা বিশ্ববিদ্যালয় তখন কৈশোরে পা দিয়েছে। ক্রটি-বিচ্যুতি অতিশয় স্বাভাবিক। আশুতোষ তার গুরু, রামানন্দ তার গার্জেন। কলকাতা বিশ্ববিদ্যালয়ের বড় সৌভাগ্য যে সে এই মণিকাঞ্চন সংযোজিত বিজয়মাল্য একদিন পরতে পেয়েছিল।

* * * *

সে যুগের প্রবাসীতে এক মাসে যা নিরেট সরেস বস্ত্র বেহুতো, এ যুগের কোন মাসিক সাপ্তাহিক পত্রিকা পূর্ণ এক বছরেও তা দেখতে পারবে না। অবশ্য এ কথাও স্বীকার করি,—ঈশান ঘোষ ‘জাতক’ অনুবাদ করলেন বাঙলায় (জার্মান, হিন্দী বা অন্য কোন অনুবাদ তার শত যোজন কাছের আসতে পারে না) এবং তার সমালোচনা করলেন বিধুশেখর। এ যুগে কই ঈশান, কোথায় বিধুশেখর? এ সুবাদে আরেকটি কথার উল্লেখ করি। রামানন্দের উৎসাহ না পেলে বহু পণ্ডিতই হয়তো তাঁদের গবেষণা ইংরেজিতে প্রকাশ করতেন; বাঙলা সাহিত্যের বড় ক্ষতি হত।

* * * *

রামানন্দ ছিলেন চ্যামপিয়ন অব্ লস্ট কজেস—তাবৎ বাঙলা দেশে দু’জন কিংবা তিনজন হয়তো লেখাটি পড়বেন, তিনি দিতেন ছাপিয়ে, কারণ দার্শনিক রামানন্দ জানতেন ‘কান্টিয় দর্শন ও পতঞ্জলির পথমধ্যে কোলাকুলি’^১ জাতীয় প্রবন্ধ লিখতে পারে এমন লোক দ্বিজেন্দ্রনাথের মত আর কেউ নেই। আমাদের বড় সৌভাগ্য যে রামানন্দ মাসের পর মাস দ্বিজেন্দ্রনাথের ‘অপাঠ্য’ প্রবন্ধরাজি প্রকাশ করেছিলেন, কারণ দ্বিজেন্দ্রনাথ প্রায়ই কোনো প্রবন্ধ লেখার কিছুদিন পরেই সেটি ছিড়ে ফেলতেন। (ভারতীয় দর্শন সম্বন্ধে আমার যেটুকু সামান্য জ্ঞান সে দ্বিজেন্দ্রনাথের কাছ থেকে। বাঙ্কটুকু রমন মহর্ষির কাছ থেকে ও বিবেকানন্দ পড়ে। হিন্দু দ্বিজেন্দ্রনাথ আমাকে সূফীতন্ত্রের মূল মর্মকথা বুঝিয়ে দেন। সূফীতন্ত্রে তাঁর হাতেখড়ি হয়েছিল তাঁর পিতা দেবেন্দ্রনাথের কাছ থেকে)।

১ কবর শিবোনামটি আমার মনে নেই বলে দৃশ্বিত।

এই দ্বিজেন্দ্রনাথ বাঙলায় শটহ্যান্ড বই ছাপিয়েছিলেন। তার ১২।১৪ বছর পর রামানন্দের অনুরোধে বৃদ্ধ দ্বিজেন্দ্রনাথ সেটি আমার নূতন করে লেখেন। রামানন্দ তাবৎ বইখানি নিজের খর্চায় ব্রুক করে ছাপান (কারণ এতে প্রতি লাইনে এত সব সিমবল্ বা সাক্ষেতিক চিহ্ন ছিল যে এ ছাড়া গত্যন্তর ছিল না)। এটা আরেকটা লস্ট্ কজ্। এ রকম বই কেউ পড়েও না। কিন্তু রামানন্দ ঘন ঘন তাড়া না লাগালে এই অতুলনীয় পুস্তক সৃষ্ট হত না।

আবাব অন্য দিকটা দেখুন। পাবলিসিটি করে কয় সেটা মার্কিনদের পূর্বেই রামানন্দ জেনে গিয়েছিলেন। সে যুগের যে কোন ‘প্রবাসী’ সংখ্যা নিলেই পাঠক তত্ত্বকথাটি বুঝে যাবেন।

রামানন্দ কোহিনুর বেচতেন আবার সঙ্গে সঙ্গে মুড়িও বেচতেন। কিন্তু কখনও ভেজাল বেচেননি।

এই পাবলিসিটি ব্যাপাবে স্বর্গত চারু বাঁড়ুয়োকের স্মরণে এনে সশ্রদ্ধ নমস্কার জানানো উচিত।

‘প্রবাসী’ব কথা (এবং সুদ্ধমাত্র যে কথা লিখতে গেলেই পুরোপুরি একখানি ভলুম লিখতে হয়; আমাব মনে হয় প্রবাসীর কর্মকর্তারা যদি ‘প্রবাসী সঞ্চয়ন’ জাতীয় একটি ভলুম বের করেন তবে বড় ভালো হয়—এতে থাকবে প্রবাসী থেকে বাছাই বাছাই জিনিস) বাদ দিলেই আসে ‘মডার্ন রিভ্যু’ব কথা। তখনকার দিনে মডার্ন রিভ্যু খাস লন্ডনে প্রচারিত যে কোনো কাগজের সঙ্গে পাল্লা দিতে পারতো। আজও প্রাচ্যভূমিতে এর চেয়ে সেবা ইংবিজি মাসিক বেবোষ নি।

* * * *

প্রবাসী ও মডার্ন রিভ্যু (‘বিশাল ভারতে’র সঙ্গে আমি পরিচিত নই; পণ্ডিত হাজারীপ্রসাদ নিশ্চয়ই এ সম্বন্ধে—‘হিন্দীর পৃষ্ঠপোষক রামানন্দ’—লিখবেন) এই একাধিক পত্রিকার মাধ্যমে রামানন্দ ভারতের রাজনৈতিক চিন্তায় এনে দেন স্পষ্ট চিন্তন, স্পষ্ট ভাষণ ও সর্বোপরি নির্ভীকতম সাম্য মৈত্রী স্বাধীনতার প্রচার। আমার মত বহু মুসলমান তখন রামানন্দকে চিন্তার জগতে নেতা বলে মেনে নিয়েছিলেন।

তারপব এমন একদিন এল যখন তাঁকে অনুসরণ করা আমার পক্ষে আর সম্ভবপব হল না। কিন্তু একশ বার বলবো, তিনি তাঁর বিবেকবুদ্ধিতে যেটি সত্য পথ বলে ধরে নিয়েছিলেন সেই পথেই এগোলেন। কোন সস্তা রাজনীতির চাল তাতে এক কানাকড়িও ছিল না।

বিশ্বভারতীতে আমি ছাত্র থাকার সময় পরম শ্রদ্ধেয় স্বর্গত বামানন্দ কিছুদিনের জন্য অধ্যক্ষ ছিলেন। সে-সময়ে তাঁর সাক্ষাৎ শিষ্য না হয়েও তাঁর সংস্পর্শে এসে ধন্য হয়েছি। অন্য সব কথা বাদ দিন, আমাকে স্তম্ভিত করেছিল তাঁর চরিত্রবল। এবং সঙ্গে সাতিশয় মৃদুকণ্ঠে কঠোরতম, অকুণ্ঠ সত্যপ্রচাব।

* * * *

এদেশে এরকম একটি লোক আজ চাই। কর্তাদের কানে জল ঢেলে দেওয়ার জন্য।

* * * *

ওঁ শান্তিঃ, শান্তিঃ, শান্তিঃ।

সরলাবালা

সরলাবালার অমরাছার উদ্দেশে বার বার প্রণাম জানাই।

বাঙলার সংস্কৃতি জগতে তিনি এতই সুপরিচিতা যে, বহু কীর্তিমান লেখক তাঁর জীবনী নিয়ে আলোচনা করবেন, তাঁর বহুমুখী প্রতিভার অকুণ্ঠ প্রশংসা করবেন, তাঁর সরল জীবনাদর্শ তিনি দেশেব দেশের চিন্ময় জগতে যে কতখানি সঞ্চারিত করতে পেরেছিলেন, তা দেখে বার বার বিস্ময় মানবেন।

কিন্তু আমরা যারা তাঁর স্নেহ তাঁর পৃষ্ঠপোষকতা লাভ করতে সক্ষম হয়েছি—আমাদের শোকের অন্ত নেই যে, আজ আমরা যাকে হারালুম, তাঁর আসন নেবার মত আর কেউ রইলেন না। সাহিত্য জগতে তিনি ছিলেন আমাদের স্নেহময়ী মাতার মত। আমরা জানতুম, যে সাপ্তাহিক-দৈনিক পত্রিকার জগতে আমরা বিচরণ করি, সেখানে নানা বাধাবিঘ্ন আছে, কিন্তু এ-কথাও আরও সত্যকপে জানতুম যে, শেষ পর্যন্ত আমরা আমাদের ফরিয়াদ-আর্তনাদ এমন একটি মাতার কাছে নিয়ে যেতে পারবো, যেখানে সুবিচার পাবই পাব।

অথচ আশ্চর্যের বিষয়, তাঁর সঙ্গে আমার চাক্ষুষ পরিচয় ছিল না।

১৯৪৪ ইংরিজিতে আমি 'সত্যপীর' নাম নিয়ে আনন্দবাজার পত্রিকার সম্পাদকীয় পরবর্তী স্তম্ভে প্রবন্ধ লিখতে আরম্ভ করি। দুটি লেখা প্রকাশিত হওয়ার পরই সরলাবালার এক আত্মীয়, আমার বন্ধু এসে আমাকে জানানেন, আমার লেখা তাঁর মনঃপূত হয়েছে।

নিজেকে ধন্য মনে করেছিলুম। ঐ দিনই আমার আত্মবিশ্বাসের সূত্রপাত।

তাই আজ স্বর্গত সুরেশচন্দ্র মজুমদার মহাশয়ের কথাও বার বাব মনে পড়ছে। তাঁর পৃষ্ঠপোষকতা এবং সরলাবালার অনুমোদন না পেলে বাঙ্গালীকে আমাব সামান্য যেটুকু বলার ছিল, সেটুকু বলা হত না।

একটুখানি ব্যক্তিগত কথা বলা হয়ে যাচ্ছে, সেটা হয়তো দৃষ্টিকটু ঠেকবে, কিন্তু আজ যদি আমার ব্যক্তিগত কৃতজ্ঞতা সর্বজনসমক্ষে উচ্চকণ্ঠে প্রকাশ না করি, তবে অত্যন্ত অকৃতজ্ঞ-নেমকহারামের আচরণ হবে। বরঞ্চ সে-আচরণ দৃষ্টিকটুকর হোক।

এ-কথা সত্য, 'আনন্দবাজার', 'হিন্দুস্থান', 'দেশ' পত্রিকায় আমার একাধিক বন্ধু ও স্নেহভাজন ব্যক্তি ছিলেন এবং তাঁদেরই একজনের—এঁর কথা পূর্বেই উল্লেখ করেছি—মাধ্যমে সুরেশচন্দ্রের সঙ্গে আমার পরিচয় হয়। কিন্তু এ-কথা আরও সত্য যে, এঁরা সকলেই সহৃদয় বলে আমার মত আরও বহু বহু অচেনা অজানা লেখককে তাঁর কাছে নিয়ে গিয়েছেন। সুরেশচন্দ্র যেমন এক দিকে পাকা জহরীর মত কড়া সমালোচক ছিলেন, অন্য দিকে ঠিক তেমনি অতিশয় সহৃদয় ব্যক্তি ছিলেন; এই দ্বন্দ্বের সম্মাধান না করতে পেরে তিনি অনেক সময় অভাজন জনকেও গ্রহণ করতেন—আমি তাদেরই একজন।

সুরেশচন্দ্রকে আমি বাঘের মত ডরাতুম, যদিও খুব ভালো করেই জানতুম যে, তাঁকে ডরাবার কণামাত্র কারণ নেই। কঠিন কথা দূরে থাক—যে ক'বৎসর আমি তাঁর স্নেহ-রাজত্বে কাজ কববার সুযোগ পেয়েছিলুম, তার মধ্যে একদিন একবারও তিনি আমার লেখার সমালোচনা করেননি, কোনো আদেশ বা উপদেশও দেননি।

মনে পড়ছে ১৯৪৪-৪৫ কলকাতায় একবার একটা অশান্তির সৃষ্টি হয়। আফটার-এডিট না লিখে লিখলুম একটি কবিতা। মনে ভয় হল, আফটার-এডিটের এরজাংস্ তো কবিতায় হয় না! তাই এ নিয়ে গেলুম সুরেশবাবুর কাছে স্বহস্তে। তিনি মাত্র দুটি ছত্র পড়েই প্রেসে পাঠিয়ে দিলেন। ‘ওরে—এঁকে চা দে, আব কি দিবি দে, আর’—বাক্য অসমাপ্ত রেখে তিনি ফের কাজে মন দিলেন।

তবু তাঁকে আমি ডরাতুম। কিন্তু যেদিন শুনলুম, সুরেশচন্দ্র অত্যন্ত শ্রদ্ধা করেন সরলাবালাকে এবং তিনি আমার রচনার উপর আশীর্বাদ রেখেছেন, সেদিন আমার মনে এক অদ্ভুত সাহস সঞ্চার হল। আমার মনে হল, পত্রিকা জগতের সুপ্রীম কোর্টের (তখন বোধ হয় প্রিভি কৌন্সিল ছিল) চীফ জস্টিসের সঙ্গে আমার পরিচয় হয়ে গেল—সে জগতে যদি আমার মনোবেদনার কারণ ঘটে, তবে আপীল করবো খুদ সুপ্রীম কোর্টে! অবশ্য আমার পরম সৌভাগ্য যে, আমাকে কখনও স্মল-কজ কোর্টেও যেতে হয়নি। হবে না, সে বিশ্বাসও ধরি।

এটা আমার ব্যক্তিগত কথা নয়। বহু কর্মী, প্রচুর সাহিত্যিক আমার কথায় সায় দেবেন।

সরলাবালা ফ্যাঁ দ্য সিয়েক্লের (এন্ড অব দি সেঞ্চুরির) লোক। গত শতাব্দীর শেষ এবং এ শতাব্দীর অর্ধাধিক তিনি দেখেছেন। ফরাসীতে যেমন এঁদের ফ্যাঁ দ্য সিয়েক্লের প্রতিভা বলে, আরবীতে ঠিক তেমনি বলে জুঁঅল্-করনেন্—‘দুই শতাব্দীর মালিক’। এঁদের সম্বন্ধে লেখা কঠিন। বঙ্কিম রমেশের মধ্যাহ্ন গগন, রবীন্দ্রনাথ শরচ্চন্দ্রের উদয় সরলাবালা চোখের সামনে দেখেছেন—এবং আর পাঁচজনের তুলনায় অনেক বেশি ভালো করে দেখেছেন, কারণ সাহিত্যে তাঁর রসবোধ ছিল তো বটেই, তদুপরি তাঁর আসন ছিল ঘোষ সরকার উভয় পরিবারের পত্রিকা-জগতের মাঝখানে। এদিকে বৈষ্ণবধর্মের রসকুণ্ডে তিনি আবালা নিমজ্জিতা, অন্যদিকে শ্রীরামকৃষ্ণের আন্দোলন, বিবেকানন্দের কর্মযোগ এবং সর্বশেষ শ্রীঅরবিন্দের সাধনায় তিনি ছিলেন সক্রিয় কর্মী। অত্যন্ত উদারচিত্ত না হলে মানুষ এ তিনটেকে একসঙ্গে গ্রহণ করতে পারে না। আমার কাছে আরও আশ্চর্য বোধ হয়, যে রমণী কোন বিদ্যালয়েও কখনও যাননি, চিরকাল অস্তঃপুরের অন্তরালেই রইলেন, তাঁর পক্ষে এতখানি উদার, এতখানি ক্যাথলিক হওয়া সম্ভব হল কি প্রকারে?

ফ্যাঁ দ্য সিয়েক্ল সম্বন্ধে আমরা অনেক কিছু পড়েছি, কিন্তু তার অধিকাংশ—অধিকাংশ কেন, প্রায় সমস্তটাই পুরুষের লেখা। তাব মাঝখানে সরলাবালার কোমল নারীহৃদয় সব কিছু অনুভব করেছে হৃদয় দিয়ে, মাতুরসে সিন্ধু করে। ইংরিজিতে বলতে গেলে বলবো, তাঁর বর্ণনা ‘রিচু উইন্ড নলেজ’ না হতে পারে সর্বক্ষেত্রে, কিন্তু নিশ্চয় নিশ্চয় অতিনিশ্চয় ‘রেডিয়েন্ট উইন্ড লাভ’।

অথচ তাঁর লেখাতে ভাবালুতা উচ্ছ্বাসপ্রবণতা নেই। খত্যন্ত মধুর, আন্তরিক লেখার মধ্যেও সর্বক্ষণ পাই, কেমন যেন একটা বৈরাগ্যের—ডিটাচমেন্টের ভাব। আমার মনে হয়, তিনি বাল্যকাল থেকে অনেক শোক পেয়েছিলেন বলেই বৈরাগ্যযোগে আপন চেস্তায় সেসব শোক সংহরণ করতে সক্ষম হয়েছিলেন। তাঁর বচনাতে পদে পদে তাবই পরিচয় পাই।

ছেলের হৃদয়ের আঁকুবাঁকু মা কিন্তু স্পষ্ট বুঝতে পারেন, এবং তিনি যখন সেটা সরল ভাষায় প্রকাশ করেন, তখন ছেলে বিশ্বয় মানে, যে জিনিস সে-ই ভালো করে বুঝতে পারেনি, মা বুঝল কি করে এবং এত সরল ভাষায় প্রকাশ করলো কি করে?

বাঙলার চিন্ময় জগতে সরলা ছিলেন মাতৃরূপা। অতি অল্প বয়সেই তিনি মাতৃক্রোড় পেতে দিয়েছিলেন বাঙলার তরুণকে। তাই শুনতে পাই, বাঙালীর উপর যখনই অত্যাচার এসেছে, তিনি ক্ষুধা মাতার মত অনশন করেছেন। এবং তাই তিনি শেষ দিন পর্যন্ত বাঙালীর মনোবেদনা হৃদয় দিয়ে অনুভব করে অতি মহৎ ভাষায় সেটি প্রকাশ করতে সক্ষম হয়েছেন।

সে ভাষায় আছে দার্ট অথচ মাধুর্য।

এবং সর্বোপরি সে ভাষা অতিশয় সরলা।

সার্থক নাম সরলাবাবা ॥

হাসনোহানা

বছর বারো পূর্বে ভারতীয় একখানা জাহাজ সুয়েজের কাছাকাছি লোহিত সাগরে আগুন লেগে সম্পূর্ণ বিনষ্ট হয়। কাশ্চেন সারেন্ড মাঝিমালা বেবাক লোক মারা যায়। আশপাশের জাহাজ মাত্র একটি অর্ধদক্ষ জীবন্মৃত খালাসীকে বাঁচাতে সক্ষম হয়। তাকে সুয়েজ বন্দরের হাসপাতালে ভর্তি করা হয়। খবরের কাগজে মাত্র কয়েক লাইনে সমস্ত বিবরণটা প্রকাশিত হয়, এবং সর্বশেষে লেখা ছিল, সেই অর্ধদক্ষ খালাসীটা কাতর কণ্ঠে জল চাইছে কিন্তু বাব বার জল এগিয়ে দেওয়া সত্ত্বেও জল খাচ্ছে না।

অলস কৌতূহলে আমি আর পাঁচজনের মত খবরটি পড়ি। কিন্তু হঠাৎ মগজের ভিতর ক্লিক ক্লিক করে কতকগুলো এলোপাতাড়ি ফেলে-দেওয়া টুকরো টুকরো তথ্য একজোটে হয়ে কেমন যেন একটা প্যাটার্ন তৈরি করে ফেললে।

প্রথমত, সুয়েজ বন্দরের কাছে-পিঠে আমি আমার প্রথম যৌবনের একটি বছর কাটিয়েছিলুম। সেখানে 'জল'-কে 'মা-ই' বলা হয়; যদিও খাঁটি আরবীতে 'জল'-কে 'মা-আ' বলা হয়। দ্বিতীয়ত ভারতীয় জাহাজের খালাসী পূব বাঙলার মুসলমান হওয়ারই কথা। এবং পূব বাঙলায়, বিশেষ কবে সিলেট মৈমনসিং অঞ্চলে 'মা'-কে 'মা-ই' বলে।

অতএব খুব সম্ভব ঐ অর্ধ-দক্ষ খালাসী বেচারী আসন্ন মৃত্যুব সন্মুখে কাতরকণ্ঠে আপন মাতাকে স্মরণ করে বার বার যে 'মা-ই' 'মা-ই' বলছিল তখন সে সুয়েজের আরবীতে জল চাইছিল না। তাই জল দেওয়া সত্ত্বেও সে সে-জল প্রত্যাখ্যান করছিল।

অর্থাৎ একই শব্দ একই ধ্বনি ভিন্ন ভিন্ন ভাষায় ভিন্ন ভিন্ন অর্থ ধরতে পারে।

তাই একটি শব্দ নিয়ে আমি হালে অনেক চিন্তা করেছি।

হাসনোহানা। রাজশেখবাবাবু এইভাবেই বানান করেছেন। কিন্তু বানান নিয়ে আমার মাথাব্যথা নয়। শিরঃপীড়া শিকড়ে। অর্থাৎ শব্দটার রূট কি? ব্যুৎপত্তি কি?

রাজশেখর বলছেন, [জাপানী। = পদ্মফুল] সাদা সুগন্ধ ছোট ফুল বিঃ (অশুদ্ধ কিন্তু সুপ্রচলিত)।

সুবল মিত্র বলছেন, জাপানী। একবকম ছোট সুগন্ধী ফুল।

বাঙলায় আর যে দুখানা উত্তম অভিধান আছে তার প্রথম, হরিচরণ বন্দ্যোপাধ্যায়ের বঙ্গীয় শব্দকোষ এবং দ্বিতীয় জ্ঞানেন্দ্রমোহন দাসের বাঙলা ভাষার অভিধান। উভয় অভিধানেই শব্দটি নেই। এটা কিছু বিচিত্র নয়। পঞ্চাশ-ষাট বছর মাত্র হল শব্দটা লেখাতে ঢুকেছে—আমার যতদূর জানা।

ওনেছি, বাঙলা থেকে সংস্কৃতাগত শব্দ বাদ দিলে শতকরা ষাটটি শব্দ আরবী ফার্সী কিংবা তুর্কী। ডজন দুস্তিন পর্তুগীজ এবং শ' কয়েক ইংরিজি। ফরাসী ইত্যাদি নগণ্য। জাপানী আর কোনো শব্দ বাঙলাতে আছে বলে জানি নে। আমরা শাস্তিনিকেতনের লোক 'কিমোনো'—জাপানী আলখাম্মা—শব্দটা ব্যবহার করি, কিন্তু সেটি কোনো অভিধানে ঢুকেছে বলে জানি নে, সাহিত্যে তো নয়ই। কিমোনো পরিহিত সত্যপ্রকাশ ও রবীন্দ্রনাথের ছবি রবীন্দ্ররচনাবলীতে পাওয়া যায়।

তাই প্রশ্ন, হঠাৎ দুম্ করে একটা জাপানী শব্দ বাঙলায় ঢুকল কি করে? তবে কি জাপান থেকে এসেছে হাসনোহানা ফুল? সঙ্গে সঙ্গে শব্দটা? চিত্রকর বিনোদ মুখুজ্যে, নন্দলালের নন্দন বিশ্বরূপ খুঁটিয়ে খুঁটিয়ে জাপান দেখে এসেছেন। অঙ্কের বীরভদ্র রাও, মালাবারের হরিহরণ। এঁরা সবাই শাস্তিনিকেতনের প্রাক্তন ছাত্র। তাই এঁদের চিনি। এঁরা সবাই অজ্ঞভাবে মাথা নেড়ে বলেন হাসনোহানা ফুল জাপানে নেই—অর্থাৎ আমরা এদেশে যেটাকে হাসনোহানা বলে চিনি—এবং শব্দটার ব্যুৎপত্তি জাপানী এ সম্বন্ধে সকলেই গভীর সন্দেহ প্রকাশ করেন। তার অন্যতম কারণ এঁরা সকলেই বাঙলা জ্ঞানেন—বীরভদ্র হরিহরণ শাস্তিনিকেতনে নন্দলালের সাহচর্যে অত্যন্তম বাঙলা শিখেছেন—এবং জাপানী আর কোনো শব্দ হট করে বাঙলায় ঢুকে গিয়ে থাকলে তাঁরা এ প্রসঙ্গে নিশ্চয়ই আমার দৃষ্টি আকর্ষণ করতেন।

কলকাতার উর্দুভাষী, তথা বাঙলা এবং উর্দু দোভাষীরা বলেন, হসন্-ই-হিনা। 'হসন্' শব্দটি আরবী, অর্থ সৌন্দর্য, খুবসুরতী—যার থেকে আমাদের মরহমের হাসন হোসেন জিগির—শ্লোগান—শব্দদ্বয় এসেছে। 'হিনা' শব্দ বাঙলায় হেনা। রবীন্দ্রনাথের গানে আছে হেনা, হেনার মঞ্জরী। হেনা শব্দের অর্থ মেহদি। হাসনোহানার পাতা অনেকটা মেহদি-পাতার মত। তাহলে দাঁড়ালো এই—'হেনার সৌন্দর্য'। অর্থাৎ সুন্দরতম হেনা। অর্থাৎ হেনা par excellence। কিন্তু জিনিসটা তো আর 'হেনা' নয়।

উত্তম প্রশ্নাব। কিন্তু বিহার, উত্তরপ্রদেশ লক্ষ্মৌ-দিন্দি, আজমীর-বরদা সর্বত্রই এ ফুলটি ডাকা হয় রাতকী রানী নাম ধরে। গুজরাতে অবশ্য রাত-নী রানী ধবে। অর্থ, রাতের রানী। হসন্-ই-হিনা সমাস এঁরা চেনেন না। দিন্মিতে আপনি হাসনোহানার আতব কিনতে পাবেন। কিন্তু চাইবার সময় বলতে হবে, রাতকী বানীব আতর। হাসনো-হানা বা হসন্-ই-হিনা বললে চলবে না। খাস হেনার আতর আলাদা।

কাবুল কান্দাহার তত্রীজ তেহরানে এ ফুল নেই। ত্রিশ বছর পূর্বে ছিল না এ-কথা আমি বুক ঠুকে বলতে পারি। হেনা অর্থাৎ মেহদি পাতা অবশ্য আছে। এবং ইরানের কবির ভারতের মেহদির প্রচুর গুণ-গান গেয়েছেন। যথা—

পরিপূর্ণতা পাবে তুমি কোথা
ইরাণ দেশের ভূঁয়ে,
মেহদীর পাতা কড়া লাল হয়
ভারতের ভূঁই ছুঁয়ে।

নীলু দরু ইরান জমীন্ সমান-ই

তহসীল-ই কামিল

তা নিয়ামিদ্ সোঈ হিন্দোস্তান

হিনা রঙীন ন শুদ।^১

হাসনোহানা গাছ ইরান-তুরানে নেই কিন্তু শব্দটা তো অভিধানে থাকতে পারে— যেমন ‘আকাশ কুসুম’ কিংবা ‘অশ্ব-ডিম্ব’ ত্রিভুবনে নেই বটে (যদিও তার অনুসন্ধান চলে, যেমন পূর্বেই উল্লেখ করেছি, শোপেনহাওয়ার দর্শনচর্চার বর্ণনা দিতে গিয়ে বলেছেন, ‘অমাবস্যার অঙ্ককার অঙ্গনে অঙ্কের অনুপস্থিত অসিত অশ্ব অণ্ডের অনুসন্ধান’) তবু অভিধানে শব্দগুলো পাওয়া যায়। হাতের কাছে রয়েছে স্টাইনগাস্ সাহেবের অত্যুৎকৃষ্ট— এমন কি সর্বোৎকৃষ্ট বললেও বাড়িয়ে বলা হয় না—অভিধান। আর রয়েছে ক্যাথলিক পাদ্রী হাভা সাহেবের আরবী কোষ, বেইরুৎ থেকে প্রকাশিত। এই ফার্সী আরবী কোনো কোবেই হসুন-ই-হিনা নেই। ‘হসুন’ ও ‘হিনা’র মাঝখানে যে ‘ই’ আছে এটি ঝাঁটি ফার্সী। কাজেই এই সমাসটি আরবী অভিধানে থাকার কথা নয়। তবু, যেহেতু আরবরা ইরান বিজয়ের পর বহু ফার্সী শব্দ আপন ভাষায় গ্রহণ করে, তাই ভাবলুম, হয়তো শব্দটা থাকতেও পারে। বিশেষ করে ফুলের মামেলা যখন রয়েছে। কারণ ‘গুল’ ফার্সীতে ‘ফুল’।

‘আপ’ (সংস্কৃত অপ) ফার্সীতে ‘জল’। অর্থাৎ আমরা যাকে বলি গোলাপ ফুল। আসলে কিন্তু গোলাপ (গুলাপ) অর্থ রোজওয়াটার। আরবীতে ‘গ’ এবং ‘প’ ধ্বনি নেই বলে গোলাপ হয়ে গেল ‘জুলাব’। গোলাপজল বিরেচক। তাই বাঙলাতে ‘জোলাপ’ ‘গোলাপ’ দুটি সমাসই প্রবেশ করেছে।

তা সে যাই হোক, আরববা যখন ‘গুল’ নিয়েছে তখন হাসনোহানা নিতে আপত্তি কি ?

কিন্তু আরবী অভিধান নীরব। এবং সবচেয়ে আশ্চর্যের বিষয় উর্দু অভিধানও শব্দটির উল্লেখ করে না। উত্তর প্রদেশের উর্দুভাষীবা হাসনোহানাকে ‘রাতকী বানী’ বলেন বলুন, কিন্তু কোষকার কলকাতায় প্রচলিত হসুন-ই-হিনা তাঁর অভিধানে দিলে ভালো করতেন।

তাই আমার সমস্যা :—

(১) হয় শব্দটা জাপানী থেকে এসেছে।

(২) নয়, এটি কলকাতার উর্দুভাষীদের নিরবদ্য ‘অবদান’।

পাঠক ভাববেন না আমি রাজশেখরের ভুল দেখাবার জন্য এ আলোচনা তুলেছি। রাজশেখর শত ভুল করলেও তাঁর অভিধান চলন্তিকা শতায়ু—সহস্রায়ু। চলন্তিকা চলে এবং চলবে।

১ উর্দুতে হেনা নিয়ে অল্প দোহা কবিতা আছে। হেনা বলছে—

পিস্ গয়ী তো পিস্ গয়া,

খুঁ হো গয়া তো হো গয়া

নাম তো বগে হিনাকা

দুল্‌হিনৌ মে হো গয়া

‘আমায় পিবে ফেললে তো ফেললে, আমি বজ্রাক্ত হয়ে গেলুম তো গেলুম। কিন্তু কনদের ভিতর তো মেহদি পাতাব নাম বাপ্তি হল।’ ভারতবর্ষের বহু অঞ্চলে হিন্দু মুসলমান কনদের মেহদি দিয়ে হাত বাঙা কবতে হয়। ‘আবেক কবি বলেছেন, ‘হেনার পাতাব উপর জায়-বেদনা লিখি, হয়তো পাতাটি একদিন শিয়ার হাতে পৌঁছবে।’

আমার নিবেদন, বাঙলা দেশে এখন গোটা চারেক বিশ্ববিদ্যালয়। সেগুলোতে বাঙলা ভাষা পুরো সম্মান পাচ্ছে। বাঙলায় আরবী, ফার্সী, তুর্কী শব্দ নিয়ে পয়লানব্বরী গবেষণা হওয়া উচিত।

ইতিমধ্যে কোন পাঠক-পাঠিকা যদি বিষয়টির উপর আলোকপাত করেন তবে বড় উপকৃত হই।^১

বঙ্গে মুসলিম সংস্কৃতি

আজ যদি শুধুমাত্র সংস্কৃত পুস্তকপত্র থেকে ভারতবর্ষের ইতিহাস লিখতে হয় তা হলে এ দেশে মুসলমান ধর্ম আদৌ প্রবেশ করেছিল কিনা সে নিয়ে বিলক্ষণ তর্কের অবকাশ থাকবে। অথচ আমরা ভালো করেই জানি, মুসলমান-আগমনের পরও প্রচুর সংস্কৃত পুস্তক লেখা হয়েছে, ব্রাহ্মণপণ্ডিতগণ রাজন্যবর্গের পৃষ্ঠপোষকতা পাননি সত্য, কিন্তু তাঁদের ব্রহ্মোত্তর দেবোত্তর জমিজমার উপর হস্তক্ষেপ না হওয়ার ফলে তাঁদের ঐতিহ্যগত বিদ্যাচর্চা বিশেষ মন্দীভূত হয়নি। কিন্তু এইসব পণ্ডিতগণ পার্শ্ববর্তী মুসলমানদের সম্বন্ধে সম্পূর্ণ অচেতন থেকেই আপন আপন লেখনী সঞ্চালনা করেছেন।^২ অল্পোপনিষদ জাতীয় দু-চাবখানা পুস্তক নিতান্তই প্রক্ষিপ্ত। বরঞ্চ এরা সত্যানুসন্ধানকারীকে পথদ্রষ্ট করে।

২ 'হাসনোহানা' যখন "দেশে" বেবয় তখন এ বিষয়ে "দেশ" পত্রিকায় একাধিক পত্র 'আলোচনা' বিভাগে প্রকাশিত হয়। দুর্ভাগ্যক্রমে আমার বাড়ির লোক আমাব লেখাব কাটিং রাখে, আলোচনার রাখে না। যতদূর মনে পড়ছে, একাধিক লেখক আগ্রাণ চেষ্টা দেন, আমাকে বোঝাবার জন্য; 'হাসনোহানা' ও 'হেনা' ভিন্ন। আমার বচনাটি একটু মন দিয়ে পড়লে আমি যে দুটোতে ঘুলিয়ে ফেলিনি সেটা পরিষ্কার হবে। 'হেনা—par excellence' এস্থলে ঐ দুটি ফরাসী শব্দ বোঝায় যে par excellence রূপে যে বস্তু ধারণ করে, সে সম্পূর্ণ ভিন্ন গোর ও বর্ণের হতে পাবে। একটি মহিলা সুদূর 'হৈল্লাবাদ' থেকে 'হেনা' ও 'হাসনোহানা'র পাতা আন্দাশা কবে, নিশ্চয়ই অনেকখানি কষ্ট স্বীকার করে পাঠান। তাঁকে ধন্যবাদ। দুটি গাছই আমার বাগানে আছে। .. অন্য একজন লেখেন, "সুনীতিবাবু দুটুকঠে বলেন, হাসনোহানা জাপানী শব্দ।" সুনীতিবাবু দুটু না স্কীকঠে বলেছিলেন সেটা গুরুত্বব্যাঞ্জক নয়, গুরুত্ব ধরতো যদি পত্রলেখক সুনীতিবাবুর যুক্তিগুলোর উল্লেখ কবতেন। কারণ আমার এক সহকর্মী হিন্দী ও উর্দু বাবদে তাঁর আপন কর্মক্ষেত্রে, সুনীতিবাবুই মত যশস্বী পণ্ডিত (নাম বলে কাউকে 'বুলি' করার কী দরকার!) দৃঢ়তর কঠে বলেন, সমাসটা ফার্সী—এদেশে নির্মিত। তবে এস্থলে বিশ্বকোষের শ্রীযুত পূর্ণ মুখুয্যে আমাকে সাহায্য করেছেন। তিনি লেখেন যে, যে সময়ে এদেশে হাসনোহানা ফুল বিদেশ থেকে আসে তখন জাপানীবা কলকাতার বাজাবে 'হাসনোহানা' নাম দিয়ে একটি সুগন্ধি পদার্থ (সেট) ছাড়ে। তাঁর চিঠির ভাবার্থ এই ছিল। তাই আমাব মনে হয়, সেই সেটের নাম নিয়ে ঐ সময় আগত বিদেশী ফুলকে 'হাসনোহানা' নাম দেওয়া হয়। এটা অসম্ভব নয়। প্রাণ্ডুত উর্দু পণ্ডিত সেটা স্বীকার করেন না। তিনি বলেন, তিনি ছেলেবেলা থেকেই 'হসন-ই-হিনা' শুনেছেন। ঐ সেট কলকাতা আগমনের বহু পূর্ব থেকে।

১ টয়িনবি সাহেব যে রীতিতে পৃথিবীর সর্বত্র একই প্যাটার্নের অনুসন্ধান করেন বর্তমান লেখক সে নীতি অনুসরণে বিবত থাকবে। শুধু যেখানে প্যাটার্নের পুনরাবৃত্তি দেখিয়ে দিলে আলোচ্য বিষয়বস্তু সম্প্রসৃত হবে সেখানেই এই নীতি মানা হবে। এস্থলে তাই শুধু উল্লেখ করি, যখনই কোন জাতি বৈদেশিক কোনো ভিন্নধর্মাবলম্বী দ্বারা পবাজিত হয় তখন নতুন রাজা এঁদের পণ্ডিতমণ্ডলীকে কোনো প্রধানকর্মে আমন্ত্রণ জানান না বলে এঁদের এক মানসিক পরিবর্তন হয়। এঁদের চিন্তাধারা তখন মোটামুটি এই : 'আমাদের ধর্ম সত্য এ বিষয়ে কোনো সন্দেহ নেই। তবে আমরা স্রেচ্ছ বা যখন কর্তৃক পরাজিত হলুম কেন? এর একমাত্র কাণ এই হতে পারে যে, আমরা আমাদের ধর্মের প্রকৃত রূপ বুঝতে পারিনি। ধর্মের অর্থকরণে (ইন্টারপ্রিটেশনে) নিশ্চয়ই আমাদের ভুল বয়ে গিয়েছে। আমরা তা হলে নতুন কবে ব্যাখ্যা করে দেখি, ক্রটি কোন্ স্থলে হয়েছে।' ফলে পরাজয়ের পরবর্তী যুগে তাৎৎ সৃষ্টিশক্তি টীকাটিগ্ননী রচনায় ব্যয় হয়।

এ এক চরম পরম বিশ্বয়ের বস্তু। দশম, একাদশ শতাব্দীতে গজনীর মাহমুদ বাদশার সভাপণ্ডিত আবু-র-রইহান মুহম্মদ অলবীরুনী ভারতবর্ষ সম্বন্ধে তাঁর প্রামাণিক পুস্তকে একাধিকবার সবিনয়ে বলেছেন, ‘আমরা (অর্থাৎ আরবীতে) যারা জ্ঞানচর্চা করি, দার্শনিক চিন্তা আমাদের মজ্জাগত নয়। দর্শন নির্মাণ করতে পারে একমাত্র গ্রীক ও ভারতীয়েরা।’

সেই ষড়দর্শননির্মাতা আর্থ মনীষীগণের ঐতিহ্যগর্বিত পুত্রপৌত্রেরা মুসলমান-আগমনের পর সাত শত বৎসর ধরে আপন আপন চতুষ্পাঠীতে দর্শনচর্চা করলেন, কিন্তু পার্শ্ববর্তী গ্রামের মাদ্রাসায় ঐ সাত শত বৎসর ধরে যে আরবীতে প্লাতো থেকে আরম্ভ করে নিওপ্লাতনিজম তথা কিন্দী, ফারাবী, বু আলীসিনা (লাতিনে আভিসেনা), অল-গজ্জালী^২ (লাতিনে অল-গাজেল), আবু রুশদ^৩ (লাতিনে আভেরস) ইত্যাদি মনীষীগণের দর্শনচর্চা হল তার কোনো সন্ধান পেলেন না। এবং মুসলমান মৌলানারাও কম গাফিলী করলেন না। যে মৌলানা অমুসলমান প্লাতো-আরিস্ততলের দর্শনচর্চায় সোৎসাহে সানন্দে জীবন কাটালেন তিনি একেবারের তরেও সন্ধান কবলেন না, পাশের চতুষ্পাঠীতে কিসের চর্চা হচ্ছে। তিনিও জানতে পেলেন না যে, তিনি প্লাতোর আদর্শবাদ দৃঢ়ভূমিতে নির্মাণ করার জন্য যেসব যুক্তি আকাশ-পাতাল থেকে আহরণ করেছেন তাঁর পাশের চতুষ্পাঠীতেই হিন্দু দার্শনিক শঙ্করাচার্যের আদর্শবাদ সমর্থনার্থে সেইসব যুক্তিই খুঁজে বেড়াচ্ছেন। তিনি ‘গুলাত’ নাস্তিকদের জড়বাদ যেভাবে খণ্ডন করছেন, ব্রাহ্মণও চার্বাকের নাস্তিকতা সেইভাবেই খণ্ডন করছেন। এবং সবচেয়ে পরমাশ্চর্য, তিনি যে চরক-সূশ্রুতের আরবী অনুবাদে পুষ্ট বু আলী সিনার চিকিৎসাশাস্ত্র—‘যুনানী’ নামে প্রচলিত (কারণ তার গোড়াপত্তন গ্রীক [আইওনিয়ান = ‘যুনানী’] চিকিৎসাশাস্ত্রের উপর)—আপন মাদ্রাসায় পড়াচ্ছেন, সুলতান বাদশার চিকিৎসার্থে প্রয়োগ করছেন, সেই চরক-সূশ্রুতের মূল পাশেব টোলে পড়ানো হচ্ছে। সিনা উল্লিখিত যে-ভেষজ কি, তিনি কিছুতেই বুঝে উঠতে পাবছেন না, কিংবা সিনা বলেছেন, ফলানা ওষধিবনস্পতি এ দেশে (অর্থাৎ আরবে) জন্মে না, সেগুলো যে তাঁর বাড়ির পিছনে আস্তাকুঁড়ে গজাচ্ছে তারও সন্ধান তিনি পেলেন না। কিঞ্চিৎ কল্পনাবিলাস করলে, এ পরিস্থিতিও অনুমান করা অসম্ভব নয় যে মৌলানার বেগমসায়েরা সিনা উল্লিখিত কোন শাক তাঁকে পাক করে খাওয়ালেন, আর তিনি সেটি চিনতেই পারলেন না।

পক্ষান্তরে ভারতীয় আয়ুর্বেদ মুসলমানদের ইউনানী চিকিৎসাশাস্ত্র থেকে বিশেষ কিছু নিয়েছে বলে আমার জানা নেই।

এই দুস্তর মরুভূমির মাঝখানে মাত্র একটি লোক দেখতে পাই। আওরঙ্গজেবেব অগ্রজ যুবরাজ মুহম্মদ দারালীকুহ্। ইনিই সর্বপ্রথম দুই ধর্মের সমন্বয় সম্বন্ধে বহুতর পুস্তক লেখেন। তার অন্যতম মজমা-উল্-বহরেন, অর্থাৎ দ্বিসিদ্ধাসঙ্গম। দারালীকুহ্ বহু বৎসব

২ ইসলামের অন্যতম প্রখ্যাত পথপ্রদর্শক বা ইমাম। ইনি দার্শনিক—কিয়ৎকালের জন্য নাস্তিক—এবং পরিশ্রুত-বয়সে সূফী (মিস্তিক, ভক্তিমার্গ ও যোগেব সমন্বয়কারী) হয়ে যান। এঁব জনপ্রিয় পুস্তক ‘কিমিয়া সাদৎ’ এই শতাব্দীর প্রারম্ভে বাংলায় অনূদিত হয়ে বাজশাহী থেকে প্রকাশিত হয়। বিশ্বভারতীয় সর্বপ্রথম অধ্যক্ষ স্বর্গত বিধুশেখর শাস্ত্রী এই পুস্তকের বড়ই অনুরাগী ছিলেন এবং আমাদের মন্দিরের উপাসনায় একাধিকবার ব্যবহার করেছেন। বিধুশেখর অভ্যস্ত আচারনিষ্ঠ ‘টোলো পণ্ডিত’ ছিলেন। স্বরণ রাখবার স্মিধার জন্য উল্লেখযোগ্য—গজ্জালীর মৃত্যু ১১১১ খ্রীস্টাব্দে।

অনাদৃত থাকার পর তাঁর সম্বন্ধে প্রামাণিক গবেষণা বিশ্বভারতীতেই হয়। শ্রীযুত বিক্রমজিৎ হসরৎ ১৯৫৩ খ্রীস্টাব্দে ‘দারানীকুহ : লাইফ অ্যান্ড ওয়ার্কস’ নামক একখানি অত্যন্তম গ্রন্থ লেখেন এবং বিশ্বভারতী কর্তৃক সেটি প্রকাশিত হয়। প্রয়োজনমত আমরা এই পুস্তকখানি সছাবহার করব।

আরও তিন শত বৎসর পর প্রাতঃস্মরণীয় রাজা রামমোহন রায় ফার্সীতে রচনা করেন তাঁর সর্বপ্রথম পুস্তক, ‘তুহাফতু অল-মুওয়াহহীদীন’ : ‘একেশ্বরবাদীদের প্রতি উৎসর্গ’। রাজা খ্রীস্টধর্মের সঙ্গেও সুপরিচিত ছিলেন বলে তাঁর পুস্তককে ‘ত্রিরত্ন’ধারী বা ত্রিপিটক বললে অত্যুক্তি হয় না। ব্রাহ্মধর্মের উৎপত্তি সম্বন্ধে যাঁরা সামান্যতম অনুসন্ধান করেছেন তাঁরাই জানেন রাজার শিক্ষাদীক্ষা ইসলাম ও মুসলিম সভ্যতা-সংস্কৃতির নিকট কতখানি ঋণী এবং পরবর্তী জীবনে যদিও তিনি উপনিষদের উপর তাঁর ধর্মসংস্কারসৌধের দৃঢ়ভূমি নির্মাণ করেছিলেন তবু শেষদিন পর্যন্ত ইসলামের প্রতি তাঁর গভীর শ্রদ্ধার কণামাত্র হ্রাস পায়নি। প্রয়োজনমত আমরা তাঁর রচনাবলীরও সছাবহার করব।

প্রায় ছ’শ বৎসর ধরে এ দেশে ফার্সীচর্চা হল। হিন্দুরা না হয় বিদেশাগত ধর্ম ও ঐতিহ্যের প্রতি কৌতূহল না দেখাতে পারেন, কিন্তু যাদের রাজ্যচালনা করতে হয়েছে তাদের বাধ্য হয়ে এ দেশের ভাষা রীতিনীতি অল্পবিস্তর শিখতে হয়েছে। উত্তম সরকারী কর্ম পাবার জন্য বহু হিন্দুও ফার্সী শিখেছিলেন। মাত্র একটি উদাহরণ দিলেই যথেষ্ট হবে : এ দেশে বহু হিন্দুর পদবী মুনশী। আমরা বাঙলায় বলি, লোকটির ভাষায় মুন্সিয়ানা বা মুনশীয়ানা আছে, অর্থাৎ সে নাগরিক বিদগ্ধ চতুর (স্কিলফুল) ভাষা লেখে। এর থেকেই বোঝা যায়, কতখানি ফার্সী জানা থাকলে তবে মানুষ বিদেশী ভাষায় এ রকম একটা উপাধি পায়। তুলনা দিয়ে বলা যেতে পারে : আমরা প্রচুর ইংরিজি চর্চা করেছি, কিন্তু ইংরেজ মুনশী-জাতীয় কোনো উপাধি আমাদের কাউকে দেয়নি—বরঞ্চ আমাদের ‘ব্যাবু-ইংলিশ’ নিয়ে ব্যঙ্গই করেছে। কিন্তু এ বিষয়ে সবিস্তর আলোচনা পরে হবে, উপস্থিত এইটুকু উল্লেখ করা প্রয়োজন যে এই মুনশী-শ্রেণীর যাঁরা উত্তম ফার্সী শিখেছিলেন তাঁদের অধিকাংশই কায়স্থ, সংস্কৃতের পটভূমি তাঁদের ছিল না, কাজেই উভয় ধর্মশাস্ত্রের সম্মেলন করা তাঁদের পক্ষে সম্ভবপর ছিল না। উপরন্তু এঁরা ফার্সী শিখেছিলেন অর্ধোপার্জননের জন্য—স্বানাধেষণে নয়। তুলনা দিয়ে বলা যেতে পারে, আমরা প্রায় দুই শত বৎসর ইংরিজি বিদ্যাভ্যাস করেছি বটে, তথাপি খ্রীস্টধর্মগ্রন্থ বাঙলায় অনুবাদ করার প্রয়োজন অতি অল্পই অনুভব করেছি।

খ্রীষ্টেতন্যাদেব নাকি ইসলামের সঙ্গে সুপরিচিত ছিলেন। কথিত আছে বৃন্দাবন থেকে সশিষ্য বাঙলাদেশে আসার সময় পশ্চিমধ্যে এক মোম্বার সঙ্গে তাঁর পরিচয় হয়। সেই মোম্বা নাকি তাঁকে প্রশ্ন করেন, তিনি তাঁর শিষ্যদের ব্রাহ্ম ধর্মপথে চালনা করছেন কেন? খ্রীষ্টেতন্যাদেব নাকি তখন মুসলমান শাস্ত্র থেকে উদ্ধৃতি দিয়ে প্রমাণ করেন যে তিনি ব্রাহ্ম ধর্মপ্রচার করছেন না। মুসলমান ধর্মে বলা হয়, যে লোক আর্তের সেবা করে, মিথ্যাচরণ বর্জন করে সংপথে চলে—অর্থাৎ কুরান-শরীফ-বর্ণিত নীতিপথে চলে—তাকে ‘পয়গম্বরহীন’ মুসলমান বলা যেতে পারে, হর্জরৎ মুহম্মদকে পয়গম্বররূপে স্বীকার করেনি বলেই সে ধর্মহীন নয়। (আমরা এস্থলে ‘কাফির’ না বলে ‘ধর্মহীন’ শব্দ ইচ্ছা করেই

ব্যবহার করছি; পরে এর বিস্তৃত আলোচনার প্রয়োজন হবে)। অতএব অনুমান করা সম্পূর্ণ ভিত্তিহীন নয় যে, বোধ হয় চৈতন্যদেব ঐ মতবাদেরই আশ্রয় নিয়েছিলেন। তদুপরি চৈতন্যদেবের মত উদারপ্রকৃতিবান ব্যক্তির পক্ষে হজরৎ মুহম্মদকে অন্যতম মহাপুরুষ বা পয়গম্বর রূপেও স্বীকার করে নিতে আপত্তি থাকার কথা নয়। বস্তুত সে যুগে এবং এ যুগেও বহু হিন্দু সম্বন্ধন মহাপুরুষ মুহম্মদকে আদ্যার প্রেরিত পুরুষরূপে স্বীকার করতে কৃষ্ঠাবোধ করেন না।

দ্বিতীয় ঘটনা, কাজী-কর্তৃক সংকীর্ণন বন্ধ করা নিয়ে। কথিত আছে, সেবারেও তিনি যুক্তিতর্কে কাজীকে সম্বুট করতে পেরেছিলেন। পূর্বের অনুমান এস্থলেও প্রযোজ্য।

কিন্তু চৈতন্যদেব উভয় ধর্মের শাস্ত্রীয় সম্মেলন করার চেষ্টা করেছিলেন বলে আমাদের জানা নেই। বস্তুত তাঁর জীবনের প্রধান উদ্দেশ্য ছিল, হিন্দুধর্মের সংগঠন ও সংস্কার, এবং তাকে ধ্বংসের পথ থেকে নবযৌবনের পথে নিয়ে যাবার।

তবুও এ বিষয় নিয়ে সবিস্তার গবেষণা হওয়া প্রয়োজন।

এ যাবৎ আমাদের মূল বক্তব্য ছিল, মুসলমান যে জ্ঞানবিজ্ঞান ধর্মদর্শন সঙ্গে এনেছিলেন, এবং পরবর্তী যুগে, বিশেষ করে মোগল আমলে আকবর থেকে আওরঙ্গজেব পর্যন্ত মঙ্গোল-জর্জরিত ইরান-তুরান থেকে যে সব সহস্র সহস্র কবি পণ্ডিত ধর্মজ্ঞ দার্শনিক এ দেশে এসে মোগল রাজসভায় আপন আপন কবিত্ব পাণ্ডিত্য নিঃশেষে উজাড় করে দিলেন তার থেকে এ দেশের হিন্দু ধর্মশাস্ত্রজ্ঞ, পণ্ডিত, দার্শনিকবা কণামাত্র লাভবান হননি। এবং বিদেশাগত পণ্ডিত দার্শনিক এ দেশে এসেছিলেন একমাত্র অর্থলাভের উদ্দেশ্যে—কারণ অধিকাংশ ক্ষেত্রেই দেখা গিয়েছে, স্বদেশ-প্রত্যাভ্রতনের পব এঁদের অধিকাংশ তাঁদের চরম নিমকহারামীর পরিচয় দিয়েছেন পঞ্চমুখে এ দেশের নিন্দাবাদ করে। নিন্দা করেছেন মুসলমান রাজা এবং আমীর-ওমরাহরাই—হিন্দু পণ্ডিতের সঙ্গে তাঁদের কোনো যোগসূত্র স্থাপিত হয়নি।

ফার্সী সাহিত্যের বিখ্যাত ঐতিহাসিক ব্রাউন উপরে উল্লিখিত যুগকে ফার্সী সাহিত্যের 'ইন্ডিয়ান সামার' 'পুনরুজ্জলিত যৌবন' নাম দিয়েছেন। বস্তুত বর্বর মঙ্গোল অভিযানের ফলস্বরূপ ফার্সী সাহিত্যের যে অনাহারে মৃত্যুব আশঙ্কা ছিল সে তখন অল্পজল পায় মোগল-সরবারে। ইরান আজকের দিনে ভারতের কাছে কতখানি কৃতজ্ঞতা স্বীকার কবে সে খবর আমাদের কাছে পৌঁছয় না, কিন্তু ভারতবর্ষে ফার্সী সাহিত্যের এই যুগ নিয়ে অতি অল্প আলোচনাই হয়েছে, তাও উর্দুতে, বাঙলাতে কিছুই হয়নি।

এ তো প্রধানত সাহিত্য ও অন্যান্য বাঙল্যের কথা, কিন্তু আমাদের কাছে ভারতবর্ষে ইতিহাসে সবচেয়ে বড় ট্রাজেডি বলে মনে হয় এই দেখে যে, ভূবনবিখ্যাত ষড়দর্শনের দেশের লোক মুসলমান মারফতে প্রাতো-আরিস্ততল, সিনা রুশ্দ্ নিয়ে সপ্তম দর্শন নির্মাণ করল না। কল্পনা করতে এক অদ্ভুত অনুভূতির সঞ্চার হয়—ভারতবর্ষ তা হলে দর্শনের ক্ষেত্রে কত না দিকচক্রবাল উত্তীর্ণ হয়ে যেত—দেকার্ত কাণ্টের অগ্রগামী পঞ্চদর্শক এ দেশেই জন্মাতেন!

পঞ্চাশত্রে মুসলমান যে-আরবী দর্শন সঙ্গে নিয়ে এসেছিলেন তাই নিয়ে পড়ে রইলেন। মঙ্গোল কর্তৃক বাগদাদ বিশ্ববিদ্যালয় ধ্বংস হওয়ার পর, এবং স্পেন থেকে মুররা বিতাড়িত হওয়ার ফলে আরব-জগতে দর্শনের অপমৃত্যু ঘটে। এ দেশের মুসলমান

দার্শনিককে অনুপ্রাণিত করার জন্য বাইরের সর্ব উৎস সম্পূর্ণ শুষ্ক হল। হায়, এঁরা যদি পাকে-চক্রে কোনো গতিকে ষড়্দর্শনের সন্ধান পেতেন!

এ তো কিছু অসম্ভব কল্পনা-বিলাস নয়। আজকের দিনের হিন্দু দার্শনিক এক দিকে নব্যন্যায় চর্চা করেন, অন্য দিকে দেকার্ত অধ্যয়ন করেন। ব্রজেন্দ্রনাথ শীল, দ্বিজেন্দ্রনাথ ঠাকুর এঁদের পথ-প্রদর্শক। কবি ইকবালের ঐতিহ্যভূমি আভেরস-আভেচেন্নার উপর— তাঁর সৌধনির্মাণে তিনি সাহায্য নিয়েছেন কাণ্ট-হেগেলের।

আমরা এতক্ষণ যে অবস্থার বর্ণনা করলেম তার থেকে আপাতদৃষ্টিতে সিদ্ধান্ত করা সম্পূর্ণ অনুচিত নয় যে, ভারতবর্ষে তা হলে হিন্দু-মুসলমানের মিলন হয়নি। যেহেতু ব্রাহ্মণের দেবোত্তর বাদশা কেড়ে নেননি তাই তিনি নিশ্চিত মনে আপন শাস্ত্রচর্চা করে যেতে লাগলেন, এবং যেহেতু আলিম-ফাজিলরা ওয়াক্ফ-সম্পত্তি পেয়ে গেলেন তাই তাঁরাই পরমানন্দে তাঁদের মস্তব-মাদ্রাসায় কোরান-হদীসের চর্চা করে যেতে লাগলেন। একে অন্যের সঙ্গে মেলামেশা করার কোনো প্রয়োজন অনুভব করলেন না।

কিন্তু দেশের সকলের তো লাখেরাজ ব্রহ্মোত্তর ওয়াক্ফ-সম্পত্তি নেই। চাষা তিলি জোলা কাঁসারী মাঝি চিত্রকর কলাবৎ বৈদ্য কারকুন এবং অন্যান্য শত শত ধান্দার লোককে অর্থোপার্জন কবে জীবনধারণ করতে হয়। সে স্থলে হিন্দু মুসলমানকে বর্জন করে চলতে পারে না, মুসলমানকেও হিন্দুর সংস্পর্শে আসতে হয়। তদুপরি উচ্চাজের চিত্রকলা সংগীত স্থাপত্য বাদশা ও তাঁর অর্থশালী আমীর-ওমরাহের সাহায্য বিনা হয় না। বাদশারও দরকার হিন্দু রাজকর্মচারীর। কোনো দেশ জয় করা এক কর্ম, সে দেশ শাসন করা সম্পূর্ণ ভিন্ন শিরঃপীড়া। বাদশা ইরান-তুরান থেকে দিগ্বিজয় করার সময় রাজকর্মচারী সঙ্গে আনেননি। আর আনবেনই বা কি? তারা এ-দেশের ভাষা জানে না, বাজস্বব্যবস্থা বোঝে না, কোন্ দশনীতি কঠোর আর কোনটাই বা অতি সদয় বলে দেশের লোকের মনে হবে—এ সম্বন্ধে তাদের কোনো অভিজ্ঞতা নেই। বখ্শী (চীপ পে-মাস্টার, অ্যাকাউন্টেন্ট-কম-অডিটার জেনারেল), কানুনগো (লিগেল রিমেমব্রেন্সার), সরকার (চীফ সেক্রেটারি), মুনশী (হজুরের ফরমান লিখনেওলা, নূতন আইন নির্মাণের খসড়া প্রস্তুতকারী), ওয়াকে'-নওয়ীস্ (যার থেকে Waqnis), পর্চা-নওয়ীস্ (রাজকর্মচারীর আচরণ তথা দেশের জনসাধারণ সম্বন্ধে রিপোর্ট তৈরী করনেওলা) এসব গুরুত্বপূর্ণ পদ গ্রহণ করবে কারা?

আমরা জানি, কায়স্থরা স্বরণাশ্রীত কাল থেকে এসব কাজ করে আসছেন। এঁরাই এগিয়ে এলেন। মুসলমানপ্রাধান্য প্রায় দু-শ বৎসর হল লোপ পেয়েছে, কিন্তু আজও এসব পদবী—প্রধানত কায়স্থদের ভিতর—সম্পূর্ণ লোপ পায়নি।

এ দেশের উচ্চাজ সংগীত, চিত্রকলা, স্থাপত্য, উর্দু ভাষা এবং অন্যান্য বহু জিনিস যে হিন্দু-মুসলমানের অনিবার্য মেলামেশার ফলে হয়েছিল সে কথা সকলেই জানেন।

শুধু ভাস্কর্য ও নাট্যকলা বাদশা-আমীর-ওমরার কোনো সাহায্য পায়নি। তার কারণ, ইসলামে মূর্তি নির্মাণ নিষিদ্ধ এবং নাট্যকলা ভারতের বাইরে মুসলিম জগতে সম্পূর্ণ অজানা।

হিন্দুধর্ম ভিন্নধর্মাবলম্বীকে আপন ধর্মে গ্রহণ করে না। কাজেই অন্য ধর্ম সম্বন্ধে তার ঔৎসুক্য নেই। মুসলমান বিধর্মীকে মুসলমান করতে চায়। উভয়ের মিলনের চিন্তা ব্রাহ্মণ পণ্ডিত কিংবা মুসলমান মৌলবী কেউ করেন না। হিন্দু পণ্ডিত মুসলমানকে বলেন, 'তুমি দূরে থাকো'। মুসলমান মৌলবী হিন্দুকে বলেন, 'এসো, তুমি মুসলমান হবে'। তৃতীয় পন্থাও যে থাকতে পারে সেটা কারও মনে উদয় হয় না। হিন্দু হিন্দু থাকবে, মুসলমান মুসলমান থাকবে অথচ উভয়ের মধ্যে মিলন হবে, হৃদয়তা হবে।

এ পন্থার চিন্তা করেছিল জনগণ। এটাতে ছিল তাদের প্রয়োজন। তাই এলেন ধর্মের জগতে জননেতা, জনাবতার কবীর দাদু নানক ইত্যাদি। পরম শ্রদ্ধার বিষয়, শান্তিনিকেতনেই এঁদের সম্বন্ধে অনুসন্ধান আরম্ভ হয়। এত দিন ধরে ভারতের হিন্দু-মুসলমান গুলী-জ্ঞানীরা যেসব মহাপুরুষদের সম্পূর্ণ অবহেলা করেছিলেন, শান্তিনিকেতনেই সে-সময়ের ভারতের অন্যতম শ্রেষ্ঠ পণ্ডিত ক্ষিতিমোহন সেনশাস্ত্রী তাঁদের নিয়ে সমস্ত জীবন ব্যয়িত করেন। তাঁর 'দাদু' 'কবীরে'র পরিচয় এস্থলে নুতন করে দেবার প্রয়োজন নেই।

সে পুণ্যকর্ম এখনো বিশ্বভারতীতে পূর্ণোদ্যমে অগ্রগামী। ক্ষিতিমোহনের বৃদ্ধ বয়সের সহকর্মী বিশ্বভারতীর অধ্যাপক শ্রীযুত রামপুজন তিওয়ারীর 'সুফীমত-সাধনা ঔর সাহিত্য' সুচিন্তিত স্বয়ং-সম্পূর্ণ গুস্তক হিন্দী সাহিত্য তথা মধ্যযুগীয় লোকায়ত ধর্ম-চর্চার গৌরব বৃদ্ধি করেছে। পাণ্ডিত্যপূর্ণ অথচ সরল ভাষায় লিখিত এ ধরনের গ্রন্থ সর্ব ভাষায়ই বিরল।

কিন্তু চিন্তাজগতে—দর্শন-ধর্মশাস্ত্র-জ্ঞানবিজ্ঞানে—হিন্দু-মুসলমানের মিলনভাব অথচ অনুভূতির ক্ষেত্রে—চারুকলা সঙ্গীত লোকসাহিত্যে গণধর্মে—আশাতীত মিলন। এ বিষয়ে অধ্যয়ন এবং চর্চা করতে হলে উভয় জনসমাজের মূল ধর্ম, সামাজিক আচার-ব্যবহার গোড়া থেকে অধ্যয়ন করতে হয়। হিন্দু ধর্ম ও সমাজ সম্বন্ধে আমাদের যথেষ্ট জ্ঞান এবং অভিজ্ঞতা আছে, কিন্তু মুসলমান ধর্মের উৎপত্তি ও বিকাশ সম্বন্ধে বাংলা ভাষায় প্রায় কিছুই নেই। যা-কিছু আছে তা সরল ধর্মোচ্ছ্বাসে পরিপূর্ণ এবং স্বধর্মবিশ্বাসীর হৃদয়-মনে উৎসাহ-উদ্দীপনা সঞ্চার করার জন্য—বিধর্মীর সম্মুখে আপন ধর্ম যুক্তিবিচারের উপর নির্মাণ করে তাকে আকর্ষণ করার কোনো প্রচেষ্টা তাতে নেই, আপন ধর্মের স্বতঃসিদ্ধ নীতিও যে বিধর্মীর কাছে প্রমাণভাবে অসিদ্ধ হতে পারে সে দৃষ্টিভঙ্গিও এ-সাহিত্যকে বিকৃত করেনি। উপরন্তু ইংরেজ-আগমনের পর এ দেশের ইংরেজি শিক্ষিত হিন্দুরা ইংরেজির মারফতে গেলেন ইসলামের এক বিকট বিকৃত রূপ। সরল হিন্দু জ্ঞানত না, খ্রীস্টান এবং মুসলিমে স্বাধঃসংঘাত লেগে যায় মহাপুরুষের মৃত্যুর অল্প দিন পরেই, শত শত বৎসর ক্রুসেডের নামে একে অন্যের মরণালিঙ্গনে তারা সম্পিষ্ট; ফলে খ্রীস্টান কর্তৃক ইসলাম ও হজরৎ মুহম্মদের বিরুদ্ধে অকথ্য কটুবাক্য এ দেশে এসেছে 'নিরপেক্ষ গবেষণা'র ছদ্মবেশ ধরে। সাধারণ সরল হিন্দু এ ছদ্মবেশ বুঝতে পারেনি। (এস্থলে বলে রাখা ভালো, মুসলমান কিন্তু খ্রীস্টানকে প্রাণভরে 'জাত ভুলে' গালাগাল দিতে পারেনি, কারণ কুরান-শরীফ বীভূতখ্রীস্টকে অন্যান্য মহাপুরুষদের একজন বলে যে স্বীকার করে নিয়েছেন তাই নয়, তিনি মুহম্মদের পূর্বে সর্বপ্রধান পয়গম্বর বলে তাঁকে বিশেষ করে 'রাসুল' 'আল্লার আদ্বা' 'পরমস্বাক্ষর স্বগণ্য' উপাধি দেওয়া হয়ে গিয়েছে। পক্ষান্তরে

খ্রীস্টান যুগ যুগ ধরে হজরৎ মুহম্মদকে ‘ফল্‌স্ প্রফেট’ ‘শার্লট্যান’ ইত্যাদি আখ্যায় বিভূষিত করেছে। প্রায় চল্লিশ বৎসর পূর্বেও ‘ঐতিহাসিক’ ওয়েলস্ তাঁর ‘বিশ্ব-ইতিহাসে’ মুহম্মদ যে ঐশী অনুপ্রেরণার সময় স্বেদসিক্ত বেপথুমান হতেন তাকে মৃগীকৃগীর লক্ষণ বলে মহাপুরুষকে উভয়ার্থে লাঞ্চিত করেছেন)।

বামমোহন রামকৃষ্ণ রবীন্দ্রনাথ বিবেকানন্দ সর্বদেশেই বিরল। এ দেশে তো অবশ্যই।

ইতিমধ্যে আর-একটি নূতন পরিস্থিতির উদ্ভব হয়েছে।

এতদিন যে হিন্দু পণ্ডিত দার্শনিক মুসলমানের ধর্ম আচার-ব্যবহার সম্বন্ধে কোনো কৌতূহল প্রকাশ করেননি তাতে হয়তো তাঁদের কোনো ক্ষতিবৃদ্ধি হয়নি, কিন্তু স্বরাজলাভের পর তাঁদের সে দৃষ্টিবিন্দু পরিবর্তন অপরিহার্য হয়ে দাঁড়িয়েছে। আফগানিস্থান ইরান ইরাক সিরিয়া সউদী আরব ইয়েমেন মিশর তুনিস আলজীরিয়া মরক্কো তথা মুসলমানপ্রধান ইন্দোনেশিয়া ও নবজাগ্রত মুসলিম অধ্যুষিত আফ্রিকার একাধিক রাষ্ট্রের সঙ্গে আমাদের হৃদ্যতা স্থাপনা করতে হবে। মুসলিমপ্রধান পাকিস্থানও এ ফিরিস্তির অন্তর্ভুক্ত। এদের ধর্ম, তার উৎপত্তি ও ক্রমবিকাশ, রাজনৈতিক তথা অর্থনৈতিক বাতাবরণ-পার্থক্যে তাদের ভিন্ন ভিন্ন রূপ-পরিবর্তন—এসব এখন অল্পবিস্তর অধ্যয়ন না করে গত্যন্তর নেই। সত্য, আমাদের ইস্কুল-কলেজে এখনো আরবী-ফার্সীর চর্চা সম্পূর্ণ লোপ পায়নি, কিন্তু এই নিয়ে সন্তুষ্ট হওয়াটা সমীচীন হবে না। কিছু কিছু হিন্দুদেরও আরবী-ফার্সী শিখতে হবে। এবং এই সাতশ’ বৎসরের প্রাচীন আরবী-ফার্সীর শিক্ষাপদ্ধতিও পরিবর্তন করতে হবে। কিন্তু সে প্রসঙ্গ যতই প্রয়োজনীয় হোক, এখানে কিঞ্চিৎ অবাস্তর।

আমরা যে মূল উৎসেব সন্ধানে বেরুচ্ছি তার জন্য আজ আর প্রাচীন মানচিত্র কাজে লাগবে না। ভাবোচ্ছ্বাসে পরিপূর্ণ অথবা সন্দেহে কণ্টাকাকীর্ণ প্রাচীন কোনো পদ্ধতির অনুসরণ করলে আজ আর চলে না। ধর্মকেও আজ বাজনীতি অর্থনীতি সমাজনীতির কস্টিপাথর দিয়ে যাচাই করতে হয়।

কিন্তু অনুসন্ধিৎসু মনের সঙ্গে থাকবে সহানুভূতিশীল হৃদয় ॥

পরিচিতি

কিছুদিন পব পবই নূতন কবে আলোচনা হয়—এখনো লোকে মপাসী পড়ে কিনা, পড়লে কারা পড়ে? ইংরেজ, ফরাসী, জার্মান, রুশ? ফ্রান্সের লোকেব কথা বাদ দেওয়া যেতে পারে। তারা অল্পবিস্তর সব সময়ই পড়বে। উপস্থিত গুনতে পাই, মার্কিন দেশেই নাকি তাঁর সব চেয়ে বেশী কদর। যঁারা এসব আলোচনা করেন তাঁরা প্রাচ্যদেশীয় সাহিত্যগুলোর সঙ্গে আদৌ পরিচিত নন বলে সেগুলোকে হিসেবেই নেন না। আমার জানামতে আরব দেশে এখনো তাঁর প্রচুর সম্মান; তার অন্যতম কারণ আরবী প্রচলিত মিশর থেকে বাইরুৎ-দামাস্কাস পর্যন্ত ফরাসীর প্রচলন ইংরিজির তুলনায় বেশী। অধুনা মার্কিন ভাষা ঐসব দেশে প্রচার ও প্রসার লাভ করেছে, কিন্তু তাতে মপাসীর কোনো ক্ষতি হবে না; কারণ পূর্বেই নিবেদন করেছি মার্কিনজাত মপাসী ভক্ত।

তা সে যা-ই হোক, ফ্রান্সের বাইরে কিন্তু তাঁর রচনা (essays) নিয়ে কখনো কোনো আলোচনা হতে দেখিনি। এ যে অনেকটা কনান ডয়েলের মত। তাঁর শার্লক হোম্‌স নিয়ে

সবাই এমনই মুগ্ধ যে তাঁর অন্যান্য লেখার দিকে কেউই বড় একটা নজর দেন না। শার্লক হোমসে এমনই ঝাল যে তার পর বাকি তাবৎ রান্না অভিশয় সুনিপুণ হলেও ফিকে বলে মনে হয়।

আমার বলার উদ্দেশ্য এ নয় যে মপাসাঁর প্রবন্ধ তাঁর ছোট গল্পকে হার মানায়। বস্তুত তাঁর সর্বোত্তম উপন্যাসদ্বয়ই—‘য়ুন্ ভী’ এবং ‘বেল্ আমি’—তাঁর ছোট গল্পকে হার মানাতে পারেনি।

তাঁর নাট্য ও কবিতাও নিম্নস্তরের। পক্ষান্তরে চেখফ ছোট গল্প এবং নাটক, উভয়েই অদ্বিতীয়।

আমার নিজের মনে হয়, মপাসাঁর প্রবন্ধগুলি অত্যাভূতম। তাঁর গুরু ফ্লোবের ও গুরুসম—ফ্লোবেরের অন্তরঙ্গ বন্ধু—তুর্গেনিয়েফ সম্বন্ধে তিনি যে দুটি প্রবন্ধ লিখেছেন সেগুলি অতুলনীয়। মপাসাঁর ছোট গল্প বা উপন্যাসে পাঠক পাবেন দেহ ও যৌন ক্ষুধার ছড়াছড়ি কিন্তু সত্যাকার প্রেমের প্রতি শ্রদ্ধা, কিংবা সে-শ্রদ্ধার প্রতি সহানুভূতি, অথবা স্নেহের প্রতি অনুরাগ, মানুষের এসব তাবৎ মহামূল্যবান বৈভবের প্রতি মপাসাঁর কোনো আকর্ষণ নেই। তিনি যা চান তাই ফুটিয়ে তুলতে পারেন বলে যখন এগুলো নিয়ে নাড়াচাড়া করেছেন তখন সেগুলি প্রকাশ করেছেন তাঁব যাদুকাঠির পরশ দিয়েই কিন্তু তখন তাঁর উদ্দেশ্য অন্য, ঐ সব বৈভবকে সম্মান দেখানো নয়, ওগুলো ব্যবহার করা হয়েছে যেন প্যাডিং রূপে। অথচ আমরা জানি মপাসাঁ তাঁব মাকে ভালোবাসতেন গভীর রূপে—বস্তুত এরকম মাতৃভক্ত পুত্র সর্বকালেই সর্বদেশেই বিরল—যে-লোক প্রতিদিন ভালো-মন্দ-মাবারি, ডাচেস থেকে হৈরিণী পর্যন্ত বিচরণ কবে, আপন ফুর্তির জন্য কাঁড়া কাঁড়া টাকা ছড়ায়, হেন দুর্ধর্ম নেই যা তার অজানা এবং যার জন্য সে পয়সা খর্চা কবতে রাজী নয়—সেই লোক ঠিক নিয়মিত মাকে মোটা টাকা পাঠায়, নিয়মিত মধুব চিঠি লেখে, পাছে মা টের পেয়ে যান তাই অভিশয় অসুস্থ শবীর নিয়েও প্রাচীন প্রথামত নববর্ষেব পরব রাখতে গিয়ে মায়ের বাড়িতে যায় (তার পাঁচ দিন পরই তাঁর মাথাব ব্যামো—সিফিলিসজনিত উন্মাদরোগ—ঠাঁকে এমনি বিভ্রান্ত করে যে তিনি ছুরি দিয়ে গলা কেটে আত্মহত্যা করার চেষ্টা দেন; অনুগত ভৃত্য ফ্রাঁসোয়া পিস্তলেব গুলি আসন্ন সর্বনাশের আশঙ্কায় সরিয়ে রেখেছিল), সে যে শ্রদ্ধা ভালোবাসার সম্মান দিত না, এ তো হতেই পারে না।

শুধু তাই নয়, সেই শ্রদ্ধার ‘নির্লঙ্ক’ উচ্ছ্বাস পাঠক পাবেন ফ্লোবের ও তুর্গেনিয়েফ সম্বন্ধে লিখিত মপাসাঁব প্রবন্ধে।

তুর্গেনিয়েফ সম্বন্ধে লেখা তাঁর প্রবন্ধটি অন্য দেশ কতখানি সম্মান দেয়, আমার জানা নেই। তবে রুশ দেশ তার চরম সম্মান দেয় ও দিয়েছে। ১৯৫৮ খ্রীস্টাব্দে তুর্গেনিয়েফের মৃত্যুর পঁচাত্তর বৎসর পূর্ণ হলে সারা রুশদেশব্যাপী তাঁকে স্মরণ করা হয়। সেই উপলক্ষে তুর্গেনিয়েফের ভাইয়ের মেয়ে (কিংবা আপন জারজ, পরে আইনসম্মত

১ অনেকেবই বিশ্বাস, যেহেতু মপাসাঁ মেয়েদেব ‘ইটার্নেল হার্লট’ বলেছেন তাই পুরুষদেব তিনি খুব সম্মানেরে চোখে দেখতেন। বস্তুত ‘বেল্ আমি’ পড়ার পর পুরুষকুলকেও ‘ইটার্নেল জিগলে’ (পুং বেণ্যা) বলা যেতে পারে। তবে যৌনক্ষুধাতুর মপাসাঁ স্বভাবতই মেয়েদেব প্রতি আকৃষ্ট হয়েছেন বেশি এবং তাদেব সম্বন্ধে লিখেছেন বেশি।

কন্যা) দেশবাসী কর্তৃক অনুরুদ্ধ হয়ে তাঁর সম্বন্ধে একটি প্রবন্ধ লেখেন। তিনি তাঁর প্রবন্ধ আরম্ভ কবেন তুর্গেনিয়েফ সম্বন্ধে মপাসাঁর প্রশংসাকীর্তন নিয়ে। তুর্গেনিয়েফ সম্বন্ধে রুশ দেশ এবং রুশ দেশের বাইরে বিস্তর প্রবন্ধ বের হয়েছে (এবং আশ্চর্য, মপাসাঁ যখন তাঁর খ্যাতির চরমে, যখন তাঁর ছোট গল্প ইয়োরোপের প্রায় সর্ব ভাষায় অনুদিত হচ্ছে তখন তিনি খাতির পাননি এক রুশ দেশে, যদিও রুশ দেশ সব সময়ই ফ্রান্স-পাগল, কারণ রুশে তখন তলস্তয়, তুর্গেনিয়েফ, লেসকফ^২, দস্তয়েফ্‌স্কি, চেখফ্‌ কেউ বা তাঁর বিজয়শঙ্খ বাজাচ্ছেন বিপুল বিক্রমে, কারো বাণী দূর দূরান্তরে প্রতিধ্বনিত হচ্ছে, কারো বা মধুর কণ্ঠের প্রথম কাকলি দেশের সর্বত্র নবীন চাঞ্চল্য জাগিয়ে তুলেছে—মপাসাঁকে লক্ষ্য করবার ফুর্সৎ তাদের নেই) কিন্তু ১৯৫৮ খ্রীস্টাব্দে তুর্গেনিয়েফ পরিবারের প্রতিভূ স্মরণ কবলেন মপাসাঁকে—সেই মপাসাঁ যাঁর প্রবন্ধ পৃথিবীর সর্বত্র অপরিচিত।^৩

তাই বলছিলুম, মপাসাঁর ‘নির্লঙ্ঘ্য’ উচ্ছ্বাস পাঠক পাবেন এ-দুটি প্রবন্ধে এবং তাঁব অন্যান্য রচনায়। মানুষ মপাসাঁকে চেনবার ঐ একমাত্র উপায়। সাহিত্য নিয়ে আলোচনা মপাসাঁ বন্ধুদের সঙ্গে তো করতেনই না, লেখাতে যা করেছেন তাও পঞ্চাশ লাইনের বেশী হয় কি না হয়।

আর আছে তাঁব চিঠি। কিন্তু সেগুলোতে তিনি তাঁর হৃদয়ের গভীর ব্যথা, তাঁর আশা-আকাঙ্ক্ষা সম্বন্ধে নীবব। তাব কারণ গুরু ফ্রোবের কর্তৃক জর্জ সানড্‌কে লেখা তাঁর অন্তরঙ্গ চিঠি যখন ছাপাতে প্রকাশিত হয়, তখন ফ্রোবের মত দেশেও তাই নিয়ে তুলকালাম কাণ্ড ঘটে। মপাসাঁ তখনই সাবধান হয়ে যান। পারলে মপাসাঁ ফ্রোবের চিঠিগুলো প্রকাশিত হতে দিতেন না। শেষটায় যখন দেখলেন প্রকাশ হবেই হবে তখন মপাসাঁ সে সংকলনের ভূমিকা লিখতে রাজী হন। তিনি আশা করেছিলেন গুরুব পদতলে তাঁব শ্রদ্ধা অর্ঘ্য নিবেদন দেশের পাঁচজনকে বুঝিয়ে দেবে, ফ্রোবেরকে কোন্‌ পরিশ্রম্বিতে দেখে তাঁর সত্য মূল্য দিতে হয়।

তবুও মপাসাঁব চিঠিগুলো যে অমূল্য, তুলনাহীন সে বিষয়ে কোনো সন্দেহ নেই।

আমার জানা মতে তাঁব সর্বশেষ চিঠি তাঁর ডাক্তারকে লেখা—এইটি সর্বশেষ না হলেও এটিতে পাঠক পাবেন ‘রাজহংসের মরণগীতি’।

তাঁব চিকিৎসক ডাক্তার আঁরি কাজালি (জঁলাওর)-কে লিখিত,

“কান, ইজের কুটির।

আমি একেবারে শেষ হয়ে গিয়েছি। তাবও বেশী। আমি এখন মৃত্যুর শেষ যন্ত্রণায়। নাকের ভিতর নোনা জল ঢেলে সেটা ধুয়েছিলুম বলে তাবই ফলে আমার মগজ নরম হয়ে গিয়েছে। সেই নুন মাথার ভিতর গজিয়ে ওঠায় (ফের্মাসিয়ো—ফার্মেন্টেশন) সমস্ত রাত ধরে আমাব মগজ গলে গিয়ে চ্যাটচেটে পেস্টের মত নাক আর মুখ দিয়ে বেরুচ্ছে। এ হচ্ছে আসন্ন মৃত্যু, আব আমি উন্মাদ।^৪ আমি প্রলাপ বকছি। শেষ-বিদায় বন্ধু, বিদায়। তুমি আমাকে আবার দেখতে পাবে না....”^৫

২ লেসকফের একটি দীর্ঘ গল্প আমি অনুবাদ করেছি, বিশ্বসাহিত্যে এ গল্পটি অনুলনীয় বলে—যদিও আমি পাঁচটা বাবুদের ন্যায় এটাতেও অক্ষম। একাধিক গুণীকে অনুরোধ করার পবও তাঁরা যখন সেটি অবহেলা কবলেন, তখন বাধা হয়ে আমাকেই কবতে হল। ‘শ্রেম’ নামে প্রকাশিত হয়েছে।

৩ মপাসাঁব এই প্রবন্ধটি আমি অনুবাদ কবি একই সময়ে—পাঁচাত্তর বৎসবেব পব উপলক্ষে।

৪-৫ এই দুটি ছত্র ক্যাপিটাল অক্ষরে।

আমি ডাক্তাব নই, তাই বলতে পারবো না, মানুষের জীবিতাবস্থায় কিংবা মৃত্যুর পবও তার নাক কান দিয়ে মগজ্জ গলে বেরয় কিনা, নুনের ফার্মেন্টেশন হয় কিনা তাও জানি নে। স্পষ্টত এ চিঠি উন্মাদের প্রলাপ। কিন্তু প্রশ্ন, উন্মাদ কি স্বীকার কবে সে প্রলাপ বকছে?

* * * *

ফরাসী ভাষায় মপাসাঁর দু'খানি অত্যুত্তম বচনা ও পত্রসংগ্রহ আছে। ইংরিজিতে এগুলোর অনুবাদ হয়েছে কিনা জানি নে।

(১) CHRONIQUES, ETUDES CORRESPONDANCE

DE GUY DE MAUPASSANT

Recueillies Prefacees et Annotees par

RENE DUMESNIL

avec la collaboration de Jean Loize

et publiees pour la premiere fois avec nombreux

DOCUMENTS INEDITS

LIBRAIRIE GRUEND, 60, RUE MAZARINE, 60,

PARIS, VI, 1938

(২) CORRESPONDANCE INEDITE

DE

GUY DE MAUPASSANT

Recueihie et presentee

ARTINE ARTINIAN

avec la collaboration d'

EDOURAD MAYNIAL

Editions Dominique Wapler,

6, Rue de Londres,

Paris, 1951

বছর কুড়ি পূর্বে একটি আন্তর্জাতিক পত্রিকা নানা দেশের চূয়াস্তর জন খ্যাতনামা লেখককে প্রশ্ন জিজ্ঞাসা করেন, কোন্ কোন্ লেখক তাঁদের সৃষ্টির উপর প্রভাব বিস্তার করেছেন। উত্তরে মপাসাঁ—জার্মান কবি হাইনে, এবং হোমার হইটমানের সমান সম্মান পান এবং ইব্‌সেন ও দাঁদালের চেয়ে বেশী।

এদেশেও মপাসাঁ নিয়ে কৌতূহল আছে।

কয়েকদিন পূর্বে শ্রীযুক্ত চিত্তরঞ্জন বন্দ্যোপাধ্যায় কর্তৃক অধুনা লিখিত সাহিত্যিকদের জীবনী সম্বলিত সাহিত্যালোচনার একখানা অত্যুত্তম পুস্তক আমার হাতে এসে পৌছল। 'সোনার আল্পনা' (এভারেস্ট বুক হাউস, ১৯৬০)।

বইখানিতে অন্যান্য মনোরম প্রবন্ধের ভিতর গী দ্য মপাসাঁ ও ইভান তুর্গেনিযেফ সম্বন্ধেও দুটি রচনা রয়েছে।

আজকাল এদেশে অনেকেই ফরাসী শিখছেন। উপরের দুখানা মূল গ্রন্থ ও বাঙলা বইখানা নিয়ে আলোচনা হলে বাঙলা সাহিত্য উপকৃত হবে।

হতভাগ্য কাছাড়

প্রশ্ন উঠতে পারে, কাছাড়ের ভাষা আন্দোলন যখন তার চরমে তখন সম্পূর্ণ নীরব থেকে আজ এতদিন পরে সেই পুরোনো কাহিনী নিয়ে পড়ি কেন? কাছাড়ীতেও আছে,

স্বামী মরলো সন্ধ্যা রাত !

কেঁদে উঠলো দুপুর রাত !!

(খাস কাছাড়ীতে লিখলে পাঠকের বুঝতে অসুবিধা হতে পারে বলে 'সংস্কৃত' করা হল।)

আসলে তখন ভাষা আন্দোলন রাজনৈতিক রেযারেশি তিজ্ততায় রূপান্তরিত হয়েছে, এমন কি কোনো কোনো স্থলে সাম্প্রদায়িক ভেদবৃদ্ধির আশ্রয় নিয়েছে—অথচ কাছাড়ে কস্মিনকালেও কোনো প্রকারের সাম্প্রদায়িকতা ছিল না। হিন্দু, মুসলমান, মণিপুরী (তাদের ভিতরেও হিন্দু মুসলমান দুই-ই আছে), নাগা, লুসাই এবং আরও কত যে জাত-বেজাত কাছাড়ে সখ্যভাবে বসবাস করে সে সম্প্রীতি না দেখলে বিশ্বাস করা যায় না।

তখন আমার জানা ছিল, এ আন্দোলন বেশীদিন চলবে না, একটা রফারফি হয়ে যাবেই এবং তারপর কাছাড়বাসীরা ভাষার কথা বেবাক ভুলে গিয়ে আবার সুখ-নিদ্রায় ঘুমিয়ে পড়বে। পারি যদি তখন তাকে জাগাবার চেষ্টা করবো। সর্বত্রই দেখছি, পাকা বুনিয়াদ গঠনের কাজ আরম্ভ হয় তখনই।

* * * *

কাছাড়ের উত্তর, পূব, দক্ষিণে পাহাড়। তার বেরবার পথ মাত্র পশ্চিম দিকে—পূব পাকিস্তানের সিলেটের ভিতর দিয়ে। সে পথ আজ বন্ধ। হিল্ সেকশন নামক যে রেলপথটি কাছাড়কে ব্রহ্মপুত্র উপত্যকার সঙ্গে সংযুক্ত করেছে সেটি নির্মিত হয়েছিল ব্রহ্মপুত্র উপত্যকার চা চট্টগ্রাম বন্দর তথা চাঁদপুর হয়ে কলিকাতার বন্দরে পাঠাবার জন্য। ওটা কখনো কাছাড়ীদের বিশেষ কোনো কাজে লাগেনি।

এর পূর্বে বলে রাখা ভালো, কাছাড় ঐতিহ্যহীন দেশ নয়। সিলেট-কাছাড়ের ঐতিহ্য একসঙ্গে জড়িত ছিল বলে এতদিন ধরে সবাই 'সিলেট সিলেট' করেছে এবং কাছাড় তারই তলায় চাপা পড়ে গিয়েছিল।

কাছাড়ের বৈশিষ্ট্য এই যে, সে আর্ঘ-সভ্যতার শেষ পূর্বভূমি। এবং বাঙলা ভাষা ও সংস্কৃতির শেষ পূর্ব প্রত্যস্ত প্রদেশ। এর পরই মণিপুর—এঁরা বৈষ্ণব হলেও এঁদের রক্ত এবং ভাষা ভিন্ন। তারপর বর্মা। এবং আর্ঘসভ্যতা বাদ দিয়েও কাছাড়ের প্রাচীন আদিবাসীরাও আপন সভ্যতা নির্মাণ করে গিয়েছেন—তার নিদর্শন আজও কাছাড়ের দেখতে পাওয়া যায়। কাছাড়ের রাজারা দীর্ঘকাল পূর্বেই বাঙলা ভাষা গ্রহণ করেন।^১ বঙ্গত জয়ন্তিয়া (পাঠান-মোগল কেউই এ রাজ্য অধিকার করতে পারেননি) ত্রিপুরা,

১ সৈয়দ মরতুজা আলী, A History of Jaintia, ৩ এঁর লেখা ঐ যুগের আসাম ও বাঙলাব চাব বাজবংশের মধ্যে বাঙলায় লেখা চিঠিপত্র দলিল-দস্তাবেজ সম্বন্ধে একাধিক প্রবন্ধ দ্রষ্টব্য।

কাছাড় ও ব্রহ্মপুত্র উপত্যকার আহম রাজারাই আসাম প্রদেশের চারিটি প্রধান রাজবংশ। আমার যতদূর জানা আছে, মণিপুরে বৈষ্ণবধর্ম প্রচার করার সময় কাছাড়কেই কেন্দ্রভূমি করে সে কর্ম করা সম্ভবপর হয়েছিল।

কাছাড়ের নৈসর্গিক দৃশ্য অপূর্ব। যাঁরা হিল-সেকশন দিয়ে রেলো গিয়েছেন মাত্র, তাঁরাও এ বাবদে আমার মতে সায় দেবেন।

এবং সবচেয়ে বড় কথা, কাছাড় জমিদাররা কখনো দাবড়ে বেড়াননি বলে সেখানকার সমাজে অতি সুন্দর গণতন্ত্র প্রচলিত। জমিদার নেই বলে লেঠেলও ছিল না। তাই কাছাড়ীরা বড় শান্ত, নিরীহ। এমন কি সোনাই অঞ্চলে যেসব নাগারা বাস কবে তারাও মাঝে-মাঝে বাঙালী জনপদবাসীর কুকুর ধবে নিয়ে ভোজদাওয়াৎ করলেও এরা দা হাতে করে মানুষের মুণ্ডর সন্ধানে বেরোয় না।

দেশ বিভাগের ফলে কত সহস্র, কিংবা লক্ষাধিক শরণার্থীকে কাছাড় আশ্রয় দিয়েছে সে সম্বন্ধে কেউ উচ্চবাচ্য করে না। ‘পূর্ববঙ্গের রেফুইজী’দের আশ্রয় দেওয়ার প্রায় পুরো ক্রেডিট নেন পশ্চিম বাঙলা। শিলঙে অবস্থিত অহমিয়া সরকার ‘বঙাল’ কাছাড়ের আত্মত্যাগ সম্বন্ধে যে অত্যধিক লক্ষ্যবস্তু করবেন না সে তো বেদ থেকে পাঁচকড়ি দে তক স্বর্ণাক্ষরে লেখা—আমিও দোষ দিই নে।

বস্তুত চৈতন্যভূমি শ্রীহট্টের শত শত ব্রাহ্মণকে কাছাড় আশ্রয় দিয়ে সংস্কৃত চর্চা যে কতখানি বাঁচিয়ে রাখলো তার খতিয়ান হওয়া উচিত। অথচ দেশ বিভাগের ফলে কাছাড়ের সর্বনাশ হয়েছে। তার ধনদৌলত, ধান, কাঠ, ছন, বাঁশ, চা প্রাকৃতিক আরও নানা সম্পদ সবই পাঠানো হত সিলেটের মাঝখান দিয়ে। আজ সে পথ বন্ধ। পূর্বেই বলেছি, তার তিন দিকে পাহাড়। হিল সেকশন দিয়ে যে খর্চা পড়বে তার অর্ধেক মূল্যে এসব বস্তু ব্রহ্মপুত্র উপত্যকায় পাওয়া যায়।

* * * *

দেশ বিভাগের পূর্বে কাছাড়-শ্রীহট্ট অর্থাৎ সূর্য উপত্যকা আসাম রাজ্যে প্রধান স্থান দখল করেছিল। সিলেট পাকিস্তানে চলে যাওয়াতে কাছাড়ের বঙ্গভাষীগণ হয়ে গেল নগণ্যধম মাইনরিটি—এবং যেটুকু তার ন্যায্য প্রাপ্য ছিল তাও সে পেল না—সেনসাস নিয়ে কারসাজি করার ফলে।^২

ইউনাইটেড নেশনস বলেন তাঁদের প্রধান সমস্যা, পৃথিবীর সর্বত্র, মাইনরিটি নিয়ে। কাজেই আজ যদি অসমীয়ারা কাছাড়বাসীর মাতৃভাষা ভুলিয়ে সেখানে অসমীয়া চালাতে চান তবে কেউ আশ্চর্য হবেন না। অবশ্য সেটা যে অন্যায্য সে কথা নিশ্চয়ই বলতে হবে।

কাছাড়ীরা বাঙলা ভাষা ও তাদের বাঙালী ঐতিহ্য কখনো ছাড়তে পারবে না—অহমিয়া ঐতিহ্য অনেকগুণ শ্রেষ্ঠ হলেও পারবে না।

ভাষার উপর এ অভ্যচার নূতন নয়।

এর বিরুদ্ধে ঔষধ কি?

অধম আকাশবাণীকে বার বার বোঝাবার চেষ্টা করেছে, শিলচরে একটি যেতার কেন্দ্র হওয়ার অত্যন্ত প্রয়োজন। কাছাড়ের লোক সচরাচর ঢাকা বেতার শোনে, কারণ

২ আমার অগ্রজ পূর্বোন্নিখিত সৈয়দ মরহুজ্জা আলী আসামে রাজকর্মচারী ছিলেন। তিনি আমাকে ১৯৪১ সালেই (১) বলেন যে সেনসাস নিয়ে কারসাজি আরম্ভ হয়ে গিয়েছে।

কলকাতার আকাশবাণী সেখানে ভালো করে পৌছয় না। গৌহাটি কেন্দ্রের ভাষা অসমীয়া। ওদিকে আরেকটি মজার জিনিস। গৌহাটি কেন্দ্র নাগাকে শাস্ত করার জন্য সেখান থেকে প্রচারকার্য করেন। আশ্চর্য হই, তাঁরা 'আর্তিস্ত' পান কোথায়? প্রথমত টেপ-রেকর্ডার নিয়ে নাগা অঞ্চলে ঢোকা অনেকখানি হিম্মতের কাজ, দ্বিতীয়ত শুধুমাত্র টেপ-রেকর্ডারের জোরে প্রচারকার্য চলে না। পক্ষান্তরে খাস কাছাড়েই মেলা নাগা বয়েছেন। মাঝখানে পাহাড় আছে বলে গৌহাটির বেতার-গলা নাগা পাহাড়ে ভালো করে পৌছয় না। ওদিকে নাগা পাহাড় কাছাড়ের প্রতিবেশী।

কাছাড়ের দক্ষিণে লুসাই পাহাড়। লুসাইরা নিরীহ। কিন্তু অহমিয়ারা যেভাবে রাজত্ব চালাচ্ছেন তাতে কখন কি হয় বলা যায় না। এখন থেকেই সাবধান হওয়া উচিত। লুসাইদের সর্ব আমদানি-রপ্তানি একমাত্র কাছাড়ের সঙ্গে। লুসাইদের জন্য প্রচারকর্ম করার জন্য শিলচরই সর্বোত্তম কেন্দ্র—গৌহাটি বা ব্রহ্মপুত্র উপত্যকার অন্য কোনো স্থল নয়।

আরও নানা রাজনৈতিক এবং অন্যান্য কারণ আছে। স্থানাভাব।

শিলচরে এই বেতার কেন্দ্র নির্মাণের জন্য তীব্রকণ্ঠে দাবি জানাতে হবে। জনমত গড়ে তুলতে হবে। আসাম সরকার সাহায্য করবেন না। বাধা দিলে আমি আশ্চর্য হব না, দোষও দেব না।

কিন্তু এ তো বহুবিধ আশ্চর্য তথ্যের মধ্যে সামান্য জিনিস।

আমার মনে পড়ছে, অস্ট্রিয়ার রাজা হাঙ্গেরির ভাষা নিধন করতে চেয়েছিলেন। ফলে বুদাপেস্টের হাঙ্গেরীয় স্টেজ পর্যন্ত বন্ধ করে দেওয়া হয়। এই বোধ হয় রাজা আপন পায়ে কুড়োল মারলেন। অভিনেতা-অভিনেত্রীরা বেরিয়ে পড়ল জিপসি ক্যারাভানে—শহরে শহরে, গাঁয়ে গাঁয়ে এমন ভাষার বান জাগিয়ে তুললে যে, সমস্ত দেশ মনেপ্রাণে অনুভব করলো মাতৃভাষা মানুষের জীবনে কতখানি জায়গা জুড়ে আছে, তার আশা-আকাঙ্ক্ষা প্রকাশ করার জন্য ঐ তার একমাত্র গতি। যে সভ্যতা সংস্কৃতি সে তার পিতা-পিতামহের কাছ থেকে পেয়েছে, যার কল্যাণে সে সভ্যজন বলে পৃথিবীতে স্বীকৃত হচ্ছে, যাকে সে পরিপুষ্ট করে পিতৃপুরুষের কাছ থেকে ঋণমুক্ত হতে চায়—সে তার মাতৃভাষা।

এই তার সময়। ভাষা আন্দোলনের বিক্ষোভ-উচ্ছ্বাসের দুর্দিনে গড়ার কাজ করা যায় না। সে যেন আতসবাজি। সেটা শেষ হলে যে অঙ্ককার সেই অঙ্ককার। তার পূর্বেই ওরই ক্ষুদ্র শিক্ষা দিয়ে গামে গ্রামে সহস্র সহস্র প্রদীপ জ্বালিয়ে নিতে হয়।

* * * *

এই তার সময়। রাজদণ্ডের ভয় নেই, রাজনৈতিক স্বার্থপ্রণোদিত কারসাজি নেই—শাস্ত সমাহিত চিন্তে চিন্তা করতে হবে, পরিকল্পনা করতে হবে, অর্থ সঞ্চয় করতে হবে কি প্রকারে মাতৃভাষার গৌবব সম্বন্ধে সর্ব কাছাড়বাসীকে পরিপূর্ণ সচেতন করা যায়।

সেই চৈতন্যের উপরই মাতৃভাষার দৃঢ়ভূমি নির্মিত হবে।

তাই যখন আবার বিপদ আসবে তখন উন্মাদের মত দিগ্বিদিক ছুটোছুটি করতে হবে না, ভ্যানে করে গ্রামে গ্রামে মাইকে চিৎকার করতে হবে না। গ্রামের লোক নিজের থেকেই সাড়া দেবে। শহরে সীমাবদ্ধ যে-কোনো আন্দোলনই সহজে দমন করা যায়। কিন্তু সে যদি গ্রামে গ্রামে ছড়িয়ে পড়ে তবে তাকে দমন করা অসম্ভব।

এই তার সময়। চিন্তা করুন, গ্রামে গ্রামে কি প্রকারে সে চৈতন্য উদ্দীপ্ত করতে পারি।
কিন্তু সাবধান! সাবধান!! সাবধান!!

এ আন্দোলন শান্তিময়, গঠনমূলক। এতে কোনো প্রকারের রাজনৈতিক স্বার্থ নেই।
এবং সবচেয়ে শেষের বড় কথা—গঠন-কর্ম অগ্রসর হবে অহমিয়া ভ্রাতা, তথা কাছাড়ের
কোনো সম্প্রদায় কোনো রাজনৈতিক দলের প্রতি বৈরীভাব না রেখে।^৩

নেতাজী

আজ—এবং নেতাজী।

এ পৃথিবীতে ভারতের মত অতখানি নিরপেক্ষ রাষ্ট্র আর নেই। এবং সেজন্য যে
আমরা ক্যাপিটালিস্ট কম্যুনিষ্ট উভয় পক্ষেরই বিরাগভাজন হয়েছি তাতেও কোন সন্দেহ
নেই। সামাজিক জীবন লক্ষ্য করলেই এ তত্ত্বটা পরিষ্কার হয়ে যায়। যে-মানুষ দলাদলির
মাঝখানে যেতে চায় না—তা সে স্বভাবে শান্তিপ্রিয় বলেই হোক আর দুই দলের গৌড়ামিই
তার কাছে আপত্তিকর বলে মনে হয় বলেই হোক—সে উভয় দলেরই গালাগালি খায়।

তাই পাঁড় কম্যুনিষ্টরা আমাদের টিটকারি দিয়ে বলছে, 'যাও, করো গে পীরিত
ক্যাপিটালিস্টদের সঙ্গে; এখন বোঝ ঠালা।' আর পাঁড় ক্যাপিটালিস্টবা বলছে ঠিক এই
একই কথা। আমরা নাকি কম্যুনিষ্টদের গলায় পীরিতের মালা পরাতে গিষে পেয়েছি
লাঞ্ছনা।

পুরোপাক্ষা সুস্থমস্তিষ্ক নিরপেক্ষ জন পাই কোথা যে তার মতটা জেনে নিয়ে আপন
চিন্তা-ধারা আপন আচরণের বাছ-বিচার করি, জমা-খরচ নিই।

তবে পৃথিবীর লোক সচরাচর বলে থাকে সুইজারল্যান্ড নাকি বড় নিরপেক্ষ দেশ।
আমার মনে হয়, লোকে তাকে যতটা নিরপেক্ষ মনে কবে ঠিক ততটা সে নয়। তবু সবাই
যখন এ কথা বলছেন তখন সুইসদের মধ্যে যীরা সচরাচর লিব্রেল উদারপ্রকৃতি-সম্পন্ন
বলে গণ্য (সব সুইসই যে সমান নিরপেক্ষ এ কথা সত্য হতে পারে না) তাঁদের মতটা
শোনা যাক।

এঁরা প্রথমেই বলেন, চীন যে ভারত আক্রমণ করেছে এটা তার লাওস, ভিয়েটনাম
বা কোবিয়াতে লড়াইয়ের মত নয়। ওসব জায়গায় সে লড়ে কম্যুনিজ্‌ম ধর্মকে 'কাফের'
ক্যাপিটালিস্ট-ইম্পিরিয়ালিস্টদের অযথা আক্রমণ থেকে বাঁচাবার জন্য (ভারতবর্ষ
আক্রমণে সে উদ্দেশ্য থাকতে পারে না, কারণ এ-কথা কেউ বলতে পারবে না যে
কম্যুনিজ্‌ম-ধর্মবিশ্বাসী কম্যুনিষ্টদের আমরা নির্যাতন করে করে নিঃশেষ করে আনছিলুম,
ববঞ্চ বলবো ওদের প্রতি আমাদের সহিষ্ণুতা খৈর্ঘের সীমা পেরিয়ে যাচ্ছে বলে ঘরে
বাইরে অনেকেই মন্তব্য প্রকাশ কবেছেন), এ-স্থলে চীন ভাবত আক্রমণ করেছে নিছক
বাজ্যজয়ার্থে।

আমরাও বলি তাই, যদিও অন্য একাধিক কারণ থাকতে পারে।

এর পর সুইস লেখক বলেছেন, এই আক্রমণের প্রতিক্রিয়া হয়েছে কি?

৩ অমিতাভ চৌধুরী, মুখের ভাষা বুকের রুধির।

- (১) ভারতবাসীর স্বদেশপ্রীতি ও জাতীয়-ঐক্য রুদ্র জাগ্রত রূপ ধারণ করেছে এবং
 (২) যে কম্যুনিজ্‌মের প্রতি এতদিন সে উদাসীন এবং সহিষ্ণু ছিল তার প্রতি ক্রুদ্ধ হয়েছে।

(৩) বিশ্বজন চীনকেই আক্রমণকারী পররাজ্য লোভী ইম্পিরিয়ালিস্ট বলেই ধরে নিয়েছে, কারণ তাঁরা নিরপেক্ষ জাতিদের মধ্যে ভারতকেই সর্বাগ্রগণ্য বলে শ্রদ্ধা করতেন ও ভারত যে তার দীনদুঃখীর ক্রেশ মোচনের জন্যই সর্বশক্তি নিয়োগ করছে সে সত্যও তাঁরা জানতেন (অর্থাৎ চীন যেমন অস্ত্র নির্মাণে আপন শক্তির অপচয় করছিল তা না করে)।

(৪) ভারতীয় কম্যুনিষ্টরা পড়েছেন মহাবিপদে (আমরা গাঁইয়া ভাষায় ফাটা বাঁশের মধ্যখানে); হয় তাদের প্রাণের পুতলি চৈনিক ‘অগ্রগতির’ সঙ্গে যোগ দিয়ে, সর্বভারতীয়ের সম্মুখে নিজেদের দেশদ্রোহী ব্রাড্‌হুস্তা রূপে সপ্রকাশ করে, পরিশেষে রাজনৈতিক আত্মহত্যা বরণ করতে হবে, কিংবা চীনের বিপক্ষে, এমন কি শেষমেষ চীনের কম্যুনিষ্ট সংভাই বিশ্বপ্রলেতারিয়ার গুলিস্তান পরীস্তান রুশ—অবশ্য সংভাই কারণ সে ছোটভাই চীনকে সাহায্য করতে আদৌ উৎসাহ দেখাচ্ছে না—এমন কি রুশেরও বিপক্ষে দাঁড়াতে হবে।

(৫) শ্রীযুক্ত ত্রুশফকে হয় বিশ্বজনের সম্মুখে স্বধর্মানুরাগী পীতভ্রাতা চীনের বিরুদ্ধ পক্ষের সঙ্গ নিতে হবে, কিংবা চীনের পক্ষ নিয়ে ভারত তথা এশো-আফ্রিকার নিরপেক্ষ রাষ্ট্রগুলির মৈত্রী থেকে বঞ্চিত হতে হবে।

(৬) ভারতকে এখন পাশ্চাত্য রাষ্ট্রসমূহের কাছ থেকে প্রচুব এবং প্রচুরতর অস্ত্রশস্ত্র সংগ্রহ করতে হবে। ফলে পশ্চিমের সঙ্গে মৈত্রী বাড়াবে, কম্যুনিষ্টদের প্রতি বৈরীভাব বন্ধি পাবে। ধীরে ধীরে তাব নিরপেক্ষতা সম্পূর্ণ লোপ পাবে।

পাঠক ভাববেন না, আমি সুইসের সঙ্গে একমত। আমিও ভাবছি না যে, আপনি সুইসের সঙ্গে দ্বিমত। তবে একটা কথা আমরা উভয়েই মেনে নেব, নিরপেক্ষতা সর্বকালীন সর্বজনীন সার্বভৌম ধর্ম নয়। যদি সত্যই একদিন আমাদের মনে দৃঢ় বিশ্বাস হয়, কোনো বিশেষ নিরীহ দেশ অকারণে বলদৃপ্ত স্বাধিকার-প্রমত্ত রাষ্ট্র কর্তৃক আক্রান্ত হয়েছে তবে আমরা নিশ্চয়ই নিরপেক্ষতা বর্জন করে আক্রান্ত রাষ্ট্রের পক্ষ নেব। মিশর আক্রান্ত হলে পর কমনওয়েলথের সম্মানিত সদস্য হওয়া সত্ত্বেও আমরা মিশরের পক্ষ নিয়েছিলাম। শুধু তাই নয়, নিরপেক্ষতা রক্ষাব জন্য আজ আমরা যে আফ্রিকায় ভারতীয় সৈন্য পাঠাচ্ছি ঠিক সেই রকম আর্জেন্টিনাকে রক্ষাব জন্য নিরপেক্ষতা বর্জন কবে ঠিক সেই রকমই সৈন্য পাঠাবো। কারণ আমরা বিশ্বাস কবি, যেখানে ধর্ম সেখানেই জয়। কিন্তু হিটলার বিশ্বাস কবেন, যেখানে জয় সেখানেই ধর্ম।

কিন্তু উপরের ছয় নম্বর বক্তব্যে ফিরে গিয়ে বলি, আমার ব্যক্তিগত বিশ্বাস আমাদের নিরপেক্ষতা বর্জন অবশ্যাস্তাবী নয়। ক্ষণেকের প্রয়োজনে যদি বা আমরা তৃতীয় পক্ষের সাহায্য নিতে বাধ্য হই, তার অর্থ এই নয় যে, আমরা চিরকালই তৃতীয় পক্ষের কেনা গোলাম হয়ে থাকবো। তার অর্থ এও নয়, আমরা নেমকহারাম। এবং যাতে করে তৃতীয় পক্ষের বা বিশ্বজনের এ-অন্যায় সন্দেহ না হয়, তাই সাহায্য নেবার পূর্বেই, আমাদের নীতি ও উদ্দেশ্য সর্বজনকে স্পষ্ট ভাষায় বলে দিতে হবে।

এই দুঃখের দিনে নেতাজীর কথা মনে পড়ল।

দশ-বারো বৎসর পূর্বে তাঁর সস্বন্ধে লিখতে গিয়ে বলি, “দ্বিতীয় মহাযুদ্ধের মাঝামাঝি তিনজন নেতা স্বেচ্ছায় নির্বাসন বরণ করে দেশোদ্ধারের জন্য মার্কিন-ইংরেজের শত্রুপক্ষকে সাহায্য করতে প্রস্তুত ছিলেন। এঁদের মধ্যে প্রথম জেরুজালেমের গ্র্যান্ড মুফতী এবং দ্বিতীয় ইরাকের আবদুর রশীদ। এঁদের দুজনাই আপন দেশের একচ্ছত্র নেতা ছিলেন। তৃতীয় ব্যক্তি আমাদের নেতাজী। তিনি ভারতের সর্বপ্রধান নেতা ছিলেন না।

“তিনজনই কপর্দকহীন, তিনজনই সঙ্গে নিয়ে গিয়েছিলেন আপন আপন যশ ও চরিত্রবল। প্রথম দুজনার স্বজাতি ছিল উত্তর আফ্রিকায়, অথচ শেষ পর্যন্ত দেখা গেল এঁদের কেউই কোনো সৈন্যবাহিনী গঠন করে তুনিসিয়া আলজারিয়ায় লড়তে পারলেন না; শুধু তাই নয়, জার্মান রমেল যখন উত্তর আফ্রিকায় বিজয় অভিযানে বেরুলেন তখন এঁদের কাউকে সঙ্গে নিয়ে যাবারও প্রয়োজন অনুভব করলেন না। এঁদের কেউই জার্মান সরকারকে আপন ব্যক্তিত্ব দিয়ে অভিভূত করতে পারলেন না। শেষ পর্যন্ত তাঁদের গতি হল আর পাঁচজনের মত ইতালি থেকে বেতারে আরবীতে বক্তৃতা দিয়ে ‘প্রোপাগান্ডা’ করার।

“অথচ, পশ্য, পশ্য সুভাষচন্দ্র কী অলৌকিক কর্ম সমাধান করলেন! স্বাধীন রাষ্ট্র নির্মাণ করে, ‘ইংরেজের গর্ব ভারতীয় সৈন্যদের’ এক কবে আজাদ হিন্দ ফৌজ গঠন কবে তিনি ভারতবর্ষ আক্রমণ করলেন। বর্মা-মালয়ের হাজার হাজার ভারতীয় সর্বস্ব তাঁর হাতে তুলে দিল, স্বাধীনতা সংগ্রামে প্রাণ দেবার জন্য কাড়াকাড়ি পড়ে গেল।

“আমরা জানি, জাপান চেয়েছিল, সুভাষচন্দ্র ও তাঁর সৈন্যগণ যেন জাপানী বাণ্ডাব নিচে দাঁড়িয়ে লড়েন (মুফতী এবং আবদুর রশীদ জার্মানিকে সে সুযোগ দিতেও বাধ্য করাতে পারেননি)। সুভাষচন্দ্র কবুল জবাব দিয়ে বলেছিলেন, “আমি আজাদ হিন্দ ও তার ফৌজের নেতা। আমার রাষ্ট্র নির্বাসনে বটে, কিন্তু সে-রাষ্ট্র স্বাধীন এবং সার্বভৌম। যদি চাও তবে সে রাষ্ট্রকে স্বীকার করার গৌরব তোমরা অর্জন করতে পারো। যদি ইচ্ছা হয় তবে অস্ত্রশস্ত্র এবং অর্থ দিতে পাবো—এক স্বাধীন রাষ্ট্র যে রকম অন্য রাষ্ট্রকে মিত্রভাবে ধার দেয়, কিন্তু আমি কোনো ভিক্ষা চাই না এবং আমার সৈন্যগণ ‘আজাদ হিন্দ’ ভিন্ন অন্য কোনো রাষ্ট্রের বশ্যতা স্বীকার করে যুদ্ধ করবে না।”

আজ আমরা স্বাধীন। পৃথিবীতে আমাদের গৌরব আজ অনেক বেশী। নেতাজী বিনাশর্তে সেদিন যে শক্তি সংগ্রহ করতে পেরেছিলেন, আজ কি আমরা তা পারবো না? না পারলে বুঝতে হবে আমাদের রাজনীতি দেউলিয়া।

মস্কো-যুদ্ধ ও হিটলারের পরাজয়

॥ ১ ॥

লঙ্কায় জার্মান জাঁদরেলরা হিটলারকে মুখ দেখাতে পারতেন না। রুশ-যুদ্ধে পরাজিত হওয়ার পূর্ব মুহূর্ত পর্যন্ত তিনি বার বার সপ্রমাণ করে ছেড়েছিলেন যে, জাঁদরেলরা ভুল করছেন—সত্য পছা জানেন হিটলার।

ভেসাইয়ের চুক্তিতে পরিষ্কার শর্ত ছিল জার্মান বাইনল্যান্ডে সৈন্য সমাবেশ করতে

পারবে না। হিটলার যখন করতে চাইলেন তখন জেনারেলরা তারস্বরে প্রতিবাদ করে বললেন, 'যদি তখন ফ্রান্স আমাদের আক্রমণ করে তবে...?' হিটলার দৃঢ় কণ্ঠে উত্তর দিলেন, 'করবে না।' হিটলারের কথাই ফলল। অবশ্য হিটলার পরে একাধিকবার স্বীকার করেছেন, তখন ফ্রান্স আক্রমণ করলে জার্মানি নির্ঘাত হেরে যেত। তারপর হিটলার পর পর অস্ট্রিয়া ও চেকোস্লোভাকিয়া গ্রাস করলেন—জেনারেলদের আপত্তি সত্ত্বেও—ফরাসী ইংরেজ রা-টি পর্যন্ত কাড়লে না। বার বার তিনবার লজ্জা পাওয়ার পরও পোলান্ড আক্রমণের পূর্বে জেনারেলরা ফের গড়িমসি করেছিলেন, এমন কি ফ্রান্স আক্রমণের পূর্ব মুহূর্ত পর্যন্তও তাঁরা ঐ 'জুয়ো খেলতে' চাননি। কিন্তু বার বার হিটলার প্রমাণ করলেন, জেনারেলদের আর যা থাকে থাক, সমরনৈতিক দূরদৃষ্টি তাঁদের নেই—ভবিষ্যদ্বাণী করা তো দূরের কথা।

এতবার লজ্জা পাওয়ার পর তাঁরা আর কোন্ মুখ নিয়ে আপত্তি করতেন—হিটলার যখন রুশ আক্রমণ করবার প্রস্তাব তাঁদের সামনে পাড়লেন? এবং বহু বিনিদ্র যামিনী যাপন করার পর যে হিটলার এই সিদ্ধান্তে পৌঁছেছিলেন সে কথা তাঁরা ভালো করেই জানতেন। বক্ষ্যমাণ 'টেস্টামেন্টে'ই আছে,

'এ যুদ্ধে আমাকে যত সিদ্ধান্তে পৌঁছতে হয়েছে তার মধ্যে কঠিনতম সিদ্ধান্ত রুশ আক্রমণ। আমি বরাবর বলে এসেছি, সর্বস্ব পণ করেও যেন আমরা দুই ফ্রন্টে লড়াই করাটা ঠেকিয়ে রাখি, এবং আপনারা নিশ্চিন্ত থাকতে পারেন যে, আমি নেপোলিয়ন এবং তাঁর রুশ-অভিজ্ঞতা সম্বন্ধে আপন মনে বহুদিন ধরে বিস্তর তোলাপাড়া করেছি।'

এ-সব তত্ত্ব জানা থাকা সত্ত্বেও জেনারেলরা তো মানুষই বটেন। আর পাঁচজন সাধারণ মানুষের আকছারই যে আচরণ হয় তাঁদেরও তাই হয়েছিল। অর্থাৎ জার্মান যখন পোলান্ড, গ্রীস, ফ্রান্স একটার পর একটা লড়াই জিতে চললো তখন জাঁদরেলরা নিজেদের পিঠ নিজেরাই চাপড়ে বললেন, 'আমরা জিতেছি, আমরা লড়াই জিতেছি।' হিটলারকে স্মরণে আনবার প্রয়োজন তাঁরা অনুভব করলেন না।^১ কিন্তু হিটলার রুশযুদ্ধে পরাজিত হয়ে আত্মহত্যা করলে পর এই জাঁদরেলরাই মোটা মোটা কেতা ব লিখলেন, 'হিটলার অগা, হিটলার বুদ্ধ—তারই দুর্বুদ্ধিতে আমরা লড়াই হারলুম।' বাংলা প্রবাদে বলে, 'খেলেন দই বমাকান্ত, বিকারের বেলা গোবন্দন'। ফ্রান্স-জয়ের দই খেলেন জাঁদরেলরা, রুশ-পরাজয়ের বিকার হল হিটলারের। অবশ্য তাঁর পক্ষে এই সাঙ্ঘনা যে, তিনি এসব বই দেখে যাননি।

অবশ্য তিনিও কম যান না। জাঁদরেলরা যা করেছেন, তিনিও তাই করে গেছেন। পোলান্ড ফ্রান্স জয়ের গর্ব তিনি করেছেন পুরো ১০০ নং পঃ, কিন্তু রুশ-অভিযান-নিষ্ফলতার জন্য দায়ী করেছেন তাঁর জাঁদরেলদের ন'সিকে। তিনি আত্মহত্যা করার

১ একমাত্র জর্সীলাট কাইটেল করেছিলেন। ফ্রান্সের পরাজয়ের খবর পৌঁছলে তিনি উন্নাসে বে-এস্কোরায় হয়ে হিটলারকে উদ্দেশ করে অশ্রুপূর্ণ নয়নে বলেছিলেন, 'আপনি সর্বকালের সর্ব সেনাপতির প্রধানতম'। *Groesste Feldherr alle Zeiten*। ইংলিশ অবাদ্যর হলো এহলে বলি, হিটলার যখন রুশে পরাজয়ের পর পরাজয় স্বীকার করে নিচ্ছেন তখন জার্মানি কাঠরসিকরা *Groesste*-এর *Gro. Feldherr*-এর *F. Aller*-এর *A.* এবং *Zeiten*-এর *Z* নিয়ে সংক্ষিপ্ত করে *Grofatz* নির্মাণ করেন। এখানে *Gro* মানে বিরাট এবং *fatz* শব্দের অর্থ—গ্রাম্য ভাষায় বাতকর্ম। আমি বাংলায় ভ্রমশব্দটি প্রয়োগ করলুম। বাংলা আটপৌঁবে শব্দটির সঙ্গে জার্মান শব্দটির উচ্চারণের মিল এহলে লক্ষ্যীয়।

কয়েক ঘণ্টা পূর্বে যে উইল লিখে যান তাতে তিনি লিখেছেন, 'বিমানবাহিনী লড়েছে ভালো, নৌবহরও কিছু কম নয়, স্থল-সৈনিকরাও লড়েছে উত্তম, কিন্তু সর্বনাশ করেছে ঐ জাঁদরেলরা।' অন্যত্র তিনি বলেছেন, 'তারা মুর্খ, তারা প্রগতিশীল নয়, যুদ্ধের সময় তাদের চিন্তা তাদের কর্মধারা দেখলে স্পষ্ট বোঝা যায়, ১৯৪১-৪৫ সালে তারা যে কায়দায় লড়েছে সেটা যেন ১৯১৪-১৮-এর যুদ্ধ। ব্লিৎসক্রীগ—বিদ্রোহ—গতি-যুদ্ধ—এ যে কি জিনিস তারা আদর্শেই বুঝতে না পেরে পদে পদে আমার আদেশ অমান্য করেছে।'

অর্থাৎ এবার দই খাচ্ছেন হিটলার, বিকারের বেলা জাঁদরেলরা। ফ্রান্স, পোলান্ড জয় করেছিলেন তিনি, রুশ-যুদ্ধে হারলো জার্মান জাঁদরেলরা!

কিন্তু এহ বাহ্য। রুশ-যুদ্ধে জার্মানির হার হয়েছিল অন্য কারণে।

বহু রণপণ্ডিত এ-কথা এক বাক্যে স্বীকার করেছেন যে, সে পরাজয়ের জন্য প্রধানত দায়ী শ্রীমান মুসসোলীনী! হিটলার বলেছেন (১৭ই ফেব্রুয়ারি ১৯৪৫),

'ইটালি যুদ্ধে প্রবেশ করা মাত্র আমাদের শত্রুদের এই প্রথম কয়েকটি সংগ্রাম জয় সম্ভব হল (এস্থলে হিটলার ইংরেজ কর্তৃক উত্তর আফ্রিকা জয়ের কথা বলেছেন) এবং তারই ফলে চার্টলের পক্ষে সম্ভব হল তার দেশবাসী তথা পৃথিবীর ইংরেজ-প্রেমীদের মনে সাহস এবং ভরসা সঞ্চার করা। ওদিকে মুসসোলীনী আভিসিনিয়া এবং উত্তর আফ্রিকায় হেরে যাওয়ার পরও গৌয়ারের মত হঠাৎ খামোখা আক্রমণ করে বসল গ্রীসকে—আমাদের কাছ থেকে কোনো পরামর্শ না চেয়ে, এমন কি আমাদের সে সম্বন্ধে কোনো ববর না দিয়ে।' খেল বেখরক মার; ফলে রাজ্যগুলো আমাদের অবহেলা; ও তাক্ষিল্যের দৃষ্টিতে দেখতে আরম্ভ করলো। বাধ্য হয়ে, আমাদের তাবৎ প্ল্যান ভঙুল কবে নামতে হল বন্ধানে (এবং গ্রীসে) এবং তাতে করে আমাদের রুশ অভিযানের তারিখ মারাত্মক রকম গিছিয়ে (কাটাস্ট্রফিক ডিলে) দিতে হল। এবং তারই ফলে আবার বাধ্য হয়ে আমাদের সৈন্যবাহিনীর কতগুলো অত্যুত্তম ডিভিশন পাঠাতে হল সেখানে। এবং সর্বশেষ নেট ফল হল, বাধ্য হয়ে আমাদের বহুসংখ্যক সৈন্যকে খোদার-খামোকা বন্ধানের এক বিস্তীর্ণ অঞ্চলে মোতায়ন করে রাখতে হল, (হিটলার বলতে চান, তা না হলে এ সৈন্যদের রুশ অভিযানে পাঠানো যেত, পক্ষান্তরে তখন তাদের সরালে ইংরেজ ফের গ্রীসে আপন সৈন্য নামাতো, এবং মুসসোলীনী একা যে তাদের ঠেকাতে পারতেন না, সে তো জানা কথা)।

হায় ইটালি যদি এ যুদ্ধে না নামত! তারা কোনো পক্ষে যদি যোগ না দিত!

এ যুদ্ধ একা যদি জার্মানিই লড়ত—এ যদি অ্যাক্সিসের যুদ্ধ না হত—তবে আমি ১৫ই মে, ১৯৪১-এই রাশা আক্রমণ করতে পারতুম। জার্মান সৈন্য ইতিপূর্বে কোথাও পরাজিত হয়নি বলে আমরা শীত আরম্ভ হওয়ার পূর্বেই (১৯৪১-৪২-এর শীত) যুদ্ধ বর্তম করে দিতে পারতুম।' (ইটালির গ্রীস আক্রমণের ফলে ও তাকে সাহায্য করতে গিয়ে সময় নষ্ট হওয়াতে, হিটলার রাশা আক্রমণ করতে সমর্থ হলেন প্রায় ঐক মাস

২ বেমন মনে করুন প্রথম বিশ্বযুদ্ধে কানুন ছিল, শত্রু পরাজিত হলেও এক দিনের ভিতর কুড়ি মাইলবে বেশী এগোবে না, পাছে তোমার লাইন অব কম্যুনিকেশন ছিন্ন হয়ে যায়। ব্লিৎসক্রীগে পক্ষাশ মাইলও নশি।

৩ মুসসোলীনী বলেছেন, 'হিটলার প্রতিটি লড়াই লড়েছে আমাকে নোটিশ না দিয়ে—আমিই বা কেন আগেভাগে দিতে বাব?'

পরে। তিনি যখন মস্কোর কাছে এসে পৌঁছলেন তখন হঠাৎ প্রচণ্ড শীত আর বরফপাত আরম্ভ হল—এবকম ধারা শীত আর বরফ রাশাতেও বহুকাল ধরে পড়েনি—যুদ্ধের তাবৎ যন্ত্রপাতিব তেল চর্বি জমে গেল, শীতের পূর্বেই জার্মান সৈন্য মস্কোর দখল করে সেখানে শীতবস্ত্র লুট করতে পারবে বলে তারও কোনো ব্যবস্থা হিটলার করেননি, বহু হাজার সৈন্য শুধু শীতের অত্যাচারে জমে গিয়ে মারা গেল। বলা যেতে পারে, এই শীতেই হিটলারের পবাজয় আরম্ভ হল—যদিও সেটা দৃশ্যমান হল তার পবের শীতে স্টালিনগ্রাডে।)

হিটলার হা-হুতাশ করে বলেছেন, ‘হায়, তাই সব-কিছু সম্পূর্ণ অন্য রূপ নিল।’

কিন্তু প্রশ্ন, মস্কো দখল করতে পারলেই কি হিটলার শেষ পর্যন্ত জয়ী হতেন? নেপোলিয়ন তো মস্কো জয় করতে পেরেছিলেন, কিন্তু তিনি রুশ জয় করতে পারেননি।

॥ ২ ॥

গত প্রবন্ধে মস্কো যুদ্ধের বর্ণনা লেখার কালি শুকোতে না শুকোতে খাস মস্কোর থেকে একটি চমকপ্রদ খবর এসেছে। মস্কো যুদ্ধের বিংশ বাৎসবিক স্মরণ দিবসে গত ৫ই ডিসেম্বর (১৯৬১ খ্রীঃ) মস্কো শহরে মার্শাল রকসফ্‌স্কি তাস এজেন্সিকে বলেন, দ্বিতীয় বিশ্ব-যুদ্ধের সময় জার্মানবা স্থির করেছিল, মস্কোকে জলের বন্যায় ভাসিয়ে দিয়ে সেটাকে সমুদ্রের মত কবে ফেলবে। পবে যখন দেখা গেল টেকনিক্যাল কারণে সেটা সম্ভবপর নয় তখন তাবা বোমা ফেলে সেটা ধ্বংস কবার চেষ্টা দিল।

আমার মনে হয়, টেকনিক্যাল কাবণে সম্ভবপব হলেও কৃত্রিম বন্যায় মস্কো ভাসিয়ে দেবার প্রস্তাবে হিটলার স্বয়ং রাজী হতেন না। তাঁব প্ল্যান ছিল, জার্মান সৈন্য মস্কো লুট কবে গরম জামা-কাপড় এবং কিছু কিছু খোরাক পাবে—কিন্তু প্রধানত গরম জামা-কাপড় ও শীতের আশ্রয়ই ছিল তার আসল লক্ষ্য, কারণ যুদ্ধ শীতেব পূর্বেই শেষ হয়ে যাবে মনে করে হিটলার তাঁব সৈন্যবাহিনীর জন্য সে-ব্যবস্থা করেননি। (এস্থলে স্মরণ রাখা উচিত, জার্মানিতে কোনো কালেই উলের প্রাচুর্য ছিল না—জার্মানি চিরকালই তার জন্য নির্ভর করেছে প্রধানত স্কটল্যান্ডের উপর এবং মস্কোব দোরে যখন জার্মানরা আটকা পড়ে গেল তখন হিটলারকে বাধ্য হয়ে জার্মানিব জনসাধাবণের কাছে শীতবস্ত্রের জন্য ঢালাও আবেদন জানাতে হল)। কাজেই মস্কো শহরকে সমুদ্রে পবিণত করলে তাঁব কোনো লাভই হত না। এবং মনে পড়ছে, নেপোলিয়নের বেলাতে রুশবা নিজেই কাঠের তৈরী মস্কো শহর পুড়িয়ে খাক করে দেওয়ার ফলে তিনি মস্কোর শ্বশানভূমিতে তাঁর সৈন্যের জন্য এক কণা ক্ষুদ্র, ঘোড়ার জন্য এক রস্তি দানা পাননি। এবাবে রুশরা সেটা চাইলেও করতে পারতো না, কারণ ইতিমধ্যে তাবৎ মস্কো শহর কনক্রিট আর লোহাতে তাব বাড়িঘর বানিয়ে বসে আছে। সেটাকে পোড়ানো অসম্ভব।

কাজেই মস্কো জয় করে নেপোলিয়ন লাভবান হননি, কিন্তু হিটলাব হতেন।

মার্শাল রকসফ্‌স্কি আরও বলেছেন, মস্কোবাসী এবং সেখানকার রুশ সৈন্যদল জার্মানদের আত্মসমর্পণের প্রস্তাব করা সত্ত্বেও তারা সেটা গ্রহণ করেনি। এটা সত্যই অত্যা

চমকপ্রদ খবর। এর একমাত্র কারণ এটা হতে পারে যে, কোনো নগর আত্মসমর্পণ করলে সেটাকে বে-এক্কেয়ার লুটতরাজ করা যায় না।^১

অবশ্য যে সব ভুলের ফলে হিটলার মন্থো দখল করতে পারলেন না, সেগুলো না করে মন্থো দখল করতে পারলে তিনি যে তারপর অন্য ভুল করে যুদ্ধে হারতেন না, সে কথা বুক ঠুকে বলবে কে?

* * * *

সমস্ত জার্মানি যখন রুশ, ইংরেজ, মার্কিন, ফরাসী সৈন্য দ্বারা অধিকৃত হয়ে গিয়েছে, রুশবাহিনী প্রায় তাবৎ বার্লিন দখল করে হিটলারের বৃংকারের থেকে দু'পাঁচশ' গজ দূরে, বৃংকার সমস্ত পৃথিবী থেকে বিচ্ছিন্ন, বার্লিনের বাইরে তাঁর সৈন্যদল ও সেনাপতিরা আত্মসমর্পণে ব্যস্ত তখনো হিটলার কিসের আশায় পরাজয় স্বীকার করছিলেন না? আত্মহত্যার ঠিক তিন মাস পূর্বে হিটলার তাঁর আদর্শ মানব ফ্রেডরিককে শ্রবণ করে বলেছেন,

'না। একেবারে আর কোনো আশা নেই, এরকম পরিস্থিতি কখনো আসে না। জার্মানির ইতিহাসে আকস্মিক কতবার তার সৌভাগ্যের সূচনা হয়েছে সেইটে শুধু একবার স্মরণ করো। সপ্তবর্ষীয় যুদ্ধে ফ্রেডরিক তাঁর নৈরাশ্য এবং দুরবস্থার এমনই চরমে পৌঁছেছিলেন যে, ১৭৬২ খ্রীস্টাব্দের শীতকালে তিনি মনস্থির করেন যে, বিশেষ একটি দিনের ভিতর তাঁর সৌভাগ্যের সূত্রপাত না হলে তিনি বিধ খেয়ে আত্মহত্যা করবেন। ঐ স্থির করা বিশেষ দিনের মাত্র কয়েক দিন পূর্বে জারিনা হঠাৎ মারা গেলেন এবং সঙ্গে সঙ্গে যেন দৈবযোগে সমস্ত পরিস্থিতির আমূল পরিবর্তন হয়ে গেল। মহান পুরুষ ফ্রেডরিকের মত আমরাও কয়েকটি সমবেত শক্তির (কোয়ালিশনের) বিরুদ্ধে লড়েছি, এবং মনে রেখো, কোনো কোয়ালিশনই চিরন্তনী সম্ভা ধরে না। এর অস্তিত্ব শুধু গুটিকয়েক লোকের ইচ্ছার উপর। আজ যদি হঠাৎ চার্লিস অবলুপ্ত হয়ে যায়, তা হলে ডিওংশিখার ন্যায় এক মুহূর্তেই সমস্ত অবস্থার পরিবর্তন হয়ে যাবে। ব্রিটেনের খানদানী মুরুক্বীরা সেই মুহূর্তেই দেখতে পাবে তারা কোনো অভল গহ্বরের সামনে এসে পড়েছে—এবং চৈতন্যোদয় হবে তখন।'

হিটলার শেষ মুহূর্ত পর্যন্ত আশা করেছিলেন, মার্কিন এবং ইংরেজ একদিন না একদিন অতি অবশ্য বুঝতে পারবে, ওদের শত্রু জার্মান নয়, ওদের আসল শত্রু রুশ। এবং সেই হৃদয়ঙ্গম করা মাত্রই তারা জার্মানির সঙ্গে আলাদা সন্ধি করে, সবাই একজোট হয়ে লাড়াই দেবে রুশের বিরুদ্ধে। হিটলার আশা করেছিলেন, যদি মার্কিনিংরেজ জার্মানির কিয়দংশ দখল করার পর রুশের মুখোমুখি হবে সেইদিনই লেগে যাবে ঝগড়া। মার্কিনিংরেজ স্পষ্ট বুঝতে পারবে রুশ কী চীজ এবং সঙ্গে সঙ্গে তাঁর কাছে সন্ধি প্রস্তাব পাঠাবে। কিন্তু ঠিক সেইটেই হল না। বার্লিনকে বাইপাস কবে রুশ এবং মার্কিনিংরেজ যখন মুখোমুখি হল তখন তারা সুবোধ বালকের ন্যায় আপন গোষ্ঠে জমিয়ে ঝুসে গেল।

১ এ ব সঙ্গে তুলনীয় মার্কিন কর্তৃক হিরোশিমায় অ্যাটম বম প্রয়োগ। দ্বিতীয় বিশ্বযুদ্ধে জার্মানির পরাজয়ের পর জাপান নিরপেক্ষ সুইডেনের মারফতে আমেরিকার কাছে আত্মসমর্পণের প্রস্তাব পাঠায়। মার্কিন সেটা গ্রহণ করলে হিরোশিমায় অ্যাটম বম ফাটিয়ে তার ব্যাপক প্রতিক্রিয়া দেখবার সুযোগ থেকে বঞ্চিত হত। তাই করেনি। করলো এম্পেরিমেন্টটা দেখে নিরে।

এবং অদৃষ্ট হিটলারের দিকে শেষ মুহূর্তে কি নিদারুণ মুখভেংচিই না কেটে গেলেন।

হিটলাবের দুর্দশা যখন চরমে, তিনি যখন দিবাবাত্রি আকস্মিক ভাগ্য পরিবর্তনের প্রত্যাশায় প্রহর গুনছেন, গ্যোবেলস্ প্রভুর হৃদয়ে সাহস সঞ্চারের জন্য কার্লহিলের লিখিত ‘ফ্রেডরিক দি গ্রেটের ইতিহাস’ মাঝে মাঝে পড়ে শুনিতে যান, এমন সময় উত্তেজনায় বিবশ গ্যোবেলস্ প্রভুকে ফোন করলেন, ‘মাইন ফুরার, আমি আপনাকে অভিনন্দন জানাই। নিয়তি আপনার পরম শত্রুকে বিনাশ করেছেন। জারিনা মারা গেছেন।’

এস্থলে জারিনা অবশ্য রোজোভেন্ট : তিনি মারা যান ১২ই এপ্রিল ১৯৪৫।

কিন্তু হায়, চার্চিল নয়, অদৃশ্য হলেন রোজোভেন্ট ! তবু মন্দের ভালো। কিন্তু তার চেয়েও নিদারুণ—হায়, হায়—রোজোভেন্টের মৃত্যু সত্ত্বেও মার্কিন তার সমরনীতি বদলালো না। হিটলার প্রতিটি মুহূর্তে গুনলেন অধীর প্রত্যাশায়—ভাগ্য পরিবর্তনের জন্য। আত্মহত্যা করলেন তার আঠারো দিন পরে। ফ্রেডরিককে করতে হয়নি।

* * * *

এইবারে তাঁর শেষ ভবিষ্যদ্বাণী :

জর্মনি হেরে গেলে, যতদিন না এশিয়া আফ্রিকা সম্ভবত এবং দক্ষিণ আমেরিকার ন্যাশনালিজমগুলো জাগ্রত হয়, ততদিন পৃথিবীতে থাকবে মাত্র দুটি শক্তি যারা একে অন্যকে মোকাবেলা কবতে পারে—মার্কিন এবং রুশ। ভূগোল এবং ইতিহাসেব আইন এদের বাধ্য করবে একে অন্যের সঙ্গে যুদ্ধ কবতে—সশস্ত্র সংগ্রাম কিংবা অর্থনীতি এবং আদর্শবাদের (ইডিয়লজিকাল) সংগ্রাম। এবং সেই ইতিহাস ভূগোলের আইনেই উভয় পক্ষই হবে ইয়োরোপের শত্রু। এবং এ বিষয়েও কণামাত্র সন্দেহ নেই যে, শীঘ্রই হোক আর দেরিতেই হোক, উভয় পক্ষকেই ইয়োরোপের একমাত্র বিদ্যমান শক্তিশালী জর্মন জাতির বন্ধুত্বের জন্য হাত পাতে হবে।’

এর টীকা সম্পূর্ণ অনাবশ্যক। তৃতীয় বিশ্বযুদ্ধের তোড়জোড় যে জর্মনিতেই হচ্ছে সে-কথা কে না জানে? আর আডেনাওয়ারের কণ্ঠস্বর যে ক্রমেই উঁচু পর্দায় উঠছে সেও শুনতে পারছি! এবং রুশ যে পূর্ব জর্মনির মারফতে পশ্চিম জর্মনির সঙ্গে আলাদা সন্ধি করতে উদগ্রীব, সেও তো জানা কথা ॥

কুড়ি

পূব-বাঙলার বিস্তার নরনারী চিরকালই কলকাতায় ছিলেন; কিন্তু এবারে কলকাতায় এসে দেখি তাঁদের সংখ্যা একলপতে গুয়া গাছের ডগায় উঠে গেছে। কিছুদিন পূর্বেও পূব-বাঙলার উপভাষা শুধু দক্ষিণ কলকাতাতেই শোনা যেত, এখন দেখি তামাম কলকাতাময় বাঙাল ভাষার (আমি কোনো কটু অর্থে শব্দটি ব্যবহার করছি নে—শব্দটি সংক্ষিপ্ত এবং মধুর) ছয়লাপ।

বাঙাল ভাষা মিষ্ট এবং তার এমন সব গুণ আছে যার পুরো ফায়দা এখানে কোনো লেখক ওঠাননি। পূব-বাঙলার লেখকেরা ভাবেন ‘করে’ শব্দ ‘কইরা’ এবং অন্যান্য ক্রিয়াকে সম্প্রসারিত করলেই বুঝি বাঙাল ভাষার প্রতি সুবিচার হয়ে গেল। বাঙাল

ভাষার আসল জোর তার নিজস্ব বাক্যভঙ্গিতে বা 'ইডিয়মে'—অবশ্য সেগুলো ভেবে-
চিন্তে ব্যবহার করতে হয়, যাতে করে সে ইডিয়ম পশ্চিমবঙ্গ তথা পূব বাঙলার সাধারণ
পাঠক পড়ে বুঝতে পারে। যেমন মনে করুন, বড়লোকের সঙ্গে টক্কর দিতে গিয়ে যদি
গরীব মার খায় তবে সিলেট অঞ্চলে বলে, 'হাতীর লগে পাতি খেলতায় গেছলায় কেনে ?
অর্থাৎ 'হাতীর সঙ্গে পাতি খেলতে গিয়েছিলেন কেন ?' কিন্তু পাতি খেলা যে polo খেলা
সেকথা বাঙলা দেশের কম লোকই জানেন; (চলন্তিকা এবং জ্ঞানেন্দ্রমোহনে শব্দটি নেই)
কাজেই এ ইডিয়ম ব্যবহার করলে রস স্তরাবে না। আবার—

দুই লোকের মিস্ট কথা
দিঘল ঘোমটা নারী
পানার তলার শীতল জল
তিন-ই মন্দকারী।

'কামুফ্লাজ' বোঝবার উত্তম ইডিয়ম। পূব, পশ্চিম কোনো বাঙলার লোকের বুঝতে
কিছুমাত্র অসুবিধে হবে না।

ইডিয়ম, প্রবাদ, নিজস্ব শব্দ ছাড়া বাঙাল সভ্যতায় আরেকটি মহৎগুণ আছে এবং এ
গুণটি ঢাকা শহরের 'কুট্রি' সম্প্রদায়ের মধ্যে সীমাবদ্ধ —যদিও তাব বস তাবৎ পূব-
বাঙলা এবং পশ্চিম বাঙলারও কেউ কেউ চেখেছেন। কুট্রির রসপটুতা বা wit সম্পূর্ণ
শহরে বা 'নাগরিক'—এস্থলে আমি নাগরিক শব্দটি প্রাচীন সংস্কৃত অর্থে ব্যবহার কবলুম
অর্থাৎ চটুল, শৌখীন, হযত বা কিঞ্চিৎ ডেকাডেন্ট।

কলকাতা, লক্ষ্মী, দিল্লী, আগ্রা বহু শহরে আমি বহু বৎসর কাটিয়েছি এবং স্বীকার কবি
লক্ষ্মী, দিল্লীতে (ভারত বিভাগের পূর্বে) গাড়েয়ান সম্প্রদায় বেশ সুবসিক কিন্তু এদের
সবাইকে হার মানতে হয় ঢাকার কুট্রির কাছে। তার উইট, তাব রিপার্টি (মুখে মুখে উত্তব
দিয়ে বিপক্ষকে বাকশূন্য কবা, ফার্সী এবং উর্দুতে যাকে বলে 'হাজির জবাব' এমনই তীক্ষ্ণ
এবং ক্ষুরস্য ধারার ন্যায় নির্মম যে আমার সলা যদি নেন তবে বলবো, কুট্রির সঙ্গে ফস্
করে মঙ্করা না করতে যাওয়াই বিবেচকের কর্ম। খুলে কই।

প্রথম তাহলে একটি সর্বজনপরিচিত বসিকতা দিয়েই আরম্ভ করি। শাস্ত্রও বলেন,
অরুন্ধতী-ন্যায় সর্বশ্রেষ্ঠ ন্যায়, অর্থাৎ পাঠকের চেনা জিনিস থেকে ধীরে ধীরে অচেনা
জিনিসে গেলেই পাঠক অনায়াসে নূতন বস্তুটি চিনতে পারে—ইংরেজীতে এই পছাকেই
'ফ্রম স্কুল রুম টু দি ওয়ার্ল্ড ওয়াইড' বলে।

আমি কুট্রি ভাষা বুঝি কিন্তু বলতে পারি নে। তাই পশ্চিম বাঙলার ভাষাতেই নিবেদন
করি।

যাত্রী : রমনা যেতে কত নেবে ?

কুট্রি গাড়েয়ান : এমনিতে দেড় টাকা; কিন্তু কর্তাব জন্য এক টাকাতই হবে।

যাত্রী : বলো কি হে ? ছ আনায় হবে না ?

গাড়েয়ান : আস্তে কন কর্তা, ঘোড়ায় গুনলে হাসবে।

এর যুৎসই উত্তর আমি এখনো খুঁজে পাইনি।

মোটাই ভাববেন না যে এ জাতীয় বসিকতা মাক্কাতার আমলে একসঙ্গে নির্মিত
হয়েছিল এবং আজও কুট্রিরা সেগুলো ভাঙিয়ে খাচ্ছে।

‘ঘোড়ার হাসি’র মত কতকগুলো গল্প অবশ্য কালাতীত, অজ্ঞারামর। কিন্তু কুট্টির হামেশাই চেষ্টা করে নূতন নূতন পরিবেশে নূতন নূতন রসিকতা তৈরী করার।

প্রথম যখন ঢাকাতে ঘোড়দৌড় চালু হল তখন একটি কুট্টি গিয়ে যে ঘোড়াটাকে ব্যাক করল সেটা এল সর্বশেষে। বাবু বললেন, ‘এ কি ঘোড়াকে ব্যাক করলে হে? সন্ধ্যার শেষে এল?’

কুট্টি হেসে বললে, ‘কন কি কর্তা, দেখলেন না, ঘোড়া তো নয়, বাঘের বাচ্চা; বেবাকগুলোকে খেদিয়ে নিয়ে গেল।’

আমি যদি নীতি-কবি ঈসপ কিংবা সাদী হতুম, তবে নিশ্চয়ই এর থেকে ‘মরাল’ ড্র করে বলতুম, একেই বলে ‘রিয়েল, হেলথি অপটিমিজম’।

কিংবা আরেকটি গল্প নিন, এটা একেবারে নিতান্ত এ যুগের।

পাকিস্তান হওয়ার পর বিদেশীয়দের পান্নায় পড়ে ঢাকার লোকও মনিং সুট, ডিনার জ্যাকেট পরতে শিখেছেন। হাঙ্গামা বাঁচাবার জন্য এক ভদ্রলোক গেছেন একটি কালো লঙ কোট বা শ্রিন্স কোট বানাতে। ভদ্রলোকের রঙ মিশ্ কালো, তদুপরি তিনি হাড়-কিপটে। কালো বনাত দেখলেন, সার্জ দেখলেন, আশপাশ দেখলেন, কোনো কাপড়ই তাঁর পছন্দ হয় না। যে-কুট্টি কোচম্যান সঙ্গে ছিল সে শেষটায় বিরক্ত হয়ে ভদ্রলোককে সদুপদেশ দিল, ‘কর্তা, আপনি কালো কোটের জন্য খামকা পয়সা খরচ করতে যাবেন কেন? খোলা গায়ে বুকের ওপর ছ’টা বোতাম লাগিয়ে নিন। খাসা শ্রিন্সকোট হয়ে যাবে।’

তিন বৎসর পূর্বেও কলকাতায় মেলা অনুসন্ধান না করে বাখরখানী (বাকিরখানী) রুটি পাওয়া যেত না; আজ এই আমির আলী এভিনিউতেই অন্তত আধা ডজন দোকানের সাইন বোর্ডে ‘বাখরখানী’ লেখা রয়েছে। তাই বিবেচনা করি, কুট্টির সব গল্পই ক্রমে ক্রমে বাখরখানীর মতই পশ্চিম বাঙলায় ছড়িয়ে পড়বে এবং তার নূতনত্বে মুগ্ধ হয়ে কোনো কৃতী লেখক সেগুলোকে আপন লেখাতে মিলিয়ে নিয়ে সাহিত্যের পর্যায়ে তুলে দেবেন— পরশুরাম যেরকম পশ্চিম বাঙলার নানা হালকা রসিকতা ব্যবহার করে সাহিত্য সৃষ্টি করেছেন, হতোম একদা কলকাতার নিতান্ত ককুনিকে সাহিত্যের সিংহাসনে বসাতে সমর্থ হয়েছিলেন।

এটা হল জমার দিকে কিন্তু খরচের দিকে একটা বড় লোকসান আমার কাছে ক্রমেই স্পষ্ট হয়ে আসছে, নিবেদন করি।

ভদ্র এবং শিক্ষিত লোকেরই স্বভাব অপরিচিত, অর্ধপরিচিত কিংবা বিদেশীর সামনে এমন ভাষা ব্যবহার না করা, যে ভাষা অন্যপক্ষ বা বিদেশী অনায়াসে বুঝতে না পারে। তাই খাস কলকাতার শিক্ষিত লোক পূব-বাঙালীর সঙ্গে কথা বলবার সময় খাস কলকাতাই শব্দ, মোটামুটি ভাবে যেগুলোকে ঘরোয়া অথবা ‘স্ন্যাঙ’ বলা যেতে পারে, ব্যবহার করেন না। তাই এস্তার, ইলাহি, বেলেগ্না-বেহেড, দোগেডের চ্যাং এসব শব্দ এবং বাক্য কলকাতার ভদ্রলোক পূব-বাঙালীর সামনে সচরাচর ব্যবহার করেন না। অবশ্য বক্তা যদি সুরসিক হন এবং আসরে মাত্র একটি কিংবা দুটি ভিন্ন প্রদেশের লোক থাকেন তবে তিনি অনেক সময় আপন অজানাতেই অনেক বীঝ-ওলা ঘরোয়া শব্দ ব্যবহার করে ফেলেন।

ত্রিশ বৎসর পূর্বে শ্যামবাজারের ভদ্র আড্ডাতে পূব-বাঙালীর সংখ্যা থাকতো অতিশয় নগণ্য। তাই শ্যামবাজারী গল্প ছোটালে এমন সব ঘরোয়া শব্দ, বাক্য, প্রবাদ ব্যবহার

করতেন এবং নয়া নয়া বাক্যভঙ্গী বানাতেন যে রসিকজন মাত্র বাহবা শাবাশ না বলে থাকতে পারত না।

আজ পূব-বাঙলার বহু লোক কলকাতার আসর সরগরম করে বসেছেন বলে খাঁটি কলকাতাই আপন ভাষা সম্বন্ধে অত্যন্ত সচেতন হয়ে গিয়েছেন এবং ঘরোয়া শব্দবিন্যাস ব্যবহার ক্রমেই কমিয়ে দিচ্ছেন। হয়তো এরা বাড়িতে এসব শব্দ এখনো ব্যবহার করেন; কিন্তু আড্ডা তো বাড়ির লোকের সঙ্গে জমজমট হয় না—আড্ডা জমে বন্ধুবান্ধবের সঙ্গে এবং সেই আড্ডাতে পূব-বাঙলার সদস্য সংখ্যা ক্রমেই বেড়ে যাচ্ছে বলে খাস কলকাতাই আপন ঘরোয়া শব্দগুলি ব্যবহার না করে করে ক্রমেই এগুলো ভুলে যাচ্ছেন। কোথায় না এসব শব্দ আস্তে আস্তে ভদ্রভাষায় স্থান পেয়ে শেবটার অভিধানে উঠবে, উন্টে এগুলো কলকাতা থেকে অন্তর্ধান করে যাবে।

আরেক শ্রেণীর খানদানী কলকাতাই চমৎকার বাঙলা বলতেন। এঁরা ছেলেবেলায় সায়েরী ইকুলে পড়েছিলেন বলে বাঙলা জানতেন অত্যন্ত কম এবং বাঙলা সাহিত্যের সঙ্গে এঁদের সম্বন্ধ ছিল ভাণ্ডর-ভাদ্রবধূর। তাই এঁরা বলতেন ঠাকুরমা দিদিমার কাছে শেখা বাঙলা এবং সে বাঙলা যে কত মধুর এবং ঝলমলে ছিল তা শুধু তাঁরাই বলতে পারবেন যাঁরা সে বাঙলা শুনেছেন। ক্রীক রোর মন্থধ দস্ত ছিলেন সোনার বেনে, আমার অতি অন্তরঙ্গ বন্ধু, কলকাতার অতি খানদানী ঘরে জন্ম। মন্থধদা যে বাঙলা বলতেন তার ওপর বাঙলা সাহিত্যের বা পূব-বাঙলার কথ্য ভাষার কোন ছাপ কখনো পড়েনি। তিনি যখনই কথা বলতে আরম্ভ করতেন আমি মুগ্ধ হয়ে শুনতাম আর মন্থধদা উৎসাহ পেয়ে রেকাবের পর রেকাব চড়ে চড়ে একদম আসমানে উঠে যেতেন। কেউ অন্যমনস্ক হলে বলতেন, ‘ও পরাণ, ঘুমুলে?’ মন্থধদার কাছ থেকে এ অধম এস্তার বাঙলা শব্দ শিখেছে।

আরেকজনকে অনেক বাঙালী চেনেন। এঁর নাম গাঙ্গুলী মশাই—ইনি ছিলেন শান্তিনিকেতন অতিথিশালার ম্যানেজার। ইনি পিরিলি ঘরের ছেলে এবং গল্প বলার অসাধারণ অলৌকিক ক্ষমতা এঁর ছিল। বহু-ভাবাবিদ পণ্ডিত হরিনাথ দে, সুসাহিত্যিক সুরেশ সমাজপতি ছিলেন এঁর বাল্যবন্ধু এবং শুনেছি এঁরা এঁর গল্প মুগ্ধ হয়ে শুনতেন।

কলের একদিক দিয়ে গরু ঢোকানো হচ্ছে, অন্যদিক দিয়ে জলতরঙ্গের মতো ঢেউয়ে ঢেউয়ে মিলিটারী বুট বেরিয়ে আসছে, টারলাপ টারলাপ করে, গাঙ্গুলী মশাই আর অন্যান্য ক্যাডেটরা বসে আছেন পা লম্বা করে, আর জুতোগুলো ফটাফট ফটাফট করে ফিট হয়ে যাচ্ছে—এ গল্প শুনে শান্তিনিকেতনের কোন ছেলে হেসে কুটিকুটি হয়নি?

হায়, এ শ্রেণীর লোক এখন আর দেখতে পাই নে। তবু এখনো আমার শেষ ভরসা শ্যামবাজারের ওপর।

শ্রদ্ধেয় বসু মহাশয়ের উপাদেয় ‘স্মৃতিমহন’ আমার স্মৃতির ভিজে গামছাটি নিংড়ে বেশ কয়েক ফোঁটা চোখের জল বের করলো।

আমিও এ বাবদে একদা একটি প্রবন্ধ লিখি। আশ্চর্য! ছাপাও হয়েছিল। এবং চাটগাঁয়ে প্রকাশিত একটি মাসিকে সেটি পুনর্মুদ্রিত হয়েছিল। আবার কোনো পুস্তকে সেটি স্থান পেয়েছে কিনা, মনে পড়ছে না।

আমার মনে হয়, কুট্টি সম্প্রদায় (ঢাকার গাড়োয়ান শ্রেণী) একদা মোগল সৈন্যবাহিনীর ঘোড়-সওয়ার সেপাই ছিল। যার ফলে তারা ‘কুঠি’ বাড়ির ব্যারাকে

থাকতো। এবং তাই পরে এদের নাম কুট্টি হয়। পরবর্তীকালে ইংরেজবাহিনীতে এদের স্থান হয়নি বলে কিংবা মোগলের নেমকহারামী কবতে চায়নি বলে এরা ঘোড়ার গাড়ি চালাতে শুরু করে। কারণ ঘোড়া তাদের নিজেই ছিল, এবং ঘোড়ার খবরদারী করতে তারা জানতো। বরোদা রাজ্যেও আমি শুনেতে পাই, সেখানকার কোচম্যানরাও নাকি পূর্বে মারাঠা সৈন্যবাহিনীতে ক্যাভালারির সঙ্গে কাজ করতো। ঢাকার কুট্টির এককালে উর্দু বলতো, পরে ঢাকা শহরের চলতি বাঙলাব সঙ্গে মিশে ‘কুট্টি ভাষা’র সৃষ্টি হয়। তাই তাবা এখনো ‘লেকিন, মগর’ এ ধরনের শব্দ ব্যবহার করে থাকে। তবে পূব-বাঙলার মৌলবী সায়েবরাও ‘লেকিন, মগর’ ছাড়া আরও বহু বহু আরবী ফার্সী শব্দ ‘বাঙাল’ কথা বলার সময় ব্যবহার করে থাকেন—এ অঞ্চলে হিন্দু পণ্ডিতরাও যে রকম গলায় ঘা হলে বলেন, ‘কষ্টদেশে ক্ষত অইছে’। তাই শুনে মেডিকেল কলেজের গোরা ডাক্তার নাকি বিরক্ত হয়ে বলেছিল, ‘চীন দেশ হয়, জাপান ভী দেশ হয়, ফির কষ্টদেশ কোন্ দেশ হয়?’

বহুর পঞ্চাশেক পূর্বে ঢাকার এই ‘কুট্টি’ ভাষা সম্বন্ধে একটি প্রবন্ধ বেরোয়। তাতে ঐ আমলের কুট্টি ভাষার উদাহরণ স্বরূপ বলা হয় :

‘করিম বক্‌স্কা মা নে আর রহিম বক্‌স্কা জকনে এয়সা লাগিস্, লাগিস্তা কে এ ভি উস্কা বালমে ধরি টানিস্তা, উ ভী ইস্কা বালমে ধরি টানিস্তা।’

অর্থাৎ ‘করিম বখ্‌শের মা আর রহিম বখ্‌শের ত্বীতে এমন লাগাই লাগলো (কৌদল) যে এ ওর চুল ধরে টানে, ও ওর চুল ধরে টানে।’

(কুট্টি ভাষার উদ্ধৃতিতে কোন ভুল থাকলে যেন কুট্টিভাষাভাষী আমার উপর বিরক্ত না হন—কারণ কুট্টি গাড়াওয়ান ছাড়া অন্য অনেক লোক এ-ভাষা বলে থাকেন এবং বাঙলা সাহিত্যের চর্চাতে আনন্দ পান। পূর্বে এঁরা সকলেই উর্দু সাহিত্যপ্রেমিক ছিলেন। শুনেতে পাই এঁদের কেউ কেউ নাকি ভাষা আন্দোলনে বাঙলা ভাষার পক্ষ নেন।)

* * *

‘হাওয়া গাড়ি চইলা গেল গো
(আমার) বন্ধু আইল না।’

গানটি পূব-বাঙলায় রূপকার্থেও নেওয়া হয়। রবীন্দ্রনাথ যে হাসন রাজার—

মম আঁখি হইতে পয়দা আসমান জমীন
কানেতে করিল পয়দা মুসলমানী দীন (ধর্ম) ॥
নাকে পয়দা করিয়াছে খুশবয় বদবয় (সুগন্ধ, দুর্গন্ধ)
আমা হইতে সব উৎপত্তি হাসন রাজায় কয় ॥

এ ছত্রগুলি ব্যবহার করেন, সেই হাসন রাজাবই একটি গান আছে, ‘হাওয়ার গাড়ি ধু ধা করে চলেছে (নিঃশ্বাস প্রশ্বাসের হাওয়ায় যে গাড়ি চলে অর্থাৎ শরীর) তার ভিতর সায়েব সোয়ারি (পরমাত্মা, আত্মা) বসে আছেন। হাসন রাজা (অর্থাৎ ব্যক্তি পুরুষ) সেই সায়েবকে সেলাম করতে (মর্মে মর্মে তাকে ভক্তিভরে অনুভব করাতে) তিনি হাসনকে আদর করে পাশে বসালেন।’

পুরো গানটি আমার স্মরণে নেই; তবে শেষের দু’ছত্রে আছে—

‘হাসন রাজা, নাচতে আছে, ‘আত্মা আত্মা’ ধরি।
পবনের গাড়ি চলতে আছে ধু ধু ধা ধা করি’ ॥

এখানে পবনের গাড়ি, হাওয়া গাড়ি, শঙ্কায় বসু মহাশয়েরও হাওয়া গাড়ি মোটামুটি একই। তাই অর্থ দাঁড়ায়, ‘পবনের গাড়ি’ অর্থাৎ ‘আমার প্রাণবায়ু’ চলে গেল, তবু আমার বন্ধু এল না। বলা বাহুল্য পূর্ব-বাঙলার ডাটওয়ালী গীত রচয়িতা এবং পশ্চিম বাঙলার বাউল উভয়ই কিছুদিন আগে পর্যন্তও অত্যন্ত সজীব, প্রাণবন্ত স্রষ্টা ছিলেন বলে নূতন নূতন জিনিস আমদানি হলেও তাকে সিম্বল, রূপক রূপে, এলেগরি করে মরমিয়া (মিস্টিক) গান রচনা করতেন। যেমন রেলগাড়ির ঘণ্টা বেজেছে, (আসন্ন মৃত্যুর ধ্বনি বেজেছে), আমি যাত্রী ঘুমে অচেতন্য (তমোগুণে আচ্ছন্ন) ইত্যাদি। বিজলি বাতি নিয়ে একটি গান আমার আবছা আবছা মনে পড়ছে। হাওয়া গাড়ি প্রবর্তিত হলে এ শতাব্দীর গোড়ার দিকে ঐ ‘মোতীফ’ নিয়ে একাধিক গীত রচিত হয়।

* * *

প্রধানত রিকশার চাপে কুট্রি গাড়োয়ান সম্প্রদায় ঢাকার রাস্তা থেকে প্রায় অন্তর্ধান করেছে। কিন্তু শেষ দিন পর্যন্ত এরা নূতন নূতন অবস্থায় নূতন নূতন রসিকতা তৈরি করে গিয়েছে—অনেকেরই ভুল বিশ্বাস, এদের রসিকতার একটি প্রাচীন ভাণ্ডাব ছিল এবং তারা শুধু সেগুলো ভাঙিয়েই খায়, আমি যে শেষ রসিকতাটি শুনেছি, সেটি ১৯৪৭-৪৮ সালে নির্মিত।

আমি ১৯৪৮ সালে ঢাকার এক আত্মীয়কে শুধাই, ‘মুসলিম লীগ কী রকম বাজত্ চালিয়েছে?’

তিনি বললেন, ‘সে সম্বন্ধে একটি কুট্রি রসিকতা বাজারে চালু হয়েছে। অত্যন্ত ক্যারাক্টিরিস্টিক—অর্থাৎ লীগের ক্যারাক্টির প্রকাশ করে। যদিও গল্পটি একটু ‘রিস্কে’—অর্থাৎ গলা ঝাঁকরি দিয়ে বলতে হয়।’

মুসলিম লীগ শাসনভার হাতে নিয়ে এক কুট্রি গাড়োয়ানকে কিঞ্চিৎ দক্ষিণা দিলেন, সে যেন তার জাতভাইদের মধ্যে তাঁদের জন্য প্রচারকার্য বা প্রোপাগান্ডা করে। সে তাদের ডেকে বহুতা আরম্ভ করলে, ‘ভাই সকল, শোনো (আমি এখানে কুট্রি ভাষার পরিবর্তে ‘সাঁধুই’ ব্যবহার করছি—লেখক)।’ আমাদের রাষ্ট্র আমাদের মায়ের মত। মাকে যদি খাওয়াও পরাও তবে মায়ের দুধ তুমি-ই পাবে। খাজনাটা ট্যাক্সোটা ঠিকমত দাও; মায়ের দুধ তুমিই পাবে। তখন এক ব্যাক্বেঞ্চার (হেক্কার) বলে উঠলো, ‘কইছো ঠিকই, লেকিন বাবা হালারা যে খাইয়া ফুর্হাইয়া দিল।’ অর্থাৎ মিনিস্টার, পলিটিশিয়ানের দলই সব লুটে নিচ্ছে।... মুসলিম লীগ, আওয়ামী লীগ কারও প্রতিই আমাদের কোনো বৈরী ভাব নেই, তবে মনে হয়, গল্পটি বহু দেশ প্রদেশের শাসনকর্তাদের সম্বন্ধে খাটে।

* * *

এই কুট্রি গাড়োয়ানদের সম্বন্ধে শেষ একটি কথা বলা প্রয়োজন মনে করি।

পার্টিশনের পূর্বে ও পরে, কি হিন্দু কি মুসলমান সর্ব পিতামাতা মির্ভয়ে তাঁদের কন্যাদের কুট্রির গাড়িতে তুলে দিতেন। ঝড় হোক, বৃষ্টি হোক, ডুমিকম্প হোক এরা ঠিক সময়ে মেয়েদের ফেব ইঞ্চুল থেকে ফিরিয়ে আনতো। হঠাৎ সাম্প্রদায়িক দাঙ্গা-হাঙ্গামা লেগে গেলেও এবং শুনেছি, কোনো কোনো স্থানে দাঙ্গার ফলে বাপ-মা উধাও জানতে পরে ভালো জায়গায় তাদের পৌঁছে দিয়েছে। কুট্রিরা এ জিন্মাদারীতে কখনো গাফিলি করেছে বলে শোনা যায়নি। এরা সত্যই শিভালরাস।

আর ঐ শিভাল্‌রাস কথটা এসেছে ফরাসী ‘শেভালিয়ের’ থেকে। ‘শেভাল’ মানে ঘোড়া।

শেভালিয়ের অর্থাৎ ঘোড়সওয়ার। একদা খানদানী ফরাসীদের ছেলেরা এই ক্যাভালারি বা অশ্ববাহিনীর সদস্য ছিল। তাই বলছিলুম, কুট্টিরা আসলে মোগল বাহিনীর ঘোড়সওয়ার ছিল।

দরখাস্ত

এই মাত্র কয়েকদিন পূর্বে ঘটনাটি ঘটেছে। আমার এক বন্ধুপুত্র ঝাড়া তেরোটি বছর কাজ করার পর মিন্‌ নোটিশে চাকরি হারাল। টাইপ করা একখানা কাগজ হাতে তুলে দিল, তার সারমর্ম—তোমাকে দিয়ে আমাদের আর কোনো প্রয়োজন নেই, কেটে পড়ো।

চোদ্দ বছর পর চাকরি গেলে খুব আশ্চর্য হতুম না। কারণ আজকাল যাবজ্জীবন দ্বীপান্তব অর্থাৎ চোদ্দ বছর। তারপর মুক্তি। ঠিক সেইরকম আমার এক ফরাসী-বন্ধু তাঁব সিলভার ওয়েডিঙের পরবে আমায় শুধোলেন, আমাদের দেশে, জেলে ম্যান্স্‌রিমাম ক’বছর পুরে রাখো? আমি ঐ উত্তর দিলে তিনি বললেন, ‘তবে আমাকে ছেড়ে দিচ্ছে না কেন?’

আমি শুধালুম, ‘কিসেব থেকে?’

কড়ে আঙুল দিয়ে সন্তুপণে বউকে দেখিয়ে বললেন, ‘ঐ যে, ওর সঙ্গে পঁচিশটি বৎসর বন্দী হয়ে কাটালুম। এখনো কি মুক্তি পাবো না?’

উপ্টোটাও শুনেছি। এক ইংরেজকে শুধিয়েছিলুম—নিজে বিয়ে করতে যাবার ঠিক আগের দিন—ওদের বিবাহিত জীবনের কাহিনী শোনাতে। বললেন, ‘বিয়ের চোদ্দ বছর পর একদিন বউকে একটুখানি সামান্য কড়া কথা বলতেই সে ডান ভুরুটি একটু উপরের দিকে তুলে শুধলো, “ডার্লিং! তবে কি আমাদের হানি-মুন শেষ হয়ে গেল?” ইংরেজ একটু থেমে বললেন, ‘ঐ আমার আক্কেল হয়ে গেল। এবপর আর কক্‌খনো রা-টি পর্যন্ত কাড়িনি।’ তারই কিছুদিন পর তাঁর যমজ সন্তান হলে পর আমি তাঁকে বলেছিলুম, ‘চীনা ভাষায় প্রবাদ আছে “যে লোক মোমবাতির খর্চা বাঁচাবাব জন্য সন্ধ্যার সময়েই শুয়ে পড়ে তাব যমজ সন্তান হয়।” ইংরেজ সেয়ানা; সঙ্গে সঙ্গে সঙ্কলকে একটা রাউন্ড খাইয়ে দিলে।’

এ বাবদে আমাকে লাখ কথার সেরা কথা শুনিযেছেন আমাদের রাষ্ট্রপতি—তখন অবশ্য তিনি কাশীতে সাদামাটা অধ্যাপক—জুলুদেব অভিধানে নাকি স্বামীর সংজ্ঞা দেওয়া হয়েছে, ‘এক প্রকার জংলী পশু যাকে স্ত্রী পোষ মানায়।’

এবং দুই এক্সট্রিম সদাই মিলে যায় বলে অভিজাত চীনাদের অভিধানে লেখকের সংজ্ঞা দেওয়া হয়েছে, ‘এক প্রকারের বন্যজন্তু যাকে সম্পাদক পোষ মানায়।’

গেল চোদ্দটি বছর ধরে বঙ্গদেশের সম্পাদক তথা প্রকাশককুল আমাকে পোষ মানাবার চেষ্টা করেছেন। আমি মেনে নিয়েছি। কিন্তু এখন তাঁরা আর আমাকে ছাড়তে চায় না। উত্তম শায়েস্তাপ্রাপ্ত কয়েদীকে জেলার ছাড়তে চায় না। বাড়ির এডা-সেডা করে দেয়—অথচ তাকে মাইনে দিতে হয় না।

আমি কিন্তু মহারাণীর কাছে আপীল করেছি—‘চোদ্দ বছর পূর্বে ঠিক ১৯৫০ খ্রীস্টাব্দে আমার প্রথম বই বেরোয়। আজ ১৯৬৪, আমার ছুটি মঞ্জুর হোক।’

কুর্কম করে মানুষ জেলে যায়। আমিও কুমতলব নিয়ে লেখক হয়েছিলুম।

সাধারণের বিশ্বাস, লেখকের কর্তব্য পাঠককে পরিচিত করে দেবে বৃহত্তর চিন্তাজগতের সঙ্গে, তাকে উদ্বুদ্ধ করবে মহান আদর্শের পানে, প্রখ্যাত ইংরেজ লেখক জেরোম কে জোরোমের ভাষায়, তাকে 'এলিভেট' করবে। এবং তিনি সঙ্গে সঙ্গেই বলেছেন, 'মাই বুক উইল নট এলিভেট ইভন্ এ কাউ!'

লেখকের কর্তব্য যদি পাঠককে মহত্তর করে তোলাই হয়, তবে নিঃসন্দেহে কুমতলব নিয়েই আমি সাহিত্যে প্রবেশ করেছিলুম। আমার উদ্দেশ্য ছিল, অর্থলাভ।

মহাকবি হাইনে একাধিকবার বলেছেন—তাই তাঁকে একাধিকবার উদ্ধৃত করতে আপত্তি নেই—'কে বলে আমি টাকার মূল্য বুঝি নে? যখনই ফুরিয়ে গিয়েছে তখনই বুঝছি।' আমার বেলা তার চেয়েও সরেস। আমার হাতে অর্থ কখনোই আসেনি। কাজেই মূল্য বোঝা না-বোঝার কোন প্রশ্নই ওঠে নি। আমি চিরটা কাল 'খেয়েছি লঙ্গরখানায়, ঘুমিয়েছি মসজিদে'; কাজেই বছরটা আঠারো মাসে যাচ্ছিল।

এমন সময় লঙ্গরখানা বন্ধ হয়ে গেল। আমাকে যিনি পুষতেন তিনি আন্নার ডাক শুনে ওপারে চলে গেলেন। বেহশতে গিয়েছেন নিশ্চয়ই; কারণ আমাকে নাহক পোষা ছাড়া অন্য কোনো অপকর্ম (গুনাহ) তিনি করেননি।

মাত্র কিছুদিন পূর্বে ইভনিং স্ট্যাভার্ভে বেরিয়েছে, ফ্রেমিঙের মৃত্যু পর তাঁর একটি লেখা প্রকাশিত হয়েছে যাতে আছে 'আন'অ্যাশেমডলি আই অ্যাডমিট—আই রাইট ফর্ মানি।'

এবপর যে সব পূর্বসূরিগণ নিছক অর্থের জন্যই লিখনবৃত্তি গ্রহণ কবেন তাঁদের নাম কবতে গিয়ে বাল্‌জাক্, ডিকেন্স, স্কট, ট্রলোপের নাম করেছেন।

এই প্রবন্ধটির উদ্ধৃতি দিয়েছেন মিঃ কাউলি। তিনি তারপর আপন মস্তব্য জুড়েছেন, 'কিন্তু এখানেই থেমে যাওয়া কেন?' বস্‌ওয়েলেব লেখা যারা স্মরণে রাখেন তাঁরাই মনে করতে পারবেন, ডঃ জনসনও এঁ-বাবদে কুহকাচ্ছন্ন ছিলেন না, 'নিতান্ত গাড়োল (block-head) ভিন্ন অন্য কেউ অর্থ ছাড়া অন্য কোনো উদ্দেশ্য নিয়ে লেখে না'—এই ছিল সেই মহাপুরুষের সুচিন্তিত অভিমত।

অবশ্য তার চেয়েও বড় গাড়োল, যে টাকার জন্য লিখেও টাকা কামাতে পারলো না।

আমি ডঃ জনসনের পদধূলি হওয়ার মতও স্পর্ধা ধরি নে; অতএব তাঁর মত কটুভাষা ব্যবহার না করে, অর্থাৎ কে কোন্ উদ্দেশ্য নিয়ে লেখে, সেই অনুযায়ী কে পাঁঠা, কে গোলাপফুল সে আলোচনা না করে শুধু বলবো আমি স্বয়ং লিখেছি, নিছক টাকার জন্য।

আমার বয়েস যখন উনিশটাক তখন গুরুদেব রবীন্দ্রনাথ আমাকে একদিন বললেন, 'এবার থেকে তুই লেখা ছাপাতে আরম্ভ কর্। আর দেখ, লেখাগুলো আমাকে দ্বিগুণে যাস। আমি ব্যবস্থা করবো।'

আমার অর্থাভাব তিনি জানতেন; তদুপরি আমার হাত দিয়ে কেউ যেন তামাক না খায়, অর্থাৎ আমাকে exploit না করে। তিনি একদা উত্তমরূপেই জমিদারী চালিয়েছিলেন। কিন্তু যেহেতু কষ্টশ্রেষ্ঠে দিন চলে যাচ্ছিল তাই বাগ্‌দেবীকে বানরীর মত ঘাগরা পরিয়ে ঘরে ঘরে নাচতে হল না (এটি বিদ্যাসাগর মশাই দুঃখের সঙ্গে বলেছিলেন, অস্য দন্ধ উদরস্যার্থে কিং কিং ন ক্রিয়তে ময়া। বানরীমিব বাগ্‌দেবীং নর্তয়ামি গৃহে॥)

আমি শান্তিনিকেতন ছাড়ি ১৯২৬-এ। ১৯৩৮-এ গুরুদেবকে প্রশ্নাম করতে এলে তিনি জানতে চাইলেন, আমি কোনো লেখা ছাপাচ্ছি না কেন? উত্তরে কি বলেছিলুম সেটা আর এখানে বলে কাজ নেই।

কায়ক্রেশে চলে গেল ১৯৪৯ পর্যন্ত। লঙ্গরখানা (অর্থাৎ ভোজনং যত্রতত্র শয়নং হট্ট-মসজিদে) বন্ধ হয়ে গেল তখন; যেটা পূর্বেই উল্লেখ করেছি।

সর্বশ্রেষ্ঠ না হলেও পৃথিবীতে অন্যতম শ্রেষ্ঠ অপূরা কম্পজিস্ট রসসীনি বলতেন, ‘আমি ছেলেবেলা থেকেই জানতুম, অর্থের প্রয়োজন আছে। কিন্তু দেখলুম, এক অপূরা কম্পোজ করা ভিন্ন অন্য কোনো এলেম্ আমার পেটে নেই। সেই করে টাকা হয়েছে যথেষ্ট। এখন আব কম্পোজ করবো কোন্ দুঃখে!’ খ্যাতির মধ্যগগনে, যৌবনে, তিনি এই আশুবাক্যটি ছাড়েন। তারপর তিনি বোধ হয় আরও দুটি অপূরা তৈরি করেন—একবার নিতান্ত বাধ্য হয়ে, প্রায় প্রাণ বাঁচানোর জন্য, ও আরেকবার একজনকে আন্তরিক কৃতজ্ঞতা জানাবার জন্য।

রসসীনির তুলনায় আমি কীটস্য কীট। কিন্তু আমি দেখলুম, ঐ এক বই লেখা ছাড়া অন্য কোন উপায়ে পয়সা কামাবার মত বিদ্যে আমার ব্রেনবাল্জে নেই। আশ্চর্য, তারপব একটা চাকরি পেয়ে গেলুম। কাজেই লেখা বন্ধ করে দিলুম। চাকরি ইস্তফা দিলুম। ফের কলম ধরতে হল। ফেব চাকবি। ফের কলম। ফের চাকরি, ফের—ইত্যাদি।

আমার লেখা অল্প লোকেই পড়েন, আমার জীবন এমন কিছু একটা নয় যা নিয়ে লোকের কৌতূহল থাকতে পারে। তবু যঁারা নিতান্তই ‘নোজী’ (পীপিং টম—নোজী পার্কার) তাঁরা লক্ষ্য করে থাকবেন, যখন আমার চাকরি থাকে, তখন আমি লিখি না। একবার ফ্রান্সে ঢোকবার ফর্ম প্রস্তুত ছিল—‘তোমার জীবিকা নির্বাহের উপায় কি?’ উত্তরে লিখেছিলুম, ‘কিছুদিন অন্তর অন্তর চাকরি রিজাইন দেওয়া (রিজাইনিং জব্ ফ্রম্ টাইম টু টাইম)’।

ফরাসী শুধালে, ‘তাহলে চলে কি করে?’

বললুম, ‘তুমি রেজিগনেশনগুলো দেখছো; আমি জবগুলো দেখছি।’

পেটের দায়ে লিখেছি মশাই, পেটের দায়ে। বাংলা কথা স্বেচ্ছায় না লেখার কারণ—

(১) আমার লিখতে ভাল লাগে না। আমি লিখে আনন্দ পাই নে।

(২) এমন কোনো গভীর, গূঢ় সত্য জানি নে যা না বললে বঙ্গভূমি কোনো এক মহাবৈভব থেকে বঞ্চিত হবেন।

(৩) আমি সোসাল বিফর্মার বা প্রফেট নই যে দেশের উন্নতির জন্য বই লিখব।

(৪) খ্যাতিতে আমার লোভ নেই। যেটুকু হয়েছে, সেইটেই প্রাণ অতিষ্ঠ করে তুলেছে। নাহক্ লোকে চিঠি লিখে জানতে চায়, আমি বিয়ে করেছি কিনা, কবে থাকলে সেটা প্রেমে পড়ে না কোন্ড ব্লাডেড, যে রকম কোন্ড ব্লাডেড খুন হয়—অর্থাৎ আত্মীয় স্বজন ঠিক করে দিয়েছিলেন কিনা? শব্দনের সঙ্গে আমার আবার দেখা হল কিনা, ‘চাচা’টি কে, আমি আমার বউকে ডরাই কিনা—ইত্যাদি ইত্যাদি। এবং কেউ কেউ আসেন আমাকে দেখতে। এখানকার বাঘ সিঙ্গি নন্দলাল, সুধীরঞ্জনের দেখার পর আমার মত খাটাশটাকেও একনজর দেখে নিতে চার্ন। কারণ কলকাতায় ফেরার ট্রেন সেই বিকেল পাঁচটায়; ইতিমধ্যে আর কি করা যায়। এবং এসে রীতিমত হতাশ হন।

ভেবেছিলেন দেখবেন, কবিগুরু রবীন্দ্রনাথের মত সুপুরুষ সৌম্যদর্শন নাতিবৃদ্ধ এক ভদ্রজন লীলাকমল হাতে নিয়ে সুদূর মেঘের পানে তাকিয়ে আছেন; দেখেন বাঁধিপোতার গামছা পরা, উত্তমার্ধ অনাবৃত, বক্ষে ভান্নুকের মত লোম, মাথা-জোড়া-টাক—ঘনকৃষ্ণ ছাবড়া ছাবড়া রঙ, সাতদিন খেউরি হয় নি বলে মুখটি কদমফুল,—হাতলভাঙা পেয়ালায় করে চা খাচ্ছে আর বিড়ি ফুকছে।

আমি রীতিমত নোটিশ দিয়ে লেখা বন্ধ করেছি। গত বৎসর মে মাসে আমি ‘দেশ’ পত্রিকা মারফৎ সেটা জানিয়ে দিয়েছিলুম! কেউ কেউ আপত্তি জানিয়ে চিঠি লিখেছিলেন—তাদের স্নেহ পেয়ে ধন্য হয়েছি। তারপরও দু-একটি লেখা প্রকাশিত হয়েছে। দাদন শোধের জন্য।

আর কখনো লিখব না, একথা বলছি নে। চাকবি গেলেই লিখব। খেতে পরতে তা হবে।

সর্বাপেক্ষা সঙ্কটময় শিকার

উইটনি বললে, ‘ডান দিকে—ঠিক কোথায় জানি নে—বেশ বড় একটা দ্বীপ বয়েছে। সে একটা রহস্য—’

রেন্সফর্ড শুধালে, ‘নাম কি দ্বীপটার?’

‘পুরনো দিনের ম্যাপে নাম বয়েছে “জাহাজ-ফাঁদ-দ্বীপ”। নামটার থেকেই অর্থ কিছুটা আমেজ করা যায়, নয় কি? মাঝি-মাল্লাদের ভিতর দ্বীপটার প্রতি কেমন যেন একটা অদ্ভুত ভয়। কি জানি কেন? কিছু একটা কুসংস্কার বোধ হয়—’

ইন্ট জাতের ছোট্ট জাহাজখানির চতুর্দিকে গরম দেশের গাট, ভেজা ভেজা অন্ধকাব যেন চেপে ধরেছে। তাবই ভিতব দিয়ে দৃষ্টি চালাবার নিষ্ফল চেষ্টা কবে বেন্সফর্ড বললে, ‘ওটাকে দেখতে পাচ্ছি নে তো!’

উইটনি হেসে বললে, ‘তোমার দৃষ্টিশক্তি খুবই প্রখব সে আমি জানি। চারশ গজ দূর থেকে মুস-মোষের মত শিকাবকে ঝোপের ভিতব দেখে ফেলতে আমি তোমাকে দেখেছি কিন্তু ক্যারেবিয়ান সমুদ্রের অন্ধকার রাঙে চাব পাঁচ মাইল দূব পর্যন্ত দেখা তোমারও কর্ম নয়।’

রেন্সফর্ড সম্মতি জানিয়ে বললে, ‘চার গজও না। আখ্—অন্ধকারটা যেন কালো মখমল।’

উইটনি যেন আশ্বাস দিয়ে বললে, ‘রিয়ে পৌঁছেলে বিস্তব আলোর মেলা পাবে, ভয় কি! কয়েক দিনের ভিতরেই সেখানে পৌঁছে যাচ্ছি। জাগুয়ার শিকাবের বন্ধুকগুলো পর্দার কাছ থেকে পৌঁছে গেলেই হয়। আমাজন অঞ্চলে উত্তম শিকাব পাবো বলে আশা কবছি। শিকারের মত আর কোনো খেলই হয় না।’

‘পৃথিবীর সবচেয়ে সেবা খেল।’ সম্মতি জানালে রেন্সফর্ড।

কিঞ্চিৎ সংশোধন করে উইটনি বললে, ‘শিকারীর পক্ষে—জাগুয়াবের পক্ষে নয়।’

‘আবোল-তাবোল বকো না, উইটনি। তুমি বড় বড় জানোয়ারের শিকারী—তুমি দার্শনিক নও। জাগুয়ার কি অনুভব করে, না কবে—তাতে কাব কি যায় আসে?’

‘হয়তো জাণ্ডয়ারের যায় আসে।’

‘হোঃ! তারা আবার ভাবতে পারে নাকি?’

‘তা সে যাই হোক, আমার কিন্তু মনে হয়, তারা অন্তত একটা জিনিস বোঝে—ভয়! যন্ত্রণার ভয় আর মৃত্যুভয়!’

‘গাঁজা!’—হেসে উঠল রেন্সফোর্ড। ‘গরমে তোমার মগজ গলে যাচ্ছে—বুঝলে উইটনি? বাস্তববাদী হতে শেখো। পৃথিবীতে দুটি শ্রেণী আছে। শিকারী আর শিকার। কপাল ভালো যে তুমি আমি শিকারী। আচ্ছা, আমরা কি ঐ দ্বীপটা পেরিয়ে এসেছি?’

‘অন্ধকারে বলতে পারবো না। আশা তো করছি তা-ই।’

‘কেন?’

‘জায়গাটার নাম আছে—বদনাম।’

‘নরখাদক আছে ওখানে?’

‘তার সম্ভাবনা অল্পই। এমন লক্ষ্মীছাড়া জায়গাতে ওরাও থাকতে যাবে না। কিন্তু বদনামটা খালাসী-মাঝিদের মধ্যে যে করেই হোক রটে গেছে। লক্ষ্য করোনি আজ ওরা কি রকম যেন এক অজানা আতঙ্কে সন্ত্রস্ত ছিল?’

‘তোমার বলাতে এখন মনে হচ্ছে, কেমন যেন তাদের ধরনধারণ আজ অন্য রকমের ছিল। কাপ্তান নীলসেন পর্যন্ত—’

‘হ্যাঁ, এমন কি ঐ যে তাগড়া কলিজার বুড়ো সুইড্ নীলসেন—খুদ শয়তানের কাছে গিয়ে যে নির্ভয়ে দেশলাইটি চাইতে পারে, মাছের মত অসাড় তার নীল চোখেও আজ এমন ভাবের পরিবর্তন লক্ষ্য করলুম যেটা পূর্বে কখনো দেখিনি। যেটুকু বললে তার মোন্দা, ‘খালাসী-লক্ষরদের ভিতর এ জায়গাটার ভাবী দুর্নাম।’ তারপর অত্যন্ত গভীরভাবে আমাকে শুধালে, ‘কেন, আপনি কিছু টের পাচ্ছেন না?’ যেন আমাদের চতুর্দিকের আকাশ-বাতাস বিবে ভর্তি হয়ে গিয়েছে। দেখো, ঐ নিয়ে কিন্তু হেসে উঠো না, যদি বলি আমারও সর্বাস্ত্র যেন হঠাৎ হিম হয়ে গেল। ঐ সময়ে কোনো বাতাস বইছিল না। ফলে সমুদ্র জানলার শার্সির মত পালিশ দেখাচ্ছিল। আমরা তখন ঐ দ্বীপটার দিকে এগিয়ে যাচ্ছিলুম। আমার মনে হচ্ছিল আমার বুকটা যেন শীতে জমে হিম হয়ে যাচ্ছিল—হঠাৎ যেন এক অজানা ব্রাসে।’

রেন্সফোর্ড বললে, ‘নির্ভেজাল আকাশ-কুসুম! একজন কুসংস্কারাচ্ছন্ন নাবিক সমস্ত জাহাজের নাবিকদের মাঝে ভয় ছড়িয়ে দিতে পারে।’

‘তাই হয়তো হবে। কিন্তু জানো, আমার মনে হয়, নাবিকদের যেন একটা আলাদা ইন্দ্রিয় আছে যেটা বিপদ ঘনিষে এলে তাদের জানিয়ে দেয়। আমার মাঝে মাঝে মনে হয়, অমঙ্গল যেন একটা বাস্তব পদার্থ—ধ্বনি বা আলোর থেকে যে বকম তরঙ্গ বেরোয়, অমঙ্গলের শরীর থেকেও ঠিক তেমনি। সে ভাষায় বলতে গেলে বলবো, অমঙ্গলের পাপভূমি যে বেতারে অমঙ্গল ছড়ায়। তা সে যা-ই হোক, এ এলাকাটা ছাড়িয়ে যেতে পারছি বলে আমি খুশী। যাক্ গে, আমি এখন শুতে চললুম, রেন্সফোর্ড।’

রেন্সফোর্ড বললে, ‘আমার এখনো ঘুম পায়নি। পিছনের ডেকে বসে আমি আরেকটা পাইপ টেনে নিই।’

‘তা হলে শুড নাইট্, রেন্সফোর্ড। কাল ব্রেকফাস্টে দেখা হবে।’

‘ঠিক আছে। শুড নাইট, উইটনি।’

রাত্রি নিস্তক নীরব। অন্ধকারের ভিতর দিয়ে যে ইঞ্জিন ইয়টটিকে ঠেলে নিয়ে যাচ্ছিল শুধু তারই চাপা শব্দ শোনা যাচ্ছিল আর তার সঙ্গে প্রপেলারের মার খেয়ে জলের শব্দ।

ডেক চেয়ারে হেলান দিয়ে অলসরভসে রেনস্ফর্ড তার শব্দের ব্রায়ার পাইপে টান দিচ্ছিল। রাত্রি যেন ঘুমের তুলুতুলু ভাব তার শরীরে আবেশ লাগাচ্ছিল। আপন মনে চিন্তা করলে, ‘রাতটা এমনই অন্ধকার যে মনে হয় চোখের পাতা বন্ধ না করেই ঘুমুতে পারবো; রাতটাই হবে আমার চোখের পাতা—’

হঠাৎ একটা আওয়াজ এসে তাকে চমকে দিল। ডান দিক থেকে শব্দটা এসেছিল। এসব ব্যাপারে সে সজাগ, সব কিছু ঠিক ঠিক জানে। তার কান ভুল করতে পারে না। আবার সে সেই শব্দটা শুনতে পেল, তার পর আবার। ঐ দূরের অন্ধকারে কে যেন তিনবার গুলি ছুঁড়েছে।

কি রহস্য বুঝতে না পেরে রেনস্ফর্ড লাফ দিয়ে উঠে ঝটিতি রেলিঙের কাছে এসে দাঁড়াল। যেদিক থেকে শব্দটা এসেছে সেই দিকে যেন চোখ ঠেলে দিল; কিন্তু এ যেন কবলের ভিতর দিয়ে দেখবার নিষ্ফল প্রচেষ্টা। আরেকটু উঁচু থেকে দেখবার জন্য সে রেলিঙের একটা রডে লাফ দিয়ে উঠে তার উপর দাঁড়ালো। তারই ফলে একটা দড়িতে লেগে তার পাইপটা মুখ থেকে ঠিকরে পড়ে যেতে সেটাকে ধরবার জন্য সে ঝটিতি সামনের দিকে ঝুকতেই তার গলা থেকে কর্কশ আর্তনাদ বেরুলো—কারণ সে তখন বুঝে গিয়েছে যে বড্ড বেশী এগিয়ে যাওয়ার ফলে সে ব্যালাল হারিয়ে ফেলেছে। তার সে আর্তনাদ টুটি চেপে ধরে বন্ধ করে দিলে ক্যারেবিয়ান সমুদ্রের কুসুম কুসুম গরম জল। তার মাথা পর্যন্ত তখন সে জলে ডুবে গিয়েছে।

যেন ধস্তাধস্তি করে সে জলের উপরে উঠে চিৎকার দেবার চেষ্টা করলো, কিন্তু ইয়টের দ্রুতগতির মারে ছুটে আসা জল যেন কবালে তার গালে চড় আর নোনা জল তার খোলা মুখের ভিতরে ঢুকে যেন তার টুটি চেপে ধরে বন্ধ করে দিল। দু বাহু বাড়িয়ে সমস্ত শক্তি দিয়ে সে মরীয়া হয়ে ক্রমশ অদৃশ্যমান ইয়টের দিকে সীতার কাটতে লাগলো, কিন্তু পঞ্চাশ ফুট চলার পূর্বেই সে আর সে-চেষ্টা দিল না। ততক্ষণে তার মাথা কিছুটা ঠাণ্ডা হয়ে গিয়েছে; জীবনে এই তার সর্বপ্রথম কঠিন সঙ্কট নয়। জাহাজের কেউ তার চিৎকার শুনতে পাবে সে সম্ভাবনা অবশ্য একটুখানি ছিল, কিন্তু সে সম্ভাবনা ক্ষীণ এবং ইয়ট যতই দ্রুতগতিতে এগুতে লাগলো সে-সম্ভাবনা ততই ক্ষীণতর হতে লাগলো। যেন পালোয়ানের মত শক্তি প্রয়োগ করে সে নিজেকে তার জামাকাপড় থেকে মুক্ত করে সর্বশক্তি দিয়ে চিৎকার করতে লাগলো। কিন্তু ইয়টের আলো ক্ষীণ হতে ক্ষীণতর হতে লাগলো, যেন দূরের ক্রমশ অদৃশ্যমান জোনাকি পোকা। সর্বশেষে ইয়টের আলোকগুলোকে অন্ধকার যেন শুষে নিল।

ইয়টের ডেকে বসে রেনস্ফর্ড যে গুলি ছোঁড়ার শব্দ শুনতে পেয়েছিল সেগুলো তার স্মরণে এল। সেগুলো এসেছিল ডান দিক থেকে। চরম অধ্যবসায়ের সঙ্গে সে সেদিকে সীতার কাটতে লাগলো—ধীরে ধীরে শরীরের শক্তি বাঁচিয়ে সে ভেবেচিন্তে হাত দুখানা ব্যবহার করছিল। ক’বার সে হাত ছুঁড়েছে সেটা সে শুনতে আরম্ভ করলো; সম্ভবত সে আরও শ’খানেক বার হাত ফেলতে টানতে পারবে, এমন সময়—

রেন্সফর্ড একটা শব্দ শুনতে পেল। অঙ্ককারের ভিতর দিয়ে উচ্চকণ্ঠে পরিব্রাহি চিৎকারের শব্দ। কঠোরতম যন্ত্রণা ও ভীতির চিৎকার।

কোন প্রাণী এ আর্ডরব ছাড়লো সে সেটাকে চিনতে পারলো না—চেপ্টাও করলো না। নবোদ্যমে সেই চিৎকারের দিকে সাঁতার কেটে এগুতে লাগলো। সেটা সে আবার শুনতে পেল। এবারে সেটা অন্য একটা ছোট্ট, হঠাৎ বেজে ওঠা শব্দে অকস্মাৎ বন্ধ হয়ে গেল।

সাঁতার কাটতে কাটতে মৃদুকণ্ঠে রেন্সফর্ড বললে, ‘পিস্তলের শব্দ।’

আরও দশ মিনিট অধ্যবসায়ের সঙ্গে সাঁতার কাটার পর রেন্সফর্ডের কানে আরেকটা ধ্বনি এল—জীবনে সে এরকম মধুর ধ্বনি আর কখনো শোনেনি—পাহাড়ী বেলাভূমির উপর ঢেউয়ের আছড়ে পড়ার মূর্ছনা এবং গুমরানো। পাড়ের পাথরগুলো দেখার পূর্বেই প্রায় সে সেখানে পৌঁছে গিয়েছে; রাত্রি অতখানি শান্ত না হলে ঢেউগুলো তাকে আছাড় মেরে টুকরো টুকরো করে দিত। অবশিষ্ট শক্তিটুকু দিয়ে সে কোনো গতিকে ঢেউয়ের দ’ থেকে নিজেকে টেনে তুললো। এবড়ো খেবড়ো পাথরের পাড় বেরিয়ে এসেছে নিরেট অঙ্ককার থেকে। দু’হাত দিয়ে আঁকড়ে ধবে সে উপরের দিকে চড়তে আরম্ভ করলো। হাত তার ছড়ে গিয়েছে। হাঁপাতে হাঁপাতে সে উপরের সমভূমিতে এসে পৌঁছল। গভীর জঙ্গল সেই পাথুরে পাড়ের শেষ সীমা অবধি পৌঁছেছে। এই জঙ্গল আর ঝোপঝাড়ের ভিতর তার জন্য অন্য কোনো বিপদ আছে কিনা, সে চিন্তা রেন্সফর্ডের মনে অন্তত তখন উদয় হল না। তার মনে তখন শুধু ঐটুকু যে, সে তার শত্রু সমুদ্রের হাত থেকে নিষ্কৃতি পেয়েছে আর তার সর্বাস্তে অসীম ক্লাস্তি। জঙ্গলের প্রান্তে সে প্রায় আছাড় খেয়ে পড়ে তার জীবনের গভীরতম নিদ্রায় ডুবে গেল।

যখন তার ঘুম ভাঙলো তখন সূর্যের দিকে তাকিয়ে দেখে অপরাহ্ন শেষ হয় হয়। নিদ্রা তাকে নবীন জীবনরস দিয়েছে আর তীক্ষ্ণ ক্ষুধায় পেট কামড়াতে আরম্ভ করেছে। প্রায় আনন্দের সঙ্গেই সে চতুর্দিকে তাকিয়ে দেখলো।

রেন্সফর্ড চিন্তা করলো, ‘যেখানে পিস্তলের শব্দ হয় সেখানে মানুষ আছে। আর যেখানে মানুষ আছে সেখানে খাদ্যও আছে।’ কিন্তু প্রশ্ন, কি রকমের মানুষ এরকম ভীষণ জায়গায় থাকে—এ চিন্তাও তার মনে উদয় হল। কারণ চোখের সামনেই একটানা আঁকাবাঁকা শাখা, এবড়ো খেবড়ো জড়ানো গুম্মলতা—এক্কেবারে পাড় পর্যন্ত।

ঠাসবুনোটের লতাপাতা আর গাছের ভিতর দিয়ে সামান্যতম পায়ে চলার চিহ্ন বা পথও সে দেখতে পেল না। তার চেয়ে একেবারে পাড়ের উপর দিয়ে সমুদ্রের কাছে কাছে এগিয়ে যাওয়াই সহজ। হৌঁচট খেয়ে খেয়ে সে এগুতে লাগলো। যেখানে সে প্রথম পাড়ে নেমেছিল তার অদূরেই সে দাঁড়ালো।

নিচের ঝোপে কোনো আহত প্রাণী—চিহ্ন থেকে মনে হল বড় আকারেরই—আছাড়ি বিছাড়ি খেয়েছে। জঙ্গলের লতাপাতা ছিড়ে গিয়েছে আর শ্যাওলা খেঁতলে গিয়েছে। একটা জায়গা রক্তরাঙা। একটু দূরেই কি একটা চকচকে জিনিস তার দৃষ্টি আকর্ষণ করলো। তুলে দেখলে কার্তুজের খোল।

রেন্সফর্ড আপন মনে বললে, বাইশ নম্বরের। কি রকম অদ্ভুত ঠেকছে। আর ঐ শিকারটা বেশ বড় ছিল বলেই তো মনে হচ্ছে। খুবই ঠাণ্ডা মাথার শিকারী ছিল বলতে

হবে যে তার সঙ্গে ঐ ছোট্ট হাতিয়ার নিয়ে মোকাবেলা কবলো। আর এটাও তো পবিত্রকার বোঝা যাচ্ছে যে জন্তুটা বেশ লড়াইও দিয়েছিল। মনে হচ্ছে, প্রথম যে তিনটে শব্দ শুনতে পেয়েছিলুম তখন শিকারী তাকে দেখতে পেয়ে তিনটে গুলি ছুঁড়ে তাকে জখম করেছিল। তার পর তার পালিয়ে যাবার চিহ্ন ধরে ধরে এখানে এসে তাকে খতম করেছে। শেষ আওয়াজ যেটা শুনতে পেয়েছিলুম সেটা সে-ই।

রেন্সফোর্ড জমিটা খুব ভাল করে পরীক্ষা করে যা দেখতে পাবার আশা করেছিল তাই পেল—শিকারীর জুতোর চিহ্ন। সে যেরকম এগিয়ে যাচ্ছিল জুতোর চিহ্ন সেই দিকেই গিয়েছে। উদ্গ্রীব প্রতীক্ষায় সে এগিয়ে চললো। কখনো বা পচা গাছের গুঁড়ি বা আধখসা পাথরে সে পিছলে যাচ্ছিল, কিন্তু অগ্রসর হচ্ছিল ঠিকই। স্বীপেব উপর তখন রাত্রির অন্ধকার আস্তে আস্তে নেমে আসছে।

রেন্সফোর্ড যখন প্রথম আলোকগুলো দেখতে পেল তখন ঠাণ্ডা অন্ধকার সমুদ্র আর জঙ্গলটাকে কালোয় কালোময় করে দিচ্ছিল। বেলাভূমিব একটা বেঁকে যাওয়া জায়গায় মোড় নিতে সে সেগুলো দেখতে পেল এবং প্রথমটায় তার মনে হয়েছিল সে কোনো গ্রামের কাছে এসেছে—কারণ আলো দেখতে পেয়েছিল অনেকগুলো। কিন্তু ধাক্কা দিতে দিতে এগিয়ে যাওয়ার সঙ্গে সঙ্গে দেখে বিস্মিত হল যে সব কাটা আলো আসছে একই বিরাট বাড়ি থেকে—প্রকাশ উঁচু বাড়ি, তার ছুঁচলো মিনারের মত টাওয়ার উপরের অন্ধকারের দিকে ঠেলে ধরেছে। বিরাট দুর্গের মত রাজপ্রাসাদের (শাটোর) আকাব প্রচ্ছায়া তার চোখে ধরা পড়ল এবং দেখল শাটোটি একটি উঁচু জায়গার উপর নির্মিত। তার তিন দিকে খাড়া পাহাড়ের পাঁচিল সমুদ্র পর্যন্ত নেমে গিয়েছে। সেখানে কালো ছায়াতে ক্ষুধার্ত সমুদ্র যেন দেওয়ালগুলো ঠোট দিয়ে চাটছে।

‘মরীচিকাই হবে’—ভাবলে রেন্সফোর্ড। কিন্তু যখন সে বাড়িটার ফলকওলা গেটটা খুললো তখন বুঝলো যে সেটা মোটেই মরীচিকা নয়। পাথরের সিঁড়িগুলোও যথেষ্ট বাস্তব; পুক ভারী পাল্লার দরজাও যথেষ্ট বাস্তব—তার গায়ে রয়েছে দৈত্যমুখাকৃতি কড়া—কিন্তু তবু কেমন যেন সমস্ত জায়গাটার চর্চুদিকে অবাস্তবতার বাতাববণ।

দরজার কড়া উপরের দিকে তুলে ঘা মারতে গেলে সেটা চড় চড় করলো; রেন্সফোর্ডের মনে হল ওটা যেন কখনো ব্যবহার করা হয়নি। কড়াটা ছেড়ে দিতেই সেটা এমনই সুগুরুগভীর নিনাদ ছাড়লো যে রেন্সফোর্ড নিজেই চমকে উঠলো। তার মনে হল ভিতরে যেন কার পায়ের শব্দ শুনতে পেল—দরজা কিন্তু খুললো না। সে তখন আবার কড়া তুলে ছেড়ে দিল। তখন এমনই হঠাৎ দরজাটা খুলে গেল যে তাব মনে হল যে দরজাটা যেন স্থিপ্র দিয়ে তৈরী। ঘরের ভিতর থেকে সোনালী অত্যন্ত আলোর বন্যাধারা তার চোখ যেন ধাঁধিয়ে দিল। তার ভিতর দিয়ে রেন্সফোর্ড সর্বপ্রথম যা দেখতে পেল সেটা তাব জীবনের এ পর্যন্ত দেখার মধ্যে সর্ববৃহৎ মনুষ্য কলেবর—বিরাট দৈত্যেব মত আকার-প্রকার, নিরেট দড় মালে তৈরী, আর কোমর অবধি নেমে এসেছে কালো দাড়ি। তার হাতে লম্বা নালওলা রিভলভার আর সেটা সে নিশান কল্পেছে সোজা রেন্সফোর্ডেব বুকের দিকে।

সেই দাড়ির জঙ্গলের ভিতর থেকে দুটি ছোট্ট চোখ রেন্সফোর্ডের দিকে তাকিয়ে আছে।

‘ভয় পেয়ো না’—বলে রেন্সফর্ড স্মিত হাস্য করলে; তার মনে আশা ছিল যে ঐ স্মিতহাস্য লোকটার মনের সন্দেহ দূর করে দেবে। ‘আমি ডাকাত নই। একটা ইয়ট থেকে সমুদ্রে পড়ে গিয়েছিলুম, আমার নাম সেক্সার রেন্সফর্ড—নিউ ইয়র্কের।’

কিন্তু লোকটার ভীতি-উৎপাদক দৃষ্টির কোনো পরিবর্তন হল না। রিভলভারটা নড়ন-চড়ন না করে ঠিক তেমনি তার বুকের দিকে নিশান করে রইল, যেন দৈত্যটা পাথরে তৈরী। রেন্সফর্ডের কথাগুলো যে সে বুঝতে পেরেছে তারও কোনো চিহ্ন দেখা গেল না—এমন কি সে আদর্শই শুনতে পেয়েছে কিনা তাই বোঝা গেল না। লোকটার পরনে কালো উর্দি—তার শেষ প্রান্তে বাদামী রঙের আত্মাখান লোমের ঝালর।

রেন্সফর্ড আবার শুরু করলে, ‘আমি নিউ ইয়র্কের সেক্সার রেন্সফর্ড। আমি একটা ইয়ট থেকে পড়ে গিয়েছিলুম। আমার ক্ষিধে পেয়েছে।’

লোকটা উত্তরে শুধু বুড়ো আঙুল দিয়ে রিভলভারের ঘোড়াটা তুললো। তার পর বেন্সফর্ড দেখলো যে, লোকটার বালি হাডখানা মিলিটারি সেলাম দেবার কায়দায় কপাল ছুঁলো, এক জুতো দিয়ে অন্য জুতো ক্রিক করে এটেনশনে দাঁড়ালো। আরেকজন লোক চওড়া মার্বেলের সিঁড়ি দিয়ে নেমে আসছিলেন। ইভনিং ড্রেস পরা একদম ঝাড়া, পাতলা ধরনের লোক।

‘বিখ্যাত শিকারী সেক্সার বেন্সফর্ডকে আমার বাড়িতে শুভাগমন জানাতে গেলে আমি আনন্দ ও গর্ব অনুভব করছি।’ চোস্ত খানদানী গলায় লোকটি কথাগুলি বললেন। তাতে বিদেশী উচ্চারণের সামান্য আমেজ ছিল বলে কথাগুলো যেন আরও সুস্পষ্ট, সুচিন্তিত বলে মনে হল।

আপনা-আপনি যেন রেন্সফর্ড তাঁর সঙ্গে কবমর্দন করলে।

লোকটি বুঝিয়ে বললেন, ‘তিক্ষতে বরফের চিতে বাঘ শিকার সম্বন্ধে আমি আপনার বই পড়েছি, বুঝলেন তো! আমার নাম জেনারেল জারফ।’

রেন্সফর্ডের প্রথম ধারণাই হল যে লোকটি অসাধারণ পুরুষ। দ্বিতীয় হল যে জেনারেলের চেহারায় যেন এক অপূর্ব অনন্যতা, প্রায় বলা যেতে পারে বিচিত্র ধরন রয়েছে। লোকটি শ্রৌতত্বে পৌঁছে গেছেন, কারণ তাঁর চুল ধবধবে সাদা কিন্তু তাঁর ঘন ভুরু, আর মিলিটারি কায়দায় উপরেব দিকে তোলা হুঁচলো গৌফ মিশমিশে কালো—যেন ঠিক সেই অন্ধকাবের কালো যার ভিতর থেকে রেন্সফর্ড এইমাত্র বেরিয়ে এসেছে। তাঁর চোখ দুটোও মিশমিশে কালো আর অত্যন্ত উজ্জ্বল। গালের হাড় দুটো তাঁর উঁচু, নাকটি টিকল আর মুখ শীর্ণ ধরনের ঈষৎ বাদামী,—এ ধরনের চেহারা হুকুম দিতে অভ্যস্ত—খানদানী লোকের চেহারা। জেনারেল সেই উর্দি-পর্য দৈত্যটার দিকে তাকিয়ে ইশারা করাতে সে তার পিস্তল নামিয়ে নিয়ে তাঁকে সেলুট করে চলে গেল।

জেনারেল বললেন, ‘ইভানের গায়ে অসুরের মত অবিখ্যাস্য শক্তি, কিন্তু বেচারীর কপাল মন্দ—সে বোবা আর কাল।। সরল প্রকৃতির লোক, কিন্তু সত্যি বলতে কি তার জাতের আর পাঁচজনেব মত একটুখানি বর্বর।’

‘লোকটা কি রাশান?’

জেনারেল স্মিত হাস্য করাতে তাঁর লাল ঠোঁট আর হুঁচলো দাঁত দেখা দিল। বললেন, ‘কসাক। আমিও।’ তাব পর বললেন, ‘চলুন, এখানে আর কথাবার্তা নয়। আমরা পরে

সেটা করতে পারবে। আপনার এখন প্রয়োজন জামাকাপড়, আহারাদি এবং বিশ্রাম। সব পেয়ে যাবেন। এ জায়গাটি পরিপূর্ণ শান্তিময়।’

ইভান আবার দেখা দিল। জেনারেল তাঁর সঙ্গে কথা কইলেন, সুদ্ধমাত্র ঠোট নেড়ে, কোনো শব্দ উচ্চারণ না করে।

জেনারেল বললেন, ‘আপনি দয়া করে ইভানের সঙ্গে যান। আপনি যখন এলেন তখন আমি সবেমাত্র ডিনারে বসেছিলুম। এখন আপনার জন্য অপেক্ষা করবো। আমার জামাকাপড় আপনার গায়ে ফিট করবে মনে হচ্ছে।’

বরগাওলা বিরাট এক বেডরুম, টোপরওলা যে বিছানা তাতে ছ’জন লোক শুতে পারে—সেখানে গিয়ে পৌঁছিল রেন্সফোর্ড নীরব দৈত্যের পিছনে পিছনে। ইভান একটি ইভনিং ড্রেস বের করে দিলে। পরার সময় রেন্সফোর্ড লক্ষ্য করলো স্যুটে লগনের যে দর্জির নাম সেলাই করা রয়েছে তারা সাধারণত ডিউকের নিচের পদবীর কারণে জন্ম স্যুট সেলাই করে না।

যে ডাইনিং রুমে ইভান তাকে নিয়ে গেল সেটাও বহু দিক দিয়ে লক্ষ্যণীয়। ঘরটায় যেন ছিল মধ্যযুগীয় আড়ম্বর। দেয়ালে ওক কাঠের আস্তর উঁচু ছাদ, বিরাট খাবার টেবিলে দু’কুড়ি লোক খেতে পারে—এসব সামন্তযুগের কোনো ব্যারনের হলঘরের মত দেখাচ্ছিল। দেয়ালে লাগানো ছিল নানা প্রকারের পশুর মাথা—সিংহ, বাঘ, হাতি, ভালুক। এমন সর্বাঙ্গসুন্দর এবং বৃহৎ নমুনা রেন্সফোর্ড ইতিপূর্বে আর কখনো দেখেনি। সেই বিরাট টেবিলে জেনারেল একা বসে।

জেনারেল যেন প্রস্তাব করলেন, ‘একটা ককটেল খাবেন তো, মিস্টার রেন্সফোর্ড?’ ককটেলটি আশ্চর্য রকমের ভালো এবং রেন্সফোর্ড আরও লক্ষ্য করলো যে টেবিলের সাজসজ্জামও সর্বোত্তম পর্যায়ের—টেবিলক্ৰথ, ন্যাপকিন, স্ফটিকের পাত্রাদি, রুপো এবং চীনেমাটির বাসনকোসন—সব কিছুই।

তারা ঘন মশলাওলা সরে মাখানো বর্ষ সুপ খাচ্ছিলেন। এ সুপটি বাশানদের বড় প্রিয়। যেন আধো মাফ চাওয়ার ভঙ্গিতে জেনারেল জারফ বললেন, ‘সভ্যতা যে-সব সুখ-সুবিধা দেয় আমরা এখানে সেগুলো রক্ষা করার জন্য যথাসাধ্য চেষ্টা দি। ক্রটিবিচ্যুতি হলে মাফ করবেন। জনগণের গমনাগমনের বীধা রাস্তা থেকে আমরা যথেষ্ট দূরে—বুঝলেন তো? আপনার কি মনে হয় অনেক দূরের সমুদ্রপথ পেরিয়ে এসেছে বলে শ্যাম্পেনের স্বাদ খারাপ হয়ে গিয়েছে?’

রেন্সফোর্ড বললে, ‘একদম না।’ তার মনে হয় জেনারেলটি অতিশয় অমায়িক ও যত্নশীল অতিথিসেবক—সভিকার বিশ্বনাগরিক। শুধু জেনারেলের একটি ক্ষুদ্র বৈশিষ্ট্য রেন্সফোর্ডের মনে অস্বস্তির সঞ্চার করছিল। যখনই প্লেট থেকে মুখ তুলে সে তাঁর দিকে তাকিয়েছে তখনই দেখেছে তিনি যেন তাকে খুঁটিয়ে খুঁটিয়ে দেখছেন, সূক্ষ্মতম ভাবে যাচাই করে নিচ্ছেন।

জেনারেল জারফ বললেন, ‘আপনি হয়তো আশ্চর্য হয়েছেন আমি আপনার নাম চিনলুম কি করে। বুঝেছেন কিনা, ইংরিজি, ফরাসী এবং জার্মান ভাষায় যেসব শিকারের বই বেরোয় আমি তার সব কটাই পড়ি। আমার জীবনের ব্যসন মাত্র একটি, মিস্টার রেন্সফোর্ড—শিকার।’

সুপক ফিলে মিলে খেতে খেতে রেন্সফর্ড বললে, ‘আপনার শিকারের মাথাগুলো চমৎকার। ঐ যে কেপ মহিষের মাথা—এত বড় মাথা আমি কখনো দেখিনি।’

‘ও! ঐ ব্যাটা! পুরোদস্তুর দানব ছিল সে।’

‘আপনার দিকে তেড়ে এসেছিল নাকি?’

‘একটা গাছের উপর আমাকে ছুঁড়ে ফেলেছিল। আমার খুলিতে ফ্রাক্চার হয়। শেষ পর্যন্ত কিন্তু আমি ব্যাটাকে ঘায়েল করি।’

রেন্সফর্ড বললে, ‘আমার সব সময়ই মনে হয়েছে যে বড় শিকারের ভিতর কেপের মোষই সব চেয়ে বিপজ্জনক শিকার।’

এক লহমার তরে জেনারেল কোন উত্তর দিলেন না—ঠাঁর লাল ঠোঁট দিয়ে তিনি সেই বিচিত্র স্মিত হাস্য হেসে যেতে লাগলেন। তার পর ধীরে ধীরে বললেন, ‘না, আপনি ভুল করেছেন, স্যর! কেপ মহিষ পৃথিবীর সর্বাপেক্ষা বিপজ্জনক শিকার নয়।’ তিনি মদের গেলাসে একটি ছোট্ট চুমুক দিলেন, ‘এই দ্বীপে আমার খাস মৃগয়া ভূমিতে আমি তার চেয়েও বিপজ্জনক শিকার করে থাকি।’

রেন্সফর্ড বিস্ময় প্রকাশ করে শুখোলে, ‘এই দ্বীপে বড় শিকার আছে নাকি?’

জেনারেল মাথা নেড়ে সায় দিয়ে বললেন, ‘সব চেয়ে বড়।’

‘সত্যি?’

‘ও! প্রকৃতিদত্ত নয়—নিশ্চয়ই। আমাকে স্টক করতে হয়।’

‘আপনি কি আমদানি করেছেন, জেনারেল? বাঘ?’

জেনারেল স্মিত হাস্য করে বললেন, ‘না। বাঘ শিকারে আমার আর কোনো চিত্তাকর্ষণ নেই—কয়েক বছর হয়ে গেল। বাঘের মুরোদ কতখানি তার শেষ পর্যন্ত আমার দেখা হয়ে গিয়েছে। বাঘ আর আমাকে উত্তেজনা দিতে পারে না—কোনো সত্যকার বিপদে ফেলতে পারে না। আমি জীবন ধারণ করি বিপদের মুখোমুখি হওয়ার জন্য, মিস্টার রেন্সফর্ড।’

জেনারেল ঠাঁর পকেট থেকে একটি সোনার সিগারেট-কেস বের করে ঠাঁর অতিথিকে রুপালি টিপওলা একটি লম্বা কালো সিগারেট দিলেন; সুগন্ধি সিগারেট—ধূপের মত সৌরভ ছাড়ে।

জেনারেল বললেন, ‘আমরা অভ্যন্তর শিকার করবো—আপনাতে আমাতে। আপনার সঙ্গ পেলে আমি বড়ই আনন্দ লাভ করবো।’

‘কিন্তু কি ধরনের শিকার—’

‘বলছি আপনাকে। আপনার খুব মজা লাগবে—আমি জানি। সবিনয়ে বলছি, আমি একটি নূতন উত্তেজনার সৃষ্টি করেছি। আপনাকে আরেক গেলাস পোর্টওয়াইন দেব কি?’

‘ধন্যবাদ, জেনারেল।’

জেনাবেল দুটি গেলাস পূর্ণ করে বললেন, ‘ভগবান কোনো কোনো লোককে কবি বানান। কাউকে তিনি রাজা বানান, কাউকে ভিথিরি। আমাকে তিনি বানিয়েছেন শিকারী। আমার পিতা বলতেন, আমার হাতখানি বন্দুকের ঘোড়ার জন্য নির্মিত হয়েছিল। তিনি ছিলেন খুবই ধনী; ক্রিমিয়াতে ঠাঁর আড়াই লক্ষ একর জমি ছিল এবং শিকারে ছিল ঠাঁর চরম উৎসাহ। আমার বয়স যখন মাত্র পাঁচ তখন তিনি আমাকে ছোট্ট একটি বন্দুক

দেন—বিশেষ অর্ডার দিয়ে সেটি মস্কোতে তৈরী করা হয়েছিল—চড়ুই শিকার করার জন্যে। আমি যখন এঁটে দিয়ে তাঁর কতকগুলো জাত টার্কি মুগী মেয়ে ফেলি তিনি তখন আমাকে কোনো সাজা দেননি; আমার তাগের তিনি প্রশংসা করলেন। দশ বছর বয়সে ককেসাসে আমি আমার প্রথম ভালুক মারি। আমার সমস্ত জীবন একটানা একটা শিকার। আমি ফৌজে যোগ দি—খানদানী ঘরের ছেলে মাত্রের কাছ থেকেই সে যুগে এই প্রত্যাশা করা হত—এবং কিছুকালের জন্য আমি একটা ঘোড়া-সওয়ার কসাক ডিভিশনের কমান্ডারও হয়েছিলুম কিন্তু আমার সত্যকার আকর্ষণ সর্বসময়ই ছিল শিকার। সর্বদেশে আমি সর্বপ্রকারের জন্তু শিকার করেছি। আমি ক’টা জন্তু মেরেছি সেটা আপনাকে শুনে বলা আমার পক্ষে অসম্ভব।

‘রাশা যখন তখনই হয়ে গেল তখন আমি দেশ ছাড়লুম। কারণ জারের একজন অফিসারের পক্ষে তখন সেখানে থাকা অবিবেচনার কাজ হত। অনেক খানদানী রাশান সর্ব্ব হারালেন। আমি কিন্তু সৌভাগ্যক্রমে প্রচুর মার্কিন শেয়ার কিনে রেখেছিলুম। তাই আমাকে কখনো মস্কোতে চায়ের দোকান করতে হবে না, বা প্যারিসে ট্যাক্সি ড্রাইভার হতে হবে না। অবশ্য আমি শিকার চালিয়ে যেতে লাগলুম। আপনাদের রকি অঞ্চলে গ্রিজলি, গঙ্গার কুমীর, পূর্ব আফ্রিকার গণ্ডার। আফ্রিকাতেই ঐ কেপ মহিষ আমাকে জবম করে ছ’মাস শয্যাশায়ী করে রাখে। সেরে ওঠা মাত্রই আমি আমাজনে জাগুয়ার শিকার করতে বেরলুম, কারণ আমি শুনেছিলুম যে তারা অসাধারণ ধূর্ত হয়।’ দীর্ঘশ্বাস ফেলে কসাক বললেন, ‘মোটাই না। বুদ্ধি সজাগ রাখলে আর জোরদার রাইফেল থাকলে তারা কোনো শিকারীর সঙ্গেই পাল্লা দিতে পারে না। আমি মর্মান্তিক নিরাশ হলাম। এক রাতে আমি তাঁবুতে শুয়ে অসহ্য মাথাব্যথায় কষ্ট পাচ্ছি এমন সময় একটা ভয়ঙ্কর দৃশ্টিভা আমার মাথায় ঢুকলো। শিকার আমার কাছে একঘেয়ে হয়ে গিয়েছে। এবং মনে রাখবেন শিকারই ছিল আমার জীবন। শুনেছি, মার্কিন দেশে ব্যবসায়ীরা আপন ব্যবসা ছেড়ে দিয়ে প্রায়ই যেন টুকরো টুকরো হয়ে ভেঙে পড়েন, কারণ ঐ ব্যবসায়ই ছিল তাঁদের জীবন।’

রেন্সফোর্ড বললে, ‘হ্যাঁ, ঠিক তাই।’

জেনারেল শ্মিতহাস্য করলেন। ‘আমার কিন্তু ভেঙে পড়ার কোনো ইচ্ছাই ছিল না। আমাকে তাহলে কিছু একটা করতে হয়। দেখুন, আমার হল গিয়ে বিশ্লেষণকারী মন, মিস্টার রেন্সফোর্ড। নিঃসন্দেহ সেই কারণেই আমি শিকারের ভিন্ন ভিন্ন সমস্যায় এত আনন্দ পাই।’

রেন্সফোর্ড বললে, ‘এতে কোনো সন্দেহই নেই, জেনারেল জারফ।’

‘তাই আমি নিজেকে ওখালুম, শিকার আমাকে এখন সম্মোহিত করে না কেন? আপনি আমার চেয়ে অনেক ছোট, মিস্টার রেন্সফোর্ড, এবং আমি যতখনি শিকার করেছি আপনি ততখানি করেননি কিন্তু তবু আপনি হয়তো উত্তরটা অনুমান করতে পারবেন।’

‘সেটা কি?’

‘সোজাসুজি এই; শিকার তখন আমার কাছে আর “হয় হারি নয় জিতি” ধরনের বিষয় নয়। আমি প্রতিবারেই আমার শিকারকে খতম করছি। সব সময়। প্রতি বারেই।

সমস্ত ব্যাপাট তখন আমার কাছে অত্যন্ত সরল হয়ে গিয়েছে। আর পরিপূর্ণতার মত একঘেয়েমি আর কিছুতেই নেই।’

জেনারেল আরেকটা সিগারেট ধরালেন।

‘কোনো শিকারেরই আর তখন আমাকে এড়াতে পারবার সৌভাগ্য হত না। আমি দেমাক করছি না। এ যেন একেবারে অন্ধশাস্ত্রের নিশ্চয়তা। পশুটার কি আছে?—তার পা আর সহজাত প্রবৃত্তি। অন্ধ প্রবৃত্তি তো বুদ্ধির সঙ্গে মোকাবেলা করতে পারে না। এ চিন্তা যখন আমার মনে উদয় হল সে সময়টা আমাব পক্ষে বিষাদময়, আপনাকে সত্যি বলছি।’

রেন্সফোর্ড টেবিলের উপর সামনের দিকে ঝুঁকে পড়ে গোগ্রাসে তাঁর কথা গিলছে।

জেনারেল বলে যেতে লাগলেন, ‘আমাকে কি কবতে হবে, সেটা যেন একটা অনুপ্রেরণার মত আমার কাছে এল।’

‘এবং সেটা কি?’

জেনারেল আত্মপ্রসাদের স্মিত হাস্য কবলেন। মানুষ কোনো প্রতিবন্ধকের সম্মুখে উপস্থিত হয়ে সেটাকে অতিক্রম করতে পারলে যে মুদু হাসি হাসে। বললেন, ‘শিকার করার জন্য আমাকে নূতন পশু আবিষ্কার কবতে হল।’

‘নূতন পশু? আপনি ঠাট্টা করছেন।’

জেনাবেল বললেন, ‘মোটাই না। আমি শিকারের ব্যাপার নিয়ে কখনো মস্করা করি নে। আমার প্রয়োজন ছিল একটা নূতন পশুর। পেলুমও একটা তাই, আমি এই দ্বীপটা কিনলুম, বাড়িটা তৈরী করলুম এবং এখানে আমি আমার শিকার করি। আমার কাজের জন্য এই দ্বীপটি একেবারে সর্বাঙ্গসুন্দর—জঙ্গল আছে, তার ভিতর পায়ে চলা-ফেরাব রীতিমত গোলকবীধা রয়েছে, পাহাড় আছে, জলাভূমি—’

‘কিন্তু সেই পশুটা, জেনারেল জারফ?’

জেনারেল বললেন, ‘ও! এই দ্বীপ আমাকে পৃথিবীর সব চেয়ে উদ্ভেজনাদায়ক শিকার করতে দিয়েছে। অন্য যে কোনো শিকারের সঙ্গে এর তুলনা এক লহমার তরেও হয় না। আমি প্রতিদিন শিকার কবি এবং একঘেয়েমি আমার কাছেই আসতে পারে না কারণ আমার শিকার এমনই ধরনের যে তার সঙ্গে আমার বুদ্ধির লড়াই চালাতে পারি।’

রেন্সফোর্ডের মুখে হতভম্ব ভাব।

‘আমি চেয়েছিলুম শিকারের জন্য একটা আদর্শ পশু। তাই আমি নিজেকে শুধালুম, ‘আদর্শ শিকারের কোন কোন গুণ থাকে?’ তার উত্তর স্বভাবতই; ‘তার সাহস, চাতুর্য, এবং সর্বোপরি সে যেন বিচারশক্তি প্রয়োগ করতে পারে।’

রেন্সফোর্ড আপত্তি জানালে, ‘কিন্তু কোনো পশুরই তো বিচারশক্তি নেই।’

জেনারেল বললেন, ‘মাই ডিয়ার দোস্ট, একটা পশুর আছে।’

‘কিন্তু আপনি তো সত্যিই সেটা বলতে—’ বেন্সফোর্ডের দম বন্ধ হয়ে আসছিল।

‘না কেন?’

‘আমি বিশ্বাস করতে পারি নে যে আপনি যথার্থ কথা বলছেন, জেনারেল জারফ। একটা বীভৎস রসিকতা।’

‘আমি যথার্থ কথা বলবো না কেন? আমি শিকারের কথা বলছি।’

‘শিকার? ভগবান সাক্ষী, আপনি যা বলছেন সে তো খুন!’

জেনারেল পরিপূর্ণ খুশ মেজাজে হেসে উঠলেন। রেন্সফোর্ডের দিকে তিনি মজার সঙ্গে তাকালেন। বললেন, ‘আমি কিছুতেই বিশ্বাস করবো না যে আপনার মত সভ্য ও আধুনিক যুবা—আপনাকে দেখলে সেই তো মনে হয়—মানুষের শ্রাণ সম্বন্ধে রোমাণ্টিক ধারণা পোষণ করবে। নিশ্চয়ই যুদ্ধে আপনার অভিজ্ঞতা—’

রেন্সফোর্ড কঠিন কণ্ঠে বললো, ‘নশংস খুন ক্ষমা করতে দেয় না।’

উচ্চহাস্যে জেনারেল দুলতে লাগলেন। বললেন, ‘কী অসাধারণ মজার মানুষ আপনি। আজকের দিনে শিক্ষিত সম্প্রদায়ে—এমন কি আমেরিকাতেও—এ ধরনের হাবাগোবা সরলবিশ্বাসী—আর যদি অনুমতি দেন তবে বলি—মধ্য ভিক্টোরীয় ধারণার মানুষ পাওয়া যায় না। হ্যাঁ, তবে কিনা, কোনো সন্দেহ নেই আপনার পূর্বপুরুষ গোঁড়া শুদ্ধাচারী (প্যুরিটান) ছিলেন। কত না আমেরিকাবাসীর পিতৃপুরুষ এই সম্প্রদায়ের। আমি বাজী ধরছি, আমার সঙ্গে শিকারে বেরুলে এসব ধারণা আপনি ভুলে যাবেন। আপনার অদৃষ্টে খাঁটি নূতন রোমাঞ্চকর উদ্ভেজনা সঞ্চিত রয়েছে।’

‘অনেক ধন্যবাদ। আমি শিকারী; খুনী নই।’

বিচলিত না হয়ে জেনারেল বললেন, ‘হায়, আবার সেই অপ্রিয় শব্দ! কিন্তু আমার বিশ্বাস আমি আপনার কাছে প্রমাণ করতে পারবো, আপনার নৈতিক দ্বিধা ভিত্তিহীন।’

‘সত্যি?’

‘জীবন জিনিসটাই শক্তিমানের জন্য, বেঁচে থাকবে শক্তিমান এবং প্রয়োজন হলে সে জীবন নিতেও পারে। দুর্বলদের এই পৃথিবীতে রাখা হয়েছে শক্তিমানকে আনন্দ দেবার জন্য। আমি শক্তিমান। আমি আমার বিধিদস্ত উপহার কাজে খাটাবো না কেন? আমি যদি শিকার করতে চাই তবে করবো না কেন? তাই আমি দুনিয়ার যত আবর্জনা শিকার করি—রদ্দি জাহাজের খালাসী, মাঝিমান্না, কৃষ্ণগজ, চীনা, শ্বেতাঙ্গ, দুর্ভাসলা—একটি অবিশিষ্ট রক্তের ঘোড়া বা কুকুর এদের কুড়িটার চেয়ে মূল্যবান।’

রেন্সফোর্ড গরম হয়ে বললে, ‘কিন্তু তারা মানুষ।’

জেনারেল বললেন, ‘হুবহু খাঁটি কথা। সেই কারণেই আমি ওদের ব্যবহার করি। আমি তাতে আনন্দ পাই। তারা বিচারশক্তি প্রয়োগ করতে পাবে, অবশ্য যার ঘটে যেমন বুদ্ধি সেইটুকু দিয়ে। তাই তারা বিপজ্জনক।’

‘কিন্তু শিকারের জন্য মানুষ যোগাড় করেন কি প্রকারে?’ রেন্সফোর্ড শুধালে।

ক্ষণতরে জেনারেলের বাঁ চোখের পাতাটি নড়ে গিয়ে যেন কটাক্ষ মারলো। উত্তর দিলেন, ‘এ দ্বীপের নাম “জাহাজ-ফাঁদ দ্বীপ”। কখনো কখনো ঝঞ্জামিখিত ব্রহ্ম সমুদ্রদেব আমার কাছে ওদের পাঠিয়ে দেন। যখন ভাগ্যদেবী অপ্রসন্না, তখন আমি তাঁকে কিঞ্চিৎ সাহায্য করি। আমার সঙ্গে জানলার কাছে আসুন।’

রেন্সফোর্ড জানলার কাছে এসে বাইরের সমুদ্রের দিকে তাকালো।

জেনারেল বলে উঠলেন, ‘লক্ষ্য করুন! ঐ ওখানে বাইরে!’ রেন্সফোর্ড শুধু নিশির অন্ধকার দেখতে পেল। তারপর যেই জেনারেল একটি বোতাম টিপলেন অমনি দূর সমুদ্রে একাধিক আলোর ছটা দেখতে পেল।

জেনারেল পরিভূষিত হাসি হেসে বললেন, ‘ঐ আলোকগুলোর অর্থ, ওখানে চ্যানেল

পথ আছে—যেখানে সে জাতীয় কিছুই নেই। বিরাট বিরাট পাথর তাদের ক্ষুরের মত ধারালো পাশ নিয়ে হাঁ করে ঘাপটি মেরে বসেছে সমুদ্রদৈত্যের মত। তারা অতি অক্লেশে একখানা জাহাজ গুঁড়িয়ে চুরমার করে দিতে পারে—এই যে রকম আমি অক্লেশে এই বাদামটা গুঁড়িয়ে দিচ্ছি।’ তিনি শক্ত কাঠের মেঝের উপর একটি বাদাম ফেলে দিয়ে জুতোর হিল দিয়ে গুঁড়িয়ে চুরমার করে দিলেন। যেন কোনো প্রশ্নের উত্তর দিতে গিয়ে নিতান্ত কথায় কথায় বললেন, ‘আমার ইলেকট্রিকের ব্যবস্থা আছে। আমরা এখানে সভ্য থাকবার চেষ্টা করি।’

‘সভ্য? আর আপনি গুলি করে মানুষ খুন করেন?’

জেনারেলের কালো চোখে ক্রোধের সামান্য রেশ দেখা দিল। কিন্তু সেটা এক সেকেন্ডের তরে। অতি অমায়িক কণ্ঠে বললেন, ‘হায় কপাল! কী অদ্ভুত নীতিবাগীশ তরুণই না আপনি! আমি আপনাকে প্রত্যয় দিচ্ছি আপনি যা বলতে চাইছেন আমি সে রকম কিছুই করি না। সেটা হবে বর্বরতা। আমি আমার অতিথিদের চরম খাতির-যত্ন কবে থাকি। তারা প্রচুর খাদ্য পায়, প্রয়োজনীয় কায়িক পরিশ্রম করে শরীর সুস্থ সবল রাখতে পায়। তাদের স্বাস্থ্য চমৎকার হয়ে ওঠে। কাল আপনি নিজেই দেখতে পাবেন।’

‘মানে?’

মুচকি হেসে জেনারেল বললেন, ‘কাল আমবা আমার ট্রেনিং স্কুল দেখতে যাবো। ইস্কুলটা মাটির নীচের সেলারে। উপস্থিত সেখানে আমার প্রায় ডজন খানেক ছাত্র আছে। তারা এসেছে হিস্পানি বোট “সানলুকার” থেকে—জাহাজখানাব দুর্ভাগ্যবশত সেটা ঐ হোথায় পাথরগুলোর সঙ্গে ধাক্কা খায়। কিন্তু দুঃখের বিষয়, সব কটাই অতিশয় নিরেস, বাজে মার্কা—ডেকের উপর চলাফেরাতে যতখানি অভ্যস্ত জঙ্গলে ততখানি নয়।’

তিনি হাত তুলতেই ইভান—সে-ই ওয়েটারের কাজ করছিল—গাঢ় টার্কিশ কফি নিয়ে এল। রেন্সফোর্ড অতি কষ্টে নিজেকে কথা বলা থেকে ঠেকিয়ে রাখছিল।

ঢাক ঢাক গুড় গুড় না করে খোলাখুলি ভাবে জেনারেল বলে যেতে লাগলেন, ‘বুঝতে পারছেন তো এটা হচ্ছে শিকারের ব্যাপার। আমি এদের একজনকে আমার সঙ্গে শিকারে যেতে প্রস্তাব করি। আমি তাকে যথেষ্ট খাদ্য আর উৎকৃষ্ট একখানা শিকারের ছোরা দিয়ে আমার তিন ঘণ্টা আগে বেরুতে দিই। পরে বেরুই আমি, সবচেয়ে ছোট ক্যালিবারের আর সবচেয়ে কম পাল্লার মাত্র একটি পিস্তল নিয়ে। পুরো তিন দিন যদি সে আমাকে এড়িয়ে গা-ঢাকা দিয়ে থাকতে পারে তবে সে জিতলো। আর আমি যদি তাকে খুঁজে পাই’—জেনারেল মুচকি হেসে বললেন, ‘তবে সে হারলো।’

‘সে যদি শিকার হতে রাজী না হয়?’

‘ও! সেটা বাছাই করা নিশ্চয়ই আমি তার হাতে ছেড়ে দি। সে যদি না খেলতে চায় তবে খেলবে না। সে যদি শিকারে যেতে রাজী না হয় তবে আমি তাকে ইভানের হাতে সমর্পণ করি। ইভান একদা মহামান্য শ্বেত জারের সরকারি চাবুকদারের সম্মানিত চাকরি করেছে। এবং খেলাধুলা, শিকার বাবদে সে আপন নিজস্ব ধারণা পোষণ করে। কোনো ব্যত্যয় হয় না, মিস্টার রেন্সফোর্ড, কোনো ব্যত্যয় হয় না। তারা সব্বাই আমার সঙ্গে শিকার করাটাই পছন্দ করে নেয়।’

‘আর যদি তারা জিতে যায়?’

জেনারেলের মৃদু হাস্য আরও বিস্তৃত হল। বললেন, ‘আজ পর্যন্ত আমি হারিনি।’

সঙ্গে সঙ্গে তাড়াতাড়ি যোগ করলেন, ‘আপনি ভাববেন না, মিস্টার রেন্সফোর্ড, আমি দেমাক করছি। বস্তুত এদের বেশীর ভাগই অতিশয় সরল সমস্যা সৃষ্টি করতে সক্ষম হয়। মাঝে মাঝে দু-একটা দুঁদে দেখা দেয় বটে। একজন প্রায় জিতে গিয়েছিল। শেষটা য় কুকুরগুলোকে ব্যবহার করতে হয়েছিল আমাকে।’

‘কুকুর?’

‘এদিকে আসুন; আপনাকে দেখিয়ে দিচ্ছি।’

জেনারেল রেন্সফোর্ডকে একটা জানলার কাছে নিয়ে গেলেন। জানলার আলোগুলো নিচের আঙিনায় আলো-ছায়ার হিজিবিজি প্যাটার্ন তৈরী করছিল। রেন্সফোর্ড সেখানে ডজন খানেক বিরাট আকারের কালো প্রাণীকে নড়াচড়া করতে দেখলো। তারা তার দিকে মুখ তুলতেই তাদের চোখে সবুজ রঙের বিলিমিলি খেলে গেল।

জেনারেল মস্তবা করলেন, ‘আমার মতে উত্তম শ্রেণীর। প্রতি রাতে সাতটা সময় এদের ছেড়ে দেওয়া হয়। কেউ যদি আমার বাড়িতে ঢোকান চেষ্টা করে কিংবা বেরিয়ে যাবার—তবে তার পক্ষে সেটা শোচনীয় হতে পারে।’ জেনাবেল গুন গুন কবে ফলি বের্জেরের একটা গানের কলি ধরলেন।

জেনারেল বললেন, ‘এখন আমি যে নূতন মাথাগুলো জমিয়েছি সেগুলো আপনাকে দেখাতে চাই। আমার সঙ্গে লাইব্রেরিতে আসবেন কি?’

রেন্সফোর্ড বললে, ‘আমি আশা করছি, আজকে বাত্রের মত আপনি আমায় ক্ষমা করবেন। আমার শরীরটা আদপেই ভালো যাচ্ছে না।’

জেনারেল উৎকণ্ঠা প্রকাশ করে বললেন, ‘আহা, তাই নাকি! কিন্তু সেইটেই তো স্বাভাবিক—এতখানি দীর্ঘ সীতার কাটার পর্ব। আপনার প্রয়োজন রাত্রিভর শান্তিতে সুনিদ্রা। কাল তাহলে আপনার মনে হবে, আপনি যেন নতুন মানুষ হয়ে গিয়েছেন—আমি বাজী ধরছি। তখন আমরা শিকারে বেরুবো—কি বলেন? কালকের শিকার উত্তম হবে বলেই আমি আশা করছি—’

রেন্সফোর্ড তখন তাড়াতাড়ি সে-ঘর ছেড়ে বেরুচ্ছে।

জেনারেল পিছন থেকে গলা তুলে বললেন, ‘আজ যে আপনি আমার সঙ্গে শিকারে বেরুতে পারছেন না তার জন্য আমার দুঃখ হচ্ছে। আজ ভালো শিকারের আশা আছে—বড় সাইজের, ভাগড়া নীগ্রো। দেখে তো মনে হচ্ছে অক্সিসক্লি জানে—আচ্ছা, গুড নাইট, মিস্টার রেন্সফোর্ড! আশা করি রাত্রিটা পুরো বিশ্রাম পাবেন।’

বিছানাটা ছিল খুব ভাল, বিছানায় পবাব পাজামা কুর্টা সব চেয়ে নরম রেশমের তৈরী, তার সর্ব পেশী-স্নায়ুতে ক্লাস্তি, কিন্তু তবুও নিদ্রার গুণ্ডু দিয়ে সে তার স্বগজটাকে শান্ত করতে পারলো না—পড়ে রইল দুটো খোলা চোখ মেলে। একবার তার মনে হল, তার ঘরের সামনের করিডরে কার যেন চুপিসাড়ে চলার শব্দ শুনতে পেল। ঐ দরজাটা খোলার চেষ্টা করলো; খুললো না। জানলার কাছে গিয়ে সে বাইরের দিকে তাকালো। তার ঘরটা ছিল উঁচু টাওয়ারগুলোর একটাতে। বাড়ির আলো তখন নিভে গিয়েছে। নীরব, অন্ধকার। শুধু আকাশে এক ফালি পাণ্ডুর চাঁদ; তারই ফ্যাকাশে আলোতে সে আঙিনায় আবছায়া দেখতে পাচ্ছিল। কতকগুলো নিস্তক কালো আকারের কি যেন

সেখানে আনাগোনা করে আলো-ছায়ার আলপনা কাটছিল; কুকুরগুলো জানলাতে তার শব্দ শুনতে পেয়ে কিসের যেন প্রতীক্ষায় তাদের সবুজ চোখ তুলে তাকালো। রেন্সফোর্ড বিছানায় ফিরে গিয়ে শুয়ে পড়ল। ঘুমিয়ে পড়ার জন্য সে বহু পদ্ধতিতে চেষ্টা করলো। তার পর যখন কিছুটা ফল পেয়ে, পাতলা ঘুমে বিমিষে পড়েছে—ঠিক ভোরের দিকে তখন অতি দূর জঙ্গলের ভিতর সে পিস্তল ছোঁড়ার ক্ষীণ শব্দ শুনতে পেল।

দুপুরের খাওয়ার পূর্বে জেনারেল জারফ দেখা দিলেন না। লাঞ্চে যখন এলেন তখন তাঁর পরনে গ্রামাঞ্চলের জমিদারের নিখুঁত টুইডের সুট। তিনি রেন্সফোর্ডের স্বাস্থ্য সম্বন্ধে আগ্রহ প্রকাশ করলেন।

দীর্ঘশ্বাস ফেলে জেনারেল বললেন, ‘আর আমার কথা যদি তোলেন, তবে বলি আমার ঠিক ভালো যাচ্ছে না। আমার মনে দুশ্চিন্তা, মিস্টার রেন্সফোর্ড। কাল রাত্রে আমি আমার পুরোনো ব্যারামের চিহ্ন অনুভব করলুম।’

রেন্সফোর্ডের চাউনিতে প্রশ্ন দেখে জেনারেল বললেন, ‘একঘেয়েমি। বৈচিত্র্যহীনতার অরুচি।’

আপন প্লেটে আবার খানিকটা ফ্রেপ স্যুজেং তুলে নিয়ে জেনারেল বুঝিয়ে বললেন, ‘কাল রাত্রে ভালো শিকার হয়নি। লোকটার মাথা গুলিয়ে গিয়েছিল। সে এমন সোজাসুজি চলে গিয়েছিল যে তাতে করে কোনো সমস্যারই উদ্ভব হল না। খালাসীগুলোকে নিয়ে এই হল মুশকিল। একে তো আকাট. তায় আবার বনের ভিতর চলাফেরার কৌশল জানে না। নিরেট বোকার মত এমন সব করে যা দেখা মাত্রই স্পষ্ট বোঝা যায়। ভারি বিরক্তিকর। আরেক গেলাস শাবলি চলবে কি মিস্টার বেন্সফোর্ড?’

রেন্সফোর্ড দৃঢ়কণ্ঠে বললে, ‘জেনারেল, আমি এখুনি এই দ্বীপ ত্যাগ করতে চাই।’ জেনারেল তাঁর দুই ঝোপ-ভুরু উপরের দিকে তুললেন; মনে হল তিনি যেন আঘাত পেয়েছেন। আপত্তি জানিয়ে বললেন, ‘‘সে কি দোস্ত! আপনি তো সবে এসেছেন! শিকারও তো করেননি—’

রেন্সফোর্ড বললে, ‘আমি আজই যেতে চাই।’ তার পর দেখে, জেনারেলের কালো চোখ দুটো তার দিকে মড়ার চোখের মত একদৃষ্টে তাকিয়ে তাকে যেন যাচাই করে নিচ্ছে। হঠাৎ জেনারেল জারফের মুখ উজ্জ্বল হয়ে উঠল।

বোতল থেকে প্রাচীন দিনের শাবলি ঢাললেন রেন্সফোর্ডের গেলাসে। বললেন, ‘আজ রাত্রে আমরা শিকারে বেরবো—আপনাতে আমাতে।’

রেন্সফোর্ড ঘাড় নেড়ে অসম্মতি জানিয়ে বললে, ‘না জেনাবেল, আমি শিকারে যাবো না।’ জেনারেল ঘাড় দুটো তুলে নামিয়ে অসহায় ভাব দেখালেন। বাগানের কাঁচের ঘরে বিশেষ করে ফলানো একটি আঙুর মোলায়েমসে খেতে খেতে বললেন, ‘আপনার অভিরুচি, দোস্ত! কি করবেন না করবেন সেটা সম্পূর্ণ আপনার হাতে। তবে যদি অনুমতি দেন তবে বলবো, শিকার-খেলা সম্বন্ধে ইভানের ধারণার চেয়ে আমার ধারণা আপনার অধিকতর মনঃপূত হবে।’

যে কোণে ইভান দাঁড়িয়ে ছিল সেদিকে তাকিয়ে জেনারেল মাথা নাড়লেন। দৈত্যটা সেখানে তার পিপের মত পুরু বুকুর উপর দু’বাহু চেপে জুকুটি-কুটিল নয়নে তাকাচ্ছিল।

রেন্সফোর্ড আর্ডকষ্টে বললো, ‘আপনি কি সত্যি বলতে চান—’

জেনারেল বললেন, ‘প্যারা দোস্ট! আমি কি আপনাকে বলিনি, শিকার সম্বন্ধে আমি যা-ই বলি না কেন, সেটা সত্য সত্য বলি। কিন্তু এটা আমার খাঁটি অনুপ্রেরণা। আসুন, আমার সঙ্গে পাল্লা দিতে পারে এমন একজন প্রতিদ্বন্দ্বীর উদ্দেশ্যে আমি পান করি।’

জেনারেল তাঁর গেলাস উঁচু করে তুলে ধরলেন; কিন্তু রেন্সফোর্ড তাঁর দিকে শুধু স্থির নয়নে তাকিয়ে রইল।

সোৎসাহে জেনারেল বললেন, ‘আপনি দেখবেন এ শিকার শিকারের মত শিকার। আপনার বুদ্ধি আমার বুদ্ধির বিপক্ষে। আপনার শক্তি আপনার লড়ে যাওয়ার ক্ষমতা—আমার বিরুদ্ধে। মুক্তাকাশের নিচে দাবা খেলা! এবং যে বাজী ধরা হবে তার মূল্যও কিছু কম নয়—কি বলেন?’

‘আর যদি আমি জিতি—’রেন্সফোর্ডের গলা থেকে শব্দগুলো যেন ধাক্কা দিয়ে বেরুল।

জেনারেল জারফ বললেন, ‘তৃতীয় দিনের মধ্যরাত্রি অবধি যদি আমি আপনাকে খুঁজে না পাই তবে আমি সানন্দে আপন পরাজয় স্বীকার করে নেব। আমার নৌকা আপনাকে পার্শ্ববর্তী দেশের কোন শহরের কাছে ছেড়ে আসবে।’

জেনারেল যেন রেন্সফোর্ডের চিন্তা পড়ে ফেলে বললেন, ‘ও! আপনি আমাকে বিশ্বাস করতে পারেন। ভদ্রলোক এবং শিকারী হিসেবে আমি আপনাকে প্রত্যয় দিচ্ছি। অবশ্য আপনাকেও তার বদলে কথা দিতে হবে যে এখানে আপনার আগমন সম্বন্ধে কিছু বলবেন না।’

রেন্সফোর্ড বললেন, ‘আমি আদর্শই এরকম কোনো কথা দেব না।’

জেনারেল বললেন, ‘ও! তাহলে—কিন্তু এখন কেন সে আলোচনা? তিন দিন পরে দুজনাতে এক বোতল ভ্যাক্কিকো খেতে খেতে সে আলোচনা করা যাবে, অবশ্য যদি—’

জেনারেল মদে চুমুক দিলেন।

কারবারী লোকের ব্যস্ততা তাঁকে সজীব করে তুললো। বেন্সফোর্ডকে বললেন, ‘ইভান আপনাকে শিকারের কোট-পাতলুন, আহারাদি ও একখানা ছোরা দেবে। আমাকে যদি অনুমতি দেন তবে বলি, আপনি নরম চামড়ার তালিওলা জুতোই পরবেন। ওতে করে চলার পথে দাগ পড়ে কম। এবং পরামর্শ দি, দ্বীপের দক্ষিণপূর্ব কোণের বিস্তীর্ণ জলাভূমিটা মাড়াবেন না। আমরা ওটাকে “মরণ-জলা” নাম দিয়েছি। ওখানে চোরাবালি আছে। এক আহাম্মুক ঐ দিক দিয়ে চেষ্টা দিয়েছিল। শোকের বিষয় যে, ল্যাজ্‌রাস্‌ তার পিছনে পিছনে যায়। আপনি আমার বেদনাটা কল্পনা করে নিতে পারবেন, মিস্টার বেন্সফোর্ড। আমি ল্যাজ্‌রাস্‌কে ভালোবাসতুম; আমার দলের ঐটেই ছিল সবচেয়ে সরেস ডালকুস্তা। তাহলে, এখন আপনার কাছে আমি ক্ষমা ভিক্ষা করছি। দুপুরে আহাঙ্গ করার পর আমি একটু গড়িয়ে নিই। আপনি কিন্তু নিদ্রাব ফুরসৎ পাবেন না। নিশ্চয়ই আপনি বওয়ানা হতে চাইবেন। গোধূলি বেলার পূর্বে আমি আপনার পেছনে বেরুবো না। রাত্রিবেলার শিকারে উত্তেজনা অনেক বেশী, দিনের চেয়ে—কি বলেন? আচ্ছা তবে দেখা হবে, মিস্টার বেন্সফোর্ড, ও রিভোয়া।’

নিচু হয়ে নশ্র অভিবাদন জানিয়ে জেনারেল ঘর থেকে বেরিয়ে গেলেন।

ইভান অন্য দরজা দিয়ে ঘরে এল। তার এক বগলে শিকারের খাকি পোশাক, খাবারের হ্যাভারস্যক, চামড়ার খাপের ভিতর লম্বা ফলাওলা শিকারের ছোরা। তার ডান হাত রক্তরঙের কোমরবন্ধের ভিতরে গৌঁজা রিভলভারের তোলা ঘোড়ার উপর।

দু'ঘণ্টা ধরে রেন্সফর্ড ঝোপজঙ্গলের ভিতর দিয়ে যেন লড়াই করে চলেছে আর দাঁতে দাঁত চেপে বিড়বিড় করেছে, 'আমি মাথা গরম হতে দেব না, আমার মাথা গরম হলে চলবে না।'

শাটোর গেট যখন তার পিছনে কড়াক্ করে বন্ধ হয়ে যায় তখন তার মাথা খুব পরিষ্কার ছিল না। প্রথমতায় তার সর্বপ্রচেষ্টা নিয়োজিত হয়েছিল তার আর জেনারেল জারফের মাঝখানে যতখানি সম্ভব দূরত্ব সৃষ্টি করতে, আর ঐ উদ্দেশ্য মনে রেখে সে ঝাঁপিয়ে পড়েছিল সামনের দিকে। যেন এক করাল বিভীষিকা ঘোড়সওয়ারের জুতোর কাঁটার মত খোঁচা মেরে মেরে তাকে সম্মুখপানে খেদিয়ে নিয়ে চলেছিল। কিন্তু এতক্ষণে সে অনেকখানি আত্মকর্তৃত্ব ফিরে পেয়েছে; সে দাঁড়িয়ে গিয়ে তার নিজের পরিস্থিতিটা বিচার-বিবেচনা করতে লাগলো।

সোজা, শুধু সামনের দিকে এগিয়ে গিয়ে কোনো লাভ নেই—কারণ তাতে করে সে সমুদ্রের কাছে গিয়ে মুখোমুখি হবে। সে যেন চতুর্দিকে সমুদ্রের ফ্রেমে বাঁধানো একটা ছবির মাঝখানে; সে যা-ই করুক না কেন, এই ফ্রেমের ভিতরই তাকে সেটা করতে হবে।

রেন্সফর্ড বিড়বিড় করে বললে, 'দেখি, আমার চলার পথ সে খুঁজে বের করতে পারে কিনা।' এতক্ষণ সে জঙ্গলের কাঁচা পায়ে-চলার পথ ধরে এগিয়ে যাচ্ছিল, সেটা ছেড়ে এখন নামলো দিকদিশেহীন ঘন জঙ্গলের ভিতর। সে অনেকগুলো জটিল ঘোর-প্যাঁচ খেয়ে তার উপর দিয়ে বার বার এলোপাতাড়ি আসা যাওয়া করতে করতে শেয়াল-শিকারের সমস্ত কলকৌশল, আর শেয়ালের এড়িয়ে যাবার তাবৎ ধূর্ত সুধন্ধ-সড়ুক স্মরণে আনতে লাগলো। সঙ্ক্কার অঙ্ককার যখন নামলো তখন সে গভীর জঙ্গলে ভরা একটা টিলার প্রান্তে এসে পৌঁচেছে। পা দুটো শ্রমক্রান্ত, হাত আর মুখ জঙ্গলের শাখা প্রশাখার আঁচড়ে ভর্তি। সে বেশ বুঝতে পারলো, এখন তার গায়ে শক্তি থাকলেও এই অঙ্ককারে দিশেহারা হয়ে চলাটা হবে বন্ধ পাগলামি। এখন তার বিশ্রাম নেওয়ার একান্ত প্রয়োজন। মনে মনে ভাবলো, 'এতক্ষণ আমি শেয়ালের যা করার তাই করেছি, এখন বেড়ালের খেলা খেলতে হবে।' কাছেই ছিল একটা বিরাট গাছ—মোটো গুঁড়ি আর বিস্তৃত কাণ্ড নিয়ে। অতি সাবধানে সামান্যতম চিহ্ন না রেখে সে গাছ বেয়ে উঠে যেখানে একটা মোটা শাখা গুঁড়ি থেকে বেরিয়েছে সেখানে চওড়া শাখাটার উপর গা এলিয়ে দিয়ে যতখানি পারা যায় বিশ্রামের ব্যবস্থা করলো। এই বিশ্রান্তি তার বুকে যেন এক নূতন আত্মবিশ্বাস এনে দিল; এমন কি সে অনেকখানি নিরাপত্তাও অনুভব করতে লাগলো। মনে মনে নিজেকে বললে, জেনারেল জারফ যত বড় উৎসাহী শিকারীই হোন না কেন এখানে তিনি তাকে খুঁজে পাবেন না। সে যে গোলকধাঁধার প্যাঁচ পিছনে রেখে এসেছে তার জট ছাড়িয়ে অঙ্ককারে এই জঙ্গলের ভিতর একমাত্র শয়তানই এগুতে পারবে। কিন্তু হয়তো জেনারেল একটা শয়তানই—

আহত সর্প যে রকম ধীরে ধীরে হামাগুড়ি দিয়ে এগোয়, এই উদ্বেগময়ী রজনীও সেই

রকম কাটতে লাগলো, এবং জঙ্গলে মৃত্যু ধরণীর নৈস্কৃত্য বিরাজ করা সঙ্গেও রেন্সফোর্ডের চোখের পাতায় ঘুম নামলো না। ভোরের দিকে যখন আকাশ ষোলাটে পাঁশুটে রঙ মাখছিল তখন চমকে-ওঠা একটা পাখীর চিৎকার রেন্সফোর্ডের দৃষ্টি সেদিকে আকৃষ্ট করলো। কি যেন একটা আসছে ঝাড়ঝোপের ভিতর দিয়ে—ধীরে, সাবধানে—সেই এলোপাতাড়ি গোলকধাঁধা বেয়ে, ঠিক যেভাবে রেন্সফোর্ড এসেছিল। ডালের উপর চ্যাপ্টা হয়ে শুয়ে পড়ে সে পাতায় বোনা প্রায় কার্পেটের মত পুরু আড়াল থেকে তীক্ষ্ণ দৃষ্টিতে তাকিয়ে রইল। যে বস্তু আসছিল সে মানুষ।

জেনারেল জারফ! সর্ব চৈতন্য কেন্দ্রীভূত করে, গভীরতম মনোযোগের সঙ্গে তিনি এগিয়ে আসছিলেন। প্রায় ঠিক গাছটির সামনে তিনি দাঁড়ালেন, তার পর মাটিতে হাঁটু গোড়ে জমিটা খুঁটিয়ে খুঁটিয়ে পর্যবেক্ষণ করতে লাগলেন। কিছুমাত্র চিন্তা না করে রেন্সফোর্ডের প্রথম রোখ চেপেছিল নেকডের মত ঝাঁপিয়ে পড়ার কিন্তু সঙ্গে সঙ্গে সে লক্ষ্য করলো জেনাবেলের ডান হাতে ধাতুর তৈরী কি একটা বস্তু—ছোট্ট একটি অটোম্যাটিক পিস্তল।

শিকারী কয়েকবার মাথা নাড়লেন, যেন তিনি দ্বন্দ্ব পড়েছেন। তার পর সটান খাড়া হয়ে দাঁড়িয়ে কেস্ থেকে তাঁব কালো একটা সিগারেট বের করলেন; তার তীব্র সুগন্ধ ভেসে উঠে বেন্সফোর্ডের নাকে পৌঁছিল।

রেন্সফোর্ড দম বন্ধ কবে রইল!

জেনারেলের চোখ তখন মাটি ছেড়ে ইঞ্চি ইঞ্চি গাছের গুঁড়ি বেয়ে উপরের দিকে উঠছে। রেন্সফোর্ড বরফের মত জমে গিয়েছে, তার সব কটা মাংস-পেশী লাফিয়ে পড়ার জন্য টনটন করছে। কিন্তু যে ডালটার উপর রেন্সফোর্ড শুয়েছিল ঠিক সেখানে পৌঁছবার পূর্বে শিকারীর তীক্ষ্ণ দৃষ্টি থেমে গেল। তার রোদে পোড়া মুখে দেখা দিল স্মিত হাস্য। যেন অতিশয় সূচিস্তিতভাবে তিনি খুঁয়োর একটা রিং উপরের দিকে উড়িয়ে দিলেন; তারপর গাছটার দিকে পিছন ফিরে তাকিল্যোর সঙ্গে যে পথ দিয়ে এসেছিলেন সেই পথেই ফিরে চললেন। ঘাস-পাতার উপর তাঁর শিকারের বুটের খসখস শব্দ ক্ষীণ হতে ক্ষীণতর হতে লাগলো।

ফুসফুসের ভিতবে রেন্সফোর্ডের বন্ধ প্রশ্বাস উগ্র বিস্ফোরণের মত ফেটে বেরুলো। তার মনে প্রথম যে চিন্তার উদয় হল সেটা তাকে ক্লিষ্ট, অবশ করে দিল। শিকার যেটুকু সামান্যতম চিহ্ন রেখে যেতে বাধ্য হয় জেনারেল সেই খেই ধবে বাতের অন্ধকারে বনের ভিতর এগুতে জানেন; তিনি ভূতুড়ে শক্তি ধরেন। সামান্যতম দৈববশে কসাক তাঁর শিকার এবার দেখতে অক্ষম হয়েছেন।

রেন্সফোর্ডের দ্বিতীয় চিন্তা বীভৎসতর রূপে উদয় হল। সে কুচিন্তা তার সর্বসত্তার ভিতর মরণেব হিমের কাঁপন তুলে দিল। জেনারেল মৃদু হাস্য করলেন কেন? তিনি ফিরে চলে গেলেন কেন?

তার সুস্থ বিচার-বুদ্ধি তাকে যে কথা বলছিল রেন্সফোর্ড সে-সত্য বিশ্বাস করতে চাইল না—অথচ ঠিক সেই সময় প্রভাত-সূর্য যে রকম কুয়াশা ভেদ করে বেরিয়ে এসেছিল সে সত্য ঠিক ঐ বকমই প্রত্যক্ষ। জেনাবেল তাঁর সঙ্গে শিকার খেলা খেলছেন! আরেক দিনের শিকার খেলাব জন্য জেনাবেল তাঁকে বাঁচিয়ে রাখছেন! কসাকই বেরাল;

সে ইঁদুর। মৃত্যুর আতঙ্ক তার পরিপূর্ণ অর্থ নিয়ে এই প্রথম রেন্সফোর্ডের কাছে আত্মপ্রকাশ করলো।

‘আমি আত্মকর্তৃত্ব হাবাবো না, কিছতেই না।’

সে গাছ থেকে পিছলে নেমে আবার ঘন বনের ভিতর ঢুকলো। তার মুখ তার দৃঢ় প্রতিজ্ঞায় কঠিন এবং সে তার মস্তিষ্কযন্ত্র সবলে পূর্ণোদ্যমে কাজে লাগিয়ে দিল। প্রায় তিনশ গজ দূরে সে বিরাট একটা মরাগাছের গুঁড়ির সামনে দাঁড়াল। সেটা বিপজ্জনক ভাবে পড়ো-পড়ো হয়ে একটা ছোট জ্যাস্ত গাছের উপর হেলান দিয়ে দাঁড়িয়ে ছিল। রেন্সফোর্ড তার খাবারের ব্যাগ মাটিতে ফেলে দিয়ে খাপ থেকে শিকারের ছোরা বের কবে পূর্ণোদ্যমে কাজে লেগে গেল।

অনেকক্ষণ পরে কর্ম সমাপ্ত হল। শ’ফুট খানেক দূরে একটা শুকনো কাঠের গুঁড়ি পড়ে ছিল। রেন্সফোর্ড তার আড়ালে লম্বা হয়ে শুয়ে পড়ল। তাকে বেশীক্ষণ অপেক্ষা করতে হল না। বেরালটা ঐ তো আবার আসছে, ইঁদুরের সঙ্গে খেলবে বলে!

ডালকুত্তার মত দ্বিধাহীন প্রত্যয় নিয়ে জেনারেল জারফ আসছেন রেন্সফোর্ডের খেই ধরে ধরে। তাঁর সদাসম্বানী কালো চোখকে কিছই এড়িয়ে যেতে পারে না—একটি মাত্র খেতলে যাওয়া ঘাসের পাতা না, বঁকে যাওয়া ছোট্ট ডালের টুকবোটি না, শ্যাওলার উপর ক্ষীণতম চিহ্নটি না—হোক না সে যতই ক্ষীণ। সম্বান খুঁজে খুঁজে এগুতে গিয়ে জেনাবেল এতই নিমগ্ন ছিলেন যে বেন্সফোর্ড তাঁর জন্য যে জিনিসটি তৈরী করেছিল সেটা না দেখাব পূর্বেই তাব উপরে এসে পড়লেন। তাঁর পা পড়লো সামনে—এগিয়ে-পড়া একটা ঝোপের উপর—এইটেই বেন্সফোর্ডের পাতা ফাঁদেব হ্যাঁড়িল। কিন্তু তাঁর পা ঐটে ছোঁয়া মাত্রই জেনাবেলের চৈতন্যে বিপদের পূর্বাভাস চমক মারলো—সঙ্গে সঙ্গে ক্ষিপ্র বানরের মত তিনি তড়িৎ বেগে পিছনের দিকে লাফ দিলেন। কিন্তু যতখানি ক্ষিপ্র হওয়ার প্রয়োজন ছিল ঠিক ততখানি হননি; কাটা জ্যাস্ত গাছের উপর সন্তর্পণে রাখা মরা গাছটা মড়মড়িয়ে পড়ার সময় জেনারেলের ঘাড়ের উপর মাঝলো ট্যাঁবচা ঘা। জেনারেলের ক্ষিপ্র বিদ্যুৎগতি না থাকলে তিনি গাছের তলায় নিঃসন্দেহে গুঁড়িয়ে যেতেন। টাল খেয়ে তিনি টলতে লাগলেন বটে কিন্তু মাটিতে পড়লেন না; এবং পিস্তলটিও হস্তচ্যুত হল না। সেখানে দাঁড়িয়ে দাঁড়িয়ে জখমী ঘাড়টাতে হাত ঘষতে লাগলেন। রেন্সফোর্ডের বুকটাকে সেই ভীতি আবার পাকড়ে ধরেছে, সে শুনতে পেল জেনারেলের ব্যঙ্গ-হাস্য জঙ্গলেব ভিতব খলখলিয়ে উঠছে।

তিনি যেন ডেকে বললেন,—‘বেন্সফোর্ড, আপনি যদি আমার কণ্ঠস্বরের পান্নাব ভিতরে থাকেন—এবং আমাব বিশ্বাস আছেন, তবে আপনাকে আমার অভিনন্দন জানাই। মালয় দেশের মানুষ ধবাব ফাঁদ খুব বেশী লোক বানাতে জানে না। কিন্তু আমার কপাল ভালো যে আমিও মালাক্কাতে শিকাব করেছি। আপনি সত্যি এখন আমার কাছে চিন্তাকর্ষক হয়ে উঠছেন। আমি এখন আমাব জখমটাকে পট্টি বাঁধতে চললুম; জখমটা সামান্যই। কিন্তু আমি ফিরে আসছি। আমি ফিরে আসছি।’

জেনাবেল যখন তাঁর ছড়ে-যাওয়া ঘাড়ে হাত বুলোতে বুলোতে চলে গেলেন তখন রেন্সফোর্ড আবার আরম্ভ কবলো তার পলায়ন। এবারে সত্যাকার পলায়ন—আশাহীন, জীবনমবণের পলায়ন, এবং সে পলায়ন চললো কয়েক ঘণ্টা ধবে। গোধুলির আলো

নেমে এল, তার পর অন্ধকার হল, তবু তার অগ্রগতি বন্ধ হল না। পায়ের নিচের মাটি তখন নরম হতে আবস্ত করেছে, গুম্বলতা ঘনতর নিবিড়তর হতে লাগলো, পোকাগুলোও ভীষণভাবে তাকে কামড়াতে আরম্ভ করেছে। তার পর আরেকটু এগুতেই তার পা জলা মাটিতে ঢুকে বসে গেল। সে তার পা-টা মুচড়ে টেনে বের করবার চেষ্টা করলো কিন্তু সেই চোরা-কাদা বিরাট জোঁকের মত তার পা পাশবিক শক্তির সঙ্গে শুষতে লাগলো। প্রচন্ড শক্তি প্রয়োগ করে রেন্সফর্ড তার পা-খানা মুক্ত করলো। সে তখন বুঝতে পেরেছে, কোথায় এসে পৌঁচেছে! এ সেই 'মরণ-জলা' তার চোরাবালি নিয়ে।

তার হাত দুটি তখন মুষ্টিবদ্ধ। যেন তার বিচারবুদ্ধির সুস্থ স্নায়ুবল ধরা-হোঁয়ার জিনিস এবং সেইটাকে অন্ধকারে কে যেন তার কজ্জা থেকে ছিনিয়ে নেবার চেষ্টা করছে। কিন্তু ঐ থলথলে মাটি তার মনে এক নূতন কৌশল এনে দিল। চোরাবালির থেকে ডজনখানেক ফুট পিছিয়ে গিয়ে যেন কোনো আদিম অন্ধকার যুগের মৃত্তিকা খননদক্ষ বিরাট বীভারের মত সে মাটি খুঁড়তে লাগলো।

ফ্রাঙ্কে যুদ্ধের সময় মাটি খুঁড়ে রেন্সফর্ড ট্রেঞ্চের ভিতর আশ্রয় নিয়েছে—তখন এক সেকেন্ডের বিলম্ব হওয়ার অর্থ ছিল মৃত্যু। তখনকার মৃত্তিকাখনন এর তুলনায় তার কাছে গদাইলস্করী চালের খেলাধুলো বলে মনে হল। গর্তটা গভীর হতে গভীরতর হতে লাগলো; যখন সেটা তার ঘাড়ের চেয়েও গভীর হল তখন সেটার থেকে বেয়ে উঠে কতকগুলো শক্ত গাছের চারা কেটে ডগাগুলো সূচাগ্র তীক্ষ্ণ করে বানালো বর্ষাব মত করে। ডগাগুলো উপরমুখো করে সেগুলো সে পুতে দিল গর্তের তলাতে। আগাছা আর ছোট ছোট ডাল নিয়ে দ্রুত হস্তে একটা এবড়ো-খেবড়ো কার্পেটের মত করে বুনলো এবং সেটা গর্তের উপর পেতে মুখটা বন্ধ করে দিল। ঘামে জ্বজ্ববে ভেজা ক্লাস্তিতে অবসন্ন শরীর নিয়ে সে গুঁড়ি মেরে বসলো একটা বাজে পোড়া গাছের গুঁড়ির পিছনে।

সে বুঝতে পেরেছে তাব তাড়নাকারী আসছে; নরম মাটির উপর পায়ের থপ থপ শব্দ শুনতে পেয়েছে এবং রাত্রের মৃদু বাতাস জেনারেলের সিগারেট-সৌরভ তার কাছে নিয়ে এসেছে। তার মনে হল যেন জেনারেল অস্বাভাবিক দ্রুতগতিতে এগিয়ে আসছেন; আগের মত এক ফুট এক ফুট করে সমঝে-বুঝে আসছেন না। যেখানে গুঁড়ি মেরে রেন্সফর্ড বসে ছিল সেখান থেকে সে জেনারেল বা গর্তটা কোন কিছুই দেখতে পাচ্ছিল না। প্রত্যেকটি মিনিট যেন তার কাছে এক একটা বছরের আয়ুষ্কাল বলে প্রতীয়মান হচ্ছিল। তার পর হঠাৎ সে উল্লাসভাবে সানন্দে চীৎকার করতে যাচ্ছিল—কারণ সে শুনতে পেয়েছে মড়মড় করে গর্তের ঢাকনা ভেঙে নিচে পড়ে গিয়েছে; ধারালো কাঠের ডগাতে পড়ে কে যেন বেদনার তীক্ষ্ণ আর্দ্রব ছেড়েছে। তার লুকানো জায়গা থেকে সে লাফ দিয়ে উঠেছে কিন্তু সঙ্গে সঙ্গে সে মুষড়ে গিয়ে পিছু হটলো। গর্ত থেকে তিন ফুট দূরে একজন মানুষ ইলেকট্রিক টর্চ হাতে নিয়ে দাঁড়িয়ে আছে। জেনারেলের কণ্ঠস্বর শোনা গেল। 'শাবাশ রেন্সফর্ড, তোমার বর্মা-পদ্ধতিতে তৈরী গর্তটা আমার সবচেয়ে সেরা কুকুরদের একটাকে গ্রাস করেছে। আবার তুমি জিতলে। এবার দেখবো মিস্টার রেন্সফর্ড, তুমি আমার পুরো পাল কুকুরের বিরুদ্ধে কি করতে পার। আমি এখন বাড়ি চললুম একটু বিশ্রাম করতে। ভারি আমোদে কাটলো সন্ধ্যাটা—তার জন্য অসংখ্য ধন্যবাদ।'

জলাভূমির কাছে শুয়ে রাত কাটানোর পর ভোরবেলা তার ঘুম ভাঙল এমন একটা শব্দ শুনে যেটা তাকে বুঝিয়ে দিল যে ভয় বলতে কি বোঝায় সে সম্বন্ধে এখনো তার নূতন কিছু শেখবার আছে। শব্দটা আসছিল দূর থেকে—ক্ষীণ এবং ভাসা ভাসা। এক পাল কুকুরের চিৎকার।

রেন্সফোর্ড জানতো, সে দুটোর একটা করতে পারে। যেখানে আছে সেখানেই থেকে অপেক্ষা করা। সেটা আত্মহত্যার সামিল। কিংবা সে ছুট লাগাতে পারে। সেটা হবে অবধারিতকে মূলত্বী করা। এক মুহূর্তের তরে সে দাঁড়িয়ে চিন্তা করলো। তার মাথায় যা এল সেটা সফল হওয়ার সম্ভাবনা অতিশয় ক্ষীণ। কোমরের বেণ্ট শক্ত করে নিয়ে সে জলাভূমি ত্যাগ করলো।

কুকুরগুলোর চিৎকার আরও কাছে আসছে, তারপর আরও কাছে, তার চেয়েও আরও কাছে। পাহাড়ের খাড়াইয়ের উপরে একটা গাছে চড়ে রেন্সফোর্ড দেখতে পেল, একটি জলধারার পোয়াটাক মাইল দূরে একটা ঝোপ নড়ছে। চোখ যতদূর সম্ভব পারে টাটিয়ে দেখতে পেল জেনারেলের একহারা শরীর আর তার সামনে আরেকজনের বিশাল স্বচ্ছ জঙ্গলের উঁচু বোনো ঘাস ঠেলে ঠেলে এগুচ্ছে। এ সেই নরদানব ইভান। তাকে যেন কোন্ অদৃশ্য শক্তি টেনে টেনে এগিয়ে নিয়ে চলেছে; রেন্সফোর্ডের বুঝতে কোনো অসুবিধা হল না সে কুকুরগুলোর চেন হাতে ধরে রেখেছে।

যে কোনো মুহূর্তে তারা তার ঘাড়ে এসে পড়বে। তার মগজ তখন ক্ষিপ্ত-বেগে চিন্তা করছে। ইউগাভায় শেখা গ্রামবাসীদের একটা ফন্দি তার মনে এল। গাছ থেকে নেমে এসে সে একটা লিকলিকে চারাগাছের সঙ্গে তার শিকারের ছোরাটার ডগা নিচের দিকে মুখ করে বাঁধলে সে যে-পথ দিয়ে এসেছে তার ঠিক উপরে; সর্বশেষে চারাগাছটাকে লতা দিয়ে ধনুর মত বাঁকিয়ে পিছনদিকে বাঁধলো। তারপর সে দিল প্রাণপণ ছুট। কুকুরগুলো ইতিমধ্যে আবার তার গন্ধ পেয়ে চিৎকার করে উঠেছে তীব্রতর স্বরে। এইবারে রেন্সফোর্ড হৃদযন্ত্রম করলো, কোণ-ঠাসা শিকারের বৃকে কোন্ অনুভূতি জাগে।

দম নেবার জন্য তাকে থামতে হল। হঠাৎ কুকুরগুলোর চিৎকার থেমে গেল এবং সঙ্গে সঙ্গে রেন্সফোর্ডের হৃদস্পন্দনও যেন থেমে গেল। তাহলে তারা নিশ্চয়ই ছোরা পর্যন্ত পৌঁছে গিয়েছে।

রেন্সফোর্ড উত্তেজনার চোটে চড়চড় করে একটা গাছে উঠে পিছনপানে তাকালো। তার তাড়নাকারীরা তখন দাঁড়িয়ে গেছে। কিন্তু গাছে চড়ার সময় রেন্সফোর্ড তার হৃদয়ে যে আশা পুবেছিল সেটা লোপ গেল; সে দেখতে পেল শুকনো উপত্যকার উপর জেনারেল জারফ আপন পায়ের উপরই দাঁড়িয়ে আছেন। কিন্তু ইভান নয়। জ্যা মুক্ত চারাগাছের আঘাতে ছোরাটা সম্পূর্ণ নিষ্ফলকাম হয়নি।

রেন্সফোর্ড হুমড়ি খেয়ে মাটিতে পড়তে না পড়তে কুকুরগুলো আবার চিৎকার করে উঠলো।

আবার দৌড়তে আরম্ভ করে হাঁপাতে হাঁপাতে সে বলছে, 'মাথা ঠাণ্ডা রাখতে হবে, হবে, হবে।' একদম সামনে, গাছগুলোর ফাঁকে দেখা দিয়েছে এক ফালি নীলরঙের ফাঁকা। রেন্সফোর্ড প্রাণপণ ছুটলো সেদিকপানে। পৌছল সেখানে। সেটা সমুদ্রের পাড়। সমুদ্র সেখানে খানিকটে ঢুকে গিয়ে ছোট্ট উপসাগরের মত আকার ধরেছে। রেন্সফোর্ড তারই

ওপারে দেখতে পেলো বিষয় পাঁচটে পাথরের তৈরী জেনারেলের শাটো। রেন্সফোর্ডের পায়ের বিশ ফুট নিচে সমুদ্র গজরাচ্ছে আর ফৌস ফৌস করছে। রেন্সফোর্ড দোটানায়। ওনতে পেল কুকুরগুলোর চিংকার। লাফ দিয়ে পড়ল দূরে, সমুদ্রে।

জেনারেল আর তাঁব কুকুরের পাল সে জায়গায় পৌঁছলে পর তিনি সেখানে থামলেন। কয়েক মিনিটের তরে ডাকিয়ে রইলেন নীলসবুজ বিস্তীর্ণ জলরাশির দিকে। ঘাড়ের কাঁকুনি দিয়ে 'বাকগে' ভাব প্রকাশ করলেন। তার পর মাটিতে বসে রূপোর ফ্লাস্ক থেকে ব্র্যান্ডি খেয়ে সুগন্ধি সিগারেট ধরিয়ে 'মাদাম বাটারফ্লাই' গীতিনাট্য থেকে খানিকটা গান গুনগুন করে গাইলেন।

সে রাতে তাঁর কাঠের আস্তরওলা বিরাট ডাইনিং হলে জেনারেল জারফ অত্যুৎকৃষ্ট ডিনার খেলেন। সঙ্গে পান করলেন এক বোতল পল রজের আর আধ বোতল শ্যাম্পেরত্যা। দুটি যৎসামান্য বিরক্তিকর ঘটনা তাঁকে পরিপূর্ণ আনন্দ উপভোগে বাধা দিল মাত্র। তার একটা, ইভানের স্থলে অন্য লোক পাওয়া কঠিন হবে এবং অন্যটা, তাঁর শিকার হাতছাড়া হয়ে গেল বলে—স্পষ্টই দেখা গেল যে মার্কিনটা আইন মার্কিন শিকারের খেলাটা খেলল না। ডিনারের পর লিকোরে চুমুক দিতে দিতে অস্তিত্ব জেনারেলের তাই মনে হল। আরাম পাবার জন্য তাই তিনি তাঁর লাইব্রেরিতে মার্কুস্ আউরেলিয়ুসের রচনা পড়লেন। দশটার সময় তিনি শোবার ঘরে চুকলেন। দোরের চাবি দিতে দিতে তিনি আপন মনে বললেন, আজকের ক্লাস্তিটা তাঁর বড় আরামের ক্লাস্তি। সামান্য একটু চাঁদের আলো আসছিল বলে তিনি ব্যতি সুইচ করার পূর্বে জানলার কাছে গিয়ে নিচে আঙিনার দিকে তাকালেন। বিবাট কুস্তগুলোকে দেখে তিনি উচ্চকণ্ঠে বললেন, 'আসছে বারে তোমাদের রূপাল ভালো হবে, আশা করছি।' তার পর তিনি আলো সুইচ করলেন।

বাটের পর্দার আড়ালে যে লোকটা লুকিয়ে ছিল সে সেখানে দাঁড়িয়ে।

জেনারেল চেঁচিয়ে বললেন, 'বেন্সফোর্ড! ভগবানের দেহাই, তুমি এখানে এলে কি করে?'

রেন্সফোর্ড বললে, 'সাঁতরে। আমি দেখলুম, জঙ্গলের ভিতর দিয়ে না এসে এ ভাবেই তাড়াতাড়ি হয়।'

জেনারেল ঢোক গিললেন, তারপব মৃদু হেসে বললেন, 'আমি আপনাকে অভিনন্দন জানাই। আপনি শিকারে ভিত্তেছেন!'

রেন্সফোর্ড স্মিতহাস্য হাসলো না। নিচু স্বরে হিসহিসিয়ে সে বললে, 'আমি এখানে কোশ-ঠাসা শিকারের পণ্ড। তৈরী হোন, জেনারেল জারফ!'

জেনারেল যে ভাবে নিচু হয়ে বাণ করলেন সেটা তাঁব গভীরতম বাণয়ের একটি। বললেন, 'তাই নাকি? চমৎকার! আমাদের একজনকে কুণ্ডাওলোর খানা স্থতে হবে। অন্যজন ধুমুবে এই অতি উৎকৃষ্ট শয্যায়। এসো রেন্সফোর্ড, ধাঁসার...'

রেন্সফোর্ড সিদ্ধান্ত করলো, এর চেয়ে ভাল বিজ্ঞানায় সে কখনো ঘুমোয় নি।*

* বিদেশী গল্পের অনুবাদ

অপর্ণার পারণা বা স্যালাড

বাসনা ছিল দু-একটি গাল-গল্প বলার পর যখন আসর খানিকটা ওম পেয়েছে তখন এই লেখাটিতে হাত দেব কিন্তু হিসেব করে দেখি সে আর হয় না। স্যালাড পাতা বাজারে ফুরিয়ে যাওয়ার পর এ লেখা বেরলে কে আর সেটি ন'মাস বাঁচিয়ে রাখবে? এমন কি মনে হচ্ছে এমনিতেই বোধ হয় কিঞ্চিৎ দেবি হয়ে গেল। অবশ্য কলকাতা এবং হিলস্টেশনে যাঁরা থাকেন তাঁদের কথা আলাদা।

স্যালাড শব্দের মূল অর্থ 'নোনতা' কিন্তু এখন শব্দটি অন্য নানা অর্থে ব্যবহৃত হয়। প্রধানত কাঁচা পাতা খাওয়ার অর্থে। তাই আমি যখন কোনো ইওরোপীয়কে পান দি, তখন বলি, 'হ্যাড্ সাম নেটিভ স্যালাড'—অবশ্য তাবা পান বলতে সেটাকে স্যালাডের ভিতর ধরেনি।

স্যালাড বললে দেশে-বিদেশে প্রধানত লেটিস (ইংবেজিতে বানান lettuce কিন্তু উচ্চারণ লেটিস) স্যালাডই বোঝায়। তাব নানা জাত-বর্ণ আছে কিন্তু এদেশে প্রধানত হেড্ এবং লীফ্ এই ধরনেরই বেওয়াজ বেশী। হেড্ অর্থাৎ মাথা—এ লেটিস দেখতে অনেকটা বাঁধাকপিব মত। আব লীফ্ স্যালাডে থাকে শুধু পাতা। দুটোবই বাইরের দিকেব পাতাগুলো পুরু এবং তেতো বলে সেগুলো ছিঁড়ে ফেলে ভেতরের নরম বস্তু কাজে লাগাতে হয়। আর যদি আপন বগানে লীফ্ ফলিয়ে থাকেন তবে সূর্য ওঠবাব সময়—আগে হলে আবও ভাল—প্রয়োজন মত যে কটি পাতা দবকাব সেগুলো ভিন্ন ভিন্ন লেটিসেব ভিতবকাব দিক থেকে ছিঁড়ে তুলে নেনেন (ভিন্ন ভিন্ন লেটিসে সে-সব জায়গায় আবার নূতন কটি পাতা গজাবে, বাইরের দিকে যে পাতাগুলো ছেঁড়েননি সেগুলোর নিরাপদ আশ্রয়ে)। কেউ কেউ বলেন স্যালাড তৈরী কবা পর্যন্ত পাতাগুলো ভিজিয়ে বাখতে, আমি বলি ভিজ়ে ন্যাকড়় দিয়ে জড়়িয়ে রাখতে।

অমলেট, মাছভাজা যেমন বেশী আগে তৈরী কবে রাখা হয় না, স্যালাডও তেমনি খেতে বসাব যত অল্পক্ষণ আগে করা যায় ততই ভালো; না হলে পাতাগুলো সব নেতিয়ে একাকার হয়ে যায়।

সবচেয়ে ঘরোয়া আটপৌবে স্যালাড কি করে বানাতে হয় তারই বর্ণনা দিচ্ছি। এটা বানাতে যেসব মাল-মসলা লাগে সেগুলো আপনাব তাঁড়ার আর সব্জির ঝুড়িতেই আছে—আপনাকে শুধু কিছু লেটিস পাতা কিনে আনতে হবে। আপনাব যদি স্যালাড সম্বন্ধে অল্পবিস্তব জ্ঞানগমি থাকে তবে আপনি এখানেই তাঁর কষ্টে আপত্তি জানিয়ে বলবেন, 'কিন্তু অর্লিভ ওয়েল?—সে তো আমাদেব তাঁড়ারে থাকে না!' দাঁড়ান বলছি, ওটা বড্ড আক্রা জিনিস—এমন কি খাজা ভেজালটাও কম আক্রা নয়। সেকথা পরে আসছে।

বাজার কিংবা বাগান থেকে লেটিস পাতা এনে তাব বাইরের পাতাগুলো ছিঁড়ে ফেলে দেবেন। প্রশ্ন উঠতে পারে, বাইরের কটা পাতা? যত বেশী ফেলবেন, ভেতরের কটি পাতাব গুণে স্যালাড তত সুস্বাদু হবে, কিন্তু তা হলে তো পরিমাণ এত কমে যাবে যে খবচায় পোষাবে না। অতএব আপনাকে চিন্তা কবে স্থিব কবতে হবে, বাইরের কটা পাতা

ফেলে দেবেন। এ ব্যাপারে পাকা গিল্লীর মত বজ্ঞ বেশী কঞ্জুসি করবেন না, কাবণ লেটিস অতিশয় সস্তা জিনিস।

ভিতরের যে পাতাগুলো বাছাই করে নিলেন সেগুলো অতি সযত্নে ধুয়ে নেবেন। ধোয়ার একমাত্র উদ্দেশ্য ওগুলো থেকে ধুলোবাগি ছাড়ানো—আর কিছু নয়। তার পর পাতাগুলো হাত দিয়ে টুকরো টুকরো ছিঁড়ে নেবেন, এই মনে করুন টুকরোগুলো যেন তিন ইঞ্চির মত লম্বা হয়। কিন্তু সাবধান! বাঁটি দিয়ে কাটবেন না। যে জিনিস কাঁচা খাওয়া হয় সেগুলো লোহা দিয়ে কাটা উচিত নয়—এ তো জানা কথা। স্টেনলেস স্টিলের ছুরি অবশ্য ব্যবহার করতে পারেন—অথবা যাকে বলা হয় ফুট নাইফ বা ফল কাটার ছুরি। কিংবা বিনুক, কিংবা বাঁশের ছিলকে দিয়ে। কাঁচা আম মা-মাসীরা যে পদ্ধতিতে কাটেন—বাংলা কথা। কিন্তু লেটিসের পাতা ছিঁড়বেন হাত দিয়েই। ওগুলো দরকার হবে পরের জিনিসগুলো কাটবার জন্য।

এইবারে ছেঁড়া পাতাগুলো চিনেমাটির কিংবা শুধু মাটির চ্যাপ্টা থালাতে রাখুন। কাঁসা বা পেতল সম্পূর্ণ বজ্ঞনীয়। কারণ এতে নেবুর রস আসবে। সবচেয়ে ভালো হয়, ময়দা ছাঁকার ছাঁকনির উপর রাখলে। তাহলে পাতার গায়ের জল ঝরে পড়ে পাতাগুলো ফের শুকনো হয়ে যায়।

তার পর মোটা সাদা পেঁয়াজ চাকতি চাকতি করে কাটুন। টমাটো, শসাও চাকতি চাকতি করুন। ছোট ছোট নরম লাল মুলো কিংবা খুব নরম সাধারণ মুলোও চাকতি চাকতি করে দিতে পারেন। কাঁচা লঙ্কাও কুচি কুচি করে দেবেন, যদি বাড়িব লোক কাঁচালঙ্কার ঝাল পছন্দ করেন।

এইভাবে সব-কিছু—অর্থাৎ লেটিসের ছেঁড়া পাতা ও ওগুলো—একসঙ্গে রাখুন। তার উপর সরষের তেল ঢালুন। হ্যাঁ, হ্যাঁ, সরষের তেল, যে তেল দিয়ে আমরা তেল-মুড়ি খাই। আপনি বলবেন, ‘অলিভ তেলের কি হল?’ উত্তরে নিবেদন, স্যালাড বানাবার সময় মার্কিন-ইওরোপীয় বিশেষ করে ফরাসীরা মাস্টার্ড পাউডার অর্থাৎ সর্ষেগুঁড়ো অলিভ ওয়েলের সঙ্গে মিশিয়ে নেয়, কিংবা আগেভাগে সর্ষেগুঁড়ো জলেব সঙ্গে খুব পাতলা করে মিশিয়ে তার সঙ্গে লেটিস পাতা মাখিয়ে নেয়। অলিভ ওয়েলেব আপন গন্ধ ও স্বাদ খুব কম। তাব সঙ্গে সর্ষেগুঁড়ো মেশালে ফলে তো সর্ষের তেলই দাঁড়ালো—অবশ্য আমাদের সর্ষের তেলের ঝাঁজ এবং ধক তাতে থাকবে না। অবাঙালী সর্ষের তেলের ঝাঁজ সইতে পারে না বলেই ‘অলিভ ওয়েল’ কবে। আমরা যখন ঐটেই পছন্দ করি তবে সর্ষে তেল দিয়ে স্যালাড বানাবো না কেন? আমি নিজে তো পুরনো আচারেব মজা সর্ষের তেলই ব্যবহার করি।

সর্ষের তেলে সব কিছু আলতো আলতো করে মাখিয়ে নেওয়ার পর তাব উপরে ঢালবেন পাতি বা কাগজী নেবুর রস। নুন। সব কিছু ফের আলতো আলতো করে মাখুন। ব্যস্—স্যালাড তৈরী।

নেবুর রসের বদলে অনেকেই ভিনিগার বা সিরকা দেয়। তার কারণ ইয়োরোপে ঐ ভিনিগার ছাড়া অন্য কোন টক বস্তু নেই। নেবুর রসের বদলে যদি ভিনিগার ব্যবহার করেন তবে সেটা জল দিয়ে ডাইলুট অর্থাৎ কমতেজ করে নেবেন।

প্রশ্নটা, কতখানি লেটিসের সঙ্গে কতখানি পেঁয়াজ, টমাটো, শসা, তেল, নেবুর রস

দেব? এর উত্তর দেওয়া কঠিন। তবে মনে রাখা উচিত, লেটিস পাতাই হবে প্রধান জিনিস, সেই যেন বাকি সব জিনিসের উপর প্রাধান্য করে। পাতাগুলো তেলতেলে হওয়ার মত তেলে মাখানো হবে, কিন্তু জবজবে যেন না হয়। নেবুর রস তেলের এক সিকি ভাগের মত। বেশী টকটক যেন মনে না হয়; এবং খাবার সময় লেটিস পাতা যেন আর পাঁচটা জিনিসের চাপে আপন স্বাদ না হারায়।

এ স্যালাড অন্য পাঁচটা জিনিসের সঙ্গে খেতে হয়। অর্থাৎ ডাল-ভাত, ভাত-ঝোল, ভাত-মাংস, এক গ্রাস মুখে দেবার পর খানিকটা স্যালাড মুখে নিয়ে একসঙ্গে চিবাবেন। স্বাধীন পদ হিসাবে যে স্যালাড খাওয়া হয় সেটাতে মাছ, মাংস কিংবা ডিম থাকে, এবং মায়োনেজ দিয়েই তৈরী করা হয়। (ডিমের হল্‌দে ভাগের সঙ্গে তেল সিরকা দিয়ে মেখে মেখে সেটা তৈরী করতে হয়; বড্ড খুঁটিনাটি বলে বাজারে তৈরী মায়োনেজ বোতলে পাওয়া যায়, টমাটো সসেরই মত, যদিও ইটালিয়ানরা প্রতিদিন তাজা টমাটো সস বাড়িতেই বানায়, আমরা যে রকম বাজারের কারি পাউডার না কিনে নিজেরাই হরেক জিনিস বেটে-গুলে রান্নায় ব্যবহার কবি।) সে-সব স্বাধীন পদের স্যালাড বানাতে এটা ওটা সেটা এবং সময়ও লাগে বেশী—তদুপরি সবচেয়ে বড় কথা বাঙালী রান্নার আর তিনটে পদের সঙ্গে ওটা ঠিক খাপ খায় না।

অনেকে আবার তেল-নেবুর রস ব্যবহার না করে লেটিসপাতা-টমাটো-পঁাজ সব-কিছু টক দইয়ে মেখে নেন, উপরে গোলমরিচের গুঁড়ো ছিটিয়ে দেন। আমার তো ভালোই লাগে।

কাবুলীরা ব্যতায়। তারা শুধু লেটিস পাতা এক ঠোঙ্গা মধুতে গুত্তা মেরে খেয়ে চলে রাস্তায় যেতে যেতে।

আমাদের দেশে শীতকালেও রোদ কড়া বলে লেটিস ভালো হয় না। তাই এদেশে লেটিস ফলাতে জানেন অল্প লোকই। লেটিস ক্ষেত যেন দিনে অল্পক্ষণের জন্য পুণের বোদ পায়, সার যেন বেশী না দেওয়া হয় এবং জল সেচের পরিমাণও নির্ণয় করা কঠিন। মোট কথা, লেটিস যেন বড্ড বেশী প্রাণবন্ত না হয়। তাকে যেন খানিকটে জীবন্ত রাখা হয়। লেটিস পাতা পান ও তামাক পাতার মতই বড় ডেলিকোট লাজুক কোমল প্রাণ। তাই আমার মাঝে মাঝে মনে হয় বরজেব মত কোনো একটা ব্যবস্থা করে লেটিস ফলিয়ে দেখলে হয়।

এখন সর্বশেষ প্রশ্ন, আমি স্যালাড নিয়ে অত পাঁচ কাহন লিখছি কেন?

প্রথম : স্যালাড জিনিসটা স্বাস্থ্যের পক্ষে ভালো। যে-কোনো ডাক্তারকে শুধোতে পাবেন।

দ্বিতীয় : বাঙালী গরীব জাত। লেটিস সস্তা এবং স্যালাড বানাতে আর যে-সব জিনিস লাগে সেগুলো বাঙালীর ঘরে ঘরে কিছু-না-কিছু থাকে। প্রত্যেককে এক বাটি স্যালাড দিতে খর্চা তেমন কিছুই নয়। ডাল ভাত মাছ খাওয়ার সঙ্গে সঙ্গে প্রতি গ্রাস কিংবা দ্বিতীয় তৃতীয় গ্রাসে কিছুটা স্যালাড খেলে ঐ দিয়ে পেটের কিছুটা ভরে। একটা হাফ-পদও হল। পরে যদি স্যালাডে আপনার রুচি জন্মে যায় তবে আপনি তার পরিমাণ বাড়িয়ে পেটের আরও বেশী ভরাতে পারবেন।

তৃতীয় : স্যালাড এক্সপেরিমেন্ট করে করে অনেক কিছু দিয়ে তার পরিমাণ বাড়ানো

যায়। আলুসেদ্ধ চাকতি চাকতি করে (এমন কি আগের রাতের বাসি ঝোলের আলুগুলো তুলে নিয়ে, ধুয়ে, চাকতি চাকতি কবে), মটরগুঁটি সেদ্ধ করে, গাজর বীট ইত্যাদি ইত্যাদি সবকিছুই তাতে দেওয়া যায়। এমন কি ঠাণ্ডা হাফবয়েলড ডিমও চাকতি চাকতি করে দেওয়া যায়—তবে ওটা স্যালাড তৈরী হয়ে যাবার পর সর্বশেষে; নইলে গুঁড়ো গুঁড়ো হয়ে যাবে, অতি আলতো আলতো ভাবে মাখাবার সময়ও। অর্থাৎ বাড়িব কোন কিছু খামকা বরবাদ হয় না। এমন কি আগের রাতের মাছ মাংস দিয়েও স্যালাড কবা যায়—তবে সে অন্য মহাভারত, পদ্ধতি আলাদা।

সর্বশেষে পাঠক এবং বিশেষ করে পাঠিকাকে সাবধান করে দিচ্ছি, স্যালাড এমন কিছু ভয়ঙ্কর সুখাদ্য নয় (দেখতেই পাচ্ছেন, যে-সব মাল দিয়ে স্যালাড তৈরী হয় সেগুলো এমন কিছু মাঝামাঝি মূল্যবান সুখাদ্য নয়) যে আপনি হস্তদস্ত হয়ে স্যালাড তৈরী কবে খেয়ে বলবেন, 'ও হরি! এই মালের জন্য আলী সাহেব এতখানি বকর বকর করলো!'

মনে পড়লো, এক মহিলাকে আমি কথায় কথায় এক বিশেষ ব্র্যান্ডের সাবান ব্যবহার করতে পরামর্শ দিয়েছিলুম। দিন সাতেক পরে তাঁর সঙ্গে বাস্তায় দেখা। নাক সিঁটকে বললেন, 'তা আর এমন কি সাবান!' আমি বললুম, 'ম্যাডাম, আপনি কি আশা করেছিলেন যে ঐ সাবান ব্যবহার করার সাত দিনের মধ্যেই আপনার কর্তা আপনাকে নূতন গয়না গড়িয়ে দেবেন!'—১৪ ক্যারেটের আগেব কথা বলছি।

রবীন্দ্রনাথ ও তাঁর সহকর্মিদ্বয়

রবীন্দ্রনাথের জীবন ও রচনাব উপর দেশী বিদেশী কোন্ কোন্ মহাজন তথা কীর্তিমান লেখক প্রভাব বিস্তার করেছিলেন, সে-বিষয় নিয়ে বাঙলাসাহিত্যে বহু বৎসর ধবে আলোচনা গবেষণা হবে সে বিষয়ে কোনো সন্দেহ নেই। কিন্তু এমনও একাধিক সজ্জন আছেন যাদের সন্ধান রবীন্দ্রনাথের রচনা থেকে অতি সহজে পাওয়া যাবে না, যদিও এঁদের প্রভাব থাক আর ন্য-ই থাক, এঁদের সাহচর্যে যে রবীন্দ্রনাথ উপকৃত হয়েছিলেন সে বিষয়ে সন্দেহ নেই।

যে-একটি বিষয়ে অনুমতি পেলে আমি প্রথমেই বলতে চাই সেটি এই—দীর্ঘ পাঁচ বৎসর ধবে ছাত্রাবস্থায় আমি রবীন্দ্রনাথকে ক্লাস নিতে দেখেছি, সভাস্থলে সভাপতিরূপে, আপন প্রবন্ধ, ছোট গল্প, কবিতা, নাট্যের পাঠকরূপে এবং অন্যান্য নানারূপে তাঁকে দেখেছি। আমার মনের উপর সবচেয়ে বেশী দাগ কেটেছে, গুণীজ্ঞানীর সঙ্গে তাঁব কথোপকথন, কখনো কখনো সূর্যাস্ত থেকে রাত্রি দ্বিপ্রহর পর্যন্ত তর্ক, ভাবের আদান-প্রদান, আলোচনা। কিন্তু, এই সমস্ত আলোচনায় তাঁকে তাঁব সৃজনী সাহিত্যের (ক্রিয়েটিভ লিটারেচারের) আঙ্গিকের (টেকনিকাল দিকের) আলোচনা করতে শুনিনি। যেমন 'বেলা'-র সঙ্গে 'খেলা' মিলের চেয়ে 'পূর্ণিমা সন্ধ্যায়'-এর সঙ্গে 'উদাসী মন ধায়' অনেক ভালো মিল, কিংবা তার চেয়ে অনেক বড় সাধারণতন্ত্র—লিবিিকে কি গুণ থাকলে কবি এমনই শব্দের সঙ্গে শব্দ বসাতে পারেন যার ফলে পাঠক শব্দ অর্থ ধ্বনি সব-কিছু পেরিয়ে অপরূপ নবীন লোকে উপনীত হয়। তাঁর বহু বহু গান শুনে মনে হয়, এই যে অভূতপূর্ব শব্দ সম্মেলন, যার একটি মাত্র শব্দ পরিবর্তন করে অন্য শব্দ প্রয়োগ সম্পূর্ণ অসম্ভব—আর্টে এই পরিপূর্ণ সিদ্ধহস্তের কৃতিত্ব আসে কি প্রকারে? তিনি কোন্ পদ্ধতিতে

এখানে এসে পৌঁছলেন? কিংবা কোনো সুচিন্তিত পূর্ব-পরিকল্পিত পদ্ধতি যদি না থাকে তাকে অন্তত সে পরিপূর্ণতায় পৌঁছবার পক্ষে নূতন নূতন বাঁকে বাঁকে তিনি কি দেখলেন, কি অভিজ্ঞতা সঞ্চয় করলেন?

বিষয়টি আমি খুব পরিষ্কার করে পেশ করতে পারলুম না, কিন্তু আমার মনে ভরসা আছে, যাঁরা শুধু পাঠক নন, কবিতা বা গান সৃষ্টি করেন, তাঁরা আমার বক্তব্যটি অনুমানে অনুভব করে নিয়েছেন।

অবশ্য শুনেছি, পরবর্তী যুগে কবি যখন তথাকথিত ‘আধুনিক’ কবিতার প্রতি আকৃষ্ট হয়ে গল্প-কবিতা লিখতে আরম্ভ করেন তখন নাকি তিনি ঐ নিয়ে বিস্তার আলোচনা তর্ক-বিতর্ক করেন। তার বোধ হয় অন্যতম কারণ, ‘আধুনিক’ কবিতার বহুলাংশে বুদ্ধিবৃত্তির উপর নির্ভর করে বলে তাই নিয়ে আলোচনা করা সহজ; পক্ষান্তরে আমি পূর্বে যে বিষয়ের উল্লেখ করেছি সেটা প্রধানত বুদ্ধির ধরাছোঁয়ার বাইরে।

এমন কি সঙ্গীতের রাগ-রাগিণী, ভিন্ন ভিন্ন সঙ্গীতের ভিন্ন ভিন্ন প্রসাদগুণ এবং ঐ সম্পর্কে অন্যান্য নানা বিষয় তাঁকে আলোচনা করতে শুনেছি কিন্তু তিনি স্বয়ং যে তাঁর গানে শব্দ ও সুরের পরিপূর্ণ সামঞ্জস্যে পৌঁছলেন সেটা কি পদ্ধতিতে হল, তার ক্রমবিকাশের সময় কোন্ কোন্ দ্বন্দ্ব কিংবা সমস্যার সম্মুখীন হতে হয়েছিল সে সম্বন্ধে বিশেষ কোনো আলোচনা করতে শুনি নি। আমি যে পাঁচ বৎসর এখানে ছিলুম, তখন তাঁকে বহু-বহুবাব সঙ্গীতরাজ্য দীনেন্দ্রনাথের সঙ্গে আলাপ-আলোচনা, বোশগল্প করতে শুনেছি, কিন্তু, যেমন মনে করুন, তাঁর প্রথম বয়সের অপেক্ষাকৃত কাঁচা কথাসুরের সম্মিলিত গান থেকে তিনি কি করে নিটোল গানের পরিপূর্ণতায় পৌঁছলেন সে সম্বন্ধে কোনো আলোচনা করতে শুনি নি। স্বর্গত ধূর্তপ্রসাদ এবং শ্রীযুত দিলীপ রায়ের সঙ্গে তিনি সঙ্গীত নিয়ে বিস্তার আলোচনা করেছেন—এবং এখানকার শিক্ষক শাস্ত্রজ্ঞ সুপণ্ডিত ভীমরাও শাস্ত্রীর সঙ্গে তো অহরহই হত—কিন্তু আমি এস্থলে যে বিষয়টির অবতারণা করেছি সেটি হত বলে জানি নে।

এবং এস্থলে আমার যদি ভুলও হয় তাতেও আমার মূল বক্তব্যের কোনো প্রকার ক্ষতিবৃদ্ধি হবে না। আমার মূল বক্তব্য : চিন্তার জগতে রবীন্দ্রনাথ কাদের সঙ্গে বিচরণ করতেন।

রবীন্দ্রনাথের সর্বজ্যেষ্ঠ ভ্রাতা দ্বিজেন্দ্রনাথ পিতার মৃত্যুর প্রায় এক বৎসর পর (১৯০৫/৬) শান্তিনিকেতনে এসে ১৯২৬ খ্রীস্টাব্দে পরলোকগমন পর্যন্ত স্থায়ীভাবে বসবাস করেন। ১৯০১ খ্রীস্টাব্দে ব্রহ্মবিদ্যালয় স্থাপনা করার পর থেকে রবীন্দ্রনাথ এখানেই মোটামুটি পাকাপাকি ভাবে বাস কবেন। সে-যুগে তাঁদের ভিতর কতখানি যোগাযোগ ছিল বলতে পারি না, কিন্তু ১৯২১ থেকে ১৯২৬ পর্যন্ত—অর্থাৎ দ্বিজেন্দ্রনাথের জীবনের শেষ পাঁচ বৎসব দুজন্যে একসঙ্গে বসে দীর্ঘ আলোচনা করতে কখনো দেখিনি। অথচ এ সত্য আমরা খুব ভালো করেই জানি, দ্বিজেন্দ্রনাথের পাণ্ডিত্য, চরিত্রবল তথা বহুমুখী প্রতিভার প্রতি রবীন্দ্রনাথের অতি অবিচল শ্রদ্ধা ছিল এবং জ্যেষ্ঠভ্রাতাও রবীন্দ্রনাথের কবিপ্রতিভাকে অতিশয় সম্মানের চোখে দেখতেন। শুধু তাই নয়, আমি আশ্রমে কিংবদন্তী শুনেছি, দ্বিজেন্দ্রনাথ নাকি একদা এক আশ্রমাচার্যকে বলেন, ‘আমাদের সকলেরই পা পিছলেছে, কিন্তু রবিব কখনো পা পিছলায়নি।’ অবশ্য স্মরণ

রাখা উচিত, রবীন্দ্রনাথ প্রতি উৎসব দিনে, কিংবা বিদেশ থেকে আশ্রমে ফিরলে সেখানে প্রবেশ করা মাত্র জ্যেষ্ঠ ভ্রাতাকে প্রণাম করে আসতেন। সামান্য যে দু-একটি কথাবার্তা হত তা অতিশয় আন্তরিকতার সঙ্গে। তা ছাড়া দ্বিজেন্দ্রনাথ মাঝে মাঝে ছোট্ট একটি কবিতা কিংবা অন্য ঐ ধরনের কোনো-কিছু একটা লিখে কবিকে পাঠিয়ে মতামত জানতে চাইতেন। উচ্ছ্বসিত প্রশংসা ভিন্ন অন্য কিছু রবীন্দ্রনাথকে প্রকাশ করতে শুনিনি।

রেভারেন্ড এড্‌জ ও পিয়ার্সনেব সঙ্গে রবীন্দ্রনাথের হৃদয়তা ছিল একথা সকলেই জানেন। এঁরা দুজনাই জীবনের শেষের ভাগ শান্তিনিকেতনের স্থায়ী বাসিন্দারূপে ছিলেন। তা ছাড়া লেভি, ভিনটারনিংস, তুচ্চি, ফরমীকি, স্টেনকোনো, মর্গ্যানস্টিয়ের্নে, কলিনস্ বগদানফ্ প্রভৃতির সঙ্গে তিনি ভারতীয় তথা পাশ্চাত্য সংস্কৃতি সম্বন্ধে বহু ঘণ্টা, বহু দিনব্যাপী প্রচুর আলোচনা করেছেন, কখনো বা সভাস্থলে (প্রধানত ‘বিশ্বভারতী সাহিত্য-সভায়’), কখনও স্বগৃহের বারান্দায়। আর্ট কি, রস ও অলঙ্কার নিয়ে তিনি সর্বাধিক আলোচনা করেছেন শ্রীমতী স্টেলা ক্রামরিশের সঙ্গে। নন্দলাল স্বল্পভাষী গুণী—বরঞ্চ অসিতকুমারের সঙ্গে ঐ নিয়ে তাঁর মুখের আলোচনা হত বেশী। অবশ্য একথাও স্মরণ রাখা উচিত, আর্ট বলতে রবীন্দ্রনাথ কি বোঝেন নন্দলালই সোটি শুনেছেন বহু বৎসব ধরে এবং সবচেয়ে বেশী। এবং বৃদ্ধ বয়সে রবীন্দ্রনাথ যখন ছবি আঁকতে আরম্ভ করলেন তখন তাঁকে উৎসাহিত করেছেন নন্দলালই। নন্দলালই তাঁকে একাডেমিক আর্টের মরুপথে তাঁর ধারা হারাতে দেননি।

কিন্তু ভারতীয় সংস্কৃতি, ভারতীয় সভ্যতা—ধর্মদর্শন কাব্য অলঙ্কার এ নিয়ে তিনি সবচেয়ে বেশী আলোচনা করেছেন দুটি পণ্ডিতের সঙ্গে : স্বর্গত বিধুশেখর শাস্ত্রী ও ক্ষিতিমোহন সেন। আলোচনা বললে অত্যন্ত কমই বলা হল। রবীন্দ্রনাথের চিন্তার জগতে ঐতিহ্যগত ভারতীয় সংস্কৃতির কতখানি বিরাট জায়গা জুড়ে রেখেছিল সে-কথা আমরা সবাই জানি। বিধুশেখরের ঐ একমাত্র জগৎ। ক্ষিতিমোহন সেন সে-জগতে বাস করলেও দেশের গণধর্মের উৎপত্তি বিকাশের সত্য নির্ণয়ে তাঁর ছিল প্রবল অনুরাগ। এই তিনজনের জীবন এবং রচনাতে বার বার মনে হয়—এঁরা যেন অভিন্ন। অথচ যেন ত্রিমূর্তির তিনটি মুখ দেখছি। যেন বেদের উৎস থেকে তিনটি ধারা বেরিয়ে এসেছে অথচ তিনটি ধারাই আপন আপন পরিপূর্ণ বৈশিষ্ট্য রক্ষা করে অগ্রসর হওয়ার সঙ্গে সঙ্গে ভূগর্ভেও যেন একে অন্যের সঙ্গে যোগসূত্র রক্ষা করেছে। এস্থলে আমি অপরাধ স্বীকার করে নিচ্ছি যে, বিষয়টি আমার পক্ষে সুস্পষ্টভাবে প্রকাশ করা কঠিন, কারণ এঁদের আলোচনা আমি শুনেছি অপরিণত বয়সে ও পরবর্তীকালে এবং আজও আমার সংহিতাজ্ঞান এতই যৎসামান্য যে, ত্রিমূর্তির এই লীলাখেলা আমি প্রধানত অনুভূতি দিয়ে হৃদয়ঙ্গম করেছি, বুদ্ধিবৃত্তি দ্বারা বিশ্লেষণ—গবেষণা দ্বারা নয়। এস্থলে ‘ত্রিধারা’ ‘ত্রিমূর্তি’ বলার সময় আমি স্মরণে রেখেছি যে অনেকেই (যেমন ‘ত্রিবেদী’) চতুর্থ বেদ স্বীকার করেন না।

১ এঁদের ছাড়া আরও বহু পণ্ডিতের নাম করতে হয়। তাঁদেরই একজন কোষকাব স্বর্গত হবিচবণ বন্দ্যোপাধ্যায়। ইনি যৌবনকাল থেকে মৃত্যু পর্যন্ত শান্তিনিকেতনেই বসবাস করেন। অনাজন ভগবদকৃপায় এখনো আমাদের মাঝখানে আছেন। গোখামীরাজ নিত্যানন্দবিনোদ। ইনি ১৯২০/২১ থেকে ১৯৪১ পর্যন্ত রবীন্দ্রনাথের সঙ্গে বিস্তার শাস্ত্রালোচনা করেন।

বিধুশেখর ও ক্ষিত্তিমোহন বাল্যবন্ধু, হয়তো বা সতীর্থ ছিলেন। উভয়েই কাশীতে সংস্কৃত ভাষায় শিক্ষালাভ ও সংস্কৃত চর্চা করেন। উভয়েই শাস্ত্রী।

বিধুশেখর ও ক্ষিত্তিমোহন উভয়েই অত্যন্তম সংস্কৃত এবং পালি জানতেন।

এহলে পালি ভাষার কথা বিশেষ করে উল্লেখ করতে হল। কারণ বৌদ্ধধর্ম তথা পালি ভাষার প্রতি সাধারণ সংস্কৃত পণ্ডিতের অনুরাগ থাকে না। পণ্ডিতজনেচিত বিশেষজ্ঞ না হয়েও রবীন্দ্রনাথ এ দুটি ভাষাই জানতেন। পরবর্তী যুগে সংহিতা পাঠের সুবিধার জন্য বিধুশেখর জৈন্দ-আবেস্তার ভাষা শেখেন।^২ ক্ষিত্তিমোহন গণধর্মের সন্ধানে হিন্দী, গুজরাতী, মারাঠী প্রভৃতি অর্বাচীন ভাষাগুলির প্রতি মনোনিবেশ করেন। বেদ উপনিষদে তিনজনাই অবাধগতি।

কিন্তু সংহিতাই বিধুশেখরের প্রাণাপেক্ষা প্রিয়, বিশেষ করে ঋগ্বেদ। রবীন্দ্রনাথ তাঁর অনুপ্রেরণা পেতেন উপনিষদ থেকে। এবং ক্ষিত্তিমোহনের সর্বাপেক্ষা আকর্ষণ ছিল ভারতীয় গণধর্ম তথা ত্রিগ্নাকারের সর্বপ্রাচীন ভাগ্যের অথর্ববেদের প্রতি। আমি একাধিক পণ্ডিতের মুখে শুনেছি, ক্ষিত্তিমোহন যতখানি শ্রদ্ধাসহ, মনোযোগ সহকারে, পুঙ্খানুপুঙ্খরূপে অথর্ববেদ অধ্যয়ন করেছিলেন ততখানি এযুগে অন্য কোনো পণ্ডিতই করেননি। সংহিতায় সুপণ্ডিত বার্লিন বিশ্ববিদ্যালয়ের অধ্যাপক ল্যুডার্সকে বলতে শুনেছি, অথর্ববেদ বড়ই অবহেলিত। তাঁর বিশ্বাস ছিল, পরবর্তী যুগের বহু রহস্যের সমাধান অথর্ববেদে আছে। অরবিন্দও নাকি এই মত পোষণ করতেন।

বিধুশেখর যখন ব্রহ্মবিদ্যালয়ে যোগদান করেন তখন তিনি এই দৃঢ়বিশ্বাস নিয়েই আসেন যে তিনি বৈদিক যুগের আশ্রমেই প্রবেশ করেছেন। এখানে বেদমন্ত্র পাঠ হয়, ব্রাহ্মণসম্ভান মাত্রই যজ্ঞোপবীতধারী, আমিষ পাদুকা আশ্রমে নিষিদ্ধ, ব্রহ্মচার্যের বহু ব্রত এখানে পালিত হয়, এবং গুরুশিষ্যের সম্পর্ক অতি প্রাচীন ভারতীয় ঐতিহ্যানুযায়ী। পাঠক এ যুগের ইতিহাস প্রভাত মুখোপাধ্যায়ের রবীন্দ্র-জীবনীতে পাবেন।

বিধুশেখরের মত নিষ্ঠাবান ব্রাহ্মণ এ-যুগে অল্পই জন্মেছেন। শুধু স্বপাকে ভক্ষণ, সঙ্ঘ্যাআহিক পালন তথা সশ্রদ্ধ বেদাধ্যয়নের কথা নয়—বাহ্যিক শুচি অশুচিতে পার্থক্যও তিনি করতেন অনায়াসে অবহেলে, কিন্তু তাঁর সর্বপ্রধান প্রচেষ্টা ছিল অন্তর্জগৎকে পরিপূর্ণ শুচিশুদ্ধ পবিত্র করার। তাঁর আদর্শ ছিল তাঁর কল্পনার ব্রহ্মচার্যাশ্রম এবং তাঁর কল্পনার আচার্য—অনাসক্ত পূত পবিত্র।

ক্ষিত্তিমোহনও নিষ্ঠাবান বৈদ্য-সম্ভান। কিন্তু তাঁর সামাজিক আচার ব্যবহার ছিল অনেকটা বিবেকানন্দের মত।

আশ্রমে যতদিন বারো বৎসরের বেশী বয়স্ক ছাত্র নেওয়া হত না ততদিন ব্রহ্মচার্যাশ্রমের রীতিনীতি পালন করা কঠিন হলেও অসম্ভব ছিল না। ইতিমধ্যে মহাত্মা গান্ধী কিছুদিনের জন্য আশ্রম পরিচালনার ভার স্বহস্তে গ্রহণ করে দেখিয়ে দিলেন, এতদিন আশ্রমবাসীরা যে জীবন কৃচ্ছসাধনময় ভেবে আত্মপ্রসাদ লাভ করছিলেন সেটা বাস্তবিক

২ বিধুশেখরের পালি ও আবেস্তাচর্চা, ক্ষিত্তিমোহনের পালিচর্চায় রবীন্দ্রনাথই প্রধান উৎসাহদাতা। হয়তো বা ভুল বলা হবে না, রবীন্দ্রনাথের আদেশেই বিধুশেখর আবেস্তাচর্চা আরম্ভ করেন।

এঁদের কাশীব সতীর্থ ভূপেন্দ্রনাথ সান্যালও প্রথম দিকে ব্রহ্মবিদ্যালয়ে ছিলেন।—প্রকাশক

বিলাস পরিপূর্ণ। আশ্রমের মেথর চাকর বিদায় দিয়ে তিনি এখানে যে বিপ্লবের সূত্রপাত করলেন সেটা এখনকার অনেক গুরুর পক্ষে অসহনীয় হয়ে দাঁড়াল। ফলে গান্ধী সবারমতী চলে গেলেন। আশ্রমও ধীরে ধীরে তার রূপ পরিবর্তন করতে লাগল।

বিধুশেখর তবু তাঁর ব্রহ্মচার্যশ্রমাদর্শে আকর্ষণ আলিঙ্গনাবদ্ধ।

রবীন্দ্রনাথ বললেন, 'হারিকেন লঠন যখন আশ্রম ব্যবহার করছে, তখন বিজলিই বা করবে না কেন?'

বিধুশেখর বললেন, 'রেড়ির তেলে আমি সানন্দে ফিরে যাব। হারিকেন আর রেড়ির তেল প্রায় একই—বিজলির তুলনায়। বিজলি আনবে বিলাস। তার সর্বনাশের সর্বশেষ সোপান আমি স্পষ্ট দেখতে পাচ্ছি।'

পাঠক ক্ষণতরে ভাববেন না, বিধুশেখর সঙ্কীর্ণচেতা কুপমণ্ডুক ছিলেন। তাঁর প্রতি এর চেয়ে নির্মম অবিচার আর কিছুই হতে পারে না। ব্যক্তিগত জীবনে খ্রীস্টান পাদ্রী এন্ড্রুজ য়ার অন্তরঙ্গ সখা, ব্রহ্মমন্দিরের আচার্যের আসনে বসে যিনি মুগ্ধকণ্ঠে 'যবন' ইমাম গম্ভাজীর 'কিমিয়া সাদৎ' (সৌভাগ্য স্পর্শমণি) আবৃত্তি করে ব্রহ্মলাভের পন্থা বর্ণনা করছেন, যিনি মৌলানা শওকৎ আলীকে বাহুপাশে আবদ্ধ করে আশ্রমের ভোজনাগারে নিয়ে যাচ্ছেন তিনি যদি সঙ্কীর্ণচেতা হন তবে প্রার্থনা করি সর্বভারতবাসী যেন এ রকম সঙ্কীর্ণচেতা হয়।

বিধুশেখর না থাকলে যে রবীন্দ্রনাথ রাতারাতি ব্রহ্মবিদ্যালয়কে অল্পফর্ডে পরিণত করতেন তা নয়। বিধুশেখর ছিলেন প্রাচীন ভারতের মূর্তমান প্রতীক। তাঁর সন্তুষ্টি থাকলে রবীন্দ্রনাথ আপন কর্মগদ্ধতি সম্বন্ধে সম্পূর্ণ দ্বিধাহীন হতে পারতেন। এবং যখনই তিনি বিধুশেখরকে—তা সে যত অল্পই হোক না কেন—আপন মতে টেনে আনতে পারতেন তখনই তাঁর মনে হত তিনি যেন ঐতিহ্যবদ্ধ ভারতকে, তার ধর্ম থেকে তাকে বিচ্যুত না করে, বর্তমান প্রাচীন সংসারের বিশ্বনাগরিকরূপে তার প্রাপ্য আসন নির্দিষ্ট করে দিতে পেরেছেন।

এই বিশ্বনাগরিক হওয়ার জন্য বিশ্বভারতী সৃষ্টি।

পূর্বেই বলেছি, আশ্রম যতদিন বারো বৎসরের বেশী বয়স্ক ছাত্র নিত না ততদিন ব্রহ্মচার্যাদর্শ সম্মুখে রাখা সম্ভবপর ছিল। কিন্তু ব্রহ্মচার্যশ্রম যখন বিশ্বভারতীতে রূপান্তরিত হল (ইস্কুলের সঙ্গে কলেজও যুক্ত হল) তখন পূর্ণবয়স্ক কিশোর ও যুবাকেও গ্রহণ করতে হয়। এই বিশ্বভারতী নির্মাণে রবীন্দ্রনাথের প্রধান উৎসাহদাতা ও সচিব ছিলেন বিধুশেখর ও ক্ষিত্তিমোহন (সঙ্গীতে দিনেন্দ্রনাথ, চিত্রে নন্দলাল)। রবীন্দ্রনাথ যখন বললেন, 'এই শান্তিনিকেতনে প্রাচ্য প্রতীচ্যের গুণীজ্ঞানীরা একত্র হবেন' সঙ্গে সঙ্গে বিধুশেখর সংস্কৃত থেকে উদ্ধার করে দিলেন, 'যত্র বিশ্ব ভবত্যেকনীড়ম্'।

বিধুশেখরের আনন্দের সীমা নেই। এতদিন আশ্রম বালক তাঁব কাছ থেকে সন্ধি-সমাস পূর্ণরূপে আয়ত্ত করার পূর্বেই 'অর্ধস্নাতক' অবস্থায় আশ্রম ত্যাগ করতেন, এখন ভারতের সর্ব খণ্ড থেকে আসতে লাগল প্রাপ্তবয়স্ক ছাত্রছাত্রী। এবা লুপ্তপ্রায় যাকে 'নিরুদ্ভ' অধ্যয়নে উদগ্রীব, বিধুশেখরেরই সম্পাদিত ও অনুদিত পালি গ্রন্থ 'মিলিন্দা পঞহো' থেকে তাঁকে বহুতর 'পঞহো' (প্রশ্ন) শুধায়। বিধুশেখরবাব আনন্দ উজ্জলিত হয়ে উপচে পড়ছে। এইবারে সত্য জ্ঞানচর্চা হবে। এইবারে তিনি তাঁর জ্ঞান-ভাণ্ডার উজ্জাদ করে দিতে পাববেন।

কিন্তু হায়, এই সব ছাত্রছাত্রীরা অনেকেই তো ব্রহ্মচার্যে বিশ্বাস করে না। এমন কি এদের ভিতর 'নাস্তিক' 'চার্বাকপন্থী'ও একাধিক ছিল। খ্রীস্টান মুসলমানও ছিল। এদের কেউ কেউ সমবেত উপাসনায় বেদমন্ত্র উচ্চারণ করতে অনিচ্ছুক। খ্রীস্টান ছেলোটর আপত্তি ছিল না কিন্তু সেই 'চার্বাকপন্থী' তাকে বোঝালে খ্রীস্টানের সর্বপ্রার্থনা যীশুর মারফৎ পাঠাতে হয়, বেদমন্ত্রে তা হয় না; এবং মুসলমানকে আশ্রা রসুলের দোহাই দিলে। খ্রীস্টান ধাঁধায় পড়লো, মুসলমান বললে, পাঁচ বেকৎকে সাত বেকৎ করতে তার আপত্তি নেই, কিন্তু বেদমন্ত্রদ্বারা উপাসনা করছে এ-খবর পেলে তার পিতা অসন্তুষ্ট হবেন।

নাচার অধ্যক্ষ বিধুশেখর সিদ্ধান্তের ভাব ছেড়ে দিলেন পাদ্রী এন্ড্রুজের হাতে।

এন্ড্রুজ আবেগ-ভরা কণ্ঠে বিশ্বমানবিকতার শপথ নিয়ে বেদমন্ত্রের সর্বজনীনতা ব্যাখ্যা করলেন। আস্তিক নাস্তিক সকলেই সসন্ত্রম নতমস্তকে তাঁর বক্তব্য শুনলো। কিন্তু সংশয়বাদী ওথা নাস্তিকদের মত-পরিবর্তন হল না।

ববীন্দ্রনাথ ছাত্রছাত্রীদের সমবেত উপাসনায় যোগ দিতে বাধ্য করলেন না।

ক্ষিতিমোহন সমাজে সংস্কারমুগ্ধ ছিলেন বলে কেউ যেন মনে না করেন—তিনি শুচি অশুচিব পার্থক্য করতেন না। কিন্তু তাঁর কপ্তিপাথর মনু এমন কি ঋগ্বেদ থেকেও তিনি আহরণ কবেননি। বেদ থেকে নিশ্চয়ই, কিন্তু সেটি আয়ুর্বেদ। একে তিনি বৈদ্যকুলোদ্ভব, তদুপবি তিনি গভীর মনোযোগ সহকায়ে আয়ুর্বেদ অধ্যয়ন কবেছিলেন; আহারবিহার তিনি তাই আয়ুর্বেদসম্মত পদ্ধতিতেই করতেন।

প্রাচীন অর্বাচীন নিয়ে তাঁর ব্যক্তিগত জীবনে কোন দ্বন্দ্ব ছিল না। উপনিষদের বাণীর সন্ধান তিনি অহরহ পাচ্ছেন আউলে-বাউলে। আবার আউল-বাউলের আচার-আচরণ তিনি পাচ্ছেন অথর্ববেদে। তাঁর সম্মুখে বহু পন্থা, তিনি সব কটিতেই বিশ্বাস করেন।

তিনি ছিলেন বিধুশেখর ও ববীন্দ্রনাথের মাঝখানে সেতুস্বরূপ—এন্ড্রুজ যে বকম ছিলেন রবীন্দ্রনাথ ও গান্ধীর মাঝখানে। তিনি এ যুগে সনাতন ব্রহ্মচার্য্যশ্রমের 'অসম্ভব আদর্শে' বিশ্বাস করতেন না, আবার সখা বিধুশেখরের নিষ্ঠায় শ্রদ্ধাবান ছিলেন বলে তাঁকে সমর্থন করতে পারলে আনন্দিত হতেন। বিশ্বভাবতীর আদর্শ, তার ধ্যানলোকের ঐতিহ্যের সন্ধান বিধুশেখর শবণ নিতেন ঋগ্বেদের, আশ্রমের পাল-পার্বণের জন্য মন্ত্রসন্ধানে ক্ষিতিমোহন যেতেন অথর্ববেদে।

আজ বিশ্বভাবতী কেন্দ্রীয় সবকালের অর্থদানের উপর নির্ভর করে, কিন্তু তাব মূল্য যতই হোক না কেন, বিধুশেখর ক্ষিতিমোহন যে মূলধন তাঁদের গুরুদেবের পদপ্রান্তে রেখেছিলেন তার উপর নির্ভর কবে চিন্ময় মুগ্ধ—ধানে এবং কর্মকাণ্ডে—অদ্যকার ব্রহ্মচার্য্যশ্রম-বিশ্বভারতী। অদ্য বাদশতান্তে সে যতই পরিবর্তিত হোক না কেন, ঐদেব কাছে বিশ্বভাবতী চিরক্ষণী।

রাষ্ট্রভাষা

॥ ১ ॥

ভাবতবর্ষে সবাই যদি এক ভাষায় কথা বলত তাহলে সব দিক দিয়ে আমাদের যে কত সুবিধে হত সে-কথা ফলিয়ে বলার প্রয়োজন নেই। শুধু যে কাজকারবাবের মেলা বখেড়াব ফৈসলা হয়ে যেত তাই নয়, একই ভাষাব ভিত্তিতে আমবা অনাযাসে নবীন

ভারতীয় সংস্কৃতি-বৈদ্যের ইমারৎ গড়ে তুলতে পারতুম। মালমসলা আমাদের বিস্তার করেছে তাই সে ইমারৎ বাইরের পাঁচটা দেশের শাবাশীও পেত।

এ তত্ত্বটা নূতন নয়। কিন্তু একই ভাষার ভিত্তিতে সাংস্কৃতিক ইমারৎ গড়ে তুলতে গেলেই এক অদ্ভুত দ্বন্দ্বের সম্মুখীন হতে হয়। আমি ব্যক্তিগতভাবে করজোড়ে স্বীকার করছি আমার জীবনে আমি যত দ্বন্দ্বের সম্মুখীন হয়েছি তার মধ্যে এটাই আমাকে সবচেয়ে বেশী কাবু করেছে— এ দ্বন্দ্বের সমাধান আমি কিছুতেই করে উঠতে পারিনি। বিচক্ষণ পাঠক যদি দয়া করে এ-অধমকে সাহায্য করেন।

বৈদিক সভ্যতাসংস্কৃতি একটিমাত্র ভাষার উপরই খাড়া ছিল সেকথা আমরা জানি তার কারণ সে যুগে আর্যরা ভারতবর্ষে বিস্তৃতভাবে ছড়িয়ে পড়েননি এবং দ্বিতীয়তর অনার্যদের সঙ্গে তাঁদের ব্যাপক যোগসূত্র স্থাপিত হয়নি বলে সে ভাষাতে পরিবর্তন পরিবর্ধন অতি অল্পই হয়েছিল।

প্রভু বুদ্ধের যুগ আসতে না আসতেই দেখি, সে ভাষা আর আপামর জনসাধারণ বুঝতে পারছে না। যতদূর জানা আছে, প্রভু বুদ্ধ তাঁর নবীন ধর্ম প্রচারের জন্য বৈদিক ভাষা কিংবা সে ভাষার তৎকালীন প্রচলিত রূপের শরণ নেননি। তিনি তৎকালীন সর্বজনবোধ্য ভাষার স্মরণ নিয়েছিলেন—সে ভাষাকে প্রকৃত বলা যেতে পারে। ব্রাহ্মণ্যধর্ম কিংবা ব্রাহ্মণ্য ভাষার প্রতি অশ্রদ্ধাবশত তিনি যে বিহাবে প্রচলিত তৎকালীন সর্বজনবোধ্য ভাষার স্মরণ নিয়েছিলেন তা নয়, কারণ সকলেই জানেন বুদ্ধদেব ‘ব্রাহ্মণ-শ্রমণ’ এই সমাস বার বার ব্যবহার করেছেন, উভয়কে সমান সম্মান দেখাবার জন্য। জনপদ ভাষা যে তিনি ব্যবহার করেছিলেন তার একমাত্র কারণ বৌদ্ধধর্ম ভারতবর্ষে অন্যতম সর্বপ্রথম গণ আন্দোলন এবং গণভাষার প্রয়োগ ব্যতীত গণ-আন্দোলন সফল হতে পারে না।

এস্থলে লক্ষ্য করবার বিষয় বিহারের আঞ্চলিক উপভাষা ব্যবহার করাতে বুদ্ধদেব সর্বভারতের পণ্ডিতজনবোধ্য ভাষা থেকে বিচ্ছিন্ন হয়ে গেলেন। স্পষ্ট দেখা যাচ্ছে তিনি তাতে বিচলিত হননি।

ঠিক একই কারণে মহাবীর জিনও আঞ্চলিক উপভাষার শরণ নিয়ে অর্ধ মাগধীতে আপন বাণী প্রচার করেন। শাস্ত্রীয় মতবাদ এবং জীবহত্যা সম্পর্কে কিঞ্চিৎ মতানৈক্য বাদ দিলে বৌদ্ধ ও জৈন গণ-আন্দোলন একই রূপ একই গতি ধারণ করেছিল।

অশোকস্তম্ভে উৎকীর্ণ ভাষাও সংস্কৃত নয়।

তারপরের বড় আন্দোলন মহাপ্রভু খ্রীষ্টেতন্যদেব আনয়ন করেন। তিনিও প্রধানত সর্বজনবোধ্য বাঙলার শরণ নিয়েছিলেন—যদিও তাঁর সংস্কৃতজ্ঞান সে যুগের কোনো পণ্ডিতের চেয়ে কম ছিল না। পশ্চিম ও উত্তর ভারতেও তুকারাম মারাঠী ব্যবহার করেন। কবীর দাদু প্রভৃতি সাধকেরা হিন্দী ব্যবহার করেন। কবীর বললেন, “সংস্কৃত কূপজল”, সেই জল কুয়ো থেকে বের করে আনতে হলে ব্যাকরণ অলঙ্কারের লম্বা দড়িও প্রয়োজন কিন্তু “ভাষা” (অর্থাৎ সর্বজনবোধ্য প্রচলিত ভাষা) “বহতা নীর”—সে জল বয়ে যাচ্ছে, যখন তখন ঝাঁপ দিয়ে শরীর শান্ত করা যায়। আর তুকারাম বললেন, “সংস্কৃত যদি দেবভাষা হয় তবে মারাঠী কি চোরের ভাষা?”

তার পরের গণ-আন্দোলন মহাত্মা গান্ধী আরম্ভ করেন। তিনি যদিও জনগণের ভাষা হিন্দীর শরণ নিয়েছিলেন তবু লক্ষ্য করার বিষয় যে, অসহযোগ আন্দোলন বাঙলা, তামিলনাড়ু, অন্ধ্র, কেরালায় হিন্দী কিংবা ইংরিজির মাধ্যমে আপামর জনসাধারণে প্রসারলাভ করেনি; জনগণ যে সাড়া দিল সে বাঙলা, তামিল, তেলগু, মালয়ালাম ভাষার মাধ্যমে—অসহযোগ আন্দোলন প্রচার করার ফলে। বারদলই সত্যগ্রহের প্রধান বক্তা ছিলেন বন্নভাই প্যাটেল। তিনি যে আত্ম তেজস্বিনী গুজরাতি ভাষায় বক্তৃতা দিয়েছিলেন সে ভাষা অনায়াসে সাহিত্যেব পর্যায়ে ওঠে। বন্নভাইয়ের গুজরাতির সঙ্গে তাঁর হিন্দীর কোনো তুলনাই হয় না।

এতক্ষণ ধরে যে ঐতিহ্যের বর্ণনা দিলুম সে শুধু ভারতে সীমাবদ্ধ নয়। প্রভু খ্রীস্ট সাধু এবং পণ্ডিতী ভাষা হীক্রেতে তাঁর ধর্ম প্রচার করেনি। তাঁর প্রথম ও প্রধান শিষ্যদেব বেশীভাগই ছিলেন অতি সাধারণ জেলে। তাঁর প্রচারকার্য এঁদের নিয়েই আবস্ত হয় বলে তিনি তাঁর বাণী প্রচাৰ করেছিলেন গ্যালিলি-নাজাবেৎ অঞ্চলবোধ্য আরামেইক উপভাষায়। মহাপুরুষ মহম্মদও যখন আববীর মাধ্যমে আদেশ প্রচার করলেন তখন আববী ভাষা ছিল পৌত্তলিকদের 'না-পাক' ভাষা, এবং সে ভাষায় ধর্ম প্রচারের কোনো ঐতিহ্য ছিল না। ইসলামের ইতিহাসে লেখা আছে মহাপুরুষ মহম্মদের ঈষৎ পূর্বে এবং তাঁর সমবর্তীকালে মক্কাবাসীদের যাঁরা সত্য পথেব অনুসন্ধান করতেন তাঁরা হীক্রে শিখে সে ভাষায় ধর্মগ্রন্থ পড়তেন। তাই যখন মহাপুরুষ হীক্রে শরণাপন্ন না হয়ে আরবীর মাধ্যমে ধর্মপ্রচাৰ করলেন তখন সবাই তাজ্জব মেনে গেল। তার উত্তরে আম্মাই কুরান শরীফে বলেছেন, তাঁব প্রেবিত পুরুষ যদি আবব হয় তবে প্রচারের ভাষা আববী হবে না তো কি হবে? আর আববী না হলে সবাই বলত, "আমরা তো এসব বুঝতে পারছি নে।"

লুথারও পোপের বিকন্ধে লড়েছিলেন জর্মনের পক্ষ নিয়ে—পণ্ডিতী লাতিন তিনি এই বলেই অস্বীকার কবেছিলেন যে সে-ভাষার সঙ্গে আপামব জনসাধাবণের কোনো যোগসূত্র ছিল না।

মোদ্দা কথা এই, পৃথিবীতে যত বিরাট আন্দোলন হয়ে গিয়েছে—তা সে নিছক ধর্মান্দোলনই হোক আর ধর্মেব মুখোশ পরে রাজনৈতিক অর্থনৈতিক আন্দোলনই হোক—তার সব কটাই গণ-আন্দোলন এবং গণ-আন্দোলন সর্বদাই আঞ্চলিক গণভাষার মাধ্যমেই আত্মপ্রকাশ কবেছে।*

॥ ২ ॥

রাষ্ট্রভাষাব যে প্রয়োজন আছে সে সত্য তর্কাতীত, কিন্তু প্রশ্ন সে ভাষা গণ-আন্দোলন উদ্বুদ্ধ করতে পারবে কি না? যাঁরা মনে করেন, স্ববাজ লাভ হয়ে গিয়েছে এখন আর গণ-আন্দোলনের কোনো প্রয়োজন নেই তাঁরা হয় মাঝামাঝি ভুল করছেন নয় ভাবছেন দেশের জনগণ তাঁদের জন্য পায়ের ঘাম মাথায় ফেলে খাটবে আব তাঁরা শহরে শহরে দিব্য খাবেন দাবেন আর কেউ কোনো প্রকারের তেবীমেরী করলে ডাণ্ডা উঁচিয়ে ভয় দেখাবেন এবং তাইতেই সব কিছু বিলকুল ঠাণ্ডা হয়ে থাকবে।

* বাষ্ট্রভাষাব সপক্ষে বিপক্ষে যে কটি যুক্তি আছে, সব কটিবই আলোচনা কবা এ প্রবন্ধমালাব উদ্দেশ্য—লেখক।

এতদিন একদিক দিয়ে আমাদের কোন বিশেষ হাঙ্গামা ছিল না। সব প্রদেশের সদস্যরা ইংরিজিতে বক্তৃতা দিতেন—অথচ কারোরই মাতৃভাষা ইংরিজি ছিল না বলে অহেতুক সুবিধা কেউই পেতেন না। এবং যে সুবিধাটা পেত ইংরেজ রাজসম্প্রদায় এবং তারা যে সে সুযোগটা ন'সিকে কাজে লাগাত সেকথাও সবাই জানেন।

এখন অবস্থাটা হবে কি? কেঁদে-ককিয়ে যেটুকু হিন্দী শিখব তার জোরে কি পার্লিমেণ্টে বক্তৃতা ঝাড়া যায়? পূর্বেই নিবেদন করেছি, হিন্দীকে যদি তিরু অনন্তপুরম (ত্রিভান্দরম) কিংবা বিশাখাপট্টনম (ভাইজাগ) বিশ্ববিদ্যালয়ের শিক্ষার মাধ্যম করা হয় (কলকাতা কিছুতেই মানবে না, সে আপনি আমি বিলক্ষণ জানি) তবে তাদের আখেরটি ঝরঝরে হয়ে যাবে। অতএব অন্ধ্র, তামিলনাড়ু, কেরালার লোক দ্বিতীয় ভাষা হিসেবে যেটুকু হিন্দী শিখবে—(সবাই শিখবে তাও নয়, ডাক্তার, ইঞ্জিনিয়ার নাও শিখতে পারে)—তা দিয়ে কি সে হিন্দী-ভাষীদের সঙ্গে বাক্যুদ্ধ চালাতে পারবে?

দু দণ্ড রসালাপ সব ভাষাতেই করা যায়। 'আমি তোমায় ভালবাসি', 'জ্য ত্যেম্', 'ইষ লীবে ডীষ'—আহা এসব কথা দেখতে না দেখতেই শিখে ফেলা যায়। মদন যেস্থলে গুরু, সখা কন্দর্পও হয়ত মজুত, কালটি মধুমাস, উর্বশী দু চক্কর নাচভী দেখিয়ে দিচ্ছেন, তার মধ্যখানে সবাই এক লহমায় হরিনাথ দে হয়ে যান। কিংবা বলতে পারেন, সেখানে ভাষার দরকারই বা কি—কোন প্রয়োজন মধুর ভাষণের?

কিন্তু পার্লিমেণ্টে তো মানুষ রসালাপ করতে যায় না। সেখানে লাগে স্বার্থে স্বার্থে সংঘাত, চিন্তাধারা চিন্তাধারায় টক্কর লেগে 'উঠে ডেউ গিরিচূড়া জিনি', বাজেটকে বাক্যবাণে জর্জরিত করতে হয় সেখানে—সেখানে 'করেঙ্গা, খায়েঙ্গা', হিন্দী দিয়ে কাঙ্চ চলে না। আমাদের বাঙাল দেশে বলে, 'ছাগল দিয়ে হাল চালাবার চেষ্টা করো না।'

বিচক্ষণ পাঠক, তুমি নিশ্চয়ই লক্ষ্য করেছ, ঘড়েল প্যাসেঞ্জার কক্ষনো, অর্থাৎ 'কাইট্যা ফালাইলে'ও বেহারী মুটের সঙ্গে ভাড়া নিয়ে তর্ক করার সময় হিন্দী বলে না। কাবণ সে একখানা বলতে না বলতে মুটে ঝেড়ে দেবে পাঁচখানা পুরো পাঁচালী এবং লক্ষ্য করেছ, মুটেও ততোধিক ঘড়েল—দিব্য বাংলা জানে, কিন্তু মেশিন গান চালাচ্ছে তার বিহারী হিন্দী 'করত, খাওত', আব 'ভজলু কী বহিনিয়া ভগলু কী বোটিয়া'র ভাষা দিয়ে।

অর্থাৎ দ্বিতীয় ভাষা হিসেবে শেখা ভাষা দিয়ে কোনো মরণ-বাঁচনের ব্যাপারে তর্কাতর্কি করা যায় না। সে ভাষা দিয়ে বই পড়ে জ্ঞান আহরণ করা যায়—ব্যস্।

আরেকটা উদাহরণ দি। ইংলন্ড যুগ যুগ ধরে কোটি কোটি পৌন্ড খর্চা কবেছে ইংরেজ ছোকবাদের ফরাসী শেখাবার জন্য—দ্বিতীয় ভাষা হিসেবে। অথচ দশ হাজার ইংরেজ যদি প্যারিস বেড়াতে আসে তবে দশটা ইংরেজও ফরাসী বলতে পারে না।

সে এক হৃদয়-বিদারক দৃশ্য। বাপ, মা, ম্যাট্রিক-পাস ব্যাটা নাবলেন ক্যালে বন্দরে। ইস্টিমারে ইংবিজি চলে, কোনো অসুবিধা হয়নি। ক্যালেতেও হবে না, বাপ-মায়ের দৃঢ় বিশ্বাস, কারণ ছেলে ম্যাট্রিকে ফরাসীতে গোল্ড মেডেল পেয়েছে। বাপ প্রতাপ রায়ের মত ছেলে বরজলালকে হেসে বললেন, 'জিঞ্জেস কর তো বাবাজী, পোর্টারটাকে—প্যারিসের ট্রেন কটায় ছাড়বে?'

ছেলে প্রমাদ গুনছে। বরজলালেরই মত আপন ফরাসী ভাষার গুরুকৈ স্মরণ করে ক্ষীণ কঠে যখন পোর্টারকে বিদঘুটে উচ্চারণে জিঞ্জেস করল, 'আকেল আর পার লা এঁ্যা

পুর পারি?’ তখন পোর্টার মুখ থেকে পাইপ নামিয়ে হাঁ করে অনেকক্ষণ তাকিয়ে থেকে, তারপর মিনিট তিনেক ঘাড় চুলকে চুলকে ভেবে নিলে। হঠাৎ মুখে হাসি ফুটল। চিৎকার করে আরেকটা পোর্টারকে ডাক দিয়ে বললে, ‘এ, জাঁ ভিয়ানিসি, ওয়ালা আঁ মসিয়ো কি পার্ল লাংলে।’ ‘এই জন, এদিকে আয়, এক তদ্রলোক ইংরিজি বলছেন। বুঝতে নারনু।’

হায়, কিন্তু বেচারা ফাঁকি দিয়ে গোল্ড মেডেল মারেনি। ফরাসী ব্যাকরণ তার কঠিন, পাস্ট কন্ডিশনাল, ফ্যুচার সবজনকটিভ তার নখাগ্রদর্পণে—কিন্তু ফরাসী জাতটাই নচ্ছার, প্ল্যাটফর্মে দাঁড়িয়ে দাঁড়িয়ে বিদেশীর মুখে ভুল উচ্চারণে আপন ভাবার শব্দরূপ ধাতুরূপ ওনতে কিছুতেই রাজী হয় না!

* * *

কিন্তু পাঠক নিবাস হবেন না। পার্লামেন্টে বক্তৃতার ভাষা-সমস্যা সমাধান করা যায়। পরে নিবেদন করব।

॥ ৪ ॥

ভারতের ভবিষ্যৎ বৈদিক্য সংস্কৃতি কি রূপ নেবে, সে সম্বন্ধে আলোচনা আরম্ভ হলেই দেখতে পাই অনেকেই মনে মনে আশা পোষণ করছেন, সে বৈদিক্য যেন ঐক্যসূত্রে তাবৎ প্রদেশগুলোকে সম্মিলিত করে নব নব বিকাশের দিকে ধাবিত হয়। এ অতি উত্তম প্রস্তাব এবং এতে কারও কোনো আপত্তি থাকার কথা নয়। যখন ভাবি, এই ভারতবর্ষেই একদা একই সংস্কৃত ভাষাব মাধ্যমে কাবুল থেকে কামকণ, হরিদ্বার থেকে কন্যাকুমারী সর্ব কলাপ্রচেষ্টা সর্ব জ্ঞানবিজ্ঞানের চর্চা হয়েছে, তখনই ঐক্যাভিলাষী হৃদয় উল্লসিত হয়ে ওঠে, আর তার পুনরাবৃত্তি দেখতে চায়।

সংস্কৃতকে ব্যাপকভাবে পুনরায় সেরকম ধারায় চালু করার আশা আব কেউ করেন না। এখন প্রশ্ন, হিন্দীর মাধ্যমে সেটা সম্ভবপর কিনা?

এই মনে করুন ‘রামের সুমতি’ কিংবা ‘বিন্দুর ছেলে’। ধরে নিন অতি উত্তম অনুবাদক বই দুখানা হিন্দীতে অনুবাদ করলেন। আপনি উত্তম না হোক মধ্যম ধরনের হিন্দী জানেন, অর্থাৎ হিন্দী পুস্তক মাত্রই দিব্য গড় গড় করে পড়ে যেতে পারেন। এখন প্রশ্ন, আপনি কি সে সুখটা পাবেন যে সুখ ঐ দুখানা বাঙলা বই বাঙলাতে পড়ে পান? (‘গোরা’র ইংরিজি তর্জমা পড়েছেন? তাতে তো কোনো সুখই পাওয়া যায় না—কারণ ইংরিজি অতি-দূরের ভাষা) কেন পান না? তার প্রধান কারণ বিন্দু কি ভাষায়, কি ভঙ্গিতে কথা বলে, তার সঙ্গে ব্যক্তিগত জীবনে আপনার পরিচয় আছে; যখন দেখবেন তার সঙ্গে কিছুই মিলছে না, সবই কৃত্রিম বোধ হচ্ছে, তখন আপনার কাব্যরসান্বাদনের সব বাসনা চিরতরে না হোক, তখনকার মত লোপ পাবে। সংস্কৃতে যাঁরা নাটক লিখে গিয়েছেন, তাঁরা এ তত্ত্বটি বিলক্ষণ জানতেন, তাই অস্তত মেয়েদের দিয়ে সংস্কৃত বলাননি, বলিয়েছেন প্রাকৃত। নৃগ-ব্রাহ্মণ সংস্কৃত বলেছেন, কাবণ তাঁরা সংস্কৃত বলতে পারতেন, কিন্তু গোরা, বিনয়, অমিট রে কেউই দৈনন্দিন জীবনে হিন্দী বলেন না, কখনো বলবেন বলে মনে হয় না। কাজেই হিন্দী দিয়ে এদের চরিত্র বিকাশ করে বাঙালীকে সুখ দেওয়া যাবে না। যাঁদের মাতৃভাষা বাঙলা নয়, তাঁদের কথা আলাদা—তাঁরা অবশ্য অনেকখানি রস পাবেন—যদিও স্বামী বিবেকানন্দ বলে গিয়েছেন, অনুবাদ সাহিত্য মাত্রই কাশ্মীরী

শালের উশ্টো দিকের মত, মূল নক্সাটি বোঝা যায় মাত্র, আর সব রসের কোনো সন্ধান পাওয়া যায় না।*

উপরিস্থ তত্ত্ব-কথাটি সকলের কাছে এতই সুপরিচিত যে, আমার পুনর্বাণ্ডিত্তে অনেকেই অসহিষ্ণু হয়ে উঠবেন, কিন্তু এইটির উপব নির্ভর করে আমি যে বক্তব্য পেশ করবো, সেটা যদি সকলে গ্রহণ করেন কিংবা অন্ততপক্ষে সেটি বিবেচনাধীন কবেন, তবে আমি শ্রম সফল বলে মানব।

শুধু ভাষা এবং সাহিত্য নয়, অন্যান্য প্রচেষ্টাও স্বভাবতই প্রাদেশিক রঙ নেয়। অজস্তা ও মোগল শৈলীর নবজীবন লাভ হয় বাঙলাদেশে, তাই সে সম্বন্ধে যত আলোচনা গবেষণা হয়েছে তার অধিকাংশই বাঙলাতে। অর্থাৎ প্রাদেশিক ভাষাকে একবার সার্বভৌম অধিকার দিলে যে বৈদ্য গড়ে উঠে, সেটা প্রাদেশিক।

এইখানে লেগে গেল দ্বন্দ্ব। আমবা এ প্রবন্ধ প্রাবল্য করেছি প্রতিজ্ঞা নিয়ে, ভারতীয় বৈদ্য যেন ঐক্যসূত্রে তাবৎ প্রদেশগুলিকে সম্মিলিত কবে নব নব বিকাশের দিকে ধাবিত হয়। তাহলে মুক্তি কোন্ পন্থায়—প্রাদেশিক ভাষাকে সংস্কৃতি জগতের চক্রবর্তীরূপে স্বীকার কবে প্রাদেশিক সংস্কৃতি গড়ব, না বাঙলা বর্জন করে হিন্দীর মাধ্যমে ভারতীয় ঐক্যবদ্ধ সংস্কৃতির সন্ধান নিজে করে নিয়োজিত করব?

আমার ব্যক্তিগত বিশ্বাস ভারতবর্ষের ভবিষ্যৎ প্রাদেশিক ভাষাকে বর্জন কবে নয়, তার সম্যক উন্নতি সাধন করে, এবং আমার আবও বিশ্বাস প্রাদেশিক সংস্কৃতি নির্মাণ করলে বৃহত্তর ভারতীয় ঐক্য ক্ষুণ্ণ হবে না।

কারণ ভাবতীয় ঐক্য (ইউনিটি) ও ভারতীয় সমতা (ইউনিফর্মিটি) এক বস্তু নয়। আজ যদি পাঞ্জাব থেকে আসাম অবধি সবাই ভাত খেতে আরম্ভ কবে, তবে বিদেশ থেকে শস্য কেনার সময় আমাদের বহুৎ বখেড়া আসান হয়ে যাবে, আজ যদি তাবৎ ভাবতীয়ের উচ্চতা ৫ ফুট ৭ ইঞ্চি হয়ে যায়, তবে সৈন্যদের ইউনিফর্ম বানাবার কত না সুবিধা হয়। তবু কেউ বলবেন না, সবাইকে জোব কবে ভাত খাওয়াও কিংবা ঢ্যাঙাদেব শবীর থেকে দু ইঞ্চি কেটে ফেলো। এ ইউনিটি নয়, ইউনিফর্মিটি।

যাঁরা মেরে-পিটে ভাবতীয় সমতা চাইছেন, তাঁরা জেনে-শুনে ভুল কবেছেন তা নাও হতে পারে। আনাব বিশ্বাস, তাঁরা ইউনিটি চাইছেন সত্য, কিন্তু ইউনিটি এবং ইউনিফর্মিটিতে গোল পাকিয়ে ফেলেছেন। আমাব ব্যক্তিগত বিশ্বাস, প্রত্যেক ভারতীয় প্রদেশ যদি আপন প্রাদেশিক সংস্কৃতি সভ্যতা আপন শক্তি ও প্রতিভা দিয়ে গড়ে তোলে, তবে সেই সম্মিলিত সংস্কৃতিই হবে সত্যকাবে ভাবতীয় সংস্কৃতি।

গুরু রবীন্দ্রনাথকে স্মরণ কবে নিবেদন কবি, তিনি বলেছিলেন, একতারার বাজানো সহজ, বীণা বাজানো কঠিন, কিন্তু সেটা বাজাতে পাবলে তাব থেকে যে harmony বা বহুধ্বনি আপন আপন বৈশিষ্ট্য বজায় রেখে ঐক্যে যে সঙ্গীত নির্মাণ করে তোলে, তাব সঙ্গে একতারার ইউনিফর্মিটির কোনো তুলনা হয় না।

বহু প্রদেশের নানবিধ সঙ্গীত লেগে উঠে যে harmony-ব সৃষ্টি হবে, সেই সত্যকাবে ভাবতীয় ঐক্য-সঙ্গীত। তবেই 'জনগণ ঐক্যবিধায়ক' বলা সফল হবে।

* সত্যই স্বামীজী বলেছেন কিনা, হলপ কবে বলতে পারব না, এক গুণীৰ মুখে শোনা।

হিন্দীব প্রসার এবং প্রচাৰ অতীব প্রযোজনীয়, সেকথা আমরা সকলেই স্বীকার করি—কিন্তু সে প্রসার যেন প্রাদেশিক এবং আঞ্চলিক ভাষা এবং সাহিত্যকে গলা টিপে না মেবে ফেলে। হাঁশিয়াব হয়ে সে প্রসার কর্ম সমাধান করলে কারোরই কোন আপত্তি থাকবে না। কি প্রকারে সেটা করা যেতে পারে, সে নিবেদন করার পূর্বে হিন্দীর বিরুদ্ধে যে কয়টি আপত্তি বাঙলা দেশের কাগজে ইদানীং উঠেছে, তারই দু-একটি নিয়ে কিঞ্চিৎ আলোচনার প্রয়োজন।

হিন্দীর বিরুদ্ধে প্রধান এবং প্রথম আপত্তি, হিন্দীব লিঙ্গ বিভাগটা বড়ই বদখদ। বাঙালী ভাবে, ‘ছেলেটা যাচ্ছে’, ‘মেয়েটা যাচ্ছে’ বললে যখন দিব্য অর্থ বুঝতে পারি তখন ‘লড়কা জাতা হৈ’, ‘লড়কী জাতী হৈ’ বলে মানুষকে বিরক্ত করা ছাড়া অন্য কোন লাভ হয় না। এস্থলে বক্তব্য, ‘অর্থ বুঝতে পারাব’ মান নিয়েই ভাষা সৃষ্টি হয় না। তাই যদি হত তবে বাঙলায় বলি না কেন, ‘আমি গেলুম’, ‘তুমি গেলুম’, ‘সে গেলুম’? ইংরেজ তো খাসা এক ‘ওয়েন্ট’ দিয়েই বলে যায়, ‘আই ওয়েন্ট’, ‘ইউ ওয়েন্ট’, ‘হি ওয়েন্ট’—অর্থ জলের মত পরিষ্কার, বুঝতে কোনো অসুবিধে হয় না।

অর্থাৎ প্রত্যেক ভাষারই আপন আপন বৈশিষ্ট্য থাকে এবং তা নিয়ে গোসা কবলে চলে না। এখন প্রশ্ন, হিন্দী যে লিঙ্গভেদ করে সেটা কি নিছক তারই ‘পাগলামি’, না অন্যান্য ভাষাও কবে বাঙলা এককালে কিছুটা করত, সে কথা সকলেই জানেন, এবং এখনও কিছুটা করে। ‘সুন্দর-রমণী’ বলতে এখনো বাধো বাধো ঠেকে, এবং কোন বমণীকে যদি বলি, ‘ওগো সুন্দব, গঙ্গানানে চললে নাকি’—তবে এখনো সেটা ভুল, ‘সুন্দরী’ বলতে হয়।

সংস্কৃতে যে লিঙ্গভেদ আছে এবং সে লিঙ্গভেদ যে সরল নয়, সে কথাও সকলেই জানেন। প্রাণহীন বস্তু মাত্রই যে স্ত্রীব হয় তাও তো নয়। নদনদী এ জীবনে দেখেছি কিন্তু কোন্টাবই নাম পুংলিঙ্গ আর কোনটারই বা স্ত্রীলিঙ্গ—স্ত্রীবের তো কথাই উঠে না—সে তত্ত্বটি জলখাবা দেখে ঠাহর কবতে পাবিনি। দিক্ সুন্দরীর (ডিক্শনারির) শরণাপন্ন হলে পর তিনি দিশেহাবাকে দিক বাতলে দেন।

উত্তবে হয়ত বলবেন, সংস্কৃতেব উদাহরণ এখন আর চলবে না। চালু ভাষা থেকে নজীর পেশ কবো।

এই মুশকিলে পড়ে গেলেন। ফরাসী, জর্মণ, রুশ, ইতালী, ওলন্দাজ, আরবী, গুজরাতী, মারাঠী এ-সব ভাষাতেই লিঙ্গভেদ আছে—এবং আবও বহু ভাষায় আছে বলে শুনেছি—, সত্য বলতে কি লিঙ্গভেদ নেই এরকম ভাষাই বিরল। আমার সীমাবদ্ধ জ্ঞান বলে, বড় ভাষার ভিতবে তিনটি মাত্র ভাষাতে লিঙ্গবিচার নেই—ইংরেজী, ফার্সী এবং বাঙলা। এ তিনটি ভাষা যতখানি ছাত্রত্ৰাস ব্যাকরণ বর্জন করতে পেরেছে অন্য ভাষাগুলো সে রকম পারেনি।

জর্মণেব লিঙ্গ সবচেয়ে বেতলা বেহিসাব। ‘ছুরি’ ‘কাঁটা’ এবং ‘চামচ’ তিনটি শব্দই আমাদের কাণ্ডজ্ঞান অনুযায়ী স্ত্রীব হওয়া উচিত অথচ জর্মণ ভাষাতে ‘ছুরি’ স্ত্রীব, ‘কাঁটা’ স্ত্রীলিঙ্গ এবং ‘চামচ’ পুংলিঙ্গ। দোর্দণ্ডপ্রতাপ ‘সূর্য’ স্ত্রীলিঙ্গ, শুভ্র জ্যোৎস্না-পুলকিত

যামিনীর 'চন্দ্রমা' পুংলিঙ্গ এবং 'নারী' ('ডাস ভাইব', 'ভাইব—'ওয়াইফ') স্ত্রী ব লিঙ্গ। শুধু তাই নয়, সূর্যের চেয়েও দোর্দণ্ডপ্রতাপ জার্মান পুলিশ বাহিনী ('ডী পোলিৎসাই') স্ত্রীলিঙ্গ।

পুনরপি পশ্য, পশ্য, ফরাসী এবং হিন্দীতে 'দাড়ি' স্ত্রীলিঙ্গ।

তবে কি দাড়ির জৌলুসের মালিক এককালে রমণীরা ছিলেন? পুরুষেরা পরবর্তী যুগে জোর করে কেড়ে নিয়েছেন? কিন্তু ভুলবেন না, গৌফ হামেশাই দাড়ির উপরে।

তবে বলুন তো, ভদ্র, হিন্দীকে দোষ দিয়ে লাভ কি? বরঞ্চ হিন্দী জার্মানের তুলনায় ভদ্রতর। জার্মানে তিনি লিঙ্গ; 'লাগলে তাগ, না লাগলে তুকা' করে যদি লিঙ্গবিচার করেন তবে শুদ্ধ হওয়ার সম্ভাবনা মাত্র শতকরা ৩৩.৩ ভাগ; হিন্দীতে ৫০ ভাগ, কারণ হিন্দীতে মাত্র দুটি লিঙ্গ।

যাঁরা হিন্দী জানেন তাঁরা হিন্দীর বিরুদ্ধে আর একটি আপত্তি উত্থাপন করেছেন। হিন্দীতে বলি, 'মৈ রোটা খাতা ষ' 'আমি রুটি খাই', কিন্তু অতীতকাল নিলে বলতে হয় 'মৈ নে রোটি খাঈ' 'আমি রুটি খেয়েছি'। অর্থাৎ অতীতকালে 'আমি' আর কর্তা থাকলুম না, কর্তা হয়ে গেলেন 'রুটি' এবং সেই অনুযায়ী ক্রিয়াপদ স্ত্রীলিঙ্গ হয়ে গেল, কারণ 'রোটি' হিন্দীতে স্ত্রীলিঙ্গ ('পানী', 'বি', 'দহী', 'মোতী'র মত মাত্র কয়েকটি ই-কারান্ত শব্দ স্ত্রীলিঙ্গ; তাই পুংভূষণ 'দাড়ি' বেচারী স্ত্রীলিঙ্গ হয়ে গিয়েছে)। তার মানে 'আমা-দ্বারা কটি খাওয়া হল' বললে অনেকটা হিন্দীর ওজনে বলা হল। কিংবা 'পাগলে কি না বলে!' সংস্কৃতে এরকম জিনিস আছে একথা সকলেই জানেন।

কিন্তু এসব সমস্যা অপেক্ষাকৃত সরল। একবার কোন শব্দ কোন লিঙ্গ জানা হয়ে গেলে বাদবাকি জট তিন লহমায় ছাড়িয়ে নেওয়া যায়।

লিঙ্গ নিয়ে আপত্তি উত্থাপন করে কোন লাভ নেই। আমরা যদি হিন্দীভাষীকে বলি লিঙ্গ তুলে 'লড়কা জাতা', 'লড়কী জাতা' বলা আরম্ভ করে দাও, তবে ইংরেজ বাঙালীকে বলবে, 'আমি গেলুম', 'তুমি গেলুম', 'সে গেলুম', বলতে আরম্ভ করো। তাই ইংরেজ ফরাসী শেখার সময় ফরাসীর লিঙ্গবিচার নিয়ে আপত্তি তোলে না। চাঁদপানা মুখ করে, মুখস্থ করে 'শব্দের অস্তে বি, সি, ডি, জি, এল, পি. কিউ, জেড থাকলে শব্দ পুংলিঙ্গ হয়', অবশ্য বিস্তর ব্যত্যয় আছে, ইত্যাদি ইত্যাদি। ফরাসীতে হিন্দীর মত মাত্র দুটি লিঙ্গ—কিন্তু আমার মনে হয়, ফরাসীতে লিঙ্গবিচার হিন্দীর চেয়ে শক্ত।

এটা অবশ্য অসম্ভব নয় যে, হিন্দী বহু প্রদেশে ছড়িয়ে পড়ার পর প্রাদেশিক অজ্ঞাতাবশত লিঙ্গে ভুল হতে আরম্ভ হবে এবং তারই ফলে হয়ত একদিন হিন্দী থেকে লিঙ্গ লোপ পেয়ে যাবে। তবে তার ফললাভ আমরা করতে পারবো না সে-কথা সুনিশ্চিত।

॥ ৬ ॥

হিন্দী-বিরোধী সম্প্রদায় বলেন, হিন্দীতে এমন কি সাহিত্য আছে, বাপু, যে মাথার ঘাম পায়ে ফেলে হিন্দী শিখতে যাব? উত্তরে হিন্দীর দল বলেন, তাবৎ ভারত যদি হিন্দী গ্রহণ করে সে-ভাবে সাহিত্য সৃষ্টি আরম্ভ করে তবে দেখতে না দেখতেই হিন্দী ইংরিজি ফরাসীর সঙ্গে পাল্লা দিতে আরম্ভ করবে।

এ উদ্ভট ইতিহাসের ধোপে টেকে না। সকলেই জানেন, এককালে লাতিন সর্ব ইউরোপের ‘রাষ্ট্রভাষা’ ছিল কিন্তু তৎসম্প্রদেয় লাতিন ভাষা গ্রীক কিংবা সংস্কৃতের মত উচ্চাঙ্গ সাহিত্য সৃষ্টি করতে সক্ষম হয়নি। তারপর ফরাসী ভাষা লাতিনের আসনটি কেড়ে নিল। কিন্তু ফরাসী সাহিত্য যে বিশ্ববান হল সেটা ইংরেজ, জর্মন, ইতালিয়দের ফরাসী সাহিত্য-চর্চা করার ফলে নয়—ফরাসীর ব্যাপক সাহিত্য গড়ে উঠেছে ফরাসী র্যাদের মাতৃভাষা একমাত্র তাঁদেরই প্রচেষ্টার ফলে। ঠিক সেই কারণেই শ্রম, ক’টা বিদেশী ইংরিজিতে লিখে নাম করতে কিংবা কজন ইংরেজ ফরাসী জর্মনে লিখে সার্থক সাহিত্য সৃষ্টি করতে পেরেছে? ইংরিজিতে ফিরে যাই; ফরাসীর পর এই যে ইংরিজি ভুবন জুড়ে রাজত্ব করল সে ভাষাতেই বা কটি বিদেশী নাম করতে পেরেছেন? এমন কি, কজন অস্ট্রেলিয়া কিংবা কানাডাবাসী ইংরিজি সাহিত্যে উচ্চাঙ্গের রচনা লিখতে সক্ষম হয়েছেন? এ জিনিসটা আমি ঠিক বুঝে উঠতে পারিনি। তবে কি ভাষাকে টবে পুঁতে বিদেশে পাঠালে সেখানে সে বেঁচে থাকতে সক্ষম হলেও ফল দিতে পারে না? আমেরিকার মত বিরাট দেশে তো আরও বেশী লেখকের জন্ম নেবার কথা ছিল—একদম পয়লা নম্বরের লেখক সে মহাদেশে জন্মেছেন কজন? অস্ট্রেলিয়া, কানাডা, আমেরিকাবাসীর মাতৃভাষা ইংরিজি—তারা যদি এ বাবদে কাহিল তবে র্যাদের মাতৃভাষা ইংরিজি নয় তাঁরাই বা কোন্ গল্পমাদন উত্তোলন করতে পারবেন?

অথচ দেখুন, লাতিন ফরাসীর একচ্ছত্রাধিপত্য যেমন যেমন লোপ পেল সঙ্গে সঙ্গে জর্মন, ইংরিজি, ইতালি, রুশ, সুইডিশ, ওলন্দাজ সাহিত্য কী অল্প সময়ে কত না কত অদ্ভুত উন্নতি সাধন করতে পেরেছে। তাই আজ আশ্চর্য্য লাতিনের জায়গায় জেগে উঠেছে বহুতর ভাষা গরুড়ের ক্ষুধা নিয়ে। তাই চোখের সামনে দেখতে পাচ্ছি বহু ভাষার শিখরতোরণ, মিনার-গম্বুজ দিয়ে গড়া ‘ইউরোপীয় সাহিত্য’ নামক এক গগনচুম্বী তাজমহল!

ইংরেজ ফরাসী ভাষায় লেখে না, ফরাসী জর্মনে লেখে না, রুশ দিনেমার ভাষায় সাহিত্য সৃষ্টি করতে যায় না, তথাপি এদের ভিতর আন্তরিক সহযোগিতার অস্ত্র নেই। আজ ফরাসী দেশে যে গঁকুর পুরস্কার পায় কালই তার বই ইংরিজিতে তর্জমা হয়ে যায়—অধিকাংশ স্থলে প্রাইজ পাওয়ার বহু পূর্বেই তর্জমা হয়ে গিয়েছে। আর নোবেল পেলে তো কথাই নেই—হস হস করে ডজনখানেক ভাষায় খান বিয়ান্টিশ তর্জমা বাজার গরম করে তোলে।

ইংরেজ গেছে, আপদ গেছে। এখন আমি স্বপ্ন দেখি—সুশীল পাঠক তুমিও যোগ দাও—ভারতবর্ষের নানা ভাষায় যেন উত্তম উত্তম সাহিত্য সৃষ্টি হয় এবং এক সাহিত্যের ভালো লেখা যেন অন্য সব সাহিত্যে অনুবাদ করা হয়। ইংরেজের মতলব ছিল প্রদেশে প্রদেশে যেন ভাবের আদান-প্রদান না হয়। তৎসম্প্রদেয় আমরা ইংরিজির মাধ্যমে একে অন্যকে কিছুটা চিনতে পেরেছি কিন্তু বহুস্থানেই অনেকখানি ভুল চেনাশোনা হয়েছে। এবারে সংসাহিত্যের ভিতর দিয়ে আসল সদালাপ আরম্ভ হবে—আমরা এই স্বপ্ন দেখি।

বাঙলা বই হিন্দীতে অনুবাদ হবে, তারপর হিন্দী থেকে তামিলে—এ ব্যবস্থা আমার মনঃপূত হয় না। জ্যামিতি নাকি সপ্রমাণ করতে পারে, ত্রিভুজের যে কোনো এক বাহু যে কোনো দুই বাহুর চেয়ে হ্রস্বতর।

সোজাসুজি পরিচয় সবচেয়ে ভালো পরিচয়। একটি সামান্য উদাহরণ দিই। একখানি পুস্তকের প্রতি আমার ভক্তিপ্রদার অস্ত নেই—এ সম্বন্ধে পূর্বেও ইঙ্গিত করেছি—বইখানি স্বর্গীয় লোকমান্য বালগঙ্গাধর টিলকের 'গীতারহস্য'।

লোকমান্য গীতার এই নবীন ভাষা মারাঠীতে লিখেছিলেন এবং তার এক অতি জঘন্য ইংরিজি অনুবাদ আছে—একদম অখাদ্য অপাঠ্য। কিন্তু বৃদ্ধ জ্যোতিরিন্দ্রনাথ যৌবনে-শেখা, মরচে-ধরা, জাম-পড়া তাঁর মারাঠীজ্ঞানকে ঝালিয়ে নিয়ে বাঙলায় যে অনুবাদখানি করেছেন তার প্রশংসা করতে গিয়ে আমার অক্ষম লেখনী বার বার তার দুর্বলতা নিয়ে লঙ্ঘিত হয়। এ তো অনুবাদ নয়, এ যেন বাঙালী টিলক বাঙলায় লিখেছেন। মারাঠীর সঙ্গে মিলিয়ে এ অধম সে পুস্তক বহুবার অধ্যয়ন করেছে, প্রতিবার মনে মনে তার উচ্ছ্বসিত প্রশংসা করেছে, বন্ধুবান্ধবকে সে কেতাব-ই-কুৎব-মিনার পড়তে অনুরোধ করেছে, এবং 'সত্যপীর' ছদ্মনামে সে গ্রন্থের পুনর্মুদ্রণের জন্য 'আনন্দবাজারে' বিস্তর কাম্বাকাটি করেছে।

এই বই পড়লে 'গীতা' নুতন করে চেনা যায় সে কথা অতি সত্য; কিন্তু উপস্থিত আমার নিবেদন, এ গ্রন্থ পড়লে মহারাষ্ট্র দেশকেও চেনা যায়। সংস্কৃত আজ সর্বত্রই মুমূর্ষু, কিন্তু কতখানি সংস্কৃত-চর্চা থাকলে পর এরকম গ্রন্থ বেরুতে পারে সেটা এ বই পড়লে মহারাষ্ট্রের সেই ক্ষুদ্র পত্নী চোখের সামনে ভেসে ওঠে যেখানে বালক বালগঙ্গাধর সংস্কৃত-চর্চার মাঝখানে মানুষ হলেন। আমার গর্ব, আমি সে গ্রামে গিয়েছি, সে তীর্থ দেখেছি।*

বন্ধ-বাতায়নে

॥ ১ ॥

ইংরেজকে যত দোষই দিই না কেন, ইংবেজি সভ্যতার যত নিন্দাই করি না কেন, ইংরেজ যে একটা মহৎ কর্ম সূচারুরূপে সম্পন্ন করতে সমর্থ হয়েছে সে বিষয়ে কোন সন্দেহ নেই। একদিক দিয়ে বহু জাত-বেজাত ইংলন্ড দখল করেছে, অন্যদিক দিয়ে ইংরেজ বিশ্বভুবনময় ছড়িয়ে পড়েছে, এবং তার ফলে ইংলন্ডে যে কত প্রকারের ভাবধারা এসে সম্মিলিত হয়েছে তার ইয়ত্তা নেই।

এই নানা ঘাত-প্রতিঘাতী পরস্পরবিরোধী চিন্তাধারা, রসবোধ পদ্ধতি, আদর্শানুসন্ধান যখন পৃথক ভাবে যাচাই করি তখন বিস্ময়ের আর অস্ত থাকে না যে ইংরেজ কি করে সব কটাকে এক করে বহুর ভিতর দিয়ে ঐক্যের সন্ধান পেল।

কাব্যকলায় ইংরেজের যে খুব বেশী মৌলিকতা গুণ আছে তা নয়—ইয়োবোপীয় সঙ্গীত, স্থাপত্য, চিত্রকলায় ইংরেজের দান অতি অল্পই—কিন্তু মনের সব কাঁটি জানলা ইংরেজ সব সময়ই খোলা বেখেছে বলে বহু ভ্রমর তার ঘরে এসে নানা গুঞ্জন গান

* এ-প্রবন্ধ আমি বহু বৎসর পূর্বে, ১৯৫১ খ্রীস্টাব্দে লিখি, কিন্তু তখনো রাষ্ট্রভাষা সমস্যা তার কল্পনাময় ধারণ করেনি বলে—আমি জানতুম একদিন নেবেই নেবে, তাই আগেভাগেই সাবধান বাণী শোনাতে চেয়েছিলুম—(দক্ষিণ ভারতে হিন্দীর বিরুদ্ধে যে-সংগ্রাম প্রয়োজনাতীত তাণ্ডব রূপ ধারণ কবে—সে তো তার বহু পরের ঘটনা!) আমার প্রিয় পাঠকবর্গ সমস্যাটির গুরুত্ব অনুভব করতে পারেননি। ফলে, উৎসাহভাবে, আমি প্রবন্ধটিকে পবিপূর্ণ রূপ দিতে পারিনি।

তুলেছে, নানা ফুলের সুবাস তার বৈদম্ব্যকে সুবাসিত করে তুলেছে। সে বৈদম্ব্যের প্রকাশও তাই সুভাষিত।

অনুসন্ধান করলে দেখা যায়, এই নানা বস্তু অস্তরে গ্রহণ করার ক্ষমতার পিছনে রয়েছে সহিষ্ণুতা। এ গুণটি বড় মহৎ, এবং জর্মন জাতির এ গুণটি নেই বলেই তারা বহু প্রতিভাবান কবি, গায়ক, দার্শনিক পেয়েও কখনোই ইয়োরোপে একচ্ছত্রাধিপত্য করতে পারেনি।

ইংরেজ রাজত্বের সময় আমাদের প্রধান কর্ম ছিল ইংরেজকে খেদানোর কলাকৌশল বের করা। আমরা সহিষ্ণু এবং উদার কিনা, ছুঁৎবাইগ্রস্ত এবং কুপমণ্ডুক—এ প্রশ্ন জিজ্ঞেস করবার ফুরসৎ এবং প্রয়োজন আমাদের তখন ছিল না।

এ প্রশ্ন জিজ্ঞেস করবার সময় আজ এসেছে।

আমাদের বৈদেশিক রাজনীতি সম্পূর্ণ নির্ভর করবে আমাদের চরিত্রের উপর।

আমরা যদি হাম-বড়াই প্রমত্ত হয়ে দেশবিদেশে সর্বত্র এরকম ধারা ভাবখানা দেখাই যে কারও কাছে আমাদের কিছু শেখবার নেই, আমাদের পুরাণাদি অনুসন্ধান করলে এটম বম্ বানানোব কৌশল খুঁজে পাওয়া যায়, আমাদের বিদ্যা-বুদ্ধির সামনে যে লোক মাথা না নোওয়ায় সে আকাট মূর্খ, আমবা যদি দেশ-বিদেশে আপন সামাজিক জীবনে পাঁচজনকে নিমন্ত্রণ কবে, নিমন্ত্রণ বেখে হদ্যাত্যোগে সকলের সঙ্গে এক না হতে পারি তবে আমরা বৈদেশিক রাজনীতিতে মাঝ খাব—বেধড়ক মার খাব, সে বিষয়ে আমাব মনে কণামাত্র সন্দেহ নেই।

যুদ্ধের সময় কত মার্কিন, ফরাসী, চেক্, বেলজিয়াম আমাব কাছে ফরিয়াদ করেছে, বাঙালীদের সঙ্গে মেশাব সুযোগ তারা পেল না। এক মার্কিন আমাদেব একখানা বাজে ইংবেজী কাগজের ববিবাসবীয় পড়ে মুঞ্চ হয়ে বলল, “তোমরা যদি এ-রকম ইংবেজি লিখতে পাবো তবে বাঙলাতে তোমাদের চিন্তাধাবা কত না অদ্ভুত খোলতাই হয় তার সন্ধান পাব কি প্রকারে? বাঙলা শেখাব মত দীর্ঘকাল তো আর এদেশে থাকবো না, তাই অস্তত দু-চারজন গুণীব সঙ্গে আলাপ করিয়ে দাও, দু-দণ্ড বসলাপ আর তত্ত্বালোচনা কবে লড়াইয়েব খুনকতলের কথটা যাতে করে ভুলে যেতে পাবি।”

আলাপ করিয়ে দিলুম কিন্তু জমলো না।

আমাব বাঙালী বন্ধুরা যে জাত মানেন তা নয়, কিংবা মার্কিন ভদ্রলোকটি যে আমাদের ঠাকুবঘরে বসে গোমাংস খেতে চেয়েছিলেন তাও নয়, বেদনাটা বাজলো অন্য জায়গায়।

আলাপ-পবিচয়ের দু’দিন বাদেই ধরা পড়ে, আমাদের মনের জানালাগুলো সব বন্ধ। আমরা কবি সাহিত্যচর্চা ও কিঞ্চিং রাজনীতি। নিতান্ত যাবা অর্থশাস্ত্র পড়েছেন, তাঁদেব বাদ দিলে আমাদের রাজনীতিচর্চাও নিতান্ত একপেশে; আর আমাদের নিজেদের দর্শন, সঙ্গীত, চিত্রকলা, স্থাপত্য, নৃত্য সম্বন্ধেও আমাদের জ্ঞান অভাঙ্গ। ইংরেজি সাহিত্য সম্বন্ধে আমাদেব জ্ঞান খানিকটে আছে বটে কিন্তু ইয়োরোপীয় বৈদম্ব্যেব আর পাঁচটা সম্পদ সম্বন্ধে আমরা অচেতন।

তাই গালগল্প ভালো করে জমে না। যে আমেবিকান পঁচিশপদী খানা খায় তাকে দু’বেলা ডালভাত দিলে চলবে কেন? রবীন্দ্রনাথ আর গান্ধী, গান্ধী আর রবীন্দ্রনাথ করে তো আর দিনের পব দিন কাটানো যায় না।

এর চেয়ে আশ্চর্যের জিনিস আর কিছুই হতে পারে না। কারণ এখনো আমাদের যেটুকু বৈদগ্ধ্য আছে, যে-সম্পদ সম্বন্ধে আমাদের বেশীর ভাগ লোকই অচেতন, সেটুকু গড়ে উঠেছে এককালে আমাদের মনের সব কটি জানলা খোলা ছিল বলে।

শুধু তাজমহল নয়, সমস্ত মোগল-পাঠান স্থাপত্য—জামি মসজিদ, আগ্রা দুর্গ, হমায়ুনের কবর, সিক্রি এবং তার পূর্বেকার হৌজখাস, কুৎবমিনার সব কিছু গড়ে উঠলো ভারতবাসীর মনের জানালা খোলা ছিল বলে; দিল্লী আগ্রার বাইরে যেসব স্থাপত্যশৈলী রয়েছে, যেমন ধরুন আহমদাবাদ বাঙলা দেশ কিংবা বিজাপুরে সেগুলোও তাদের পরিপূর্ণতা পেয়েছে, এককালে আমাদের মনের দরজা খোলা ছিল বলে; খানসাহেব আব্দুল করীম খান উচ্চাঙ্গ সঙ্গীতের যে চরমে পৌঁছতে পেরেছিলেন তার সোপান নির্মিত হয়েছে ভারতীয় পূর্বাচার্যগণের ঔদার্যগুণে।

এই বাঙলা ভাষা আর সাহিত্যই নিন। বৌদ্ধচর্যাপদে তার জন্ম, তাব গায়ে বৈষ্ণব পদাবলীর নামাবলী, ‘মঙ্গল’-মুকুট তার শিরে, আরবী-ফারসী শব্দের খানা খেয়েছে সে বিস্তর আর তার কথার ফাঁকে ফাঁকে যে ইংরেজি বোল ফুটে ওঠে তার জ্বালায় তো মাঝে মাঝে প্রাণ অস্থির হয়ে ওঠে।

আর কিছু না হোক আরবী-ফারসীর যে দুটো জানলা আমরা বন্ধ করে দিয়েছি—যেগুলো সামান্য ফাঁক করে দিয়েই কবি নজরুল ইসলাম আমাদের গায়ে তাজা হাওয়া লাগিয়ে দিলেন—সেগুলোই যদি আমরা পুনবায় খুলে ধবি তা হলে আফগানিস্তান, ইরান, ইরাক, সিরিয়া, লেবানন, প্যালেস্টাইন, মিশর, লিবিয়া, মরক্কো, আলজেরিয়াব সঙ্গে আমাদের যোগাযোগ সহজ হয়ে যাবে। আফগানিস্তান ও ইরানে ফার্সী প্রচলিত আর বাদবাকি দেশ আরবী।

স্বার্থের সন্ধানে একদিন আমরা তাদের কাছে যাবো, তারাও আমাদের অনুসন্ধান করবে। তখন যদি তারা আমাদের যতটা চেনে তার চেয়ে তাদের সম্বন্ধে আমাদের জ্ঞান বেশী হয় তবে আমরাই জিতব।

আর পূর্বের জানলাও তো খুলে ফেলা সহজ। বৌদ্ধধর্মের ত্রিপিটক তো ভাবতের পিটকেই বন্ধ আছে। ত্রিশবণ ত্রিরত্নের রত্নাকর তো আমরাই।

॥ ২ ॥

পশ্চিমের জানলা খুললে দেখতে পাই, পাকিস্তান ছাড়িয়ে আফগানিস্তান, ইরান, আরব দেশের পর ভূমধ্যসাগর, অর্থাৎ ভারত এবং ভূমধ্যসাগরের মধ্যবর্তী ভূমি মুসলিম। তাই স্বভাবতই মনে প্রশ্ন জাগে, এই বিশাল ভূখণ্ড যদি ধর্মের উদ্দীপনায় একত্বাভ করতে পারে তবে আন্তর্জাতিক রাজনীতি-পন্থায়েতে এদের উচ্চকণ্ঠ কি মার্কিন, কি ফ্রান্স কেউই অবহেলা করতে পারবে না।

তার পূর্বে প্রশ্ন, বহুশত বৎসর ধরে এ-ভূখণ্ডে কোনো প্রকারের স্বাধীন ঐক্য যখন নেই তখন আজ হঠাৎ কি প্রকারে এদের ভিতর একতা গড়ে তোলা সম্ভব? উত্তরে শুধু এইটুকু বলা চলে যে এ-ভূখণ্ডে ইতিপূর্বে আর কখনো এমন কট্টব জীবনমবণ সমস্যা উপস্থিত হয়নি। তাই আজ যদি প্রাণের দায়ে এরা এক হয়ে যায়।

ঐক্যের পথে অন্তরায় কি?

প্রথম অন্তরায় ধর্মই। ভারতবর্ষের পূর্বপ্রান্তে যেমন বর্মা চীন এবং অন্যদিকে মুসলিম ভূমি, ঠিক তেমনি শীয়া ইরানের একদিকে সুন্নী আফগানিস্থান পাকিস্তান এবং ভারতীয় মুসলমান, অন্যদিকে সুন্নী আববিস্থান। শীয়া ইরানের সঙ্গে সুন্নী আফগানিস্থানের মনের মিল কখনো ছিল না, এখনো নেই। একটা উদাহরণ দিলেই আমার বক্তব্যটা খোলসা হবে; আফগান বিদগ্ধজনের শিক্ষাদীক্ষা এবং রাষ্ট্রভাষা ফার্সী, আর ইরানের ভাষা তো ফার্সী বটেই, তৎসত্ত্বেও কাবুলের লোক কন্মিনকালেও ইরানে লেখা-পড়া শেখবার জন্য যায়নি এবং তার চেয়েও আশ্চর্যের বিষয় যে তারা লেখা-পড়া এবং ধর্মচর্চার জন্য আসতো ভাবতবর্ষে, এখনো আসে, যদ্যপি সকলেই জানে যে, ভারতবর্ষের কোনো প্রদেশের লোকই ফার্সীতে কথা বলে না। ইসলামের অভ্যুদয়ের পূর্বেও তাই ছিল—আফগানিস্থান এককালে বৌদ্ধ ছিল, তার পূর্বে সে হিন্দু ছিল, কিন্তু ইরানী জরথুষ্ট্র ধর্ম সে কখনো ব্যাপকভাবে গ্রহণ করেনি।

ইরান আফগানিস্থানে তাই অহরহ মনোমালিন্য। আফগানিস্থান ও ইরান সীমান্ত নিয়ে দু'দিন বাদে বাদে ঝগড়া লাগে ও আজ পর্যন্ত সে-সব ঝগড়া-কাজিয়া ফৈসালা করার জন্য কত যে কমিশন বসেছে তাব ইয়ত্তা নেই। আফগানিস্থানের পশ্চিমতম হিরাত ও ইরানের পূর্বতম শহর মেশেদে প্রায়ই শীয়া-সুন্নীতে হাতাহাতি মারামারি হয়। আফগান ইবানেতে বিয়ে শাদী হয় না, কাবুলরাজ কখনো তেহরান যান না, ইরান অধিপতিও কখনো কাবুলমুখো হন না। ব্যত্যয় আমানউল্লা খান এবং তাঁর ইরান গমনের সংবাদ পেয়ে আফগানরা কিছুমাত্র উল্লসিত হয়নি।

ওদিকে যেমন ইরানের সঙ্গে আফগানিস্থানে মনেব মিল নেই, এদিকে তেমনি আফগান পাকিস্তানীতে মন-কষাকষি চলছে। সিন্ধুর পশ্চিম পার থেকে আসল পাঠানভূমি আরম্ভ হয়, এবং পূর্ব আফগানিস্থানের উপজাতি সম্প্রদায়ও পাঠান। তাই আফগান সরকারের দাবী, পাকিস্তানের পাঠান হিস্যাটা যেন তার জমিদারীতে ফেরত দেওয়া হয়। এ দাবীটা আফগানিস্থান ইংরেজ আমলে মনে মনে পোষণ করত, কিন্তু ইংরেজের ডাণ্ডা ভয়ে বিশেষ উচ্চবাচ্য করত না।

এই তো গেল পাকিস্তান, আফগানিস্থান, ইরানের মধ্যে হার্দিক সম্পর্ক বা আঁতাঁৎ কর্দিয়ালের কেচ্ছা!

ওদিকে আবার ইরান আবারে দোস্তী হয় না। প্রথমত ধর্মের বাধা ইরান শীয়া, আরব সুন্নী; দ্বিতীয়ত ইরানীরা আর্ষ, আরববা সেমিতি, তৃতীয়ত ইরানের ভাষা ফার্সী, আরবের ভাষা আরবী।

কিন্তু তার চেয়েও গুরুতর বাধা হয়েছে এই যে, খুদ আরব ভূখণ্ড ঐক্যসূত্রে গাঁথা নয়। খুদ আরবভূমি যদি এক হয়ে ইরানের উপর তার বিরাট চাপ ফেলতে পাবত তবে হয়ত ইরান প্রাণের দায়ে ভালো হোক মন্দ হোক কোনো প্রকারের একটা দোস্তী করে ফেলত (তা সে 'আঁতাঁৎ' 'হার্দিক', হার্টি' অর্থাৎ 'কর্দিয়াল' হল আর নাই হল) কিন্তু তাবৎ আরব ভূখণ্ডকে এক করার মত তাগদ আজ কারও ভিতরেই দেখতে পাওয়া যাচ্ছে না।

আরবভূমি আজ ইরাক, সীরিয়া, লেবানন, ট্রান্স-জর্ডন, সউদী আরব, প্যালেস্টাইন ও ইয়েমেন এই সাত রাষ্ট্রে বিভক্ত। তাছাড়া কুয়েৎ, হাদ্রামুত, অধুনা 'নির্মিত' আদন

ইত্যাদি ক'গণ্ডা উপরাষ্ট্র আছে সে তো অশুভাব! এদের সকলেবই ভাষা ও ধর্ম এক ও তৎসঙ্গেও এদের ভিতর মনের মিল নেই। এবং সে ঐক্যের অভাব এই সেদিন মর্মস্তদরূপে সপ্রমাণ হয়ে গেল—যেদিন কথা নেই বার্তা নেই আড়াই গণ্ডাই ইহুদী হঠাৎ উড়ে এসে আরবীস্থানের বুকের উপর প্যালেস্টাইনে জুড়ে বসল। যে আরব হাজারো বৎসর ধরে প্যালেস্টাইনের পাথর নিংড়ে সরস জাফা কমলালেবু বানিয়ে নিজে খেত, দুনিয়াকে খাওয়াত, সেই আরবের ভিটেমাটি উচ্ছন্ন করল আড়াই গণ্ডা 'রণভীক' ইহুদী! আরব রাষ্ট্রে আন গৃহকলহ নিয়ে মশগুল—ওদিকে প্যালেস্টাইন পয়মাল হয়ে গেল।

লেবাননকে বাদ দিয়ে আরব সম্বন্ধে আলোচনা করা যাক—কাবণ লেবানন রাষ্ট্রে মুসলিম-আরবের চেয়ে খ্রীস্টান-আরবের সংখ্যা একটুখানি বেশী; লেবাননের খ্রীস্টান আরবেরা ইহুদীদের সঙ্গে দোস্তী করতে চায় না একথা খাঁটি এবং তাবা হয়ত বৃহত্তর আরবভূমির পঞ্চায়েতে হাজিরা দিতে রাজি নাও হতে পারে। কিন্তু তাতে কিছুমাত্র এসে যায় না, কারণ লেবানন অস্পৃষ্ঠ পরিমাণ রাষ্ট্র।

আসল লড়াই দুই পালোয়ানে। তাঁদের একজন আমীর আবদুল্লা, ট্রান্স জর্ডনের রাজা, অন্যজন মক্কা-মদীনা, জিন্দা-নেজদের রাজা ইবনে সউদ। আবদুল্লার বংশই ইবাকে রাজত্ব করেন, কাজেই এ দু'রাষ্ট্রে মিতালি পাক্কা, কিন্তু ইবনে সউদ একাই একশ। কাবণ রাজা বলতে আমরা যা বুঝি সে হিসেবে আজকের দুনিয়ায় একমাত্র তিনিই খাঁটি রাজা। আবদুল্লার পিছনে রয়েছে ইংরেজের অর্থবল, বাহুর দস্ত; কিন্তু ইবনে সউদ কারও তোয়াক্কা করে আপন রাজ্য চালান না। মার্কিনকে তেল বেচে তিনি এযাবৎ কয়েকশ মিলিয়ন ডলার পেয়েছেন বটে, তবু মার্কিন তাঁর রাজত্বে কোনো প্রকারেয় নাম-প্রভুৎ কয়েম করতে পারেনি। আর সবচেয়ে বড় কথা, তিনি মক্কাব কাবা শরীফেব তদারকদার—বিশ্ব মুসলিম সেই খাতিরে তাঁকে কিছুটা মানেও বটে।

যেন ঘোঁটালাটা যথেষ্ট প্যাঁচালো নয় তাই নিশরকেও এই সম্পর্কে স্মরণ করতে হয়। কারণ মিশরবাসীর শতকরা নব্বুই জন আরবীতে কথা বলে, ধর্ম তাদের ইসলাম ও তাদের বেশীর ভাগের রক্তও আরব রক্ত। এবং তার চেয়েও বড় কথা, ইসলাম এবং মুসলিম ঐতিহ্যের সবচেয়ে বড় অছি কাইরোর সহস্রাধিক বৎসরের প্রাচীন বিশ্ববিদ্যালয় অল-অজহর। আরব, আফগানিস্থান, যুগোস্লাভিয়া, রুমানিয়া, ভারতবর্ষ, চীন, মালয়, জাভা এক কথায় তাবৎ দুনিয়ার কুমে ধর্মপ্রাণ মুসলিমের আন্তরিক কামনা অজহরে ধর্মশিক্ষা লাভ করবার।

তদুপরি মিশর প্রগতিশীল এবং বিস্ত্রশালী বাষ্ট্রও বটে।

কিন্তু মিশরের উপরে রয়েছে ইংরেজের সরদাবি।

সেই হল আরেক বখেড়া। আরবদের ভিতর ঝগড়া-কাজিয়া তো রয়েছেই, তার উপর আবার আরব হাঁড়ির ভিতর গর্দান চুকিয়ে বসে আছেন ইংরেজ এবং স্বয়ং মার্কিন চতুর্দিকে ছোক-ছোক করে ঘুরে বেড়াচ্ছেন, হাঁড়ির কিছুটা মেহজগাতীয় পদার্থ ইতিমধ্যেই তাঁর লাঙ্গুলকে কিঞ্চিৎ চেকনাই এনে দিয়েছে—সেকথা পূর্বেই নিবেদন করেছি।

তাই সব কিছু ছয়লাপ করে দেয় তেলের বন্যা। ইরান ইরাকের তেল ইংরেজের আর সউদী আরবের তেল মার্কিনের। পাঠক বলবেন, তাহলেই হল, ব্রাদারলি ডিভিশন, কিন্তু সুশীল পাঠক, আপনি উপনিষদ পড়েননি তাই এরকম ধারা বললেন। ভূমৈব

সুখম্—অল্পে সুখ নেই। মার্কিন চায় তৈলযন্ত্রের একক পুরোহিত হতে, আর ইংরেজ চায় মার্কিনকে দরিয়ার সে-পারে খেদাতে।

কি দিয়ে আরম্ভ করেছিলুম আর কোথায় এসে পড়েছি। কোথায় আফগানিস্থানের প্রস্তরময় শৈলশিখর আর কোথায় স্নেহভরে ডগমগ আরবের পাতালতল! এ সবকিছুব হিসেবনিকেশ করে পররাষ্ট্র নীতির হদিস বানানো তো সোজা কর্ম নয়।

আমাদের একমাত্র সাধুনা এ-দেশের বিস্তর লোক আরবী এবং ফার্সী উভয় ভাষাই জানেন। ইচ্ছে করলে এঁদের সম্বন্ধে আমরা নিজের মুখেই ঝাল খেতে পারি।

তাই বলি খোলো খোলো জানলা খোলো ॥*

এ্যারোপ্লেন

॥ ১ ॥

পঁচিশ বৎসর পূর্বে প্রথম এ্যারোপ্লেন চড়েছিলুম। ** দশ টাকা দিয়ে কলকাতা শহরের উপব পাঁচ মিনিটের জন্য খুশ সোওয়ারী বা 'জয়-রাইড' নয়, রীতিমত দু'শ মাইল রাস্তা—পাহাড়-পর্বত ডিঙিয়ে নদী-নালা পেরিয়ে এক শহর থেকে অন্য শহরে যেতে হয়েছিল। তখনকার দিনে এদেশে প্যাসেঞ্জার সার্ভিস ছিল না, কাজেই আমার অভিজ্ঞতটা গড়পড়তা ভারতীয়দের পক্ষে একরকম অভূতপূর্বই হয়েছিল বলতে হবে।

তারপব ১৯৪৮ থেকে আজ পর্যন্ত ভারতবর্ষের বহু জায়গায় প্লেনে গিয়েছি এবং যাচ্ছি। একদিন হয়তো পুষ্পক-রথে করেই স্বর্গে যাব, অর্থাৎ প্লেন-ক্র্যাশে অক্সালাভ করবো—তাতে আমি আশ্চর্য হব না, কারণ এ তো জানা কথা, 'ডানপিটের মবণ গাছের আগায়।' সে-কথা থাক।

কিন্তু আশ্চর্য হয়ে প্রতিবারেই লক্ষ্য করি, পঁচিশ বৎসর পূর্বে প্লেনে যে সুখ-সুবিধে ছিল আজও প্রায় তাই। ভুল বলা হল, 'সুখ-সুবিধে' না বলে 'অসুখ-অসুবিধে' বলাই উচিত ছিল কারণ প্লেনে সফর করার মত পীড়াদায়ক এবং বর্বরতর পদ্ধতি মানুষ আজ পর্যন্ত আবিষ্কার করতে পারেনি। আমার পাঠক-পাঠিকাদের মধ্যে যেসব হতভাগ্য প্লেনে চড়েন, তাঁরা ওকীব-হাল, তাঁদের বুঝিয়ে বলতে হবে না। উপস্থিত তাই তাঁদেবই উদ্দেশে নিবেদন, প্লেনে চড়ার সৌভাগ্য কিংবা দুর্ভাগ্য যাঁদের এয়াবৎ হয়নি।

বেলে কোথাও যেতে হলে আপনি চলে যান সোজা হাওড়া। সেখানে টিকিট কেটে ট্রেনে চেপে বসেন—বাস হয়ে গেল। অবশ্য আপনি যদি বার্থ রিজার্ভ করতে চান তবে অন্য কথা, কিন্তু তবু এ-কথা বলবো, হঠাৎ খেয়াল হলে আপনি শেষ মুহূর্তেও হাওড়া গিয়ে টিকিট এবং বার্থের জন্য একটা চেষ্টা দিতে পারেন এবং শেষ পর্যন্ত কোনোগতিকে একটা বার্থ কিংবা নিদেনপক্ষে একটা সীট জুটে যায়ই।

* এ প্রবন্ধটি লিখি ১৩৫৬ (১৯৪৯ খ্রীঃ) সালে—(অর্থাৎ দেশে-বিদেশে পুস্তকাকাবে প্রকাশিত হওয়াব সময়)। ইতিমধ্যে আবব ভূখণ্ডে বাজাব বদলে কোনো কোনো জায়গায় ডিকটেটব হয়েছেন, মিশর থেকে ইংরেজ অনেক দূরে হটে গিয়েছে। নইলে এ প্রবন্ধেব মূল দর্শন তখন যা ছিল, আজও তাই। আমি তাই প্রবন্ধের কোনো পরিবর্তন করিনি।

** রচনাটি লেখা হয় ১৯৫৩ খ্রীস্টাব্দে।

প্লেনে সেটি হবার যো নেই। আপনাকে তিন দিন, পাঁচ দিন, কিংবা সাত দিন পূর্বে যেতে হবে 'এয়ার আপিসে'। এক হাওড়া স্টেশন থেকে আপনি বোম্বাই, মাদ্রাজ, দিল্লী, গৌহাটী—এমন কি ব্যান্ডেল-হগলী হয়ে পাকিস্তান পর্যন্ত যেতে পারেন কিন্তু একই 'এয়ার আপিস' আপনাকে সব জায়গার টিকিট দেয় না—কেউ দেবে ঢাকা আর আসাম, কেউ দেবে মাদ্রাজ অঞ্চল, কেউ দেবে দিল্লীর।

এবং এ-সব এয়ার আপিস ছড়ানো রয়েছে বিরাট কলকাতার নানা কোণে, নানা গহুরে। এবং বেশির ভাগই ট্রামলাইন, বাসলাইনের উপরে নয়। হাওড়া যান ট্রামে, দিব্য মা গঙ্গার হাওয়া খেয়ে, এয়ার আপিসে যেতে হলে প্রথমেই ট্যাকসির ধাক্কা।

এয়ার আপিসে ঢুকেই আপনার মনে হবে ভুল করে বুঝি জঙ্গী দফতরে এসে পড়েছেন। পাইলট, রেডিয়ো অফিসার তো উর্দী পরে আছেনই—এমন কি টিকিটবাবু পর্যন্ত শার্টের ঘাড়ে লাগিয়েছেন নীল-সোনালির ব্যাজ-বিলা-রিবন-পট্টি—যা খুশী বলতে পারেন। রেলের মাস্টারবাবু, গার্ড সাহেবরা উর্দী পরেন কিন্তু সে উর্দী জঙ্গী কিংবা লঙ্করী উর্দী থেকে স্বতন্ত্র—এয়ার আপিসে কিন্তু এমনই উর্দী পরা হয়—খুব সম্ভব ইচ্ছে করেই—যে আমার মত কুনো বাঙালী সেটাকে মিলিটারি কিংবা নেভির যুনিফর্মের সঙ্গে গুবলোট পাকিয়ে আপন অজানাতে দুম্ করে একটা সলুট মেরে ফেলে।

তারপর সেই উর্দী-পরা ভদ্রলোকটি আপনার সঙ্গে কথা কইবেন ইংরিজিতে। স্পষ্ট দেখতে পাচ্ছেন, আপনি ধুতি-কুর্তা-পর্যন্ত নিরীহ বাঙালী তবু ইংরিজি বলা চাই। আপনি না হয় সামলে নিলেন—বি. এ., এম. এ. পাস করেছেন—কিন্তু আমি মশাই, পড়ি মহা বিপদে। তিনি আমার ইংরিজি বোঝেন না, আমি তাঁর ইংরিজি বুঝতে পারি নে—কী জ্বালা! এখন অবশ্য অনেক পোড় খাওয়ার পর শিখে গিয়েছি যে জোড় করে বাঙলা চালানোই প্রশস্ততম পস্থা! অন্তত তিনি আমার বক্তব্যটা বুঝতে পারেন।

তখুনি যদি রোজ্জা টাকা ঢেলে টিকিট কাটেন তবে তো ল্যাঠা চুকে গেল কিন্তু যদি শুধু 'বুক' করান তবে আপনাকে আবার আসতে হবে টাকা দিতে। নগদা টাকা ঢেলে দেওয়াতে অসুবিধে এই যে পরে যদি মন বদলান তবে রিফান্ড পেতে অনেক হ্যাঁপা পোয়াতে হয়। সে না হয় হল, রেলের বেলাও হয়।

কিন্তু প্লেনের বেলা আরেকটা বিদকুটে নিয়ম আছে। মনে করুন আপনি ঠিক সময় দমদমে উপস্থিত না হতে পারায় প্লেন মিস্ করলেন। রেলের বেলা আপনি তখুনি টিকিট ফেরত দিলে শতকরা দশ টাকা কিংবা তারও কম—কম-বেশী খেসাবতির আক্কেলেসলামি দিয়ে ভাড়ার পয়সা ফেরত পাবেন। প্লেনের বেলা সে-টি হচ্ছে না। অথচ আপনি পাকা খবর পেলেন, প্লেনে আপনার সীট ফাঁকা যায়নি, আরেক বিপদগ্রস্ত ভদ্রলোক পুরো ভাড়া দিয়ে আপনার সীটে ট্রাভেল করেছেন, এয়ার কোম্পানীও স্বীকার করলো কিন্তু তবু আপনি একটি কড়িও ফেরত পাবেন না। এয়ার কোম্পানীর ডবল লাভ। এ-নিয়ে দেওয়ানী মোকদ্দমা লাগালে কি হবে বলতে পারি নে, কারণ আমি আদালতকে ডরাই এয়ার কোম্পানীর চেয়ে একটুখানি বেশী।

টিকিট কেটে তো বাড়ি ফিরলেন। তারপর সেই মহামূল্যবান 'মূল্যপত্রিকা'খানি পর্যবেক্ষণ করে দেখলেন তাতে লেখা রয়েছে প্লেন দমদমা থেকে ছাড়বে দশটার সময়, আপনাকে কিন্তু এয়ার আপিসে 'হাজিরা' দিতে হবে আটটার সময়। বলে কি? নিতান্ত

থাড্ডা কেলাসে যেতে হলেও তো আমরা এক ঘণ্টার পূর্বে হাওড়া যাই নে—কাছাকাছিব সফর হলে তো আধঘণ্টা পূর্বে গেলেই যথেষ্ট আর যদি ফাস্ট কিংবা সেকেন্ডের (প্লেনে আপনি ভাড়া দিচ্ছেন ফাস্টের চেয়েও বেশী—অনেক সময় ফাস্টের দেড়া!) বার্থ রিজার্ভ থাকে তবে তো আধ মিনিট পূর্বে পৌঁছলেই হয়। আপনি হয়ত প্লেনে থাকবেন পৌনে দু'ঘণ্টা, অথচ আপনাকে এ্যার আপিসে যেতে হচ্ছে পাকি দু'ঘণ্টা পূর্বে (মোকামে পৌছে সেখানে আরও কত সময় যাবে সে-কথা পরে হবে)।

এইবার মাল নিয়ে শিরঃপীড়া। আপনি চুয়াল্লিশ (কিংবা বিয়াল্লিশ) পৌণ্ড লগেজ ফ্রী পাবেন। অতএব,

‘সোনা-মুগ সরু চাল সুপারি ও পান,
ও হাঁড়িতে ঢাকা আছে দুই-চাবিখান
গুড়ের পাটালি; কিছু ঝুনা নারিকেল,
দুই ভাণ্ড ভালো রাই-সরিষাব তেল
আমসদু আমচুর—’

ইত্যাদি মাথায় থাকুন, বিছানাটি যে নিয়ে যাবেন তাবও উপায় নেই। অথচ আপনি গৌহাটি নেমে হয়ত ট্রেনে যাবেন লামডিং, সেখানে উঠবেন ডাকবাংলোয়। বিছানা—বিশেষ করে মশারি—বিন কি কবে গৌযাবেন দিন-রাতিয়া?

বিছানাটা নিলেন কি? না। তার ভেতবে যে ভারী জিনিস কিছু কিছু লুকোবেন ভেবেছিলেন সেটিও তা হলে হল না। অবশ্য লুকিয়ে কোনো লাভ হত না কারণ জিনিসটিকে ওজন কবা তো হতই—মালে আপনি ফাঁকি দিতে পারতেন না।

এ্যাব ট্রাভেল করবেন—মাত্র বিয়াল্লিশ পৌন্ড ফ্রী লগেজ—অতএব আপনি নিশ্চয়ই বুদ্ধিমানের মত একটি পিচবোর্ডে কিংবা ফাইবারের সুটকেসে মালপত্র পুরে—সেটার অবস্থা কি হবে মোকামে পৌছলে পব বলবো—বওয়ানা দিলেন এ্যার আপিসের দিকে, ছাতা-বরসাতি এটাচি হাতে, তাব জন্য ফালতো ভাড়া দিতে হবে না (ধ্যাক্স ইউ!)। ট্যাকসি যখন নিতেই হবে তখন সঙ্গে চললেন দু'একজন বন্ধু-বান্ধব। যদিহ্যাৎ দৈবাৎ প্লেন মিস্ কবেন তবে একটি কড়িও ফেরৎ পাবেন না বলে দু-দশ মিনিট আগেই রওয়ানা দিলেন এবং এ্যার আপিসে পৌছলেন পাকি সোয়া দু'ঘণ্টা পূর্বে—আমার জাত-ভাই বাঙালরা যে রকম ইস্টিশানে গাড়ি ছাড়ার তিন ঘণ্টা পূর্বে যায়।

এ্যার আপিসের লোক হস্তদস্ত হয়ে ট্যাকসি থেকে আপনার মাল নামাবে। সে লোকটা কুলি-চাপরাশির সমষ্ণ—তা হোক গে, কিন্তু তার বাই সে ‘হিন্দীতে’—রাষ্ট্রভাষাতে—অর্থাৎ তার অউন, অরিজিন্যাল হিন্দীতে কথা বলবেই—যে বকম তাব বসের ইংবেজি বলাব বাই, অথচ উভয় পক্ষই বাঙালী। আমাদের বন্ধিম, আমাদের রবীন্দ্রনাথ বলতে আমরা অজ্ঞান, কিন্তু এই বাঙলা দেশের মহানগবী বামমোহন রবীন্দ্রনাথের লীলাভূমিতেই আপিস-আদালতে, রাস্তা-ঘাটে ‘আ মরি বাংলা ভাষার’ কী কদর, কী সোহাগ!

॥ ২ ॥

কলকাতা বাঙালীর শহর। বাঙালী বলতে আপুনি আমি মধ্যবিত্ত বাঙালীই বুঝি তাই আমাদের এ্যার আপিসগুলোব অবস্থা মধ্যবিত্ত বাঙালী পরিবারের মত। অর্থাৎ মাসেব পয়লা তিন দিন ইলিশ মুগী তাবপব আলুভাতে আর মুসুব ডাল।

ঢাক-ঢোল শাক-কবতাল বাঁজিয়ে যখন প্রথম আমাদের এয়ার আপিসগুলো খোলা হয় তখন সেগুলো বানানো হয়েছিল একদম সাহেবি কায়দায়। বড় বড় কৌচ, বিরাট বিরাট সোফা, এস্তার ফ্যান, হ্যাট-স্ট্যান্ড, গ্লাস-টপ টেবিল, তার উপরে থাকতো মাসিক, দৈনিক, অ্যাশট্রে আবও কত কি। সাহস হত না বসতে, পাছে জামাকাপড়ের ঘষায় সোফাব চামড়া নোংরা হয়ে যায়—চাপরাশীগুলোব উর্দীই তো আমার পোশাকের চেয়ে ঢের বেশী দুবস্ত, ছিমছাম।

আর আজ? চেয়ারগুলোর উপর যা ময়লা জমেছে তাতে বসতে ঘেন্না করে। ফ্যানগুলো কাঁচ কাঁচ করে ছুটির আবেদন জানাচ্ছে, দেওয়ালে চুনকাম করা হয়নি সেই অল্পপ্রাশনের দিন থেকে—সমস্তটা নোংরা, এলোপাতাড়ি আর আবহাওয়াটা ইংরিজিতে যাকে বলে ড্রেয়াবি, ডিসমল্।

একটা এয়ার আপিসে দেখেছি—ভিতবে যাবার দরজায় যেখানে হাত দিয়ে ধাক্কা দিতে হয় সেখানে যা ময়লা জমেছে তার তুলনায় রান্নাঘরে তেলচিটে কালি-মাখা দরজাও পরিষ্কার। আপনি সহজে বিশ্বাস কববেন না, আসুন একদিন আমার সঙ্গে, আপনাকে দেখিয়ে দেব।

এইভাবে একটু আনন্দের সন্ধান পাবেন। দশাশয়ী লাশদের যখন ওজন করা হবে তখন আড়নযনে ওজনের কাঁটাটাব দিকে নজর রাখবেন। ১৬০ থেকে তামাসা আরম্ভ হয়, তারপর ডবল সেঞ্চুরি পেরিয়ে কেউ কেউ মুশতাক আলীর মত ট্রিপলের কাছাকাছি পৌঁছে যান। আমার বন্ধু ‘—’ মুখ্যে যখন একবার ওজন নিতে উঠেছিল তখন কাঁটাটা বৌ বৌ করে ঘুরতে ঘুরতে শেষটায় থপ করে শূন্যে এসে ভিরমি গিয়েছিল। মুখ্যে আমাকে হেসে বলেছিল, ‘কিন্তু ভাড়া তুমি যা দাও আমিও তাই।’

কী অন্যায!

তারপর আবার সেই একটানা একঘেয়ে অপেক্ষা।

তিন কোয়ার্টার পরে খবর আসবে—মালপত্র সব বাসে তোলা হয়ে গিয়েছে। আপনারা গা তুলুন।

রবিঠাকুর কি একটা গান রচেনেন না?

আমার বেলা যে যায় সাঁঝবেলাতে

তোমার সুরের সুরে সুর মেলাতে—

এয়ার কোম্পানীর বাসগুলো কিন্তু আপিসগুলোর সঙ্গে দিব্য সুর মিলিয়ে বসে আছে। লড়াইয়ের বাজারে যখন বিলেত থেকে নূতন মোটর আসা বন্ধ হয়ে গিয়েছিল তখন কচুবন থেকে কুড়িয়ে-আনা যেসব বাস গ্রামাঞ্চলে চড়েছিলুম আমাদের এয়ার কোম্পানীর বাস প্রায় সেই রকম। ওদেরই আপিসের মত নোংরা, নড়বড়ে আর সীটগুলোর স্প্রিং অনেকটা আরবিস্থানের উটের পিঠের মত। ‘ইহার চেয়ে হতেম যদি আরব বেদুয়ীন’ হওয়াব শখ যদি আপনার হয়, আবব দেশ না গিয়ে, তবে এই বাসের যে কোনো একটায় দু’দণ্ডের তবে চড়ে নিন। আপনাব মনে আব কোন খেদ থাকবে না।

মধ্য কলকাতা থেকে দমদম ক’মাইল বাস্তা সে খবর বের করা বোধ হয় খুব কঠিন নয়; কিন্তু সেই বাসে চড়ে আপনার মনে হবে :—

‘যেন পেরিয়ে এলেম অন্তবিহীন পথ।’

মোটর, ট্যাকসি, স্টেট বাস, বেসবকাবী বাস এমন কি দু-চারখানা সাইকেল-রিকশাও আপনাকে পেবিয়ৈ চলে যাবে। ত্রিশ না চল্লিশ জন যাত্রীকে এক খেপে দমদম নিয়ে যাবার জন্য তৈরী এই টাউস বাস—প্রতি পদে সে জাম্ হয়ে যায়, ড্রাইভার কববে কি, আপনাই বা বলবেন কি?

দিল্লী থেকে কলকাতা আসবার সময় একবার দেখেছিলুম, যে যাত্রী প্লেনেব দোলাতে কাতর হযনি সে এই বাসের ঝাঁকুনিতে বমি করেছিল।

দমদমা পৌছলেন। এবারে প্লেন না-ছাড়া পর্যন্ত একটানা প্রতীক্ষা। সেও প্রায় তিন কোয়ার্টাবের ধাক্কা।

তবে সময়টা অত মন্দ কাটবে না। জায়গাটা সাফ-সুতরো, বইয়ের স্টল আছে, দমদম আন্তর্জাতিক এ্যাব-পোর্ট বলে জাত-বেজাতেব লোক যোবাঘুরি কবছে, ফুটফুটে ফরাসী মেম থেকে কালো-বোবকায় সর্বাঙ্গ ঢাকা পর্দা-নশিনী হজযাত্রিণী সব কিছুই চোখেব সামনে দিয়ে চলে যাবে।

তবে এ-কথাও ঠিক হাওডাব প্র্যাটফর্মের তুলনায় এখানে উত্তেজনা এবং চাঞ্চল্য কম। প্লেনে যখন মাল আব আপনার জায়গা হবেই তখন আর হতোহতি গুঁতোগুঁতি করার কি প্রয়োজন?

তবু ভাবতবর্ষ তাজ্জব দেশ। দিনকযেক পূর্বে দমদম এ্যার-পোর্ট রেস্টোরাঁয় ঢুকে এক গেলাস জল চাইলুম। দেখি জলেব বঙ ফিকে হলদে। শুখালুম, শরবত কি ফ্রী বিলোনো হচ্ছে? বয় বললে, জলেব টাকি সাফ কবা হয়েছে তাই জল ঘোলা এবং মৃদুস্ববে উপদেশ দিলে ও-জল না খাওয়াই ভালো।

শুনেছি, ইয়োরোপের কোনো কোনো দেশে নরনারী এমন কি বাচ্চা-কাচ্চারাও নাকি জল খায় না। দমদমাতে যদি কিছুদিন ধবে নিত্য নিত্য টাকি সাফ করা হয় তবে আমরা সবাই সাহেব হয়ে যাবো। শুধু কি তাই, জলেব জন্য উদ্বাস্তরা উদ্ব্যস্ত করে তুলবে না কলকাতা কর্পোরেশনকে। আমবা সবাই তখন কটির বদলে কেব খাবো। সে কথা থাক!

কিস্ত দমদম এ্যাব-পোর্টেব সত্যিকাব জৌলুস খোলে যেদিন ভোরে কুয়াশা জমে। কাণ্টা আমি এই শীতেই দুবার দেখেছি।

ভোব থেকে যে সব প্লেনেব দমদম ছাড়ার কথা ছিল তার একটাও ছাড়তে পারেনি। তার প্যাসঞ্জার সব বসে আছে এ্যাব-পোর্টে। আরও যাত্রী আসছে দলে দলে, তাতেবও প্লেন ছাড়তে পারছে না। কবে কবে প্রায় দশটা বেজে গেল। একদিক থেকে যাত্রীবা চলে যাচ্ছে, অন্যদিক থেকে আসছে, এই শ্রোত বন্ধ হয়ে যাওয়াতে তখন দমদমাতে যে যাত্রীব বন্যা জাগে, তাদের উৎকণ্ঠা, অংহারাদিব সন্ধান, খবরেব জন্য এ্যার কোম্পানীব কর্মচারীদের বার বার একই প্রশ্ন শোধানো, 'ডাম ক্যালকাটা ওয়েদার' ইত্যাদি কটুবাকা, নানাবকমের গুজোব—কোথায় নাকি কোন্ প্লেন ত্র্যাশ কবেছে, কেউ জানে না—যেসব বন্ধুবা 'সী অফ' করতে এসেছিলেন তাঁদের আপিসের সময় হয়ে গেল অথচ চলে গেলে খারাণ দেখাবে বলে কষ্টে আত্মসম্ববণ, প্লেন 'টেক অফ' করতে পারছে না ওর্ডিকে ব্রেকফাস্টের সময় হয়ে গিয়েছে বলে যাত্রীদের ফ্রী খাওয়ানো হচ্ছে, কঞ্জুস কোম্পানীবলো গড়িমসি করছে বলে তাদের যাত্রীদের অভিসম্পাত—আবও কত কি?

লাউড স্পীকার ভোব ৯টা থেকে না কাড়েনি। খবব দেবেই বা কি?

দমদমা নর্থ-পোল হলে কি হত জানি নে—শেষটায় কুয়াশা কাটলো। হঠাৎ শুনি লাউড স্পীকারটা কুয়াশায়-জমা গলায় কাশি বার কয়েক সাফ করে জানালে, ‘অমুক জায়গার পাসেঞ্জাররা অমুক প্লেনে (ডি বি জি, হি বি জি, হিজিবিজি কি নম্বর বললে বোঝা গেল না) করে রওয়ানা দিন।’

আমি না হয় ইংরিজি বুঝি নে, আমার কথা বাদ দিন, কিন্তু লক্ষ্য করলুম, আরও অনেকে বুঝতে পারেননি। গোবেচারীরা ফ্যাল ফ্যাল করে ডাইনে-বাঁয়ে তাকালে, অপেক্ষাকৃত চালাকেরা এয়ার আপিসে খবর নিলে, শেষটায় যে-প্লেন ছাড়বে তার কোম্পানীর লোক আমাদের ডেকে-ডুকে জড়ো করে প্লেনের দিকে রওয়ানা করে দিলে—পাণ্ডারা যে-রকম গাঁইয়া তীর্থযাত্রীদের ধাক্কাধাক্কি দিয়ে ঠিক গাড়িতে তুলে দেয়।

আমার সঙ্গে পাশাপাশি হয়ে যাচ্ছিলেন এক মারোয়াড়ী ভদ্রলোক। আমাকে বললেন, ‘আজকাল তো অনেক ইংরেজী না-জাননেওয়ালো যাত্রী ভী প্লেন চড়ছে—তব্ব বাঙালী জবান মে প্লেনকা খবর বলে না কাহে?’

ঐ বুঝলেই তো পাগল সারে।

॥ ৩ ॥

দেবরাজকে সাহায্য করে রাজা দুয়ান্ত যখন পুষ্পক রথে চড়ে পৃথিবীতে ফিরছিলেন, তখন যেমন যেমন তিনি পৃথিবীর নিকটবর্তী হতে লাগলেন, সঙ্গে সঙ্গে পাহাড়-পর্বত, গৃহ-অট্টালিকা অভিশয় দ্রুতগতিতে তাঁর চক্ষের সম্মুখে বৃহৎ আকার ধারণ করতে লাগল। যতদূর মনে পড়ছে, রাজা দুয়ান্ত তখন তাই নিয়ে রথীর কাছে আপন বিশ্বয় প্রকাশ করেছিলেন।

পুণার জনৈক ব্রাহ্মণ পণ্ডিত তারই উল্লেখ করে আমার কাছে সপ্রমাণ করার চেষ্টা করেছিলেন যে, দুয়ান্তের যুগ পর্যন্ত ভারতীয়েরা নিশ্চয়ই খপোত নির্মাণ করতে পারতেন, না হলে রাজা ক্রমাসন্ন পৃথিবীর এহেন পুঙ্খানুপুঙ্খ বর্ণনা দিলেন কি প্রকারে?

তার বহু বৎসর পরে একদা রমন মহর্ষি কোনো একটি ঘটনা বিশদভাবে পরিস্ফুট কবার জন্য তুলনা দিয়ে বলেন, উপরের থেকে নিচেব দিকে দ্রুতগতিতে আসার সময় পৃথিবীর ছোট ছোট জিনিস যে রকম হঠাৎ বৃহৎ অবয়ব নিতে আরম্ভ করে, ঠিক সেই রকম ইত্যাদি ইত্যাদি।

মহর্ষির এক প্রাচীন ভক্ত আমার কাছে বসে ছিলেন। আমাকে কানে কানে বললেন, ‘এখন তো তোমার বিশ্বাস হল যে, মহর্ষি যোগবলে উভ্ভীয়মান হতে পারেন।’ আমাকে এ-কথাটি তাঁর বিশেষভাবে বলার কারণ এই যে, আমি একদিন অলৌকিক ঘটনার আলোচনা প্রসঙ্গে একটি ফার্সী প্রবাদবাক্যের উল্লেখ করে বলেছিলুম,

‘পীরহা নমীপরন্দ,

শাগিরদার উছারা মীপরানন্দ।’

অর্থাৎ ‘পীর (মুরশাদ) ওড়েন না, তাঁদের চেলারা ওঁদের ওড়ান (cause them fly)’।

তার কিছুদিন পরে আমি রমন মহর্ষির পীঠস্থল তীরু-আন্নামলাই (শ্রীআন্নামলাই) গ্রামেব নিকটবর্তী অরুণাচল পর্বত আরোহণ করি। মহর্ষি এই পর্বতে প্রায় চল্লিশ বৎসর

নির্জন সাধনা করার পর তীরু-আল্লামলাই গ্রামে অবতরণ করেন—সাধনার ভাষায় অবতীর্ণ হন।

পাহাড়ের উপর থেকে রমনাশ্রম, দ্রৌপদী-মন্দির সব কিছুই খুব ছোট দেখাচ্ছিল। তারপর নামবার সময় পাহাড়ের সানুদেশে এক জায়গায় খুব সোজা এবং বেশ ঢালু পথ পাওয়ায় আমি ছুটে সেই পথ দিয়ে নামতে আরম্ভ করলুম এবং অশ্চর্য হয়ে লক্ষ্য কবলুম, আশ্রম, দ্রৌপদী-মন্দির কি রকম অদ্ভুত দ্রুতগতিতে বৃহৎ আকার ধারণ করতে লাগলো।

আমার এ অভিজ্ঞতা থেকে এটা কিছু সপ্রমাণ হয় না যে, পুষ্পক রথ কল্পনার সৃষ্টি কিংবা রমন মহর্ষি যোগবলে আকাশে উচ্চীয়মান হননি, কিন্তু আমার কাছে সুস্পষ্ট হয়ে গেল যে দ্রুতগতিতে অবতরণ করার সময় ভূপৃষ্ঠ কিরূপ বৃহৎ আকার ধারণ করতে থাকে।

কিন্তু এর উপেক্ষা করা কঠিন—কঠিন কেন, অসম্ভব। অর্থাৎ দ্রুতগতিতে উপরের দিকে যাচ্ছি আর দেখছি পৃথিবীর তাবৎ বস্তু ক্ষুদ্র হয়ে যাচ্ছে—এ জিনিস অসম্ভব, কারণ দৌড় মেরে উপরের দিকে যাওয়া যায় না।

সেটা সম্ভব হয় এ্যারোপ্লেন চড়ে।

মাটির উপর দিয়ে প্লেন চলছিল মারাম্বক বেগে, সেটা ঠাঁহর হচ্ছিল এ্যারড্রোমের দ্রুত পলায়মান বাড়িঘর, হাঙ্গার, ল্যাম্পপোস্ট থেকে; কিন্তু যেই প্লেন শ-পাঁচেক ফুট উপরে উঠে গেল, তখন মনে হল আর যেন তেমন জোর গতিতে সামনের দিকে যাচ্ছি নে।

উপরের থেকে নিচের দিকে তাকাচ্ছি বলে ঝাড়া নারকোল গাছ, টেলিগ্রাফের খুঁটি, তিনতলা বাড়ি ছোট তো দেখাচ্ছিলই, কিন্তু সবকিছু যে কতখানি ছোট হয়ে গিয়েছে, সেটা মালুম হল পুকুর, ধানক্ষেত আর রেল লাইন দেখে। ঠিক পাখির মত প্লেনও এক একবার গা-ঝাড়া দিয়ে দিয়ে এক এক ধাক্কায় উঠে যাচ্ছিল বলে নিচের জিনিস ছোট হয়ে যাচ্ছিল এক এক ঝটকায়।

জয় মা গঙ্গা! অপরাধ নিও না মা, তোমাকে পবননন্দনপদ্ধতিতে ডিঙিয়ে যাচ্ছি বলে। কিন্তু মা, তুমি যে সত্যি মা, সেটা তো এই আজ বুঝলুম তোমার উপর দিয়ে উড়ে যাবার সময়। তোমার বৃকের উপর কৃষ্ণাঙ্গরী শাড়ি, আর তার উপর শুয়ে আছে অগুনতি ক্ষুদে ক্ষুদে মানওয়ানি জাহাজ, মহাজনী নৌকা—আর পানসিডিঙির তো লেখা-জোখা নেই। এত দিন এদের পাড় থেকে অন্য পরিশ্রেক্ষিতে দেখেছি বলে হামেশাই মনে হয়েছে, জাহাজ, নৌকা এরা তেমন কিছু ছোট নয়, আর তুমিও তেমন কিছু বিরাট নও, কিন্তু ‘আজ কি এ দেখি, দেখি, দেখি, আজ কি দেখি?—’ এই যে ছোট ছোট আণ্ডা-বাচ্চারা তোমার বৃকের উপর নিশ্চিন্ত মনে শুয়ে আছে, তারা তোমার বৃকের তুলনায় কত ক্ষুদ্র, কত নগণ্য! এদের মত হাজার হাজার সন্তান-সন্তাতিকে তুমি অনায়াসে তোমার বৃকের আঁচলে আশ্রয় দিতে পারো।

প্লেন একটুখানি মোড় নিতেই হঠাৎ সর্বব্রহ্মাণ্ডের সর্বরশ্মি এসে পড়লো মা গঙ্গার উপর। সঙ্গে সঙ্গে যেন এ-পার ও-পার জুড়ে আগুন জ্বলে উঠলো, কিন্তু এ-আগুন যেন

শুভ মন্ত্রিকার পাপড়ি দিয়ে ইস্পাত বানিয়ে। সেদিকে চোখ ফিরে তাকাই তার কি সাধ্য? মনে হল স্বয়ং সূর্যদেবের—রুদ্রের—মুখের দিকে তাকাছি; তিনি যেন শুধু স্বচ্ছ রক্ত-যবনিকা দিয়ে বদন আচ্ছাদন করে দিয়েছেন। এ কী মহিমা, এ কী দৃশ্য? কিন্তু এ আমি সইব কি করে? তোমার দক্ষিণ মুখ দেখাও, রুদ্র। হে পৃথন, আমি উপনিষদের জ্যোতির্দ্রষ্টা কবি নই, যে বলবো,

‘হে পৃথন, সংহরণ
করিয়াছ তব রশ্মিজাল,
এবার প্রকাশ করো
তোমার কল্যাণতম রূপ
দেখি তারে যে-পুরুষ
তোমার আমার মাঝে এক।’

আমি বলি, তব রশ্মিজাল তুমি সংহরণ করো, তুমি আমাকে দেখা দাও, তোমার মধুর রূপে, তোমার রুদ্র রূপে নয়। তোমার বদন-যবনিকা ঘনতর করে দাও।

তাই হল—হয়ত প্লেন তাঁরই আদেশে পরিপ্রেক্ষিত বদলিয়েছে—এবার দেখি গঙ্গাবক্ষে নিক্ক রক্ত-আচ্ছাদন আর তার উপর লক্ষ কোটি অলস সুরসুন্দরী সব শুধু মাত্র তাঁদের নূপুর দৃশ্যমান করে নৃত্য আরম্ভ করেছেন। কিন্তু এ নৃত্য দেখবার অধিকার আমার আছে কি? রুদ্র না হয় অনুমতি দিয়েছেন, কিন্তু তাঁর চেলা নন্দীভূঙ্গীরা তো রয়েছে। স্বয়ং রবীন্দ্রনাথ তাদের সমঝে চলতেন, যদিও ওদিকে পৃথনের সঙ্গে তাঁর হৃদয়তা ছিল—তাই বলেছেন,

‘ভৈরব, সেদিন তব শ্রেতসঙ্গীদল রক্ত-আঁধি।’

অস্পষ্ট পাখি যে রকম ভয় পেলে বালুতে মাথা গুঁজে ভাবে, কেউ তাকে দেখতে পাচ্ছে না, আর্মিও ঠিক তেমনি পকেট থেকে কালো চশমা বের করে পরলুম—এইবারে নূপুর-নৃত্য দেখতে আর কোন অসুবিধে হচ্ছে না।

তিনি, ‘স্যর, স্যর!’ এ কী ছালা! চেয়ে দেখি প্লেনের স্টুয়ার্ড ট্রেতে করে সামনে লঞ্জেঞ্জুস ধরেছে। বিশ্বাস করবেন না, সত্যি ল্যাবেকুস! লাল, পিলা, ধলা, হরেক রঙের। লোকটা মক্কা করছে নাকি—আমি ছোঁড়ার বাপের বয়সী—আমাকে দেখাচ্ছে লঞ্জেঞ্জুস! তারপর কি বুঝবুমি দিয়ে বলবে, ‘বাপখন’, এইটে দোলাও দিকিনি, ডাইনে বাঁয়ে, ডাইনে—আর—বাঁয়ে।’

এদিকে রসভঙ্গ করলো, ওদিকে দেখাচ্ছে লঞ্জেঞ্জুসের রস। আমি মহা বিরক্তির সঙ্গে বললুম, ‘থ্যাক ইউ।’

লোকটা আচ্ছা গবেট তো! শুধালে, ‘থ্যাক ইউ, ইয়েস; অর থ্যাক ইউ, নো।’ মনে মনে বললুম, ‘তোমার মাথায় গোবর।’ বাহিরে বললুম, ‘নো।’ কিন্তু এবারে আর ‘থ্যাক ইউ বললুম না।

কিন্তু বিশ্বাস করবেন না, মশাইরা, বেশির ভাগ খেড়েরাই লঞ্জেঞ্জুস নিলে এবং চুষলে।

তবে কি হাওয়ায় চড়ে এদের গলা শুকিয়ে গিয়েছে, আর ঐ বাচ্চাদের মাল নিয়ে গলা ভেজাচ্ছে? আদ্যায় মালুম।

ওমা ততক্ষণে দেখি সামনে আবার গঙ্গা। কাটোয়ার বাঁক।

প্লেন আবার গঙ্গা ডিঙালো। ওকে তো আর খেয়ার পয়সা দিতে হয় না। কে বলেছে,

‘ভাগ্যিস আছিল নদী জগৎ-সংসারে

তাই লোকে কড়ি দিয়ে যেতে পারে ও-পারে’ ॥

চরিত্র-বিচার

অঙ্কশাস্ত্রে প্রশ্ন ওঠে না, এ বাবদে আপনার কিংবা আমার অভিজ্ঞতা কি? রস নির্মাণে ঠিক তার উশ্টো। সেখানে লেখক আপন অভিজ্ঞতা থেকে চরিত্র নির্মাণ করেন আর পাঠক আপন অভিজ্ঞতা দিয়ে সেটাকে অল্পবিস্তর যাচাই করে নেয়। কিন্তু যখন কোনো জাতির চরিত্র নিয়ে আলোচনা হয় তখন সেটাকে একদিক দিয়ে যেমন অঙ্কশাস্ত্রের মত—নৈব্যক্তিক করা যায় না, ঠিক তেমনি সেটাকে সম্পূর্ণ নিজের অভিজ্ঞতার উপরও ছেড়ে দেওয়া যায় না। এবং তখন আবার এ প্রশ্নও ওঠে, যে-সব লোক এ আলোচনায় যোগ দিলেন তাঁদের অভিজ্ঞতা এ বাবদে কতখানি।

আমার অতি সামান্য আছে। তাই এই ভূমিকা দিয়ে আরম্ভ করতে হল। এবং অনুরোধ, নিজের অভিজ্ঞতার দোহাই যদি মাত্রা পেরিয়ে যায় তবে যেন পাঠক অপরাধ না নেন। সেটা সম্পূর্ণ অনিচ্ছায়। ‘বাঙালী চরিত্র’ সম্বন্ধে যদি প্রামাণিক পুঁথিপ্রবন্ধ থাকতো তবে তারই উপর নির্ভর করে আলোচনা অনেকখানি এগিয়ে যেতে পারতো। তা নেই। বস্তুত আমাদের অভিজ্ঞতা সঞ্চিত হয় অন্য প্রদেশের লোক দ্বারা বাঙালী সম্বন্ধে অকৃপণ, অকরণ নিন্দাবাদ থেকে। যথা ‘বাঙালী বড় দস্তী’, ‘বাঙালী অন্য প্রদেশের সঙ্গে মিশতে চায় না’,—সহৃদয় মন্তব্য যে একেবারেই গুনতে পাওয়া যায় না, তা নয়—যেমন গুনবেন, ‘বাঙালী মেয়ে ভালো চুল বাঁধতে জানে’, কিংবা ‘ব্যবসাতে বাঙালীকে ঘায়েল করা (অর্থাৎ ঠকানো) অতি সরল।’

আমি ভারতবর্ষের সব প্রদেশেই বাস করেছি। দিল্লীতেও প্রায় চার বৎসর ছিলুম। চোখ কান খোলা খাড়া না রাখলেও সেখানে আপনাকে অনেক খবর অনেক গুজোব গুনতে হয়।

বাঙালীর প্রতি আপনার যদি কোনো দবদ থাকে তবে কিছুদিনের মধ্যেই আপনি কতকগুলো জিনিস স্পষ্ট বুঝে যাবেন।

(১) সিন্ধী পাঞ্জাবী দেশহারা হয়ে দেশহারা হয়নি। সিন্ধীরা বোম্বাই অঞ্চলে, পাঞ্জাবীরা দিল্লী অঞ্চলে আপন ব্যবসা-বাণিজ্য দিব্য গোছগোছ ছিমছাম করে নিয়েছে। বরঞ্চ, অনেক স্থলে এদের সুবিধেই হয়েছে বেশী। একটি উদাহরণ দিচ্ছি। দিল্লীর কনট সার্কাস থেকে মুসলমান হোটেলওয়ালারা চলে যাওয়াতে সেখানে পাঞ্জাবীরা গাদা গাদা রেস্তোরাঁ খুলেছে। (ফলে খাস দিল্লীর মোগলাই রান্না সেখান থেকে লোপ পেয়েছে—এখন যা পাবেন সে বস্তু পাঞ্জাবী রান্না, লাহোর অঞ্চলের। দিল্লীর রান্নার কাছে সে রান্না অজ পাড়ার্গেয়।) এই পাঞ্জাবীদের প্রতি আমার শ্রদ্ধার অন্ত নেই। এদের কেউ কেউ পারমিট গিরমিট ব্যাপারে আমার কাছে দৈবেসেবে সাহায্য নিতে এসেছে—কিন্তু কখনো হাত পাতেনি। এরা যা খাটছে এবং খেটেছে তা দেখে আমি সর্বাঙ্গতঃকরণে এদের কল্যাণ এবং শ্রীবৃদ্ধি কামনা করেছি।

তাই অতিশয় সভয়ে শুধাই, পূব বাঙলার লোক পশ্চিম বাঙলায় এসে অনেক করেছে কিন্তু পাঞ্জাবী সিন্ধীরা যতখানি পেরেছে, ততখানি কি তাদের দ্বারা হয়েছে? এ বড় বে-দরদ এবং বেয়াদব প্রশ্ন। পূর্ববঙ্গবাসীরা এ প্রশ্নে আমার উপর চটে গিয়ে অনেক কড়া কড়া উত্তর শুনিতে দেবেন। আমি নতশিরে সব উত্তর মেনে নিচ্ছি। এবং এস্থলে আগেভাগেই বলে রাখছি, আমি তাদের উকিল হয়েই এ-আলোচনা আরম্ভ করেছি, তাদেরই সাফাই গাইবার জন্য। একটু ধৈর্য ধরুন।

(২) চাকরি যেখানে ব্যক্তিবিশেষ কিংবা ব্যবসা-বিশেষের চাকরি সেখানে সে চাকুরির মূল্য চাকুরের পক্ষে যথেষ্ট কিন্তু দেশের দেশের পক্ষে তা যৎসামান্য। কিন্তু চাকরি যখন কেন্দ্রীয় সরকারের অধীনে হয়, তখন তার গুরুত্ব অসাধারণ। সকলেই জানেন, দেশের শ্রীবৃদ্ধি ও কল্যাণের জন্য কেন্দ্রীয় সরকারের সম্মুখে অনেকগুলো বিরাট বিরাট পরিকল্পনা রয়েছে। এ-সব পরিকল্পনা ফলবতী করার দায়িত্ব শেষ পর্যন্ত বর্তায়, কেন্দ্রীয় সরকারী কর্মচারীদের উপর।

তাই প্রশ্ন, এই সব চাকরি পাচ্ছে ক'জন বাঙালী? পূর্বের তুলনায় এদের উপস্থিত বেশিযে কি? পূর্বের তুলনা বাদ দিলেও, প্রাদেশিক জনসংখ্যার হিসেবে তারা তাদের ন্যায্য হক্কাগত বেশিযে পাচ্ছে কি?

দিম্মীবাসী বাঙালীমাত্রই একবাক্যে তারস্বরে বলবে, 'না, না, না।' পরশ্রীকাতর অবাঙালীও সে-এক্যতানে যোগ দেয়। মনে মনে হয়তো বলে 'ভালোই হয়েছে'—তা সে কথা থাক্।

কেন পায়নি তার জন্য আমি কেন্দ্রীয় সরকারকে দোষ দেব না। দোষ বাঙালীর। কেন পারলে না, সেই সাফাই গাইবার জন্যই এ-আলোচনা। আরও একটু ধৈর্য ধরুন।

(৩) অথচ দ্রষ্টব্য, দিম্মীর সাংস্কৃতিক মজলিসে বাঙালী এখনো তার আসন বজায় রাখতে পেরেছে। এই কিছুদিন পূর্বেই শব্দ মিত্র দিম্মীতে যা ভেঙ্কিবাজি দেখালেন সে কেলামতি সম্পূর্ণ অবিশ্বাস্য। অল্পের ভিতর লিটল থিয়েটার চালায় চাটুয্যে। দিম্মীতে যাবতীয় চিত্র-ভাস্কর্য প্রদর্শনী হয় বাঙালী উকিলবাবুর তাঁবেতে। গাওনাবাজনাতে বাঙাল আলাউদ্দীন সায়েব—রবিশঙ্করের কথা নাই বা তুললুম, কারণ তিনি সরকারী নোকরি করেন। শিক্ষাদীক্ষায় মৌলানা আজাদ সায়েব। সাহিত্যে হুমায়ুন কবির।

ইতিমধ্যে সত্যজিৎ রায়ের তোলা 'পথের পাঁচালী' দিম্মী ছাড়িয়েও কহাঁ কহাঁ মুমুকে চলে গিয়েছে। নভেম্বরে বুদ্ধ-জয়ন্তী হওয়ার পূর্বেই হাঁকডাক পড়ে গিয়েছে, 'কে করে তবে "নটীর পূজা", কাকে ডাকা যায় "চণ্ডালিকা"র জন্য?'

অর্থাৎ বাঙালীর রসবোধ আছে, অর্থাৎ সে স্পর্শকাতর। তাই সে সেনসিটিভ এবং অভিমাত্রী।

আলিপুর বোমা মামলার সময় শমসুল হক্ (কিংবা ইসলাম) নামক একজন ইনস্পেক্টর আসামীদের সঙ্গে পীরিত জমিয়ে ভিতরের কথা বের করে ফাঁস করে দেয়। বোমারুরা তাই তার উল্লেখ করে বলতো, 'হে শমসুল, তুমিই আমাদের শ্যাম, আর তুমিই আমাদের শূল।'

স্পর্শকাতরতাই বাঙালীর শ্যাম এবং ঐ স্পর্শকাতরতাই তার শূল। শুদ্ধমাত্র কিছু না দিয়ে স্টেজ সাজিয়ে নিয়ে দশটা বাঙালী তিন দিনের ভিতর যে রকম একটা নাট খাড়া

করে দিতে পারে অন্য প্রদেশের লোক সে রকম পারে না। আবার যেখানে পাঁচটা সিঙ্কী পারমিটের জন্য বড় সায়েবের দরজায় পঞ্চাশ দিন ধন্না দেবে সেখানে বাঙালীর নাভিখাস ওঠে পাঁচ মিনিটেই। সংসারে করে খেতে হলে ড্রিল ডিসিপ্লিনের দরকার। আর ওসব জিনিস পারে বুদ্ধিসুদ্ধিতে যারা কিষ্কিৎ ভেঁতা, অনুভব-অনুভূতির বেলায় একটুখানি গণ্ডারের চামড়াখারী।

স্পর্শকাতরতা এবং ডিসিপ্লিন এ-দুটোর সম্বন্ধ হয় না? বোধ হয় না। লাতিন জাতটা স্পর্শকাতর; তাদের ভিতর ডিসিপ্লিনও কম। ইংরেজ সাহিত্য ছাড়া প্রায় আর সব রসের ক্ষেত্রে ভেঁতা—তাই তার ডিসিপ্লিনও ভালো।

এ আইনের ব্যত্যয় জর্মনিতে। চরম স্পর্শকাতর জাত মোক্ষম ডিসিপ্লিন মেনে নিলে কি মারাত্মক অবস্থা হতে পারে হিটলার তার সর্বোত্তম উদাহরণ। হালের জর্মনরা তাই বলে, ‘অতখানি ডিসিপ্লিন ভালো নয়।’ কিন্তু এ-কথা কাউকে বলতে শুনিনি, ‘অতখানি স্পর্শকাতরতা ভালো নয়।’

কোন জিনিসেরই বাড়াবাড়ি ভালো নয়, সে তো আমরা জানি, কিন্তু আসল প্রশ্ন লাইন টানবো কোথায়? জাতীয় জীবনে স্পর্শকাতরতা থাকবে কতখানি আর ডিসিপ্লিন কতখানি? কিংবা শুধাই, উপস্থিত যে মেকদার বা প্রোপর্শন আছে সেটাতে বাড়াই কোন বস্তু—স্পর্শকাতরতা না ডিসিপ্লিন?

গুণীরা বিচার করে দেখবেন।

দিম্বী,

১৩৬৩ ॥

গান্ধীজীর দেশে ফেরা

১৯৩২ সালের ফেব্রুয়ারি মাসে ইতালি থেকে জাহাজে ফিরছিলুম; ঝক্‌ঝকে চকচকে নূতন জাহাজ, তিলটি পড়লে কুড়িয়ে তোলা যায়। যাত্রী-পালের সুখ-সুবিধার তদারক করনেওয়লা স্টুয়ার্ডের সঙ্গে আমার বেশ ভাব হয়ে গিয়েছিল। তাকে বললুম, “এরকম সাফসফা জাহাজ কখনো দেখিনি।”

সে বিশেষ উৎসাহ না দেখিয়ে বললে, “হবে না! নূতন জাহাজ! তার উপর এই কিছুদিন আগে তোমাদের মহাত্মা গাঁধী এই জাহাজে দেশে ফেরেন।”

আমার অদ্ভুত লাগল। মহাত্মাজী শরীর খুব পরিষ্কার রাখেন জানি, কাপড়-চোপড়, বাড়ি-ঘর-দোরও, কিন্তু এত বড় জাহাজখানাও কি তিনি মেজে ঘষে—? বললুম, “সে কি কথা?”

স্টুয়ার্ড বললেন—“মশায়, সে এক মস্ত ইতিহাস। এ যাত্রায় খুব বেঁচে গেছি। ইংরেজ যদি ঘন ঘন গোলটেবিল বৈঠক বসায়, আর তোমাদের ঐ গাঁধী যদি নিত্য নিত্য এই জাহাজে যাওয়া আসা আরম্ভ করেন, তবে আর বেশী দিন বাঁচতে হবে না।”

আমি বললুম—“তোমার কথাগুলো নতুন ঠেকছে। গান্ধীজী তো কাউকে কখনো জ্বালাতন করেন না।”

স্টুয়ার্ড বললে—“আজব কথা কইছেন স্যার; কে বললে গাঁধী জ্বালাতন করেন? কোথায় তিনি, আর কোথায় আমি। ব্যাপারটা তাহলে শুনুন—

ইতালির বন্দরে জাহাজ বাঁধা। দিবিা খাচ্ছি-দাচ্ছি-যুমোচ্ছি, কাজকর্ম চুকে গেছে, এমন সময় বলা নেই, কওয়া নেই, শুনতে পেলুম কাপ্তেন সাহেব পাগল হয়ে গেছেন। ছুটে গেলুম খবর নিতে। গিয়ে দেখি তিনি দু হাত দিয়ে মাথার চুল ছিঁড়ছেন আর সাতাশবার করে একই টেলিগ্রাম পড়ছেন। খবর সবাই জেনে গেছে ততক্ষণে। ইল্ দুচে (অর্থাৎ মুসসোলীনি) তার করেছেন, মহাত্মা গান্ধী এই জাহাজে করে দেশে ফিরছেন। বন্দোবস্তের যেন কোনো ক্রটি না হয়।

তারপর যা কাণ্ড শুরু হল, সে ভাবলেও গায়ে কাঁটা দেয়। গোটা জাহাজখানা কে চেপে ধরে ঝাড়ামোছা, ধোওয়া-মাজা, মালিশ-পালিশ যা আরম্ভ হল তা দেখে মনে হল ক্ষয়ে গিয়ে জাহাজখানা কপ্পুর হয়ে উবে যাবে। কাপ্তেনের খাওয়া নেই, নাওয়া নেই। যেখানে যাও, সেখানেই তিনি তদারক করছেন। দেখছেন, শুনছেন, শুকছেন, চাখছেন, আর সবাইকে কানে কানে বলছেন, ‘গোপনীয় খবর, নিতান্ত তোমাকেই আপনজন জেনে বলছি, মহাত্মা গান্ধী আমাদের জাহাজে করে দেশে ফিরছেন।’ এই যে আমি, নগণ্য স্টুয়ার্ড, আমাকেও নিদেনপক্ষে বাহান্নবার বলেছেন ঐ খবরটা, যদিও ততদিন সব খবরের কাগজে বেরিয়ে গেছে গান্ধীজী এই জাহাজে যাচ্ছেন; কিন্তু কাপ্তেনের কি আর খবরের কাগজ পড়ার ফুরসত আছে?

আমাদের ফার্স্ট ক্লাসের শৌখিন কেবিন (কাবিন্ দ্য লুক্‌স) গুলো দেখেছেন? সেগুলো ভাড়া নেবার মত যথের ধন আছে শুধু রাজা-মহারাজাদের আর মার্কিন কারবারীদের। সেবারে যারা ভাড়া নিয়েছিল তাদের তার করে দেওয়া হল, ‘তোমাদের যাওয়া হবে না, গান্ধীজী যাচ্ছেন। আধেকখানা জাহাজ গান্ধীজীর জন্য রিজার্ভ—পশ্টনের একটা দল যাবার মত জায়গা তাতে আছে।

শৌখিন কেবিনের আসবাবপত্র দেখেছেন কখনো? সোনার গিন্টি কপোর পাতে মোড়া সব। দেয়ালে দামী সিল্ক, মেঝেতে ঘন সবুজ রঙের রবর আর ইরানি গাল্চে—ছ’ ইঞ্চি পুরু—পা দিলে পা বসে যায়! সেগুলো পর্যন্ত সরিয়ে ফেলা হল। ইল্ দুচে বিশেষ করে পালাদসো ভেনেদসিয়া (অর্থাৎ ভেনিসীয়-রাজপ্রাসাদ) থেকে চেয়ার-টেবিল, খাট-পালঙ্ক পাঠিয়েছেন। আর সে খাট, মশয়, এমন তার সাইজ, ফুটবলের বি টীমের খেলা তার উপরে চলে। কেবিনের ছোট দরজা দিয়ে ঢোকে কি করে! আন্ মিস্ত্রী, ডাক্ কারিগর, খোল্ কবজা, ঢোকা খাট। হে হে ব্যাপার—মার-মার কাণ্ড। খাবারদাবার আর বাদবাকি যা সব মালমশলা যোগাড় হল, সে না হয় আরেক হপ্তা ধরে শুনবেন।

সব তৈরী। ফিটফাট। ওই যে বললেন, তিলাট পড়লে কুড়িয়ে তোলা যায়, ছুঁচটি পড়লে মনে হয় হাতি শুয়ে আছে।

গান্ধীজী যেদিন আসবেন সেদিন কাগকোকিল ডাকার আগে থেকেই কাপ্তেন সিঁড়ির কাছে ঠায় দাঁড়িয়ে, পিছনে সেকেন্ড অফিসার, তার পিছনে আর সব বড়কর্তারা, তার পিছনে বড় স্টুয়ার্ড, তার পিছনে লাইব্রেরিয়ান, তার পিছনে শেফ্ দ্য কুইজিন (পাচকদের সর্দার), তার পিছনে ব্যান্ড বাদ্যির বড়কর্তা, তার পিছনে—এক কথায় শূর্নে নিন, গোটা জাহাজের বেবাক কর্মচারী। আমি যে নগণ্য স্টুয়ার্ড, আমার উপর কড়া হুকুম, নট-নডন-চডন-নট-কিচ্ছু। বড় স্টুয়ার্ডের কাছে যেন চব্বিশ ঘণ্টা থাকি। আমার দোষ? দু-চারটে হিন্দী কথা বলতে পারি। যদি গান্ধীজী হিন্দী বলেন, আমাকে তর্জমা করতে হবে। আমি তো বলির পাঁঠার মত কাঁপছি।

গাঁধীজী এলেন। মুখে হাসি, চোখে হাসি। ‘এদিকে স্যর, এদিকে স্যর’ বলে কাপ্তেন নিয়ে চললেন গাঁধীজীকে তাঁর ঘর—কেবিন দেখাতে। পিছনে আমরা সবাই মিছিল করে চলেছি। কেবিন দেখানো হল,—এটা আপনার বসবার ঘর, এটা আপনার সঙ্গে বঁারা দেখা করতে আসবেন তাঁদের অপেক্ষা করার ঘর, এটা আপনার পড়ার, চিঠিপত্র লেখার ঘর, এটা আপনার উপাসনার ঘর, এটা আপনার খাবার ঘর—যদি বড় খাস কামরায় যেতে না চান, এটা আপনার শোবার ঘর, এটা আপনার কাপড় ছাড়ার ঘর, এটা আপনার গোসলখানা, এটা চাকরবাকরদের ঘর। আর এ অধম তো আছেই—আপনি আমার অতিথি নন, আপনি রাজা ইমানুয়েল ও ইল্ দুচের অতিথি। অধম, রাজা আর দুচের সেবক।’

গাঁধীজী তো অনেকক্ষণ ধরে ধন্যবাদ দিলেন। তারপর বললেন, ‘কাপ্তেন সায়েব, আপনার জাহাজখানা ভারী সুন্দর। কেবিনগুলো তো দেখলুম; বাকি গোটা জাহাজটা দেখারও আমার বাসনা হয়েছে। তাতে কোন আপত্তি—?’

কাপ্তেন সায়েব তো আহ্লাদে আটখানা, গলে জল। গাঁধীজীর মত লোক যে তাঁর জাহাজ দেখতে চাইবেন এ তিনি আশাই করতে পারেন নি। ‘চলুন চলুন’ বলে তো সব দেখাতে শুরু করলেন। গাঁধীজী এটা দেখলেন, ওটা দেখলেন, সব কিছু দেখলেন। ভারী খুশী। তারপর গেলেন এঞ্জিন-ঘরে। জানেন তো সেখানে কি অসহ্য গরম! যে-বেচারীরা সেখানে খাটে তাদের যেমে যেমে যে কি অবস্থা হয় কল্পনা করতে পারবেন না। আপনি গেছেন কখনো?

আমি বললুম, “না।”

গাঁধীজী তাদের দিকে তাকিয়ে অনেকক্ষণ গুম হয়ে দাঁড়িয়ে রইলেন। কাপ্তেনের মুখেও হাসি নেই। আমাদের কাপ্তেনটির বড় নরম হৃদয়; বুঝতে পারলেন গাঁধীজীর কোথায় বেজেছে।

ঝানিকক্ষণ পরে গাঁধীজী নিজেই বললেন, ‘চলুন কাপ্তেন।’ তখন তিনি তাঁকে বাকি সব দেখালেন। সব শেষে নিয়ে গেলেন খোলা ডেকের ওপর। সেখানে কাঠফাটা রদ্দুর। কাপ্তেন বললেন, ‘এখানে বেশীক্ষণ দাঁড়াবেন না, স্যার। সর্দিগর্মি হতে পারে।’

গাঁধীজী বললেন, ‘কাপ্তেন সায়েব, এ জায়গাটি আমার বড় পছন্দ হয়েছে। আপনার যদি আপত্তি না থাকে তবে এখানে একটা তাঁবু ঝাটিয়ে দিন, আমি তাতেই থাকবো।’ কাপ্তেনের চক্ষু স্থির! অনেক বোঝালেন, পড়ালেন। গাঁধীজী শুধু বলেন, ‘অবিশ্যি আ-প-না-র যদি কোন আপত্তি না থাকে।’ কাপ্তেন কি করেন। তাঁবু এল, ঝাটানো হল। গাঁধী সেই খোলা ছাদের তাঁবুতে ঝাড়া বারোটা দিন কাটালেন।

কাপ্তেন শয়্যাগ্রহণ করলেন। জাহাজের ডাক্তারকে ডেকে বললেন, “তোমার হাতে আমার প্রাণ। গাঁধীজীকে কোনো রকমে জ্যান্ত অবস্থায় বোম্বাই পৌঁছিয়ে দাও। তোমাকে তিন ডবল প্রমোশন দেব।”

আমি অবাক হয়ে শুধালুম,—“সব বন্দোবস্ত?”

স্টয়ার্ড হাতের তেলো উঁচিয়ে বললো, “পড়ে রইল। গাঁধীজী খেলেন তো বক্রীর দুধ আর পের্যাজের গুন্ডা। কোথায় বড় বাবুর্চি, আর কোথায় গাওনা-বাজনা। সব ভণ্ডুল। শুধু রোজ সকালবেলা একবার নেবে আসতেন আর জাহাজের সবচেয়ে বড় ঘরে উপাসনা করতেন। তখন সেখানে সকলের অবাধ গতি—কেবিন-বয় পর্যন্ত।

কাপ্তেনের সব দুঃখ জল হয়ে গেল বোম্বাই পৌঁছে। গাঁধীজী তাঁকে সই করা একখানা ফটো দিলেন। তখন আর কাপ্তেনকে পায় কে? আপনার সঙ্গে তাঁর বৃষ্টি আলাপ হয়নি? পরিচয় হওয়ার আড়াই সেকেন্ডের ভিতর আপনাকে যদি সেই ছবি উনি না দেখান তবে আমি এখান থেকে ইতালি অবধি নাকে ঋণ দিতে রাজী আছি। হিসেব করে দেখা গেছে ইতালির শতকরা ৮৪.২৭১৯ জন লোক সে ছবি দেখেছে।”

স্টুয়ার্ড কতটা লবণ লক্ষ্য গন্ধে লাগিয়েছিল জানি নে; তবে এই কথাগুলো ঠিক যে—গান্ধীজী ঐ জাহাজেই দেশে ফিরেছিলেন—পালাদসো ভেনেৎসিয়া থেকে আসবাব এসেছিল, গান্ধীজী এঞ্জিনরুমে গিয়েছিলেন, জাহাজের দিনগুলো কাটিয়েছিলেন তাঁবুতে, আর নিচে নাভেডেন উপাসনার সময়ে। অন্য লোকের মুখেও শুনেছি।।

তপঃ-শাস্ত

শাস্ত্র তো মানি না আজ। হে তরুণ, তব পদাঘাত
দেশের ভঙ্গারে দিল কী রূঢ় চেতনা! ঝঙ্কাবাত
ঘূর্ণিবায়ু দিগ্বিদিক আন্দোলিয়া কী মহাপ্রলয়
নটেশ তাণ্ডব-নৃত্য। হে তরুণ! জয়, জয়, জয়
জয় তব; অর্থহীন মূল্যহীন কে বৃথা ওধায়
কোথায় তোমার লক্ষ্য! বন্যা যবে বীধ ভেঙে যায়
মিথ্যা শ্রম কোথা তার গতি। হে তরুণ, হে প্রাবন
নহ তো তটিনী। দু'কূলের শাস্ত্র মিথ্যা। চিরন্তন,
মৃত্যুঞ্জয়, হে নবীন, তোমার ধমনী রক্তবীণ,
অস্তহীন, পঞ্চনদে তার শাখা—সে তো নহে ক্ষীণ
সে তো নহে ধর্মে বর্ণে অবরুদ্ধ।

পঞ্চনদবাসী

কিবা হিন্দু কি মুসলিম্ শিখ আর যত শ্বেতব্রাসী
লালকেয়া অধিবাসী—পাইল তোমার বক্ষে স্থান;
কে বলে বাঙালী তুমি? তব রক্তপাতে অভিযান
দেশের বিশ্বের অনন্ত মঙ্গল লাগি। হে অভয়,
জয় তব জয়।

প্রদোষের অন্ধকারে

নির্জীব নিদ্রায় ছিনু রুদ্ধ; নৈরাশ্যের কারাগারে
অবিশ্বাসে নিমজ্জিত। হেনকালে গুনি বজ্রশব্দ
হে পার্থ-সারথি লক্ষ। লৌহের কীলক পেতে অন্ধ,
বন্ধ, ভাল, কী আদরে নিলে বরি মৃত্যু তুচ্ছ করি।
জীর্ণ এ জীবন মম পুণ্য হল বারে বারে স্মরি।

শাস্ত্র রণ?

নহে নহে। শিবের তাণ্ডব অস্ত্রহীন অনুক্ষণ,
কখনো বাহিরে কভু অস্ত্রমুখী। এবে শাস্ত্র শিব
লহ সংহরিয়া নিগুঢ় ধ্যানেতে, জ্বালো অস্ত্রদীপ
জ্যোতির্ময়, গহন সাধন মাঝে হও নিমজ্জিত
যে-শক্তি সঞ্চয় হল চক্রাকারে করুক প্রাবিত
বৃদ্ধি পেয়ে, গতিবেগে, পর্বত কন্দরে নদী যথা
অবরুদ্ধ, কিন্তু বহিমুখী।

তার পর এক দিন বাহিরিবে তপঃ সাস্ত্র হলে
শৃঙ্খল হবে মুক্ত—এ প্রলয় অভিজ্ঞতা বলে
হবে না তো উচ্ছ্বাল; অচঞ্চল দৃঢ় পদক্ষেপে
সমাহিত, রিপু শাস্ত্র, স্বর্গ মর্ত্য ত্রিভুবন ব্যোপে
চলিবে হে ত্রিবিক্রম। পরিবে দুর্জয় বরমালা
পূত শাস্ত্র স্নিগ্ধ পুণ্য সর্ব-বিশ্ব-প্রেম গন্ধ ঢালা ॥*

২৫।১১।১৯৪৫

মৃত্যু

বুড়ো হওয়াতে নাকি কোনো সুখ নেই।

আমি কিন্তু দেখলুম, একটা মস্ত সুবিধা তাতে আছে। কোনো কিছু একটা অপ্রিয় ঘটনা ঘটলে—যেমন ধরুন প্রিয়-বিয়োগ—মনকে এই বলে চমৎকার সান্ত্বনা দেওয়া যায়—‘যাক্! এটার তিন্ত স্মৃতি আর বেশীদিন বয়ে বেড়াতে হবে না। মৃত্যু তো আসন্ন।’ যৌবনে দাগা খেলে তার বেদনাব স্মৃতি বয়ে বেড়াতে হয় সমস্ত জীবন ধরে। কিংবা, এই যে বললুম, প্রিয়-বিয়োগ—আমার যখন বয়স বছর-চোদ্দটাক তখন আমার ছোট ভাই দু’বছর বয়সে ওপারে চলে যায়। কালাজ্বরে। তার ছ’মাস পরে ব্রহ্মচারীর ইন্ডেক্শন বেরোয়। তারপর যখন গণ্ডায় গণ্ডায় লোক তারই কল্যাণে কালাজ্বরের যমদুতগুলোকে ঠাস ঠাস করে দু’গালে চড় কষিয়ে ড্যাং ড্যাং করে শহরময় চম্বে বেড়াতে লাগলো তখন আমার শোক যেন আরও উথলে উঠলো। বার বার মনে পড়তে লাগলো, ঐ চৌদ্দ বছর বয়সেই আমি তার জন্য কত না ডাক্তার, কবরেজ, বদি, হেকিমের বাড়ি ধমা দিয়েছিলুম।

* দ্বিতীয় মহাযুদ্ধে জয়লাভের পর ইংবেজ সরকার যখন আজাদ হিন্দ ফৌজের কণ্ঠী সেনানীদের লালকেন্দ্রায় বিচার শুরু কবে, তখন তার প্রতিবাদে দেশবাসী প্রবল বিক্ষোভ দেখা দেয়। শাহনওয়াজ-ধীলন-ভৌসলে দিবসে বাংলার তরুণ সমাজ কলকাতায় সেদিন যে সম্পূর্ণ অহিংস প্রতিবাদ আন্দোলনের পরাকাষ্ঠা দেখান তার তুলনা বিরল। অথচ সেই অহিংস আন্দোলনকারীদের ওঁপর ইংরেজ পুলিশ গুলি চালাতে দ্বিধা করেনি। এই গুলিবর্ষণের ফলে রামেশ্বর নামে একটি তরুণ ছাত্র নিহত হন। সেদিনের ঘটনার পটভূমিকায় এই কবিতা লিখিত হয়।

ইস্কুল থেকে ফিরেই ছুটে যেতুম মায়ের কাছে; শুধাতুম, ‘আজ জ্বর এসেছিল?’ মা মুখটি মলিন করে ঘাড় ফিরিয়ে নিতেন। একটু পরে বলতেন, ‘আজ আরও বেশী।’

আমি চুপ করে বারান্দায় ভাবতে বসতুম—‘নাঃ, এ-কবরেজটা কোনো কর্মের নয়। কিন্তু শহরের এই তো নাম-করা শেষ কবরেজ। তবে দেখি হেকিম সায়েবকে দিয়ে কিছু হয় কিনা—’

আপনারা হয়তো ভাবছেন, ‘চৌদ্দ বছরের ছেলে করবে এ-সব ডিসিশন! বাড়ির কর্তারা করছিলেন কি?’

আসলে আমি বুঝতে পারতুম না, কর্তারা, দাদারা এমন কি মা পর্যন্ত অনেক আগেই বুঝে গিয়েছিলেন, আমার ভাইটি বাঁচবে না। তাঁরা আমাকে সে খবরটি দিতে চাননি। আমার জন্মের পূর্বে আমার এক দাদা আর দিদিও ঐ ব্যামোতে যায়।

ডাক্তার-কবরেজরাও আমার দিকে এমন ভাবে তাকাতেন যে তার অর্থাটা আজ আমার কাছে পরিষ্কার—তখন বুঝতে পারিনি। তবু তাঁদের এই চৌদ্দ বছরের ছেলেটির প্রতি দরদ ছিল বলে আসতেন, নাত্নী টিপতেন, ওষুধ দিতেন।

ঐ দুই বছরের ভাইটি কিন্তু আমাকে চিনতো সবচেয়ে বেশী—কি করে বলতে পারবো না। আমাকে দেখা মাত্রই তার রোগজীর্ণ শুকনো মুখে ফুটে উঠতো ম্লান হাসি।

সে হাসি একদিন আর রইল না। আমাকে সে ডরাতে আরম্ভ করলো। আমাকে দেখলেই মাকে সে আঁকড়ে ধরে রইত। আমার কোলে আসতে চাইতো না। আমার দোষ, আমি কবরেজের আদেশমত তার নাক টিপে, তাকে জোর করে তেতো ওষুধ খাইয়েছিলুম।

ঐ ভয় নিয়েই সে ওপারে চলে যায়।

তার সেই ভীত মুখের ছবি আমি বয়ে বেড়াচ্ছি, বাকি জীবন ধরে।

* * *

ঠিক এক বছর পূর্বে আমার এক প্রিয়-বিয়োগ হয়। এবারেরটা নিদারুণতর। কিন্তু ঐ যে বললুম, এটা আর বেশীদিন ধরে বয়ে বেড়াতে হবে না।

কিন্তু প্রশ্ন, আমি এসব করুণ কথা পাড়ছি কেন? বিশ্বসংসার না জানুক, আমার যে ক’টি পাঠক-পাঠিকা আছেন তাঁরা জানেন আমি হাসাতে ভালোবাসি। কিন্তু ‘উপেটোরথে’র পাঠক-পাঠিকারা নিত্য নিত্য সিনেমা দেখতে যান—সেখানে করুণ দৃশ্যের পর করুণ দৃশ্য দেখে ঘটি ঘটি চোখের জল ফেলেন। ভগ্নহৃদয় নায়ক কি রকম খোঁড়াতে খোঁড়াতে দূর দিগন্তে বিলীন হয়ে যান, আর সুহৃদয় নায়িকা কি রকম ড্যাং ড্যাং করে বিজয়ী সপত্নের সঙ্গে ক্যাডিলাক গাড়ি চড়ে হানিমুন করতে মন্টিকার্লো পানে রওয়ানা হন। আমার করুণ-কাহিনী তো তাঁদের কাছে ডাল-ভাত।

তবু আমি ব্যক্তিগত জীবন দিয়ে এ রচনা আরম্ভ করেছি মহন্তর আদর্শ নিয়ে।

আমাদের সবচেয়ে বড় কবি রবীন্দ্রনাথ। তিনি আর পাঁচটা রসের সঙ্গে হাস্যরসও আমাদের সামনে পরিবেশন করেছেন, অথচ কেউ কি কখনো চিন্তা করে, তাঁর জীবনটা কি রকম বিবাদবহুল ঘটনায় পরিপূর্ণ? আমার দৃঢ় বিশ্বাস অন্য যে-কোন সাধারণজন এরকম আঘাতের পর আঘাত পেলে কিছুতেই আর সুস্থ জীবনযাপন করতে পারতো না।

অথচ রবীন্দ্রনাথকে দেখলে বোঝা যেত না, কতখানি শোক তিনি বুকের ভিতর বয়ে নিয়ে বেড়াচ্ছেন। তিনি ভেঙে তো পড়েনইনি, এমন কি তীব্র শোকাবেগে কখনো কোনো অধর্মচরণও করেননি—অর্থাৎ কাব্য সাহিত্য সৃষ্টি, যা তাঁর ‘ধর্ম’ সেটি থেকে বিচ্যুত হননি। তাঁর সম্বন্ধে বলতে গিয়ে তাঁর ঋষিতুল্য সর্বজ্যেষ্ঠ ভ্রাতা বলেন, ‘আমাদের সকলেরই পা পিছলিয়েছে—রবির কিন্তু কখনো পা পিছলোয়নি’।

রবীন্দ্রনাথ তাঁর মায়ের আদর পাননি। কিন্তু তাঁর বয়স যখন ৭।৮ তখন তাঁর দাদা বিয়ে কবে আনলেন কাদম্বরী দেবীকে। বয়সে দুজনাই প্রায় সমান। কিন্তু মেয়েদেব মাতৃত্ব-বোধটি অল্প বয়সেই হয়ে যায় বলে তিনি তাঁর মায়ের অভাব পূর্ণ করে দেন। এই সমবয়সী দেবরটিকে তিনি দিয়েছিলেন সর্বপ্রকারের স্নেহ ভালোবাসা। প্রভাত মুখোর রবীন্দ্র-জীবনীতে তাব সবিস্তার পরিচয় পাঠক পাবেন।

এই প্রাণাধিকা বৌদিটি আত্মহত্যা করেন রবীন্দ্রনাথের বয়স যখন বাইশ। কী গভীর শোক তিনি পেয়েছিলেন তা তাঁর কাব্যে বাব বার প্রকাশ পেয়েছে। অধ্যাপক অমিয় চক্রবর্তীর লাতা আত্মহত্যা করলে পর বৃদ্ধ কবি তাঁকে তখন সান্ত্বনা দিয়ে একখানি চিঠি লেখেন। সেটিও রবীন্দ্র-জীবনীতে উদ্ধৃত হয়েছে। পাঠক পড়ে দেখবেন। কী আশ্চর্য চরিত্রবল থাকলে মানুষ এমনতরো গভীর শোককে আপন ধ্যানলোকে শাস্ত সমাহিত কবে পবে রসরূপে, কাব্যরূপে নানা ছন্দে নানা গানে প্রকাশ করতে পারে,—পাঠক, শ্রোতার হৃদয় অনির্বচনীয় দুঃখে-সুখে মেশানো মাধুর্যে ভরে দিতে পারে। কবির ক্ষয়ক্ষতি বাঙলা কাব্যের অজরামর সম্পদে পরিবর্তিত হল। এঁর জ্যেষ্ঠ ভ্রাতা গত হলেন, পিতা গত হলেন—এগুলো শুধু বলার জন্যে বললুম, হিসেব নিচ্ছি না।

তাঁরপর পুরো কুড়ি বছর কাটেনি—আরম্ভ হল একটার পর একটা শোকের পালা। প্রথমে গেলেন স্ত্রী^১। তাঁর বয়স তখন ত্রিশ পূর্ণ হয়নি। (বড় মেয়ে মাধুরীলতার বিয়েব কয়েক মাস পরেই।) তিন কন্যা আব দুই পুত্র রেখে। সর্বজ্যেষ্ঠের বয়স পনেরো, সর্বকনিষ্ঠের সাত। মাধুরীলতা ছাড়া আব সব কটি ছেলে-মেয়ে মানুষ করার ভার রবীন্দ্রনাথের হাতে পড়ল। রবীন্দ্রনাথের শিষ্য অজিত চক্রবর্তীর (‘কাব্যপরিক্রমা’র লেখক) মাতা কবিজায়াব মৃত্যুর কুড়ি বৎসর পর আমাকে বলেন, ঞ্গালিনী দেবী তাঁর রোগশয্যা এবং অসুস্থাবস্থায় তাঁর স্বামীর কাছ থেকে যে সেবা পেয়েছিলেন তেমনটি কোনো বমণী কোনো কালে তার স্বামীব কাছ থেকে পেয়েছে বলে তিনি জানেন না। তিনি বলেন, স্ত্রীব মানা অনুরোধ না শুনে তিনি নাকি রাত্রির পব বাত্রি তাঁকে হাতপাখা দিয়ে বাতাস করেছেন।

রবীন্দ্রকাব্যের সঙ্গে যাঁরা পরিচিত তাঁরাই জানেন, স্পর্শকাতর কবিকে এই মৃত্যু কী নিদারুণ অভিজ্ঞতার ভিতর দিয়ে তাঁকে জীবনের রহস্য শেখায়। রবীন্দ্রনাথের বয়স তখন ৪০।৪১—দেখাতো ৩০।৩১। অটুট স্বাস্থ্য। কিন্তু তিনি পুনরায় দারগ্রহণ করেননি।

এর কয়েক মাস পরেই দ্বিতীয় মেয়ে রেণুকা বারো বছর বয়সেই পড়ল শক্ত অসুখে। যখন ধরা পড়লো ক্ষয় রোগ, তখন কবি তাঁকে বাঁচাবার জন্য সে কী আশ্রয় পরিশ্রম

১ ইনি কি বোণে গত হন জানা যায়নি। রবীন্দ্রনাথ বলতেন, ‘উদরের পীড়া, খুব সম্ভবত এপেন্ডিসাইটিস।’ আমি বাল্যকালে গুরুজনদেব মুখে শুনেছি স্মৃতিকা।

আর চেষ্টা দিয়েছিলেন তার বর্ণনা দেওয়া আমার শক্তির বাইরে। কিছুটা বর্ণনা রবীন্দ্রনাথ স্বয়ং দিয়েছেন—তখনো তিনি জানতেন না, মেয়েটি কিছুদিন পরে তাঁকে ছেড়ে যাবে। অসুস্থ অবস্থায়ও এই মেয়েটির প্রাণ ছিল আনন্দরসে চঞ্চল। পিতা-কন্যা গাড়িতে করে স্বাস্থ্যকর জায়গায় যাবার সময় যে মধুর সময় যাপন করেন তার কিছুটা আভাস পাঠক পাবে ‘পলাতকা’র ‘ফাঁকি’ কবিতাতে।

(বছর দেড়েক চিকিৎসাতে করলে যখন অস্থি জর জর

তখন বললে ‘হাওয়া বদল করো’।

পাঠক, এই ‘তখন’ শব্দটির দিকে লক্ষ্য রাখবেন। রোগের প্রথম অবস্থায় নয়—যখন মৃত্যু আসন্ন। এ নিদারুণ অভিজ্ঞতা ক্ষয়-রুগীর অনেক আত্মীয়-স্বজনের হয়েছে।)

দু বছরের ভিতরই দুইটি অকালমৃত্যু—অর্থহীন, সামঞ্জস্যহীন, যেন মানুষকে নিছক পীড়া দেবার জন্য ভগবান তাকে পীড়া দিচ্ছেন। তারপর চার বছর যেতে না যেতেই সর্বকনিষ্ঠ পুত্র শমীন্দ্রনাথ তেরো বছর বয়সে এক বন্ধুর সঙ্গে ছুটিতে বেড়াতে যায় মুঙ্গেরে। ‘সেইখানে শমীন্দ্রের কলেরা হয়; কবি টেলিগ্রাফ পাইয়া কলিকাতা হইতে মুঙ্গের চলিয়া গেলেন।’ রবীন্দ্রনাথই এই সময়ের এক চিঠিতে লিখছেন, ‘যে সংবাদ শুনিয়াছেন তাহা মিথ্যা নহে। তোলা মুঙ্গেরে তাহার মামার বাড়িতে গিয়াছিল, শমীও আগ্রহ করিয়া সেখানে বেড়াইতে গেল, তাহার পরে আর ফিরিল না।’

অনেকের মুখেই শুনেছি, শমীন্দ্র তার পিতার সবচেয়ে আদরের সন্তান ছিলেন। প্রভাত মুখোপাধ্যায় বলেন, ‘সে আকৃতিতে প্রকৃতিতে পিতার অনুরূপ ছিল।

ঠিক পাঁচ বৎসর পূর্বে ঐ দিনে কলিকাতায় শমীন্দ্রের মায়ের মৃত্যু হয়।’—প্রভাত মুখোপাধ্যায়।

কয়েক বৎসর পরে রবীন্দ্রনাথ তাঁর এই পুত্রের স্মরণে যে কবিতা লেখেন তাতে আছে,

‘বিজু যখন চলে গেল মরণপারের দেশে

বাপের বাহ-বঁধন কেটে।

মনে হল, আমার ঘরের সকাল যেন মরেছে বুক ফেটে।’

আবার অকালমৃত্যু! শুধু ভগবান জানেন তাঁর ভূমণ্ডল ব্যবস্থায় ত্রিলোকনিয়ন্ত্রণে ‘ইন হিজ স্কীম অব্ থিংস’—এর কি প্রয়োজন? শমী আমাদের পুত্র নয়, কিন্তু এ কবিতাটি পড়ে কার না ‘বুক ফাটে’? এ কবিতাটি আমি জীবনে মাত্র একবার পড়েছি। দ্বিতীয়বার পড়তে পারিনি।

এর পর দশ বছর কাটেনি। সর্বজ্যেষ্ঠ সন্তান, বড় মেয়ে মাধুরীলতার হল ক্ষয়রোগ। প্রভাত মুখোপাধ্যায় লিখেছেন, আমিও শুনেছি, মাধুরীর স্বামীর সঙ্গে ঠাকুরবাড়ির সম্ভাব ছিল না (যদিও তাঁর পিতার সঙ্গে ঠাকুরবাড়ির বিশেষ অন্তরঙ্গতা ছিল বলেই এ বিয়ে হয়। কবি বিহারী চন্দ্রবর্তী ছিলেন কাদম্বরী দেবীর সর্বাঙ্গেক্ষা প্রিয় কবি)। রবীন্দ্রনাথ

২ রবীন্দ্রনাথও পুত্রহারা-মাতা ঠাব কন্যার দিকে তাকিয়ে শুধিয়েছেন, ‘ডুমি ছিন্ন সীমাহীন নৈরাশ্যের ভীরে/নির্বাক অপায় নির্বাসনে।/অশ্রুহীন তোমার নয়নে/অবিরাম শ্রয় জাগে যেন—/কেন, ওগো কেন!’—মূর্তাগিনী, বীথিকা, পৃ: ৩০৯।

দুপুববেলা মেয়েকে দেখতে যেতেন বন্ধ গাড়িতে কবে। জামাই তখন আদালতে। সমস্ত দুপুব মেয়েকে গল্প শোনাতে। হয়তো বা কবিতা পড়তেন। বোধহয় তাবই দু'একটি 'পলাতকা' (নামকবণ অবশ্য পবে হয়) বইয়ে স্থান পেয়েছে।

একদিন দুপুবে বাড়িব সামনে পৌঁছতেই বাড়ি থেকে কান্নাব শব্দ শুনতে পেলেন। কবি কোচম্যানকে গাড়ি যোবাতে হুকুম দিলেন। বাড়িতে প্রবেশ কবলেন না। আমি শুনেছি, এই মেয়ে নাকি বড় উৎসুক আগ্রহে পিতাব লেখাব জন্য প্রতীক্ষা কবতেন। ভাগলপুবে, কলকাতায়।

বহু বহু বৎসব পব ঐব সখী ঔপন্যাসিকা অনুকাপা দেবী লেখেন, (উভযেব শ্বশুরবাড়ি ভাগলপুব—বোধহয় সেইসূত্রে পবিচয় ও সখ্য) মেয়েব স্মরণে কবিব চোখ দিয়ে দুই ফোঁটা জল গড়িয়ে পডল। বোধহয় 'পলাতকা'ব 'মুক্তি' কবিতায় এ মেয়েব কিছুটা বর্ণনা পাওয়া যায়।

* * *

পূর্বেই বলেছি, মাধুবীলতাব বোগশয্যায় কবি তাঁকে গল্প বলতেন। এবং শেষেব দিকে বোধ হয় বেদনাব সঙ্গে অনুভব কবেছিলেন যে এ মেয়েও বাঁচবে না। তখন তিনি হৃদয়ঙ্গম কবলেন, তাঁব স্ত্রী-পুত্র-কন্যা, ঐবা সব তাঁব মাযাব বন্ধন কেটে সময় হবাব বহু পূর্বেই পালিয়ে যাচ্ছেন—ঐবা সব 'পলাতকা'। তাই মাধুবীলতাব মৃত্যুব কয়েক মাস পূর্বেই বেবল 'পলাতকা'। এ বইযেব উপব মাধুবী, বেণুকা, শমী তিনজনেব ছাপ স্পষ্ট বযেছে। আবও হয়তো কয়েকজনেব ছাপ বযেছে, কিন্তু তাঁবা হয়তো তাঁব পবিবাবেব কেউ নয়, তাই তাঁদেব ঠিক চেনা যায় না।

'পলাতকা'ব সর্বশেষেব কবিতাটিতে আছে,—কবিতাটিব নাম 'শেষ প্রতিষ্ঠা'—

'এই কথা সদা শুনি, "গেছে চলে, গেছে চলে"

তবু বাখি বলে

বোলো না 'সে নাই'।

* * *

আমি চাই সেইখানে মিলাইতে প্রাণ

যে সমুদ্রে "আছে" "নাই" পূর্ণ হয়ে বযেছে সমান।'

এই কবিতাটি কবিব সর্ব পলাতকাব উদ্দেশে লেখা। কিন্তু প্রশ্ন, 'আছে' ও 'নাই' দুটোই একসঙ্গে অস্তিত্ব বাখে কি প্রকাবে? কবি এব উত্তব দিলেন—অবশ্য সে উত্তবে সবাই সন্তুষ্ট হবেন কিনা জানি নে—তাঁব জীবনেব শেষ শোকেব সময়।

'পলাতকা'ব সব কটি পালিয়ে যাবাব পব কবিব বইলেন, পুত্র বধীন্দ্রনাথ ও কন্যা মীবা। এই মীবাদিব একটি পুত্র ও কন্যা। এ নাতিটিকে বধীন্দ্রনাথ যে কী বকম গভীব ভালোবাসা দিয়ে ডুবিয়ে বেখেছিলেন সে কথা ঐ সময়ে আশ্রমবাসী সবাই জানে। একটু ব্যক্তিগত কথা বলি—নীতু যদিও আমাব চেয়ে বহুব নয়েকেব ছোট ছিল তবু হস্টেলে সে প্রায়ই আমাব ঘবে আসতো। ভাবী প্রিয়দর্শন ছিল সে। স্নাখে মাখে ফিনফিনে খুতি কুর্তা পবে এলে মানাতো চমৎকাব—আমবা শুধাতুম, কে সাজিয়ে দিল বে?

সে উত্তর না দিয়ে শুধু মিট মিট করে হাসতো। চট্টগ্রামের জিভেন হোড় বলতো, 'নিশ্চয়ই দাদামশাই'। আমি বলতুম, 'মা'। (আশা করি, এ লেখাটি মীরাদি বা তাঁর মেয়ে 'বুড়ী'র চোখে পড়বে না—তাঁদের শোক জাগাতে আমার কতখানি অনিচ্ছা সে কথা অন্তর্ভাব্যী জানেন।) সেই নীতু গেল ইয়োরোপে। ক্ষয়রোগে মারা গেল ১৯। ২০ বছর বয়সে। এই শেষ শোকের বর্ণনা দিতে কারোই ইচ্ছা হবে না। কবির বয়স তখন ৭১। একে নিজের শোক, তার উপর কন্যা—পুত্রহারা মাতার শোক।

শুধু একটি সামান্য ঘটনার উল্লেখ করি—শ্রীযুক্ত নির্মলকুমারী মহলানবিশের 'বাইশে শ্রাবণ' থেকে নেওয়া।

রবীন্দ্রনাথ তখন থাকতেন বরানগরে মহলানবিশের সঙ্গে। বন্ধু এন্ডরুজ সায়েবের কাছ থেকে চিঠি পেলেন, নীতুর শরীর আগের চেয়ে একটু ভালো।

'পরদিন সকালবেলা খবরের কাগজে রয়টারের টেলিগ্রামে দেখলাম, ছ'দিন (দু'দিন?) আগে ৭ই আগস্ট জার্মানীতে নীতুর মৃত্যু হয়েছে।'

এ খবরটা রবীন্দ্রনাথের কাছে ভাঙা যায় কি প্রকারে?

'শেষে স্থির হল খড়দায় রবীন্দ্রনাথ ও প্রতিমা দেবীকে টেলিফোন করে আনিয়ে আমরা চারজনে একসঙ্গে কবির কাছে গেলে কথাটা বলা হবে। প্রতিমাদিরা এলে সবাই মিলে কবির ঘরে গিয়ে বসা হল। রবীন্দ্রনাথকে কবি প্রশ্ন করলেন, "নীতুর খবর পেয়েছিস, সে এখন ভালো আছে, না?" রথীবাবু বললেন, "না, খবর ভালো না।" কবি প্রশ্নটা ঠিক বুঝতে পারলেন না। বললেন, "ভালো? কাল এন্ডরুজও আমাকে লিখেছেন যে নীতু অনেকটা ভাল আছে। হয়তো কিছুদিন পরেই ওকে দেশে নিয়ে আসতে পারা যাবে।"^৩ রথীবাবু এবারে চেষ্টা করে গলা চড়িয়ে বললেন, "না, খবর ভাল নয়। আজকের কাগজে বেরিয়েছে।" কবি শুনেই একেবারে স্তব্ধ, রথীবাবুর মুখের দিকে চেয়ে রইলেন। চোখ দিয়ে দু'ফোঁটা জল গড়িয়ে পড়লো। একটু পরেই শান্তভাবে সহজ গলায় বললেন, "বৌমা আজই শান্তিনিকেতন চলে যান, সেখানে বুড়ি একা রয়েছে। আমি আজ না গিয়ে কাল যাবো, তুই আমার সঙ্গে যাস"^৪।'

নীতুর মা জমনি গিয়েছিলেন পুত্রের অসুস্থতার খবর পেয়ে। তিনি যেদিন বোম্বাই পৌঁছবেন, তার কয়েকদিন আগে রবীন্দ্রনাথ তাঁকে বোম্বাইয়ের ঠিকানায় চিঠি লেখেন। তাতে সেই 'আছে' ও 'নাই'-য়ের উত্তর আছে। তাতে এক জায়গায় তিনি লেখেন, 'যে রাত্রে শমী গিয়েছিল,^৫ সে রাত্রে সমস্ত মন দিয়ে বলেছিলুম বিরাট বিশ্বসত্তার মধ্যে তার অবাধ গতি হোক, আমার শোক তাকে একটুও পিছনে যেন না টানে। তেমনি নীতুর চলে

৩ এর আগের দিন রবীন্দ্রনাথ শ্রীযুক্ত মহলানবিশকেও বলেন, 'কাল এন্ডরুজের চিঠি পেয়ে অবশি নীতুর জন্য মনটা উদ্বিগ্ন হয়ে আছে, যদিও তিনি লিখেছেন, ও এখন একটু ভালোর দিকে যাচ্ছে বলে মনে হচ্ছে। সাহেবে লিখেছেন, নীতুকে হয়তো শীগগিরই দেশে ফিরিয়ে আনা সম্ভব হবে। তা হলে ভাবছি তাকে একটা কোনো ভালো জায়গায় অনেকদিন ধরে রেখে দেবো। ভাওয়ালি কি কোনো পাহাড়ে বেশ কিছুদিন থাকলেই সেরে উঠবে।' পৃ: ১৮।

৪ এর মৃত্যুর কথা পূর্বেই বলা হয়েছে। এবং আরও বলেছি মাতা ও পুত্র যান একই দিনে, এবং আশ্চর্য, দাদামশাই ও নাতি যান একই দিনে। (২২ শ্রাবণ)।

যাওয়ার কথা যখন শুনলুম তখন অনেকদিন ধরে বার বার করে বলেছি, আর তো আমার কোনো কর্তব্য নেই, কেবল কামনা করতে পারি এর পরে যে বিরাটের মধ্যে তার গতি, সেখানে তার কল্যাণ হোক। সেখানে আমাদের সেবা পৌঁছয় না, কিন্তু ভালোবাসা হয়তো বা পৌঁছয়—নইলে ভালোবাসা এখনও টিকে থাকে কেন?’

এই সেই মূল কথা। সে নেই কিন্তু আমার ভালোবাসার মধ্যে সে ‘আছে’। বার বার নমস্কার করি গুরুকে, গুরুদেবকে। বার বার দুরদৃষ্টের সঙ্গে কঠোর সংগ্রামে তিনি কাতর হয়েছেন, কিন্তু কখনও পরাজয় স্বীকার করেননি।

এবং পাঠক-পাঠিকাদের উপদেশ দি, প্রিয়-বিয়োগ—এমন কি প্রিয়বিচ্ছেদ—হলে তাঁরা যেন উপরে বর্ণিত এই চিঠিখানা পড়েন। এ চিঠি মুক্তপুরুষের লেখা চিঠি নয়। কারণ গীতায় আছে মুক্তপুরুষ ‘দুঃখে অনুদ্বিগমন’। রবীন্দ্রনাথ দুঃখে আমাদের মতই কাতর হতেন—হয়তো বা আরও বেশী; কাবণ তাঁর দিলের দরদ, হৃদয়ের স্পর্শকাতবতা ছিল আমাদের চেয়ে লক্ষগুণ বেশী—কিন্তু তিনি পরাজয় মানতেন না। আমরা পরাজয় মেনে নিই। এ-চিঠি যদি একজনকেও পরাজয়-স্বীকৃতি থেকে নিষ্কৃতি দেয় তবে অন্যলোকে রবীন্দ্রনাথ তৃপ্ত হবেন।

সহৃদয় পাঠক, তুমি সিনেমা দেখতে যাও। সেখানে যদি কোনো ছবিতে তোমার হীরোর জীবনে পর পর এতগুলো শোকাবহ ঘটনা ঘটতো তবে তুমি বলতে, ‘এ যে বড্ড বাড়াবাড়ি। এ যে অত্যন্ত অবাস্তব, আনরিয়ালিস্টিক।’

তাই বটে। যা জীবনে বাস্তব তা হয়ে যায় সিনেমায় অবাস্তব! আশ্চর্য! আমাব কাছে আবার সিনেমাটা অত্যন্ত অবাস্তব ঠেকে।

তাই সিনেমাওয়ালাদের কাছেই রবীন্দ্র-জীবনের সবচেয়ে নিষ্ঠুর অধ্যায় তুলে ধরলুম। নইলে ‘রবীন্দ্রনাথের শোক ও কাব্যে তার প্রতিচ্ছবি’ এ জাতীয় ডক্টরেট থিসিস লেখবাব বয়স আমার গেছে। আব তাই এ ‘রম্যবচনাটি’ আরম্ভ করেছি আমার ব্যক্তিগত জীবন নিয়ে। কারণ আমার জীবন আর তোমাদের পাঁচজনের জীবনের লেশমাত্র পার্থক্য নেই। তফাৎ যদি থাকে, তবে শুধু এইটুকু যে, তোমরা মনোবেদনা গুছিয়ে বলতে পার না বলে গুমরে গুমরে মরো বেশী। কিন্তু তোমাদের এই সাস্থনা জানাই, যতদিন তোমার প্রিয়জন তোমার প্রতি সহৃদয় ততদিন তোমার না বলা সত্ত্বেও সে তোমার হৃদয়ের সব কথাই বোঝে। আর যেদিন তার হৃদয় বিমুখ হয়ে যায়, সেদিন যতই গুছিয়ে বলো না কেন, সে শুনবে না। কাজেই না-বলতে পারাটা তোমাকে গুছিয়ে-বলতে-পারার বিড়ম্বনা থেকে অন্তত বাঁচাবে।

କତ ନା ଅଶ୍ରଂଜଳ

উৎসর্গ

স্নেহভাজন শ্রীমান ফণী দেব ও আমাদের উভয়েব সখা
শ্রীমান সাগবময ঘোষেব কবকমলে—

এই পুস্তকেব সব লেখাই “দেশ” পত্রিকায় ধাবাবাহিককপে বেবোয। সেসময আমাকে ধন্যবাদ জানিয়ে অগণিত চিঠি আমাব কাছে আসে। তাতেব অনেকগুলো “কত না অশ্রুজলে” ভবা ছিল। একাধিক মাতা, ভগ্নী আমাকে পুত্রেব, ভ্রাতাব শেষ পত্র পাঠান। বস্তুত যখন “দেশ” পত্রিকায় অধমেব “দেশে-বিদেশে” প্রকাশিত হয় তখনো এত পত্র আমি পাইনি।

সে-সব বচনা আমাব বান্ধবী অখণ্ড-সৌভাগ্যবতী কল্যাণীয়া শ্রীমতী নিকপমা ও তাঁব সিঁথিব সিঁদুব শ্রীমান পশুপতি অশেষ ক্লেশ স্বীকাব কবে সঞ্চয় কবে, কেটে ছেঁটে পুস্তককপে প্রকাশ কবলেন। ওঁদেব প্রতি আমি কি সাধুবাদ জানাবো। প্রার্থনা কবি, তাঁবা যেন দীর্ঘজীবী হয়ে উত্তমোত্তম লেখকেব সম্পাদনা কবেন।

পবিশেষে শ্রীমান ব্রজকিশোবেব কল্যাণ কামনা কবি। শঙ্কব তাকে জয়যুক্ত ককন।

একখানা অপূর্ব সংকলনগ্রন্থ অধীনের হাতে এসে পৌঁচেছে। পুনরায়, বারংবার বলছি অপূর্ব, অপূর্ব। এ-বইখানিতেই আছে, মানুষের আপন মনের আপন হৃদয়ের গভীরতম আত্মপ্রকাশ। কারণ মৃত্যুর সম্মুখীন মানুষ অতি অল্প অবস্থাতেই মিথ্যা কয় বা সত্য গোপন করে। এবং একটি দেশের একজন মানুষের সুখদুঃখের কাহিনী নয়; বহু দেশের বহুজনের। ফ্রান্স, জার্মনি, ভারতবর্ষ, বেলজিয়াম, হল্যান্ড, রাশিয়া, আমেরিকা, ফিনল্যান্ড, ইংল্যান্ড, চীন, জাপান, কানাডা ইত্যাদি ইত্যাদি—বস্তুত হেন দেশ প্রায় নেই যার বহু লোকেব বহু কঠম্বর এই গ্রন্থে নেই।

যুদ্ধের সময় সৈন্য তো জানে না কোন্ মুহূর্তে তার মৃত্যু আসবে। সে যখন ঐ সময় ট্রেনে বসে আপন মা, বউ, শ্রিয়া বা বোনকে চিঠি বা তাঁদের জন্যে ডাইরি লেখে তখনও সে মিথ্যা কথা বলছে, এ সন্দেহ করার মত সিনিক বা ব্যঙ্গপ্রথব অবিশ্বাসী আমি নই।

এই বইয়ে আছে গত বিশ্বযুদ্ধে যারা জড়িয়ে পড়েছিল, অর্থাৎ ইচ্ছা-অনিচ্ছায় সৈনিকরূপে একে অন্যকে নিধন করতে হয়েছিল, তাদের শেষ চিঠি, ডাইরির শেষ পাতা। এ বিশ্বযুদ্ধ থেকে অল্প দেশই রেহাই পেয়েছিল সে কথা আমরা জানি। শান্তিকামী ভারত, এমন কি যুদ্ধে যোগদান না করেও নিরীহ এস্কিমোও এর থেকে নিষ্কৃতি পায়নি।

এবং শুধু তাদেরই লেখা নেওয়া হয়েছে যারা এ-যুদ্ধে নিহত হয় বা যুদ্ধে মারাত্মকরূপে আহত হওয়ার ফলে যুদ্ধের কয়েক বৎসর পরেই মারা যায় কিংবা যারা যুদ্ধক্ষেত্র থেকে বহুদূরে শান্তিপূর্ণ দেশে বাস করার সময় যুদ্ধের বীভৎসতা, আত্মজন বিয়োগের শোকে কাতর হয়ে আত্মহত্যা করে।

কিন্তু এত দীর্ঘ অবতরণিকা করার কণামাত্র প্রয়োজন নেই। দু'একটি চিঠির অনুবাদ পড়ে সহৃদয় পাঠক বুঝে যাবেন, এ-অবতরণিকা কতখানি বেকার।

গত যুদ্ধে ফ্রান্স পবাজিত হলে পর জার্মন সৈন্যরা সেখানে কায়েম হয়ে দেশটাকে 'অকুপাই' কবে। সঙ্গে সঙ্গে বহু ছেলেমেয়ে, তরুণ-তরুণী, বৃদ্ধ-বৃদ্ধারা গড়ে তোলে 'আন্ডারগ্রাউন্ড মুভমেন্ট'। তাবা মোকা পেলে জার্মন সৈন্যকে গুলি করে মারে, রেল লাইন, তাদের বন্দুক-কামানের কারখানা ডাইনামাইট দিয়ে উড়িয়ে দেয় এবং আরও কত কী! এ প্রতিষ্ঠানটি আমাদের আপন দেশেও ইংরেজদের বিরুদ্ধে সম্পূর্ণ অজানা নয়।

এই আন্দোলনে যোগদান করার ফলে একটি বোল বহুরের ফবাসী বালক জার্মনদের হাতে ধরা পড়ে এবং মৃত্যুদণ্ডে দণ্ডিত হয়। মৃত্যুর কয়েক মিনিট পূর্বে সে তার জনকজননীকে একখানি চিঠি লেখে। এবারে আমি সেটি অনুবাদ করে দিচ্ছি :

"....আমার প্রতি যাঁরা সহানুভূতিশীল, বিশেষ করে আমার আত্মীয় ও বন্ধুদের আমার ধন্যবাদ জানিয়ে; তাদের বলো যে (মাতৃভূমি) ফ্রান্সের প্রতি আমার অনন্ত বিশ্বাস। আমার হয়ে ঠাকুরদা, ঠাকুমা, কাকারা, মাসীরা ও ওদের মেয়ে—আমার বোনদের প্রগাঢ় আলিঙ্গন করো। আমাব পাদ্রিসাহবকে বলো আমি বিশেষ করে তাঁকে ও তাঁর আত্মজনকে স্ববশে রেখেছি, আমি মসেমোর (প্রধান পাদ্রি)-কে ধন্যবাদ জানাই। তিনি আমাকে যে-ভাবে গৌরবান্বিত করেছেন, আশা করি, আমি যে তার উপযুক্ত পাত্র সেটা প্রমাণ করতে সক্ষম হয়েছি। মৃত্যুর সময় আমি আমার স্কুলের বন্ধুদেরও আদর-সম্ভাষণ

জানাই। আমার ক্ষুদ্র পুস্তক সঞ্চয়ন (লাইব্রেরিটি) পিয়েরকে,^১ আমার ইস্কুলের বই বাবাকে, আমার অন্যান্য সঞ্চয়ন আমার সবচেয়ে শ্রিয় আমার মাকে দিয়ে গেলুম। আমার বাসনার ধন স্বাধীন ফরাসীভূমি এবং সুখী ফ্রান্সবাদী দক্ট্রী ফ্রান্স, পৃথিবীর সর্বাগ্রণী নেশন ফ্রান্স আমার কাম্য নয়; বরঞ্চ কর্মনিষ্ঠ ফ্রান্স,^২—কর্মনিষ্ঠ এবং আত্মমর্বাদাঙ্গীল ফ্রান্স। আমি প্রার্থনা করি ফ্রান্সবাদী যেন সুখী হয়—সেইটাই সব চেয়ে বড় সত্য। তারা যেন শেষে জীবনে শিবমকে আলিঙ্গন করতে।^৩

আমার জন্য তোমরা কোনো চিন্তা করো না; জীবনের শেষ মুহূর্ত পর্যন্ত আমি আমার সাহস ও সহজ রসবোধ (গুড হিউমার) বজায় রেখে যাবো; আমি যাবার সময় সেই 'সাঁব্র-এ-ম্যাজ্'^৪ গানটি গেয়ে যাব, যেটি তুমি, আমার আদরের মা আমাকে শিখিয়েছিলে।

পিয়েরকে^৫ শাসনে রেখো কিন্তু স্নেহের সঙ্গে। তার লেখাপড়ার কাজ চেক্ আপ করে নিয়ো এবং সে যেন ঠিকমতো খাটে^৬ তার উপর জোর দিয়ে। তাকে আলস্য-অবহেলা করতে দিয়ে না। আমি যেন তার শ্লাঘার পাত্র হই। সেপাইরা আসছে আমাকে নিয়ে যেতে। আমার হাতের লেখা হয়তো অল্প একটু কাঁপা-কাঁপা হয়ে গেল; তার কারণ পেনসিলটি বড্ড ছোট; মৃত্যুভয় আমার আদৌ নেই; আমার আত্মা অত্যন্ত শান্ত।

বাবা, আমি তোমাকে অতিশয় অনুরোধ জানাই, প্রার্থনা করো। শুধু এই কথাটুকু বিবেচনা করো, এই যে আমি এখানে মরতে যাচ্ছি, সেটি আমাদের সঙ্কলের জন্য। এর চেয়ে শ্লাঘনীয় আমার কী মৃত্যু হতে পারতো? আমি স্বেচ্ছায় পিতৃভূমির জন্য মৃত্যুবরণ করছি; স্বর্গভূমিতে আমাদের চারজনতে^৭ ফের দেখা হবে। প্রতিহিংসাকামীদের মৃত্যুর পরও তাদের অনুগামী পাবে। বিদায় বিদায়! মৃত্যু আমাকে ডাকছে। আমার চোখে ফেটা বেঁধে আমাকে গুলি করবে সে আমি চাই নে, আমাকে হাতে-পায়ে বাঁধতেও হবে না। আমি তোমাদের সবাইকে আলিঙ্গন করি। তৎসঙ্গেও কিন্তু বলি, বাধ্য হয়ে মরাটা কঠিন কাজ। সহস্র চুম্বন।

ফ্রান্স—জিন্দাবাদ!

ষোড়শ বৎসরে মৃত্যুদণ্ডে দণ্ডিত

এচ্ ফের্তে

একধিক পাঠক অনুযোগ করেছেন, অখন্দের রচনা ইদনীং বড্ডই টীকা কষ্টকাঙ্ক্ষী। আমার নিবেদন, টীকা না পড়লে কেউ কতিপয় হবেন না। যাঁরা নিতান্ত একটু-আধটু আশকথা-পাশকথা জানতে চান কিংবা এই আক্ৰমণভার বাজারে 'বই' কিনেছেন বলে প্রতিটি শিপড়ে নিষ্ঠড়িয়ে নিষ্ঠড়িয়ে গুড় বের করতে চান—এ টীকা শুধু তাঁদের জন্য।

১ পিয়ের খুব সম্ভব পরলেখক আঁরির (Henri = Henry) ছোট ভাই। তাই পিয়েরকে তার ছোটবাটো পুস্তক সঞ্চয়ন দিয়ে যাচ্ছে।

২ ফ্রান্সে বৃদ্ধ হবার পর অনেকেই বিশ্বাস করতো, ফরাসীদের আলসেমিই তাদের ঐ পরাজয়ের কারণ।

৩ 'শিবমকে আলিঙ্গন'—এটা মনে হচ্ছে, জার্মান কবি গ্যোটে থেকে উদ্ধৃত। পরলেখক আঁরি জার্মানের হাতে নিহত হচ্ছে, অথচ সে বিশ্বধেমিক বলে বিশ্বকবি—জার্মান-গ্যোটেকে উদ্ধৃত করছে।

৪ সাঁব্র এবং ম্যাজ্ ফ্রান্সের দুই নদী। আমাদের যে-রকম গঙ্গা-যমুনা। 'বিপণিত করুণা জাহ্নবী যমুনা' তুলনীয়।

৫ এক নম্বর টীকা দ্রষ্টব্য।

৬ দুই নম্বর ও পাঁচ নম্বর দ্রষ্টব্য।

৭ স্বর্গে বাপ, মা, পিয়ের ও সে নিজে এই চারজন সম্মিলিত হবে আশা করছে।

হাতের লেখা আর ভুলচুকের জন্য মাফ চাইছি; আমার পড়ার সময় নেই।
পত্র-প্রেরক : আঁরি ফের্ডে, স্বর্গলোক, কেয়ার অব ভগবান।*

॥ ২ ॥

এবারে একজন জাপানীর চিঠি তুলে দিচ্ছি :

জিরোকু ইওয়াগায়া (Jiroku Iwagaya), শিক্ষক,

জন্ম, ১৯২৩ সালে। ১৯৪৪ সালে ফিলিপাইন যাবার সময় যুদ্ধজাহাজ-ডুবিতে
সলিলসমাধি।

শিজুয়োকা, ১২ জুন ১৯৪৩

বুর্গাভিস' দ্বীপের কাছে যে নৌযুদ্ধ হয়ে গেল তার খবর আজ কাগজে বেরিয়েছে।
প্রকাশ, একখানা বিরাট সৈন্যবাহী জাহাজ গুরুতরভাবে ক্ষয় হয়েছে ও একখানা
জঙ্গী জাহাজ সমুদ্রগর্ভে নিমজ্জিত হয়েছে। এভাবে মানুষ কেন সমুদ্রগর্ভে নিমজ্জিত হয়ে
অতলে লীন হবে? জাপানীরা মারা গেলে শুধু জাপানীরাই, বিদেশীরা মারা গেলে শুধু
বিদেশীরাই অশ্রুবর্ষণ করে কেন? মানুষ শুধুমাত্র মানুষ হিসেবে সন্মিলিত হয়ে অশ্রুবর্ষণ
করে না কেন, আনন্দের সময় সন্মিলিতভাবে আনন্দ প্রকাশ করে না কেন? এ তত্ত্বটি
যে-কোনো শাস্তিকামী জনের চিন্তা আলোড়িত করবে। যেহেতু একটা বিদেশী মরেছে
অতএব জাপানীবা বেশ পবিত্র। এটা আমাব কাছে চিরকাল অবোধ্য থেকে যাবে। তিন
দিন চার দিন ধরে একটা লোক সমুদ্রে সাঁতাব কাটতে কাটতে শেবটায় অবসন্ন হয়ে জলে
ডুবে গেল এটা কী নিদারুণ! মৃত্যুর সঙ্গে আমাব যদি সমুদ্রে কখনো দেখা হয় তবে কি
আমি তাকে সম্মানে চিনতে পারবো?

৩ মার্চ, ১৯৪৪

বিদায় নেবার পূর্বে আমি ক্লাসেব ছেলেদেব দিয়ে 'তাজিমামরি'^২ গানটি গাওয়ালুম।
আমি জানি না কেন, এটি শুনে আমার বড় আনন্দ হল। এ গানটি আমি কখনই ভুলবো
না; এটি আমাকে সব সময়ই স্মরণ কবিয়ে দেবে যে আমি শিক্ষক ছিলাম।

৮ কনটিনেন্টে পত্রলেখককে তাব ঠিকানা দিতে হয় (যেমন আমাদেব ইনল্যান্ড লেটার)। তাই আঁরি তার
ঠিকানা দিয়েছে। এব থেকেই পাঠক বুঝতে পাববেন, সে যে গর্ব কবেছে জীবনের শেষ মুহূর্ত অবধি (তাব)
হিউমাব বজায় বেখে যাবে, সেটা কিছুমাত্র মিথ্যা দস্ত নয়। কাবণ এই কটি শব্দই ইহজীবনে তাব শেষ বাক্য।

যে-বই থেকে এই পত্রটি অনুবাদ করেছি তাব নাম-ঠিকানা

Die Stimme des Menschen Briefe und Aufzeichnungen aus der ganzen Welt 1939-
1945 Gesamte und herausgegeben von Hans Walter Baerl Piper Verlag, 1961,
Muenchen

১ সলমন দ্বীপপুঞ্জের বৃহত্তম দ্বীপ—অস্ট্রেলিয়াব অধীনে।

২ 'তাজিমামরি' গীতটি আমি যোগাড় করতে পারিনি। কোনো গুণিন পাঠক যদি সেটি সংগ্রহ করে
অনুবাদসহ প্রকাশক মহাশয়কে পাঠান তবে লেখক তাঁব কাছে কৃতজ্ঞ থাকবে।

আমি যুদ্ধে চললুম, কিন্তু আমি যুদ্ধ চাইনি। হয়তো আমার এ কথাটা কেউই বুঝবে না। কিন্তু কোনো মানুষকে হত্যা করার জন্য আমি কোনো তাগিদ অনুভব করি না। আমার মনে হয়, আমাকে যেন একটা দ'টেনে নিয়ে ডুবিয়ে দিচ্ছে।

একাধিক জাতের বিশ্বাস এবং তারা যুদ্ধের সময় প্রোপাগান্ডা করে যে, জাপানীমাত্রই যুদ্ধের জন্য হামেহাল মারমুখো। এ চিঠি পড়ে পাঠক বুঝতে পারবে, কথাটা সম্পূর্ণ সত্য নয়। এ-ধরনের আরও চিঠি আছে। স্থানাভাবে তার অন্ধাংশও তুলে দেওয়া সম্ভব নয়। আমার উদ্দেশ্য ভিন্ন ভিন্ন দেশের, ভিন্ন ভিন্ন টাইপের চিঠি অনুবাদ মারফত বহুবিধ মানবের চিন্তাধারা, হৃদয়ানুভূতি—এবং তৎসত্ত্বেও সেগুলি সর্বজনীন—এগুলির সঙ্গে পাঠকের পরিচয় করিয়ে দেওয়া।

যুগোশ্লাভিয়ার জনৈক নাম-না-জানা সৈনিক,

অজ্ঞাত শিশুর প্রতি পত্র,

[যুদ্ধের সময়ে]

হে আমার সন্তান, এখনো তুমি অন্ধকারে ঘুমুচ্ছেছো এবং ভূমিষ্ঠ হবার জন্য শক্তি সঞ্চয় করছো; আমি তোমার সর্বমঙ্গল কামনা করি। তুমি এখনো তোমার প্রকৃত রূপ (Gestalt) পাওনি; তুমি এখনো শ্বাসগ্রহণ করছো না; তুমি এখনো অন্ধ। তবু, যখন তোমার সে লগ্ন আসবে, তোমার এবং তোমার মাতার সে-লগ্ন আসবে (তোমার সে মাতাকে আমি সর্বহৃদয় দিয়ে ভালোবাসি) তখন তুমি বাতাস এবং আলো পাবার জন্য সংগ্রাম করার মতো শক্তিও পাবে। আলোকের জন্য অক্রান্ত সংগ্রাম করার অধিকার তোমার ন্যায্য প্রাপ্য। সেই কারণেই তুমি নারীদেহ থেকে শিশুরূপে জন্মগ্রহণ করবে, অবশ্যই তুমি প্রকৃত কারণ না জেনেই জন্মগ্রহণ করবে।

বেঁচে থাকতে যে আনন্দ আছে সেটাকে তুমি রক্ষা করো, কিন্তু সঙ্গে সঙ্গে মৃত্যুভয় ঝঁকি দিয়ে বিদায় করে দিও। এই যে জীবন—এটাকে ভালোবাসা উচিত, নইলে এটা বৃথাই নষ্ট হয়, কিন্তু এটাকে মাত্রাধিক ভালোবাসা উচিত নয়।

নূতন নূতন জ্ঞান সঞ্চয়ের জন্য হৃদয় সর্বদা উন্মুক্ত রেখো; মিথ্যাকে ঘৃণা করার জন্য হৃদয় প্রস্তুত রেখো; অশিবকে তাজিল্যের সঙ্গে বর্জন করার মতো শক্তি সর্বথা হৃদয়ে ধারণ করো। আমি জানি, আমাকে এখন মরতে হবে, এবং তোমাকে জন্মগ্রহণ করতে হবে এবং আমার যত সব ভুলত্রুটির জঞ্জালের উপর তোমাকে দাঁড়াতে হবে। আমাকে ক্ষমা করো। আমি নিজের কাছে নিজে লজ্জিত যে তোমাকে এই অরাজক আরামহীন সংসারের পিছনে রেখে চলে যাচ্ছি। কিন্তু এ-ছাড়া তো কোনো গতি নেই। আমি কল্পনায় তোমার কপালে চূষন রাখছি—শেষবারের মতো তোমাকে আশীর্বাদ জানাবার জন্য। গুডনাইট, বাছ আমার—গুড মরনিং এবং গুড প্রভাতে তুমি জাগ্রত হও।

মিসাক মানুচিয়ান, তুরস্ক।

১৯০৬ খ্রীস্টাব্দে আদি-ইয়মানে (তুর্কী—আরমেনিয়ান) জন্ম; ২১ ফেব্রুয়ারি ১৯৪৪-এ প্যারিসে মৃত্যুদণ্ডে দণ্ডিত।

২১ ফেব্রুয়ারি ১৯৪৪ [প্যারিস

[আমার মৃত্যুর পর] যীরা বেঁচে থাকবেন তাঁরাই ধন্য, কারণ তাঁরা মধুর স্বাধীনতা উপভোগ করবেন। আমার মনে কোনো সন্দেহ নেই যে ফরাসী জাতি এবং অন্যান্য

স্বাধীনতা যুদ্ধের সংগ্রামী আমাদের স্মৃতিকে যথোপযুক্ত সম্মান দেবে। মৃত্যুর সম্মুখে দাঁড়িয়ে আমি পরিষ্কার ভাষায় বলছি, আমি জার্মান জাতের প্রতি কোনো ঘৃণা অনুভব করি না। প্রত্যেক মানুষ তার কর্মফল অনুযায়ী তিরস্কার পাবে। জার্মান ও অন্যান্য জাত যুদ্ধশেষে শাস্তিতে, ভ্রাতৃত্বাবে জীবনধারণ করবে; এ-যুদ্ধ শেষ হতে আর বিলম্ব নেই। বিশ্বজন সুখী হোক।

গভীর বেদনা অনুভব করি আমি যে, আমি তোমাকে সুখী করতে পারিনি। আমি চেয়েছিলুম, তুমি আমাকে একটি সন্তান দেবে, এবং তুমিও সব সময় তাই চেয়েছিলে। তোমার প্রতি তাই আমার অনুরোধ, আমার শেষ ইচ্ছা পূর্ণ করার জন্য যুদ্ধের পর তুমি অতি অবশ্য পুনরায় পরিণয় করে সন্তান লাভ করবে।

আজ রোদ উঠেছে। এ রকম দৃশ্য আর সুন্দর প্রকৃতির পানে তাকিয়ে আমি তোমাকে নিত্যদিন কতই না ভালোবেসেছি। তাই বিদায় বিদায়। বিদায় নিচ্ছি এ জীবনের কাছ থেকে, তোমাদের সকলের কাছ থেকে, আমার প্রিয়পেঙ্গা প্রিয়তমা পত্নীর থেকে, এবং আমার ভালোবাসার বন্ধুজনের কাছ থেকে। আমি তোমাকে নিবিড় আলিঙ্গন করছি, তোমার ছোট বোনকেও এবং দূরের এবং নিকটের পরিচিত সর্ব বন্ধুজনকে।

॥ ৩ ॥

এ-কথা অনেকের কাছেই অবিদিত নয় যে, প্রাচ্যে মাতার প্রতি বয়স্ক পুত্রের যতখানি টান থাকে, পশ্চিমে—বিশেষ করে ফ্রান্স জার্মান ইংলন্ড প্রভৃতি দেশে—পুত্রের টান তার চেয়ে অনেক কম। এসব দেশের কবিরা মাতার উদ্দেশে কবিতা বচছেন অত্যন্তই। তার একটা কারণ বোধহয় এঁরা বিয়ে করে মা'র সঙ্গে বাস করে না—বউ নিয়ে আলাদা সংসার পাতে। আমাদের বড় এবং মাঝারি শহরেও এ রীতি কিছুটা আরম্ভ হয়ে গিয়েছে।

তা সে যাই হোক, যুদ্ধের সময় অনেক সৈন্যই মাতাকে বার বার স্মরণ করে। হৃদয় খুলে তার সব কথা জানায়। তাই যুদ্ধের সময় ভিন্ন ভিন্ন পরিবেশে লেখা চিঠিতে পাঠক মানব-হৃদয়ের নূতন নূতন মর্মস্পর্শী পরিচয় পাবেন।

যুদ্ধ তার রুদ্রতম নিকটতম বদন দেখায় সিভিল উয়োর বা ভ্রাতৃযুদ্ধের সময় এবং আশ্চর্য সে সময় মানুষের করুণাধারাও যে কী রকম উছলে পড়ে সেটা বহু চিঠিতে বহু ভাবে প্রকাশ পায়।

গত বিশ্বযুদ্ধের শেষের দিকে ইতালিতে ভ্রাতৃযুদ্ধ চলছে। এ চিঠিটা সে সময়কার।

রবের্তো নান্নি : ইতালি, বল্‌না স্কুলের ছাত্র।

জন্ম ১৯২৮। প্যারিস্ট থেকে ডুপুঠে সংঘর্ষে ২৮ মার্চ ১৯৪৫' সালে নিহত।

১ এর ঠিক এক মাস পরে ইতালিতে যুদ্ধের অবসান হয়। তাই ভাবলে দুঃখ হয় যে সতেরো বছরের ছেলের মা যখনই এ কথাটি ভাববে তখনই তার শোক কত না গভীর হবে।

(মাতাকে লিখিত)

আজ এই প্রথম যুনিফর্ম পরে গির্জের উপাসনায় আমি যোগ দিয়েছিলুম।^২ আর বিশ্বাস করো মা আমার হৃদয় কী অনুভূতিতেই না ভরে উঠেছিল। ছেলেবেলায় তুমি যে আমাকে সঙ্গে করে গির্জায় নিয়ে যেতে সে সময়কার কথা ভাবছিলুম। আমার কাছে পরিষ্কার হয়ে গেল যে, যত দিন যায় মানুষের বয়স বাড়ে বটে কিন্তু প্রকৃতপক্ষে হৃদয়ের গভীরে সে ছেলেমানুষই থেকে যায়। আমরা সমবেত কণ্ঠে ‘অসংখ্য জনের প্রার্থনা গীতি’ গাইবার সময় যখন পুণ্যময়ী ‘মাতা’র নাম এল তখন শুধু যে আমারই দু’চোখ জলে ভিজে গেল তাই নয় আমার বন্ধুদেরও তাই হল। তোমার কাছ থেকে চিঠি পাবার যে সুযোগ সুবিধা ও আনন্দ পাবার অধিকার আমার আছে তার মূল্য আমি তখন বুঝতে পারলুম কারণ আমার বহু সাথীর পরিবারবর্গ শত্রু-অধিকৃত এলাকায় আছে বলে তারা কোনো চিঠি পায় না।

আমার বিশ্বাস যে—নাম মানুষ বিপদের মুখোমুখি হলে সঙ্গে সঙ্গে স্বতঃস্ফূর্ত হয়ে ডেকে ওঠে সে—নাম “মা”।

শত্রুপক্ষের যাকে আমি দু’বাহুতে করে ফার্স্ট এডের ঘাঁটিতে নিয়ে যাচ্ছিলুম সে চেষ্টা ডেকেছিল “মা”। যেতে যেতে তার মনের মধ্যে শুধু ছিল একটি মাত্র চিন্তা - তার মা। কাতর হয়ে আমাকে শুধোচ্ছিল, আমরা তার মাকে কিছু করিনি তো? আমি যতই ‘না’ বলছিলুম সে বিশ্বাস করতে পারছিল না। আমাকে মিনতি জানাচ্ছিল আমি যেন সদা আমার মাকে অবশ্য স্মরণে রাখি, তোমার স্নহক্ষে খবর জানতে অনুবোধ করছিল, জিজ্ঞেস করছিল আমি তোমার কাছ থেকে চিঠি পাই কিনা, তোমার কোনো ফোটা আমার কাছে আছে কিনা, কারণ তার আপন মায়ের কোনো ছবি তার কাছে ছিল না এবং তাই তোমার ফোটাতে সে তার আপন মায়ের ছবিও দেখতে চেয়েছিল।

৮ই সেপ্টেম্বর^৩ নিয়ে যারা অবহেলার সঙ্গে আলোচনা করে—কণামাত্র জানে না ঐ দিন আমাদের পিতৃভূমির জন্য কী দুর্ভাগ্য আর পরিপূর্ণ বিনাশ নিয়ে এসেছে—তারা যদি আমি যা এইমাত্র বর্ণনা করলুম সে দৃশ্যের সন্মুখে থাকত! কারণ, বুঝলে মা, যে লোকটাকে আমি গুলি করে আহত করতে বাধ্য হয়েছিলুম, যাতে করে সে আমার উপর আগেই গুলি না করতে পারে; সে আর আমি তো একই ভাষাতে কথা বলি, এবং “মা” বলে সে ডেকে উঠেছিল, এই এখন আমি তোমাকে যে নাম ধরে ডাকছি...

এবারে একটি কবিতার গদ্যানুবাদ।

আমির হামজা : মালয়, রাজপরিবারজাত কবি।

জন্ম ২০ ফেব্রুয়ারি ১৯১১, সুমাত্রায়। যুদ্ধাবসানের অরাজকতার সময় ১৯৪৬ সালে সুমাত্রায় নিহত।

২ জার্মান ইতালি ব ফ্যান্সি সশস্ত্র সৈন্যদের উর্দি পবে গির্জে যাওয়াটা পছন্দ করতো না। তাবা গির্জেকে বাষ্ট্ৰেব শত্রুভাবে দেখতো এবং উর্দি না পবে গির্জে যাওয়াও অতি কষ্টে বরদাস্ত কবতো।

৩ ঐ দিনই প্রথম খবর প্রকাশ পায়, ইতালির বাজা ঠার মিত্রশক্তি জার্মানিকে ত্যাগ কবে মার্কিন-ইংবেজের সঙ্গে সন্ধি করে ফেলেছেন, ফলে দেশে ভ্রাতৃযুদ্ধ আবস্ত হয়। যে সৈন্য আহত হয় সে ছিল পার্টিজান দলের। (বর্তমান লেখকের ভেদেঙ্গা দ্রষ্টব্য)।

(প্রিয়মিলন তৃষ্ণা)

কী মধুর! হে সমারোহময় মেঘরাশির শোভাযাত্রা
তুমি ঢেকে নিয়েছো সুনীল আকাশের নীলাঞ্জন।
দাঁড়াও ক্ষণেক তরে এই কুটিবের 'পরে—
দূবেব প্রবাসী তিয়াসী এক পথিকের কুটিরের 'পরে—
এক লহমাব তরে, এক পলকেব তবে—
আমি তোমাকে শুধু শুধোতে চাই,
তোমাকে হে মেঘ তোমাকে শুধোতে চাই,
তুমি কোন্ দিকে যাবে মনস্থি'ব কবেছ?
কোন্ দেশে গিয়ে তুমি দাঁড়াবে?
হে মেঘ, আমাব প্রিয়ার কাছে নিয়ে যাও আমার বিবহ ব্যথা
তাকে কানে কানে বলো আমাব বিরহ বেদনা
তাব তরুণ সোনালী হাঁটু দুটিকে তুমি আলিঙ্গন ক'রো,
যেন আমি নিজে সে দুটিকে আলিঙ্গন করছি।

এ কবিতা তো আমাদের বহুদিনকাব চেনা কবিতা ॥

॥ ৪ ॥

ইভান ভ্লাদকফ বুলগেবিয়া।

জন্ম প্রিয়ানভো-তে ১লা জানুয়ারি ১৯১৫।

মৃত্যু . ২২ নভেম্বর ১৯৪৩, বুলগেরিয়ার পুলিশ কর্তৃক নিহত।

২১ নভেম্বর, ১৯৪৩

যে একটি মাত্র বাসনা আমাব কাছে সেটি বেঁচে থাকাব। তোমাব শ্বাস চেপে ধবে বন্ধ কবে দিল, তোমাকে ছিনিয়ে নিয়ে গেল, ধীবে ধীরে তোমার চৈতন্য লোপ পেল; গারদেব কুটুরি আবও ছোট হয়ে গেল, এ-কুটুবিতে কখনো বাতাস ঢোকে না। তৎসত্ত্বেও বেঁচে থাকবার জন্য কী অদম্য স্পৃহা!

আব আমার ছোট ছেলোটি! এখন থেকেই সে আমাব অভাব অনুভব কবতে আবস্ত কবে দিয়েছে। যে কথাগুলো সে আমায় বলেছিল সেগুলো এখনো আমার মনকে চঞ্চল করে তোলে বাবা, তুমি যখন ফিরে আসবে তখন আমার জন্য একটা ট্রাম-লাইন কিনে দেবে আর ছোট একটি গাড়ি, আব এক জোড়া জুতো!

আমার পুত্র আমার অনুপস্থিতি অনুভব করে। আমার আদরসোহাগ সে কামনা কবে, আমার কথা ভেবে সে ব্যাকুল হয়। আমি যখন তাকে বললুম, এরা আমাকে তোর কাছে যেতে দেয় না, তখন সে আমাকে বলল, 'তুমি যে আমার কাছে আসতে চাও না, তাব মানে তুমি আমাকে ভালোবাসো না—না বাবা?' শিশুসন্তানের এ কী সবল ভালোবাসা, তার আত্মাটি কত না বিবাট ভালোবাসা ধরতে জানে!

কিন্তু এই ঐবা যঁরা আমাদের মৃত্যুদণ্ডে দণ্ডিত করলেন ঐদের কি তবে শিশুসন্তান নেই? ঐরা কি নিজেদের ভুল বুঝতে পারেন না, অন্যের প্রতি কি ঐদের কোনো সমবেদনা

নেই? অতি অবশ্যই সর্বদাই এঁরা কোনো কিছু দিয়ে নিজের মনকে বোঝাতে জানেন। যখন তাঁদের উচিত আমাদের মৃত্যুর চরম দশাদেশ না দিয়ে লঘুতর দণ্ড দেওয়া—অন্য সব কারণ বাদ দিয়ে হোক না সে শুধু আমাদের শিশুসন্তানদের মুখের দিকে তাকিয়ে—তখন তাঁরা বলেন, শাসনদণ্ডের আইন সে অনুমতি দেয় না। এ কী মূর্খতা! কিন্তু বোধ হয় এঁরা আপন শিশুসন্তানের প্রতি আমাদের মতো এ গভীর ভালোবাসা পোষণ করেননি। কারণ তাই যদি হত তবে তাঁদের আচরণ অন্য রকমের হত। আমার এখনো স্মরণে আসছে জেনারেল কচো স্টয়ানফের কথা—আমাকে কি বলেছিলেন : “বিচারকেরা সন্তানদের কথা স্মরণ রাখেন।” কিন্তু আমি এখনো বুঝতে পারছি নে, হয়তো কখনোই বুঝতে পারবো না, তাই যদি হবে, সন্তানদের কথা যদি তাঁরা স্মরণেই রাখেন তবে এ রকম দশাদেশ দেন কি প্রকারে?

‘রাষ্ট্র শক্তিমান এবং রাষ্ট্র কাউকে পরোয়া করে না (ডিফাই)’। কিন্তু তাই যদি হবে তবে এরা আমাকে গুলি করে মারছে কেন?

২১ নভেম্বর ১৯৪৩

পুত্রকে—

আমি জানি পিতৃহীন হয়ে তোমার জীবনধারণ কঠিন হবে এবং তোমাকে অনেক দুঃখ-যন্ত্রণা সহিতে হবে। কিন্তু যে-সমাজতন্ত্রের জন্যে আমি এ জীবন আছতি দিচ্ছি সে ব্যবস্থা আসবে^১ এবং তোমাদের জীবনযাপনের জন্যে মহন্তর পরিবেশ সৃষ্টি করবে।

তুমিও সংগ্রামী হও এবং ন্যায়ধর্মের প্রতি শ্রদ্ধাশীল হও। তোমার মাকে ভালোবাসবে, হে প্রিয়পুত্র। জীবনের বিপদে-আপদে তিনি তোমাকে রক্ষা করবেন।

বুলগারিয়ার রাজনৈতিক পটভূমি বড়ই জটিল। পাঁচশত বৎসর তুর্কদেব কবলে পরাধীনতার পর বুলগারিয়া ১৮৭২-এ রুশদের সাহায্যে স্বাধীনতা পায়, কিন্তু গৃহ-যুদ্ধ লেগেই থাকে।

দ্বিতীয় বিশ্বযুদ্ধের আরম্ভে বুলগারিয়ার জনসাধারণ ছিল রুশ-মিত্র, পক্ষান্তরে রাজা বরিস ও তাঁর যৌজী অফিসাররা ছিলেন হিটলার-প্রেমী। কারণ এই রাজ্যবিস্তার-লোভী দলকে হিটলার অনেক লোভ দেখিয়ে হাত করেন এবং প্রকৃতপক্ষে সেখানে তাঁরই চেলাচামুণ্ডারা বুলগার অফিসারদের সাহায্যে নৃশংসভাবে রাজত্ব চালাতো। পত্রলেখক স্পষ্টত নাৎসিবৈরী জনসাধারণের অন্যতম ও নাৎসিদের বিরুদ্ধে বিদ্রোহ করার জন্য মৃত্যুবরণ করেন।

জর্নিক জার্মান সৈন্যদ্বারা লিখিত :

হেরবের্ট ডুকস্টাইন : জার্মানি।

জন্ম ২৩ ফেব্রুয়ারি ১৯০৯ মাগডেবুর্গ।

মৃত্যু ২ জুন, ১৯৪৪, যোআননিয়া, গ্রীস-এ যুদ্ধে নিহত।

১ কিন্তু পত্রলেখকের স্বপ্ন বাস্তবে পরিণত হয়েছিল। এ ব ঠিক এক বৎসর পর বিজয়ী রুশ সেনা নাৎসিদের বিতাড়িত করে বুলগারিয়ায় সমাজতন্ত্র প্রতিষ্ঠিত করে। ঐ সময় বিস্তার নাৎসিমিত্র নবীন রাষ্ট্র কর্তৃক মৃত্যুদণ্ডে দণ্ডিত হয়। আশা করি, পত্রলেখক যে কামনা কবেছিলেন এভাবে সেটা পূর্ণ হয়েছিল অর্থাৎ নবীন রাষ্ট্র পত্রলেখকবৈরী-নাৎসিমিত্রদের মৃত্যুদণ্ডে দণ্ডিত করার পূর্বে তাদের শিশুসন্তানদের কথা ভেবেছিল।

ডিটমার বা মণিকা—আমাব অজাত সন্তান!

যাত্রা এখনো আরম্ভ হয়নি—তোমার যাত্রা আমার যাত্রা কারোরই না। সেই বিরাট ঘটনার প্রাক্কালে আমরা উভয়েই প্রতীক্ষমাণ, তুমি তোমার—তোমার জন্মগ্রহণ করার, আর আমি আমার—যুদ্ধ এবং কাল-ঘূর্ণাবর্ত আমাকে যেখানে টেনে নিয়ে যাবে। সেই হেতু এ-পত্র প্রধানত তোমার মাথের উদ্দেশ্যে লেখা—যে মাতা তাঁর আপন দেহ দিয়ে তোমার আমার মধ্যে সংযোগ স্থাপনা কবেছেন। আমি তোমাকে ভালোবাসি—যতদিন তোমার হৃৎপিণ্ড-স্পন্দন তোমাকে নিয়তি-নির্দিষ্ট যে-পথে যেতে হবে সে-পথ দেখিয়ে দিয়ে যায়।

আমার হৃদয় সমস্ত ভালোবাসা দিয়ে, যতখানি শক্তি সে খবে—কিন্তু হয়, সে-শক্তি বৃষ্টিবা তার নেই যে তোমার বিরাট অভিযানের প্রথম পদক্ষেপগুলো দেখা যাবে—গুভেচ্ছা জানায় তোমার মাতাকে ইহসংসারে তোমার সর্বশ্রেয়া যিনি এবং তোমাকে—

—এখনো যার সঙ্গে তোমার পবিচয় হয়নি, তোমার পিতা।

হস্য হু সি আও-হুসিএ্যান, চীন।

১৯৪৩-এ যুদ্ধে নিহত।

(একটি ক্ষুদ্র কবিতা)

সংঘ-প্রাচীরের পিছনে

আমাদের বন্ধু হল নিবিড়তর।

আমরা বিরাট বিরাট যত সব প্ল্যান করলুম

আমাদের আদর্শ আকাঙ্ক্ষা ছিল সুদূরব্যাপী....

কিন্তু বিদায়ের সময় শুধু নাড়লাম মাথা—

একটি মাত্র কথা না বলে—একে অন্যেব দিকে।

কেন না সেনাবাহিনী তখন এসে দাঁড়িয়েছে

প্রাচীর দুর্গ-তোরণের সম্মুখে ॥

॥ ৫ ॥

যুদ্ধের সময় মাতারাই যে তাদের সন্তান হারিয়েছে তাই নয়, শিশুও মাকে হারিয়েছে—বিশেষ করে গত যুদ্ধের সময়। তাই এ-যুদ্ধে মাকে লেখা মেয়ের চিঠিও আছে।

হিটলার গদিতে বসার আগে থেকেই তাঁর শত্রু কম্যুনিষ্ট ও সোস্যালিস্টরা তাঁর বিকল্পে প্রকাশ্যে এবং গোপনে সংগ্রাম চালিয়ে যাচ্ছিলেন। যাঁরা ধরা পড়েন তাঁদের বিরুদ্ধে মাঝে মাঝে বিচারের নামে পরিহাস করা হত বটে, কিন্তু অধিকাংশকেই বিনা-বিচারে. কনসানট্রেশন কাম্পে বদ্ধ করে তাদের উপর পাশবিক নির্যাতন চালানো হত।

যুদ্ধ না লাগলে হয়তো হিটলার হিমলার এদের অনেককে প্রাণদণ্ডে দণ্ডিত করতেন না। কিন্তু হিটলার কশ-রণাঙ্গনে যতই হারতে লাগলেন ততই তাঁর নিষ্ঠুরতা জিঘাংসা উদ্বেজিত হতে লাগল—এই বিদ্রোহী পক্ষের প্রতি। হিটলার তখন স্ত্রী-পুরুষে আব কোনো পার্থক্য রাখলেন না। এমন কি নবজাত শিশুও তাঁর বর্বরতা থেকে নিষ্কৃতি পেল না।

১৯৪২ সালের সেপ্টেম্বর মাসে স্বামী হান্স্ কপ্পিসহ স্ত্রী হিল্ডে কপ্পি গ্রেপ্তার হন। এঁরা দুজনেই হিটলারের বিরুদ্ধে সক্রিয় সোস্যালিস্ট ছিলেন। কারাগারে হিল্ডে একটি শিশুপুত্রের জন্ম দেন। পিতার নামেই এই শিশুর নামকরণ করা হয় ‘হান্স্—এ রেওয়াজ পৃথিবীর বহু দেশে আছে। ‘ছোট’ হান্সের ভূমিষ্ঠ হওয়ার এক মাস পর পিতা ‘বড়’ হান্স্কে মৃত্যুদণ্ডে দণ্ডিত করা হয়, এবং মাতা হিল্ডেকে আট মাস পরে ১৯৪৩ সালের ৫ই আগস্ট। তখন তাঁর বয়স ৩৪।

মাতাকে লেখা কন্যার পত্র

আমার মা, গভীরতম ভালোবাসার মা-মণি,

সময় প্রায় এসে গিয়েছে যখন আমাদের একে অন্যের কাছ থেকে চিরতরে বিদায় নিতে হবে। এর ভিতর কঠিনতম ছিল আমার ছোট হান্সের কাছ থেকে চিরবিদায় নেওয়া—সেটা হয়ে গিয়েছে। সে আমাকে কী আনন্দই না দিয়েছে। আমি জানি, সে তোমার স্নেহনিষ্ঠ মাতৃহস্তের অতি উত্তম রক্ষণাবেক্ষণ পাবে এবং আমার তরে মা-মণি—প্রতিজ্ঞা করো—তুমি সাহসে বুক বাঁধবে। আমি জানি, তোমার বুকো বাজছে, এই বুঝি তোমার হৃদয় ভেঙে পড়বে, কিন্তু তুমি নিজেকে শক্ত করে নিজের হাতে চেপে ধরো—খুব শক্ত করে। তুমি ঠিক পারবে—তুমি তো কঠিনতম বাধাবিঘ্নের সামনে সর্বদাই জয়ী হয়েছ—এবারেও পারবে না মা? তোমার কথা যতই ভাবি, তোমাকে যে নিম্নম বেদনা আমি দিতে যাচ্ছি সেই কথা—এটাই আমার কাছে সব কিছুই চাইতে অসহনীয়—এই ভাবনা যে, জীবনের যে-বয়সে আমাকে দিয়ে তোমার সবচেয়ে বেশী প্রয়োজন তখনই আমায় ছেড়ে যেতে হচ্ছে তোমাকে। তুমি কি কখনো—কোনো দিন—আমাকে ক্ষমা করতে পারবে? তুমি তো জানো মা, আমার যখন বয়স কম ছিল—অনেক রাতে ঘুম আসত না—তখন যে-চিন্তা আমার মনকে সজীব করে তুলতো সেটা—আমি যেন তোমার আগে ও-পারে যেতে পাই। এবং তার পরবর্তীকালে আমার মাত্র একটি আকাঙ্ক্ষা ছিল; সে আকাঙ্ক্ষা দিবারাত্র, জানা-অজানায় আমার সঙ্গে সঙ্গে থাকতো—এ সংসারে একটি সন্তান না এনে কিছুতেই আমি মরবো না। তা হলে দেখো মা, আমার এই দুই মহান কামনা এবং তাই দিয়ে আমার জীবন পরিপূর্ণ সফলতা পেয়েছে। এখন আমি যাচ্ছি আমার বড় হান্সের সঙ্গে মিলনে। ছোট হান্স্— আমি আশা করি—আমাদের দু’জনার ভিতর যা ছিল ভালো, সেইটে পেয়েছে। এবং যখনই তুমি তাকে তোমার বুকো চেপে ধরবে, তোমার এই শিশুটি সর্বদাই তোমাকে সঙ্গ দেবে—আমার চেয়ে বেশী, আমি তো আর কখনো তোমার অত কাছে আসতে পারবো না। ছোট হান্স্—আমার আশা—যেন সুদৃঢ় শক্তিশালী হয়, সে যেন মুক্তহৃদয় হয়, দরদী সেবাপীল হৃদয় ধরে এবং তার বাপের অকলঙ্ক ভদ্রচরিত্র পায়। আমরা একে অন্যকে নিবিড়, বড় নিবিড়ভাবে ভালোবেসেছিলুম। প্রেমই আমাদের সর্বকর্ম নিয়ন্ত্রিত করেছিল।

শক্তি দিয়ে যুঝে যেবা দেহ করে দান,

প্রভু রাখে তার তরে মহান নির্বাণ ॥

মা আমার, আমার অদ্বিতীয়া কল্যাণী মা, আর আমার ছোট হান্স্—আমার সর্ব ভালোবাসা সর্বকাল তোমাদের সঙ্গে সঙ্গে থাকবে; সাহস ধরো—আমি যে রকম সাহস রাখবো বলে দুঃশ্রুতায়।

নিত্যকালের

তোমার মেয়ে হিল্ডে

মাতাকে নিহত করে যারা শিশুকে মাতৃদুষ্ক থেকে বঞ্চিত করে তাদের কি নাম দিয়ে ডাকি? হিটলার সর্বদাই ইহুদি বেদের পরিচয় দিতেন তাদের Untermensch = Udermen নাম দিয়ে অর্থাৎ মানুষ যে স্তরে আছে ইহুদি বেদে তাদের নিচের স্তরে। তাই তাদের গ্যাসচেম্বারে পুরে মারা হয়। অথচ আমার যেটুকু অভিজ্ঞতা তার থেকে বলতে পারি, এই দুই জাতই মাতা মাত্রকেই অবর্ণনীয় অসাধারণ প্রীতিন্বেহের চোখে দেখে। এইবারে পাঠক চিন্তা করুন Untermensch পদবী ধরার হক্ক সবচেয়ে বেশী কার?

মনকে এই বলে সান্ত্বনা দিই যে হিল্‌ডের যে দুটি চরম কামনা ছিল সে দুটি পূর্ণ।

আর সান্ত্বনা দিই যে তাকে দীর্ঘকাল বৈধবালোক সহিতে হয়নি। কিন্তু প্রশ্ন, ঐ কটি মাসই তার কি করে কেটেছিল? আর ঐ কটি মাসেই তার পিতা বড় হান্স কী গর্ব, কী বেদনাই না অনুভব করেছিল!

আর সান্ত্বনা দিই এই ভেবে যে মাত্র ন'মাসের শিশু মাতৃবিচ্ছেদের শোক হৃদয়ঙ্গম কবতে পারেনি। কিন্তু প্রশ্ন, সে যে মাতৃদুষ্ক না খেয়ে অন্য দুষ্ক খাচ্ছে সেটা কি সে ইনস্টিটুট দিয়ে (অনুভূতি-জ্ঞাত সরাসরি জ্ঞান) বুঝতে পেরেছিল?

মনকে যতই চোখের ঠার মারি না কেন, যতই সান্ত্বনা খুঁজি না কেন এ-চিঠি গিলতে গিয়ে আমাদের সর্ব বুদ্ধি বিবেচনা সর্ব অনুভূতি চেতনা অসাড় হয়ে যায়।

এই পুণ্যশ্লোক প্রাচীনস্মরণীয় কন্যা মৈত্রেয়ীর অনুজা। তিনি অমৃতের সন্ধানে ইহবৈভব ত্যাগ করেছিলেন (যেনাহং নামতা স্যাং কিমহমং তেন কুর্যাম্)। ইনি মাতা ত্যাগ পুত্র ত্যাগ করলেন সত্যশিবের সন্ধানে।

এই অভিশয় অসাধারণ পত্রের পর অন্যের পত্র কি পাঠকের মনে সাড়া জাগাবে? কিন্তু আমি তো কোনো ক্লাইম্যাক্স সৃষ্টি করার জন্য চিঠিগুলি বাছাই করে করে ফুলের তোড়া সাজাচ্ছি না। যেমন যেমন পড়ে যাচ্ছি সঙ্গে সঙ্গে যেগুলো আমার হৃদয় স্পর্শ করছে সেগুলো অনুবাদ করে দিচ্ছি এবং আমি বাঙালী বলে আশা করছি বাঙালী হৃদয়ও এগুলো গ্রহণ করবে।

তাই চীন দেশের একটি কবিতা।

বাচ্চাটির বয়স তখন পাঁচ তখন তার বাপ যুদ্ধে মারা যায়। এবং তাকেও কৈশোরে পৌছতে না পৌছতেই যুদ্ধে যেতে হল। কবিতাটি ঈষৎ মডার্ন স্টাইলে ফ্লাশ-ব্যাক করে রচিত। মডার্নদের বুঝতে কোনো অসুবিধা হবে না; ভূমিকা হিসেবে উপরের দুটি ছত্র লিখতে বাধ্য হলাম প্রাচীনপন্থী পাঠকদের জন্য।

য়েন যুই · চীন।

যুদ্ধের সময় ১৯৪৩ খ্রীস্টাব্দে আহত, তারই ফলে ১৯৪৯ খ্রীস্টাব্দে মৃত্যু।

(সমরাস্রনের পুরোভূমিতে তরুণ)

এ তো এক ফোঁটা ছেলেমাত্র—আর এর মধ্যে যুদ্ধ।

হিম্মতে সে ভরপূর্ব তবু হৃদয় থেকে যেন রক্ত বরছে।

তাব বয়স তখন মাত্র পাঁচটি হেমন্ত—যখন বাপ যুদ্ধে মারা গেল।

বাড়ি দৈন্যে ঢাকা পড়লো, খাদ্য বস্ত্র খেঁজনা নেই।

ছেলেটির বয়স ক্রমে চোদ্দ হল, তবে - যুদ্ধে নিয়ে গেল।

দুঃখ বেদনায় মাতৃহৃদয় খণ্ড খণ্ড হয়ে গেল।

সমস্ত গ্রীষ্মকাল জুড়ে চললো রক্তপাত আর বহি-দাহনের তাণ্ডব,
ছেলের সংবাদ—সে কোন সুদূরে মরে গেছে না জয়ী হবে?

তখন—বিদায় নেবার সময় হয় রে নিষ্ঠুর নিয়তি—

ছেলেটি জামাকাপড় পরেছিল বাচ্চাদের মতন তখনো।

তারপর সে বাড়ি ফিরলো—বাপেরই মতো হয়েছে লম্বা

মায়ের চোখের দিকে তাকালো, মায়ের কোলে লুটিয়ে পড়লো।

চোখের জল ঝরে পড়ে মায়ের কাপড় দিলে ভিজিয়ে

অতীত কি কেউ কখনো ভুলতে পারে?

বাপ যা চেয়েছিল ছেলেকে সেটা এগিয়ে নিয়ে যেতে হল

আবার মায়ের কাছ থেকে বিদায় নিতে হল—একটি কথাও বলে নি সে ॥

॥ ৬ ॥

জাঁদরেল থেকে জোয়ান—তা তিনি জর্মন হন বা ফিনই—বস্তুত যারাই রুশদের বিরুদ্ধে
লাড়েছে তারা সকলেই একবাক্যে স্বীকার করেছে কষ্টসহিষ্ণুতা আর দার্টে রুশ সৈন্যের
জুড়ি নেই। যে অবস্থায় অন্য যে-কোনো দেশের সৈন্য ভেঙে পড়বে—বোধ হয় একমাত্র
জাপানী ছাড়া—সেখানে রুশ জোয়ান খানিকক্ষণ ঘাড় চুলকোবে—কোনো কিছু ঠিক
ঠিক ঠাহর করতে তার বেশ একটু সময় লাগে—তারপর এক হাতের তেলোতে আর
এক হাত দিয়ে যেন অদৃশ্য ধুলো ঝাড়ছে ঐ ‘মুদ্রাটি’ ঐকে বলবে ‘নিচ্ছিতো’। ‘ইট ইজ
নাথিং’, ‘ডাজন্ট ম্যাটাৰ’-এর দূরের অনুবাদ। ‘কুছ পরোয়া নহী’ ‘কৈ বাত নহী’ তবু
অনেক কাছের অনুবাদ।

কিন্তু দার্ট—ঐটেই আসল কথা। কিন্তু ঐটেই কি শেষ কথা?

(কবিতা)

সেমেন গোদসেনকো : সোভিয়েত ইউনিয়ন।

জন্ম ১৯২২। মে ১৯৪২-এর যুদ্ধে আহত হওয়ার ফলে ১৯৫৩ সালে মৃত্যু।

কুড়িটি বছর আমাদের বয়স হল,

তারপর এই যুদ্ধের বৎসবে,

সর্বপ্রথম আমরা দেখলুম রক্ত, দেখলুম মৃত্যু—

সরল, সোজাসুজি, মানুষ যে রকম স্বপ্ন দেখে অক্লেশে।

আমার স্মৃতিপট থেকে কিছুই মুছে যাবে না,

যুদ্ধে প্রথম মৃত জনের সঙ্গে দেখা,

বরফের উপর প্রথম রাত্রি যাপন, শীতে জমে গিয়ে

একে অন্যকে পিঠ দিয়ে ঘুমলুম।

আমি আমার পুত্রকে পথ দেখিয়ে নিয়ে যাব মৈত্রীর দিকে—

তাকে যেন কখনো যুদ্ধ করতে না হয়—

সে যেন আমাদের মতো কাঁধে কাঁধ ছুঁয়ে
 মিত্রগণের সঙ্গে ধরণীর বুকে পা ফেলে চলে।
 সে যেন শেখে : ন্যায্যভাবে
 কটির শেষ টুকরো ভাগাভাগি করতে।
 ... মস্কোর হেমন্ত, স্মলেনস্কের শীত ঝড়,
 আমাদের অনেকেই মারা গিয়েছে।
 কিন্তু সৈন্যবাহিনীর ঝঞ্ঝা, বসন্তের ঝঞ্ঝা
 পরিপূর্ণ করে দিয়েছে এই নব ফাশ্বন।
 বিরাট যুদ্ধ এই করে
 মানুষের বুকের পাটা ভরে দেয় সাহস দিয়ে।
 মুষ্টি হয় দৃঢ়তর, বাক্য হয় গুরুভার।
 এবং বহু কিছু তখন হয়ে যায় পরিষ্কার।
 . . . কিন্তু এখনো তুমি বুঝতে পারো নি—
 এই সব অভিজ্ঞতা সত্ত্বেও আমি হয়েছি আগের চেয়ে কোমলতর।

অর্থাৎ বাইবের কার্যকলাপে, সংগ্রামে শান্তিতে রুশজন যতই দার্তা ধরুক না কেন
 অন্তবে সে পুবে রাখে কোমলতা, করুণা, মৈত্রী। ব্যক্তিগতভাবে আমি এই বিশ্বাস ধরি।

আধুনিক রুশ সাহিত্যের সঙ্গে আমার পরিচয় অতি অল্প। কাজেই বলতে পারবো না,
 কবি গোদসেনকো রুশ দেশে কতখানি খ্যাতি প্রতিপত্তি ধরেন। তবে তাঁর আর একটি
 কবিতা আমার বড় ভালো লেগেছে।

বাইরে যতই বড়ফটাই করুক না কেন, হিটলারের অনেক চেলাই যে ভিতরে ভিতবে
 গড়্‌ড্যাম্ কাপুরুষ ছিল সেইটে কবি প্রকাশ করেছেন অতি অল্পতেই। ভল্‌গা-অঞ্চলের
 স্তালিনগ্রাদের যুদ্ধ তখন (ফেব্রুয়ারি ১৯৪৩) শেষ হয়ে গিয়েছে। বিশ্বজন, এমন কি
 জার্মান জাঁদেরলরাও তখন জেনে গিয়েছেন যে জার্মনিব জয়াশা আর নেই। জয়াশা ত্যাগ
 কবে মুগুহীন দেহে যত্রতত্র বিচরণ করাটা তখন স্বাস্থ্যের পক্ষে ভালো ছিল না। কবিতাটি
 স্তালিনগ্রাদে লেখা।

স্তালিনগ্রাদ, মে—নভেম্বর, ১৯৪৩

ফেব্রুয়ারি শেষ হল।
 নীলাকাশ
 দেওয়ালের ফুটোগুলোর ভিতব দিয়ে
 যেন চিৎকার করছে।
 প্রতি চৌরাস্তায় তীরের চিহ্ন—
 জার্মান সৈন্যদের পথনির্দেশ করছে
 কোথায় গিয়ে আত্মসমর্পণ করতে হবে।
 এ তো ইতিহাস।
 এ তো স্মরণেব কাহিনী।

সংগ্রামের চিৎকার ভল্গা-অঞ্চল থেকে সরে গিয়েছে।
 এখন, কিভাবে ইঙ্কলগুলো ফের বানাতে হবে
 তাই নিয়ে দিব্যারান্তির মহকুমা-শহরে গভীর আলোচনা হচ্ছে
 বাচ্চারা নিয়ে এল অতিশয় সযত্নে
 একখানা বেঞ্চি—কোনো জখম-চোট লাগে নি
 যেন কাঁচের তৈরি পলকা মাল,—মাটির নিচের ঘর থেকে।
 ... সেই ঘর থেকে বেরিয়ে এল
 —হঠাৎ-আলোতে-অন্ধপ্রায় হামাগুড়ি দিয়ে বেরিয়ে এল
 এক জর্মন সৈন্য।
 ওঃ! কী কাঁপতে কাঁপতে সে দেওয়ালে পিঠ দিয়ে দাঁড়াল।
 তার ওভারকোট ছেঁড়া, টেনা টেনা—পা দুটো নড়বড়ে।
 ঐ শেষ জর্মন সৈন্য স্তালিনগ্রাদে।
 একদা বার্লিনে সে যে হামাগুড়ি দিতো হব্ব সেইভাবে।
 (নাৎসি-প্রধানদের সম্মুখে—অনুবাদক)।

এভালট ফন্ ক্লাইস্ট-শ্বেনৎসিন।
 জন্ম ২২ মার্চ ১৮৮৯।
 ফাঁসিতে মৃত্যু ১৫ এপ্রিল ১৯৪৫।

জনৈক ধর্মভীরু নিষ্ঠাবান ক্যাথলিক ক্রিস্চানের পত্রাংশ। ইনি হিটলারের আদেশে
 শ্রাণদণ্ডে দণ্ডিত হন :

‘ভগবানের দিকে যে জাত যতখানি নিয়োজিত করেছে, সেই দিয়ে তার মূল্য বিচার
 করতে হয়। একটা অ-ক্রিস্চান জাতও ক্রিস্চানদের তুলনায় (যেমন আমরা—অনুবাদক)
 ভগবানের অনেক নিকটতর হতে পারে। আজকের দিনের ক্রিস্চানবা ভগবানের কাছ
 থেকে অনেক দূরে।’

॥ ৭ ॥

কনসানট্রেশন ক্যাম্পের (ক.ক.) কেলেঙ্কারি কেছা এতদিনে হটেনটটরাও শুনে গিয়ে
 থাকবে কিন্তু তার ‘গৌরবময়’ যুগে সে তার কীর্তিকলাপ এতই ঢেকে চেপে সারতে
 পেরেছিল যে সাধারণ নিরীহ জর্মন ক-ক’র ভিতরে কি হয় না-হয় সে সম্বন্ধে
 নানা রকম গুজব শুনেতে পেত বটে, পাকা খবর পাবার কোনো উপায় ছিল না। তদুপরি
 সুবুদ্ধিমান জর্মন মাত্রই জানতো, এ-বাবদে অত্যধিক কৌতূহল প্রকাশ করা আপন স্বাস্থ্যের
 জন্য প্রকৃষ্টতম পন্থা নয়। যেমন ১৯৪৫-এ যখন যুদ্ধ জয়ের কোনো আশাই ছিল না তখন
 হিটলার-হিমলার আইন জারী করেন যে কেউ যদি বলে যে এ যুদ্ধে জর্মনিব জয়শা নেই
 তার মুগ্ধেদ করা হবে; ঐ সময় এক জর্মন তার বউকে গোপনে বলে, ‘যুদ্ধে জয়লাভ
 করার ভরসাটা বরঞ্চ ভালো। মুগ্ধহীন ধড় নিয়ে হেথাহোথা ছুটোছুটি কবাটা স্বাস্থ্যের
 পক্ষে আদর্শই ভালো নয়।’

গল্পটি সেই সময়কার।

টুনিস আর শ্যেল দুই নিরীহ, সদাশান্ত জর্মন। দুজনাতে দোস্তী। পিঁপ্‌মথো দেখা।
টুনিস শুধোলে, 'হ্যাঁ রে শ্যেল, এ্যাঁদিন কোথায় ছিলি বল তো!'

'হঁ : :!'

'সে কি রে? কথা কইছিস না কেন? আমি তো শুনলুম, তোকে কনসানট্রেশন ক্যাম্পে ধরে নিয়ে গিয়েছিল। ঐ জায়গাটা সম্বন্ধে তো নানান কথা শুনি! কি রকম ছিলি সেখানে?'

শ্যেল বললে, 'ফার্স্ট ক্লাস। উত্তম আহারাদি। পরিপাটি ব্যবস্থা। সকালে বেড়্‌টা। জামবাটি ভর্তি চা। একটি আপেল, দু'খানা খাস্তা বিস্কুট। তারপর আটটা-নটা় ব্রেকফাস্ট। ডাবরভরা সর-দুধ, কব্‌নফ্রেক, চাকতি চাকতি কলা, উত্তম মধু। সঙ্গে তো টোস্ট, মাখন, চীজ আছেই। তারপর দু'খানা অ্যাব্বড়া আস্ত মাছ ভাজা—ফ্রেশ মাখনে। তারপর দুটো ফুল-সাইজ পোচ, ডিম ভাজা বা মমলেট—যা তোর প্রাণ চায়—বেকন সহ, কিংবা হ্যামও নিতে পারিস। তারপর—'

টুনিস সন্দ্বিদ্ধ নয়নে তাকিয়ে বললে, 'সে কি রে?'

'হ্যাঁ হ্যাঁ হ্যাঁ। ন'সিকে খাঁটি কথা কইছি। ক-ক'র বাইরে বসে তোরা তো নিত্যা নিত্যা খাচ্ছিস lunch-এর নামে লাঙ্‌না, supper-এর নামে suffer। আমরা খাচ্ছিলুম...'
পুনরায় সসিজ, কটলেট, এস্পেরেগাস, চিকেন্‌ রোসটের সবিস্তর বর্ণনা।

টুনিস বললো, 'আমি তো কিছুই বুঝতে পারছি নে। হালে ম্যুলারের সঙ্গে দেখা। সেও মাস ছয় ক-ক'তে কাটিয়ে এসেছে। সে তো বললে সম্পূর্ণ ভিন্ন কাহিনী। সে বললে—'

বাধা দিয়ে বাঁকা হাসি হেসে শ্যেল বললে, 'বলতে হবে না, সে আমি জানি। তাই তো বাবুকে ফের ওখানে ধরে নিয়ে গিয়েছে।'

শ্যেল আর ওখানে ফিরে যেতে চায় না। তাই ইংরিজিতে যাকে বলে সে তার বর্ণনা-টোস্টে প্রেমসে লাগাচ্ছে প্রয়োজনাতিরিক্ত গাদা গাদা মাখন।

কিন্তু শ্যেল-বর্ণিত ঘটনা সত্য সত্যই ঘটেছিল ক-ক'তে তবে ভিন্ন ভাবে। যাকে বলে—

উন্টো বুঝলি রাম, ওরে উন্টো বুঝলি রাম।

কালে করলি ঘোড়া, আর কার মুখে লাগাম ॥

১৯৪৫-এর মে মাসে যুদ্ধশেষে বিজয়ী কশ সেনা যেমন যেমন জর্মনির অন্তর্দর্শে ঢুকলো, সঙ্গে সঙ্গে ক-ক'র বন্দীদের খালাস ক'রে লাভভাবে আলিঙ্গন করলো—কারণ এই বন্দীরা ছিল হিটলারবৈবী, জার্মানের দূশমন।

ঐ সময়কার অবস্থা বর্ণনা কবে চিঠি লিখছে এক চেকোস্লোভাক বন্দী। চিঠিখানি দীর্ঘ। আমি কাটছাঁট করে অনুবাদ দিচ্ছি

যারোন্নাভ যান পাউলিক, চেকোস্লোভাকিয়া।

জন্ম ২০ ফেব্রুয়ারি, ১৮৯৫।

মৃত্যু ১৩মে ১৯৪৫।

ওলাফ ঝড়ের বেগে, যেন হেঁচট খেয়ে ঢুকলো আমার গারদে। রুপোলী চুলে মাথাভরা ওলাফ। খোঁড়া-পা ওলাফ, তার ক্রাচ ছুটিয়ে নিয়ে। তার সেই মধুর হাসি হেসে সে আমায় আলিঙ্গন করলে।

মুক্তি মুক্তি মুক্তি।

স্বাধীনতা স্বাধীনতা।

আমরা সবাই এখন মুক্ত, স্বাধীন। এমন কি ডাকাত, খুনীরাও মুক্তি পেয়েছে। সবাই মিলে লেগে গেল আশপাশে ডাকাতি লুটতরাজ করতে। আমি কিন্তু তাদের সঙ্গে যোগ দিতে পারলুম না। ঐ যে পেটুক মূলার বলে, আমি ওসব ব্যাপারে একটা আশ্ত বুদ্ধ। তদুপরি আমি ভুগে ভুগে অত্যন্ত দুর্বল; রোগে কাতর, সর্ব নড়নচড়নে অথর্ব। আর এই হটগোলের মাঝখানে এই প্রথম অনুভব করছি সেটা কতখানি। এদিকে আসছে বাসন বাসন ভর্তি আলু রুটি চিনি। অমুক (পত্রলেখক ইচ্ছে করেই নামটা ফাঁস করেন নি—অনুবাদক) একটা খাসা, বেড়ে সুটকেস লুট করেছে—ভেতরে আছে, শার্ট-কলার-গেঞ্জি-রুমাল এবং চিনি, কোকো, সিগার, মাখন, এক বোতল ‘হৃদয়ভেদী’ ব্র্যান্ডি, হেনেসি ব্র্যান্ডির চেয়েও উৎকৃষ্ট। তার সোওয়াদটা আমার জিভে এখনো লেগে আছে।

ওদিকে আঙ্গিনার উপর ডাঁই ডাঁই আলু। তন্দুরের ভিতর গাদা গাদা পাঁউরুটি ছুঁড়ে ছুঁড়ে ফেলা হচ্ছে, তৈরি হয়ে উড়ে উড়ে বাইরে চলে আসছে। পেপে আমাকে একটা ছোড়া স্যুয়েটার, একটা ছোরা আর এক জোড়া জুতো দিয়েছে (ক-ক’র বন্দীরা দুরন্ত শীতে ঝড়, ন্যাকড়া দিয়ে পা বাঁধতো—অনুবাদক) সত্যিকার জুতো। যতই চেয়ে দেখি প্রাণটা কী যে আনন্দে ভরে আসে!

রুশ সৈন্যবাহিনীর ট্যাঙ্ক, মোটরগাড়ি, বাইসিকল আমাদের সামনে দিয়ে এগিয়ে যাচ্ছে। ‘নমস্কার নমস্কার! কি রকম আছেন?’ (জুদ্রাসভুইয়েতে, কাক্ পজিভাইয়িতে?) বলছে তারা। তারা তাদের গাড়ি থেকে আমাদের দিকে ছুঁড়ে ফেলাছে সিগারেট, রুপোলী-মোড়কে প্যাঁচানো ৫০ গ্রামের তামাক, মিষ্টি, মাখন-চর্বি, টিনের যাবতীয় খাদ্য, প্যাঁজ, টুথ-পেস্ট, দুধের গুঁড়ো, সিরাপ।

সকালবেলা খেলুম; আণ্ডবেকন, জামবাটি ভর্তি পরিজ, সঙ্গে বিস্তর মার্মালেড, রুটি মাখন প্যাঁজ, সত্যিকার কফি, চিনিসহ।

(দ্বিতীয় চিঠি)

হয়েছে। আমাব একটি অনবদ্য, পুরো পাক্সা আমাশা হয়েছে। ফরাসী পাচকরা কালকের দিনে যা রেঁধেছিল (ঐ সময়ে একাধিক ফরাসী পাচকও ক-ক’তে বন্দী ছিল ও দ্রব্যাদি তথা মালমসলা পেয়ে বহুদিন পর মুখরোচক জিনিস তৈরি করছিল—অনুবাদক)—কলিজা-ভাজা তার সঙ্গে সরে-দুধে মাখানো আলুভাতে, তাবত বস্ত্র প্যাঁজ-ফোঁড়নে, ওঃ সে কী সুন্দর, কী মধুর!

এখন আমাকে কি করতে হচ্ছে, ঐ সবের সামনে দাঁড়িয়ে?

দুধ আর আঙ্কুর রস! ঐ আমার পথ্যি।

দুপুরের খাবার সময় হয়ে এসেছে।

হায় আমার বিদে নেই, রুটি নেই।

আমার প্রিয়া, আমার ছোট্ট বউটি এখন কি করছে, কি ভাবছে?
কাল তাকে পাবার জন্য আমার বুক যা আকুলি-বিকুলি করছিল।
মনে হচ্ছে, এইবারেই নাক-বরাবর ওরই দিকে ছুটে যাবো।

হায়, যুদ্ধশেষেব পাঁচদিন পরই হাসপাতালে তার মৃত্যু হয়।

॥ ৮ ॥

ভিন্ন ভিন্ন জাতের বৈশিষ্ট্য সম্বন্ধে বহু চুটকিলা প্রচলিত আছে।

জার্মানির দুই নম্বরের মোড়ল হ্যাবমান গ্যোরিঙ যখন বন্দী অবস্থায় ন্যুরনবের্গ মোকদ্দমা আসামী তখন জেলের গারদে যে সব মার্কিন মনস্তাত্ত্বিক তাঁকে পর্যবেক্ষণ কবতে আসতেন তাঁদের সঙ্গে দু'দশ রসালাপ কবে নিতেন। এক মোকায় তিনি বলেন,

‘তোমরা মার্কিন। ইয়োরোপীয় জাতগুলোর বৈশিষ্ট্য বুঝবে কি প্রকারে? শোনো :

একজন ইংরেজ—শিকারী (স্পোর্টসম্যান)

দু'জন ইংরেজ—একটা ক্লাব স্থাপনা,

তিনজন ইংরেজ—হার ম্যাডেস্টি কুইনের জন্য একটা কলোনি জয়।’ তারপর হেসে বলতেন,

‘একজন ইতালীয়—গাইয়ে,

দু'জন ইতালীয়—ডুয়েট গাইয়ে,

তিনজন ইতালীয়—যুদ্ধক্ষেত্র থেকে পলায়ন!’ হাঃ হাঃ হাঃ।

‘এবাবে শুনুন,

একজন জার্মান—পণ্ডিত,

দু'জন জার্মান—একটি নৃতন পলিটিকাল পার্টি স্থাপনা (এ-বাবদে অবশ্য আমরা, বাঙালীরা এখন হেসে খেলে জার্মানদের সঙ্গে পাল্লা দিতে পারি)।

তিনজন জার্মান? হাঃ হাঃ—বিশ্বেব বিরুদ্ধে সংগ্রাম ঘোষণা’ তারপব ফিসফিস করে বলতেন, ‘আর জাপানীবা?

একজন জাপানী—রহস্যময়।

দু'জন জাপানী—সেও রহস্যময়।

তিনজন জাপানী?’ এখানে এসে গোযেরিঙ ‘বহসা’পূর্ণ দৃষ্টিতে শ্রোতাদের দিকে তাকাতেন, তারপব বলতেন,

‘তিনজন জাপানী—সেও রহস্যময়।’ বলেই ঠা ঠা কবে উচ্চহাস্য করতেন—সঙ্গে সঙ্গে তাঁর ভান্সুকী থাবা দুটো দিয়ে তাঁর বিশাল উরুতে থাবড়াতেন—যে উরুর একটা দিয়ে অক্রেপে যে-কোনো বঙ্গসন্তানের দুটো কোমর হতে পারে।

আমাব এবং আমার বন্ধুজনেরও ঐ ধারণা। যেন অনুভূতির কোনো বালাই-ই জাপানীদের আদৌ নেই। কিন্তু পরের পৃষ্ঠার চিঠিটি পড়ুন :

গরু কিকিয়ু

জন্ম : ১৯১০

মৃত্যু : ফিলিপিনেব যুদ্ধে, ২০ আগস্ট, ১৯৫৪

বেশীদিন তো হয়নি তোমার সঙ্গে ছিলুম অথচ ইতিমধ্যেই তোমার সঙ্গ পাবার জন্য আবার আমার কী দুরন্ত আকুলি-বিকুলি। আমরা একসঙ্গে কাটিয়েছি অল্পকালই, তবু তোমার সে-সময়কার চলাফেরা ওঠাবসার কত না ছবি আমার চোখের সামনে ফুটে উঠছে। আর সব চেয়ে জীবন্ত হয়ে ফুটে ওঠো তুমি, যেখানে তুমি কোমল, মৃদু। আমাদের উভয়ের শিশুসন্তানটি জন্ম দেবার পর থেকে তুমি আরও সুন্দর হয়ে উঠেছো। তোমার সৌন্দর্যে যেটুকু শুদ্ধতা ছিল সেটা রসঘন হয়ে গিয়েছে, তুমি পেয়ে গেলে এক নবীন সৌন্দর্য—মাতৃস্বের সৌন্দর্য। আমার স্বরণে আছে সেদিনকার ছবি, যেদিন আমি টোকিও ছেড়ে চলে এলুম—সামান্য একটু প্রসাধন করে তুমি তখন বসে আছো খাটের উপর।

তখন কী সরল হাসিটি তোমার! অথচ যখন তুমি আমার কল্যাণ কামনা করে বিদায় নিতে এলে আমাদের আঙ্গিনায়, তখন, এই বুঝি, এই বুঝি তুমি কাম্নায় ভেঙে পড়বে। নিতান্ত সেই নীরবতা ভাঙবার জন্য আমি তোমাকে বললুম, 'সাবধান থেকে।' তারপর আমি ইজুমি আর প্রতিবেশীদের সঙ্গে রাস্তায় নেমে পড়লুম। আমি তখন মনে মনে আমাদের বাড়ির দিকে পিঠ ফিরিয়ে নিয়েছি। আমার ভাবনাচিন্তা তখন যুদ্ধক্ষেত্রের দিকে। আমি হৃদয়ে হৃদয়ে অনুভব করছিলাম, আমার মাতৃভূমির সব-কিছু যেন সেই সময়েই অন্তর্হিত হল। আমার এই অনুভূতিটি তোমার পক্ষে বোঝাটা হয়তো কঠিন হবে কিন্তু তুমি আমার হয়ে একবার আমার এই অবস্থাটি কল্পনায় বুঝতে চেষ্টা করো। আমাব মনে হয়েছিল, ঐ বিদায় মুহূর্তে যেন আমার দেহ উর্ধ্বপানে ধেয়ে গিয়ে অনন্তে চলে গেল।

কিন্তু এখন? আজ রবিবারের এই সকালে আমাব সর্ব দেহমন ধেয়ে চলেছে তোমা পানে।

বুঝিয়ে বলি; আমার হৃদয় কামনা করছে, তোমার অক্ষিপন্নব মৃদু মৃদু স্পর্শ করতে, তোমাকে শাস্ত আলিঙ্গনে ভরে নিতে। তুমি যখন স্মিতহাস্য করো তখন তুমি বড় সুন্দব এবং সবচেয়ে সুন্দর তোমার দস্তপঙ্ক্তি। হ্যাঁ, তোমার বর্ণ উজ্জ্বল শুভ্র নয়, কিন্তু মানতেই হবে, সে বর্ণ পবিপক গোধুম বর্ণ—তোমার চর্ম সম্পূর্ণ অকুঞ্চিত—কোমল। তোমার বক্ষ পূর্ণস্তন—মাতৃস্বের স্তম্ভীবক্ষ। এবং বর্ণ সেখানে প্রায় স্বচ্ছ শুভ্র। আমি তোমার বুকের উপর শিশুটির মতো ঘুমিয়ে পড়তে চাই। বহুবার কামনা করেছি, তোমার সুডৌল গোল বাহুতে মাথা রেখে আরাম লাভ করতে। তোমার সুন্দর সুবিন্যস্ত ওষ্ঠাধরে চুষন দিতে দিতে আমি মৃদু হাস্য করি আর তুমি প্রত্যন্তরে মোহনীয়া মৃদু হাস্য দিয়ে আমাকে জাদু করছো। এরকম ধারা যত আমার কামনা এগিয়ে যায় ততই তোমাকে কাছে পাবার বাসনা দুর্বীর হয়ে ওঠে। না—এরকম ধরনে আমি আব লিখতে পারবো না। এ, লাইনটি পড়ে তুমি হয়তো হেসে উঠবে, কাবণ এটা আমার স্বভাবের বিপরীত। কিংবা হয়তো তুমি আশ্চর্য হচ্ছো, তোমার কাছে আমার মূল্য বেড়ে যাচ্ছে—নয় কি? কিংবা হয়তো ভাবছো, আমি শিশু—'বুড়ো খোকা' এবং তাই আমাকে সোহাগ করতে চাইছো—না?

এ-সব নির্মল স্মৃতি আমার চোখের সামনে বার বার ভেসে ওঠে আর সে সময়কার কথা বার বার মনে পড়ে।

তোমার পূর্ণ বক্ষ আমার চোখের সামনে মায়াময় কায়া ধরে ফুটে ওঠে। আমার ইচ্ছে যায় যে নিটোল বক্ষে হাত বুলাই—ধীরে অতি ধীরে—তোমার মধুর নাসিকা, তোমার মুখ চুম্বনে চুম্বনে ভরে দিই। তুমি তখন মধুর হাসি হেসে উঠবে, আমাকে আদর সোহাগ করবে। বলো দেখি, অন্য কোথা, কোথায় আছে এই বিশ্বভুবনে, এরকম হৃদয়কাড়া সৌন্দর্য?

সুস্থ শরীর-মনে থেকে। তোমার চিত্তটিকে সৌন্দর্যময়, প্রেমময় করে বেখো। এরকম যে-মা তার কাছে আমি ফিরে আসছি শিগগিরই।

আমাকে আলিঙ্গন করো, তোমার পূর্ণ বক্ষ, উষ্ণ স্তন দিয়ে।
একটুখানি ধৈর্য ধরে থাকো—বাস ঐটুকু শুধু!

হায়! বহু যুগ পূর্বে শ্রীরাধার সখী তাঁকে বলেছিলেন, 'ধৈর্যং কুরু, ধৈর্যং কুরু গচ্ছং মম মধুরাবে' কিন্তু শ্রীকৃষ্ণ ফিরে আসেননি।

পূর্বে নিবেদন করেছি জাপানীরা বহস্যময়। কিন্তু এ চিঠি তো আদৌ রহস্যময় নয়। এ তো সেই রামগিরির বিরহী যক্ষ, মালয়ের কবি আমির হামজার মতো উষ্ণ দীর্ঘশ্বাস ফেলছে!

আর এ-পত্রে প্রেম ও কামের কী অনবদ্য সমন্বয়।

১৯৪৪ খ্রীস্টাব্দের গ্রীষ্মে ফ্রান্সে সৈন্য অবতরণ করে জার্মানি জয়ের জন্য, ইংলন্ড তার তাবৎ কমনওয়েলথের এবং অন্যান্য সৈন্য সেখানে জমায়েত করেছিল। তারা এসেছে অস্ট্রেলিয়া, কানাডা, আরও মেলা দেশ এবং প্রধানত সবচেয়ে বেশী আমেরিকা থেকে।
ঐ সময়ে জনৈক কানাডাবাসীর পত্র—তার বউকে।

ডনাল্ড আলবেরট ডানকান, কানাডা।

১৯৪৪ সালে, জুলাই মাসের শেষের দিকে, ফ্রান্সে সৈন্যাবতরণের সময় নিহত।

ইংল্যান্ড ১৪ মে, ১৯৪৪

ইংল্যান্ড এখন আব ইংরেজব (জমিদারী) নয়। এ-দেশটা এখন সম্পূর্ণ দখল করেছে মার্কিনরা। একই সঙ্গে চার-চারটে বেস্ বল খেলার মাঠ তৈরি হয়েছে হাইড পার্কে। ইংরেজবা অবশ্যই অনেকখানি সহিষ্ণু, কিন্তু একথা নিশ্চিত মনে বলা যেতে পারে, তারা মার্কিনদের সঙ্গে গভীর পীড়িত-সায়বে নিমজ্জমান হয়নি। মার্কিনদের কাঁড়ি কাঁড়ি কড়ি। তদুপরি কেড়ে নিয়েছে ছুঁড়ীদের, বাসা বেঁধেছে সেরা সেরা হোটলে। (প্রথম বিশ্বযুদ্ধের গোড়ার দিকে ইংরেজও কড়ির তাগিদে প্যারিসে তাই করেছিল। এই কলকাতাতেই আমরা মার্কিনদের সে রোওয়াব দেখেছি!) কিন্তু ইংরেজ করবে কি? ফ্রান্সে নেমে জার্মানিকে পরাজিত করতে হলে যে ইয়াংকিদের প্রয়োজন।

ইংল্যান্ড, ২৪ জুন, ১৯৪৪

...এসব তো হল, ওলো, প্রাচীন প্রিয়া (ওল্ড গারল)! বাচ্চাদের আমার হয়ে আদর দিয়ে বলো, আমি ইউরোপ থেকে ওদের জন্য সুন্দর টুকটাকি নিয়ে ফিরে আসবো—যখন নিশ্চরীপ বিশ্ব আবার আলোকোজ্জ্বল হবে।

ফেরেনি। এক মাস পরে রণাঙ্গনে তার মৃত্যু।

আডাম ফন্ ট্ৰট্‌স্ (Zu) জল্‌ৎস্, জৰ্মন।

জন্ম : ১৯০৯

মৃত্যু : ২৬ আগস্ট ১৯৪৪

ইটলায়ের বিরুদ্ধে ষড়যন্ত্র করার জন্য বার্লিনের প্র্যাংসেন্‌জে কারাগারে মৃত্যুদণ্ডে দণ্ডিত।

ইহলোক থেকে মাতার কাছে বিদায় জানিয়ে মৃত্যুর ক্ষণকাল পূর্বে লেখা শেষ পত্র।

বার্লিন-প্র্যাংসেন্‌জে ২৬ আগস্ট, ১৯৪৪

সবচেয়ে আদরের মা!

তবু ভালো, তোমাকে সামান্য কয়টি ক্ষুদ্র ছত্র লেখার সুযোগ শেষটায় আমি পেয়েছি—তার জন্য ঈশ্বরকে ধন্যবাদ; তুমি সব সময়ই আমার কাছে ছিলে, এবং এখনও আছ—আরও নিবিড় হয়ে কাছে আছ। তুমি আমি যে অনন্ত অনন্তকালীন যোগসূত্রে বাঁধা, আমি সেটি কৃতজ্ঞতার সঙ্গে জোর আঁকড়ে ধরে আছি। এ কয়েক সপ্তাহ ধরে ঈশ্বর আমাকে তাঁর দাক্ষিণ্য দিয়ে ভরে রেখেছেন এবং সব—প্রায় সব কিছুর জন্য—আমাকে আনন্দময় সরল স্বচ্ছ শক্তি দিয়েছেন। এবং তিনি আমাকে বুঝিয়ে দিয়েছেন এ—জীবনে আমি কিভাবে, কোন্ কোন্ বিষয়ে কৃতকার্য হতে সক্ষম হই নি। কিন্তু এ-সবের চেয়েও সবচেয়ে বড় কথা : এই যে তোমাকে কঠিন শোক পেতে হবে, তার জন্য আমি তোমাব কাছে ক্ষমা ভিক্ষা করছি, এবং বৃদ্ধ বয়সে তুমি যে আমার উপর নির্ভর করতে, সেই নির্ভর থেকে তোমাকে বঞ্চিত করার জন্য আমি ক্ষমা ভিক্ষা করছি।

তোমায় আমায় আবার মিলন হওয়ার পূর্বে একটি শেষ চুম্বন—কৃতজ্ঞতা আর স্নেহ ভরা।

তোমার পুত্র তোমাকে যে বড্ড ভালোবাসে।

—আডাম

“তোমার পুত্র আত্মায়, হে প্রভু আমি নিজেকে সমর্পণ করি...”

ইহলোক থেকে পত্নীব কাছে বিদায় জানিয়ে মৃত্যুর ক্ষণকাল পূর্বে লেখা শেষ পত্র।

বার্লিন-প্র্যাংসেন্‌জে, ২৬ আগস্ট ১৯৪৪

প্রিয়া কণিকা ক্লাবিটা,

দুঃখের বিষয়, সম্ভবত এই আমার শেষ চিঠি। আশা করি ইতিপূর্বে লেখা আমাব দীর্ঘতর পত্রগুলো তোমার কাছে পৌঁচেছে।

আর কিছু বলার পূর্বে এবং সর্বোপরি আমি যা বলতে চাই : নিতান্ত অব্যঞ্জিতভাবে তোমাকে যে গভীর শোক দিতে হল, তার জন্য আমি মাফ চাইছি।

আমি প্রত্যয় দিচ্ছি, আমি চিন্ময়রূপে পূর্বেরই মতো তোমার সঙ্গে সঙ্গে থাকবো, এবং দৃঢ়তম প্রত্যয় ও বিশ্বাস নিয়ে মৃত্যুবরণ করছি।

আকাশ আজ নির্মল, ঘন নীল (পীক্‌ ব্লু) এবং গাছে গাছে মর্মরধ্বনি। আমাদের আদর-সোহাগের মিষ্টি মিষ্টি কথা বাচ্চা দুটোকে শিথিয়ে, তারা যেন পরমেশ্বরের এ-প্রতীকগুলো বুঝতে পারে এবং তাদেরও গভীরে যে-প্রতীকগুলো আছে, সেগুলোও

চিনতে শেখে।—কৃতজ্ঞতা সহ, কিন্তু গ্রহণ করার সময় যেন থাকে সক্রিয় বীর্যবান সাহস।

আমি তোমাকে বড় ভালোবাসি।

তার পরও অনেক অনেক কিছু বলার রইল। কিন্তু তার জন্য আর সময় নেই।

ঈশ্বর তোমাকে রক্ষা করুন (আমাদের 'ঈশ্বর রক্ষতু'—অনুবাদক) আমি জানি, তুমি কক্ষনো পরাজয় স্বীকার করবে না। আমি জানি, তুমি জীবনসংগ্রামে ক্রমাগত এগিয়ে যাবে, এবং যদিও সে-সংগ্রামে তোমার মনে হয় তুমি একা, তবু জেনো, আমার অদেহী স্বরূপ অহরহ তোমার সঙ্গে সঙ্গে থাকবে। আমি প্রার্থনা করছি, তুমি যেন শক্তিশালী করো, তুমিও আমার জন্য সেই সেই প্রার্থনা করো। এই শেষের কদিনে পুরগাতোরিয়ে এবং মেরি স্টুয়ার্ট পড়বার সুযোগ আমার হয়েছিল....এ ছাড়া পড়বার মতো এ ধরনের বিশেষ কিছু আমার ছিল না—কিন্তু মনের ভিতর অনেক-কিছু উন্টে-পান্টে দেখেছি এবং শাস্তিচিন্তে সেগুলো পরিষ্কার করে বুঝে নিয়েছি। তাই বলছি, আমার জন্য অত্যধিক শোক করো না—কারণ তলিয়ে দেখলে বুঝতে পারবে, সব কিছুই অত্যন্ত সরল, পরিষ্কার, যদিও সেগুলো গভীর বেদনাদায়ক।

আমার জানতে বড় ইচ্ছে করে, এই যা সব ঘটলো, তার ফলে তোমাদের জীবনযাত্রায় কোনো পরিবর্তন হল কিনা? তুমি কি রাইনবেক্ যাবে, না যেখানে আছ, সেখানেই থাকবে? অবশ্যই তাঁরা সকলে তোমাকে অত্যন্ত আদরের সঙ্গে গ্রহণ করবেন—আমার প্রিয়া, ছোট্ট বউটি আমার! আমার পূর্বের পত্রগুলোতে তোমাকে বলেছিলুম আমার যে বহু বন্ধুবান্ধব আছেন তাঁদের শুভেচ্ছা জানাতে—এটা আমার অন্তরতম কামনা। তুমি ওদের সকলের সঙ্গে সুপরিচিত; তাই আমার সাহায্য ছাড়াও তুমি আমার শুভেচ্ছা ঠিকমতো তাঁদের জানাতে পারবে।

আমি সর্ব হৃদয় দিয়ে তোমাকে আলিঙ্গন করছি, অনুভব করছি তুমি আমার সঙ্গে আছ।

ভগবান তোমাকে ও বাচ্চাদের আশীর্বাদ করুন।

তোমার প্রতি অবিচল প্রেমনিষ্ঠ,

—আডাম

এ চিঠি দুটি অন্যান্য চিঠির তুলনায় অসাধারণ বলে নাও মনে হতে পারে। কিন্তু আডাম ছিলেন অতিশয় অসাধারণ পুরুষ। অত্যন্ত ধর্মনিষ্ঠ ছিলেন তিনি ছেলেবেলা থেকেই এবং হিটলার তাঁর অভিযান আরম্ভ করার সময় থেকেই তিনি বুঝে যান, এই সব নীতি-বিবর্জিত অত্যাচারী আন্দোলন জর্মনি তথা তাবৎ ইয়োরোপকে মহতী বিনষ্টির পথে নিয়ে যাবে। আপন দেশে লেখাপড়া করার পর তিনি অক্সফোর্ডে রোর্ডস্ স্কলাররূপে বেলিয়েল কলেজে খ্যাতিলাভ করেন। খোলাদিল সাদা মনের মানুষ ছিলেন বলে সে-সময় তিনি একাধিক ভারতীয়ের সঙ্গে আলাপ পরিচয় করেন। যুদ্ধের পর যখন তাঁর পূর্ণাঙ্গ জীবনী লেখা হচ্ছিল তখন তাঁর অক্সফোর্ডের বন্ধু শ্রীযুত হুমায়ুন কবীরকেও মাল-মসলা দিয়ে সাহায্য করতে অনুরোধ করা হয়।

হিটলারকে সরাবার জন্য গ্রাফ ফন্ স্টাউনফেনবের্গ তাঁর পায়ের কাছে, টেবিলের তলায়, পোর্টফোলিওর ভিতর একটি মারাত্মক টাইম বম্ রেখে বাহিরে চলে যান। কিন্তু কিম্বৎ হিটলারকে বাঁচিয়ে দিল। যদিও সেই কনফারেন্সকর্মের একাধিক লোক সঙ্গে সঙ্গে নিহত হন, হিটলারের বিশেষ কিছুই হল না।

ক্রোধোন্মত্ত হিটলার এই চক্রান্তকারীদের উপর দাদ নেবার জন্য দোষী নির্দোষী প্রায় পাঁচ হাজার জনকে ফাঁসি দেন। আডাম ছিলেন স্টাউনফেনবের্গের অন্তরঙ্গ বন্ধু এবং তাঁকে এই কর্মে সর্বপ্রকারে সাহায্য করেছিলেন। তাঁরও ফাঁসি হয়।

অসাধারণ দৃঢ়-চরিত্র ধরতেন বলেই আডাম তাঁর মা বউকে শেষ চিঠি লেখার সময় সজ্ঞানে যতখানি পারেন অনুভূতি চেপে রেখেছিলেন—পাছে ঔঁদের মনে আরও না লাগে। অথচ তিনি লিখতে পারতেন বড় সুন্দর মরমিয়া জর্মনি।

ঐ সময়ের অল্প পূর্বে একদল ছাত্র মুনিকে প্রথমত গোপনে, পরে অর্ধপ্রকাশ্যে হিটলারের বিরুদ্ধে আন্দোলন চালায়। তারই একজন ধরা পড়ে ফাঁসি যাওয়ার পূর্বে তার মাকে লেখে—

‘মা মণি,

তুমি আমাকে জন্ম দিয়েছিলে, আমি কৃতজ্ঞতা জানাই। আমি যখন আদ্যন্ত চিন্তা করে দেখি তখন মনে হয় আমার সমস্ত জীবন একই রাস্তা ধরে চলেছিল যার অস্তে আছেন—স্বয়ং ভগবান। এখন কিন্তু শোক করো না, যে, রাস্তার শেষাংশটুকু আমাকে এক লক্ষ্যে পেরুতে হল। শিগ্গিরই আমি এ জীবনে তোমার যত না কাছে ছিলাম, তার চেয়ে অনেক বেশী কাছে চলে আসব।

ইতিমধ্যে তোমাদের সকলের জন্য একটি রাজকীয় অভ্যর্থনার ব্যবস্থা করছি!’

মৃত্যুর প্রাক্কালেও এ রকম চিঠি। এতখানি রসবোধ! ফাঁসিতে ‘লক্ষ্য’ দিতে হয় বই কি, আর স্বর্গপুরীতে মায়ের জন্য রাজসিক অভ্যর্থনার ব্যবস্থা করবে সে।

॥ ১০ ॥

শিশুকন্যাকে লেখা মায়ের চিঠি।

রোজে (গোলাপ) শ্রোয়াএজিন্গারের জন্ম ১৯০৭ খ্রীস্টাব্দে। নাৎসী বিরোধী আন্দোলন চালানোর সময় ১৮ সেপ্টেম্বর, ১৯৪২ তিনি বন্দী হন এবং ৫ই আগস্ট ১৯৪৩-এ মৃত্যুদণ্ডে দণ্ডিত হন। তাঁর স্বামী বোডো শ্রোয়াএজিন্গার ছিলেন জার্মান মিলিটারি পুলিশে দোভাষী। তাঁর স্ত্রীর প্রাণদণ্ড হয়েছে, এ খবর পেয়ে তিনি পিস্তলের গুলিতে আত্মহত্যা করেন।

‘আমার সোহাগের ক্ষুদে, দড়’ মারিয়াননে

অনুমান করতে পারছি নে তুমি কবে এ চিঠি পড়তে পারবে। তাই এটি তোমার ঠাকুরমা বা বাবার কাছে রেখে যাচ্ছি, যাতে করে তুমি বড় হয়ে এটি পড়তে পারো। এখন তোমার কাছ থেকে আমাকে বিদায় নিতে হবে, কারণ খুব সম্ভব আমরা একে-অন্যকে আর দেখতে পাবো না।

১ মূলে আছে ক্লাইন গ্রোস (ইংরিজীতে হবে লিটল বিগ) স্পষ্টত পরস্পরবিরোধী। তবে জার্মনির আদর করার সময় অনেক ক্ষেত্রে এরকমখারাপ বলে। কিংবা হয়তো মেয়েটির বয়সে শিশু হলেও গঠনে দার্ড ধরতো, যার থেকে মা অনুমান করে যে, কালে সে তরঙ্গী না হয়ে পূর্ণাঙ্গী হবে।

তা সে যাই হোক না কেন, তুমি যেন স্বাস্থ্যবতী, সুখী এবং সবলা হয়ে বড় হয়ে ওঠো। আমি আশা করছি, পৃথিবী তার যে-সব সুন্দরতম জিনিস দিতে পারে সেগুলো তুমি উপভোগ করবে—আমি যে রকম উপভোগ করেছি—এবং তোমাকে যেন সে-সব দুঃখ-বেদনার ভিতর দিয়ে না যেতে হয়—যেগুলোর ভিতর দিয়ে আমাকে যেতে হয়েছিল। সবচেয়ে বড় কথা : তোমাকে কর্মদক্ষ ও অধ্যাবসায়ী হতে হবে। এ দু'টি থাকলে বাকি সব আনন্দ-সুখ আপনার থেকেই আসে।

তোমার স্নেহ-ভালোবাসা মুক্ত হস্তে বিলিয়ে দিয়ে না। এ সংসারে তোমার বাবার মতো কম লোকই আছে যারা তাঁর মতো সং এবং প্রেমে নির্মল। তাই সমস্ত প্রেম উজাড় করে দেবার আগে একটু ধৈর্য ধরতে শেখো। তা হলে প্রেমে ধোঁকা খাওয়ার যন্ত্রণা থেকে তুমি বেঁচে যাবে। কিন্তু এমন একজন যেদিন আসবে, যে তোমাকে এতই গভীর ভালোবাসে যে, তোমার সর্ব যন্ত্রণা সেও সঙ্গে সঙ্গে সহাবে—এবং যার জন্য তুমিও সহিতে প্রস্তুত—এ-রকম পুরুষকে তুমি তোমার প্রেম নিবেদন করতে পারো। আমি প্রত্যয় দিচ্ছি, তাকে পেয়ে তার সঙ্গে যে আনন্দ তৃপ্তি তুমি উপভোগ করবে তার থেকে তুমি বুঝতে পারবে, তার প্রতীক্ষায় তুমি যে ধৈর্য ধরেছিলে সেটা নিষ্ফল হয়নি।

তোমার জন্যে আমি বহু বৎসরের আনন্দ প্রার্থনা করছি; আমার কপাল মন্দ, আমি পেয়েছি অল্প কয়েক বৎসরই। এবং তোমাকে সন্তানের জন্ম দিয়ে মা হতে হবে : যখন তোমার নবজাত শিশুটিকে তোমার বুকের ওপর রাখবে তখন হয়ত আমার কথা তোমার স্মরণে আসবে। তোমাকে যখন আমি প্রথমবারের মত দু'বাহু দিয়ে জড়িয়ে ধরেছিলুম সেটি আমার জীবনের চরম মুহূর্ত—তুমি তখন মাত্র একটি গোলাপী পুঁটলি।

তার পরে স্মরণে আন, আমরা বাত্রে পাশাপাশি গুয়ে জীবনের কত না গভীর বিষয় নিয়ে আলোচনা করেছি—আমি চেষ্টা করেছিলুম তোমার সব প্রশ্নের উত্তর দিতে। আবার স্মরণে আন, আমরা যে সমুদ্রপারে তিন হপ্তা কাটিয়েছিলুম—তিন মধুর সপ্তাহ। সেখানকার সূর্যোদয় এবং তোমাতে আমাতে খালি পায়ে বেলাতুমি বেয়ে বেয়ে বানসিন থেকে উকেরিংস্ গিয়েছিলুম; তারপর জলে রবারের দোলনাতে তোমাকে ঠেলে ঠেলে নিয়ে যাচ্ছিলুম; তারপর আমরা দুজনাতে একসঙ্গে বই পড়তুম। বাছা, তোমাতে আমাতে কতই না সৌন্দর্য উপভোগ করেছি এবং এগুলো তোমাকে নতুন করে উপভোগ কবতে হবে, এবং তারও বাড়া অনেক কিছু বেশী।

হ্যাঁ, তোমাকে আরও একটি কথা বলতে চাই, মৃত্যুবরণ করার সময় আমাদের মনে বড় বেদনা লাগে যে আমাদের প্রিয়জনকে অনেক অপ্রিয় কথা বলেছি; আমরা যদি দীর্ঘতর দিন বেঁচে থাকতে পারতুম তা হলে আমরা সেটা স্মরণে এনে নিজেদের অনেক বেশী সংযত করতে পারতুম। হয়তো আমার এ কথাটি তুমি স্মরণে রাখবে তাতে করে তোমার জীবন—এবং সর্বশেষে তোমার মৃত্যু—তুমি নিজের জন্যে এবং অন্যদের জন্যেও সহজতর করে তুলতে পারবে।

এবং যতবার পার সুখী হও আনন্দে থাক—প্রত্যেকটি দিন মহামূল্যবান। যে প্রতিটি মুহূর্ত আমরা দুঃখে কাটাই তার জন্য হাহাকার!

আমার স্নেহ তোমার সমস্ত জীবনভর সঙ্গে সঙ্গে থাকবে—আমি তোমাকে চুমু খাচ্ছি—এবং যারা সবাই তোমাকে ভালোবাসে। বিদায়! বিদায়!! ও আমার সোহাগের

ধন—জীবনের শেষ মুহূর্ত পর্যন্ত তোমারই কথা আমার গভীরতম স্নেহের সঙ্গে হৃদয়ে রেখে,

তোমার মা

॥ ১১ ॥

য়োরমা হাইসকানেন, ফিনল্যান্ড

জন্ম : ৩১ জুলাই ১৯১৪

মৃত্যু : জুন ১৯৪১

সোভিয়েৎ-ফিন সংগ্রামে সীমান্তে নিহত সৈনিকের রোজ-নামচা থেকে উদ্ধৃত।

ডিসেম্বর ১৯৩৯ (ফিনিশ সীমান্তে) যুদ্ধের প্রথম দিনই আমি সুভিলাহতিব গির্জা চূড়ায় উঠলুম; সেখান থেকে আবাব পর্যবেক্ষণ করবো সীমান্তে যেখানে সংগ্রাম চলছে...এখান থেকে স্পষ্টভাবে শোনা যাচ্ছে গোলাগুলিব শব্দ; অকস্মাৎ একটা চিন্তা আমাকে যেন ঝাঁকুনি দিল; ঐ যেখানে যুদ্ধ হচ্ছে সেখানে যে কোনো মুহূর্তে আমাদেরই একজন নিহত হতে পারে। তখন লক্ষ্য করলুম গির্জা-চূড়োতে আমি একা নই।

প্রতিরক্ষার জন্য রাখা একটা বালুর বস্তায় হেলান দিয়ে দাঁড়িয়ে আছে একটি নাবালক বাচ্চা—বয়স এই এগারো-বারো। পরনে চামড়ার কোট, হাতে একটা দুরবীন। ঐটে দিয়ে সে দক্ষিণ পানে যুদ্ধক্ষেত্রের দিকে খুঁটিয়ে খুঁটিয়ে দেখছিল—সেখান থেকে যুদ্ধের স্ক্রীণ কোলাহল-ধ্বনি আসছিল। আমি তো অবাক—এরকম অকুস্থলে তো ওর মতো ছোট্ট একটা বাচ্চার থাকার কথা নয়। বনের গাছগুলো ছাড়িয়ে উর্ধ্ব উঠেছে এই গির্জা-চূড়ো, যে কোনো মুহূর্তে শত্রুপক্ষের কামানের গোলা এটাকে হানতে পারে।

‘এখানে তুমি কি করছো?’

বড় সুন্দর তাজা গলায় উত্তর এল : ‘কেন? আমাকে তো জঙ্গী হাওয়াই জাহাজের গতিবিধি পাহারা দেবার জন্য এখানে পাঠানো হয়েছে।’

‘তোমার বাড়ি কোথায়?’

শান্ত কণ্ঠে উত্তর দিল, ‘হাউটাভারা-য।’

আমি তাড়াতাড়ি শুধোলুম, ‘তোমার বাপ-মা...?’

অতি স্বাভাবিক কণ্ঠে উত্তর দিল, যেন এ নিয়ে কোন প্রশ্নই উঠতে পারে না—‘বাড়িতে বই কি!’

বাচ্চাটি আমার দিকে লুকিয়ে লুকিয়ে তাকালে—দুরবীন দিয়ে তদাবকি কর্ম সে তখনকার মত ক্রান্ত দিয়েছে।

আমার গলা শুকিয়ে কাঠ। আমি আর কোনো প্রশ্ন শুধোতে পারছি নে। বাচ্চাটি কি জানে তার বসতগ্রাম হাউটাভারা শব্দার্থে সম্পূর্ণ নিশ্চিহ্ন হয়ে গিয়েছে? ঐ তো সীমান্তের শেষ গ্রাম। এটাতে কোনো সেনা সেনানী নেই। কিন্তু ওরই উপর সকাল থেকে শত্রুপক্ষ সব কামান এক জোট করে গোলা হেনেছে। এ-গ্রাম তো সম্পূর্ণ চূর্ণবিচূর্ণ হয়ে গিয়েছে। সেখানেই তো তার বাড়ি—সে বাড়ি কি আর আছে? তার বাপ-মা পরিবারের আর পাঁচজন? তাদের সঙ্গে এর কি আর কখনো দেখা হবে?

কিন্তু সে কি জানে এ সব? না, না, আমি এ-প্রশ্ন ওকে শুধোতে পারবো না।

ইতিমধ্যে যুদ্ধের আগুন আরও জোরে জ্বলে উঠেছে।

‘তুই কি এখানেই থাকবি না অন্য কোথাও যেতে চাস?’

‘কেন? এখানেই তো আমার থাকবার কথা—নয় কি? তবে আমাকে দিয়ে আর কোনো দরকার নেই?’ (অর্থাৎ সে চলে যেতে চায়নি—অনুবাদক)

বহুকাল ধরে তার এই শেষ কথাগুলো আমার কানে বেজে যেতে লাগলো—বহুকাল ধরে, তার কাছ থেকে, সেখান থেকে বিদায় নেবার পরও।

জানেন শুধু ভগবান, এই পিতৃমাতৃহীন গৃহহীন শিশু যুদ্ধের তাড়নায় কোথায় ঘুরে মরেছিল—ফিনল্যান্ডের ডিসেম্বরের দারুণ শীতে—প্রভুই জানেন সে অন্তত আশ্রয়টুকু পেয়েছিল কিনা।

জেল থেকে বোনেদের প্রতি লেখা বোনের শেষ পত্র—কবিতায়।

...আটদিন ধরে আমি শৃঙ্খলাবদ্ধ

আমার এ অবস্থা কি কখনো ভুলতে পারবো?

শেকলগুলো আমাকে নিদারুণ যন্ত্রণা দিচ্ছে।

আমাকে নির্জন কারাগারে দণ্ডিত করা হয়েছে। হে প্রভু, তুমি আমাকে ত্যাগ করছে কেন?.. (খ্রীষ্ট নাকি ক্রুশবিদ্ধ অবস্থায় এই হাহাকারই করেছিলেন—অনুবাদক)

আমার বোনেরা—মিমি, মিনা—তোমরা কি এখনো তোমাদের বোন লোরেনস্কে স্মরণে আনো,

সে তোমাদের ভালোবাসে।

দুঃখবেদনা আমাদের সম্মিলিত করে একই পথে চালাবে,

এই তো ছিল আমাদের শপথ এবং একই অনুভূতি আমরা ভাগাভাগি করে নেব।

আমাকে তারা শিকল দিয়ে বেঁধেছে, কিন্তু আমার হৃদয়টাকে নয়।

আমি আশা রাখি, আমি বিশ্বাস রাখি, আলোকে আলোকে আলোকিত সূর্যরশ্মিময় ভবিষ্যৎ।

কাল যদি আমার মৃত্যু হয়!

তবে কীই বা হবে?

শুধু আমি মুক্তি পাবো আমার পায়ের শৃঙ্খল থেকে!

এই মেয়েটির নাম লোরেনস্—বোনেদের নাম মিমি মিনা। কিন্তু পারিবারিক নাম চিঠিতে নেই বলে এঁদের কাউকেই সনাক্ত করা যায় নি। যেটুকু জানা গিয়েছে তা এই : ফ্রান্স জয় করার পর জার্মানি তার বৃহদংশে আপন রাজত্ব চালায়। তখন সে স্বৈরাচারের বিরুদ্ধে যে আণ্ডারগ্রাউন্ড সংগ্রাম চলে মাদমোয়াজেল লোবেনস্ তারই একজন।

১৯৪২ খ্রীস্টাব্দে তাঁকে প্রাণদণ্ডে দণ্ডিত করা হয়। অবশ্য মৃত্যু আসন্ন জেনে এই তাঁর শেষ পত্র।

রণদামামা বাজিয়ে সগর্বে যখন ১৯৩৯-এর সেপ্টেম্বরে হিটলার পোলাভ আক্রমণ করলেন তখন তিনি বার্লিনের প্রধানতম রাজপথের দিকে তাকিয়ে ক্ষুব্ধ ও নিরাশ হলেন। তাঁর মনে পড়ল ১৯১৪ সালের প্রথম বিশ্বযুদ্ধ-সূচনার কথা। তখন কী উৎসাহ-উত্তেজনার সঙ্গে কাইজারের সেই 'যুদ্ধং দেহি' আহ্বানে জর্মনির জনগণ সাড়া দিয়েছিল।' তারা যে এবারে—তাঁর এবং গ্যোবেল্‌স-এর কর্ণপটহবিদারক শত প্রোপাগান্ডা সত্ত্বেও—এরকম জড়ভরতের মতো চোখেমুখে নির্বিকার ঔদাসীনা মেখে পোলাভগামী যুযুধানদের দিকে শুধুমাত্র তাকিয়েই থাকবে—ঘন ঘন সাধুবাদ, করতালি, স্বতঃস্ফূর্ত সংগ্রাম-সঙ্গীত, প্রজ্বলিত মশালসহ সৈন্যবাহিনীর সঙ্গে সঙ্গে 'কদম কদম বাড়িয়ে' তাদের সকলকে গুডেচ্ছা জানানো, সৈন্যদের ধরে ধরে পথমধ্যে তকপী যুবতীদের যদুচ্ছা চুখনালিঙ্গন—কিছু না, কিছু না, সব ঝুট সব ঝুট—; হিটলার ও ইয়ার গ্যোবেল্‌স তো রীতিমতো মুষড়ে পড়েছিলেন।

আসলে জনগণ সংগ্রাম চায়নি; তারা চেয়েছিল শান্তি। বিশেষ করে হিটলার তাঁর বুদ্ধিমত্তা, কর্মদক্ষতা, দূরদৃষ্টি-প্রসাদাৎ, বছর তিনেক পূর্বে দেশকে যে আর্থিক সাচ্ছল্য এনে দিয়েছিলেন তারা চেয়েছিল নির্বিঘ্নে শান্তিতে সেটি দীর্ঘকালব্যাপী উপভোগ করতে। আর ভবিষ্যতে সুখভোগের জন্য হিটলার যে সব গণ্ডায় গণ্ডায় অঙ্গীকাব করে বসে আছেন, সেগুলোর তো কথাই নেই। তার অন্যতম : বছর তিনেকের মধ্যে তিনি জর্মনির চাষী মজুর প্রত্যেক পরিবারকে এক-একখানি সবেস 'ফল্‌কস্‌ভাগেন' (Volkswagen—folk-car—জনগণরথ) দেবেন—বস্তুত তখন থেকেই অনেকে আগাম কিস্তি-আমানত দিতে শুরু করেছে। মোটরগাড়ি তা হলে শিকেয় উঠলো!

বললে প্রত্যয় যাবে না, সুশীল পাঠক, এই যে জর্মনিব প্রাশান অফিসাবগোষ্ঠীকে বহু বহু যুগ ধরে পৃথিবীর সর্বশ্রেষ্ঠ রণবিশারদ বলে ধরে নেওয়া হয়েছে, তাদেবও অধিকাংশই এ সংগ্রাম চাননি। এঁদের একাধিক জঁন সংগ্রাম আসন্ন জেনে, এরই এক বৎসর পূর্বে, হিটলাবের সম্মুখে তীব্র প্রতিবাদ তুলে নিরাশ হয়ে আপন আপন পদে ইস্তফা দেন। আব অর্থনৈতিকদের তো কথাই নেই। শাখ্‌ট্-এর মতো 'অর্থনৈতিক জাদুকব'ও যখন দেখলেন হিটলার তাঁর সাবধান-বাণী শুনলেন না তখন তিনিও অবসর গ্রহণ করলেন। তাঁব বক্তব্য ছিল হিটলার ক্ষুদ্র রাজ্য পোলাভকে আক্রমণ করে যদি আশা কবেন যুদ্ধ সেই অঞ্চলেই সীমাবদ্ধ থাকবে তবে সেটা মারাত্মক দুবাশা। সেই খণ্ড-যুদ্ধ বিশ্বযুদ্ধে পরিণত হবেই হবে। এবং সেই সুদূরপ্রসারী দীর্ঘকালব্যাপী বিশ্বসংগ্রাম চালাবাব মতো কাঁচা মাল-মেটিরিয়েল জর্মনির নেই। (এবং শেষটায় প্রধানত এই কারণেই হিটলারেব পতন হয়, এবং তিনি ক্রোধোন্মত্ত স্যামসনের ন্যায় সমস্ত 'গাজা'—এস্থলে তাবৎ ইয়োরোপ—তাঁর বিনাশের সঙ্গে সঙ্গে রসাতলে নিয়ে যেতে চেয়েছিলেন।)

১ হিটলার স্বয়ং সেই জনতায় ছিলেন। অধুনা এই মহানগরীতে প্রদর্শিত একটি 'হিটলার-ছবি'তে সেটি দেখানো হয়েছে। আসলে যে কোটো থেকে এ অংশ তোলা হয়েছে সেটি পাঠক পাবেন, ফটোগ্রাফাব হফমান রচিত 'হিটলার উম্মোজ মাই ফ্রেন্ড পুস্তকে।

শুনেছি, যেখানে হোক, যে-কোনো প্রকারেই হোক একটা লড়াই বাধিয়ে দেবার জন্য হামেশাল তেরিয়া হয়ে থাকে একটি গোদা দল—অস্ত্রশস্ত্র-নির্মাণকারী বিরাট বিরাট কারখানার মালিকগণ। শুনেছি এরা নাকি গ্যাটের কড়ি খরচা করে অনুন্নত দেশে সিভিল উয়োর লাগিয়ে দিয়ে পরে হরষিত হৃদয়ে উভয় পক্ষকেই বন্দুক কামান বোমা বিক্রি করে খরচার হাজার গুণ মুনাফা তুলে নেয়। (শকুনির যদি এ প্রকারের 'সুবুদ্ধি' থাকতো তবে সে নিশ্চয়ই গো-কুলে মড়ক লাগাত।)

এ স্থলে কিন্তু শুনেছি, সমরাস্ত্র-নির্মাণকারী জার্মানরাও হিটলারের যুদ্ধ কামনা করেননি। তাঁদের অধিকাংশই জানতেন, এ যুদ্ধে জয়াশা নেই। ফলে মুনাফা তো যাবেই যাবে, তদুপরি শত্রুপক্ষ দেশ দখল করে এস্টেবক কারখানাগুলোর সমুচা যন্ত্রপাতি—লক্ স্টক্ ব্যারেল—আপন আপন দেশে চালান দেবে।

তঁারা অবশ্য তখন জানতেন না, ধন তো যাবেই, প্রাণ নিয়েও টানাটানি লাগবে।

এবং তাও হয়েছিল—ইতিপূর্বে যা কখনো হয়নি—যুদ্ধ শেষে মিত্রপক্ষ এই সব ডাঙর ডাঙর অস্ত্রপতিদের বিকন্ধে জোর মকদ্দমা চালায়; রিবেন্ট্রপ, কাইটেল ইত্যাদিকে ফাঁসি দেবার পর। জেল তো এঁদের অনেকেই হয়েছিল—ফাঁসি হয়েছিল কিনা, আমার মনে নেই। (অবশ্য শুনেছি, এখন ফের তঁারা, অথবা তাঁদের বংশধররা—বন্দুক কামান তৈরি করে খনে বেচেন মিশরকে খনে ইজরাএলকে!)

এবং পাঠক আরও প্রত্যয় যাবেন না, হিটলারের আপন খাস চেলা-চামুণ্ডাদের অনেকেই এ-যুদ্ধ চাননি।—মায় তাঁর দু'নস্বরী ইয়ার বিমান-বহরাধিপতি গ্যোরিং। এঁরা মোকা পেয়ে কলাকৌশলে তখন এতই ধনদৌলত জমিয়েছেন যে বার্লিনের কুট্রি সম্প্রদায় এঁদের ঢপ-বেঢ়পের টাউস মেবৎসেডেজ মোটর দেখতে পেলে কখনো চোঁচিয়ে, কখনো আপসে মৃদুস্বরে বলতো 'মহাবাট্শা'!—মহারাজা শব্দেব জার্মান উচ্চারণ, গ্যোবেলস তো একবার উচ্চ কঠেই বললেন, 'এদের যদি এখন "জ্যুস্ প্রিম্বে নক্টিস্" দেওয়া হয় তবেই এবা সর্বার্থে মধ্যযুগের ব্যারন হয়ে যাবে।' জ্যুস্ প্রিম্বে নক্টিস্ আইনের অর্থ : 'প্রথম রাত্রির অধিকার'। মধ্যযুগের বহু ব্যারনের 'অধিকার' ছিল তাঁব জমিদারীতে যত কুমারী কন্যা বিয়ে করবে, বিয়ের প্রথম রাত্রি কাটাতে হবে ব্যারনের শয়্যায়।*^২

এরা অবশ্যই অন্তবে অন্তরে যুদ্ধ কামনা করেনি—বাহিরে যতই লম্বা কৌঁচা চড়া।

তবে এ-কথা ঠিক, প্রথম বিশ্বযুদ্ধে ঙ্গ্যাবহতা সশব্দে সম্পূর্ণ অনভিজ্ঞ হিটলারময়ে আবালা দীক্ষিত 'উষ্ণমস্তক' (মস্তিষ্ক এদের খোলাই কবে ফেলা হয়েছে, যাকে বলে ব্রেনওয়াশ, তাই বললুম 'মস্তক', 'খুলি' 'আবও ভালো) নিম্ন সরকারী সেনাদলের এস্-এস্-এ-র অনেকেই যুদ্ধ কামনা কবেছিল।

কিন্তু স্বৈরতন্ত্রের ঐ তো একটা মস্ত সুবিধা—বা অসুবিধা—যা খুশী বলুন। ক্যাবিনেট ডাকতে হয় না, পার্লামেন্ট নেই, আর প্রেবিসিটের তো কথাই ওঠে না। হিটলার, নেপোলিওন, স্তালিনকে রোকে কে?

মুসসোলীনিব যুদ্ধ ঘোষণাটা হয়েছিল আবও মারাত্মক জনমতেব বিরুদ্ধে। এমন কি তাঁর আপন জামাই, তাঁব পররাষ্ট্রমন্ত্রী চানো পর্তুজ জার্মানদেব সঙ্গে কাঁধ মিলিয়ে যুদ্ধে

২ অনুসন্ধিৎসু পাঠক এ সঙ্গে হুভাম পাঁচাব নক্শা কেতাবেব গুরুপ্রসাদী অংশটুকু পড়ে দেখবেন।

নামতে রাজী হননি। মুসসোলীনি শেষটায় তাঁকে ভাতিকান-এ রাজদূত বানিয়ে দেন। আর ইতালির রাজা এবং রাজপরিবার যে কটর হিটলার-বিরোধী ছিলেন সে-কথা ইতালির মাক্কারনি-থেকে চাষাটা পর্যন্ত জানতো, স্বয়ং হিটলারের তো কথাই নেই। বার্লিনে যখন ইতালির রাষ্ট্রদূত হয়ে এলেন জার্মানির প্রতি মোটামুটি সহানুভূতিশীল—দুষ্টবুদ্ধিতে অবশ্য ‘রামপষ্টক’—দীনো আলফিয়েরি, তাঁকে পর্যন্ত কী হিটলার কী রিবেন্ট্রপ্ তাঁদের পক্ষে কন্‌ভারট করতে পারেননি।

মুসসোলীনির চললো একটানা পরাজয়ের পর পরাজয়। শেষটায় তাঁর আপন ফাশি-মণ্ডলী দলীয় সভায় তাঁর বিরুদ্ধে অনাস্থার প্রস্তাব পাস করলো (এটা অবশ্য নাৎসি জার্মানিতে ছিল সম্পূর্ণ অকল্পনীয়)—এবং তাঁর প্যারা মেয়ের স্বামী শ্রীমান চানো ছিলেন দুই নম্বরের বড়যন্ত্রকারী। মোকা পেয়ে ইতালির রাজা মুসসোলীনিকে বন্দী করলেন। ফাশি রাজ্য লোপ পেল। কিছুদিনের মধ্যেই রাজা যুদ্ধবিরতির আদেশ দিলেন। (৮ই সেপ্টেম্বর—ইতালির ভ্রাতৃযুদ্ধের উল্লেখ করতে গিয়ে আমি পূর্ববর্তী অনুবাদে এ তারিখের গুরুত্বের কথা বলেছি)।

ইতিমধ্যে মিত্রশক্তি সম্পূর্ণ উত্তর আফ্রিকা জয় করে নেমেছে খাস ইতালিতে।

কিন্তু হিটলারও কিছু কম যান না। তাঁর ছলাকৌশল ও দুঃসাহস পরিপূর্ণ মাত্রায় প্রয়োগ করে যে প্ল্যান বানালেন সেইটে প্রয়োগ করে, গত বিশ্বযুদ্ধের সবচেয়ে দুঃসাহসী জার্মান বিমানচালক স্কর্দজেনি এক পাহাড়ের চূড়ায় এ্যারোপ্লেন নামিয়ে মুসসোলীনিকে বন্দীদশা থেকে মুক্ত করে নিয়ে এলেন হিটলার সমীপে।

মুসসোলীনির তুবড়িতে কিন্তু তখন রক্তির বারুদ নেই। তিনি নির্বিবাদে জীবনের শেষ কটা দিন তাঁর শ্রিয়া কারা পেতাচ্চির সঙ্গে কাটাতে চান। কিন্তু হিটলার খাণ্ডার হয়ে আছেন; বাধ্য হয়ে মুসসোলীনিকে নূতন ফাশি পার্টি নির্মাণ করে উত্তর ইতালিতে রাজ্যস্থাপনা করতে হল। সেটা চললো পরিপূর্ণ জার্মান তাঁবেতে।

ইতালি তখন মার খাচ্ছে চতুর্দিক-থেকে। মিত্রশক্তি জার্মানদের বিরুদ্ধে লড়তে লড়তে এগিয়ে চলেছে ইতালির ভিতরে। ইতালীয়রা লড়তে চায় না। দুই কুজা যখন একটা হাড্ডি নিয়ে লড়ে তখন হাড্ডিটা (অর্থাৎ ইতালি) তো কোনো পক্ষ নিয়ে লড়ে না। কিন্তু জার্মান সৈন্য ইতালীয়দের জোর করে ধরে নিয়ে পিছনে সঙ্গীন বসিয়ে তাদের লড়ালো।

আব যারা বাধ্য হয়ে লড়লো তাদের মা-বউকে গাঁয়ে গাঁয়ে বিনা বিচারে গুলি করে মারলো প্রধানত ফাশিবিরোধী কম্যুনিষ্টরা। এবই একটি নিদারুণ কাহিনী আমি প্রকাশ করি ১৯৬১-৬২ সালে।

তখন অবতরণিকায় লিখি :

মিত্রপক্ষে ও জার্মানিতে তখন—জুলাই ১৯৪৪—জোব লড়াই চলছে। এবং জার্মানদের পিছনে ইতালীয় গেরিলাারা (এদের কিছুটা কম্যুনিষ্ট, বাকিটা ফাসিস্ট ও নাৎসি-বিরোধী) যেমন জার্মানদের বিরুদ্ধে তীব্র গোপন লড়াই চালিয়ে যাচ্ছিল ঠিক তেমন আপন দেশবাসী ফাসিস্ট ও জার্মান মিত্রদের (অধিকাংশ ক্ষেত্রে ‘গুঁতোর চোটে’) বিরুদ্ধেও। এবং দেশবাসীর বিরুদ্ধে লড়াইটাই হয়ে উঠেছিল তীব্রতর, তিক্ততর। ‘রাজনৈতিক আদর্শবাদের জিগব তুলে সবাই আপন আপন শত্রুনিধনে লেগে গেছে। ইতালি প্রতিশোধের দেশ এমনিতেই—আইন আদালত থাকাকালীনও—আর এই অরাজকতাব সময় তো খাই নেই।

এমনিতে কিন্তু ইতালীয়রা শান্তিকামী।

তাই তারা খেল গত যুদ্ধে সব চেয়ে বেশী মার।

॥ ১৩ ॥

ব্যক্তিগত কথা বলতে আমার বাধে। কিন্তু প্রাপ্ত মহিলা তাঁর শোক সংবরণ করে তাঁর সম-দুখে-দুখী হৃদয়ের প্রকাশ দেওয়াতে আমিও কিঞ্চিৎ সাহস সঞ্চয় করে আপন অভিজ্ঞতা নিবেদন করি।

আমি বার্লিন যাই ১৯২৯-এ। হিটলার তখন ম্যুনিচের স্থানীয় উষ্ণমস্তিষ্ক রাজনৈতিক পাণ্ডা মাত্র। ১৯৩০-এ আমি রাইনল্যান্ডের বন বিশ্ববিদ্যালয়ে চলে আসি। সেখানে হিটলারের কোনো প্রতিপত্তি ছিল না বললেই চলে।

বন বিশ্ববিদ্যালয়ে আমার গভীর অন্তরঙ্গ বন্ধুত্ব হয় আমার এক সতীর্থ পাউল (Paul) হরস্টারের সঙ্গে। সে পড়তো আইনশাস্ত্র এবং সঙ্গে সঙ্গে তুর্কী ও আরবী—ইচ্ছা ছিল ডক্টরেট নেবার পর ফরেন আপিসে ঢুকবে। আমারও অপ্শনাল ছিল আরবী। সেই সূত্রে উভয়ের পরিচয় ও অত্যন্তকালের মধ্যেই গভীর সখ্য...। পাউলের বাপ-মা বাস করতেন নিকটবর্তী ড্যুসল্ডর্ফ শহরে। এক উইক-এন্ডে সে আমায় নিয়ে গেল তাদের বাড়িতে। মা কখনো ইন্ডিয়ান দেখেননি। ভ্যাভাচ্যাকা খেয়ে মন স্থির করতে পারছেন না, আমার জন্য কোন্ কোন্ বস্তু বান্না করবেন। আমবা সবাই রান্নাঘরে বসে—কোন্ একটা কথাচ্ছলে পাউল বললে যে আমার মা সুদূর ভাবতে প্রতিদিন আমার প্রত্যাগমন প্রতীক্ষা কবছে। শোনা মাত্রা পাউলের মা তাঁর দু'হাত দিয়ে চোখ মুখ ঢেকে দ্রুতপদে চলে গেলেন পাশের ঘবে।

অনেকক্ষণ পব ফিরে এসে ফের রান্নাঘ মন দিলেন।

সন্ধ্যাবেলা ড্রইংরুমে কফি আর গৃহনির্মিত অতুলনীয় ক্রীমবান্ (পাটিসাপটার অতি দূর সম্পর্কের ভাই) খাচ্ছি এমন সময় একটি অতিশর সুপুরুষ যুবক এসে ঘরে ঢুকল। সঙ্গে একটি সুন্দরী। কিন্তু এ যুবক যত্রতত্র সর্বত্র যে রকম পুরুষ-নারী উভয়েব বিমোহিত দৃষ্টি আকর্ষণ করবে, সঙ্গের যুবতীটি ততখানি না। পরস্পরের পরিচয়াদিব লৌকিকতা অবহেলে, সম্পূর্ণ উপেক্ষা কবে সোজাসুজি আমার কাছে এসে হ্যাণ্ডশেকের জন্য হাত বাড়িয়ে বললে, 'আমি আপনাকে চিনি; পাউলের বন্ধু। আর আমি ঐ রাসকেলটার দাদা কার্ল। এবং এই বমণীটি আমার শিরঃপীড়া, অর্থাৎ আমার ভামিনী।'

আমি ঘন ঘন হাত ঝাঁকুনি দিতে দিতে বললুম, 'আমার কাছে শিরঃপীড়ার অত্যাশ্রম ভাবতীয় হেকিমী দাওয়াই আছে। দেব আপনাকে? কিন্তু ডাক্তারের ফীজ দিতে হবে। শিরঃপীড়াটি দূর্ভীড় হলে সেটি—অপবাধ নেবেন না, স্যার—সেটি কি আমি পেতে পারি?'

কার্ল তো তার পাজরের দু-পাশ দু-হাত দিয়ে চেপে ধরে, কোমরে দু'ভাঁজ হয়ে দুলে দুলে গমগম কবে হাসে আর বার বাব বললে, 'আমাব তো ধারণা ছিল, পুরবীয়ারা (প্রাচ্যদেশীরা) বসিকতা করতে জানে না—সর্বক্ষণ মোক্ষ, নির্বাণ, স্যালভেশনের চিন্তায় মশগুল!—তা, ব্রাদার, কিছু মনে কবো না। আমাব 'শিরঃপীড়া'র একটি কনিষ্ঠা ভগিনী

আছেন—একেবারে কামানেব গোলা। গেল বছরে মিস্ রাইনল্যান্ড হয়েছেন। নেবে সেটি?’

ইতিমধ্যে লক্ষ্য করলুম কার্লের বউ লজ্জায় একেবারে পাকা টমাটো!

ঝপ করে একটা সোফাতে বসে বললে, ‘কিন্তু তোমাতে আমাতে আর “আপনি” চলবে না, বুঝলে? তারপর, হ্যাঁ, কি যেন বলতে এসেছিলুম। আজ সন্ধ্যায় আমার ফ্ল্যাটে পাটি। পাউল তোমাকে নিয়ে আসবে। ঠিক আছে তো!’

আমি বললুম, ‘অতি অবশ্যই। প্রেজার অনার! কিন্তু সেই যে আরেকটি শিরঃপীড়ার কথা বলছিলেন, তিনিও আসবেন কি?’

তারপর আর কার্লকে পায় কে? তার হাসি আর কিছুতেই ধামতে চায় না।

শেষটায় কার্ল তার বউকে আমার পাশে বসিয়ে দিয়ে বললে, ‘মায়ের সঙ্গে দুটি কথা কয়ে নি।’ তারপর বউকে ফিসফিস করে শুধোলে, ‘ওকে তো ডাকা হয় নি। লাস্ট মোমেন্টে আসতে পারবে কি? তুমি দেখো তো।’

উত্তরের প্রতীক্ষা না করে সোজা গিয়ে মায়ের কোলে দুম্ করে বসে পড়ল—ট্যারচা হয়ে। বাঁ হাত দিয়ে মায়ের বাঁ বাছ চেপে ধরে, ডান হাত দিয়ে মায়ের ঘাড় পেঁচিয়ে নিয়ে মায়ের গালে ঘন ঘন চুষন।

স্পষ্ট শুনে পেলাম, মা বলছেন, ‘ওরে গরিম্মা, ওঠ ওঠ, আমার লাগছে!’

আমি জানতুম, তখন সে-ঘরে সর্বাপেক্ষা আকর্ষণীয় জন আমি—যদ্যপি আমি কোনো পীর প্যাকস্বর্ নই—নিতান্ত বিদেশী এবং ভারও বাড়া ভারতীয় বলে। তাই আমি অক্রেমে বুঝতে পারলাম, কার্ল আমাকে ছেড়ে তার মায়ের কাছে চলে গেল কেন। সামান্য ড্রইংরুমে ‘কে কার পাশে বসে, তাতে কিবা যায় আসে!’ কিন্তু সে তার মা’কে বোঝাতে চেয়েছিল, যে-ই আসুক যে-ই থাক, তার কাছে তার মা-ই সবচেয়ে আকর্ষণীয়।

কার্লের বউ ক্লারা আমাকে বললে, ‘আমার বোন নিশ্চয়ই আসবে। তার অন্য এনগেজমেন্ট থাক আর না-ই থাক।’

আমি বললুম, ‘তার অন্য এনগেজমেন্ট হয়তো তার লাভার, তার ইয়ংম্যানের সঙ্গে। তাকে নিরাশ করাটা কি উচিত হবে, এই আনন্দের দিনে? তাকেও ডাকুন না—অবশ্য যদি আপনাদের অন্য কোনো অসুবিধা না থাকে।’

ক্লারা আমার দিকে বিস্মিত নয়নে তাকালে।

আমি বুঝতে পেরেছি।

আমি শান্ত কণ্ঠে বললুম, আপনি ঘাবড়াচ্ছেন যে আমাতে আর আপনার বোনের লাভারেতে খুনোখুনি হবে, না? নিশ্চিত থাকুন, কিছুটা হবে না। সে কি আপনার বোনকে বিয়ে করার প্রস্তাব পেড়েছিল?’

‘এ যাবৎ করেনি। কেমন যেন গড়িমসি করছে।’

দৃঢ় কণ্ঠে আমি বললুম, ‘আজ বাত্রেই সে প্রস্তাব নাড়বে।’

‘???’

‘আমি আপনার বোনের সঙ্গে একটুখানি ভাবসাব কবতেই সে বেগে, চটে, হিংসায় জর্জর হয়ে, আমাকে টিড দেবার জন্য আজ রাতদুপুরেই সে প্রস্তাব পাড়বে। হল?’

সে-সন্ধ্যায় কার্লের বাড়িতে জন্মের পাটি হল। আমার তিনটি জিনিস মনে আছে।

কার্ল যখন আমাদের নাচের জন্য পিয়ানো বাজাচ্ছিল তখন আমার নজর গেল তার হাত দু'খানির দিকে। সেই হাতের আঙুলগুলি তন্নন্নী দীর্ঘ, অথচ সেগুলির তুলনায় বাকি হাত আরও ছোট। এতে যেন কোনো শ্রোপরশন নেই। কিন্তু কী সুন্দর! এ-রকম হাতের বর্ণনা দেবার শক্তি আমার নেই। বার বার আমার চোখের সামনে ফুটে উঠলো আমার মায়ের হাত দুটি।

গভীর রাত্রে বাড়ি ফিরে এসে ঘুমিয়ে পড়েছি।

এম সময় কে যে আমার খাটের বাজুতে এসে বসলো। আধো ঘুমে শুধালুম, 'কে?'

'আমি পাউলের মা। আমি শুধু বলতে এসেছিলুম এই যে আমার পাউল, সে সপ্তাহের ছ'দিন থাকে বন শহরে, প্রতি শনিবার ছুটে আসে আমার কাছে। আর বন তো এখান থেকে দূরে নয়। ডাকগাড়িতে আধ ঘণ্টার পথ মাত্র। তবু আমি এই ছ'দিন কী ছটফটই না করি।

'আর তোমার মা? তিনি থাকেন কত সমুদ্রের ওপার।

'তঁার দিন কাটে কি করে?'

'তুমি খুব তাড়াতাড়ি পাস দিয়ে বাড়ি চলে যাও।'

তারপর আমার কপালে চুমো দিলেন। আমার মনে হল, এ তো আমারই মায়ের চুমো।

॥ ১৪ ॥

১৯৩২ খ্রীস্টাব্দে অকস্মাৎ অপ্রত্যাশিতভাবে হিটলারের দল জার্মান পার্লামেন্টে এত অধিক সংখ্যক আসন পেয়ে গেল যে তাব গুরুত্ব জার্মানির বাইরে তো বটেই, ভিতরে অল্প লোকই হৃদয়ঙ্গম করতে পেরেছিল। কম্যুনিষ্টবা ঠিক-ঠিকই বুঝেছিলেন কিন্তু স্তালিন তখন আপন ঘর সামলাতে ব্যস্ত এবং বিশ্বভুবনজোড়া শ্রেলতারিয়া রাজ্য স্থাপনের সদিচ্ছা তিনি তখন প্রায় ত্যাগ করেছেন। জার্মান কম্যুনিষ্টরা বাতুশকা স্তালিনের কাছ থেকে সাহায্য পেল অত্যল্পই।

পাঠক হয়তো আশ্চর্য হবেন যে, আমার সতীর্থ পাউল হর্স্টারের অগ্রজ কার্ল কিন্তু ঠিক-ঠিক বুঝে গিয়েছিল, দেয়ালে কি লিখন লেখা হয়ে গেল—

'আকাশে বিদ্যুৎবহি কোন অভিশাপ গেল লিখি।'

১৯৩২-এর বড়দিনের পরবে গেলুম ড্যুস্‌ল্ডর্ফ।

রান্নাঘরে বসে কার্ল-পাউলের মা'র সঙ্গে রসালাপ করছি।

এমন সময় কার্ল এসে ঘরে ঢুকল। প্রথম মাকে গণ্ডা দুই চুমো খেয়ে আমাকে গণ্ডা খানেক। কুশলাদির লৌকিকতা বর্জন করে সরাসরি শুধালো—

'হেই, ভাইয়া, জার্মান পলিটিক্স কিছুটা রপ্ত করতে পেরেছিস?—এক বছর তো হয়ে গেল এই লক্ষ্মীছাড়া দেশে এসেছিস!'

আমি উত্থা প্রকাশ করে বললুম, 'পফুই (অর্থাৎ ছিঃ!), এমন কথা বলতে নেই। মুখে যা ('কুষ্ঠ' ঘা-টা আর বললুম না) হবে। জার্মনি কাস্ট-গ্যেটে-বেটোফেন-ড্যুরারের দেশ। কিন্তু, বাওয়া, তোমাদের পলিটিক্সের জট ছাড়ানো আমাদের গান্ধীরও কম নয়। হালে একখানা চটি বই কিনেছি। জার্মনির ছাবিশ না আঠাশখানা পার্টির (বাপ্‌স!) ঠিকুজি-

কুলজি দপে দপে তাতে বয়ান আছে। পড়েছিলুম কবে! এখনো মাথাটা তাজ্জিম-মাজ্জিম করছে।’

পরম অবহেলাভরে বললো, ‘ছোঃ!’ তাদের না খ্রী হানড্রেড মিলিয়ান গডেসেস্ আছে। হিসেব রাখিস কি করে? তাদের আবার ‘লাকি’ দেশ—কার্ড ইনডেক্সিংয়ের গব্বয়স্তানা সেখানে এখনো পৌঁছয়নি। তা সে-সব কথা যাক্। ইতিমধ্যে তোকে একটি মহামূল্যবান সদুপদেশ দিচ্ছি—তোর সেই রাম-আহাম্মুখীর সাক্ষাৎ ডক্টরেট্-সার্টিফিকেট ঐ পার্টি পঞ্জীটি সিকি দরে বিক্রি করে দে—তোর চেয়েও প্রাইজ-ইম্বেসাইল এদেশে রাইন নদের সামোন মাছের মতো আবজাব করছে। নইলে শিকের হাঁড়িতে (ওদের ভাবায় মাটির নিচের সেলারের কয়লা গুদোমে) তুলে রেখে দে। দরকার মাফিক ওরই পাতা ছিঁড়ে ঘরের স্টোভে আগুন ধরাবি। কিন্তু সে-কথাও থাক। আসল তত্ত্ব কথটা শোন।’

তারপর সত্যি অত্যন্ত সিরিয়স মুখে বলল—কার্লকে এই প্রথম আমি গস্তীর হতে দেখলুম—‘বিপদ ঘনিয়ে এসেছে। জানিস, হিটলার রাইখস্টাগে অনেকগুলো সীট পেয়ে গিয়েছে?’

আমি হেসে উঠলুম। এ-যেন পর্বতের মূষিকপ্রসব!

ইতিমধ্যে পাউল বাব্রাঘরে ঢুকে মায়ের কাছে দাঁড়িয়ে আলুর খোসা ছাড়াচ্ছিল। লক্ষ্য কবলুম, আমার হাসির সঙ্গে হামদরদী দেখিয়ে দোহারের মতো স্মিত হাস্য সে করলো না—যা সে আকছারই করে থাকে। মায়ের মুখে কোনো ভাবের খেলা নেই।

কার্ল কোনো দিকে খেয়াল না করে আমাকে সবাসরি শুধোলে, ‘তুই হিটলাবের “মাইন কাম্পফ্” (বাঙলাতে মোটামুটি আমার সংগ্রাম) পড়েছিস?’

আমি হাত জোড় করে বললুম, ‘রক্ষা দাও বাবা। ও-বই আদ্যন্ত পড়া আমার কৰ্ম নয়। একে তো তোমাদের এই জৰ্মন ভাষাটি এমনই পাঁচানো-জড়ানো, ইংবেজিতে যাকে বলে ইন্ডল্ভুড, এবং নিদেন বিশ-ত্রিশটি লাইনেব ন্যাজ না খেলিয়ে তোমাদের একটা সেনট্‌স সম্পূর্ণ হয় না, তদুপরি তোমাদের ঐ হিটলার বাবু যেন মাথায় গামছা বেঁধে বেন্ট টাইট করে, মোজা উপব বাগে টেনে নিয়ে, গণ্ডারের চৰ্বির টনিক খেয়ে উঠে পড়ে লেগে গেছেন, সরল জিনিস কি কৌশলে দূরুহ করা যায়—অবশ্য আমার জৰ্মন জ্ঞান যা, সেটা তো “নাথিং টু বাইট হোম এবাউট”! তবে হ্যাঁ, বিস্তর হৌচট খেয়ে চোট-জখম হজম করে খাবলা মেরে মেবে মোদ্দা কথা কটি ধরে নিয়েছি।’

কার্ল “মাইন কাম্পফ্”—এব ভাষা বাবদ সায় দিয়ে বলল, ‘তোর জৰ্মন ভাষাজ্ঞানের কথা উঠছে না। ঐ আকাট ব্যাটা হিটলার তো আসলে কথা কয় পশ্চিম-অস্ট্রিয়ার অতিশয় চোতা জৰ্মন ডাইলেক্টে। তদুপরি তার গায়ের রয়েছে চেক বক্ত, কেউ বা বলে দু-চার ফৌটা ভ্যাগাবন্ড জিপসি “নাপাক” খুনও তাতে মেশানো রয়েছে। এ রকম দু’আশলা, সাড়ে তিন আশলা লোক, তদুপরি “উনিশটি বার ম্যাট্রিকে সে ঘায়েল হুয়ে থামলো শেষে”—সে আবার লিখবে জৰ্মন! তা তার লেখার ধরন যত না মারাত্মক, তার চেয়ে তার শ্রোগ্রামটা ঢের ঢের বেশী মারাত্মক। ইহুদি জাতটাকে নিশ্চিহ্ন করতে হবে, ফ্রাঙ্ক দেশটাকে ওঁড়িয়ে দিতে হবে এবং সর্বশেষে রাশার বৃহদংশ দখল কবে সেখানকার চাষাভুষোদের রীতিমতো গোলাম বানিয়ে, যাকে বলে স্লেভ লেবার, জৰ্মনদের জন্য

ফোকটে দেদার দেদার রুটি মাখন আশা বেকন লুট করতে হবে। সেও না হয় বুঝি, এই বিরাট দুনিয়ার কত না তরো-বেতরো শুশা-গ্যাংগস্টার হয়—অতি অবশ্য আমার ধর্মবুদ্ধি এতে একদম সায় দেয় না, কিন্তু যে করাল বিভীষিকা আমি চোখের সামনে দেখছি সেটা এই যে, হিটলারের এই শয়তানী স্বপ্ন সফল তো হবেই না, মাঝখান থেকে লক্ষ লক্ষ জর্মনি যুদ্ধে মারা যাবে, তাবৎ জর্মনি দেশটা চূর্ণবিচূর্ণ হয়ে যাবে এই যে—’

আমি বাধা দিয়ে বললুম, ‘ব্রাদার কার্ল, এসবের অধিকাংশ ভোট পাবার জন্য শোলিটিকালে প্রোপাগান্ডা। আমাদের রাজা ইংরেজ বলে, তাদের খেদমৎ করলে খুব শীগগিরই আমরা সবাই রাজা হয়ে যাবো, কংগ্রেস বলে, ইংরেজকে তাড়িয়ে দিলে আমরা রাজা না, মহারাজা হয়ে যাবো। আমি অবশ্য জিনিসটা বড্ড ক্রুড ভাষায় বলছি। কম্যুনিষ্টরা বলে—’

হঠাৎ লক্ষ্য করলুম, কার্লের মুখের উপর দিয়ে যেন একটা উড়ো মেঘের ছায়া পড়ে মিলিয়ে গেল। আমি শুখালুম, ‘কার্ল, তুমি কি কম্যুনিষ্ট?’

‘এককালে ছিলুম। বছর দুই হল পার্টি মেম্বারশিপ রিজাইন দিয়েছি। ঐ সময় থেকে চাঁদাও আর দিইনি।’

‘কেন?’

‘সে কথা আরেক দিন হবে।’

গোটা ১৯৩১টা আসন্ন পরীক্ষা নিয়ে আমি এমনই ব্যস্ত ছিলাম যে, ড্যুসল্ডর্ফ যেতে পারিনি। এমন কি ১৯৩১-এর বড়দিনটাতেও ফুরসত করে উঠতে পারলুম না।

১৯৩২ পরীক্ষা পাস করে জর্মনি ত্যাগ করার পূর্বে একদিনের তরে ড্যুসল্ডর্ফ গেলুম হবস্টাব পরিবারের কাছ থেকে বিদায় নেবার জন্য। আমার কপাল মন্দ, কার্ল শহরে ছিল না। বড় বিষণ্ণ ভাবাক্রান্ত মন নিয়ে, বন হয়ে ইতালিতে এসে জাহাজ ধরলুম।

১৯৩২ কেটে গেল। পাউলের চিঠিপত্র পাই।

১৯৩৩-এর জানুয়ারি মাসে হিটলার জর্মনির চ্যামেলর বা কর্ণধার হলেন।

তার দু’মাস পরে পাউলের একখানা অতি ক্ষুদ্র চিঠি পড়ে আমি স্তম্ভিত। কার্লকে জর্মনির ‘গোপন পুলিশ’ অ্যারেস্ট করে নিয়ে গিয়ে নির্জন কারাবাসে রেখেছে। বেল পাওয়ার কোনোই আশা নেই। তার বিরুদ্ধে গোপন বা প্রকাশ্য কোনো আদালতে যে মকদ্দমা উঠবে তাব সম্ভাবনাও অতিশয় ক্ষীণ।

॥ ১৫ ॥

১৯৩২-১৯৩৩ খ্রীস্টাব্দে দেশে ফেরার পর ৩৩-এর সম্পূর্ণ বছরটি কাটাই দেশের ছোট শহরে মায়ের সঙ্গে। সুদীর্ঘ, প্রায় তিন বৎসরের পর ফের মায়ের কাছে ফিরে এসেছি। এর পূর্বেও, অর্থাৎ ১৯২১ থেকে ১৯২৯ পর্যন্ত আমি মায়ের কাছে এসেছি পুঞ্জো আর গরমের ছুটিতে, মাত্র কয়েক দিনের, কয়েক সপ্তাহের জন্য। আমি পেয়েছি মায়ের সঙ্গ-সুখ, মাও পেয়েছে আমার সঙ্গ-সুখ—ফের আমাকে দেশ ছাড়তে হবে, সেই আসন্ন বিচ্ছেদের তীক্ষ্ণ তলওয়ার সূক্ষ্ম একটি চূলে বুলছে অবশ্য অহরহ মায়ের মাথার ওপর।

কে বেশী আনন্দ পেয়েছিল সেটির মীমাংসা আমি নিজে করবার হক ধরি নে। আমার পাঠক-পাঠিকাদের মধ্যে যেসব মাতা ও সন্তান আছেন তাঁদের হাতেই শেষ রায়ের জিম্মাদারী ছেড়ে দিলুম। আর যেসব সন্তানের মা তাঁদের অল্পবয়সে স্বর্গলোক চলে গেছেন সেসব দুঃখীদের কথা আমি মোটেই ভাবতে চাই নে।

আমি জানি আমার যে-সব পাঠিকা মা, তাঁরা আমাকে একটা মুর্খ ধরে নিয়ে (এবং সে 'ধরে নেওয়াটা'ব বিরুদ্ধে সূচ্যগ্র পরিমাণ আপত্তি মুহূর্তেক তরে তুলবো না, কারণ আমার পিঠপিঠ দাদা এখনো আমাকে নিত্যনিয়ত অকাট্য যুক্তিপ্রমাণসহ 'পদ্মভূষণে'র পরিবর্তে 'গণ্ডমূর্খ' 'অলিম্পিক ইডিয়েট' খেতাব দেয়) বলবেন, 'অতি অবশ্যই মাতা পুত্রের সঙ্গ-সুখ পুত্রের তুলনায় বহু গুণে, বহু উৎকর্ষে বহুতর আনন্দ-ঘন চরমা তৃপ্তি পরমারাম পায়। শুধু তাই নয়, পুত্রের জন্যও সে সঙ্গে সঙ্গে এক মহামিলনের মহানন্দময় মহোৎসবের সৃষ্টি করে—কারণ মা তার স্বভাবজনিত নিঃস্বার্থপরায়ণতায় চায়, সন্তানও যেন তারই মতো—এমন কি তারও বেশী পরিপূর্ণানন্দ লাভ করে। কিন্তু সন্তান কি সেটা পারে? পুত্র যুবা। সে চায়, মায়ের ভালোবাসার বাইরেও অনেক কিছু—স্বাতি, প্রতিপত্তি, অর্থবৈভব; তদুপবি সে কামনা করে অন্য রমণীর যৌবন-মদিরাভরা প্রণয়—এও কি তখন সম্ভবে, যে, সে তখন শিশুকালে যে রকম একাগ্রচিত্তে বাহ্যজ্ঞানশূন্য হয়ে মাতৃস্তন শোষণ করেছিল আজও সেই বকম তার মাতৃস্নেহসিক্ত সঙ্গস্বজাত আনন্দযজ্ঞ থেকে সেই প্রকারেই একাগ্রচিত্তে বাহ্যজ্ঞানশূন্য প্রতিটি মধুকণার সৌরভঘন আনন্দরস নিঃশেষে শোষণ করবে? সেই শিশু জন্মলাভের পরই মায়ের বামস্তন ওষ্ঠাধর দ্বারা অবিরত নিষ্পিষ্ট করে মাতৃদেহের শেষ রক্তবিন্দু লুপ্তন করে নিয়েছে, তার বামহস্ত মাতার দক্ষিণ স্তনের উপর রেখে সেই ক্ষুদ্র হস্তাঙ্গুলির কোমল পরশ ছুঁইয়ে আরও দুঃখ আরও অমৃতের আহ্বান জানাচ্ছে।

ইতিমধ্যে মধ্যে মধ্যে তার অতি হ্রস্ব, অতিশয় স্ফীত বাম পদ দিয়ে মাতার দেহে মধুর মধুর পদাঘাত করছে।

সুশীল পাঠক! তুমি হয়তো ভাবছো, আমি যশোদানন্দন শ্রীশ্রীবালকৃষ্ণের কাব্যচ্ছন্দে বাঁধা মাতৃদুঃখ পান এতশত যুগ পরে কেন গদ্যময় নিরস ভাষায় পুনরায় পরিবেশন করছি! (কিন্তু আমি জানি, প্রকৃত বৈষ্ণব জন বিশেষ করে আমার মুরকী শ্রীযুত হরেকৃষ্ণ, আমার এ অনধিকার চর্চা অবহেলে এবং সন্নেহে ক্ষমা করবেন।) নিবেদন, আমার বিশেষ উদ্দেশ্য আছে।

এই যে আমি আমার মাকে অনেকখানি হতাশ-নিরাশ কবলুম (অবশ্য সব মা-ই সেটা মাফ করে দেয়), তার তুলনায় আমার মা কি করলে?

আমার বয়স যখন চৌত্রিশ তখন আমার মা ১৯৩৮ সালে আমাকে ছেড়ে ওপারে চলে গেল। সেই বিচ্ছেদের পর আমি আরও চৌত্রিশ বৎসর ধরে এ সংসারে সেই স্নায়ের বিরহযন্ত্রণা কতখানি নিতে পারি, তারই চেষ্টা করছি।

এইবারে আমি পূর্বোন্নিখিত উদ্দেশ্য খুলে বলছি—

ষে-মা আমার ছ'মাস এক বৎসর এবং সর্বাধিক, পৌনে তিন বৎসরের বিচ্ছেদ সহিতে পারতো না বলে দিনে দিনে ফরিয়াদ করতো, সে-ই মা-ই আমার জন্য রেখে গেল চৌত্রিশ বৎসরের বিচ্ছেদ বেদনা।

করজোড়ে স্বীকার করছি আমার মা আমাকে যতখানি ভালোবেসেছিল তার তুলনায় আমার ভালোবাসা নগণ্য। কিন্তু মাকে দিয়েছিলুম মাত্র পৌনে তিন বৎসরের বেদনা। তার বদলে মা আমাকে দিলে চৌত্রিশ বৎসরের বিরহ। আমি কোনো ফরিয়াদ, কোনো নালিশ করছি নে। আমরা আমরা মায়ের পূতাত্মা তাঁর পদপ্রান্তে নিয়ে মাকে তাঁর বহু দুঃখ বহু বিরহযন্ত্রণা থেকে শাশ্বত নিষ্কৃতি দিয়ে তাঁকে সবনিশ্চয়ীত চরমানন্দ দিয়েছেন।

স্পর্শকাতরতাহীন পাঠক শুধোবেন, কার্লের কথা কও। তোমার মায়ের কথা এখানে টেনে আনছো কেন?

কার্লকে জেলে নিয়ে যায় ১৯৩৩-এর বসন্তে। তারপর এল ইস্টারের পরব। ঐ সময় আমি পাউলের সঙ্গে প্রতি বছর ড্যুসল্ডর্ফ গিয়ে সপরিবারে কার্ল এবং পাউল পরিবারের সঙ্গে পরব পালন করতুম। ঐ সময়ে প্রভু যীশু ক্রুশবিদ্ধ হন এবং সপ্তাহান্তে তিনি পুনরুত্থান করেন।

১৯৩২-এর পরবের সময় আমি দেশে। কার্ল পাউল আমাকে রঙিন কার্ড পাঠায়; সঙ্গে দীর্ঘ আবোল-তাবোল-ভরা নানা প্রকারের কেছা-কাহিনী।

১৯৩৩, কার্ল জেলে। কিন্তু মানুষ কি অসম্ভবের আশা ত্যাগ করতে পারে? আমার ছিল দুরাশা, হয়তো হিটলার-রাজ এই সময়ে একটা মহানুভব ব্যত্যয় করে কার্লকে চিঠি লিখতে দেবে।

না। এমন কি পাউলও চিঠি লেখেনি। শুধু কার্ল পাউলের পিতা আমাকে একটি পিকচার কার্ড পাঠিয়েছে। তার উপরে বৃদ্ধ পিতার কম্পিত হস্তে, কোনোগতিকে লেখা আমার প্রতি আশীর্বচন।

ইতিমধ্যে প্রতি সপ্তাহে প্রতি চিঠিতে বার বার পাউলকে শুধোই (তখন অ্যারমেল হয়নি), ‘কার্লের খবর কি? কার্লের খবর জানাও।’

পাউল উত্তরে আমার মূল প্রশ্ন এড়িয়ে যায়। তার বাপ মা, কার্লের বউ বাচ্চা সব্বকে অনেক-কিছু লেখে।

তারপর একটা চিঠিতে লিখলো, ‘ড্যুসল্ডর্ফের জেলে সুপারিনটেনডেন্ট আমাকে এক পাশে টেনে নিয়ে নিভুতে বলেছে, আমি যেন আমার দাদার অভখানি তত্ত্বতাবাশ না করি। নইলে আমাকেও তারা জেলে পুরতে বাধ্য হবে। আমি তাকে দেখতে যাচ্ছি।’

তখনো নাৎসি পার্টি পরবর্তী যুগের চরমতম পৈশাচিক বর্বরতায় পৌঁছয়নি। তাই জেলের কর্তা পাউলকে এই সহানুভূতির উপদেশ দিয়েছিল।

এ-চিঠি পেয়ে আমি দুর্ভাবনায় কাতর হয়ে পড়লুম।

তারপর দু’মাস ধবে, পূর্ণ দু’মাস ধরে পাউল সম্পূর্ণ নীরব। আমার কি অবস্থা সেটা বোঝাই কি প্রকারে?

আমার মা আমার মনমরা ভাব বেশ লক্ষ্য করেছে। একদিন শুধোলে, ‘হ্যাঁরে, তোর কি হয়েছে? বিদেশি চিঠি পেলেই তুই শুয়ে পড়িস কেন?’

আমি সব কথা খুলে বললুম।

কার্লের মাও মা, আমার মাও মা।

আমার মা বললে, সে কার্লের জন্যে দোওয়া মেণ্ডে তার জন্য নকল নমাজ পড়বে।

ততদিনে বড়দিন এসে গেছে। বড়দিন শেষ হল।

কিন্তু পাউল কিংবা তার বাপ-মা কারও কোনো চিঠি নেই।

ফেব্রুয়ারির গোড়ার দিকে পাউলের চিঠি এল।

সংক্ষেপে লিখেছে :

‘ক্রিসমাসের সন্ধ্যায় দাদা আত্মহত্যা করেছে। কোনো এক সদাশয় জেলগার্ড দাদাকে এক প্যাকেট সিগারেট দেয়—গোপনে। দেশলাই পুড়িয়ে পুড়িয়ে সিগারেটের খোলে সে লিখে গিয়েছে, “মাকে সাফ্বনা দিয়ো।” গার্ডটিই আমাকে সেটা পৌঁছিয়ে দেয়।’

চিঠি যখন পড়ছি আমার মা তখন সম্মুখে ছিল। শুধোল, ‘হ্যাঁরে, কি খবর পেলি? তোর বন্ধু ভালো আছে তো?’

আমি সত্য গোপন করিনি।

মা দুঃহাত দিয়ে মুখ ঢেকে নেমাজের ঘরের দিকে চলে গেল।

॥ ১৬ ॥

কার্ল-এর কথা শেষ হয়েছে। তথাপি বিবেচনা করি কোনো কোনো সহানুভূতিশীল তথা কৌতূহলী পাঠক-পাঠিকা জানতে চাইবেন যে কি-সব দুর্দৈব কোন সব নিপীড়নের ভিতর দিয়ে যেতে যেতে একদিন কারাগারের পাষণপ্রাচীর ভেদ করে কার্লের কাছে দিব্য-জ্যোতি উদ্ভাসিত হল যে এ-জীবন নিরর্থক; কিংবা হয়তো কোনো কোনো মনস্তত্ত্ববিদ বিজ্ঞানসম্মত মীমাংসা প্রকাশ করে বলবেন, কার্ল অংশত মতিচ্ছন্ন অবস্থায় স্বচ্ছায় এ-সংসার থেকে বিদায় নেয়—কার্ল সম্পূর্ণ সুস্থাবস্থায় কি কখনো তার সে মায়ের কাছে চিরবিদায় নিতে পারতো, যে-মাকে সে এতখানি প্রাণঢালা সোহাগ করতো, তার জায়া তার শিশুকন্যাকে সে প্রাণাধিক ভালোবাসত? কবি বলেছেন—

‘কেন রে এই দুয়ারটুকু পার হতে সংশয়?’

এরই কাছাকাছি একটি অনুভূতি প্রকাশ করেছেন, কার্লেরই সমগোত্রীয় হিটলার-বিরোধী এক শহীদ। ইনি জর্মনিতে কার্লের মতো অজানা অচেনা নন। উলরিব ফন হাসেল ছিলেন ইতালিতে জর্মন রাজ্যের মহামান্য রাষ্ট্রদূত। বিদগ্ধ পণ্ডিতরূপে তিনি ইংলন্ড থেকে বুলগেরিয়া, রুম্যানিয়া পর্যন্ত সুপরিচিত ছিলেন এবং বহুদেশে বহু পণ্ডিতমণ্ডলীর আমন্ত্রণে বহু জ্ঞানগর্ভ ভাষণ দেন। হিটলারের প্রকৃত স্বরূপ সম্বন্ধে স্থিরনিশ্চয় হওয়া মাত্রই তিনি সেই সম্মানিত রাষ্ট্রদূতের পদত্যাগ করেন। ১৯৪৪ খ্রীস্টাব্দে হিটলারকে নিধন করার যে ষড়যন্ত্র নিষ্ফল হয় তারই সঙ্গে সংশ্লিষ্ট থাকার দরুন সেপ্টেম্বর মাসে তিনি মৃত্যুদণ্ডে মণ্ডিত হন। অর্থাৎ কার্লের আত্মহত্যার এগারো বৎসর পর।

ফন হাসেল কিন্তু এক হিসাবে কার্লের চেয়ে সৌভাগ্যবান ছিলেন। নির্জন কারাগারে তিনি কাগজ-কলম পেয়েছিলেন বলে তিনি তাঁর ‘আত্মচিন্তা’-র কিছুটা লিখে যাবাব সুযোগ পান।

সেই ‘আত্মচিন্তা’ পাণ্ডুলিপিব মার্জিনে আসন্ন মৃত্যু অনিবার্য জেনে তিনি মাত্র তিনটি ছন্দে গাঁথা ছন্দে মৃত্যু সম্বন্ধে তাঁর আশাভরা অনুভূতি প্রকাশ করেন :

‘তুমি আমাদের পথ দেখিয়ে নিয়ে যেতে পারো মৃত্যুদ্বার দিয়ে
আমরা তখন যেন স্বপ্ন-সম্মোহিত
এবং অকস্মাৎ আমাদের করে দিলে মুক্ত।’^১

১ অধুনা অনেকেই জর্মন লিখছেন, তাই মূল পাঠ তুলে লিখুম,—

“Du kannst uns durch des Todes Nueren
Traumend fuehren
Und machest uns Uns auf einmal frei”

সেই রবীন্দ্রনাথের 'এই দুয়ারটুকু'। এটি 'পার হতে' কার্ল, ফন্ হাসেল কারও কোনো সংশয় ছিল না।

১৯৩৩-এর বড়দিনে কার্ল ওপারে চলে যায়।

১৯৬৪-এর গ্রীষ্মে আমি অপ্রত্যাশিতভাবে ফের জন্মনি যাই।

বন শহরের আমার এক প্রাক্তন অধ্যাপকের সঙ্গে বাস করছি। পাউলকে চিঠি লিখলুম। সে জানালে, ইতিমধ্যে তার মা কার্লের সান্নিধ্যে চলে গিয়েছেন। তার বাপ পেনশন পেয়েছেন। পাউল লিখেছে, 'না পেলেই ভালো হত; বুড়ো একটা কিছু নিয়ে থাকতে পারতো। এখন সে তার জাগ্রতাবস্থার অধিকাংশ সময় কাটায় রান্নাঘরের সেই ভাঙা কোচটার উপর যেখানে বসে বসে মাকে সঙ্গ দিত; পূর্বেরই মতো—কিন্তু এখন একা একা, এবং প্রায় সমস্ত দিনরাত্রি—আগে অন্তত ন'ঘণ্টাটাক আপিসে কাজকর্ম করতো। আর সমস্তক্ষণ আগেরই মতো সিগার ফাঁকে। তবে আগে ফুঁকতো তামাম দিনে গোটা ছয় মোলায়েম সিগার। এখন গোটা আঠারো এবং এ-দেশের সবচেয়ে কড়া সিগার। আমি অনুবোধ করতে মাসি এসেছে। মাসি মায়েবই মতো ভালো রীধতে পারে। আগে বাবাই সে-কথা বার বার স্বীকার করেছে। এখন শুধু খুঁত-খুঁত করে।' লক্ষ্য করলুম, পূর্বের প্রথামতো পাউল যথারীতি আমাকে ড্যাস্‌ল্‌ডর্ফ যাবার নিমন্ত্রণ জানায়নি।

বেদনা পাওয়ার কথা ছিল; আমি পেলুম শান্তি স্বস্তি।

পাউল বন-শহরে এসে আমাদের ছাত্রাবস্থাব পাব-এ রাঁদেভু স্থির করল।

কুশল আলিঙ্গনাদির পর পূর্বের প্রথামতো সে আধ লিটার বিয়ার অর্ডার দিয়ে গেলাসটার দিকে অনেকক্ষণ ধরে স্থির দৃষ্টিতে তাকিয়ে রইল। শেষটায় এক চুমুকে আধ গেলাস শেষ কবে বললে, 'কীই বা তোকে বলি, যা তুই শুনতে চাস।' কার্ল ধরা পড়ার এক মাস পর এল ঈস্টার পরব। কর্মে তার বিশেষ মতিগতি ছিল না কিন্তু ধর্মের পরব, লৌকিকতা নিয়ে সে হই-হুম্মোড় করতে বড় ভালবাসতো। নানা রঙের কাগজে ডিম মুড়ে সেগুলোকে চিত্র-বিচিত্র করা থেকে শুরু করে, নিত্যন্ত বাচ্চাদের মতো সেগুলোকে কল্পনাভীত অদ্ভুত অদ্ভুত জায়গায় লুকনো, তারপর আমাদের সবাইকে নিয়ে বিকট চিত্কার লাফলাফি দাপাদাপি কবে সেগুলো খোঁজা, তাব বউ যেগুলো লুকিয়েছিল সেগুলো খুঁজে পাওয়াতে রেড্-ইন্ডিয়ান স্টাইলে তাব তাগুব-নৃত্য, তার উৎকট উদ্‌দাম জয়োল্লাস—এসব কথা সে নিশ্চয়ই জেলে বসে বসে ভেবেছিল।

আমার চোখে জল এল। বললুম, 'পাউল, তোর মনে আছে '৩২-এর পরবে কার্ল তোর মারফত আমাকে এক ডজন বন্ডিন ডিম পাঠিয়েছিল?'

পাউল মাথা নেড়ে সায় জানিয়ে বললে, 'তুই তো সর্ব ধর্ম নিয়ে নাড়াচাড়া করিস—তোর অজানা নয়, অনেক ক্যাথলিক ঈস্টারকে বড়দিনের চেয়ে বেশী সম্মান দেয়। ঐ সময় প্রভু যীশু মৃত্যুবরণ করার সময়েও তাঁর নিপীড়নকারীদের ক্ষমা করে যান। এই ঈস্টার সপ্তাহটি ক্ষমা, দয়া, মৈত্রীর সপ্তাহ। আমার সর্ব নৈরাশ্য তখন দুরাশা দিয়ে চেপে ধরে ঈস্টার ফ্রাইডে থেকে ঈস্টার মানডে অবধি চার দিন রোজ গিয়েছি জেলখানায়, যদি এই ক্ষমাদয়ার সপ্তাহে ওরা একটু নরম হয়। মাকে না জানিয়ে।' পাউল থামলো।

আমি বললুম, 'বুঝেছি, তুই বলে যা। আমি দেশে থাকতে সব শুনতে চেয়েছিলুম। এখন আর না। তুই সংক্ষেপে সার।'

পাউল বললে, 'তার দু'মাস পরে এল তার মেয়ের নামকরণ দিবস।'

কার্ল ঐদিনই করতো তার বাড়ির সবচেয়ে জব্বর পরব। মেয়েকে সাজাতো শুভ্রাতিশুভ্র সাদা রেশমী জামা-কাপড়ে আর হল্যান্ড থেকে কেনা সূক্ষ্মাতিসূক্ষ্ম লেস ঝালরে।

কার্ল জেলে। হয়তো ভাবছে মা কি করে বাচ্চাটিকে সাঙ্ঘনা দিচ্ছে যে আজ সেরকম পরব হচ্ছে না কেন?

তার পর এল কার্লের বাৎসরিক বিবাহোৎসব।

এ সব কটা পরব পড়ে এপ্রিল থেকে ডিসেম্বর মাসে। শুধু তার বউ আর আমাদের মা'র নামকরণ দিবস পড়ে জানুয়ারি থেকে মার্চে।

এ সব কটা দিনে কার্ল কারাগারে কী বেদনা অনুভব করেছিল তার খানিকটা কল্পনা আমি করতে পারি। আর সেই দরদী গার্ড আমাকে তার শেষ মেসেজ দিয়েছিল সে আমাকে কিছুটা বলেছিল। কার্ল নাকি তাকে তার পরিবারের প্রতি পর্বদিন ওকে ঐ সম্বন্ধে একটু-আধটু বলতো।

তার পর বড়দিন এল। সে আর যে সইতে পারলো না, সে কথা তোকে তো চিঠিতে লিখেছিলুম।'

তার দু'একদিন পর আমি একটু সুযোগ পেয়ে পাউলকে শুধালুম, 'আচ্ছা পাউল, কার্ল তো হিটলার জন্মদিন সর্ব্বেশ্বর হওয়ার দু'বৎসর পূর্বে পার্টি ছেড়ে দেয় চাঁদা বন্ধ করে! তবে ওকে ধরলো কেন?'

পাউল ক্ষণমাত্র চিন্তা না করে বললে, 'কিন্তু পার্টি কি ছাড়ে (আমাদের ভাবায় কমলী নহী ছোড়তী)? কার্ল ছিল পার্টির সবচেয়ে সেরা যুক্তিতর্কসিদ্ধ মেম্বার এবং উত্তম বক্তা। হিটলার ফুরয়ার হওয়ার পর যে-সব মাতব্বর কম্যুনিষ্টদের গ্রেফতার করা হয় তাদের প্রায় সকলেরই মোটবুকে কার্লের নাম ঠিকানা পাওয়া গেল। আমি ওদের দোষ দিই নে; কিন্তু নাৎসিরা স্বভাবতই ধরে নিল এ-রকম একজন সর্ব কম্যুনিষ্ট-মান্য লোককে বন্ধ করে রাখাই সেফার।'

পাঠক হয় তো শুধোবেন 'কত না অশ্রদ্ধ'—এ আমি কার্লের শেষ চিঠিকে যথাযথ মূল্য দিয়ে গোড়ার দিকেই ছাপালুম না কেন? কিন্তু যেখানে আমি অত্যাৎকৃষ্ট শেষ বিদায়ের চিঠিশুলো অনুবাদ করছি, সেখানে মাকে সাঙ্ঘনা জানিয়ে তিনটি মাত্র শব্দ, সেগুলোর কী অধিকার ওদের সঙ্গে সমাসনে বসার?

১ ক্যাথলিকরা জন্মদিন পালন করে না। ঠাট্টা করে বলে, শ্যাল কুকুবেরও তো জন্মদিন আছে। তারা পালন করে যে সন্তের নামে বাচ্চাব নাম দেওয়া হয়েছে (যেমন পাউল, মাৰিয়া—মেৰি, ইত্যাদি) তাঁব সেন্ট পদবি প্রাপ্তির দিন। এটাকে বলে, নামেশটাখ।

আন্ ফ্রাঙ্ক

অনেকেই জিজ্ঞেস করেন, নাৎসি পার্টির কি কোন গুণ ছিল না, তারা কি সুদুর্মাত্র পাপাচারই করেছে? এর উত্তরে একটি ক্ল্যাসিক্যাল নীতিবাক্য-সম্বলিত ছোট কাহিনী মনে আসে। এক দরিদ্র গ্রাম্য পাদ্রী গিয়েছেন শহরে—বিশপের সঙ্গে দেখা করতে, সকালবেলা বিশপ তাঁর চেহারা দেখেই বুঝে গেলেন, বেচারির পেটে তখনো কিছু পড়েনি। বাটলারকে হুকুম দিলে সে রুটি মাখন আর একটি ডিম-সেদ্ধ নিয়ে এল। পাদ্রী মৃদু আপত্তি জানিয়ে খেতে আরম্ভ করলে হঠাৎ বিশপের নাকে গেল পচা ডিমের গন্ধ। চশমার উপব দিকে অর্ধোন্মুক্ত পচা ডিম ও পাদ্রীর দিকে যুগপৎ তাকিয়ে গম্ভীর কণ্ঠে বললেন, ‘আই অ্যাম অ্যাক্লেড, আপনাকে একটা পচা ডিম দিয়েছে!’ পাদ্রী সাহেব তাড়াতাড়ি প্রতিবাদ করে বললেন, ‘না হুজুর না, ইট্ ইজ অলরাইট—’ তারপর একটু থেমে বললেন, ‘—অ্যাট প্লেসেস্’—অর্থাৎ কোনো কোনো জায়গায়।

তাই ‘পাদ্রী সাহেবের ডিম’ বলতে বোঝায়, পৃথিবীতে কি এমন কোনো পচা ডিম পাওয়া যাবে, যার সর্বশেষ অণুটুকুও পচে গিয়েছে? তেমন করে খুঁজলে অসম্ভব দু-একটি পবমাণু পাওয়া যাবে, যেগুলো সম্পূর্ণ পচে যায়নি।

নির্গলিতার্থ : ইহভুবনে এমন কোনো ব্যক্তি, বস্তু, প্রতিষ্ঠান পাওয়া যাবে না যার ভিতর ‘নেই কোনো গুণ, শুধু কপালে আগুন’।

বস্তুত হিটলার তথা নাৎসি পার্টির অনেক গুণই ছিল এবং আমার ব্যক্তিগত বিশ্বাস, গত বিশ্বযুদ্ধে পরাজিত শ্মশান-মশানে পরিণত জমনি যে বছর পাঁচেকের ভিতর আপন পায়ে দাঁড়াতে পারলো, তার জন্য কিছুটা ধন্যবাদ পাবেন হিটলার ও তাঁর নাৎসি পার্টি। সঙ্ঘবদ্ধ হয়ে কঠোর তপস্যা দ্বারা কি প্রকাবে একটা নেডেলে দেশকে (১৯৩৩-এর জমনি) মাত্র পাঁচটি বৎসরের ভিতর পরিপূর্ণ শক্তিমান বিস্তবান করা যায় (১৯৩৮-এব জমনি) সেই ভানুমতীর খেল দেখিয়েছিলেন স্বয়ং হিটলার। সেই সঙ্ঘবদ্ধ তপস্যালব্ধ চরিত্রবল বহুলাংশে প্রয়োগ করে যুদ্ধশেষের বিধবৎসিত-জমনি পুনরায় শ্রী-সমৃদ্ধি লাভ করে।

কিন্তু সঙ্গে সঙ্গে এ কথাও ভুললে চলবে না, নাৎসিরা পঞ্চাশ লক্ষ ইহুদীকে নিহত করে।

আবাব তারপর এটা ভুলে গেলে আরও একটা মারাত্মক ভ্রম করা হবে যে, হিটলারের দৃষ্টান্ত থেকে বিশ্বমানবের মোক্ষম শিক্ষালাভ হয়ে গিয়েছে এবং ভবিষ্যতে এর পুনরাবৃত্তি হবে না। বস্তুত ন্যুরনবের্গের মোকদ্দমাব সময় যে-সেরা মার্কিন মনঃসমীক্ষণবিদ, ডাক্তার কেলি প্রধান প্রধান আসামী গ্যোরিঙ, বিবেনট্রেপ, কাইটেল ইত্যাদির মনঃসমীক্ষণ (সাইকো-অ্যানালিসিস) দীর্ঘকাল ধরে করেন, হিটলার সম্বন্ধে নানা দ্ব্যর্থহীন তত্ত্ব ও তথ্য ঐদের কাছ থেকে সংগ্রহ করেন (আসামীদের সকলেই হিটলারকে বহু বৎসর ধরে অব্যবহিত অন্তরঙ্গভাবে চিনতেন) এই ডাক্তার কেলি আপন ‘সোনার দেশ’, ইহলোকে ‘গণতন্ত্রের সর্বশ্রেষ্ঠ প্রতিভূ’ মার্কিল মুল্লুকে ফিরে গিয়ে প্রামাণিক পুস্তক মারফত বলেন, এই মার্কিন মুল্লুকেই যে-কোনো দিন এক নয়া-হিটলার নয়া-তাণ্ডব নৃত্য নাচাতে পাবে, নাচতে পারে।

কেলি তাঁর পুস্তক প্রকাশ করেন সম্ভবত ১৯৪৭-৪৮-এ। তারপর দীর্ঘ একুশ বৎসর পরে, খবরের কাগজে পড়লুম, এক গণ্যমান্য মার্কিন অধ্যাপক অস্ট্রেলিয়াতে বক্তৃতা প্রসঙ্গে বলেন, (কাটিং রাখিনি, মোদ্দাটা সাদামাটা ভাষায় বলছি) এখনো বিস্তার হিটলার রয়েছে; তারা সুযোগ পেলেই আবার মাথা চাড়া দিয়ে উঠবে।

এই মোক্ষম হক্ক বাক্যটি আমরা যেন কখনো না ভুলি।

অনেকেই জিজ্ঞেস করেন, হিটলার কি শুধু ইহুদী এবং তাঁর জর্মন-বৈরীদেরই (যেমন আমার সখা কার্ল, তথা কবীর-সখা টুটংসু জলৎস) নির্যাতন কবেছেন? দুঃখের সঙ্গে স্বীকার করতে হচ্ছে, শুধু তাই নয়। পোলিশ, চেকস্লোভাক-বুদ্ধিজীবী, যুদ্ধে বন্দী রাশান অফিসার আরও বহুবিধ লোক তাঁর দীর্ঘ হস্ত থেকে নিষ্কৃতি পায়নি। এমন কি কয়েক হাজার নিতান্ত নিরীহ বেদের পালও কনসানট্রেশন ক্যাম্প, গ্যাস-চেম্বারে প্রাণ দেয়; কি এক অজ্ঞাত অখ্যাত ককেশাস না কোন্ এক অঞ্চলে ধৃত এক অতিশয় ক্ষুদ্র উপজাতি নিয়ে প্রশ্ন ওঠে, তারা স্লাভ না 'আর্য' ? জর্মন তথা বিশ্বের সর্ব বিশ্বকোষ এদের সম্বন্ধে কোনো খবর দেয় না। শেষটায় হিটলারের খাস-প্যারা হিমলার-চিগ্রগুপ্ত—যিনি কনসানট্রেশন-নরকের কার্ড ইনডেকসিং-এর চীফ সেক্রেটারি—তিনি রায় দিলেন, আত্মায় মালুম কোন্ দলিলদস্তাবেজ 'বিদ্যাবুদ্ধি'র উপর নির্ভর করে—যে, এরা স্লাভ, অর্থাৎ নাৎসি-'ধর্মানুযায়ী', বেকসুর বধ্য। ওরা মরে, যুদ্ধশেষে তাবৎ খবর পাওয়ার পর বিশ্বপণ্ডিতরা নাকি ফতোয়া দিয়েছেন এবা আর্যদেরই কোন্ এক নাম-না জানা উপজাতি। এবং কেউ কেউ বলেন, এই উপজাতি সমূলে নির্বংশ হয়েছে, কেউ কেউ বলেন, না, দু-একটা উটকো হেথা-হোথা বেঁচে আছে এবং বংশরক্ষার জন্য বধু খুঁজে বেড়াচ্ছে। আমি সঠিক জানি নে।

কিন্তু এ বিষয়ে কোনো সন্দেহ নেই যে ইহুদীরাই—সুদ্ধমাত্র ইহুদী পরিবারে জন্ম নেবার 'অপরাধ'-এর ফলেই—প্রাণ দিয়ে খেসারত দেয় সর্বাধিক।

এ বাবদে অন্যতম উৎকৃষ্ট দলিল সৌভাগ্যক্রমে বাংলা ভাষাতেই উৎকৃষ্টরূপে অনুদিত হয়েছে। একটি তেরো-চৌদ্দ বছরের ইহুদী মেয়ের ডাইরি বা রোজনাংমচা। যুদ্ধের সময় লেখা। বাংলাতে বইখানির নাম 'আন ফ্রাঙ্কের ডায়ারি', অনুবাদক শ্রীঅরুণকুমার সরকার ও শ্রীঅংশুকুমার চট্টোপাধ্যায়। আমি মেয়েটির বোজনাংমচা থেকে কিছুটা তুলে দিচ্ছি, পরে সুযোগ পেলে সবিস্তার আলোচনা হবে। ডাইরিকে উদ্দেশ্য করে মেয়েটি লিখে—

'শুক্রবার, ৯ই অক্টোবর, ১৯৪২

আজ তোমাকে কেবল খারাপ খবর শোনাবো। আমাদের ইহুদী বন্ধুদের দলে দলে ধরে নিয়ে যাওয়া হচ্ছে। এইসব হতভাগ্য ইহুদীদের সাথে গেস্টাপো পুলিশ যে কি নির্দয় ব্যবহার করছে, তা তুমি কল্পনাও করতে পারবে না। এদের গরু-ছাগলের পাঁড়িতে বোঝাই করে ড্রেন্টের (Drente) ওয়েস্টারবার্ক (Westerbark) বন্দিশালায় নিয়ে যাওয়া হচ্ছে। ওয়েস্টারবার্কের নাম শুনলেই গায়ে কাঁটা দিয়ে ওঠে। একশো লোকের জন্য মাত্র একটি হাত-মুখ ধোবার কল। পায়খানা নেই বললেই চলে। স্ত্রী, পুরুষ ও শিশুদের একই জায়গায় শোবার ব্যবস্থা। এর ফলে, ব্যাপকভাবে নরনারীর চরিত্রস্বলন হচ্ছে। বহুসংখ্যক স্ত্রীলোক, এমন কি অল্পবয়সী মেয়েরাও গর্ভবতী হয়ে পড়ছে।

বন্দিশালা থেকে পালানো অসম্ভব। বন্দিশালার অধিবাসীর মার্কা হিসাবে এদের সকলের মাথা ন্যাড়া করে দেওয়া হয়েছে। খাস হল্যান্ডেই যখন এই অবস্থা তখন দূরদেশে স্থানান্তরিত করে এদের উপর যে কি অমানুষিক অত্যাচার করা হচ্ছে, তা সহজেই কল্পনা করা যায়। আমাদের বিশ্বাস যে, তাদের অধিকাংশকে হত্যা করা হচ্ছে। ব্রিটিশ রেডিও থেকে বলা হচ্ছে যে, তাদের গ্যাস দিয়ে মারা হচ্ছে।

বোধ করি, এইটাই হত্যা করার সব চেয়ে সহজ পন্থা। আমি ভীষণ ভয় পেয়ে গেছি। মিরেপের মুখে এইসব ভয়ঙ্কর গল্প শোনবার সময় আমার রক্ত হিম হয়ে যাচ্ছিল, অথচ না শুনেও পারছিলাম না।

সম্প্রতি একজন বৃদ্ধা স্ত্রীলোক তার বাড়ির দরজার সামনে বসেছিল। হঠাৎ পুলিশের গাড়ি তার বাড়ির সামনে এসে থামল, আর গাড়ি থেকে গেস্টাপো পুলিশ নেমে তাকে হুকুম করল, ‘গাড়িতে উঠে এসো’। পঙ্গু হতভাগিনী চলতে পারে না, কোনো রকমে হামাগুড়ি দিয়ে গাড়িতে উঠতে গিয়ে চাকার তলায় পড়ে গেল। জার্মানরা তার উপর দিয়ে গাড়ি চালিয়ে তাকে পিষে মেরে ফেলল।

জার্মানদের আর এক রকম অত্যাচারের নাম হল প্রতিশোধমূলক হত্যা। ব্যাপারটা এই রকম—নিরীহ নাগরিকদের জামিনস্বরূপ জেলে পুবে রাখা হয়। যখনই হল্যান্ডের কোথাও জার্মানদের বিরুদ্ধে কোন কার্যকলাপ অনুষ্ঠিত হয়, তখনই তার প্রতিশোধস্বরূপ, নির্দিষ্ট সংখ্যক লোককে জেল থেকে বের করে গুলি করা হয়। তারপর তাদের মৃত্যু-সংবাদ কাগজে ছাপানো হয়। এই হল হিটলারতন্ত্রের আসল রূপ। এরা আবার নিজেদের আর্থ বলে গর্ব করে!

তোমারই আন’

ভরা ডুবি (আন ফ্রাঙ্ক)

আজকালের মধ্যেই তো ৬ই জুন। শুধু ইয়োরোপের না, বিশ্বের ইতিহাসেও এটি একটি অবিস্মরণীয় দিন। আজ থেকে পঁচিশ বৎসর পূর্বে ঐ দিন হাজার হাজার লক্ষ লক্ষ সৈন্যে জাহাজ ভর্তি করে ফ্রান্সেব নরমাদি উপকূলে মার্কিন-ইংরেজ অবতরণ করে। এরকম বিবাত নৌবহর নিয়ে এ আকারের একটা অভিযান পৃথিবীর ইতিহাসে ইতিপূর্বে হয়েছে বলে আমার জানা নেই। সারা বিশ্বে এটা ‘ডী ডে’ নামে পরিচিত এবং সুদূরমাত্র কূলে অবতরণের ঐ একটি দিবস নিয়েই এত কেতাব লেখা হয়েছে যে একটা মানুষ দশ বছরেও সেগুলো পড়ে শেষ করতে পারবে না। এবং নূতন নূতন বই লেখা হচ্ছে। এব বুঝি শেষ নেই। তাই বোধ হয় এটাকে ‘দীর্ঘতম দিবসও’ বলা হয়, যদিপি জ্যোতিষ অনুযায়ী এটি দীর্ঘতম দিবস নয়।

ফিন্সও হয়েছে। তারই বদৌলত যাদের যুদ্ধ বাবদে কৌতূহল সীমাবদ্ধ তাঁরাও অনেকখানি ওয়াকিফ-হাল হয়ে গিয়েছেন। যদিপি ফিন্সটি বড়ই একপেশে ও অসম্পূর্ণ। কিন্তু সুশীল পাঠক তোমাকে অভয় দিচ্ছি, আমি এ কাহিনীর পুনবাবৃষ্টি করবো না—যে সব মহারথীরা এ বিষয়ে বিবাত বিবাত ভলুম ভলুম কেতাব লিখেছেন পার্কার শীফার মঁ ব্লাঁ ফাউনটেন পেন দিয়ে তার সঙ্গে পাল্লা দেবে আমার ভোঁতা কণ্ঠের কলম!

আমার বর্তমান উদ্দেশ্য ভিন্ন।

ঐ ১৯৪৪ সালের মার্কিনিংরেজ অভিযানের প্রায় দেড়-দুই বৎসর পূর্বের দিকেই সারা ইয়োরোপময়—এমন কি প্রাচ্যেও—জন্মনা-কন্মনা হচ্ছিল ওরা জমিনিকে ছড়ো দেবার জন্য ইংলিশ চ্যানেল ক্রস করে জর্মনি নির্মিত আটলানটিক উয়ালে হানা দেবে কবে, কোন্ জায়গায়? এই জন্মনা-কন্মনা সর্বাপেক্ষা উৎকর্ষ আকর্ষ আগ্রহে, আশা-নিরাশায় দোদুল্যমান ইয়োরোপের সর্বত্র লুকায়িত কিংবা কনসানট্রেশন ক্যাম্পে বন্দী ইহুদীরাই ছিল প্রধানতম।

আন্ ফ্রাঙ্ক তার ডাইরিতে মার্চ মাসে অর্থাৎ ‘ডী ডে’র তিন মাস পূর্বে লিখেছে : ‘সেটা ছিল রবিবার, রাত্রি ন’টা। উইনস্টন চার্চিল সেদিন বেতার বক্তৃতা দিয়েছিলেন—সে বক্তৃতার মধ্যে সত্যিকারের আশার আলো দেখতে পেয়েছিলাম। তার মধ্যে মিথ্যা বাগাড়ম্বর ছিল না—ছিল হিটলার-নিপীড়িত অগণিত নরনারীর প্রতি আশ্বাসের বাণী। সেই সময়টা মনে হয়েছিল যে আমাদের এই গোপন-আবাসে আমরা অসহায় ও নিঃসঙ্গ নই। এক বিশাল দুনিয়া জুড়ে আমাদের উদ্ধার করবার জন্য তোড়জোড় চলছে।’

কিন্তু আন্ সরলা হলেও এ বাবদে রীতিমতো বুদ্ধিমতী। ঐ গোপন আবাসে যে আটটি প্রাণী প্রতিদিন জন্মনা-কন্মনা করছে তার নীর সরিয়ে স্কীরটুকু সযত্নে সংগ্রহ করে তার ডাইরিতে লিখে রাখছে, এদের ভিতর বয়সে যে সবচেয়ে ছোট, সেই আন্। আর খাসা রসিয়ে রসিয়ে—

একজন হয়তো বললে, কয়েকদিনের মধ্যেই দ্বিতীয় রণাঙ্গন খোলা হবে, সঙ্গে সঙ্গে অপরজন সবজ্ঞাত্তার মতো বলল, তা কি হবে? ইংলিশ চ্যানেল পার হয়ে আক্রমণ করা কি এত সোজা! আবার একজন বললে, ‘একবার ফ্রাঙ্কে নামতে পারলে, এক মাসের মধ্যে বার্লিন পৌছে যাবে।’ আর একজন রণবিশারদ বলে উঠলেন, ‘এক বৎসরের কম কিছুতেই বার্লিন পৌছতে পাববে না।’ আন্-এর অভিমত দিয়ে এ-অনুচ্ছেদ শেষ কববেছে। এবং এর কথা আখেরে ফলেছিল। ‘ডী ডে’ হয় ৬ই জুন; এর এগারো মাস পরে ৮ই মে জর্মনি বিনাশর্তে আত্মসমর্পণ করবে। যীহা বাহন্ন, তাঁহা তিগ্নান্ন, ইংরিজিতে নাকি সিক্‌সেস্ অ্যান্ড সেভেনস্, ফার্সীতে শশ্ (ষষ্ঠ) ও পনজ্ (পঞ্চ) বলে—অবশ্য অল্প ভিন্নার্থে। মোদ্দা : এগারো মাস যা, বারো মাস তা।

কিন্তু এইমাত্র বলেছি, আন্ সূচতুরা বালা।

কারণ যদ্যপি সে বলেছে, এক বিশাল দুনিয়া জুড়ে আমাদের উদ্ধার করবার জন্য তোড়জোড় চলছে, তথাপি সে অন্তরে অন্তরে জানে মার্কিনিংরেজ বাবুরা নিছক খয়রাতি কর্ম করার জন্য, দু-হাতে চ্যারিটেবল হসপিটাল ছড়াতে ছড়াতে ‘ডী ডে’-তে ফ্রাঙ্কে নামবেন না। তাই ঐ দিবসের একমাস পূর্বে লিখেছে, ‘আমাদের এখানে সকলেই এখন আশা করছে যে মিত্রপক্ষের (অর্থাৎ মার্কিনিংরেজ) অভিযান খুব তাড়াতাড়ি সঙ্গ্রহ হবে, কারণ রাশিয়া সমস্ত ইউরোপ দখল করে নেবে, এ তারা কিছুতেই হতে দেবে না।’

অতিশয় হক্ কথা। আন ঐ বয়সেই বাবুদের ‘সচ্চরিব্রে’র কিছুটা চিনে গিয়েছে, নিছক ঈশ্বরপ্রসাদাৎ! আমরা ইংরেজকে বিলক্ষণ চিনি, চোখের জলে নাকের জলে হাড়ে হাড়ে।

কিন্তু মুক্তি পাবার আশা উৎকর্ষা উদ্বেজনীর মাঝখানেও দেখুন, এই কুমারীটি কি রকম শান্তভাবে উভয় পক্ষের দায়িত্ব ওজন করে দেখছে। ‘ডী ডে’র ঠিক এক পক্ষ পূর্বে

সে লিখছে : ‘আশা এবং উৎকর্ষা চরমে পৌছে গেছে। কেন এখনো আক্রমণ হচ্ছে না, ইংরেজরা কেন এত দেরি করছে, তারা কি কেবল তাদের নিজের দেশের জন্য লড়ছে, হল্যান্ডের প্রতি কি তাদের কোনো দায়িত্ব নেই? কিন্তু ইংরেজদের আমাদের প্রতি কী বা দায়িত্ব আছে? আমরা আমাদের নিজেদের মুক্তির জন্য কতটুকু চেষ্টা করেছি? জর্মন অধিকৃত দেশগুলোর মধ্যে কবার কটা বিদ্রোহ হয়েছে? নিজের মুক্তি নিজেরই অর্জন করতে হয়—অন্য দেশের কি মাথাব্যথা পড়েছে যে কেবলমাত্র আমাদের উদ্ধার করবার জন্যে সৈন্যসামন্ত পাঠাবে? আক্রমণ একদিন হবেই, কিন্তু তা আমরা চাইছি বলে নয়, ইংরেজ এবং আমেরিকার নিজেদের স্বার্থে।’

এই চরম দ্বন্দ্বের মাঝখানে মেয়েটির ভগবানে বিশ্বাস, অস্তিম সত্যের সর্বজয় সম্বন্ধে নিঃসন্দেহ প্রত্যয় এবং সর্বোপরি তমসাচ্ছন্ন পাশ্চাত্ত্যে নবীন উষার উদয়, নবীন জীবনের অভ্যুদয় সম্বন্ধে এ বালাটির পরিপূর্ণ আশাবাদ—তার পরিচয় আমার এই ক্ষুদ্র নিবন্ধে কিছুতেই প্রকাশ পাবে না।

তবু মাঝে মাঝে মেয়েটি কিন্তু ভেঙে পড়তো।

একদিন লিখছে, ‘প্রিয় কিটি, এক নিদারুণ হতাশা এবং অবসাদ আমায় আচ্ছন্ন করে ফেলেছে। এখন মনে হচ্ছে যে এ যুদ্ধ বৃষ্টি আর কখনও শেষ হবে না। যুদ্ধ মিটে যাওয়া যেন বহু দূরের রূপকথার রাজ্যের ব্যাপার বলে এখন মনে হচ্ছে।’ তার দেড় মাস পরে বলছে, ‘আবার আমার অবস্থা ভেঙে পড়বার মতো হয়েছে। এই গোপন আবাসে এখন সবই বিষাদময়।...হয় মুক্তি, নয় মৃত্যু—দুটোর যে-কোনো একটা তাড়াতাড়ি ঘটুক। ভগবান এই আতঙ্ক আর উৎকর্ষা থেকে আমাদের রেহাই দাও।

তোমারই আন’

কিন্তু এর মাত্র এগারো দিন পরেই—

কী আনন্দ, কী আনন্দ, কী আনন্দ,

দিবারাত্রি নাচে মুক্তি নাচে বন্ধ—

তাতা থৈথৈ তাতা থৈথৈ তাতা থৈথৈ ॥

‘মঙ্গলবার, ৬ই জুন, ১৯৪৪ (অর্থাৎ ডী ডে—লেখক)

প্রিয় কিটি,

আজ একটি অবিশ্বরণীয় দিন। অবশেষে দ্বিতীয় রণাঙ্গণ খোলা হল। ফরাসী উপকূলের বিভিন্ন জায়গায় মিত্রপক্ষের সৈন্যাদল অবতরণ করছে।...

জর্মনির খবরেও স্বীকার করা হয়েছে যে ফরাসী উপকূলে ব্রিটিশ প্যাভাণ্ডট বাহিনী অবতরণ করেছে।...

আমাদের গোপন আবাস চঞ্চল হয়ে উঠেছে। সেই বহু প্রতীক্ষিত মুক্তি যা এতদিন আমাদের কাছে ছিল সুদূর স্বপ্নরাজ্যের কাহিনীর মতো, তা কি সত্যিই আমাদের কাছে এল? সত্যিই কি ১৯৪৪ সালের মধ্যে বিজয়লাভ করব?

হতাশার অঙ্ককাব ছিন্ন করে আবার আশার আলোক জেগেছে।’

কিন্তু পাঠক, এর পর দিনের পর দিন, মিত্রশক্তি যেমন যেমন ফ্রান্স জয় করে এগিয়ে আসতে লাগলো, আর আন সোম্মাসে তার ডাইরিভে সেগুলো লিপিবদ্ধ করলো তার উদ্ধৃতি আমি দেব না। আপনারা ডাইরিখানা পড়ে দেখবেন। সে প্রতিদিন আশা করছে

মিত্রশক্তি হল্যান্ড জয় করে তাদের মুক্তিদান করবে। এবং এইটুকু বলবো, এ-যুদ্ধের শেষাঙ্ক সম্বন্ধে যে-সব বই লেখা হয়েছে তার মধ্যে আন্ ফ্রাঙ্কের ডাইরি সর্বপ্রথম সর্বপ্রধান পর্যায়ে পড়ে।

কিন্তু হায়! হায়! শেষরক্ষা হল না।

২১ জুলাই আন্ বেতারে শুনলো, হিটলাবকে হত্যার চেষ্টা করা হয়েছিল, আর হিটলার হন্যে হয়ে দোষী-নির্দোষী হাজার হাজার জার্মানকে ফাঁসী দিচ্ছেন। আন্ লিখছে, 'এই রকম করে হতভাগারা যদি নিজেরা মারামারি করে মরে, তাহলে ইংরেজ-আমেরিকা আর রুশদের কাজটা খুব সহজ হয়ে যায়। আমাকে কি বড় খুশী মনে হচ্ছে? সত্যি, আমি যে আনন্দ চেপে রাখতে পারছি না। কেবলই মনে হচ্ছে এই অক্টোবর মাসেই আবার পুরোনো বন্ধুদের সঙ্গে দেখা হবে।

একে তুমি আকাশ-কুসুম কল্পনা বলছ? বার্লিনের দিকে ধাবমান সৈন্যদের পদধ্বনি বলছে, না, এ আকাশ-কুসুম নয়। এ সুনিশ্চিত ভবিষ্যৎ।'

কিন্তু হায়, পাড়ে এসে ভরাডুবি হল। এর কয়েকদিন পরেই জার্মান পুলিশ আন্দের গুপ্তাবাস আবিষ্কার করে সবাইকে গ্রেপ্তার করে কনসানট্রেশন ক্যাম্প পাঠাল। তারপব কি হয়েছিল সেটা, কঠোর পাঠক, দয়া করে আমাকে পুনরাবৃত্তি করার হুকুম দিয়ে না।

আন্ ফ্রাঙ্ক সম্বন্ধে আমার হয়তো আরও অধিক কিছু লেখাটা বাড়াবাড়ি হয়ে যাবে। কারণ ইতিমধ্যেই হাতে-কলমে সপ্রমাণ হয়ে গিয়েছে যে, একাধিক দরদী পাঠক-পাঠিকার দৃষ্টি আন্-এর প্রতি আকৃষ্ট হয়েছে। শুধু তাই নয়, এ বাবদে আমাব মতো নগণ্য লেখক একজন প্রখ্যাত বাঙালী লেখকের সহায় একখানি চিঠি পেয়েছে। তিনি লিখেছেন -

সম্প্রতি এর্নাকুলাম থেকে একটি মহিলা (ইনি আমাব '—' এর মালাযালাম অনুবাদ প্রকাশ করেছেন) জানতে চেয়েছেন—আন্ ফ্রাঙ্কেব লেখা The Diary of a Young Girl বইখানার অনুবাদ কে কবেছেন, তাঁর ঠিকানা কি এবং প্রকাশক কারা। এখানে বসে কি করে খবরটা সংগ্রহ করা যায় যখন ভাবছি, 'দেশ' পত্রিকার বর্তমান সংখ্যায় আপনাব 'পঞ্চতন্ত্রে' এ বিষয়ে অনুবাদকেব নাম পেয়ে গেলাম। এঁদের ঠিকানা কি আপনি জানেন?— ইত্যাদি।

আন্ সম্বন্ধে যখন সেই সুদূর কেবালায়ও এতখানি কৌতূহল রয়েছে তখন আমার পক্ষে হয়তো এ নিয়ে আব অত্যধিক বাগবিন্যাস করা উচিত হবে না। কিন্তু মাঝে মাঝে কোনো কোনো কাঁচা লেখক একটি বিষয়েই এমনি মজে যান যে সে দ' থেকে আর সহজে বেরতে পারেন না। আমার হয়েছে তাই। কিংবা বলতে পাবেন, 'একে তো ছিল নাচপাগলী বুড়ী, তার উপব পেল মদঙ্গের তাল।' কিংবা তারও বাড়া .

কী কল পাতাইছো তুমি

বিনা বাইন্ডে (বান্দো) নাঁচ আমি ॥

অতএব বর্দাস্তশীল পাঠকের সামনে আন্-এর আবও একটু সামান্য পরিচয় নিবেদন করি।

আন্-এর রসিকতাবোধ ছিল অসাধারণ। তার তেরো বৎসর বয়সে ক্লাস টিচাব আদেশ দিয়েছেন 'বাচালতা' সম্বন্ধে রচনা লিখতে। আন্-এর 'বাচালতা'র শাস্তিবকপ।

‘ফাউন্টেন পেনের ডগা কামড়াতে কামড়াতে ভাবতে লাগলাম—কি লেখা যায় ? হঠাৎ আমার মাথায় খেলে গেল, বরাদ্দ তিন পাতা লিখে ফেলে আমি নিশ্চিত্ত বোধ করলাম। আমার যুক্তি হল, বক বক করা নারীজাতির বৈশিষ্ট্য। যদিও বাচালতাকে সংযত করার চেষ্টা করা উচিত, তবুও এই দোষ থেকে আমার একেবারে মুক্ত হওয়া উচিত হবে না, কারণ আমার মা, আমারই মতো এবং সময় সময় আমার চেয়েও বেশী কথা বলেন। সূত্রাং উত্তরাধিকারসূত্রে প্রাপ্ত স্বভাবধর্ম কি করে ত্যাগ করতে পারি ? আমার যুক্তি শুনে মিঃ কেপ্টরকে (শিক্ষককে) হাসতে হল।’

আমরাও হাসছি। কিন্তু আন্-এর শেষ দুর্গতির কথা স্মরণে আছ বলে চোখের জলের ফাঁকে ফাঁকে। সেই প্রাচীন দিনের এক হতভাগ্যের গান,

‘I am dancing with tears in my eyes’

সবেমাত্র চৌদ্দ বছর পূর্ণ হওয়ার সময় আন্ তাদেরই সঙ্গে লুক্কায়িত একটি ইহুদি ছোকবার প্রেমে পড়ে। তখন লিখছে—আমি। নটে-হেঁটে সংক্ষেপে উদ্ধৃত করছি।

‘রবিবার ১৬ই এপ্রিল, ১৯৪৪

প্রিয় কিটি,

কালকের দিনটা আমার জীবনে এক স্মরণীয় দিন। প্রথম চূষন। প্রত্যেক মেয়ের জীবনেই এক স্মরণীয় ঘটনা এবং সেই জন্যই কালকের দিনটা আমার চিরকাল মনে থাকবে। কাল সন্ধ্যাবেলা পিটারের ঘরে আমবা দু’জনা টোকির ওপর বসেছিলাম। খানিকক্ষণ পরে ও আমার কাঁধের উপর হাত রাখল। আমিও ওর কোমর জড়িয়ে ধরলাম। ও তখন আমাকে আরও নিবিড়ভাবে জড়িয়ে ধরল। এর আগেও আমরা অনেকবার এই রকম পবস্পরকে জড়িয়ে ধরে বসেছি, কিন্তু এবার আমাদের সান্নিধ্য অনেক নিবিড় ও উষ্ণ। আমার বুকের ভিতর টিপটিপ কবছিল। . ঐ সময় আমার যে কি আনন্দ হচ্ছিল, তা লিখে বোঝাতে পারব না... তার পরের মুহূর্তগুলো আমার ঠিক মনে নেই। নিচেব দিকে যাবার জন্য যখন পা বাড়িয়েছি, ও তখন হঠাৎ আমায় চেপে ধরে আমার কপালে, গালে, গলায় এবং বুকে বাব বাব চুমু খেতে লাগল। আমি কোনো বকমে ওব হাত ছাড়িয়ে ছুটে নিচে পালিয়ে এলাম।

আজকে আবার ঐ মুহূর্তগুলির জন্য প্রতীক্ষা কবছি।

তোমারই আন্।’

ছেলেটির বয়স তখন মাত্র সাড়ে সতেবো। মনে হচ্ছে, এটি নিষ্পাপ কিশোর-কিশোরীর প্রথম প্রণয়।

এব পূর্বে আন্ অতিশয় সবলতার সঙ্গে বর্ণনা করেছে তার ‘দেহের বহির্ভাগে বিস্ময়কর যা ঘটেছে’, কিন্তু বলছে . ‘দেহের অভ্যন্তরে যা ঘটেছে তা আরও রহস্যঘন বিস্ময়। ইতিমধ্যে আমি তিন বার ঋতুমতী হয়েছি।... এখন আমার মনের মধ্যে অদ্ভুত সব কামনা জাগছে। কোনো কোনো দিন বাস্তিরে বিছানায় শুয়ে নিজেব স্তন দুটোকে নিয়ে নাড়াচাড়া কবতে আমার ভীষণ ইচ্ছে হয়। এ বক্ষের ছন্দোময় স্পন্দন শোনবাব জন্য আমি কান পেতে থাকি।...’

এস্থলে উদ্ধৃতিটি অসম্পূর্ণ রেখে বলি, ধন্য ধন্য কবীন্দ্র রবীন্দ্র। তিনি কী করে জানলেন বালিকা যখন কিশোবী হয় তখন তাব দেহানুভূতি হৃদয়ানুভূতি!

‘ওগো তুমি পঞ্চদশী,

পৌছিলে পূর্ণিমাতে ।

মুদুম্বিত স্বপ্নের আভাস তব বিহুল রাতে ॥

কচিৎ জাগরিত বিহঙ্গকাকলী

তব নবযৌবনে উঠিছে আকুলি ক্ষণে ক্ষণে ।

প্রথম আবাড়ের কেতকীসৌরভ তব নিজ্রাতে ॥

যেন অরণ্যমর্মর

গুঞ্জরি উঠে তব বক্ষে ধরধর ।

অকারণ বেদনার ছায়া ঘনায় মনের দিগন্তে,

ছলো ছলো জল এনে দেয় তব নয়নপাতে ॥’

এই যে “যেন অরণ্যমর্মর/গুঞ্জরি উঠে তব বক্ষে ধরধর” ঠিক সেই অনুভূতিই তো আনু প্রকাশ করছে যখন সে বলছে ‘এ বক্ষের ছন্দোময় স্পন্দন শোনবার জন্য আমি কান পেতে থাকি।’

ততোধিক আশ্চর্য, ঠিক ঐ সময়েই প্রেমবোধের সঙ্গে সঙ্গে তার ধর্মবোধও জাগ্রত হয়েছে। তার দয়িত পিটারের কথা ভাবতে ভাবতে বলছে,

‘এর উপর আরও বিপদ, ও ধর্ম ও ভগবান মানে। ধর্ম মানুষের এক বিরাত অবলম্বন—স্বর্গীয় বিধানের উপর ক’জন লোক পরিপূর্ণ বিশ্বাস রাখতে পাবে ?

(রবীন্দ্রনাথের ‘আমার গুরুর আসন কাছে/সুবোধ ছেলে ক’জন আছে?’—লেখক) কিন্তু যারা পারে, তারা সত্যিই সুখী। আর নিজের বিবেক যখন ধর্মের বিধানের সঙ্গে যোগ বেয়ে যায় তখন যে শক্তি ও আনন্দ পাওয়া যায়, তাব তুলনা নেই।’

এ-অধম স্তম্ভিত । ‘ধর্মের বিধানে’র সঙ্গে যে প্রায়ই বিবেকের দ্বন্দ্ব লাগে সেটা সে ঐ অতি অল্প বয়সে হৃদয়ঙ্গম করলো কী করে!

বিগত কয়েক শতাব্দী ধরে ইয়োরোপীয় ইহুদিদের অন্যতম কেন্দ্রভূমি ছিল রাইন নদীর পারের ফ্রাঙ্কফুর্ট শহর। এরই এক পরিবারে আনু ফ্রাঙ্কের জন্ম ১২ই জুন ১৯২৯-এ^১। ১৯৩৩-এ হিটলার গদিনশীন হলে পর আনু-এর পিতা সপরিবার হল্যান্ডেব আমস্টের্ডাম চলে যান। (আইনস্টাইনও ঐ বৎসরে আমেরিকা যান)।

স্বয়ং আনু লিখছেন (তখন তাঁর বয়স তেরো): ‘আমাদের অন্যান্য আত্মীয়-স্বজন, যাঁরা জর্মনিতে রয়ে গেলেন তাঁরা নাৎসিদের হাতে নানাভাবে লাঞ্চিত হতে লাগলেন। তখন আমার দু’মামা আমেরিকায় পালিয়ে গেলেন। তাঁদের জন্য আমরা সর্বদাই উদ্বিগ্ন থাকতাম। ১৯৩৮ সালে যখন ইহুদিদের বিরুদ্ধে দাঙ্গা লাগানো শুরু হল, তখন আমার বুড়ী দিদিমা আমাদের কাছে চলে এলেন। তাঁর বয়স ৭৩।’

১ আনু তিন-তিনবাব তাঁর ডাইবিতে লিখেছেন তাঁর জন্মদিন ১২ জুন। অথচ প্রমাণিক জর্মনি বিশ্বকোষ ড্যাব গ্রসে ব্রহ্মাউস (১৯৫৮, অ্যাংগল-সুংসবানট, পৃ ১৫৭) লিখেন ১৪ই জুন। জর্মনি-প্রবাসী কোনো বঙ্গসন্তান যদি অনুসন্ধান করে পাকা খবর জানান তবে উপকৃত হই। তবে কি ইহুদি ক্যালেন্ডারের সঙ্গে চালু ক্যালেন্ডারের কোনো ফেরফার আছে?

১৯৪০-এর মে মাস থেকে আরম্ভ হল হল্যান্ডবাসী তাবৎ ইহুদিদের বিপর্যয়। হিটলার হল্যান্ড দখল করে এমন সব আইন পাস করলেন যাতে করে ইহুদিদের জীবন বিভীষিকাময় হয়ে উঠলো।

হিটলার হল্যান্ড বিজয়ের দুই বৎসর পরও আন্ লিখছেন :

‘হাজার রকম বিধিনিষেধের মধ্যে দিয়ে আমাদের জীবন কাটতে লাগল। আমাদের স্বাধীনতা বলতে কিছুই রইল না। তবু তখন অবস্থাটা একেবারে অসহ্য হয় নি।’

বেচারী আন্—আন্ কেন, কজন ঐ ১৯৪২-এ জানতো যে হিটলার ১৯৩৯ সালেই মনস্থির করে গোপনে হুকুম দিয়েছেন, নির্যাতন উৎপীড়ন দিয়ে আরম্ভ করে শেষটায় ইহুদিদের সবংশে ও সমূলে নিধন করতে হবে। বিশেষ করে হল্যান্ড দেশটিতে যেন একটি ইহুদিও জীবন্ত না থাকে।

কিন্তু আন্-এর পিতা বুঝতে পেরেছিলেন যে দুর্দিন ঘনিয়ে আসছে। ৫ই জুলাই ১৯৪২ সালে আন্ লিখেছেন,

‘একদিন বাবার সঙ্গে পার্কে বেড়াচ্ছিলাম, বাবা হঠাৎ আমাকে বললেন, “শোন আন্, এখন যত পারো আনন্দ করে নাও, কেন না খুব তাড়াতাড়ি আমাদের এখন থেকে চলে গিয়ে কোনো নতুন জায়গায় লুকোতে হবে।” আমি অবাক হয়ে বললাম, “কেন বাবা, এখন থেকে কোথায় যাব? লুকোতেই বা হবে কেন?” তিনি বললেন, “জার্মনরা এসে আমাদের ধরবাব আগেই আমরা লুকিয়ে পড়ব।” ব্যাপারটা তখন ভাল করে বুঝতে পাবলাম না, কিন্তু একটা অস্পষ্ট বিষাদে মনটা আচ্ছন্ন হয়ে গেল।

এর পাঁচ-সাত দিন পরই ফ্রাঙ্ক পরিবারকে তাঁদের বাসস্থান ছেড়ে পালিয়ে গিয়ে শহরের অন্যপ্রান্তে চারতলার পিছনের দিকে গুটিকয়েক কুঠুরিতে গোপন আশ্রয় নিতে হল। এদের সঙ্গে সঙ্গে আরেকটি ইহুদি পরিবারও আশ্রয় নেয়। সবসুদ্ধ আটটি প্রাণী। প্রায় দুই বৎসর এখানে লুকিয়ে থাকার পর এদের সকলেই ধরা পড়ে। এর পরের কাহিনী অত্যন্ত মর্মস্বন্দ।

এই দুই বৎসর ধরে আন্ তাঁর ডাইরিটি লিখে যান। যখন ডাইরিটিতে লিখতে আরম্ভ করেন তখন তাঁর বয়স তেরো, যখন ধরা পড়েন তখন তাঁর বয়স পনেরো বৎসর। ষোল পূর্ণ হওয়ার পূর্বেই আন্ জার্মন কনসানট্রেশন ক্যাম্প টাইফাস জ্বরে অসহ্য যন্ত্রণায় ভুগে মাঝা যান। তাঁর আঠেরো বছবেব দিদি মারগট (মারগারেট)-এরও টাইফাস হয়েছিল এবং ক্যাম্পের একই কামবায় রোগ-যন্ত্রণায় ছুটফুট করতে করতে উপরের বাক থেকে পড়ে গিয়ে মাঝা যান। ঐ একই সময়ে এঁদের মা-ও ক্যাম্পে মারা যান। তখন তাঁর বয়স পঁয়তাল্লিশের মতো। পরিবারের মাত্র একজন, পিতা অটো দৈববলে আবলীলাক্রমে বেঁচে যান।

এই ডাইরিখানার বৈশিষ্ট্য কি?

যুদ্ধশেষে মোটামুটি ১৯৪৯ সালে ডাইরিখানা ডাচ ভাষায় প্রথম প্রকাশিত হয়। ১৯৫০ সালে বইখানি জার্মানে অনুদিত হওয়ার সঙ্গে সঙ্গেই ইয়োরোপ আমেরিকাতে প্রচুরতম খ্যাতিলাভ করে। কয়েক বছরের ভিতরই বইখানা ন্যূনাধিক ত্রিশ-চল্লিশটি ভাষায় অনুদিত হয়। অনবদ্য বাংলা অনুবাদ করেছেন শ্রীঅরুণ সরকার ও শ্রীঅংশুকুমার চট্টোপাধ্যায়।

ইতিমধ্যে ডাইরিটি অবলম্বন করে যে নাটকটি রচিত হয়—সেই জার্মান বিশ্বকোষের ভাষায়—বিশ্বের সর্বমঞ্চে অভিনীত হয়েছে (মুবার ডী ব্যুনেন ড্যার ভেল্ট)। ফিল্ম জগতের সঙ্গে আমার সম্পর্ক কম, তবে শুনেছি এর ফিল্ম নাকি এদেশেও এসেছিল।

ভাবতে আশ্চর্য বোধ হয়, চোন্দ-পনেরো বছরের মেয়ের লেখা একটি রোজনামচা কী করে এতখানি খ্যাতি অর্জন করলো। এ যেন সেই ‘বালকবীরের বেশে তুমি করলে বিশ্বজয়, এ কী গো বিস্ময়!’

বইখানা যতবার পড়ি ততবার মনে হয় এর পাতার পর পাতা তুলে দিয়ে ‘কত না অশ্রদ্ধল’ পর্যায়ে সমাপ্তি টানি। কিন্তু স্পষ্টত দেখা যাচ্ছে সেটা সম্ভবপর নয়। তবে আন্-এর কিছুটা ব্যক্তিগত পরিচয় দেবার জন্য অত্যন্ত তুলে দিচ্ছি। কিন্তু তার পূর্বে তুলে দি আন্ কিভাবে রোজনামচা লেখা শুরু করেন।

শনিবার, ২০ জুন ১৯৪২ (জার্মান কর্তৃক হল্যান্ড দখলের দুই বৎসর পরে—লেখক)

‘আমার ডায়েরি লেখার খেয়াল একটু অদ্ভুত। আমার বয়সী কোনো মেয়ে ডাইরি লেখে বলে তো আমি শুনিনি। আর তেরো বছরের মেয়ের মনের কথা জানবার কারই বা মাথাব্যথা পড়েছে? কিন্তু তবুও আমি লিখছি। আমার মনের গহনে যে সব ভাব রয়েছে, সেগুলোকে আমি প্রকাশ করতে চাই।

একটি প্রবাদ আছে : “মানুষের থেকে কাগজ অনেক বেশী সহিষ্ণু”। একদিন নিরানন্দ আলস্যের মধ্যে গালে হাত দিয়ে যখন ভাবছিলাম, কি করে সময় কাটানো যায়, সেই সময় এই কথাটা আমার মনে এল।

এখন আমার সত্যিকারের বন্ধু কেউ নেই।’

এরপর আন্ বলছেন তাঁর বাপ, মা, বোন এবং প্রায় ত্রিশজন বন্ধু আছেন। এবং আমার নিজের অভিজ্ঞতা থেকে বলতে পারি, ইহদিরা আসলে প্রাচ্যদেশীয় বলে আমাদেরই মতো ‘গুপ্তিসুখ’ অনুভব করতে খুবই ভালোবাসে।

তবু আন্ বলেছেন, ‘কিন্তু তবু আমি নিঃসঙ্গ। সুতরাং এই নিঃসঙ্গতা কাটাবাব জন্যে আমি এই ডাইরি লিখছি; কিন্তু এই ডাইরি আমি চিঠির আকারে লিখব। আমি এক কাল্পনিক বন্ধু ঠিক কবেছি—তার নাম কিটি (ইংবেজিতেও কিটি, ক্যাংবীন—লেখক), আমার এই ডাইরি কিটিকে লেখা চিঠির আকারে লিপিবদ্ধ হবে।’

পাঠকের মনে এস্থলে প্রশ্ন উঠতে পারে, আন্ কি জানতেন তাঁর এ বোজনামচা একদিন প্রকাশিত হবে?

আন্কেই বলতে দিন:

‘বুধবার ২৯শে মার্চ, ১৯৪৪

প্রিয় কিটি,

বলকেস্টাইন নামে একজন মন্ত্রী লন্ডন থেকে একদিন বেতাব-বন্ধুতা দিচ্ছিলেন। তাঁর বন্ধুতার বিষয় ছিল—হল্যান্ডের যুদ্ধোত্তর পরিস্থিতি। প্রসঙ্গক্রমে তিনি বললেন—জার্মান অধিকৃত অঞ্চলের লোকদের ডায়েরি যোগাড় করতে হবে; তা যদি হয়, তা হলে আমার এই ডায়েরির খুব কদর হবে। ভাবতে কী মজাই না লাগছে! বাস্তবিক দশ বছর পরে আমার এই ডায়েরি যদি লোক পড়ে (প্রকৃত প্রস্তাবে দশ নয়, পাঁচ বছর পরেই বিশ্বজনে এই বইখানিকে হৃদয়ে টেনে নিয়ে তার প্রভূততম ‘কদর’ দিয়েছে—লেখক) তা হলে আমরা এখানে কি অবস্থায় কাটিয়েছি, তা জেনে তারা অবাক হবে।’

এর দেড় মাস পর আন্ আবার কিটিকে জানাচ্ছেন :

‘কিন্তু জীবনের চরম লক্ষ্য সাংবাদিক ও বড় লেখিকা হওয়া— সে কথা মুহূর্তের জন্যেও ভুলি না। আমার এই অলীক আশা কোনোদিন সফল হবে কিনা, তা ভবিষ্যৎই জানে। কিন্তু আমার ডায়েরি যুদ্ধ শেষ হলে আমি ছাপিয়ে বার করব— এ সম্বন্ধে আমি নিশ্চিত।

তোমারই আন্’

বস্তুত লেখিকা হতে হলে যে কাটি গুণের প্রয়োজন আন্-এর সব কাটিই ছিল, কিন্তু বিধাতা তাঁর জন্য রেখেছিলেন অকালমৃত্যু।

জানি না, আমার দরদী পাঠক এর থেকে কোনো সান্ত্বনা পাবেন কিনা। যে আন্-এর মৃত্যুর জন্য হিটলার হিমলার দায়ী, তাদের দুজনকেই আত্মহত্যা করতে হয় আন্-এর মৃত্যুর দু’মাসের মধ্যে।

যে নাৎসি নেতা সাইস-ইন্ ক্ভারট ফ্রাঙ্ক পরিবার গ্রেফতার হওয়ার সময় হল্যান্ডের শাসনকর্তা ছিলেন তিনি প্রধানত হল্যান্ডে কৃত তাঁর কুকীর্তিব জন্য ন্যূর্নবের্গ মোকদ্দমার বিচারের পর—আন্-এর মৃত্যুর দেড় বৎসর পর—ঝোলেন ফাঁসিকাঠে। গেস্তাপো নেতা কাটলেন ব্রনারও ঐদিন একই পন্থায় ও-পাবে যান এবং তাঁর সহকর্মী আইকমানকে ফাঁসি দেয় ইচ্ছদিরা কয়েক বৎসর পরে—ইজরায়েলে।

ধন্য অবাঙালী!

ভিন্ন ভিন্ন জাত সম্বন্ধে পৃথিবীর লোক কতকগুলো ধারণা করে বসে আছে। যেমন স্কট্‌ কিপ্টে, ফরাসী দূশ্চরিত্র, জার্মান ভোঁতা, ইংবেজ অবিশ্বাসী, এমন কি প্রখ্যাত ফরাসী সাংবাদিকা মাদাম তাবুই-এর একখানা বই আছে যার শিরোনামা ‘লা পেরফিড আলবিয়ৌ’ (বিশ্বাসঘাতক ইংরেজ) দিয়ে আরম্ভ। (অবশ্য তিনি তাঁর পুস্তকে প্রমাণ করার চেষ্টা দিয়েছেন যে এ ‘কুসংস্কার’ের জন্য ইংরেজ সম্পূর্ণ দায়ী নয়, ফরাসীও অনেকখানি)।

এরকম ঢালাও ‘জাতিবিচার’ থেকে ঐ যে ধাবকর্জ দেনেওলা আমাদের নিরীহ কলকাত্তাই পাঠানও (চলতি ভাষায় কাবুলীওয়াল) মুক্ত নয়। আমাদের পার্ক সার্কাসের বাড়িতে আসতো দুই ঈদের দিনে এক পাঠান। একবার কথায় কথায় বললে, ‘আপকা কলকাত্তা শহরমে বহৎ আচ্ছা আলু, চান্না হোতা হৈ।’ আমরা তো অবাক—কলকাত্তা শহরের রাস্তার উপর যত লক্ষ লক্ষ গভীর গর্ত থাক না কেন কোনোটাতেই তো আজ অবধি আলু বা চানা ফলতে দেখিনি—সরকারের ‘অধিক ফসল ফলাও’ কান ঝালাপালা করা প্রণাগান্ডা সত্ত্বেও। পাঠান ফের বললে, ‘ঘব ঘর মেঁ।’ আমরা তো আরও সাত হাত পানীমে। শেষটায় বোঝা গেল পাঠান ‘আলু চান্না’ বলতে ‘আলোচনা’ বোঝাতে চেয়েছিল।

পাঠানের এই ঢালাও জাতিবিচার কিন্তু এস্থলে ভুল নয়। রকবাজি আড্ডাবাজিতে কলকাত্তাইয়া এখনো অলিম্পিকের গোল্ড মেডেল ধারণ করে। এই যে হালে আমরা নিউজিল্যান্ডের সঙ্গে ক্রিকেট ‘খেললুম’ ঠিক তার উঁশ্‌টাটি। ক্রিকেটের সঙ্গে তুলনা দিয়ে বলতে হলে আমাদের রক-আড্ডাবাজির টিমে আছেন চারটে রণজী, তিনটে ব্রাডম্যান,

দুটো লারউড, একটা নিসার আর গুলির জন্য ঐ একটা বসান্কে। তা সে কথা থাক। পাঠান বাস করে খাঁটি বাঙালী পাড়ায়—সাম্-বাজারে। রাস্তার পর রাস্তা পেরুতে পেরুতে সুবোশাম নিত্বি নিত্বি দু-পাশে দেখে রকের পর রক— মহাসভা, কানে যায় আলু চান্না।

কিন্তু পাঠানের দ্বিতীয় জাতবিচারটা একদম ভুল বেরলো। বললে, ‘কলকশ্তেমে বহৎ অচ্ছী ফার্সী বোলী জাতী— হর রাস্তে পর।’ বলে কী? আলু আর চানা তবু না হয় বুঝি, হয়তো বা পাঠান কলকাতার মুদীর দোকানে ঐ দুই বস্তু অত্যুত্তম সরেস জাতের পেয়েছিল। কিন্তু কলকাতার রাস্তায় রাস্তায় ‘অচ্ছী ফার্সী’ বলা হয় এটা কেমনতর? পাঠান বোঝালে, দিনে অন্তত একশ’ বার সে শুনতে পায় বহু কঠে, কিন্তু সর্বদাই অনবদ্য ফার্সী উচ্চারণে ‘ব্-তালাশে বক্রী’। এ-স্থলে বাঙালী পাঠককে বোঝাই ‘ব্’ = with এবং for (যেমন ব্ কলমে বকলমে শেখ ফিরোজ, বা ব্হাল = বহাল তবিয়ৎ, ব্মল = বমাল গ্রেফতার) ‘তালাস = তলাসী; এবং ‘বক্রী’ = ছাগল। অর্থাৎ কোনো লোক বক্রীর তলাসীতে (for বক্রী) বেরিয়েছে।

এ কি কথা! আমরা তো কখনো শুনিনি।

এমন সময় বাইরে ফেরিওয়ালার হাঁক শোনা গেল। পাঠান লম্ফ দিয়ে সোম্মাসে বললে, ‘ঐ তো বলছে ব্-তালাশে বক্রী।’

ওমা! ইয়ান্না! ও হরি! ফেরিওলা চেঁচাচ্ছে ‘বোতল আছে বিক্রি!’

তাই বলছিলুম, এস্থলে পাঠানের জাতবিচারে ভুল হয়ে গেল।

এগুলোর নিষ্পত্তি তো সহজেই হয়ে গেল কিন্তু অন্যগুলোর বেলা? যেমন মনে করুন, লোকে বলে ফ্রান্সের লোক অসচ্চরিত্র। এবং সেই সূত্রে বহু বহু চুটকিলা প্রচলিত আছে। তারই একটি :

এক ফরাসী নিমন্ত্রিত হয়েছে এক মার্কিন পরিবারে। বিস্তর হইহম্মোড়। ফবাসী সঠিক বুঝতে পারেনি পববটা কিসের। পাশে বসেছিল এক মার্কিন। তাকে কানে কানে শুধোলো, ‘ব্যাপারটা কি?’ মার্কিন বুঝিয়ে বললে, ‘ঐ যে দেখতে পাচ্ছেন বুড়ো-বুড়ী—ঐরা পঞ্চাশ বৎসর সুখে সহবাস করার পর আজ তাঁদের ‘বিবাহের সুবর্ণজয়ন্তী’ পালন করছেন। ফরাসী বললে, ‘অ বুঝেছি। ঐরা পঞ্চাশ বছর সহবাস করার পর এই এখন বিয়ে কবতে যাচ্ছেন।’ তারপর খানিকক্ষণ ঘাড় চুলকে বললো, ‘তা—তা ঐ নিয়ে এত তুলকালাম কাণ্ড কেন? আমরা তো আকছারই করে থাকি।’

পাঠানের গল্প যে-রকম ‘জাতিবিচারে’র ব্যাপারে পরখ করা গেল, এখানে তো তা করা যাচ্ছে না। তবে কি সত্যিই হুদো হুদো ফরাসী ত্রিশ-চল্লিশ-পঞ্চাশ বৎসর সহবাস করার পর বিয়ে কবে? প্রধানত জারজ সন্তানদের আইনত সন্তানরূপে স্বীকৃতি দেবার জন্যে?

কিন্তু এ বিষয়ে ফরাসীদের নিয়েই এ গল্পটা তৈরী হল কেন?

আমরা একটি সত্য ঘটনা জানি এবং সেটা অস্টিয়া দেশের ব্যাপার।

জনৈক অস্টিয়ার লোক, য়োহান গেওর্গ হিটলার যখন একটি ‘কুমারীকে বিয়ে করলেন, তখন সেই ‘কুমারী’ব একটি পাঁচ বছর বয়সের ছেলে ছিল। বিয়েব পাঁচ বছর পর ঐ মহিলার মৃত্যু হয়। সঙ্গে সঙ্গে য়োহান হিটলার অস্টিয়া থেকে অন্তর্ধান করলেন। তার সুদীর্ঘ ত্রিশ বৎসর পব তিনি আবার ফিরে এলেন মাতৃভূমিতে এবং একজন উকিল

ও দু'জন সাক্ষীর সামনে শপথ নিয়ে বললেন, তাঁর বিয়ের পাঁচ বছর পূর্বে ঐ যে সন্তান জন্মেছিল সে তাঁরই ঔরসের সন্তান।

এই লোকটিই জমনির ফুরার আডলফ হিটলারের পিতা।*

এতক্ষণ ধরে আমি শুধু পটভূমি নির্মাণ করেছিলুম। এইবারে দেখি, সেয়ানা পাঠক, তোমার পেটে এলেম কতখানি।

মার্কিনরা চাঁদে গেছে শুনে আমাদের কেন্দ্রীয় সরকারের আত্মসম্মানবোধ হুক্কার দিয়ে বললে, 'ভারতীয়েরাও যাবে।' কিন্তু শ্রীযুক্ত সত্যেন বসু এ-বাবদে উদাসীন। তাই কাগজে কাগজে বিজ্ঞাপন বেরুলো, 'চাঁদে যাবা যেতে চান তাঁরা আবেদন করুন।' কিন্তু দরখাস্ত এল। শেষ পর্যন্ত মাত্র তিনজনকে ইস্টারড্যুর জন্য ডাকা হল, একজন বাঙালী, বাকি দু'জন ভিন্ন প্রদেশের।

যে কর্তা ইস্টবড্যু নিচ্ছিলেন তিনি প্রথম ডেকে পাঠালেন বাঙালীকে। শুধোলেন, 'চাঁদে যাওয়ার জন্য কত টাকা চান?'

'পাঁচ লাখ।'

'অত কেন?'

'এজ্ঞে, বুড়ো মা বাপ রয়েছেন। বোনটির বিয়ে দিতে হবে। দুটো ছোট ভাই ইস্কুলে যায়। বিধবা পিসিও বয়েছেন। চাঁদ থেকে ফিরে না আসতে পারলে ঐ টাকাতেই তাদের চলে যাবে।

কর্তা : 'আচ্ছা, পরে জানাবো।'

তারপর ডাকা হল দ্বিতীয়জনকে। সে প্রদেশের লোক একটু ফুর্তিফর্তি করতে ভালোবাসে। বললে, 'দশ লাখ।'

কর্তা : 'অত কেন?'

'হানজী পাঁচ লক্ষ দিয়ে মদ্যপানাди, কাবারে গমন, হেঁ হেঁ—রমণীসঙ্গ ইত্যাদি ইত্যাদি। ফিবে তো নাও আসতে পারি; তাই সর্বশেষ শবটখ। বাকি পাঁচ লাখ রেখে যাবো বুড়ো মা, বাপ, অবিবাহিত ভগ্নী, দুই ভাই, বিধবা পিসির জন্য!'

কর্তা : 'আচ্ছা, পরে জানাবো।'

এরপর এলেন তৃতীয় এক প্রদেশের লোক। ইনি চাইলেন পনেবো লাখ।

কর্তা তাচ্ছব মেনে বললেন, 'অত বেশী কেন?'

সঙ্গে সঙ্গে, লোকটি ডাইনে-বাঁয়ে দরজার দিকে একবার তাকিয়ে নিয়ে টেবিলের উপর ঝুঁকে ফিসফিস কবে বললে—

'বাবুজী, পনেরো লাখের পাঁচ লাখ তো তোমার। পাঁচ লাখ আমার। আর বাকি পাঁচ লাখ দিয়ে ঐ ব্যাটা বাঙালীকে চাঁদে পাঠিয়ে দেব।'

এইবারে পাঠক, বের করো তো, দোসরা আর তেসরা ওমেদার কোন্ কোন্ প্রদেশের লোক? কিন্তু সাবধান। 'প্রকাশককে' এ-বাবদে চিঠি দেবে না। তিনি ছাপাবেন না। আমাকেও লিখবে না। আশ্মো উত্তর দেব না।

* W Shirer, Aufsteg und Fall in S. W. পৃষ্ঠা ৭।

নট গিলাটি

সর্বপ্রথম যেদিন আমার লেখা ছাপাতে বেরুলো তার কয়েক দিন পরই 'আনন্দবাজার পত্রিকা'র সম্পাদক মহাশয় আমাকে একখানি চিঠি রিডাইরেস্ট করে পাঠালেন। চিঠিখানা আমার উদ্দেশ্যে লেখা। পত্রলেখক আমার ঠিকানা জানেন না বলে সেটি সম্পাদকের C/o করে লিখেছেন। এইটাই বিচক্ষণের লক্ষণ। এবং বহু বৎসরের অভিজ্ঞতা-সঞ্চিত আমার ক্ষুদ্র বুদ্ধিবলে, যে-সব স্পর্শকাতর পাঠকপাঠিকা কারও কোনো লেখা পড়ে মুগ্ধ হন, বিরক্ত হন বা বিচলিত হন তাঁরা যেন তাঁদের মানসিক, হার্দিক প্রতিক্রিয়া সম্পাদকের মারফতে লেখকের কাছে পাঠান। এবারে বাকিটা বলছি।

প্রথম গোটাপাঁচেক চিঠি তো আমাকে অভিনন্দন জানালে। তার ধবন অবশ্য ভিন্ন ভিন্ন। কোনো কোনো পত্রলেখক আমাকে সবিনয়, সসম্মান, সশ্রদ্ধ আনন্দাভিবাদন জানালে, আর কোনো কোনো লেখক আমার পিঠ চাপড়ে মুকব্বীয়ানা মোগলাই কঠে বললেন, 'বেশ লিখেছিস ছোঁড়া, খাসা লিখেছিস। লেগে থাক্। আখেরে টু পাইস্ কামাতেও পারবি।'

দ্বিতীয় পক্ষের মুক্বীয়ানা আমাকে ঈষৎ বিরক্ত করেছিল, সে-কথা আমি অস্বীকার করবো না। কিন্তু সেটা ক্ষণতরে। কাবণ, আমি কাগজে লেখা আরম্ভ করি, বিয়ামিশ বছর বয়সে। ততদিনে বাস্তব জীবনে নানা প্রকারের চড়-চাপাটি খেয়ে খেয়ে আমার দেহে তখন দিব্য একখানা গণ্ডারের চামড়া তৈরি হয়ে গিয়েছে। বিস্তর মুক্বী এতদিন ধরে, আমার কর্মজীবনে আমার পিঠ চাপড়ে আমাকে এস্তেব সদুপদেশ দিয়েছেন। কই? আমি তো তখন চটিনি। অবশ্য এনারা উপদেশ দিয়েছিলেন বাচনিক; উপস্থিত যে-সব ঐ-জাতীয় মুক্বীয়ানার চিঠি আসছে সেগুলো 'লেখনিক'।

তাতে কী-ই বা যায় আসে!

কিন্তু আমার মনে তখন প্রশ্ন জাগলো, এ-সব তাবৎ ব্যক্তিগত চিঠির প্রত্যেকটির উত্তর আমাকে স্বহস্তে লিখতে হবে কিনা?

তা হলেই তো হয়েছে! কতখানি সময়, শক্তিক্ষয়, ডাকটিকিটের ব্যয়, কে জানে?

আমার টাইপরাইটার আছে। আমি অবশ্যই আধ ঘণ্টার ভিতর খান তিরিশেক কার্বন কপি তৈরি করতে পারি। তার বক্তব্য হবে 'Many thanks for your good wishes'

উহ্! হল না।

যাঁরা চিঠি লিখেছেন তাঁরা সাহিত্যরসিক-বসিকা। তাঁরা চান, সাহিত্যিক উত্তর। লন্ড্রির চিঠিতে প্রশ্ন, 'আপনাব অত অত নস্ববের জামাকাপড় ছাড়াছেন না কেন?' আপনি তখন ঐ গদ্যময় বেবসিক ভাষায়ই উত্তর দেবেন। কিন্তু এনারা তো সাহিত্যিক উত্তর চান।

ইতিমধ্যে আরেকখানি মোলায়েম চিঠি। তার বক্তব্য, মোটামুটি যা মনে আসছে, কারণ চিঠিখানি আমার বউ পুড়িয়ে ফেলেছেন :

'মহাশয়, আমার মনের গভীরতম কথাটি আপনি কী মরমিয়া ভাষায়ই না প্রকাশ করেছেন!' ইত্যাদি ইত্যাদি প্রায় তিন পাতা জুড়ে। পড়ে আমিও রোমাঞ্চিত হলাম। লেখিকাকে মনে মনে সুকুরিয়া জানালুম।

কিন্তু ইয়ান্না! আমি খেজুর গাছের শেষ আড়াই হাতের দিকে আদৌ খেয়াল করিনি। কিংবা বলতে পারেন, বন থেকে বেরুবার পূর্বেই হর্ষধ্বনি করে বসে আছি।

চিঠির সর্বশেষে আছে, 'আমি পঞ্চদশী। এ-চিঠির উত্তর আপনাকে স্বহস্তে দিতেই হবে।' এবং তার পরেই, সর্বশেষে মোক্ষম কথা : 'এখন থেকে আমি পিওনের পদধ্বনি প্রতীক্ষায় প্রহর গুনব।'

সর্বনাশ, এ স্থলে আপনি কি করবেন? আববী ভাষায় প্রবাদ আছে : 'অল-ইনতিজারু আপান্দু মিনাল মউৎ।' অর্থাৎ 'প্রতীক্ষা করাটা (ইনতিজার) মৃত্যুর চেয়েও কঠোরতর।

অনেক ভেবেচিন্তে একটি হুঁয় চিঠি লিখে পত্রলেখিকাকে ধন্যবাদ জানালুম এবং সর্বশেষে একটা অতি সূক্ষ্ম ব্যঞ্জনাময় প্রচ্ছন্ন ইঙ্গিত দিলুম যে, আমার বয়স বাড়তির দিকে, শক্তি কমতির দিকে, অতএব চিঠিচাপাটি লেখা বাবদে আমাকে যেন একটু সদয় নিষ্কৃতি দেওয়া হয়—ইত্যাদি ইত্যাদি।

তারপর কি হল? আমি আশা করেছিলুম, এখানেই শেষ। মূর্খ আমি, জানতুম না, এইখানেই আরম্ভ।

দিন পনেরো পর ঐ 'পঞ্চদশী'র পাড়া থেকে এল আরও পাঁচখানা চিঠি। সব ক'টা চিঠি যে একই পাড়া থেকে, সেটা হৃদয়ঙ্গম করার জন্য আমাকে ব্যোমকেশ-হোম্‌স্‌ হতে হয়নি। মসজিদবাড়ি পাড়া, কলকাতা-৬ আমার বিলক্ষণ চেনা।

স্পষ্ট বোঝা গেল, পঞ্চদশীটি আমার চিঠিখানা তাঁর পাড়ার তাবৎ বান্ধবীকে দেখিয়েছেন।

এ-স্থলে পাঠকদের কাছে আমার একটি অতিশয় ক্ষুদ্র আরজী আছে। এবং সেটি যদি তাঁরা মঞ্জুব না করেন তবে আমি সত্য সত্যই মর্মান্ত হব। এটা কথার কথা নয়, হৃদয়েব কথা। আমি জানি, আমি মোকা-বেমোকায় ঠাট্টা-মস্করা করি, কিন্তু আমার এ-আরজী মোটেই মস্করা-রসিকতা নয়—সিরিয়াস। আমার নিবেদন :

এই যে এতক্ষণ ধরে আমি আমাকে লেখা চিঠিপত্র নিয়ে যে আলোচনা করেছি সেটা আমার মূল্য বাড়াবার জন্য নয়।

আমি আত্মা মানি। আত্মার কসম খেয়ে এ-কথা বলছি।

আপনারা তাম্রাশঙ্করাদি প্রখ্যাত সাহিত্যিকদের শুখোন—মিথ্যা বিনয় নয়, আমি তো গুঁদেব অনেক পিছনে—তাঁরা কত না কত রঙের কত চঙের, কত না কল্পনাভীত জায়গা থেকে, কত না অবিশ্বাস্য ধরনের চিঠি পান।

গুঁরা যত চিঠি পান, তার শতাংশের একাংশও আমি পাই না।

এখানে এসে আমাকে আবেকটি কথা বেশ জোর গলায় বলতে হবে।

অদ্যাবধি কী দেশে, কী বিদেশে আমি একটি লেখকও পাইনি যিনি অপরিচিত পাঠকের স্বতঃপ্রবৃত্ত পত্র পেয়ে আনন্দিত হন না। এমন কি কড়া চিঠি পেয়েও লেখকরা খুব একটা বিমুখ হন না। তবে এ ধরনের চিঠি আসে কমই। কারণ স্বয়ং কবিগুরু বলেছেন,

'আমার মতে জগৎটাতে

ভালোটাই প্রাধান্য—

মন্দ যদি ভিন-চল্লিশ

ভালোর সংখ্যা সাতান্ন।'

তবে লেখককুল 'তিন-চম্পিশ'-খানা 'মন্দ' চিঠি পান না, পান তার চেয়ে ঢের ঢের কম। তবে অন্য 'মন্দ' চিঠিগুলো যায় কোথায়? সেগুলো যায় সোজা সম্পাদক মহাশয়ের নামে। সেগুলোতে থাকে নানা প্রকারের প্রতিবাদ, মন্দমধুর সমালোচনা বা তীব্র কঠোর মন্তব্য। সম্পাদক আপন দায়িত্ব স্বস্থজে সচেতন বলে কোনোটা ছাপান, কোনোটা ছাপান না।

এই ব্যবস্থাই উত্তম। বুঝিয়ে বলি :

আপনি আমাকে সরাসরি চিঠি লিখলেন (সম্পাদক মহাশয়কে না), 'মহাশয়, আপনার শহর-ইয়ার নিতান্তই কাল্পনিক রচনা। এ-রকম মুসলমান মেয়ে বাংলাদেশে সম্পূর্ণ অসম্ভব।' তারপর আপনি সূচারূপে আপন অভিজ্ঞতাপ্রসূত সম্পাদ যুক্তিযুক্তভাবে প্রকাশ করলেন।

এ-স্থলে আমি করি কি?

আপনি এ-স্থলে বলেছেন, 'তুমি, আলী, অপরাধী!'

এ-স্থলে চিন্তা করুন তো, কোন অপরাধী সঙ্গে সঙ্গে বলে ওঠে, 'হ্যাঁ, আমি অপরাধী, স্যার!—গিল্টি, মিলাট (মাই লর্ড)!'

ব্যাপার যদি এতই সরল হবে তবে তো আদালতের শতকরা নব্বুইটি মোকদ্দমা সঙ্গে সঙ্গে ফৈসালা হয়ে যেত।

কিন্তু আমি 'নট্ গিলটি' বললেই তো অনুযোগকাবী পত্রলেখক (প্রসিকিউশন, ফরিয়াদী) সঙ্গে সঙ্গে সেটা মেনে নেবেন না।

তাই পুনরায় প্রশ্ন, এ-স্থলে আমি করি কি?

এইবারে আমি আমার মোকদ্দমা কথাতে এসে গিয়েছি।

পত্রলেখক যদি তাঁর অনুযোগ আমাকে সরাসরি না লিখে সম্পাদক মশাইকে জানাতেন, তবে আমি বেঁচে যেতুম। সম্পাদক মশাই না ছাপালে তো ল্যাঠাই চুকে যেত। অর্থাৎ মোকদ্দমা আদৌ আদালতে উঠলো না।

কিন্তু তিনি ছাপালেও আমি খুশী। কাবণ, তখন যারা এ-বাবদে ভিন্ন মত পোষণ করেন তাঁরা আমার পক্ষ নিয়ে সাক্ষ্য দেবেন। ছুরি ছুরি প্রমাণ পেশ করবেন যে, শহর-ইয়ার আদৌ কাল্পনিক নয়।

আমার মনে হয়, এই পছাই (প্রসিডিয়র) সর্বোত্তম।

এ-বাবদ ভবিষ্যতেও লেখার আশা পোষণ করি।

ইতিমধ্যে, দোহাই পাঠক, তুমি আদৌ ভেবো না, আমি সরাসরি চিঠি পেতে আদপেই পছন্দ কবি না। খুব পছন্দ করি, বিলক্ষণ পছন্দ করি।

কিন্তু সেগুলোর উত্তর দেওয়াটা যে বড়— ॥

ব্রেন-ড্রেন

যাঁরা এদেশে গবেষণা করার সুযোগ পান না, তাঁদের অনেকেই ইংলন্ডে চলে যান। আবার বিলিতি খবরের কাগজে প্রায়ই দেখতে পাবেন, সেখানেও ওই একই ব্যাপাব; মেধাবী

বৈজ্ঞানিক তার জুতো থেকে ইংলন্ডের ধুলো বেড়ে ফেলে মার্কিন মুমুকুে চলে যায়। সেখানে বেশী মাইনে তো পাবেই, এবং তার চেয়েও বড় কথা, সেখানে গবেষণা করার জন্য পাবে আশাতিরিক্ত অর্থানুকূল্য। অধুনা ‘গৌরীসেন’ মার্কিন সিটিজেনশিপ গ্রহণ করে সেখানেই ডলার ঢালেন।...জর্মন কাগজেও মাঝে মাঝে দেখতে পাই, ওদের তরুণ বৈজ্ঞানিকদেরও কিছু কিছু মার্কিন মক্কায় চলে যাচ্ছে।

খালিফে মফঃম্বলে। কলকাতায় পৌঁছলুম ল্যাটে। তবু দেখি, পাড়ায় ঝাণ্ডুতম রক খুরানা সায়েবের মার্কিন নাগরিকতা গ্রহণ নিয়ে সরগরম, মালুম হল, মতভেদে ক্ষুব্ধ খারার ন্যায় সূতীক্ষ্ম। রকের খলিফে-বেঞ্চ বলছেন, যে-যেখানে কাজের সুযোগ পাবে, সে সেখানে যাবে—বাংলা কথা। পক্ষান্তরে ডালেবর-বেঞ্চ যুক্তিতর্কসহ সপ্রমাণ করার চেষ্টা করেছেন, ‘খুরানা মহাশয়ের উচিত ছিল দেশে থেকে দেশের সেবা করা! এবং উচিত-অনুচিতের কথাই যখন উঠলো! তখন বলতে হবে এদেশের কর্তৃপক্ষই পয়লা নম্বরের আসামী। নিজেরা তো কিছু করবেনই না, যাবা করতে চায় তাদেরও কিছু করতে দেবেন না। একেবারে ডগ অ্যান্ড দি ম্যানেজার—’

ডালেবর পক্ষেরই এক ব্যাক-বেঞ্চার ক্ষীণকণ্ঠে শুধালো, প্রবাদটা কি ‘ডগ অ্যান্ড দি মেইনজার—’ নয়?

‘আলবৎ নয়। এখন এঁরা সব ম্যানেজার!’

এরপর কর্তাদের নিয়ে আবস্ত হল কটকাটব্য। আমি প্রাচীন যুগের লোক—ডাইনে বাঁয়ে চট করে একবার তাকিয়ে নিলুম। টেগার্ট সায়েবের প্রেতাছা আবার কোথাও পঞ্চভূত ধারণ করেননি তো!

খালিফে পক্ষের এক চাঁই মাথা দুলোতে দুলোতে বললেন, ‘সেই কথাই তো হচ্ছে। কাজ করতেও দেবে না। তবে শোনো, আমাদেরই এক প্রতিবেশী রাষ্ট্রের নীতি— যদিও সেটা তারা স্পষ্ট ভাষায় বলেন না—ভিন্ন রাষ্ট্রের কাউকে আপন রাষ্ট্রে চাকরি দেবেন না। সেখানকার বিশ্ববিদ্যালয়ের কোনো এক সাবজেঞ্চে ঝাড়া বিশটি বছর ধরে কেউ মাস্টার্স ডিগ্রীতে ফার্স্ট ক্লাস পায়নি। বুড়ো-হাবড়া অধ্যাপকরা রিটায়ার করতে চান না। ওদিকে পোস্ট গ্রাজুয়েটে কাউকে লেকচারার তক নেবেন না—যদি ফার্স্ট ক্লাসের ‘হরিমাম’ তার সর্ব্বাস্ব হুঁপা না থাকে। এদিকে চন্দনের বাটিটি বিশটি বছর ধরে তাঁরা বুলিতে লুকিয়ে রেখেছেন সযত্নে। শুধোলে অবশ্য বলেন, ‘ঘোর কলিকাল মোশয়, ঘোর কলিকাল। পাষণ্ড, পাষণ্ড, পাষণ্ডের পাল। অধ্যয়নে কি এঁদের কোনো প্রকারের আসক্তি আছে? পড়েননি বিশ্ব স্বাস্থ্য সংস্থানের প্রতিবেদন?—স্পষ্টাক্ষরে প্রকাশিত হয়েছে ‘ছাত্রসমাজে, বিশেষ করে ছাত্রসমাজে, মদ্যাদি সেবন দ্রুতগতিতে শনৈঃ শনৈঃ বর্ধমান!’—এদের গায়ে কাটবো হরিমামের ছাপ! মাথা খারাপ!’

খলিফে পক্ষের আরেক ‘খাজা’ বললেন, ‘বিলক্ষণ! ভান্নুকের সর্ব্বাস্ব লোম। এম.এ.-র তেড়ি কাটবে কোথা?’

প্রথম চাঁই সোম্বাসে বললেন, ‘বিলকুল! যে দেশের মেস্টার পুত্রবৎ ছাত্রকে স্নাতকোত্তর করতে চায় না, সে দেবে তাকে রিসার্চ করতে। ঐ আনন্দেই থাকো।’

খলিফের খাজা বললেন, ‘যথা, পিতার প্রেতাছা দাবড়ে বেড়াবেন বিশ্বময়, কিন্তু পুত্রকে দেবেন না—এস্তেক পিণ্ড-দাদনদানে—পিণ্ড দিয়ে অশৌচ সমাপ্তি করতে।’

তালেবর বেঞ্চ টিড্ খেয়ে যাবার খাবি খাচ্ছে দেখে তাদের এক ঝানু তখন 'ফীলিঙে'র শরণাপন্ন হলেন।

এস্থলে আমাকে একটু বুঝিয়ে বলতে হয়। দরদ, সহানুভূতি, সমবেদনা, সহব্যাথা, হৃদয়বেদনা এ-শব্দগুলো বড়ই মোলায়েম মরমিয়া। অপিচ 'ফীলিঙ' কথাটার 'ফ' হরফে কটুর জোর দিয়ে (অবশ্যই ইংরাজী 'F'-এর মতো উচ্চারণ না করে) শব্দটা বললে তবেই না গভীর ভাবানুভূতির খানিকটে প্রকাশ পায়!'

সেই 'ফ' উচ্চারণ করে ঝানু-তালেবর ভাবাবেগে বললেন, 'pfi-লিঙ নেই, pfi-লিঙ নেই, সব ফলানা ফলানা খুরানাদের কারোরই ফীলিঙ নেই দেশের প্রতি। দেশে বসে কি রিসার্চ করা যায়—'

কথা শেষ না হতেই খলিফে পক্ষের আরেক গুনিন্ মিনমিনিয়ে বললেন, 'নৌকোতে বসে কি গুণ টানা যায় না!'

ওই পক্ষের আরেক জঁহাবাজ বললেন, 'কিংবা মাতৃগর্ভে শুয়ে শুয়ে দেশভ্রমণ!'

এইবারে রকের বারোয়ারি 'মামা' মুখ খুললেন। ইনি আমাদের রকের প্রেসিডেন্ট। এঁরই রকে আমরা দু-দশু রসলাপ করি। কিন্তু ইনি থাকেন প্রাচীন দিনের একটি সোফাতে শুয়ে ঘরের ভিতরে। অনেকটা কবিগুরুর 'রাজা' নাটকের রাজার মতো। অবরে-সববে বেরিয়ে এসে দাঁড়িয়ে দাঁড়িয়ে দু-একটি লবঙ্গো ছাড়েন।

বললেন, 'সে রকম নিষ্ঠা থাকলে কি দেশে থেকেই রিসার্চ করা যায় না?' সেইটেই হচ্ছে মোন্দা কথা।'

বিজ্ঞানের বেলা অর্থাৎ এপ্রায়ড সায়েন্সের বেলা আজকাল বিস্তর যন্ত্রপাতি, মালমসলার প্রয়োজন। তার জন্য প্রচুর আয়োজন; প্রচুরতর অর্থ না থাকলে এসব হয় না। অবশ্য, এ কথাও সত্য জগদীশ্চন্দ্র বসু, মার্কনি এবং আরও মেলা লোক এসব না থাকা সত্ত্বেও এস্তের কেরামতি দেখিয়ে গেছেন। কিন্তু সেসব দিন হয়তো গেছে। আজকের দিনে স্বয়ং লেওনার্দো দা ভিন্চিও সরকারী গৌরীসেনের সাহায্য ছাড়া এটম্ বম্ বানাতে পারবেন বলে মনে হয় না।

কিন্তু পিওর সায়েন্স? পিওর ফিজিক্স, ম্যাথ্‌মিটিক্স—আরও বিস্তর বিষয়বস্তু আছে যার জন্যে কোনোই যন্ত্রপাতি টাকা-পয়সার প্রয়োজন হয় না—সেগুলোর বেলা কি? তা হলে শোন, একটা গল্প বলি, সত্যি-মিথ্যে জানি নে, বাবা! একদা কালিফর্নিয়ায় এক বিরাট ইনস্টিটুটে বিরাটতর টেলিক্রোপ লাগানো উপলক্ষে মাদাম আইনস্টাইনকে নিমন্ত্রণ করা হয়। সরলা মাদাম সেই দানবপ্রমাণ যন্ত্রটা দেখে তো একেবারে স্তম্ভিত।

'যেহোভার দোশাই!' প্রায় চিৎকার করে উঠলেন মাদাম : 'এ যন্ত্রটা লাগে কোন কাজে?'

বড় কর্তা হাত কচলাতে কচলাতে পুশিতে ফাটোফাটো হয়ে বললেন, 'মাদাম, এই যে বিরাট ব্রহ্মাণ্ড তার পরিপূর্ণ স্বরূপ (Gestalt) হৃদয়ঙ্গম করার জন্য এটি অপরিহার্য। এ বাবদে আপনার স্বামী, আমাদের গুরুর অবদানও তো হেঁ, হেঁ—!'

১ অর্থাৎ 'শব্দ' শব্দ আমবা যে ভাবে উচ্চারণ করি সে-ভাবে নয়। মারওয়াদিবা যে-ভাবে 'পর-ফু-ন্' উচ্চারণ করেন তারই 'ফ'।

ঈষৎ জকৃষ্ণিত করে মাদাম বললেন, 'সে কি! আমার কর্তা তো ওয়েস্ট পেপার বাসকেট থেকে একটা পুরোনো খাম তুলে নিয়ে তার উন্টো পিঠে এসব কবে থাকেন।'

'তবেই দেখো, হয়ও অনেক কিছুই যন্ত্রপাতি ছাড়াও।'

কিন্তু এসব বাদ দাও এবং চিন্তা করো দর্শন, ন্যায়, ইতিহাস, প্রাচাতত্ত্ব, নৃতত্ত্ব, অলঙ্কার, শব্দতত্ত্ব ইত্যাদি ইত্যাদি এস্তের এস্তের সবজেক্ট রয়েছে যার জন্য কোনো ক্ষুদ্রে গৌরীসেনেরও প্রয়োজন হয় না।

মামা দম নিয়ে বললেন, 'এবাবে বাবারা বলো, তোমরা তো অনেক সবজেক্টে অনেক পাস দিয়েছ; গত তিরিশ বছরে এই পুণ্য বঙ্গভূমিতে কোন্ কোন্ মহাপ্রভুর দর্শন ইত্যাদি সবজেক্ট গবেষণার বিশল্যকরণী সমেত গন্ধমাদন উত্তোলন করে ভুবন 'ভির্খাতো' হয়েছেন? বাংলাদেশের কথা বিশেষ করে বলুন, কাবণ একদা এদেশ হিন্দুস্থানের লীডার ছিল।'

মামার চোখে-মুখে ব্যঙ্গভরা বেদনা।

এইবারে আমি মুখ খোলার একটু মোকা পেয়ে বললুম, 'তা মামু সায়েব—রিসার্চের জন্য কড়ি লাগুক আর নাই লাগুক, যে লোকটা রিসার্চ করবে তার পেটে, তার সমাজের আর পাঁচজনের পেটে যদি দুমুঠো অন্ন না থাকে তবে কি রিসার্চ হয়? আজ এই কলকাতা শহরে আর সকলের পেটেই অন্ন আছে—নেই শুধু বাঙালীর।'

মামা গম্ভীর কণ্ঠে বললেন, যেন আপন মনে বিড়বিড় করে—'১৮২০ থেকে ১৯২০। ঐ সময়টায় কলকাতায় বাঙালী সচ্ছল ছিল। যা কিছু করেছে ঐ সময়েই করেছে। আজকের দিনে দু-পাঁচটা প্রফেসরের দু-মুঠো অন্ন জোটে, এ কথা সত্যি। কিন্তু তার আর পাঁচটা ভাইবেরাদর, মোদ্দা কথা তার গোটা সমাজ (Gestalt) যদি নিরন্ন হয় তবে এই দু-পাঁচটা প্রফেসরও কোনো কিছু দেখাবার মতো করে উঠতে পারে না। সী-লেভেল থেকে আচমকা এভারেস্ট মাথা উঁচু করে খাড়া হয় না; তবে লেভেল অর্থাৎ তার সমাজ অনেকখানি উঁচু না হলে সে আকাশচুম্বী হবে কী করে?'

আস্তে আস্তে মামা চোখ খুললেন। কড়া গলায় বললেন, '১৮২০ থেকে ১৯০০ কিংবা ১৯২০ পর্যন্ত কলকাতার ব্যবসা-বাণিজ্য—আব ঐটেই তো সমাজের সচ্ছলতা আনে—কাদের হাতে গেল সেইটে একটু খুঁজে দেখ তো।' হেসে বললেন, 'ঐ নিয়ে একটা রিসার্চ কর না।'

বনে ভূত না মনে ভূত

আমাকে অনেকেই জিজ্ঞেস করেন, দেশ-বিদেশ তো অনেক ঘুরলেন, বয়সও হয়েছে, অতিপ্রাকৃত অলৌকিক কিছু দেখেছেন কি? সোজা বাংলায় ভূত, প্রেত, মামদো (মানুষ মবে ভূত হয় এটা ইসলাম অস্বীকার কবে কিন্তু কোনো হিন্দুর বিশ্বাস 'অয়, অয় জানতি পারো না। মুহম্মদী মানুষ— অর্থাৎ মুসলমান—মরে গিয়ে মামদো হয়—মুহম্মদী শব্দ গ্রাম্য বাংলায় হয়ে গিয়েছে 'মামদো'। এস্থলে জানতি কথাটা ঠিক ঠিক ব্যবহৃত হয়েছে—কারণ মামদো বলুন, ভূত বলুন এনাদের তো চট করে চোখে দেখা যায় না—অতএব এনারা আছেন, ওনারাও আছেন, শুধু আমরা জানতি পারি না) এবং অন্যান্য

বিভিন্ন জাত-বেজাতের ভূতের কোনো একটা আমি দেখেছি কি না?

জার্মান ভাষায় দুটি শব্দ বাংলায় বেশ চালু হয়ে গিয়েছে। একটা 'কিন্ডারগার্টেন' আরেকটা—যদিও অতখানি চালু না—'রিভারপেস্ট' পশুচিকিৎসক মাত্রই চেনেন। আরেকটি শব্দ প্রচলিত হওয়ার বড়ই প্রয়োজন—'পল্টারগাইস্ট'। ভূতুড়ে বাড়িতে যে দমাদম ইটপাটকেল এবং মাঝেমাঝে কচুপাতায় মোড়া নোংবা বস্তুও বর্ষিত হয় সেটি করেন পল্টারগাইস্ট। 'পল্টারন' ত্রিয়ার অর্থ দুদাড় দুমদাম শব্দ করা আর গাইস্ট = ইংরিজি গোস্ট (ghost)।

এর থেকে আরেকটা তত্ত্ব সুস্পষ্ট হয়। ভূত-প্রেত সম্বন্ধে দেশ-বিদেশে যেখান থেকেই হোক না কেন, কোনো গুজব, জনরব—একুনে গুজোবব—পৌঁছনো মাত্রই সরল মানুষ সঙ্গে সঙ্গে সেটা বিশ্বাস করে ফেলে এবং সেই নয়া ভূতকে অবিচারে জাতে তুলে নেয়। ইংরেজের মতো অবিশ্বাসী (অনবিশ্বাসী টমাস) জাতও তাই তার দুষমন জার্মান জাতের পল্টারগাইস্টকে আলিঙ্গন কবে আপন ভাষায় স্থান দিয়েছে। বিশ্বাস না হয়, যে কোনো ইংরিজি দিকসুন্দরীর (যে সুন্দরী নারী দিক দেখিয়ে দেন, অর্থাৎ ডিকশনারী) আশ্রয় গ্রহণ করে সন্দেহ ভঞ্জন করুন। প্রেতসিদ্ধ কোনো কোনো গুণিনি নাকি ভূতপ্রেতকে দিয়ে অনেক কিছু কাজকর্ম করিয়ে নেন। মহাশ্মা কালীপ্রসন্ন তাঁর নকশাতে এঁদের সম্বন্ধে সবিস্তার তাজ্জব বয়ান দিয়েছেন। কোনো কোনো পীর সাহেবও নাকি এখনো এই অলৌকিক তিলিসমাৎ দেখাতে পারেন। শীতকালে বোম্বাই আম, যে-কোনো কালে কাবুলী মেওয়া পয়দা করতে পারেন।

দুঃখের বিষয় মহাকবি গ্যোটার সেই সুন্দর কবিতাটি আমি ভুলে গিয়েছি। যদূর মনে পড়ছে তাতে এক চেলা পরিপূর্ণ ভূতসিদ্ধ হওয়ার পূর্বেই উচাটন মন্ত্রে ভূতকে আবাহন জানায়। তারপর কি একটা হুকুম করে—খুব সম্ভব জল আনতে—তাবপর ভূত জল আনছে তো আনছেই, জলে জলে ছয়লাপ। ওদিকে বিপদ হয়েছে কি, চেলা কিন্তু গুরুর কাছ থেকে শেষ উচাটন মন্ত্রটি যেটি দিয়ে ভূতকে ঠেকাবে, সেটি শেখার পূর্বেই চলে এসেছে। এখন বন্যার জলে ডুবে মরে আর কি! শেষটায় কাভবকঠে সে গুরুকে স্মরণ করলো। গুরু এসে এই ভূতকে অন্য হুকুম দিলেন, 'আমি এসব চ্যাংড়াদের গুরু। প্রথমে আমার মোক্ষম হুকুম শোনো। তারপর অন্য কাজ।' এই বলে তিনি ভূতকে অন্য হুকুম দিয়ে বন্যা বন্ধ করলেন।

কিন্তু এ-বাবদে আমাদের দেশে প্রচলিত গল্পটি এর চেয়ে ঢের ঢের ভালো।

সে-গল্পের গোড়াপত্তন ঐ একই। আমাদের গল্পেও গুরুর কাছ থেকে সম্পূর্ণ বিদ্যা আয়ত্ত করার পূর্বেই চেলা তার ভূতকে আবাহন কবেছে। ভূতের সঙ্গে তার কিন্তু একটা শর্ত ছিল। ভূতকে সর্বক্ষণ কোনো-কিছু একটা কাজ দিতে হবে। সে বেকার থাকতে পারে না। কাজ না দিতে পারলে সে ওর ঘাড়টি মটকে দেবে।

অস্বদেশীয় কাহিনীতে চেলা ভূতকে ডেকে বললে, 'আমার জন্য একটা রাজপ্রাসাদ তৈরি করে দাও।' দু-মিনিট যেতে না যেতেই রাজপ্রাসাদ চোখের সামনে তৈরি। ভূত বললে, 'তার পরের হুকুম?' চেলা তো তাজ্জব। তাড়াতাড়ি বললে, 'গোটা দেশক সুন্দরী রমণী।' ভূত কটমটিয়ে তাকিয়ে বললে, 'সে তো প্রাসাদে অলরেডি রয়েছে। বৃন্দু। হেরেম ভিন্ন প্রাসাদ হয় নাকি?' চেলা বললে, 'তা হলে প্রাসাদের সামনে একটা হ্রদ তৈরি করে

দাও।' এক মিনিটে তৈরি। ভূত শুধোলে, 'তার পরের কাজ?' চেলা তখন আবণ্ড মেলাই অর্ডার দিলে। সেগুলোও ঝটপট হয়ে গেল। আর প্রতিবারেই ভূত তাব কাছে এসে কটমটিয়ে তাকায়। ভাবখানা সুস্পষ্ট। কাজ না দিতে পারলে শর্তানুযায়ী তোমাব ঘাড়টা মটাস করে ভাঙব। চেলা তখন পড়েছে মহাসঙ্কটে। নতুন অর্ডার খুঁজে পায় না। কবি গ্যাটের চেলাব মতোই সে ভূত বিদায় দিতে জানে না। তখন হস্বে হস্বে, না পেরে, কবি গ্যাটেরই চেলাব মতো সে তার গুরুকে স্মরণ করলে।

এইখানেই আমাদের কাহিনী গ্যাটের কাহিনীর চেয়ে ঢের সরেস।

আমাদের গুরু তাঁর প্রাচীনতার, ফার্স্ট থ্রেফারেলের দোহাই পাড়লেন না। চেলাকে বললেন, 'ভূতকে হুকুম দাও একটা বাঁশ পুঁততে।' সঙ্গে সঙ্গে হয়ে গেল। গুরু চেলাকে বললেন, 'এবারে ভূতকে হুকুম দাও, সে যেন ঐ বাঁশ বেয়ে উপরে ওঠে। এবং উপরে ওঠা মাত্রই যেন নিচে বেয়ে নামে। ফের উপর। ফেব নিচে। ফের উপর। ফের নিচ।'

গুরু চেলাকে কানে কানে বললেন, 'ঐ করুক ব্যাটা অন্তত কাল অবধি। অবশ্য যখন তোমাব অন্য-কিছুর প্রয়োজন হয় তখন তাকে ওঠানামা ক্ষণতবে ক্ষান্ত দিয়ে সে-কাজ কবতে বলবে। তারপর ফের হুকুম দেবে, ওঠো নামো, ওঠো নামো।'

কিন্তু এহ বাহ্য।

এ-গল্পেব একটা গভীব অর্থ আছে।

মানুষেব মন ঐ ভূতেব মতো। তাকে সর্বক্ষণ কোনো কর্মে নিয়োজিত না করতে পাবলে সে তোমাব ঘাড় মটকাবে। ইংবাজিতে তাই প্রবাদ "অলস মস্তিষ্ক শযতানেব কারখানা।" অতএব যখন যা দরকাব মনকে দিয়ে তাই করিয়ে নিয়ে ফের তাকে একটা বাঁশে ওঠানামার মতো মেকানিকাল কাজে লাগিয়ে দিতে হয়। মানুষ সর্বক্ষণ মনের জন্য নূতন নূতন কাজ সৃষ্টি কবতে পারে না।

এইবাবে, সর্বশেষে, আমি শাস্তনু পাঠকেব হাতে খাবো কিল।

মহাশ্বাজী চবকা কাটতেন।

ববীন্দ্রনাথ আপন লেখার কপি কবতেন। গোবাব মতো বিবট গ্রহু তিনি তিন-তিনবার কপি কবেছেন। যদিও ঐ মেকানিকাল কর্ম কবার জন্য আশ্রমে লোকাভাব ছিল না।

আইনস্টাইন বালা বাজাতেন।

স্পাই

আশ্চর্য।

মানুষ কত সহজে বিশ্বকুখ্যাত লোককে ভূলে যায়—বিশ্ববিখ্যাত লোককে ভোলাটা মানুষেব পক্ষে অবশ্যই স্বাভাবিক।

মাতা হাবিকে সচবাচব পৃথিবীব লোকে পয়লা নস্ববী স্পাই খেতাব দিয়েছে কিন্তু অনুসন্ধান কবলে দেখা যায়, সে-খ্যাতিব চৌদ্দ আনা পরিমাণ ওজব আব কিংবদন্তীব উপব নির্ভব কবছে। বাকি দু-আনাও বিশ্বাসযোগ্য কিনা বলা সুকঠিন।

কিন্তু গত বিশ্বযুদ্ধেব স্পাইদেব বাজাব বাজা বিমার্চ জ্বগে সস্বন্ধে অনেক কিছু পাকা খবব জানা গিয়েছে। অবশা এ-সত্য প্রতিভাসিত যে, যে-কোনো স্পাই সস্বন্ধে সব খবব

কোনোদিনই পাওয়া যায় না। স্পাই ধরা পড়ার পর তার সম্বন্ধে সব খবর যদি খুঁড়ে বের করা যায় তবে সে ওঁচা স্পাই।

কিন্তু তার পূর্বে আরেকটি কথা বলে নিই। গুপ্তচরবৃত্তি বা এসপিয়োনাভেব প্রথম অলিখিত আইন, গুপ্তচর যদি বিদেশে ধরা পড়ে তবে যে-দেশের হয়ে সে কাজ করছিল সে-দেশ কিছুতেই স্বীকার করে না যে ঐ লোক তাদের গুপ্তচর। তার কারণ, আন্তর্জাতিক নিয়ম অনুসারে এক দেশ অন্য দেশে সরকারীভাবে গুপ্তচর রাখতে পারে না—অথচ আশ্চর্য, প্রায় সবদেশই সেটা করে থাকে।

পৃথিবীর ইতিহাসে জর্গে একমাত্র ব্যত্যয়। রুশের হয়ে ইনি জাপানে সুদীর্ঘ দশ বৎসর কৃতিত্বের সঙ্গে স্পাইগিরি করে ১৯৪১-এ ধরা পড়েন এবং ১৯৪৪-এ তাঁর ফাঁসি হয়। যুদ্ধশেষে যখন তাঁর কর্মকীর্তির অনেকখানি প্রকাশ পেল তখন তাবৎ ইয়োবোপে হইচই পড়ে গেল এবং বহু ভাষায় তাঁর সম্বন্ধে বিস্তার সিরিয়াল রগরগে কেতাব, সিনেমা, নাট্য ইত্যাদি তাবৎ পূর্ব-পশ্চিমকে রোমাঞ্চিত করে তুললো। বিশেষ করে জাপানকে। কারণ এইমাত্র বলেছি তার শেষ কর্মভূমি ছিল জাপান।

এবং এই ডামাডোলের মধ্যখানে কোথায় না রুশ তার গোরস্তানের নৈস্ক্য বজায় রেখে “নিস্তরুতা হিরণ্ময়”—সাইলেন্স ইজ গোল্ডেন—নীতি পুনরায় সপ্রমাণ করবে, উশ্টে পৃথিবীর সর্ব রাজনৈতিক-ঐতিহ্য ধূলিসাৎ করে সগর্বে সদস্তে সরকারী ভাবে স্পাই জর্গের স্মৃতির উদ্দেশে বলশেভিক রুশ দেশের সর্বাধিপতি সর্বোচ্চ সম্মান মেডেল ইত্যাদি অর্পণ করলেন—এ মেডেল রুশ দেশের যুদ্ধকালীন সর্বশ্রেষ্ঠ বীরদেরই দেওয়া হয় মাত্র। যতদূর মনে পড়ছে তার ছবিসহ স্ট্যাম্পও বেরিয়েছিল।’ কিন্তু হায, সে মেডেল গ্রহণ করার জন্য জর্গের দারাপুত্র পরিবার কেউ ছিল না। তাঁর স্ত্রীকে তিনি বহু পূর্বেই তালাক দিয়েছিলেন—তাঁর গুপ্তচরবৃত্তিতে সম্পূর্ণ একনিষ্ঠ আত্মনিয়োগ করার জন্য। অনেকটা হিটলারের মতো। তিনিও ঐ একই কারণে আদৌ বিয়ে করেননি—করলেন, যখন তাঁর রাজনৈতিক নাট্যমঞ্চের বৃহৎ কৃষ্ণ যবনিকা নটগুরু মহাকাল কামান গর্জনের অট্ট করতালির মাঝখানে নামিয়ে দিলেন, এবং সে-বিবাহ সেই কৃষ্ণ যবনিকার অন্তরালে। আত্মহত্যাব পিস্তল ধ্বনি সে-বিবাহের আতশবাজীর বোমা। স্ত্রীও নাট্যমঞ্চের জুলিয়েত্তের মতো বিষপান করলেন। মার্কিন খবরের কাগজের নেকডেরা এড়ি (পূর্ব বাঙলার মুসলমানী ভাষায় তালাকপ্রাপ্তা রমণীকে এড়ি—ডিভোর্সে—এবং বিধবাকে রাড়ি বলে) জর্গেকে খুঁজে বের করলো। রমণী স্বল্প তথা সত্য-ভাষিণী। তাঁর বক্তব্য থেকে স্পষ্ট বোঝা গেল, ন’সিকে খাঁটি স্পাইদের মতো জর্গে তাঁর স্ত্রীকে ঘৃণাকরেও সন্দেহ করতে দেননি তিনি কি নিয়ে দিবারাত্র লিপ্ত থাকেন।

জর্গের জীবন এমনই বৈচিত্র্যময় এবং ঘটনাবহুল যে সুদ্ধমাত্র তার সংক্ষিপ্ত ফিল্মিষ্টি দিতে গেলেই একখানা মিনি সাইজের মহাভারত লিখতে হয়। ...আমি গুপ্তচর জর্গেকে নিয়ে ‘গুপ্ত’ পদ্ধতিতে দিব্য একখানা রগরগে সিরিয়াল লিখতে পারি—যত কাঁচা ডাঘা ততোধিক বেটপ শৈলীতে লিখলেও বিষয়বস্তুর বৈচিত্র্যবশত সেটা উৎরে যাবে নিশ্চয়ই। কিন্তু বয়স হয়েছে। আমার জীবনদুর্গের প্রাচীরের বাইরে, গভীর রাতে যমদূতের পদধ্বনি

১ কোনো ফিল্মটেলিস্ট পাকা খবর জানালে বাধিত হব।

প্রায়ই শুনেতে পাই। মাঝে মাঝে—এদানীং ক্রমেই টেম্পো বেড়ে যাচ্ছে—গ্রাটীরের উপর সাহেবী কায়দায় নক্ণ করে। এহেন অবস্থায় সিরিয়াল অসম্পূর্ণ রেখে উন্টোরথহীন রথযাত্রায় বেরুতে চাই নে—মমেকসদয় সম্পাদকমণ্ডলীকে ক্ষিপ্ত পাঠক সম্প্রদায়ের অভিসম্পাতকুণ্ডে নিমজ্জিত করে। কাজেই সম্ভাব্য ক্ষিপ্ত পাঠকমণ্ডলীর জন্য সংক্ষিপ্ত পাঠ দিচ্ছি—সাতিশয় সংক্ষিপ্ত।’

দুই কারণে সোভিয়েত দেশ জন্মের কাছে চিরঋণী। অবশ্য রুশের আরও বহু সেবা তিনি করেছেন।

প্রথম : হিটলার রুশদের আক্রমণ করার বেশ কয়েক মাস অর্থাৎ পর্যাণ্ডকাল পূর্বে জর্গে জাপান থেকে গোপন বেতারযোগে (বেতার যন্ত্রটি চালাতেন তাঁর এক সহ-স্পাই) স্তালিনকে খবর পাঠান, হিটলার চুক্তিভঙ্গ করে রুশ আক্রমণ করবে। শুধু তাই নয়, কোন মাসে, কোন সপ্তাহে সে খবরও পাকাপাকিভাবে জানান। আশ্চর্য, যখন খুদ জর্মনির মাত্র গুটিকয়েক ডাঙর ডাঙর জাঁদরেল জানতেন যে হিটলার রুশ আক্রমণ করার জন্য সৈন্যবাহিনী প্রস্তুত করেছেন এবং তাঁরাও জানতেন না, কবে কোন মাসে সে হামলা শুরু করবেন, তখন জর্মনি থেকে হাজার হাজার মাইল দূরের জাপানে বসে জর্গে এই পাকা খবরটি পেলেন কি করে? মনে রাখা উচিত, ১৯৩৯-এ যুদ্ধারম্ভের পর থেকে জাপান এবং জর্মনির মধ্যে কোনো যাতায়াত পথ ছিল না। (সুভাষচন্দ্র যে কতখানি বিপদের ঝুঁকি মাথায় তুলে জর্মনি থেকে জাপান পাড়ি দিয়েছিলেন সে কথা সবাই জানেন।) সুইজারল্যান্ড থেকে গোপন বেতারেও—যেমন মনে করুন—খবরটা প্রথম জর্মনি থেকে নিরপেক্ষ সুইজারল্যান্ডে গুণ্ডচর মারফৎ গেল—সেটা পাঠানো প্রায় অসম্ভব ছিল। ওরকম বেআইনী জোরদার বেতার ট্রান্সমিটার সুইস সরকার ধরে ফেলতই ফেলত। এস্থলে আরও বলি, হিটলার তাঁর যুদ্ধের প্র্যান তাঁর দূর-মিত্র জাপানকে তো বলতেনই না, তাঁর অতিশয় নিকট-মিত্র—ভৌগোলিক ও হার্দিক উভয়ার্থে—মুসসোলিনীকেও আগেভাগে জানাতেন না। এবং জাপানে অবস্থিত জর্মন রাজ-দূতাবাসও আর-পঞ্চাশটা দেশে অবস্থিত জর্মন রাজ-দূতাবাসের মতোই যে এ-ব্যাপারের কিছুই জানতো না সে তো বহু ক্ষেত্রে সপ্রমাণ হয়ে গেছে। হিটলার যে তাঁর ফরেন আপিস এবং তাঁর রাজদূতদের অবিশ্বাস করতেন তাই নয়, এদের রীতিমত ঘৃণা করতেন। এবং এ তথ্যটি হিটলার কোনোদিন গোপন রাখার কণামাত্র প্রয়োজনও বোধ করেননি। তিনি বিশ্বাস কবতেন একমাত্র তাঁর আপন খাস প্যারা ফরেন মিনিস্টার রিবেনট্রপকে। ইনি জাতে গুঁড়ি। কুটনীতিতে তাঁর কোনো শিক্ষাদীক্ষা বা অভিজ্ঞতা ছিল না। তৎসত্ত্বেও হিটলার গদীনশীন হওয়ার সামান্য কয়েক বৎসর পর তাঁর পার্টি, ফরেন আপিস, এমন কি তাঁর দক্ষিণ হস্ত গ্যোয়িঙ, বাম হস্ত গ্যোবেলস সঙ্কলের তীব্র প্রতিবাদ উপেক্ষা করে রিবেনট্রপকে দূম করে বসিয়ে দিলেন ফরেন আপিসের মাথার উপর মহামান্য পররাষ্ট্র সচিবরূপে।

১ শ্রদ্ধেয় সুনীতিকুমার চট্টোপাধ্যায়ের জীবনী-লেখকের উপকাবার্থে মসলা নিবেদন। একখানা বৃহৎ ব্যাকরণ রচনা করার কয়েক বৎসর পর তিনি তারই একখানি ‘সংক্ষিপ্ত’ সংস্করণ প্রকাশ করেন। আমার সঙ্গে দেখা হলে পর দুই হাসি হেসে বললেন, “এটা হল ‘সংক্ষিপ্ত’ ব্যাকরণ; আগেরটা ছিল ‘ক্ষিপ্ত’ ব্যাকরণ।”

জর্গের দ্বিতীয় অবদান : যে রাতে জাপানী মন্ত্রিসভা এক অতিশয় গোপন বৈঠকে স্থির করলেন—হিটলার রুশ আক্রমণ করার পর জাপানকে সনির্বন্ধ অনুরোধ জানান, তারা যেন রুশের পূর্বসীমান্ত আক্রমণ করে—যে তাঁরা কোনো অবস্থাতেই রুশ দেশ আক্রমণ করবেন না, তার পরদিন ভোরবেলা জর্গে সেই সাতিশয় গুরুত্বপূর্ণ গোপনতম সিদ্ধান্তটির খবর পেয়ে যান এবং সঙ্গে সঙ্গে স্তালিনকে পূর্ব পদ্ধতিতে সংবাদটি জানান। স্তালিনের বৃকের উপর থেকে জগদ্দল “জগরনট” নেমে গেল। জাপানী আক্রমণের ভয়ে পূর্ব সীমান্তে তাঁর যে সেনাবাহিনী মোতায়ন ছিল সেটাকে তদগোঁই পশ্চিম সীমান্তে এনে হানলেন হিটলারের উপর মোক্ষম হামলা। দুই সীমান্তে একই সঙ্গে কে লড়তে চায়? ঐ করে সর্বনাশ হল কাইজারের। হিটলারেরও আখেরে সেই গতিই হয়েছিল। রুশ বেঁচে গেল।

পত্রান্তরে বেরিয়েছে : গত ৬ই নভেম্বর পূর্ব জর্মনির পূর্ব বার্লিনের একটি রাস্তার উপর প্রাক্তন রুশ স্পাইদের একটি সম্মিলিত অনুষ্ঠান হয়—প্রকাশ্যে। রয়টার বিশ্বয় প্রকাশ করেছেন : স্পাইদের সম্মেলন—তাও প্রকাশ্যে!

এঁরা সমবেত হয়েছিলেন তাঁদের গুরু গুরু জর্গের স্মরণে।

পঁচিশ বৎসর পূর্বে বিশ্ব কমুনিজমের জন্য টোকিয়োতে প্রাণ দেন।

যে রাস্তাতে তাঁরা সমবেত হন সেখানে সেনাবাহিনীর ব্রাস্‌ব্যান্ডের সঙ্গীত সহ রাস্তাটিব নূতন নামকরণ হয়।

“রিষার্ট জর্গে স্ট্রাসে”।

রিষার্ট জর্গে খাঁটি জর্মন নাম। রিষার্টের পিতা ছিলেন খাঁটি জর্মন, মা রুশ। জর্গে জন্ম রুশদেশে। জাপানে থাকাকালীন জর্গে সর্বজনসমক্ষে বলতে কসুর করতেন না যে রুশের প্রতি তাঁর বিশেষ শ্রদ্ধা ও সহানুভূতি আছে। তৎসঙ্গে কেউ কখনো সন্দেহ করেননি যে তিনি রুশের স্পাই, অতখানি কি করে হয়। ওদিকে তাঁর মূল কর্ম ছিল জাপান সম্বন্ধে স্তালিনকে খবর দেওয়া এবং দ্বিতীয় সেই সুদূর জাপান থেকে জর্মনির আভ্যন্তরীণ গুপ্ত খবরও সংগ্রহ করে তাঁকে জানানো—কি করে তিনি সংগ্রহ করতেন সেটা প্লাঁশাটে (প্ল্যানচেটে) শার্লক হোমসকে আবাহন জানালে হয়তো জানা যেতে পারে। জর্গে ধরা পড়ার পর জাপানে প্রবাসী জর্মন-অজর্মন সবাই এক বাক্যে বলেছেন, জর্গে কম্বিনকালেও তাদের কাছ থেকে জর্মনি সম্বন্ধে কোনো খবরাখবর পাম্প তো করতেনই না, উস্টে নয়া নয়া খবর দিয়ে তাদের পিলে চমকে দিতেন; পবে সেগুলো কনফাবম্‌ড হত।

জর্গেব চেহারাটি ছিল সুন্দর এবং পুরুষত্বব্যঞ্জক। দীর্ঘ বলীয়ান দেহ। নাক চোখ ঠোট যেন পাথরে খোদাই অতি তীক্ষ্ণ। তাঁকে দেখে মনে হত যেন চ্যাম্পিয়ন কব্জার বিরাট কোনো মেলাতে চ্যালেঞ্জ করে বেড়াচ্ছেন, কেউ তাঁর সঙ্গে লড়তে রাজী আছে কি না—

বলেছেন এরিষ কর্ট, জাপানে অবস্থিত জর্মন রাজদূতাবাসের দুই নম্বরের কর্মচারী। অবশ্য টোকিয়োতে তিনি সবাইকে চ্যালেঞ্জ কবতেন তর্কযুদ্ধে এবং জিততেন হামেশাই। কারণ তাঁর তৃণীর ভর্তি থাকতো তথ্যের লেটেস্ট ইনটেলিজেন্সের শরগুচ্ছে। অর্থাৎ নেকেড্‌ ফ্যাক্টস।

সেই যে গল্প আছে, গ্রামাঞ্চলে দুই ইরাকী জমিদার মোকদ্দমা লড়তে লড়তে আপিল করেছেন বাগদাদের শেষ আদালতে অর্থাৎ স্বয়ং খলীফা হারুন-উর-রশীদ এর শেষ ফাইনাল বিচার করবেন। এক জমিদার বাগদাদে এসে উঠলেন তাঁর সখা বাদশার প্রধানমন্ত্রীর প্রাসাদে। প্রতিবাদী উঠলেন তাঁর বাল্যের বান্ধবী বাদশার খাস প্যারা রক্ষিতার বাড়িতে। বাদী মোকদ্দমা হেরে গ্রামে ফিরলে পর সবাই বিস্ময় মেনে শুধালে, ‘প্রধানমন্ত্রীর বাড়িতে উঠেও আপনি মোকদ্দমার সুরাহা করতে পারলেন না?’ তিনি বিজ্ঞজ্ঞানোচিত কণ্ঠে বললেন, ‘তাঁরা যে উঠেছিলেন রাজরক্ষিতার বাড়িতে। আমার কোনো যুক্তি নজীর দাঁড়াতে পারে “উলঙ্গ” যুক্তির বিরুদ্ধে, এগেনস্ট নেকেড আরগুমেন্ট!’

জরগেব বেশভূষা ছিল অপরিপাটি; তিনি বাস করতেন টোকিও সবচেয়ে খাঁটির খাঁটি ঘিঞ্জি জাপানী মহল্লায় এবং বাড়িটা চোখে পড়ার মতো নোংরা। কিন্তু জাপানীদের আকর্ষণ করার মতো কেমন যেন একটা চূষকের শক্তি তাঁর সর্বাস্থ থেকে বিচ্ছুরিত হত। তারা তাঁকে পূজো করতো বললে কমই বলা হয়। ওদিকে তাঁর চালচলন ছিল ভ্যাগাবন্ড, বেদে বা বোহেমিয়ান ধরনের। রমণীবাজী করতেন প্রচুর এবং মদ্যপান করতেন বেহুন্দ। তিনটে বোতল হইস্কি ঘণ্টা কয়েকের ভিতর সাবড়ে দিতেন তিনি অক্রেপে—চোখের পাতাটি না কাঁপিয়ে এবং তাঁর চোখের সেই তীক্ষ্ণ জ্যোতিটির উপর সামান্যতম ঘোলাটে পোঁছ পড়তো না।

অর্থাভাব তাঁব লেগেই থাকতে। ধরা পড়াব পর অনুসন্ধান করে জানা যায়, তাঁর আমদানি যে-কোনো মাঝারি রাজদূতাবাসের দ্বিতীয় শ্রেণীর কর্মচারীদের মতো অতি সাধাবণ। পবিষ্কার বোঝা যায়, তিনি কখনো তাঁর স্পাইবৃত্তি এক্সপ্রয়েট করেননি। তিনি স্পাই হয়েছিলেন কম্যুনিজমের প্রতি তাঁর আন্তরিক আদর্শবাদে প্রবুদ্ধ হয়ে।

জরগে উচ্চশিক্ষা লাভ করেন রুশ এবং জর্মনি উভয় দেশে। তাঁর স্বর্গত ঠাকুর্দা ছিলেন কার্ল মার্কসের সেক্রেটারি। শিক্ষা সমাপনান্তে, প্রথম যৌবনে, এ শতকের দ্বিতীয় দশকে তিনি পশ্চিম জর্মনিতে একটি কম্যুনিষ্ট পত্রিকার সম্পাদক ছিলেন। অতঃপর তাঁকে তৃতীয় ইন্টারনেশনালের বৈদেশিক গুপ্তচর বিভাগে কর্ম দিয়ে স্কানডিনেভিয়া ও পরে তুর্কীতে গুপ্তচরবৃত্তি করতে পাঠানো হয়। তুর্কীরা এসব বাবদে অসাধারণ চালাক। গন্ধ পেয়ে যায় অচিবায়। জরগে কিয়ৎকাল জেল খাটলেন—তাঁর গুপ্তচরবৃত্তিতে এই একটি মাত্র কলঙ্ক; সর্বসাধারণ অবশ্য যুদ্ধশেষের অনেক পরে এসব জানতে পায়। ১৯৩০ সালে রুশ সরকারবের আদেশে তাঁকে পাঠানো হয় সাংহাইয়ে। এখান থেকে আরম্ভ হয় তাঁর কৃতিত্বময় জীবন।... জরগেকে যে জাপানী কোর্ট মারশালের সামনে দাঁড়াতে হয় সে মোকদ্দমার নথিপত্র মার্কিনরা জাপান অধিকার করার পর হস্তগত করে। তার থেকে জানা যায়, জরগে সাংহাইয়ে যেসব দেশী-বিদেশী কম্যুনিষ্টদের সংস্পর্শে আসেন তাঁদের অন্যতম হজ্জমি ওসাকি নামের জনৈক জাপানী। এর পর এঁবা মস্কোর আদেশে টোকিও চলে আসেন।

প্রকাশ্যে তাঁর পেশা ছিল নাৎসি-নির্দেশচালিত (অবশ্য তখন তাবৎ জর্মন প্রেসই গ্যোবেলসের কজ্ঞাতে) ফ্রাঙ্কফুর্টের আলগে-মাইনে এসাইটুঙের সংবাদদাতারূপে। তবে তাঁর অনেক প্রবন্ধই ছাপাবার মতো সাহস সম্পাদকমণ্ডলীর ছিল না। তাঁরা সেগুলো না

ছেপে চেপে যেতেন। সহকর্মীরূপে তাঁকে ক্লাউজেন নামক আরেক জার্মান গুপ্তচর দেওয়া হয়েছিল। প্রকাশ্যে তাঁর ব্যবসা ছিল মোটর মেরামতি। ওদিকে ছিলেন সেবার সেরা রেডিয়ার ওস্তাদ। অবশ্য জাপান থেকে রুশের পূর্বতম সীমান্তে রেডিযোবার্তা পাঠাতে জোরদার ট্রান্সমিটারের দরকার হয় না—ধরা পড়ার সম্ভাবনা অপেক্ষাকৃত কম। ক্লাউজেনও ধরা পড়েছিল কিন্তু তাঁকে জাপানীরা ফাঁসী দেয় নি; যুদ্ধশেষে রুশ দেশে ফিরে যাবার অনুমতি দেয়।

জর্গে যখন ধরা পড়লেন এবং সামান্যমাত্র অনুসন্ধানের ফলে জানা গিয়েছে তিনি বাঘা স্পাই, তখনই জাপান মন্ত্রিমণ্ডলী বিশ্বয়ে হতবাক্। এ যে একেবারে অবিশ্বাস্য। এইমাত্র যে জাপানী হজুমি ওসাকির নাম বললুম সে লোকটি কি করে হয়ে গিয়েছিলেন প্রিন্স কনোয়ের সাতিশয় বিশ্বাসভাজন সহকর্মী! এই কনোয়েটি যে-সে ব্যক্তি নন। একে তো জাপানের তিন-চারটি খানদানীতম ঘরের একটি প্রিন্স ডিউক, তদুপরি তিন-তিনবার জাপানের প্রধানমন্ত্রীত্ব করেছেন—এঁর আদেশেই জাপান ত্রিশক্তি চুক্তিতে যোগ দেয়, হিটলার ও মুসসোলিনীর সঙ্গে এবং এঁরই রাজত্বকালে পাকা সিদ্ধান্ত গ্রহণ করা হয় যে, যুক্তরাষ্ট্রের বিরুদ্ধে যুদ্ধ করা হবে—যদিও ঘোষণা করা হয় তাঁর পদত্যাগের পরে। এবারে পাঠক তারিখগুলো লক্ষ্য করবেন। ১৯৪০-এর জুলাই থেকে ১৫ই সেপ্টেম্বর ১৯৪১ পর্যন্ত (ক্যাবিনেট পুনর্গঠনের জন্য মাত্র দুটি দিন বাদ দিয়ে) কনোয়ে ছিলেন জাপানের সর্বময় কর্তা এবং হজুমি ওসাকি ছিলেন তাঁর পবম বিশ্বাসী অন্তর্বঙ্গজন। বলা বাহুল্য গোপন মন্ত্রণাসভার আলোচনা-সিদ্ধান্ত ওসাকি কনোয়ের কাছে পেয়ে কমবেড জর্গেকে গরম-গরম সরববাহ করতেন এবং এই চোদ্দ মাসেই জাপানেব এ যুগেব ইতিহাসে সবচেয়ে মোক্ষম মরণ-বাঁচন সিদ্ধান্ত গ্রহণ করা হয় (হিটলাবের সঙ্গে দোস্তী, মার্কিনের সঙ্গে লড়াই)। একেবারে গাঁজাখুরি অবিশ্বাস্য ঠেকে যে, হিটলার-সখা কনোয়েব পরম বিশ্বাসী সহচর ছিলেন হিটলারবৈরী রুশের গুপ্তচর এবং তিনি জাপানেব গোপনতম সিদ্ধান্ত স্তালিনকে পাঠাচ্ছেন হিটলাবের বিনাশসাধনের জন্য। এবং হিটলাব বিনষ্ট হলে যে আপন মাতৃভূমি জাপানেরও পরাজয় অবশ্যসম্ভাবী সে তত্ত্বটি বোঝার মত এলেম নিশ্চয়ই এই ঋনু গুপ্তচরের পেটে ছিল। তিনি নাকি গুপ্তচববৃত্তিতে তালিম পেয়েছিলেন জর্গের কাছ থেকে। জর্গে যে স্পাইদেব গুকের গুক সে কথা তো পূর্বেই বলেছি।

১৭ অক্টোবর ১৯৪১-এ জর্গে গ্রেফতার হন। ঠিক তার ৩২ দিন পূর্বে কনোয়ে মন্ত্রীত্ব পদে ইস্তফা দেন। এ দুটোতে কোনো যোগসূত্র আছে কিনা—আমার কাগজপত্র কেতাবাদি সে সম্বন্ধে নীরব। আমার মনে হয় পুলিশ কোনো গুপ্তচর সম্বন্ধে নিঃসন্দেহ হওয়া মাত্রই তাকে গ্রেপ্তার করে না। বেশ কিছুদিন তাকে অবাধে চলাফেরা কবতে দেয়। তার সহকর্মী চরদের চিনে নেয়। তার পব এক “শুভ প্রভাতে” বিরাট খোয়াজাল ফেলে সব কটা মাছ ধরে। ইতিমধ্যে কিন্তু রাষ্ট্রপ্রধান কনোয়েকে অবশ্যই জানানো হয়েছে যে, তাঁর বিশ্বাসী ওসাকিই অশেষ পাপের পাপী পঞ্চম পাতকী/তার চেয়ে বেশী পাপী বিশ্বাসসঘাতকী।

এত বড় কেলেঙ্কারির পর প্রধানমন্ত্রী থাকা যায় না। কনোয়ের রাজনৈতিক জীবন এখানেই চিরতরে খতম। ১৯৪৫-এ তিনি আত্মহত্যা করেন। কনোয়ে ছাড়া আরও বেশ কয়েকটি খানদানী উচ্চকর্মচারীকে, জর্গের নির্দেশে ওসাকি পারদর্শিতার সঙ্গে দিনের পর দিন পাম্প করেছিলেন।

সামসনের মতো জরুগে পুরো এমারং খুলিসাং না করতে পারলেও জাপান রাষ্ট্রের ভিত্তে যে ফাটল ফাটিয়ে যান সেটা কখনো মেরামত হয়নি।

আধুনিকের আত্মহত্যা

১৯২১-২২ খ্রীস্টাব্দের কথা। ১৯১৪-১৮-র বিশ্বযুদ্ধে যত যুবক ইয়োরোপের ভবিষ্যৎ, খ্রীস্টধর্মের বার্থতা এবং স্ব স্ব আদর্শবাদ সম্পূর্ণ বিনষ্ট হয়ে যাওয়া নিয়ে চিন্তা করে, দ্বিতীয় বিশ্বযুদ্ধের পর, কেন জানি নে, তার দশমাংশও করেনি। প্রথম বিশ্বযুদ্ধের পর রবীন্দ্রনাথ যখন ইয়োরোপের ভিন্ন ভিন্ন নগর, এমন কি গ্রামাঞ্চলেও ভারতের শাশ্বত বাণী প্রচার করে বক্তৃতা দেন তখন বিশেষ করে মুক্ত হন তাঁরাই, যাঁরা একদা খ্রীস্টধর্মে গভীর বিশ্বাস ধরতেন কিন্তু যুদ্ধের কল্পনাভীত বর্বরতা দেখে সে ধর্মের কার্যকারিতা অর্থাৎ খ্রীস্টধর্ম ইয়োরোপের খ্রীস্টানগণকে ভদ্র মানুষে পরিবর্তিত করতে পারবে কিনা, সে বিষয়ে অত্যন্ত সন্দেহান হয়ে গিয়েছিলেন। অনেকেই নৈরাশ্যবশত সাতিশয় বিরক্তিসহ চার্চে যাওয়া পর্যন্ত বন্ধ করে দিয়েছিলেন। এমন কি তাঁদের ঈশ্বর-বিশ্বাসের দৃঢ়ভূমি পর্যন্ত যেন তাঁদের পায়ের তলা থেকে ক্রমেই শিথিল হয়ে সরে যাচ্ছিল। শুধু যুবক সম্প্রদায়ই নয়, অপেক্ষাকৃত বয়স্ক গুণীজ্ঞানী পণ্ডিতরা পর্যন্ত ইয়োরোপের ভবিষ্যৎ সম্বন্ধে দ্বিধাগ্রস্ত হয়ে পড়লেন—ভিক্টোরীয় যুগে তাঁদের যে দৃঢ় বিশ্বাস ছিল যে মনুষ্যজাতি, বিশেষ করে শ্বেতাঙ্গগণ সভ্য থেকে সভ্যতার পর্যায়ে উঠছে এবং ফলে একদিন আর এ-সংসারে দুঃখদৈন্য অনাচার উৎপীড়ন থাকবে না সেটি লোপ পেল। বিশেষ করে যাঁরা ইতিহাসের দর্শন নিয়ে হেগেলেব যুগ থেকে প্রব্ধ করছেন যে, ইতিহাসে আমরা শুধু অসংলগ্ন চৈতন্যহীন মূঢ় কতকগুলো ঘটনাসমষ্টি পাই, না এর পিছনে কোনো সচেতন সমস্ত ঘটনাপরম্পরাগত ক্রমবিকাশের মাধ্যমে শুধু যে মানুষকে উন্নততর এবং সভ্যতর পন্থায় নিয়ে যাচ্ছে তাই নয়, নিজেও সপ্রকাশ করছে। প্রথম বিশ্বযুদ্ধের পর অনেকেই দ্বিতীয় সমাধানটি অগ্রাহ্য করলেন, এবং অন্যতম সুপ্রসিদ্ধ ইতিহাস-দর্শনের সুপণ্ডিত অসভ্যাস্ট স্পেন্ডলার তাই লিখলেন, 'যুরোপের সূর্যাস্ত (ড্যার উস্টোগাঙ্ক ডেস্ আবেস্টলান্ডের)। বইখানার খ্যাতি সে যুগে পঞ্চমহাদেশে ছড়িয়ে পড়ে।

কিন্তু আমি যুবকদের কথা বলছিলাম। তাদের অনেকেই রবীন্দ্রনাথের বাণীর মাধ্যমে অনুভব করলো যে প্রচলিত খ্রীস্টধর্মে বিশ্বাস না করেও শাশ্বত সত্য ধর্ম নিরপেক্ষ ঈশ্বরবিশ্বাসের উচ্চতম পর্যায়ে ওঠা যায়, এঁদের একাধিক জন তখন প্রাচ্যভূমিতে এসে স্থায়ী বসবাস নির্মাণ করতে উদগ্রীব হন।

এঁদেরই একজন মসিয়ো ফের্না বেনওয়া। রবীন্দ্রনাথ যে ক'জন ইয়োরোপীয়কে বিশ্বভারতীতে—কয়েকজনকে অস্তুত সাময়িকভাবে—শিক্ষাদানের জন্য আহ্বান করেছিলেন তাঁদের সকলেই শাস্ত্রজ্ঞ পণ্ডিত ছিলেন: যেমন লেভি, ভিন্টারনিংস, ভূচ্চি ইত্যাদি। খাঁটি সাহিত্যিক ছিলেন একমাত্র অধ্যাপক বেনওয়া এবং তিনি ফ্রাঙ্কেও সুপরিচিত ছিলেন। তাঁর প্রকৃত পরিচয় আমরা পাই, যখন মণ্ডীষী রমাঁ রলাঁ তাঁর জীবনের ষষ্ঠিতম বৎসরে পদার্পণ করার শুভলগ্নে বিশ্ববাসী গুণীজ্ঞানীগণ একখানে পুস্তক তাঁকে উৎসর্গ করেন। বইখানার নাম তাঁরা দেন লাতিনে 'লীবার আমিকরুম'—অর্থাৎ 'স্বাগণপ্রদত্ত

(উৎসর্গিত) পুস্তক'। এদেশ থেকে লেখেন মহাত্মা গান্ধী, জগদীশচন্দ্র বসু ইত্যাদি। পৃথিবীর প্রায় সর্ব সভ্যদেশ থেকে কেউ না কেউ এই শুভলগ্নে রলীকে অভিনন্দন জানিয়ে তাঁর সম্বন্ধে প্রবন্ধ লেখেন। আমার এখনো মনে আছে এক আরব রলীকে উদ্দেশ্য করে লিখেছিলেন, 'তুমি লৌহসম্মাজনী দ্বারা ইয়োরোপের কুসংস্কারজগ্গাল দূর করেছ।' বলা বাহুল্য এই লেখনী সঞ্চয়নে আপন রচনা দিয়ে শ্রাঘাশ্রান্তির জন্য যখন সর্ব বিশ্বের সমস্ত সমস্ত গুণীজ্ঞানী উদগ্রীব, তখন প্যারিস থেকে সম্মানে আমন্ত্রণ জানানো হল অধ্যাপক বেনওয়াকে, তাঁর রচনার জন্য। তিনি তাঁর স্বাভাবিক বিনয়বশত আশ্রমের কাউকে কিছু বলেননি, কিন্তু এই 'লীবার আমিককরম্' যখন আমাদের লাইব্রেরিতে পৌঁছল তখন আমরা সেটিতে আমাদেরই অধ্যাপকের রচনা দেখে বিস্মিত ও আনন্দিত হই। তিনিও আবার তাঁর প্রবন্ধে কোনো গুরুগভীর বিষয়ের অবতারণা করেননি—আমরা ঠিক সেই সময়ে তাঁর ক্লাসে রলীর এক স্বল্পখ্যাত পুস্তিকা 'পিয়ের এ ল্যুস'—'পীটার ও লুসি' পড়ছিলাম। চটি বই। বিরাট জ্যা ক্রিস্তফ লেখার পর রলী দুই তরুণ-তরুণীর একটি বিতর্ক প্রেমের কাহিনী লিখে জ্যা ক্রিস্তফের মতো বিরাট পুস্তকের কঠিন কঠিন সমস্যা, ইয়োরোপীয় সভ্যতা নিয়ে আলোড়ন-বিলোড়ন থেকে নিষ্কৃতি পেতে চেয়েছিলেন। বেনওয়া তাঁর প্রবন্ধ লিখেছিলেন 'শান্তিনিকেতনে পিয়ের এ ল্যুস'—যতদূর মনে পড়ছে, এই শিরোনাম দিয়ে, এবং 'পিয়ের এ ল্যুস' পড়ে শান্তিনিকেতনের ছাত্রছাত্রীর মনে কি প্রতিক্রিয়ার সৃষ্টি হয় তার সবিস্তার বর্ণনা দেন। রলীকে উৎসর্গিত 'লীবার আমিককরম্' পুস্তকের কোনো কোনো অংশ সে সময়ে কালিদাস নাগ অনুবাদ করে এদেশে প্রকাশ করেন।

অধ্যাপক বেনওয়াব গত হওয়ার দিবস বিস্ময়সূচক। যে গুরুর কাছ থেকে তিনি অকুপণ স্নেহ ও সম্মান পেয়েছিলেন তাঁরই জন্মশতবার্ষিকীর দিনে ১৯৬১ খ্রীস্টাব্দে তিনি ইহলোক ত্যাগ করেন।

এস্থলে আমি অধ্যাপক বেনওয়ার জীবনী লিখতে যাচ্ছি নে। বস্তুত ১৯২১ থেকে এবং সঠিক বলতে গেলে যবে থেকে রবীন্দ্রনাথ শান্তিনিকেতনে বিশ্বভারতী প্রতিষ্ঠা করেন সেই সময় থেকে ১৯৪১ রবীন্দ্রনাথের মৃত্যু পর্যন্ত যে সব গুণীজ্ঞানীবা এখানে অধ্যয়ন-অধ্যাপনা করেছিলেন তাঁদের পূর্ণাঙ্গ জীবনী লেখার ভার আমার স্বন্ধে নয়। কাব, সেটা বলা বাহুল্য। বছর দশেক পূর্বে লাইপৎসিক বিশ্ববিদ্যালয় রবীন্দ্রভবনকে লেখে, তাঁরা তাঁদের বিশ্ববিদ্যালয়ের কৃতি ছাত্রদের জীবনী প্রকাশ করছেন, জনৈক মার্ক কলিন্স সম্বন্ধে শান্তিনিকেতনের কেউ কিছু জানে কিনা? (কলিন্স এখানে অধ্যাপনা করেছিলেন।) অন্যরা তাদের ছাত্রদের সম্বন্ধে লেখে আর আমরা আমাদের অধ্যাপকদের—'বৃথা বাক্য থাক'! (স্বয়ং রবীন্দ্রনাথই বলেছেন)'

সেই বেনওয়া সাহেব কয়েকদিন ফরাসী ক্লাস নেওয়ার পর বললেন, 'ভোঁমরা যে মলিয়ের, ফ্লেবেব, য়ুগো (Hugo), জিঁদ, ফ্রাঁস পড়তে চাও সে তো খুব ভালো কথা। কারণ আজকালকার ইয়োরোপীয় ছাত্রছাত্রীদের এসব লেখকের বই পড়ানো কঠিন হয়ে

১ এইসব অধ্যাপকদের সম্বন্ধে যেটুকু সামান্য বিবরণ পাঠক পাবেন সেটুকু শ্রীযুক্ত প্রভাতকুমার মুখোপাধ্যায়ের রবীন্দ্রজীবনীতে। কিন্তু তাঁর মূল বক্তব্য স্বয়ং রবীন্দ্রনাথকে নিয়ে ছিল বলে বাধ্য হয়ে অধ্যাপকদের সম্বন্ধে বিবরণ দিয়েছেন সংক্ষিপ্ত রূপে।

দাঁড়িয়েছে। তারা লাভিন গ্রীক তো শিখতেই চায় না, তার অনুবাদেও বিরাগ, এমন কি এই একটু আগে যাদের নাম করলুম, তাঁদের লেখার প্রতিও কোনো উৎসাহ নেই, তাদের কারণ তাঁরা লেখেন ক্লাসিকাল পদ্ধতিতে। তার অন্যতম মূল, ‘যে জিনিস স্বচ্ছ (ক্রিয়ার, পরিষ্কার, যার অর্থ অতি সহজেই বোঝা যায়) নয়, সে জিনিস ফরাসী নয়’ (স্ কি নে পা ক্ল্যার নে পা ফ্রাঁসে!) আর এ যুগের পাঠকরা চায় আধা-আলো-অন্ধকার। তাদের বক্তব্য, ‘তোমরা জীবনটাকে যতখানি সহজ সরল স্বচ্ছ ধরে নিয়েছো এবং ফলে স্বচ্ছ সরল পদ্ধতিতে প্রকাশ করো জীবনটাকে—বাস্তবে সে তা নয়, জীবন ওরকম হয় না। সর্ব মানবজীবনেই আছে আলো-আঁধারের দ্বন্দ্ব—তাই তার প্রকাশও পরিষ্কার হয়ে ধরা দেবে না। আমরা আজ যা লিখছি সেটা পুরনো স্টাইলকে ছাড়িয়ে এগিয়ে গিয়েছে, এবং তোমরা যারা প্রাচীন পদ্ধতিতে অভ্যস্ত—তারা তো এটাকে দুর্বোধ্য, অবোধ্য এমন কি অর্থহীন প্রলাপ বললেও বলতে পারো, কিন্তু আমরা তার কোনোই পরোয়া করি নে। আমরা আমাদের “অপক্ষে” এগিয়ে যাবো, এবং এই করেই নূতন পথ বানাবো।’

এতদিন পরে কি আর সব কথা মনে থাকে! এটা হচ্ছে ১৯২১/২২/২৩-এর কাহিনী। তখনো এদেশে মডার্ন কবিতা জন্ম নেয়নি, (পরবর্তী যুগে যখন নিল, তখন হিসেব নিয়ে দেখা গেল, এসব মডার্ন কবিতাতে যে শব্দটি বার বার, এমন কি বলা যায় সর্বাধিক বার আসে সেটি ‘ধূসর’। তখন মনে পড়লো, ফ্রান্সের মডার্নদের সম্বন্ধে অধ্যাপক বেনওয়ার প্রাচীন দিনের বিবৃতি—সেখানে মূল কথা ছিল ‘অস্পষ্ট’ ‘দ্বন্দ্বমুখর’ এবং সর্বোপরি ‘আধা-আলো-অন্ধকার’। সেই বস্তুই এদেশে এসে পরেছে ‘ধূসর’ আলখান্না! তা হবেই বা না কেন? এ দেশটা তো বৈরাগ্যের গেক্রয়া বসনধারী, আর গেক্রয়া যা ধূসরও তা!) তবে মোটামুটি যা বলেছিলেন, সেটা মনে আছে—এবং চোখের জলে নাকের জলে মনে আছে!

কারণ সর্বশেষে সাহেব বললেন, ‘অতএব এই নূতন ফ্রান্সকেও তোমাদের চেনা উচিত; বিশেষ করে তার কাব্যপ্রচেষ্টাকে।’ সঙ্গে সঙ্গে তিনি ফ্রান্স থেকে আনালেন—তখনকার দিনে জাহাজ-রেলে প্রায় ছ সপ্তাহ লাগতো—বেশ মোটা মোটা দু-ভল্লুমে সম্পূর্ণ মডার্ন কবিতার চয়নিকা। শিরোনাম, ‘পোয়েৎ দ’ জুরন্যুই,’ ‘পোয়েটস্ অব্ টুডে’,—‘হালের কবি’, ‘আজকের কবি’ যেটা আপনার প্যারা লাগে বাংলাতে সেইটেই বেছে নিন।

বলছিলুম না, ‘চোখের জলে নাকের জলে? পড়েই যাচ্ছি, পড়েই যাচ্ছি, কোনো হৃদিস আর পাই নে। ক্লাসের পড়া তৈরি করতে আগে আমার লাগতো তিন পো ঘণ্টাটুক, এখন দু-ঘণ্টা তিন-ঘণ্টা অভিধান খেঁটেও কোনো হৃদিস পাই নে। একটা তুলনা দিয়ে জিনিসটা পরিষ্কার করি। আপনি কোনো বিষয়বস্তু পড়ছেন যেটা সরল, এবং লেখকের উদ্দেশ্যও সরল। সেখানে মনে করুন হঠাৎ এল একটা শব্দ যার অর্থ আপনি জানেন না, যেমন ধরুন ‘কর’। অভিধান খুলে মানে পেলেন ‘করা ধাতুর রূপ বিশেষ’, ‘বাজনা’ ‘হাত’ ‘কিরণ’ ‘হাতির শুঁড়’ ‘হিন্দুর উপাধি বিশেষ’। এতক্ষণ ধরে লেখকের সব কথাই আপনার কাছে পরিষ্কার ছিল বলে, পূর্বাপর প্রসঙ্গ বিবেচনা করে আপনি চট করে বুঝে গেলেন কোন্ অর্থটা লাগবে, লেগেও গেল ক্লিক করে। তাই বোধ হয় অভিধানকে কুক্ষিকাও বলা হয়। সেখানে আপনি পাবেন চাৰি—এটা প্রয়োগ করে আপনি যে অচেনা

শব্দরূপ তালা খুলতে চান, সেটি খুলতে পারেন। এর পরে তুলনাটা হয়তো টায়-টায় মিলবে না, আমার বক্তব্য কিঞ্চিৎ খোলসা করবে। আপনার নিচ্ছেন যে তালা আপনি নিত্বি নিত্বি খোলেন তার চাবি যদি হারিয়ে যায়, আর কেউ এসে একগুচ্ছ জাত-বেজাতের চাবি দেয়, তাহলে কোন চাবিটি দিয়ে আপনার তালাটি খোলা যাবে সেটা চট করে বেছে নেবেন—জোর, নিতান্ত একাকার হলে, দু-তিনটে ট্রায়েল নিয়েই কমসিদ্ধি।

আর এখানে, অর্থাৎ এই মডার্ন কবিতা নিয়ে হালটা কি? যেন তালাটিই দেখতে পাচ্ছি নে ভালো করে,—আদৌ আছে কি না সো ভী কসম খেয়ে বলতে পারবো না, অর্থাৎ বিসমিল্লাতেই গয়লৎ (গলৎ)—কেমন যেন আবছা-আবছা গোছ, ঐ যে সায়েব অধ্যাপক স্বয়ং বলেছিলেন কেমন যেন আধা-আলো-অন্ধকার, ফরাসীতে বলে ‘ক্রেপুস্ক্যুল’ (ইংরেজিতে বিশেষটা চলে না বটে, কিন্তু বিশেষটা—crepuscular—মাঝে মাঝে পাওয়া যায়) এদেশের পরবর্তী যুগের ‘ধূসর’! এদিকে তালাটিই দেখতে পাচ্ছি নে ভালো করে, ওদিকে অভিধান আমার হাতে তুলে দিলেন চারটে চাবি—এখন লাগাই কোনটা? এমন কি ‘রাজাকে হাতির গুঁড় (কর) দিলুম’ অর্থও যদি ‘রাজাকে ঝাঙ্কনা (কর) দিলুম’—এর বদলে বেরোয় তাতেও আমি খুশী! কথায় বলে ‘হাতের একটা পাখি কানা মামার চেয়ে ভালো’—ঐফ্ যা, দুটো প্রবাদে গোবলেট করে ফেললুম নাকি? তা সঙ্গুণে সবই হয়। অর্থাৎ সে যুগের ফরাসী মডার্ন কবিতা শব্দ, অর্থ, অনুপ্রাস, এমন কি বানান নিয়েও, একুনি আমি যা গোবলেট পাকালুম, তার চেয়ে কোটি গুণে (ইনফিনিটি সিঞ্চলটি দিতে চেয়েছিলুম, কিন্তু সেটি বোধ হয় ছাপাখানায় নেই) ওস্তাদ ছিল—গোবলেট পাকাতে!

বেশ কয়েকদিন গলদধর্ম পরিশ্রম করার পর আমি স্থিরনিশ্চয় হলুম, আমার মনে সন্দেহের অবকাশ মাত্র রইল না, এ বস্তু কাব্য নয়, এটা নিশ্চয়ই দর্শন। কারণ দর্শনের সংজ্ঞা দিতে গিয়ে দার্শনিকশ্রেষ্ঠ শোপেনহাওয়ার বলেছেন। (আমি অনুবাদের খাতিরে একটুখানি কনসুরা লাগাচ্ছি) :

দর্শন হল গিয়ে ‘অমানিশার অন্ধকার অঙ্গনে অন্ধের অনুপস্থিত অসিত অশ্ব অণ্ডের অনুসন্ধান।’

কিন্তু এ তত্ত্বে পৌঁছানোর পরও আমি অত সহজে হাল ছাড়িনি—তার জন্য বয়সটাই দায়ী; ওটা জেদীর বয়স।

কারণ আমার মনে পড়লো, ছেলেবেলায় কাকার কাছে শোনা একটি তত্ত্বোপদেশমূলক কাহিনী। এক রাজার ছিল একটি অতি বিরল মহামূল্যবান সাদা হাতি। সে দিন দিন কেন গুকিয়ে যাচ্ছে তার অনুসন্ধান কবার ফলে ধরা পড়লো যে, তার মাছত শত সাবধান বাণী সত্ত্বেও অতি সঙ্গোপনে হাতির দানা চুরি করছে। রাজা ভয়ঙ্কর চটে গিয়ে তার প্রাণদণ্ডের হুকুম দিলেন। মাছত যখন দেখল এ-হুকুম কিছুতেই রদ হবে না, রাজার সামনে নিবেদন করলে, তাকে যদি এক বছরের সময় দেওয়া হয় তবে, একমাত্র তারই জানা গোপন কৌশল প্রয়োগ করে ঐ সাদা হাতিটাকে দিয়ে মানুষের মতো কথা বলাতে পারবে। রাজা সম্মত হলেন। মাছতের অন্তরঙ্গ বন্ধুরা যখন তাকে শুধালো হাতিকে দিয়ে সে কথা বলাবে কি করে, তখন সে বললে, ‘ভাইরা সব, এক বছরের ভিতর কত কিছুই না ঘটতে পারে। এক বছরের ভিতর রাজা মারা যেতে পারেন, কিংবা হাতি মারা যেতে পারে, কিংবা আমি মারা যেতে পারি—এবং কে জানে, কিংবা হয়তো হাতিটা শেষমেষ কথাই বলে

ফেলতে পারে।’

আমিও সেই আশাতেই রইলুম, কে জানে এ সব কবিতার মানে একদিন হয়তো বেরিয়ে গেলে যেতেও পারে। যদিও অকপট চিন্তে স্বীকার করছি, আমার তখন মনে হয়েছিল, এবং আজও মনে হয়, আচম্বিতে হাতির মানুষের মতো কথা বলতে পারাটার সম্ভাবনা এসব কবিতার অর্থ বোঝার সম্ভাবনার চেয়ে ঢের ঢের বেশী।

সত্যের অপলাপ হবে বলে স্বীকার করছি, সাহেব আমাদের বলেও ছিলেন, প্রাচীন যুগের ল্যা কঁৎ দ্য লিল্ বা ম্যাগোর কবিতার অর্থ যে-রকম বর্ণে বর্ণে বোঝা যায়, এসব ‘পোয়েৎ দ’ জুরদ্যুই’—‘হালের কবি’দের কাছ থেকে সেটা যেন প্রত্যাশা না করি—এর নাকি অনেকখানি সরাসরি, সোজাসুজি অনুভূতির যোগে চিন্তে গ্রহণ করতে হয়। কি প্রকারে সে ‘যোগ’ করতে হয় সেটা অধ্যাপককে শুধিয়ে তাঁকে বুঝা হয়রান করতে চাইনি—কারণ যেখানে অনুভূতির কারবার সেখানে সে রসে উপনীত হওয়ার প্রক্রিয়া তো আর সিলজিজম্ দিয়ে বাতলানো যায় না। যেমন মাকে কি করে ভালোবাসতে হয় এটা তো আর কাউকে ইন্সট্রাকশন দিয়ে শেখানো যায় না—যে-রকম বিস্কুটের টিনের উপরে ছাপা নির্দেশানুযায়ী-প্রক্রিয়ায় টিনটি পরিপাটিক্রমে খোলা যায়।

পাঠক শুধোবেন, ‘তা হলে ক্লাসে কি অধ্যাপক সেগুলো বুঝিয়ে দিতেন না?’ এবারে ফেললেন মুশকিলে। সাহেব মোটামুটি একটি ইংরিজি অনুবাদ খাড়া করে দিতেন—কারণ ইংরিজি ও ফরাসীর শব্দসম্পদ—বিশেষ কবে চিন্তা ও অনুভূতি সংশ্লিষ্ট বিমূর্ত শব্দ একই ভাঙার থেকে নেওয়া হয় বলে বহু কবিতার শতকরা ষাটটি শব্দ দুই ভাষাতেই এক। অনুবাদ করা কঠিন নয়। কিন্তু তাই বলেই কি জিনিসটা সরল হয়ে যাবে? মডার্ন বাংলা কবিতার শব্দগুলো তো আপনি চেনেন, তাই বলে কি অর্থ বোধগম্য হয়? তার উপর সর্বক্ষণ ভয়, এখনো তো মামুলী ফরাসীটাই ঠিকমতো রপ্ত হয়নি, হয়তো গাড়ালের মতো এমন প্রশ্ন শুধিয়ে বসবো যেটা বাঙলায় প্রকাশ করতে হলে বলি, ‘সপ্তকাণ্ড রামায়ণ পড়ে—ইত্যাদি।’

তবে দুটো জিনিস লক্ষ্য করলুম। ‘শোল্ডার শ্রাগ’ করা বা কাঁধ উঠিয়ে নামিয়ে নিজের অসহায়তা প্রকাশ করার অভ্যাস সর্ব ইয়োরোপীয়েরই আছে। কিন্তু এর সব চাইতে বেশী কনজাম্শন্ ফ্রাঙ্গে—শ্যাম্পেন বা ব্রাভিভ চেয়েও ঢের ঢের বেশী; এ সব কবিতা ‘বোঝাবার’ সময় বেনওয়া সাহেব যা ‘শোল্ডার শ্রাগ’ করলেন তার থেকে আমার মনে হল যে, আগামী দশ বৎসরের রেশন তিনি ঐ ‘হালের কবি’দের পাল্লায় পড়ে তিন মাসেই খতম করে দিচ্ছেন। এবং ঐ শ্রাগ করার সঙ্গে সঙ্গে হাতের তেলো দুটো এমনভাবে চিত করতেন যে আমরা স্পষ্ট বুঝতুম, ইংরেজিতে যাকে বলে, ঘোড়াকে জলের যথেষ্ট কাছে আনা হয়েছে, এখন সে যদি না খায়—

দ্বিতীয়ত, সনাতন লেখকদের লেখা তিনি মাঝে মাঝে আমাদের অনুবাদ করতে বলতেন। কিন্তু এই মডার্ন কবিদের হাতে নিরীহ বঙ্গসন্তানদের বেপনাই অর্থাৎ একান্ত অসহায় অবস্থায় ছেড়ে দিতে তিনি সাহস পেতেন না। নরখাদক না হলেও, যারা তাঁদের কবিতা বোঝবার চেষ্টা করে, তাদের মগজ যে কিরকম কুরে কুরে খেতে পাবেন, সে তদ্বৃতি সান্নেবের অজানা ছিল না। এবং ঐ সময়ে শাস্তিনিকেতনের একটি ছেলে পাগল হয়ে গেলে যে গুজব রটেছিল, তার বিরুদ্ধে তারস্বরে প্রতিবাদ জানিয়ে আমি আজ বলছি, ‘সর্বৈব মিথ্যা; সে ছোকরা একদা ফরাসী ক্লাসে আসতো বটে, কিন্তু ঐ সব ‘পোয়েৎ দ’

জুরদুই'দের প্রথম দর্শন পাওয়া মাত্রই সে 'বাম্পো বাম্পো' রব ছেড়ে অধ্যাপক মিশ্রজীর পাণিনি ক্লাসে চলে যায়—যে ক্লাসটাকে আমরা বাঘের চেয়েও বেশী ডরাতাম—এবং পরে মুক্তকণ্ঠে বলে, 'এসব হালের ফরাসিস 'কবি'দের মাল বোঝার চেয়ে পাণিনির সূত্র বোঝা ও কঠিন করা ঢের সহজ।'

একে মডার্ন, তায় ফরাসিস, তদুপরি কোনো কোনো 'কবি' খাস প্যারিসিয়ান— উপস্থিত আবার বাংলাদেশে একটা বিশেষ 'বস' বা ঐ ধরনের 'একটা-কিছু নিয়ে' জোর আন্দোলন চলছে—কাজেই পাঠকের মনে প্রশ্ন জাগা অসম্ভব নয়, এসব কবির কাব্যে স্ত্রীলতা অস্ত্রীলতার মধ্যে কোনো পার্থক্য স্বীকার করতেন কি না? আমার তো শেষ ভরসা ছিল ঐটেই। এত যে মেহনৎ করছি, তার ফলে আথেরে যদি এমন কিছু জুটে যায় যার প্রসাদাৎ সংস্কৃত-পড়নেওলাদের টিচ দিতে পারি। 'ধাতুর তোর "চৌরপঞ্চাশিকা" আর "কুটনীমতম্"!' আসল মাল এ্যাদিনে, বাবা, এদেশে এসে পৌঁছেছে, নাক বরাবর প্যারিস থেকে। আয়, শুনে যা।' কারণ এদের কেউ কেউ অল্পবিস্তর মপাসাঁ পড়েছে, অবশ্য ইংরিজি অনুবাদে,^২ তাই (ঐ বয়সে) আমার সরস আহান শুনে যে আমার সামনে করজোড়ে আসন নিত সে-বিষয়ে কোনো সন্দেহ নেই। কিন্তু হয়, অধ্যাপক বেনওয়া স্বয়ং বহু বৎসর প্যারিসে কাটিয়েছিলেন বলে এ বিষয়ে সাবধান হতে জানতেন। ক্লাসে দুটি মেয়ে ছিল বলে তিনি প্রথম দিনই বলে দিয়েছিলেন, কোন্ কোন্ কবিতা ক্লাসে পড়ানো হবে।

আমার নিজের কেমন জানি একটা অন্ধ বিশ্বাস সে সময় জন্মেছিল যে অধ্যাপক বেনওয়া স্বয়ং ঐই নূতন 'একোল' 'স্কুল' বা 'রীতিটা' পছন্দ করতেন না, বিশেষ রসও পেতেন না। তিনি আমাদের সঙ্গে মডার্ন ফ্রান্সের নবীন কাব্য-আন্দোলনের পরিচয় করিয়ে দিতে চেয়েছিলেন মাত্র—অনেকটা যেন কর্তব্য পালনের জন্য।

তবু ঐই সুবাদে একটি তত্ত্বকথা বলে রাখা ভালো। এসব মডার্ন কবিদের সাধনা ছিল সত্যই বিশ্বয়জনক। কারও কারও ছন্দহীন, লয়বিহীন, মিল-বর্জিত—বস্তুত সর্ব অলঙ্কারশূন্য—এলোপাথাড়ি আকোল-তাবোল শব্দসমষ্টি দেখে যখন আমরা উদ্ভ্রান্ত তখন বেনওয়া সায়েব অপেক্ষাকৃত প্রাচীন কাব্য থেকে পড়ে শোনাতেন ঐদেরই আগেকার দিনের, প্রাচীন পদ্ধতিতে রচিত কবিতা—মডার্ন আন্দোলনে যোগ দেবার পূর্বে রচিত।

এবং সেগুলো শুনে, পবে পড়ে স্তম্ভিত হয়েছি। অনবদ্য এক একটি কবিতা! কতখানি পরিশ্রম, কতখানি সাধনার প্রয়োজন এ রকম অত্যাশ্রম কবিতা রচনা করতে! অর্থাৎ ঐরা 'ব্লাফ-মাস্টার' নন। প্রাচীন পদ্ধতিতে কবিতা রচনা করার টেকনিক্, স্কিল, কৌশল সম্পূর্ণরূপে করায়ত্ত করার পর ঐরা যে কোনো কারণেই হোক—খুব সম্ভব নিজের সৃষ্টিতে ঈঙ্গিত পরিতৃপ্তি না পেয়ে—ধরেছেন অন্য টেকনিক্, বা বলা যেতে পারে, চেষ্টা করছেন নূতন এক টেকনিক্ আবিষ্কার করার। সেজানের ছবি দেখে অঙ্কজন মনে করে, এরকম 'এলোপাথাড়ি তুলির বাড়ি ধাপ্যুস-ধুপ্যুস মারা' তো যে-কোনো পাঁচ বছরের বাচ্চাও দেখিয়ে দিতে পারে, কিন্তু সেজান যখন প্রাচীন 'একাডেমিক' টেকনিকে অধীকতেন

২ সব জিনিস মূল ভাষাতে পড়তে হবে এ উন্নাসিকতার কোন অর্থ হয় না। আমাব আপন অভিজ্ঞতা বলে, বহুক্ষেত্রে অনুবাদ মূলেয় চেয়ে ঢের সবেস হয়েছে। তার একাধিক কাবণ আছে, কিন্তু সে-আলোচনা এখানে অবাস্তর এবং সংক্ষেপে সারবার উপায় নেই।

তখনকার ছবি দেখলে চক্ষুস্থির হয়ে যায়। তখনকার দিনের 'একাডেমিক' যে কোনো চিত্রকরের সঙ্গে অনায়াসে পাশা দিতে পারতেন, কারণ একে তো ছিল তাঁর বিধিদত্ত অসাধারণ সৌন্দর্যবোধ ও স্পর্শকাতরতা, তদুপরি তাঁর আঙুলগুলি যেন শুধু ছবি আঁকার জন্যই বিধাতা নির্মাণ করেছিলেন, এবং সর্বোপরি তাঁর বহু বৎসর ব্যাপী অক্লান্ত সাধনা, ঐ প্রাচীন একাডেমিক টেকনিক সর্বপ্রথম সম্পূর্ণ আয়ত্ত করার জন্য। এ দেশে তাই যখন দেখি, মাত্র দু'টি বছর রেওয়াজ—কবিতা, গান, নাচ যাই হোক না কেন—করেছে কি না, তার আগেই সে লেগে যায় 'কম্পোজ' করতে, এবং অন্যকে বিজ্ঞভাবে 'নবীন পস্থা' বাংলাতে, তখন—থাক্গে।

ইতিমধ্যে আবার জর্মন ভাষাব অধ্যাপক ছুটিতে চলে যাওয়ার দরুন বেনওয়া সায়েবের ঘাড়েই পড়লো জর্মন শেখাবার ভার, এবং তিনিও ফরাসী মডার্ন কবিদের সঙ্গে তাল মিলিয়ে পড়াতে আরম্ভ করলেন জর্মন মডার্ন কবিদের মডার্নতম রাইনের মারিয়া রিলকে! সে আরেক নিদারুণ অভিজ্ঞতা, সুকুমার রায়ের ভাষায় 'ভুক্তভোগী জানে তাহা, অপরে বুঝিবে কিসে?'—সে-কাহিনী আরেক দিনের জন্য মূলতবী রইল। শুধু এইটুকু নিবেদন চেষ্টা দিয়েছিলুম স্যার, সেই সতেরো-আঠেরো বছর বয়সেই চেষ্টা দিয়েছিলুম এই গবিতা নামক জিনিসটির রসাস্বাদন করার। আর যে দোষ দেবেন দিন, শুধু এইটুকু বলবেন না যে, বুড়ো হাবড়া হয়ে যাবার পর মডার্ন কবিতার প্রেম কামনা করে হতাশ-শ্রেমিকরূপে পরিবর্তিত হয়েছি।

তাঁরপর এল সেই শুভলগ্ন যেদিন মডার্ন কবিতার সঙ্গে আমাদের তালাকাটি বেনওয়া সাহেব মঞ্জুর করলেন। আমরা সোম্বাসে ফিরে গেলুম দোদে, ফ্রুবেরের কাছে। শুনেছি, স্পেনের লোক নাকি বছরের প্রথম দিন এক গেলাস জল নিয়ে তাতে কড়ে আঙুলের ডগাটি ডুবিয়ে সেই আঙুল জিভে লাগিয়ে অতি সন্তুর্পণে সভয়ে চাটার পর আঁতকে উঠে বলে, 'ঐ সেই প্রাচীন দিনের পুরনো বিশ্বাদ বস্তু; চ, ভাই, ফিরে যাই আমাদের মদের গেলাসেই! কেন যে পাত্রী সায়েব মদ কমাতে আর বেশী জল খেতে বলেন বোঝা ভার।' আমরাও স্প্যানিয়ার্ডদের মতো ফিরে গেলুম আমাদের ক্লাসিক্স-মদ্যে।

আমাদের মুখের ভাব দেখে বেনওয়া সায়েব হেসে বললেন, 'তবু তো আমরা আছি ভালো, কারণ আমরা চর্চা করি সাহিত্যের। সেখানে উৎকৃষ্টে-নিকৃষ্টে পার্থক্য করা তেমন কিছু অসম্ভব কঠিন নয়। সেখানে রুচিবোধের অনেকখানি স্থিরতা আছে। কিন্তু হত যদি আমাদের বিষয়বস্তু চিত্র? তাহলে খানিকটে আভাস পেতে সে-ক্ষেত্রে রুচির কী আকাশ-পাতাল পরিবর্তন হয় রাতারাতি। আজ যাঁর ছবি খোলা নিলামে বিক্রি হল লক্ষ ডলারে, বছর ঘুরতে না ঘুরতে সেই ছবিই বিক্রি হল হাজার ডলারে। আজ যাঁকে বলা হচ্ছে 'গ্রাঁ মেৎর' গ্রান্ড মাস্টার বা মেসৎরো (ওস্তাদের ওস্তাদ) তিন বছর যেতে না যেতে তাঁর ছবি হয়ে গেল বিলজ্জ, পিফল্ (রন্দী, চোতা)!—আর এ সব ছবিই কিন্তু একাডেমিক স্টাইলে আঁকা; কোনো নূতন এক্সপেরিমেন্টের কথা উঠছে না।

তবেই ধারণা করতে পারবে 'মডার্ন পেন্টিং' নিয়ে কী অসম্ভব রুচি পরিবর্তন, রীতিমত খুনোখুনি মারামারি। আর সে ছবিগুলোতে আছে কি? ধোঁয়াটে, তামাটে, বিৎকুটে কি যেন কি,—জানেন শুধু আর্টিস্টই, বা হয়তো তাঁর অন্তরঙ্গ সখামশুলী, এতে আছে কি, আর্টিস্টের উদ্দেশ্য কি—নিচে লেখা 'বসন্ত'। আর, এজ্ ফার্ এজ্ আই এম্ কনসার্নড্ সেখানে 'বসন্ত' না লিখে অভিধানেব ভিতরের বা বাইরের যে-কোনো শব্দ লিখলেও

আমার ভাতে অনুবিধা কিছুই হয় না। অধিকাংশ আর্টিস্টই আবার তাঁদের ছবির কোনো নামই দেন না। বলেন, 'তাঁরা নাকি ডিক্সনারি ইলাস্ট্রেট করার জন্য আঁকেন না।'

বেনওয়াল সাহেব সেদিন আরও অনেক খাঁটি তত্ত্বকথা বলেছিলেন। কারণ খাস ফরাসিদের মতো তাঁর কৌতূহল ও উৎসাহ ছিল—কাব্য, সঙ্গীত, চিত্র, ভাষ্কর্য ইত্যাদি নানা রসের নানা প্রকাশে, নানা বিকাশে। সর্বশেষ তিনি ইম্প্রেশনিজম, সুররিয়ালিজম, কুবিজম, দাদাইজম ইত্যাদি বহুবিধ 'ইজম'-এর ইতিহাস শোনানোর পর শেষ করলেন 'বানরালে'র কীর্তিকাহিনী শুনিয়ে।

কাহিনীটি আমার চোখের সামনে আজ জ্বলজ্বল করছে, কিন্তু পরম পরিভাপের বিষয় 'নাটকে'র যিনি 'হীরো' তাঁর নামটি ভুলে গিয়েছি। বানরালে-বানরালে গোছ কি যেন এক বিজ্ঞাতীয় নাম,—এ নামটা অনায়াসে আমারও হতে পারতো,—তবে এটুকু মনে আছে যে নামের মধ্যখানে 'আন্' কথাটি ছিল। অবশ্য এ নাট্যের আদ্যস্ত আজো অতি সহজেই আবিষ্কার করা সম্ভবে, সামান্য কয়েক মাস কলকাতা-দিল্লী-বোম্বাই (এ ব্যাপারে বোম্বাই কোন্ পুণ্যবলে তীর্থভূমিতে পরিণত হলেন সে রহস্য পূতভূমির পাণ্ডারাও জানেন না) মাকু মারার পর নিরাশ হয়ে, শেষটায় ভিটেমাটি বেচে, কালোবাজারে ফরেন এক্সচেঞ্জ কিনে যদি প্যারিস চলে যান (ভুলবেন না, ফেরার সময় ম' পলিয়ে থেকে একটা ডিঙ্গি নিয়ে আসবেন; এদেশে কাজে লাগবে। প্র্যাটফর্মেই বোধ হয় সনদ বিক্রি হয়, নইলে হয়তো দু-একদিন বিশ্ববিদ্যালয় পাড়ায় বাস করে, রেডিমেড খীসিস কিনে সেটা পেশ করা মাত্রই সনদটা পেয়ে যাবেন সঙ্গে সঙ্গে...ডট করা লাইনের সঠিক জায়গায় নাম সই করতে কিংবা টিপসই দিতে যেন ক্রটি না হয়...), তবে অদ্যকাব বঙ্গসন্তান মাত্রই আনন্দিত হবে যে, কালোবাজার সেখানে নেই—(সব খোলাখুলি, সামনাসামনি)।

প্যারিসের লোক সে কাহিনী এখনো ভোলেনি। আপনাকে নুতন করে বলাব সুযোগ পেয়ে বড়ই উৎসাহের সঙ্গে সেটি কীর্তন করবে।

প্রথম বিশ্বযুদ্ধের পব যখন মডার্ন আর্ট প্যারিসের অন্য সব প্রাচীন অর্বাচীন কলাসৃষ্টিকে ঝেঁটিয়ে মহানগরী থেকে বের করে দিয়েছে তখন হঠাৎ একদিন উদয় হলেন গটগট করে, সূর্যোদয়ের গৌরব নিয়ে এই চিত্রকর—চিত্রকব বললে অত্যন্তই বলা হয়—যেন স্বয়ং বিশ্বকর্মা। এতদিন নাকি নির্জনে চিত্রসাধনায় নিযুক্ত ছিলেন বলে কোনো প্রদর্শনীতে ছবি পাঠাননি। কিন্তু এইবার তাঁর সময় হয়েছে। কারণ মডার্ন আর্ট তার নুতন পথ খুঁজে পেয়েছে, তাব চরম সিদ্ধিতে পৌঁছে গেছে এঁরই চিত্রকলায়।

একই সঙ্গে প্যারিসে তিনখানা প্রখ্যাততম পত্রিকা মারফত—শুধু কলাবিভাগের নয়, অসাধারণ জ্ঞাতব্য সংবাদরূপে কাগজের উত্তমাস্ত্রেও প্রকাশিত—প্যাবিসবানী এবং দু-তিন দিনের ভিতর তাবৎ ফবাসিস জাতি এই নব অরুণোদয়ের সংবাদ পেয়ে বিস্মিত, স্তম্ভিত ও মুগ্ধ হল। ক্রমে ক্রমে সর্ব আর্টজর্নলে, বিশেষ করে সেই সব আলট্রা-মডার্ন-আর্টজর্নলে, বেগুলো খবরটা সর্বপ্রথমে পবিবেশন করতে পারেনি বলে ঈষৎ বিব্রত বোধ করছিল, সর্বত্রই এই নবীন আর্টিস্ট সম্বন্ধে কলামের পর কলাম, পাতার পর পাতা জুড়ে নানা প্রকারের বিশ্লেষণ তথা তাঁর প্রথম চিত্রের জন্ম থেকে শেষ চিত্র অবধি তার ক্রমবিকাশের সুনিপুণ ইতিহাস সবিস্তার বর্ণিত হল। শেষটায় কিন্তু একে লুফে মিলেন আলট্রা-মডার্ন আর্টের ক্রিটিকদের চাঁইরাই। এঁরা একাডেমিক আর্টেব ভঙ্গশত্রু, কসম-খাওয়া-খুনী-দুশমন। অন্যপক্ষে প্রথমটায় কিঞ্চিৎ গাঁইগুঁই না-রান-না-গসা ধরনের দু-একটা মস্তব্য করার পব আলট্রা-মডার্নদের হাতে যোল খেয়ে চূপসে রঙ্গভূমি—বা

জঙ্গলভূমি, যাই বলুন,—পরিত্যাগ করলেন। ওদিকে সেই চিত্রকরের ছবি দেখবার জন্য যা ভিড়, সেটা সামলাতে গিয়ে প্যারিস পুলিশের মতো সহিষ্ণু প্রতিষ্ঠানও হিমসিম খেয়ে গেল। ওঁর ছবি না দেখা থাকলে তো প্যারিসের শিক (chic) সমাজে মুখ দেখানো যায় না, ওঁর সম্বন্ধে বিজ্ঞভাবে কথা বলাটাই তখন দার্নিয়ে ক্রী—dernier cri—শব্দে শব্দে অনুবাদ করলে ‘শেষ চিত্রকার’, কিন্তু তার থেকে আসল অর্থ ওতরায় না, বরঞ্চ ‘আখেরী কালাম’ বললে ওরই গা ঘেঁষে যায়। আর্টের ব্যাপারে ফরাসী হনুকরণ (to ape)—কারী ইংরেজও ঐ দার্নিয়ে ক্রী-ই আপন ভাষাতে ব্যবহার করে, অর্থ uttermost refinement—ওরকম দুটো শব্দ কিছুতেই অনুবাদ করা যায় না বলে।

এমন সময় সিদ্ধবাদের সেই সুদর্শন, নিটোল, নিখুঁত সী-মোরগের আঙাটি গেল ফেটে, কিংবা কেউ দিলে ফাটিয়ে।

সঙ্গে সঙ্গে বেরুলো উৎকট পচা দুর্গন্ধ। প্যাবিসে তিষ্ঠনো কি সোজা ব্যাপার?

সেই যে বলেছিলুম ‘একই সঙ্গে প্যারিসের তিনখানা প্রখ্যাততম পত্রিকা মারফত’ এই নবীন রবির প্রথম সংবাদ বেরোয়, এবং পবে সকলের অলক্ষ্যে এঁরা কেটে পড়েন—সেই তিন ‘সংবাদদাতা’ বা জালিয়াত আঙাটি ফাটালেন—সর্বজনসমক্ষে ফোটোগ্রাফ সহ।

আসলে বানরালে নামে কোনো আর্টিস্টই নেই। এই তিন মিত্র একটা গাধাকে শক্ত করে বেঁধে দেন একটা খুঁটিতে। লম্বা ন্যাজে মাথিয়ে দেন সযত্নে, আর্টিস্টরা—বরঞ্চ বলা উচিত আলট্রা-মডার্ন আর্টিস্টরা—যে রঙ, অয়েল কালার ব্যবহার করতে পছন্দ করেন, সেই সব রঙ। তার ন্যাজের কাছে, পিছনে, আর্টিস্টদের তেপায়া স্ট্যান্ড বা ইজলের উপব ক্যানভাস। তার পর সেই গাধাটাকে দে, বেধড়ক মার! সে বেচারী পিছনের ঠ্যাং দুটো তুলে যত লাফায়, ততই তার নানা-রঙে-রাঙা ন্যাজ খাবড়া মারে ক্যানভাসের উপর। সঙ্গে সঙ্গে আঁকা হয়ে যায় মোস্ট আলট্রা-মডার্ন ‘ছবি’! ভিন্ন ভিন্ন সাইজের ভিন্ন ভিন্ন ক্যানভাস নিয়ে, গাধার ন্যাজ কখনো বিনুনির মতো ভাগ করে, কখনো গোচ্ছা গোচ্ছা করে বেঁধে—যার যথা অভিরুচি—রঙের ভিন্ন ভিন্ন সংমিশ্রণ করে ‘আঁকা’ হল ‘ছবি’র পব ‘ছবি’! এবং পাছে লোকে অবিশ্বাস করে তাই ‘ছবি’র প্রতি স্টেজে তার ফোটো, গাধার লক্ষ্মণস্পের ফোটো, গর্দভের পুচ্ছাংশসহ চিত্রাংশের ফোটো—এক কথায় শব্দার্থে ডকুমেন্টারি ফোটোগ্রাফ তোলা হয়েছে অপর্യാপ্ত।

তিন জালিয়াত বলা বাহুল্য, এঁরা তৎকালীন তথাকথিত মডার্ন আর্টিস্টদের গোষ্ঠ বেঁধে, দল পাকিয়ে চিত্রকার ও একাডেমিক আর্টের উদ্দেশ্যে তাদের অশ্রাব্য কটুবাক্য গুনতে গুনতে হন্যে হয়ে গিয়ে শেষটায় উপযুক্ত ‘সংকাব’টি করেছিলেন, সঙ্গে সঙ্গে আবার সকলের দৃষ্টি আকর্ষণ করে দিলেন ‘বানরালে’ নামটার মধ্যখানে ane—ফরাসীতে যার অর্থ গর্দভ—শব্দটি গোপনে গা-ঢাকা দিয়ে বসে আছে। অর্থাৎ গাধাটিই এসব ছবির প্রকৃত আর্টিস্ট।

তস্য বিগলিতার্থ, মোস্ট-আলট্রা-মডার্ন-আর্টিস্ট তথা তাঁদের মুখপাত্র আর্টক্রিটিকরা এ্যাদিন ধরে যাকে তাঁদের শিরোমণি করে, তাঁদের হীরো বানিয়ে বিনা বাদ্যে নেচেছেন (‘কি কল পাতাইছো তুমি। বিনা বাইদ্যে নাচি আমি।।’—লেখকের মাতৃভূমির প্রবাদ) তিনি একটি গর্দভ।

এ জাতীয় ঘটনা আরও ঘটেছে। তার ফিরিস্তি দিতে যাবে কে? আর উপরের উল্লিখিত ঘটনাটির পিছনে রয়েছে নষ্টামী। কিন্তু যেখানে কোনো প্রকারের কুমতলব নেই,

সেখানেও যে এ রকমের দুর্ঘটনা ঘটে থাকে সেটা বছর পাঁচেক পূর্বে সপ্রমাণ করে সুইডেনের মতো ঠাণ্ডা দেশ।

সুইডেনের অন্যতম প্রখ্যাত অতি আধুনিক চিত্রকর ফালস্ট্রোম ছবি আঁকার সময় একখানা ম্যাসোনাইটের টুকরোয় মাঝে মাঝে তুলি পুছে নিতেন। কাজেই সেটাতে হরেক রকম রঙ লেগে থাকার কথা। ঐ সময় সুইডেনের ললিতকলা আকাদেমী এক বিরাট মহৎ চিত্রপ্রদর্শনীর ব্যবস্থা করেন—‘স্বতঃস্ফূর্ত কলা (Spontaneous art বা স্পন্ট্যানিস্‌মু এর নাম এবং এটাকেই তখন সর্বাধুনিক কলাপদ্ধতি বলা হত) ও তার সর্বাঙ্গীণ বিকাশ’ এই নাম দিয়ে সেই চিত্র প্রদর্শনীতে থাকবে সুইডেন তথা অন্যান্য দেশের স্পন্ট্যানিস্‌মুস্‌ কলার উত্তম নিদর্শন। এখন হয়েছে কি, চিত্রকর ফালস্ট্রোম তাঁর অন্য ছবি যাতে ডাকে যাবার সময় জখম না হয় সেই উদ্দেশ্যে পূর্বোন্মিষিত তুলি পোঁছার রঙ-বেরঙের ম্যাসোনাইটের টুকরোখানা তাঁর অন্য দুখানা ছবির উপর রেখে প্যাক করে প্রদর্শনীতে পাঠিয়ে দেন—এস্থলে বলা উচিত ফালস্ট্রোম ছবি ক্যানভাসের উপর না এঁকে আঁকতেন ম্যাসোনাইটের উপর। আকাদেমীর বড় কর্তারা ভাবলেন এটাও মহৎ আর্টিস্টের এক নবীন কলানিদর্শন, এবং পরম শ্রদ্ধাভরে সেই তুলি পোঁছার টুকরোটির নিচে আর্টিস্টের স্বনামধন্য নাম লিখে ঝুলিয়ে দিলেন তাঁর অন্য ছবির পাশে।

কেলেঙ্কারিটা কি করে বেরিয়ে পড়ে সে অন্য কাহিনী, কিন্তু যখন পড়ল তখন উঠলো কাগজে কাগজে হৈ-হৈ রব। শেষটায় খুদ আকাদেমির প্রেসিডেন্ট খুদাতাম্মার হাতে সব-কিছু ছেড়ে দিয়ে বলেই ফেললেন, ‘কি করি মশাইরা, বলুন! কে জানত শেষটায় এ-রকম-খারা হবে? আজকাল নিত্য নিত্য এত সব নয়া নয়া এক্সপেরিমেন্ট হচ্ছে যে, কোন্টা যে এক্সপেরিমেন্ট আর কোন্টা যে অ্যান্ড্রিডেন্ট কি করে ঠাওরাই? আমরা ভেবেছি গুণী ফালস্ট্রোম আর্টের ক্ষেত্রে একটা অভিনব পস্থা আবিষ্কার করতে পেরেছেন এবং সেই ভেবে ঐ ছবিটাও প্রদর্শনীর অন্যান্য ছবির সঙ্গে টাঙিয়ে দিয়েছি—’

‘রাস্তার লোক’ সব শুনে বললে, ‘এতদিন যা শুধু সরস্বতীর বরপুত্ররাই বহু সাধনার পর, বহু তপস্যার ফলে সৃষ্টি করতে পারতেন, এখন দেখছি অ্যান্ড্রিডেন্টও (আকস্মিক যোগাযোগ) সেটা করতে পারে!’

এর বহু পূর্বেই সংস্কৃতেও নাকি বলা হয়ে গিয়েছে, কোটি কোটি বৎসর ধরে উইপোকা কাঠ খেয়ে খেয়ে হিজিবিজি যে নজ্জা কাটছে, তার ভিতর হয়তো একদিন পূর্ণ প্রণব মন্ত্রটিই খোদাই হয়ে বেরিয়ে আসবে।

পাঠক আদৌ ভাববেন না, আমি মডার্ন কবিতা বা আর্টের দুষমন। এর চেয়ে সত্যের অপলাপ ও অন্যায্য অবিচাৰ আমার প্রতি আর কিছুই হতেই পারে না। বস্তুত আমি মনপ্রাণ দিয়ে বিশ্বাস করি, প্রকৃত শিল্পী প্রতিদিন সেই চেষ্টাতেই থাকবে, কি করে নূতন ভঙ্গিতে নবীন পদ্ধতিতে তার মহত্তম চিন্তা নিবিড়তম অভিজ্ঞতা মধুরতম ভাষায় প্রকাশ করতে পারে। নইলে তো আমরা প্রলয় পর্যন্ত ‘পাখিসবে’র সঙ্গে সেই একই ‘রব’ গেয়েও কুল পাবো না।

কিন্তু গেল ফেব্রুয়ারি মাস থেকে আমি বড় দৃষ্টিস্তায় পড়েছি। পাবলো পিকাস্‌সোর নাম শুনলে আজকের দিনে শতকরা নিরানব্বই জন—কি প্রাচীন কি অর্বাচীন সবাই—অজ্ঞান। সেই পিকাস্‌সো গেল ফেব্রুয়ারি মাসের কাছাকাছি একটি বিবৃতি দেন। বোম্বায়ের Alvi Book Bulletin-এর ফেব্রুয়ারি সংখ্যায় সেটি বেরিয়েছে। উপস্থিত আমি কোনো মন্তব্য করছি না। শুধু সেটি তুলে দিচ্ছি। বাংলায় অনুবাদও করবো না,

কারণ যঁারা ইংরিজি জানেন না তাঁরা অযথা সম্ভাপ থেকে বেঁচে যাবেন, আর যঁারা জানেন, তাঁদের জন্য অনুবাদ নিশ্চরয়োজন। আসল প্রধান কারণ অবশ্য, এটির সুষ্ঠু অনুবাদ আমার শক্তির বাইরে। তবে উভয় পক্ষকে অসন্তুষ্ট করার জন্য মোটামুটি একটি ব্যাখ্যা দেব।

'Pablo Picasso 83 years old Spanish-born father-figure of the modernist cult in art, has now made a sensational "confession" that he was simply amusing himself at the expense of his intellectual admirers with his bizarre creations.' Says he :

'The people no longer seek consolation and inspiration in art. But the refined people, the rich, the idle, seek the new, the extraordinary, the original, the extravagant, the scandalous. And myself, since the epoch of Cubism, have contended these people with all the bizarre things that have come into my head. And the less they understood it the more they admired it.

By amusing myself with all these games, all this nonsense, all these picture puzzles and arabesques, I became famous, and very rapidly. And celebrity, for a painter, means sales, profits, a fortune. Today, as you know, I am famous and very rich.

But when I am alone with myself I have not the courage to consider myself as an artist in the great sense of the word, as in the days of Giotto, Titian, Rembrandt, and Goya. I am only a public entertainer who has understood his time.'

পিকাসোসের উক্তির বিগলিতার্থ—আজকের দিনেব মানুষ কলাসৃষ্টির দ্বারস্থ হয় না সান্ত্বনা বা অনুপ্রেরণার জন্য; আজকের দিনেব নিষ্কর্মা, তথাকথিত বিদগ্ধ ধনীরা চায়, নূতন, মৌলিক, অসাধারণ, বাড়াবাড়ির চরম, কেলেঙ্কারির কলা আর তিনি সেই ক্যাবিজেম-এর^৩ আমল থেকে তাঁর মাথায় যত সব আবোল-তাবোল হযবরল (bizarre)^৪

৩ এদেশে গগনেস্ত্রনাথ সতাই ছবি একেছিলেন ঐ ক্যাবিজম পদ্ধতিতে।

৪ মডার্ন মাথামুণ্ডুহীন ছবিব জনাই যেন এই মোক্ষম bizarre শব্দটি নির্মিত হয়েছিল। ইংরেজ আভিধানিক এর প্রকৃত অর্থ বোঝাতে গিয়ে যেন দিশা না পেয়ে অনেকগুলো কাছের শব্দ ও তাদের সমন্বয় করেছেন. eccentric, fantastic, grotesque, mixed in style, half barbaric কিন্তু এদেশেব সুকুমার রায় 'বিজ্ঞাব' শব্দটিব প্রকৃত অর্থ একটি কবিতাব মারফতে যা বুমিয়ে দিয়ে গিয়েছেন সেটি বিশ্বসাহিত্যে অতুলনীয়। আমি কয়েক ছত্র তুলে দিচ্ছি .

'কেউ কি জানে সদাই কেন বোম্বাংডের বাজা
ছবিব ফ্রেমে বঁধিয়ে বাখে আমসমুদ্র ভাজা?
বানীব মাথায় অষ্টপ্রহব কেন বালিশ বঁধা?
পাঁউকটিতে পেরেক ঠোকে কেন বানীব দাদা?
কেন সেথায় সর্দি হলে ডিগ্বাজি খায় লোকে?
জোছনা ব'তে সবাই কেন আলতা মাথায় চোখে?
ওস্তাদেব' লেপমুড়ি দেয় কেন মাথায় ঘাড়ে?
টাকের 'পরে পশুভেরা ডাকের টিকিট মারে?
সভায় কেন চৈচায় রাজা "হুকা ছয়া" বলে?
মন্ত্রী কেন কলসী বাজায় ব'সে রাজ্যব কোলে?
সিংহাসনে খোলায় কেন ভাজা বোতল শিংশ?
কুমডো নিয়ে ক্রিকেট খেলে কেন বাজার পিসি?' ইত্যাদি।

এসেছে, সেগুলো দিয়ে ঐ সব ধনীদেব সজ্জিত করেছেন। এবং তাঁর ঐ সব 'বিজার' ছবি তারা যত কম বুঝতে পেরেছে, সেই অনুপাতে মুগ্ধ প্রশংসা করেছে ততই উচ্চমাত্রায়। আর তিনিও ফুর্তি পেলেন ঐ ধরনের, ওদেরই প্রার্থিত খেলা খেলতে,—আঁকলেন অর্থহীন যা-তা (ননসেন্স), ছবির ধাঁধা, জ্যামিতিক ডিজাইন এবং তারই ফলে হয়ে গেলেন বিখ্যাত। আব আর্টিস্টের পক্ষে বিখ্যাত হওয়ার অর্থই, প্রচুর ছবি বিক্রির ফলে প্রচুরতর অর্থলাভ। এবং সবাই এখন জানেন, পিকাস্‌সো বলছেন, তিনি এখন বিখ্যাত এবং খুবই সম্পদশালী।

কিন্তু তার পরই বলছেন, কিন্তু তিনি যখন একা বসে আত্মচিন্তা করেন, তখন আর তাঁর সাহস হয় না, নিজেকে সেই মহান অর্থে শিল্পী আখ্যা দিতে, যে অর্থে শিল্পী বোঝাতো জিন্তো, তিৎসিয়ান, রেমব্রান্ট, গোইয়া-র যুগে। তিনি শুধু দিয়েছেন সবাইকে ফুর্তি (পাবলিক এন্টারটেনার—তার রূঢ়তম অর্থ 'ভাঁড়', 'সার্কেসের ক্লাউন', 'সং') কারণ তিনি 'যেমন কলি, তেমন চলি' তত্ত্বটি বুঝতেন।

এই বিবৃতি প্রকাশিত হওয়ার পর পিকাস্‌সোর 'কর্তাভজা' সম্প্রদায়ে কি প্রতিক্রিয়া সৃষ্ট হয়, সেটা আমাব চোখে পড়েনি। তবে আমার কাছে পূর্বের অবোধ্য একটি সমস্যা সরল হয়ে গেল।

পিকাস্‌সো বৃদ্ধবয়সে এক তরুণীকে বিয়ে করেন। কয়েক বছর পর তরুণী তাঁকে ত্যাগ করে তালাক নেন (কিংবা হয়তো পিকাস্‌সোই এমন পরিস্থিতি নির্মাণ করেন যে তালাক ভিন্ন অন্য গতি ছিল না—কারণ তিনি 'গ্রেট আর্টিস্ট' হন আর নাই হন এ তত্ত্বটি কিন্তু অনস্বীকার্য, 'গ্রেট আর্টিস্ট'দেব যে-খামখেয়ালিব বাতিক থাকে, মাথায় যে-ছিট থাকে সেটা তিনি পেয়েছেন ন'সিকে!) এবং পিকাস্‌সোর সঙ্গে তাঁর দাম্পত্যজীবন সম্বন্ধে একখানি পুস্তক প্রচার করেন। পিকাস্‌সো নাকি সেটা ঠেকাবার চেষ্টা করে বিফল হন। সেই জীবনীটি যখন ধারাবাহিকভাবে কন্টিনেন্টের একটি সাপ্তাহিকে প্রকাশিত হয় তখন তার প্রায় সব কটা কিত্তিই আমি পুডি, এবং আমার মনে সব চেয়ে বেশী বিস্ময় সৃষ্টি করলো—আমি অভিভূত হয়ে গিয়েছিলুম বললেও অত্যাক্তি হয় না—যে, সে পুস্তিকায় পিকাস্‌সো তাঁর তরুণী স্ত্রীকে আর্ট বলতে কি বোঝায় এবং ঐ বিষয় নিয়ে যে সব আলোচনা তাঁর সঙ্গে করেন সেগুলো সব প্রাচীন যুগের কথা; অর্থাৎ সেই মাইকেল এঞ্জেলোর আমল থেকে প্রায় একশ' বৎসর পূর্ব পর্যন্ত আলঙ্কারিক, কলারসিকবা শতাব্দীর পর শতাব্দী ধরে আর্টের যে সংজ্ঞা দিয়েছেন, আর্ট-সংশ্লিষ্ট অন্যান্য বিষয়ে যে-সব অভিমত প্রকাশ করেছেন, পিকাস্‌সো মোটামুটি তারই পুনরাবৃত্তি কবেছেন মাত্র!

আমি তখন চিন্তা কবে বিহুল হয়েছি, এই যদি আর্ট সম্বন্ধে পিকাস্‌সোব ধারণা হয় তবে তাঁর আঁকা ছবির সঙ্গে এ ধারণাব কোনো সামঞ্জস্যই তো খুঁজে পাচ্ছি নে! একদিকে লোকটি আর্ট সম্বন্ধে ক্ল্যাসিক্যাল, একাডেমিক ধারণা পোষণ করেন, আর অন্যদিকে তিনি ঐকে যাচ্ছেন—তাঁর ভাষাতেই বলি—'বিজার', 'গ্রোডেক' যত সব মাল।

এ যেন, আপনি নামতা শিখেছেন ঠিকই, কিন্তু অঙ্ক কষার বেলা করছেন $3 \times 8 = ৮২$, $৭ + ৫ = ২!$

পিকাস্‌সোর এই বিবৃতিটি পড়ে আমার মনের ধন্দ গেল। তাঁর আদর্শ ছিলেন জিন্তো রেমব্রেন্টেই, কিন্তু তিনি জানতেন প্রথমত, ওঁদের স্তরে আদৌ পৌঁছতে পারবেন কিনা,

দ্বিতীয়ত, পৌঁছতে পারলেও বাজারে সেই 'প্রাচীন চণ্ডে'র ছবির চাহিদা আজ আর আদর্শই নেই, তৃতীয়ত, তাঁরও খেয়ে-পরে বেঁচে থাকার জন্য অর্থের প্রয়োজন এবং সর্বশেষে, সেই অর্থের জন্য যখন ছবি আঁকবো আপন আদর্শ বেহায়া বিসর্জন দিয়ে—তবে সেইটাই করি পূর্ণমাত্রায় ইংরিজিতে যাকে বলে 'উইথ এ ভেনজেন্স', উর্দুতে বলে, 'পকড়ে তলওয়ার দামনকে সম্বালে কোই?'—তলওয়ার যখন ধরেইছি তখন রক্তের ছিটে পড়বে বলে কুর্তাব দামন (প্রান্ত, অঞ্চল) অন্য হাত দিয়ে সামলানোটা বিলকুল বেকার।

অবশ্য এসব তর্কবিতর্কের অর্থ হয়, যদি আমরা নিঃসন্দেহে ধরে নিই যে পিকাসুসো এ-বিবৃতিতে প্রাণের কথা খোলাখুলিই বলেছেন, সম্ভ্রানে সত্যভাষণই করেছেন। নইলে কাল যদি আরও পয়সা কামানোর জন্য, বা বিনা কারণেই আরেকটা নয়া ফরতা বেড়ে বলেন, 'না না, ওটা আমার সত্য বিবৃতি নয়। আমি শুধু রগড় দেখবার জন্য এই মস্করাটা করেছিলাম—আমার অঙ্ক স্তাবক, এবং ঐ সব মূর্খ ধনীরা যারা নৃত্য করতে করতে আমার ছবি কিনেছে হুজুগে মেতে, ন্যায্য মূল্যের শতগুণ বেশী টাকা ঢেলে, তারা তখন কি বলে?—সোজা ইংরিজিতে 'আই উয়োজ পুলিং দেয়ার লেগ্!'—তখন আজ যে-সব প্রাচীনপন্থীরা এই হাটের মধ্যখানে হাঁড়ি ভাঙটা দেখে উল্লাসে চিৎকার করে উঠেছেন, তাঁরা লুকোবেন কোন্ ইদুরের গর্তে!

অবশ্য শেষ পর্যন্ত কর্তাভজাদেব কোনো দৃষ্টিচ্যুত নেই। তাঁরা বলবেন, 'আজ যদি শেক্সপীয়রের স্বহস্তে লিখিত একখানা গোপন ডাইরি বেরোয় যাতে তিনি লিখেছেন, "আমি হতে চেয়েছিলুম হোমাব, ভার্জিলের মতো কবি, কিন্তু যখন দেখলুম এযুগে সে সব কবিদের চাহিদা নেই তখন হয়ে গেলুম, পাবলিক এন্টারটেনার—ভাঁড়'" তা হলেই কি আমরা সেটা মেনে নেব, আর বলবো, শেক্সপীয়র গ্রেট পোয়েট নন!'

মুসলমানদের ভিতর একাধিক সম্প্রদায়ের লোক বিশ্বাস করেন, তাঁদের সপ্তম ইমাম (পৃথিবীতে আল্লাব প্রতিভূ) অদৃশ্য হয়ে যান, তিনি সত্যি সত্যি মারা যাননি,—সময় হলেই তিনি অজ্ঞাতবাস থেকে বেরিয়ে মাহ্দী (কঙ্কি) রূপে আত্মপ্রকাশ করবেন। অন্য সম্প্রদায় বলেন, 'সপ্তম ইমাম না, অদৃশ্য হন দ্বাদশ ইমাম, তিনিই মাহ্দীরূপে ইত্যাদি।' তৃতীয় সম্প্রদায় বলেন, 'দ্বাদশ না, চতুর্বিংশতি ইত্যাদি।'

এঁদের সম্বন্ধে আলোচনা করতে গিয়ে স্পেনের আম্বালুশ প্রদেশের মৌলানা ইবন হাজম যেন এঁদের বাবদে সম্পূর্ণ নিরাশ হয়ে মাথা খাবড়াতে খাবড়াতে বলছেন, 'অলৌকিক এদেব অঙ্কবিশ্বাসের পঙ্ককুণ্ডে নিমজ্জিত হয়ে থাকবার ক্ষমতা! কারও ইমাম অদৃশ্য হয়েছেন অষ্টম শতাব্দীতে, কারও নবম, কাবও বা দশমে। যে জিনিস হারিয়ে গেছে (অদৃশ্য হয়েছে) দু'শ তিনশ চারশ বছর আগে, এবা এখনো সেটাকে খুঁজে বেড়াচ্ছে। কেউ বা আবার বলে, অদৃশ্য ইমাম আছেন একটা মেঘের আড়ালে। আহ, যদি জানতুম কোন্ মেঘটা! চিৎকারে চিৎকারে তাঁকে অতিষ্ঠ করে বলতুম, "সশরীরে নেমে এসে কুলে বখেড়ার ফৈসলা করে দাও না, বাবা!" তাজ্জব তাজ্জব!'

পিকাসুসোর আগের বিবৃতি যদি সত্য হয় তবে আমাদের বলতে হবে, ভক্তজনের যে উপাস্য পিকাসুসো তিনি আত্মহত্যা করলেন। আর ভক্তজন বলবেন, তিনি মেঘের আড়ালে অদৃশ্য হয়েছেন।

আর যে-সব সরলজন বিশ্বাস করে ঐ সব 'বিজ্ঞারের' বাজার বিলকুল খুটা, মঙ্করা করে ছবির ধাঁধা বানিয়ে আর আরাবেঙ্ক একে প্রকৃত কলা সৃষ্টি হয় না, তার জন্য প্রচুর অক্লান্ত তপস্যার প্রয়োজন তাদের জন্য নিম্নের উদ্ধৃতিটি তুলে দিলুম; কিছতেই লোভ সামলাতে পারলুম না,—আমার চোখে পড়েছে এই আজ: কিছুদিন আগে কোনো একটি বিখ্যাত প্রতিষ্ঠানের উদ্যোগে আলাউদ্দিন সাহেব এবং গোলাম আলি সাহেবকে সংবর্ধনা জানানো হয়। অভিনন্দনের উত্তরে আলাউদ্দিন সাহেব বললেন—“নব্বুই বছর ধরে সংগীতের অধিষ্ঠাত্রী দেবী সরস্বতীর দর্শনের আশায় সাধনা করে আসছি। একটি মাত্র আশায় দিনের পর দিন সাধনা করে আসছি—একদিন-না-একদিন তিনি প্রসন্ন হয়ে আমাকে অমরাবতীর সঙ্গীত-মন্দিরে ঢোকবার অনুমতি দেবেন। আজও আমার সাধনার শেষ নেই। এতদিন সাধনার ফলে দূর থেকে শুধু মন্দিরের আবছায়া ছায়াটা যেন একটু একটু নজরে আসছে।”

এর পর গোলাম আলি সাহেব অভিনন্দনের উত্তরে বললেন—“আলাউদ্দিন ঋণী সাহেব মহাভাগ্যবান ব্যক্তি। দেবী সরস্বতী তাঁর সাধনায় তুষ্ট হয়ে তাঁকে মন্দিরের ছায়া দেখিয়েছেন। কিন্তু আমি হতভাগ্য এতদিন সাধনা করার পরেও সঙ্গীত-মন্দিরের ছায়া দেখতে পাওয়া দূরে থাক—উপরে ওঠবার সিঁড়িটুকুও এখনো শেষ কবতে পারিনি। জানি না কত সহস্র বছর আরও কঠিন কঠোর সাধনায় দেবী প্রসন্ন হবেন।”

দর্পণ

বছর পনেরো পূর্বে সেই সোনার বাঙলা মেতে উঠেছিল বম্বারচনা মারফত রম্যসাহিত্য সৃষ্টি করতে। তারপর সে হজুগ কেটে যায়—তার কারণ বর্ণন উপস্থিত মূলতুবী রাখলুম। বছর পাঁচ-সাত পূর্বে দেখলুম, কেটবিষ্টু তো বটেনই, পাঁচ-পেঁচি তকু ছেড়ে কথা কইছেন না—সবাই লেগে গেছেন, আত্মজীবনী প্রকাশ করতে। সে-মোকায় আমারও মনে বাসনা যায় একখানি স্মেরস আত্মজীবনী ছেড়ে আর পাঁচজনকে ঘায়েল করে দি, কিন্তু বিধি বাম। ইংরিজিতে প্রবাদ আছে ‘ম্যান প্রোপোজেস, গড ডিসপোজেস’—মানুষ প্রস্তাব পাড়ে (কোন কিছুর কামনা করে) আর ভগবান সমাধান করেন, তাঁর ইচ্ছে মতো। এটা ইংরেজ আমাদের শিখিয়েছে আর পাঁচটা ভুল জিনিস শেখাবার সঙ্গে সঙ্গে। আপনারা সরল চিন্ত ধরেন, আর ভাবেন, ইংরেজ আমাদের ইংরিজি শিখিয়েছে। বিলকুল ভুল। ইংরেজ নিজে শেখে ‘কিংস ইংলিশ’, তার অর্থ, তাদের রাজা—উপস্থিত রানী—যে ইংরিজি ব্যবহার কবেন আর আমাদের শিখিয়েছে ‘ব্যাবু ইংলিশ’ বা ‘বাবু ইংলিশ’। আসলে প্রবাদটা ‘ম্যান প্রোপোজেস, উম্যান ডিসপোজেস’ অর্থাৎ পুরুষ প্রস্তাব করে, স্ত্রীলোকে ফৈসালা করে। প্রবাদে ভেজাল কর্ম কিছু নুতন নয়; স্বরণ করুন বেদনিষ্ঠ সদাচারী ব্রাহ্মণসন্তান ষ্রোণাচার্য তাঁর শিশুতনয়কে দুধের পরিবর্তে কি দিয়েছিলেন! কিংবা সদাশয় সবকার—ঋক গে আবার ঋণুরবাড়ি যেতে চাই নে।

ঋণুরবাড়ি যেতে চাই নে! হেন বাঙাল আছে কি যে ঋণুরবাড়ি যেতে চায় না? অসার খলু সংসারের সারং ঋণুরমন্দিরম্—দেবভাষায় আপ্তবাক্য। ঐ তো করলেন ব্যাকরণে ভুল।

আত্মজীবনী লিখি-লিখছি লিখি-লিখছি করছি এমন সময় এক রমণীর পান্নায় পড়ে আমাকে কয়েক বছর জেলে কাটাতে হয়।

শুনেছি, জরাসন্ধ নাকি চৌদ্দ বছর আলীপুর জেলে কাটান। তার কয়েক বৎসর পর একদা বাস-এ করে জেলের পাশ দিয়ে যাবার সময় তাঁর বালকপুত্র চিৎকার করে সোম্মাসে তাঁকে শুধায়, ‘বাবা, ঐখানে তুমি চৌদ্দ বছর ছিলে, না?’

বাস-সুন্দ্র লোক তাঁর পানে কটমটিয়ে তাকায়। যদ্যপি গাঁটকাটার চৌদ্দ বছর জেল হয় না, তবু সবাই অচেতন মনে আপন আপন পকেটে হাত দিয়ে মনিব্যাগ পাকড়ে ধরে। তা ধরুক। কিন্তু বেচারী জরাসন্ধ বাস-সুন্দ্র লোককে বোঝান কি প্রকারে যে, তিনি জেলে চৌদ্দ বছর সুপারিনটেন্ডেন্টের কর্ম করেছেন। বুঝুন ঠ্যালাটা। তাই তো ঋষি বলেছেন, ‘দারা পুত্র পরিবার কে তোমার তুমি কার?’ পুত্র না হয়ে আর কেউ হলে শাস্তস্বভাব তিতিক্ষু ‘জরাসন্ধ’ বসিয়ে দিতেন নাকে মোক্ষম এক ঘুঁষি!

না। আমি জেলে যাই, আইনত, বাস জঙ্গসাহেবের হুকুমে। সে কথা সময়ে হবে।

জেলে একজন আরবের সঙ্গে আলাপ হয়—আমি পোরটু সঙ্গদের একটা গোপন নাইট-ক্লাবে চাকরি করার সময় কিছুটা আরবি শিখে যাই, ঐ ভাষায় কটুকাটব্য করতে ততোধিক।

আরবিটা বেশ লেখাপড়ি করেছে। তবু যে কেন জেলে এল তার কারণ একটি সরেস্ ফার্সী কবিতাতে আছে।

এক বৃদ্ধ বাজীকব তার ছেলেকে বলছে, ‘দ্যাখ ব্যাটা, এই বয়সেই তুই আমার মতো হনুরীব কাছে সব এলেম রপ্ত করে নে। কি করে পাঁচটা বল নিয়ে লুফোলুফি করতে হয়, টুপির ভিতর থেকে জ্যাস্ত খরগোশ বের করতে হয়, হাত-পা-বঁধে বাস্তে করে সমুদ্রে ফেলে দিলে বেরিয়ে আসতে হয়।

শুনবি না বুড়ো বাপের কথা? তা হলে আমার কসম, খুদার কিরে কেটে বলছি, তোকে পাঠাবো পাঠশালে, তার পব ইস্কুলে, তারপর কলেজে। এম.এ., পি.এইচ-ডি করে বেরোনোর পর যখন দোরে দোরে ভিক্ষে মাগবি, লাখি-ঝ্যাটা খাবি তখন বুঝবি রে, ব্যাটা, তখন বুঝবি, বুড়ো বাপ হক্ক কথা বলেছিল কিনা।’

আরবের বেলাও বোধ হয় তাই হয়েছিল। কলেজের বিদ্যেতে যখন পেট ভরলো না তখন শিখতে গেল বড় বিদ্যে—ল্যাটে গেল, ল্যাটে গেল। বুড়ো বয়সে বিয়ে করা আর বড় বিদ্যে শিখতে যাওয়া একই আহাম্মুঝী!

পীরসাহেব সেজে আরবিস্থান থেকে সোনা পাচার করতে গিয়ে শ্রীঘর।

সে কথা থাক। তার কাছে কিন্তু একখানা বই ছিল। সেটি পবিত্র কুরান শরীফ বলাতে জেল-কর্তৃপক্ষ সেটিকে তার কাছে হামেহাল রাখবার অনুমতি দিয়েছিলেন।

অতখানি আরবি বিদ্যে আমার নেই যে, স্বচ্ছন্দে কেতাবখানা পড়ি। তাই আরব বাবাজীই আমাকে পড়ে শোনাতো। লেখকের নামটা আমার এখনো মনে আছে। এরকম দেড়-গজী নাম ইহসংসারে বিরল বলে সেইটে বহু তকলীফ বরদাস্ত করে মুখস্থ করে নিয়েছিলুম: আবু উসমান্ আমর ইব্ন বহর্ উল্ জাহিজ্—ধানাই-পানাই বাদ দিলে তার বিগলিতার্থ দাঁড়ায় ‘প্রলম্বিত চক্ষুপন্নব বিশিষ্ট’। এই জাহিজ্ লিখেছিলেন তাঁর আত্মজীবনী।

এ-দেশে যে আরব্যরজনী খুবই প্রচলিত সে-তথ্য আরব জানতো না। আমি সে আরব্যরজনীর কথা বলছি নে যেটি আপনারা কলেজ স্ট্রীটে পান—কেটেছেটে সেটিকে করা হয়েছে গঙ্গাজলে খোওয়া তুলসী পাতাটির মতো পূতপবিত্র। আমি বটতলা সংস্করণের কথা বলছি। অশ্লীলতায় মূল আরব্যরজনী—ঐ যে কি বলে, লেডি চ্যাটারলি না কি—তেনাকে ডিড-দ্যো দিতে পারে, হেসে-খেলে। পারলে সত্য গোপন করতুম, কিন্তু সুচতুর পাঠক বহু পূর্বেই ধরে ফেলেছেন ঐ কারণেই বইখানা আমাকে ছেলেবেলায়ই আকৃষ্ট করেছিল। আহা, ঐ যে নিগ্রো ছোকরা গোলাম আর সুন্দরী প্রভুকন্যার কেছা—না থাক, আবার আলীপুর যেতে চাই নে।

আরব বলছিল, জাহিজ্জ্ নাকি আরব্যরজনীর খলীফা হারুন-অব্-রশীদের নাতি না কে যেন, সেই খলীফার উজীরের নেক-নজরের আক্ষরা পেয়ে আপন বউকে পর্যন্ত ডরাতেন না। ব্যস, ঐ এক কথাই কাফী। কথায় বলে, বাঘের এক বাচ্চাই ব্যস।

আম্মজীবনী আরম্ভ করার গোড়াতেই মনে পড়ল, জাহিজ্জ্ যে অবতরণিকা দিয়ে তাঁর জীবনী আরম্ভ করেছেন সেইটে দিয়ে আমিও আরম্ভ করলে আমারও যাত্র হবে নিরাপদ—

‘যেমতি মুখিক ভ্রমে সাগরে বন্দরে
নৃপতরী আরোহিয়া—’

এমন সময় খটকা লাগল। জাহিজ্জের কিঞ্চিৎ পরিচয় তো দিতে হয়। নিদেন তাঁর জন্মকাল লীলাভূমি তো বাতলাতে হয়।

অধমের বাসভবনে খাঁরাই পায়ের ধূলি দিয়েছেন, তাঁরাই জ্ঞানের সেখানে আর যা থাক, না-থাক, বই সেখানে একখানাও নেই। শুনেছি এক ‘বিদ্যেসাগর’ নেটিভ মহারাজা ভাইসরঞ্জের সামনে আপন কিশ্বৎ বাড়াবার জন্য একটি কলেজ খোলেন। খ্রিষ্টিপল নিযুক্ত হয়ে দেখেন, কলেজ লাইব্রেরি নামক কোনো কিছু সেখানে নেই। তিনি টাকা চাইতেই মহারাজা হুকুম দিয়ে উঠলেন, ‘নিকালো হারামীকো অভী! স্টেটসের লেখাপড়া শিখে আসেনি; এখন বৃষ্টি বই পড়ে কলেজে পড়াবে! আমাকে কি উম্মু পেয়েছে নাকি?’

এর থেকে আমার শিক্ষা হয়ে গিয়েছে।

অবশ্য নতমস্তকে বারংবার স্বীকার করবো, একখানা বইয়ের সন্ধানে আমি সংবরণের মতো পত্নীভব কামনা করে—

—তপতীর আশে

প্রথর সূর্যের পানে তাকায়ে আকাশে

অনাহারে কঠোর সাধনা কত—

করেছি। কি সে বই? ধর্মগ্রন্থ, আয়ুর্বেদ, কামশাস্ত্র—?

এসব কিছু না। একখানা চেক্ বই। সে দুঃখের কথা আর তুলবো না।

কিন্তু পুলিশের হলিয়ার ছড়ো খেয়ে উপস্থিত যেখানে গা-ঢাকা দিয়ে আছি সেই এলাকায় এক অসাধারণ পণ্ডিত ব্যক্তি বাস করেন। তদুপরি তিনি অতিশয় অম্মায়িক। আমি তাঁর কাছে নিবেদন করলুম, ‘স্যর, জাহিজ্জ্ নামক আরবী লেখক কবে জন্মগ্রহণ করেছিলেন?’

চট করে একখানা বই টেনে নিলেন। ঠিক ঐ ঢপের আরও খান পঁচিশেক ভলুম

শেলফে বিরাজ করছিল। বই থেকে পাড়ে বললেন, ‘মৃত্যু হয় ১৮৬৯ খ্রীস্টাব্দে—’

আমাব কেমন যেন ধোঁকা লাগলো। বললুম, ‘১৮৬৯ হারুন-রশীদেব নাতিব আমলেব লোক তিনি— এই কথাই তো শুনেছি।’

‘ঠিকই তো! দেখি, হারুনের নাতি’—বলে আবেক ভলুম পাড়লেন—‘হ্যাঁ, অল ওয়াসিক—৮৪২ থেকে ৮৪৭।’ একটু চিন্তা কবে বললেন, ‘অহ্ হো, বুঝিছি। ১৮৬৯-এর প্রথম ১টা বাদ দিতে হবে! ওয়াসিকের মৃত্যুব পর আরও বাইশ বছর বেঁচেছিলেন আর কি।’ তা থাকুন আব নাই থাকুন। মোদ্দা কথা, কিন্তু ইনি নবম শতাব্দীর লোক, আর এই পণ্ডিতদেব বেদ বলো, কুবান বলো, পবম পূজনীয় এনসাইক্লোপীডিয়া ব্রিটানিকা বেচারীকে টেনে নিয়ে এলেন উনবিংশ শতাব্দীতে! তোবা! তোবা! নির্জলা পূর্ণ এক হাজাব বছরের ডিফবেনস।

যে বকম সরলভাবে তিনি আমাকে স্ক্যান্ডালটা বুঝিয়ে বললেন যে মনে হয়, কলকাণ্ডাব ডিটেকটিভ পর্যন্ত সেখানে থাকলে বুঝে যেত।

জাহিজ্ অবতবণিকায় বলেছেন, ‘চতুর্দিকে আমার দুশমন আর দুশমন—দুশমনে দুশমনে আবজাব করছে। কিন্তু প্রধানমন্ত্রী আমার মুরুব্বী; কেউ ডরের মারে আমার বাজহাঁসটাকে পর্যন্ত বু করতে সাহস পায় না। কিন্তু আমি বিলক্ষণ অবগত আছি, আমার দেহাষ্টি গোরস্তানে প্রোথিত আমাব পুণ্যশ্লোক পিতৃপুত্র্যগণের জীর্ণাষ্টির সঙ্গে শুভযোগে সম্মিলিত হওয়ার পূর্বেই (মেহেরবান খুদা সে শুভমিলন আসন্ন করুন!) আমার দুশমন-গুষ্টি অশেষ তৎপবতাব সঙ্গে লিপ্ত হয়ে যাবে আমি এবং আমাব উর্ধ্বতন তথা অধস্তন চতুর্দশ পুরুষেব পুতিগন্ধময় নিন্দাবাদ কবতে—এবং তাব শতকরা ন’সিকে কপোলকল্পিত, আকাশপুবীষ-চয়িত বেহন্দ গুলগঞ্জিকার ঝুটমুট।

যেমন, আমি জানি, আব পাঁচটা নিন্দাবাদের মাঝখানে, অতি কুচতুরতা সহ তারা কীর্তন কববে—আমি নাকি অতিশয় প্রিয়দর্শন সুপুরুষ ছিলুম, সাক্ষাৎ ইউসুফ-পারা হেন দেবদুর্লভ চেহারা নাকি কামনা কবেন স্বয়ং বেহেস্তের ফেবেস্তাব।

ক্রোধাক্ষ হয়ে জাহিজ্ এস্থলে হুক্কার ছাড়ছেন, ‘মিথ্যা, মিথ্যা, সর্বৈব মিথ্যা। আমার প্রতি অন্যায় অবিচার! আমি অভিসম্পাত দিছি, যে এ অপবাদ রটাবে তার পিতা নির্বংশ হবে। আমি আদৌ সূত্রী নই। বস্ত্ত টেকো মর্কটটাব চেহারা পেলে আমি বর্থে যাই। আমার মুখমণ্ডল নামক বদনাবদন চেহারার বিভীষিকা দেখে অসংখ্য শিশু ভিবমি গেছে। আমার—’

সবল পাঠক! অধম অবগত আছে তুমি জাহিজের এই আত্মকথন শুনে ধঞ্জে পড়ে গ্রীবা কণ্ডুয়ে লিপ্ত হয়েছ। তোমার মনে হচ্ছে, ‘এ তো বিচিত্র ব্যাপার! কেউ যদি জাহিজ্কে প্রিয়দর্শন বলে মন্তব্য কবে তবে সেটা নিন্দা হতে যাবে কেন, আর যে মন্তব্যটা করেছে সে-ই বা দুশমন হতে যাবে কেন? আর জাহিজ্ যদি কুৎসিতই হন তাতেই বা কি? তাঁর গোর হয়ে যাওয়ার পর কে আব মিলিয়ে দেখতে পারবে তিনি সুরূপ না কদ্রপ ছিলেন। কথায় বলে, ‘মড়ার উপর এক মণও মাটি শ’ মণও মাটি।’ তবে কি জাহিজ্ নিরতিশয় সত্যনিষ্ঠ ছিলেন? তাঁর সম্বন্ধে কেউ মিথ্যে বলুক, এটা তিনি সহিতে পারতেন না?—তাও সে-মিথ্যে প্রিয়ই হোক্, আর অপ্রিয়ই হোক্।

এসবের উত্তব আমি দেব কি প্রকারে? বেলা গড়িয়ে গেল, আর তুমি এখনো বুঝতে

পারোনি, আমার পেটে সে-এলেম নেই! বিশেষত আমার সেই মুকুব্বী পণ্ডিত—যিনি দশটি ভাষায় ত্রিশ-ভলুমী সাইক্লোপীডিয়া নিয়ে কারবার করেন এবং যাঁর ঝড়তিপড়তি মাল ভাঙিয়ে আমি হাঁড়ি চড়াই, তিনি গায়েব। তবে শেষ দেখার সময় মাথা দুলিয়ে দুলিয়ে আমাকে বলেন, ‘রেনেসাঁসের পূর্বেই এই লোকটা লিখল আত্মজীবনী! আশ্চর্য আশ্চর্য! রেনেসাঁসের পূর্বে তো শুধু রাজরাজড়া আর ডাঙর ডাঙর সাধুসন্ত, সাধারণ মানুষেরও যে একটা ব্যক্তিগত অস্তিত্ব আছে সেটা আবিষ্কৃত হল রেনেসাঁসের সময়। সাধারণ লোকের আত্মজীবনী তো প্রথম লেখেন আবেলরাড দ্বাদশ শতাব্দীতে, তার পর দানতে ‘নবজীবন’ (ভিটা নুওভা) লেখেন ত্রয়োদশ শতাব্দীর শেষে। আর তোমার ঐ জাহিজ্জ না কে লিখে ফেললে নবম শতাব্দীতে? বড়ই বিস্ময়জনক, প্রায় অবিশ্বাস্য।’

সরল পাঠক, তোমার কুটিল প্রশ্নগুলোর উত্তর দিতে পারলাম না। তবে একটা ভরসা তোমাকে দিতে পারি। ইংরিজিতে প্রবাদ আছে—এক্সট্রিমস্ মীট—দুই অস্তিম প্রান্ত একত্র হয়ে যায়। যেমন দেখতে পাবে গ্রাম্য গাড়ল (ভিলেজ ইডিয়ট) দাওয়ায় বসে সমস্ত দিনটা কাটিয়ে দেয় একটা শুকনো খুঁটির দিকে একদৃষ্টে তাকিয়ে, আর যোগীশ্রেষ্ঠও তাবৎ দিবসটা কাটিয়ে দেন একাসনে বসে বসে। উভয়েই কর্মস্পৃহা জয় করতে সক্ষম হয়েছেন। বিদ্যা-বুদ্ধিতে আমি এক প্রান্তে, জাহিজ্জ অন্য প্রান্তে—উভয়ের সম্মিলন অবশ্যস্বাভাবী।

অতএব আমার আত্মজীবনী যদি অবহিত চিন্তে পাঠ করো তবে হয়তো তোমার প্রশ্নগুলোর কিছুটা সদুত্তর পেয়ে যাবে।

জাহিজ্জ তাঁর কেতাব আরম্ভ করেছেন এই বলে যে তাঁর দূশমনের অভাব নেই। এইখানে তাঁর সঙ্গে আমার হুবহু মিল। বাকিটা সবিস্তার নিবেদন করি।

আত্মজীবনী-লেখক মাত্রই আপন বাল্যকাল নিয়ে রচনা আরম্ভ করেন। রবীন্দ্রনাথ, অবনীন্দ্রনাথও এই পন্থা অবলম্বন করেছেন। এবং সেই সুবাদে সকলেই আপন আপন বংশ-পরিচয় দেন। বেশীর ভাগ ক্ষেত্রেই যতটা পারেন, পরিবারের মান-ইজ্জৎ বাড়িয়েই বলেন। এ নিয়ে বাক্যব্যয় সম্পূর্ণ নিষ্প্রয়োজন। স্বদেশ, স্বজাতি, মাতৃভাষা নিয়ে অযথা অহেতুক বড়াই করে না, এমন মানুষ বিরল।

আমাকে কিন্তু ক্ষমা করতে হবে। তার কারণ এ নয় যে, আমি হীন পরিবারের লোক। সত্য কারণটা পাঠক একটু ধৈর্য ধরলেই বুঝতে পারবেন।

বস্তুত, পরিবার আমাদের খানদানী। আমাদের পূর্বপুরুষ শাহ আহমদেব (শাহ এহলে বাদশা নয়—‘সৈয়দ’কে মধ্যযুগে ‘শাহ’ বলা হত) দরগা এখনো তরপ পরগনাতে আমাদের ভদ্রাসনে বিরাজিত—সেখানে প্রতি বৎসর উর্স হয়। তারই অল্প দূরে মহাপ্রভু শ্রীচৈতন্যের মাতুলালয়—মাতা শচী দেবীর জন্ম সেখানেই। আমাদের বংশ ‘পীরের বংশ’—এঁরা কিন্তু যজমানগৃহে অন্ন পর্যন্ত গ্রহণ করতেন না। আমার পিতামহ, স্বাতামহ, আমার অগ্রজদ্বয় সুপণ্ডিত। আমার অগ্রজ প্রায় কুড়ি বৎসর পরিশ্রম করে সম্প্রতি ‘চর্যাপদে’র একখানি নূতন টীকা রচনা করেছেন। আমার কনিষ্ঠা ভগ্নীর ফকীরী, মারিফতী গীত ঢাকা বেতারে শুনতে পাবেন।

কিন্তু থাক, আর না। এ বিষয়টাই আমার কাছে মর্মান্তিক পীড়াদায়ক। কুলমর্যাদার প্রস্তাব উঠলেই আমার পিতা বলতেন, ‘বাপ-ঠাকুরদার শুকনো হাড় চিবিয়ে কি আর পেট

ভরবে?’ আমিও চিবোইনি। চিবোনো দূরে থাক, আমাদের পিতৃপুরুষ যে গোরস্তানে শুয়ে আছেন তার পাশ দিয়ে যেতে হলে আমি মাথা হেঁট করি।

আমি এই গোষ্ঠীর একমাত্র ব্ল্যাকশীপ—কালো ম্যাড়া!

শব্দার্থে আমার বর্ণ ঘোরতর কৃষ্ণ তো বটেই—বাকি অঙ্গপ্রত্যঙ্গের বর্ণনা আব দেব না। তবে এইটুকুন বলতে পারি পরবর্তীকালে ‘উচ্চ-শিক্ষা’র অজুহাত দেখিয়ে জন্মদাতা ও শিক্ষাদাতা দুই গুরুর কিল কানমলা থেকে নিষ্কৃতি পেয়ে যখন শান্তিনিকেতনে আশ্রয় নিই তখন ভারতবর্ষের সর্বশ্রেষ্ঠ ভাস্কর শ্রীযুত রামকিঙ্কব বায়েজ আমাকে দেখা মাত্রই সোম্মাসে চিৎকার করে ওঠেন, ‘হুঁরে হুঁবে! কেলা মার দিয়া! কিঙ্কিঙ্কার মহারাজ সুগ্রীবের বংশধর শ্রীযুত আত্মাদী কুঞ্চিতপদম্ আমাকে বায়না দিয়েছেন শয়তানের একটি মূর্তি গড়ে দেবাব জন্ম। মানসসরোবর থেকে কন্যাকুমারী, হিংলাজ থেকে পরশুরাম কুণ্ড অবধি খুঁজে খুঁজে হায়রান—মডেল আর পাই নে। গুরুদেবের কৃপায় আজ তুই হেথায় এসে গেছিস। আয় ভাই আয়। চ’ কলাভবনে!’

ইহদিদের সদাপ্রভু য়াহভের বেহেশতে শয়তানের প্রবেশ নিষেধ। সেখান থেকে যদি শয়তানের মূর্তি গড়ার ফরমায়েশ আসতো সেটাও না হয় বুঝতুম কিন্তু কিঙ্কিঙ্ক্যা থেকে! সেখানকাব মেয়েমন্দা দুই-ই বুঝি দারুণ খাবসুরং হয়!

পরবর্তীকালে কিঙ্কিঙ্ক্যা গিয়েছিলুম। দ্রাবিড় অঞ্চলে প্রবাদ আছে, বমণীরা ভগবানের কাছে প্রার্থনা করে—‘কামের প্রলোভন থেকে আমাদের রক্ষা করো।’ তাদের প্রার্থনা পরিপূর্ণ করে ভগবান কিঙ্কিঙ্ক্যার পুরুষ সৃষ্টি করেন।

কিঙ্কিঙ্ক্যায় গিয়ে দেখি, দেয়ালে দেয়ালে পোস্টার। আসছে রবিবারে যমের পূজা! উপলক্ষে অলিম্পিকের পৃষ্ঠপোষকতায় স্থানীয় টাউন হলে একটি টুর্নামেন্ট হবে। যে সব চেয়ে বেশি বিকট মুখ-ভেংচি কাটতে পারবে সে পাবে হাজার টাকার পুরস্কার।

আমি কম্পীট করিনি। নিরীহ দর্শক হিসাবে ছিলুম মাত্র। অবশ্য বিকট বিকট গরিম্মাপারা নরদানবরাই ঐ ভেংচি প্রদর্শনীতে হিস্যে নিয়েছিলেন—কার্তিক যতই ভেংচি কাটুন না কেন তাঁকে তো আর মর্কটের মতো দেখাবে না!

সে কী ভেংচির বহর! এক-একটা দেখি আর আমাব পেটের ভাত চাল হয়ে যায়। আর সে কী দুর্দান্ত নেক্-টু-নেক্ রেস! কোথায় লাগে তার কাছে নিক্সন-হামফ্রেস যোড়দৌড়!

পালা সাঙ্গ হল। হঠাৎ দেখি তিনজন জজই মল্লদের সম্পূর্ণ উপেক্ষা করে দর্শকদের গ্যালারি পানে এগিয়ে আসছেন। তার পর ওমা, দেখি, ঠিক আমারই সামনে এসে দাঁড়ালেন। আমার গলায় জবায়ুলের মালা পরিয়ে দিয়ে বললেন, ‘যদ্যপি আপনি এই কম্পিটিশনে অংশগ্রহণ করেননি তবু আপনাকে প্রথম স্থান না দিলে অবিচার হবে। ভেংচি না কেটেও আপনার মুখে বিধিদস্ত যে ভেংচি সদাই বিরাজ করছে সেটা অনবদ্য, দেব—না, না—যমদুর্লভ। তবে আপনি এই কম্পিটিশনে পাট নেননি বলে আইনত টাকাটা দেওয়া যায় না—সেটা যমপূজায় ব্যয় হবে। হেঁ হেঁ, হেঁ হেঁ—পত্রপুষ্পাদি ভগবান শ্রীকৃষ্ণে পৌঁছায়, বিকটের পূজো মাত্রই আপনাকে পৌঁছাবে।’ এ বাবদে শেষ কথা। আমি আজও কেন আইবুড়ো আছি, সেটা বুঝতে কারোরই অসুবিধা হবে না।

পাঠক! এ লেখন প্রধানত তোমাব অখণ্ড সৌভাগ্যবান বংশধরদের জন্য। তারা যদি

প্রত্যয় না যায় তবে যেন একবার কলাভবনে সন্ধান নেয়। ঐ মূর্তির একটি ফোটা তুলে রেখেছিলেন—আশ্চর্য, লেপটা কেন চৌটির হল না—ভবিষ্যৎদ্রষ্টা রামকিঙ্কর! ছবিটা তিনি দেখালেও দেখাতে পারেন। তবে তারা যেন গ্যাসমাস্ক তথা ধূয়ো মাখানো কাঁচ সঙ্গে নিয়ে যায়। মূর্তিটা গায়েব হয়েছে। গুজোরব শিল্পী রদাঁর প্রেতাত্মা সেটা সরিয়েছে।

কিন্তু এহ বাহ্য।

পাড়ার ভটচার্য মহাশয়ের কাছে শুনেছি, বিয়ের সময় কনে নাকি বরের রূপ কামনা করে (আমার রূপের বর্ণনা দিলুম), বন্ধুবান্ধব বরের উত্তম কুল কামনা করে (সেটাও হল), পিতা সুশিক্ষিত বর চায়—এইবারে আমরা এলুম ইংরিজিতে যাকে বলে ‘থিক্ অব দি ব্যাটল্’ বা রণাঙ্গনের কেন্দ্রভূমিতে।

ডাক্তার অবশ্য পরিবারবর্গকে সাঙ্খ্যনা দিয়ে বলেছিলেন, ‘স্নো বাট স্টেডি উইন্স দি রেস’—বিলম্বিত চালেই চলুক না, সেই চাল যদি সদা বজায় রাখে তবে সে জিতবে। অর্থাৎ হোক না গর্দভ, সে যদি গর্দভী চাল বজায় রেখে চলে তবে আখেরে ডার্বি ঘোড়ার রেস জিতবে।

জীবনে অষ্টম বর্ষাবধি আমি শুধু একটানা ‘ভাত খাবো, ভাত খাবো’ বলেছি। একদম স্টেডি সুরে। ডাক্তারের স্তোকবাক্যে আত্মজন পরিতৃপ্ত না হয়ে মেনে নিলেন যে আমি স্নোউইটেড জড়ভরত। অষ্টম বর্ষে (চাণক্যকে টিট দিয়ে পঞ্চমে নয়) আমাকে পাঠানো হল পাঠশালে।

হাতেখড়ির প্রথম দিবসান্তে গুরুমশাই যে শ্লোকটি আবৃত্তি করেন সেটি মমাগ্রজ লিখে নেন:—

কাকঃ কৃষ্ণঃ, পিকঃ কৃষ্ণঃ কো ভেদঃ পিককাকয়ঃ।

বসন্তসময়ে প্রাপ্তে কাকঃ কাকঃ পিকঃ পিকঃ।।

কাক কোকিল দুই-ই কালো, কিন্তু মাইকেল মুঞ্চ হয়ে শুনেছিলেন ‘পিকবর রব নব পল্লব মাঝারে’, আর আমার কঠম্বর শুনেই গুরু বুঝে গেলেন এটা এক্কেবারে জাত দাঁড়কাকের। সবিস্ময়ে দাদাকে শুধোলেন, ‘এটা তোর ভাই?’

তারপর তিনি দীর্ঘশ্বাস ফেলে বলেছিলেন, ‘কস্মিনকালেও শুনিনি, কাক কোকিলের বাসায় ডিম পাড়লো! এইবারে একটা ব্যত্যয় দেখলুম—হরি হে, তুমি সত্য।’

এস্থলে তড়িঘড়ি আমি একটি সম্ভাব্য ‘ভ্রম সংশোধন’ কবে রাখি। আমার দাদারা ফর্সা। আর আমি বিটকেল কৃষ্ণবর্ণ। অথচ আমরা একই বর্ণের, অর্থাৎ একই কুলের, অন্তত এই আমার বিশ্বাস ছিল বহুদিন ধরে।

কালোর সঙ্গে আমার আরও একটা জ্বরদস্ত দোস্তী দেখা গেল অচিরাৎ। আমি নিরবচ্ছিন্ন সেল্ফ পট্রেট আঁকলুম ঝাড়া তিনটি বছর ধরে। অর্থাৎ পাতত্যাড়িতে ঝছরের পর বছর কাগের ছা বগের ছা লিখে গেলুম।

আমার বিস্ময় লাগে, শিক্ষামন্ত্রী ত্রিগুণা সেনের জন্মনগরী করিমগঞ্জ অ‘মারও‘তদ্বৎ। তাঁর আমার জন্ম একই বৎসরে। আর তিনি তাবৎ দেশের শিক্ষাদীক্ষা তবণীর কর্ণধার, আর আমি সুর করে একটানা গেয়ে যাচ্ছি—‘এক বাঁও মেলে না, দু বাঁও মেলে না—’

আমি যে শিক্ষা-দীক্ষায় নিবন্ধুশ ‘ডডনৎ’ হয়ে রইলুম তার জন্য কাঁবগুরু গুরুদেবও

খানিকটা দায়ী। অবশ্য তাঁর প্রতি আমার ভক্তি আমৃত্যু অচলা থাকবে। কারণ—

যদ্যপি আমার গুরু গুড়ি-বাড়ি যায়।

তথাপি আমার গুরু নিত্যানন্দ রায় ॥

কবিগুরু বাঙালী তথা ভারতবাসীর সম্মুখে উত্তম আদর্শ রেখে গেছেন, কিন্তু যে-আদর্শ 'এলেন আমার দ্বারে/ডাক দিলেন অঙ্ককারে' এবং সঙ্গে সঙ্গে বিদ্যুন্মেষার মতো আমার চিন্তাকাশ উদ্ভাসিত করে দিল সেটি এই;

'নেই বা হলেম যেমন তোমার

অধিকে গোসাঁই।

আমি তো, মা, চাইনে হতে

পণ্ডিতমশাই।

নাই যদি হই ভালো ছেলে,

কেবল যদি বেড়াই খেলে

তুঁতেব ডালে খুঁজে বেড়াই

গুটিপোকাকর গুটি,

মুখু হয়ে রইব তবে?

আমার তাতে কীই বা হবে,

মুখু যারা তাদেরি তো

সমস্তখন ছুটি।'

পুনবায়—

'যখন গিয়ে পাঠশালাতে

দাগা বুলোই খাতাব পাতে,

গুরুমশাই দুপুরবেলায়

বসে বসে ঢোলে,

হাঁকিয়ে গাড়ি কোন্ গাড়োয়ান

মাঠেব পথে যায় গেয়ে গান

ওনে আমি পণ করি যে

মুখু হব বলে।'

আমাকে অবশ্য কোনো উচাটন মন্তোচ্চারণ করে কোনো প্রকারেই পণ করতে হয়নি। সর্বেশ্বব প্রসাদাৎ ভূমিষ্ঠ হওয়ার লগ্ন থেকেই আমি কর্মমুক্ত। গোড়ায় ভেবেছিলুম, এটা বুঝি জড়হের লক্ষণ। পরে শুনি দক্ষিণ ভারতের মহর্ষি ছন্দে গেঁথে বলেছেন, 'কর্ম কিং পবং। কর্ম তদ্ভ্জড়ম্।।' 'কর্ম তো স্বতন্ত্র নয়, কর্ম সে তো জড়!' তবে আর মাথার ঘাম পায়ে ফেলে কর্মাতে কর্মাতে অধিকে গোসাঁই হয়ে গিয়ে কোন্ তুর্কীস্থানের বাখারার আজব মেওয়া আলু-বুখারা লাভ হবে?

অবশ্য নতমস্তকে স্বীকার করবো, আমি পাঠশালা পাস করেছিলুম।

শুনেছি, নাৎসি যুগে এমনও চৌকশ স্পাই ছিল যে বিশ গজ দূরের থেকে শুধুমাত্র ঠোট নাড়া দেখে দুজননের ফিসফিসনিতে কি কথাবার্তা হচ্ছে আদ্যস্ত বুঝে যেত এবং পকেটে হাত গুঁজে প্যাডের উপর সেটা আগাপাগুল্লা শর্টহ্যান্ডে তুলে নিতে পারতো। আমি কিন্তু সে লাইনে কাজ করিনি। শোনের মতো তীক্ষ্ণ দৃষ্টি থাকলে আমরা সে

ব্যক্তিকে বলি 'সেয়ানা'। আমি সেই দৃষ্টিশক্তির আনুকূল্যে দশ হাত দূরের ত্রিলিয়ান্ট বয়ের খাতা থেকে টুকলি করে তর তর করে পেরিয়ে গেলুম পাঠশালার ভব নদী।

বুদ্ধিমান জন আপন বুদ্ধির জোরে তরে যায় বলে ভাগ্যবিধাতা মুর্খকে সাহায্য করেন, নইলে তিনিও বিলকুল বেকার হয়ে পড়বেন যে! মৌলা আলীকে শিরনি চড়াবে কে, কালীঘাটে মানত মানবে কোন্ মুর্খ—আর বুদ্ধিমান যে করে না, সে তো জানা কথা।

পাঠশালা পাস করার পর করলুম জীবনের চরম মুর্খমো! কলকাতার 'বেম্বো'-সমাজের বাবু বিবিরা সে-যুগে পাড়াগায়ে আসতেন আমাদের পেট্র-নাইজ করার জন্য। তাঁদের চোখে কত না ঢঙ-বেটঙের রঙ-বেরঙের চশমা। আমারও শখ গেল অপ-টু-ডেট হওয়ার। ভান করতে লাগলুম আমি ব্ল্যাক বোর্ড দেখতে পাই নে। ডাক্তারকে পর্যন্ত ঘায়েল করলুম—কিংবা সে ছিল ঝটপট দু'পয়সা কামাবার তালে।

সেই বেকার চশমা ব্যবহার করে গেল আমার শ্যেনদৃষ্টি। ফল ওতরালো বিষয়য়। একই ইন্সটিশান—ক্লেমন আগ্রা সিটি, আগ্রা ফোর্ট, আগ্রা জংশন—গাড়ি দাঁড়াতে লাগল তিন তিন বার করে। শান দৃষ্টি গেছে, টুকলি করতে পারিনি—একই ক্লাসে কাটাই তিন-তিনটি বছর করে।

ইতিমধ্যে কিন্তু আমি দিব্য অকালপক 'জ্যেষ্ঠতাতত্ব' লাভ করেছি—তারই একটি উদাহরণ দি। ফেল মেরে দু'কান কাটার মতো শহরের ভিতর দিয়ে যাচ্ছি এমন সময় এক গুরুজন, মরালিটি প্রচারে নিরেট পাদরী সাহেব, আমাকে দাঁড় করিয়ে বললেন, 'ফেল মেরেছিস? লজ্জাশরম নেই? তোর দাদারা, তোদের বংশ—'

একগাল হেসে বললুম, 'কি যে বলেন, স্যার! এ্যাসন ফার্স্ট ক্লাস অ্যানসার লিখেছিলুম যে এগজামিনার মুঞ্চ হয়ে খাতায় লিখলে "এনকোর এনকোর!" তাইতেই তো ফের পরীক্ষা দিচ্ছি!'

সম্পর্কে তিনি আমার জ্যাঠা। কিন্তু আমার পক-নিতম্ব 'জ্যাঠামো' শুনে তিনি থ মেরে গেলেন—আমাদের স্টেট বাস যেরকম আকছারই যততত্ব থ মারে—বুঝে গেলেন এ-পেন্দাদকে ঘায়েল করার মতো পাষাণে, সমুদ্রে নিক্ষেপ পদ্ধতি তাঁর শত্রুগারে নেই। গত যুদ্ধের ফ্রেম প্রোয়ারের মতো একবার আমার দিকে কটমটিয়ে তাকিয়ে বিড়বিড় করে বললেন, 'এ ছেলে বাঁচলে হয়!'

গুরুজনের আর্শীবাদ কখনো নিষ্ফল হয়! দিব্যপুরুষ্টু পাঁঠাটার মতো ঘোঁৎ ঘোঁৎ কবে এখনো ঘুরে বেড়াচ্ছি।

মেঘে মেঘে বেলা হয়ে গেল। হঠাৎ উপলব্ধি করলুম বয়স বোল। ওদিকে ক্লাস ফাইভের যোগাসন আর পরিবর্তিত হচ্ছে না। দুনিয়ার যত ডানপিটেমি নষ্টামির মামদো উপযুক্ত পীঠস্থান পেয়ে আমার স্বন্ধে কায়েমী আসন গেড়েছে। আমার তথাক্ৰথিত অপকর্মের বয়ান আমি দফে দফে দেব না! তবে এইটুকু বলতে পারি, পরীক্ষার ছলে বেঙ্কি-ডেসকো ভাঙা, ট্রামবাস পোড়ানোর কথা শুনলে আমার ঠা ঠা করে উচ্ছ্বাস্য হাসতে ইচ্ছে যায়। আরেকটি কথা বলতে পারি, আজ যে শ্রীহট্ট বার-এর আসামী পক্ষের উকিলরূপে সর্ববিখ্যাত মৌলভী সইফুল আলম খান—তিনি বাল্য বয়সেই কোথায় পেলেন তাঁর প্রথম তালিম? আমার 'অপকর্ম' পদ্ধতি (মডুস অপারেনডি) অপকর্ম গোপন করার কায়দা যে নব-নব রূপে দেখা দিত সেগুলো কি তিনি আমার সহপাঠী

‘কনফিডেন্ট’ রূপে আগাপান্তলা নিরীক্ষণ করে তারই ফলস্বরূপ আজ উকিল সভায় স্বর্ণসনে বসেননি!

তবু যদি পেত্যয় না যান তবে তৎকালীন আসামের আই. জি. অবসরপ্রাপ্ত শ্রীযুত—দত্তকে শুধোবেন। স্পুটনিক আর কতখানি উঁচুতে গিয়েছিল? তাঁর দফতরে মৎ-বাবৎ যে ফাইল উঁচু হয়েছিল তার সঙ্গে সে পাল্লা দিতে পারে? এবং সানন্দে আপনাদের জানাচ্ছি প্রত্যেকটি ফাইলের উপর মোটা লাল উড-পেন্সিলে লেখা ‘প্রমাণাভাব প্রমাণাভাব।’ বেনিফিট অব ডিউটি নামক প্রতিষ্ঠানটি যে মহাজন আবিষ্কার করেছিলেন তাঁকে বার বার নমস্কার।

কিন্তু দুস্তর সত্তাপের বিষয়, ইহসংসারের হেডমাস্টারকুল এই প্রতিষ্ঠানটিকে যথোচিত সম্মান শ্রদ্ধা করেন না। সে সংসাহস তাঁদের নেই। থাকলে আমার সোনার মাতৃভূমি শিক্ষাদীক্ষায় আজ এতখানি পশ্চাৎপদ কেন। আমার নাম দু-দু’বার ‘ব্ল্যাক বুক’-এ উঠলো পর্যাপ্ত প্রমাণাভাব সন্ত্বেও। হেডমাস্টার নাকি মরালি সারটন হয়ে—যে-কোনো চার-আনী বটতলার মোকতারও বলবে, এটা ঘোর ‘ইলিগালি অনসারটন’—আমাব নাম কালো কেতাবে তুলেছেন। আরেকটা ঘটনা নাকি তিনি স্বচক্ষে দেখেছিলেন। এটা যে কি রকম সংবিধান-বিবোধী ‘উল্টরা ভিরেস’ (গাড়ল ইংরেজের উচ্চারণে ‘আল্টরা ভাইয়ারীজ’)—বেআইনী স্বৈচ্ছাচারিতা, সেটা বুঝিয়ে বলতে হবে না: হেডমাস্টার তো সেখানে সাক্ষী, তিনি সেখানে বিচারক হন কোন্ আইনে? এ স্বতঃসিদ্ধটা তো স্কুল-বয়ও জানে। জানেন না শুধু হেডমাস্টার? তাই বিবেচনা করি, যে স্কুল-বয় এ তত্ত্বটা জানে না সে-ই আখেরে হেডমাস্টার হয়।

তৃতীয়বার কোনো অপকর্ম করলে ‘কালো কেতাবে’ নাম ওঠে না। তাকে গলাধাক্কা দিয়ে সূর্য্য নদীর কালো (চোখের সূর্য্য কালো) জলে ভাসিয়ে দেওয়া হয়। সোজা বাংলায় তাকে রাস্টিকেট করে দেওয়া হয়। তাতে আমার কোনো আপত্তি নেই। যদি সেটা শব্দার্থে নেওয়া হয়। রাস্টিকেট শব্দের প্রকৃত অর্থ, গ্রামের ছেলে শহরের স্কুলে এসে গ্রাম্য অভদ্র আচরণ করেছিল বলে তাকে ফের গ্রামে পাঠানো হল, তাকে ‘রাস্টিকেট’ করে দেওয়া হল, তাকে কাস্টিফাই করে দেওয়া হল। আমি চাঁদপানা মুখ করে সূর্য্যর ওপারে গ্রামে বাস করে ইঙ্কলে আসতে রাজী আছি। বিস্তর ছেলে ওপার থেকে খেয়া পেরিয়ে সরকারী ইঙ্কলে পড়তে আসে। আমাদের পাদ্রী সাহেবের কাছে শোনা, লাতিন ‘রুস্তিকারে’ (‘গ্রামে বাস করা’) শব্দ থেকে ‘রাস্টিকেট’ কথাটা এসেছে। কিন্তু এসব গুণগর্ভ সুভাবিত গুণে হেডমাস্টার যে আসন ছেড়ে আমি-সত্যাকামকে গৌতম ঋষির মতো আলিঙ্গন করবেন এমত আশা তিন লিটার ভাঙ পেটে নামিয়েও করা যায় না। ‘চোরা না শোনে ধর্মের কাহিনী’। এস্থলে ধার্মিকও শুনতে চায় না ধর্মের কাহিনী—নইলে পৃথিবীতে এত গণ্ডায় গণ্ডায় ভিন্ন ভিন্ন ধর্ম কেন? ভটচার্য যান মসজিদে ধর্মকাহিনী শুনতে এবং বিপরীতটা? হাঁ!

সে সব দিনে—না, রাতের আকাশে উত্তমকুমারাদি তারকা আকাশে দীপ্যমান হন নি। আমার পরবর্তী যুগের সখা দেবকী পাহাড়ীও তখন অসংখ্য বিমল উজ্জল রতনরাজির মতো খনির তিমিরগর্ভে। নইলে গাগারিন্ বেগে চলে যেতুম মোহময়ী মুম্বই বা টলিউডে—হেসেখেলে পেয়ে যেতুম যম বা শয়তানের মেন্ রোল।

ভাঙের কথা এইমাত্র বলেছি: তখন স্থির করলুম স্কুলের দরওয়ানজী হনুমান পূজন তেওয়ারী—যিনি কিনা পালপরবে ঐ বস্তু সেবন করেন এবং সেই সুবাদে আমাকে তথা ফ্রেন্ড স্বদেশ চক্রবর্তীকে ঐ বিদ্যায় হাতেখড়ি দেন—তেনাকে ভাঙ খাইয়ে বেহঁস করে হেডমাস্টারের ঘরে লাগাবো আশুন। গায়ে আশুন লেগে গেঞ্জিটা পুড়ে গেল আর পাঞ্জাবিটা পুড়লো না—এ কখনো হয়! ব্ল্যাক বুক তার মিথ্যা সাক্ষ্য সহ পুড়ে ছাই হবে। সেই ছাই দিয়ে পরবো বিজয়-টিকা। ওয়াহ, ওয়াহ!

‘ঐ আসে ঐ অতি ভৈরব হরষে—’

কিছুটি করতে হল না। অতি ভৈরব হরষে ঐ সময়ে এলো অসহযোগ আন্দোলন।
আমারে আর পায় কেডা?

চুম্বন

ঘটনাটা সাদা না গুল, হলফ করে বলতে পারবো না, কিন্তু তাতে কণামাত্র যায় আসে না। রসের বিচারে সত্য না অসত্য, ভাল না মন্দ, প্রাকৃত না অপ্রাকৃত, এসব মাপকাঠি, কষ্টিপাথর সম্পূর্ণ অবাস্তব। ডানওলা অশ্ব অর্থাৎ পক্ষিরাজ ঘোড়া কখনো হয়?... রাক্ষসীই হয় না, তার উপর তার প্রাণ নাকি কোন্ এক সাত সাগরের অতল তলে কৌটোর ভিতর রয়েছে—ভোমরা রূপে। সেই ভোমরাকে চেপটে খেঁতলে না মারা পর্যন্ত ঐ রাক্ষসীর উপর যতই খঞ্জর-খাণ্ডার, বন্দুক-কামান চালাও না কেন সে মরবে না। এইসব অবাস্তব ব্যাপার নিয়ে যখন ঠাকুমা রূপকথা বলেন তখন কি সর্বাস্তে শিহরণ কম্পন রোমাঞ্জন হয় না? মধ্যরজনী অবধি ঠাকুমাকে জাবড়ে ধরে বিনিদ্রাবস্থায় কাটে না?

হালে জনৈক পাঠক আমায় জানিয়েছেন, আমার সদ্য প্রকাশিত উপন্যাসের শহুর-ইয়ার নামক রমণী বঙ্গদেশের মুসলিম সমাজে কখনই থাকতে পারে না। এ চরিত্রটি সম্পূর্ণ অবাস্তব। প্রত্নতত্ত্বের আমার বক্তব্য অবাস্তব হলেই যে রসের পর্যায়ে পৌঁছয় না, এ হুকুম দিয়েছেন কোন রসরাজ? তাহলে পূর্বোক্ত পক্ষিরাজের বাচ্চা ঘোড়া, রাক্ষসীর কৌটোতে রাখা ভোমরা প্রাণ এসব কোনো প্রকারেরই রসসৃষ্টি করতে পারে না। ঐ অকরণ পাঠক যদি বলতেন, “শহুর-ইয়ার বাস্তব হোক, অবাস্তব হোক, এটা রসের পর্যায় পৌঁছয় নি,” তাহলে আমি চাঁদপানা মুখ করে সেটা সয়ে নিতুম। কারণ এটা রুচির কথা, রসবোধের কথা। আমার আরও পাঁচজন পাঠক-পাঠিকা রয়েছেন। তাঁরা হয়তো বলবেন, “না; শহুর-ইয়ার রসসৃষ্টি করেছে।” অতএব এ লড়াই করবেন আমার পাঠকমণ্ডলী। আমি শুক্রি বা বিনুক। আমার পেটে জন্মেছে শহুর-ইয়ার মুন্ডো। জহরীরা এম মূল্য বিচার করবেন। ঐ অকরণ পাঠকের মতো কেউ বলবেন, “এটার মূল্য একটা কানাকড়িও নয়।” আবার কেউ কেউ হয়তো বলবেন, “না হে না, অত হেনস্তা করো না। স্ক্রোকোটা তো নিতান্ত হাবিজাবি বলে মনে হচ্ছে না।”

এই মতভেদের মাঝখানে দুই পক্ষের কেউই তখন বলবেন না, “ঐ বিনুকটাকে ডাকো না কেন? সেই-ই তো এটার জন্ম দিয়েছে। সে-ই বলুক এটার দাম কত?”

বিচক্ষণ পাঠক, চিন্তা করো, সেই ঝিনুক, যে ইতিমধ্যে মরে দু'ফাঁক হয়ে গিয়েছে, তাকে কোন্ মুখ নিয়ে আসবে নিউ মার্কেটের জুউরী বাজারে, কিংবা আমস্টারডামের মণিমুক্তোর মক্কা মদীনায়? সে এসে ফাইনাল ফৈসালা করবে, মুক্তোটির মূল্য কি হবে! তাজ্জব কী বাৎ!!

সহজতর উদাহরণ দিতে গেলে বলতে হয়, নেপোলিয়ানকে যিনি জন্ম দিয়েছিলেন তাঁর সে-জননীই কি নেপোলিয়নের সর্বোত্তম জীবনী লেখবার হক্ধ ধারণ করেন?

কিন্তু এসব কচকচানি থাক। যে কাহিনীটি বলতে যাচ্ছিলুম সেইটে নিবেদন করি।

ইয়োবোপের কোনো এক বিখ্যাত নগরে মোকদ্দমা উঠেছে এক চিত্রকরের বিকল্পে। তিনি একটা একজ্জিবিশনে একাধিক ছবির মধ্যে দিয়েছেন সম্পূর্ণ নগ্না এক যুবতীর চিত্র। পুলিশ মোকদ্দমা করেছে, নগ্না রমণীর চিত্র অশ্লীল, ভাল্গার, অবসীন, পর্নগ্রাফিক। এ ধরনের ছবি সর্বজনসমক্ষে প্রদর্শন করা বে-আইনী, ক্রিমিনাল অফেন্স।

আদালতের এজলাসে বসেছেন গণ্যমান্য বৃদ্ধ জজসাহেব, এবং জুরি হিসেবে ছ'জন সম্মানিত নাগরিক।

এক কোণে সেই নগ্না নাবীর লাইফ-সাইজ তৈলচিত্র। তাবৎ আদালত সেটি দেখতে পাচ্ছে। দুই পক্ষের উকিলদেব তর্ক-বিতর্কের মাঝখানে হঠাৎ জজসাহেব চিত্রকরের দিকে তাকিয়ে বললেন, “আপনি বলছেন, এ ছবিটা অশ্লীল নয়! আচ্ছা, তাহলে অশ্লীল ছবি কাকে বলে সেটা কি এই আদালত তথা জুরি মহোদয়গণকে বুঝিয়ে বলতে পারেন?”

চিত্রকর ক্ষণমাত্র চিন্তা না করে উত্তর দিলেন, “নিশ্চয়ই পারি, হজুর। তবে অনুগ্রহ করে আমাকে মিনিট দশেক সময় দিলে বাধিত হব।”

জজসাহেব বললেন, “তথাস্তু!”

চিত্রকর তাঁর উকিলের কানে কানে ফিসফিস করে কি বললেন সেটা বাদবাকি আদালত শুনতে পেল না।

সাত আট মিনিট যেতে না যেতেই উকিলের এক ছোকরা কর্মচারী চিত্রকরের হাতে ছবি আঁকার একটা রঙের বাস্জ তুলে দিল। চিত্রকর সঙ্গে সঙ্গে তাঁর নগ্না রমণীর ছবির সামনে গিয়ে রঙতুলি দিয়ে ঐকে দিলেন নগ্নার একটি পায়ে সিক্কের একটি মোজা।

জজ্জব দিকে তাকিয়ে বলেন, “হজুর, এ ছবিটা এখন হয়ে গেল অশ্লীল!”

তাবৎ আদালত খ। জজ বললেন, “সেটা কি প্রকারে হল? আপনি তো বরঞ্চ মোজাটি পবিয়ে দিয়ে নগ্নার দেহ কথঞ্চিৎ আবৃত করলেন?”

চিত্রকর সঙ্গে সঙ্গে বললেন, “এই কথঞ্চিৎ আবৃত কবাতাই দেওয়া হল অশ্লীলতার ইঙ্গিত। এতক্ষণ মেয়েটি ছিল তার স্বাভাবিক, নৈসর্গিক, নেচারেল নগ্নতা নিয়ে—যে নগ্নতা দিয়ে সৃষ্টিকর্তা প্রত্যেক নরনারী পশুপক্ষীকে ইহ-সংসারে প্রেরণ করেন। এবারে একটি মোজা পবে মেয়েটা আবরণ দিয়ে অশ্লীল সাজেশন্ দিল তার আবরণহীনতার প্রতি। এখন যদি কেউ এ ছবিটা দেখে মনে করে, কোনো গণিকা তা গ্রাহকদের লম্পট কর্ম-প্রবৃত্তি উত্তেজিত করার জন্য একটিমাত্র মোজা পবেছে তবে আমি দর্শককে কণামাত্র দোষ দেব না।”

চিত্রকরের বিবৃতিতে সম্মানিত জজ তথা জুরি-মহোদয়গণ সন্তুষ্ট হয়েছিলেন কিনা, সে কথা আমার মনে নেই, তবে আমার উনিশ বৎসর বয়সে—যে সময় কিশোর মাত্রেরই

হৃদয়ানুভূতি নারী-রহস্য সম্বন্ধে কৌতূহল, কবিগুরু যা অপূর্ব ব্যঞ্জনা দিয়ে প্রকাশ করেছেন :

“বালকের প্রাণে
প্রথম সে নারীমন্ত্র আগমনী গানে
ছন্দের লাগালো দোল
আধো-জাগা কল্পনার শিহরদোলায়
আঁধার আলোর দ্বন্দ্বে
যে প্রদোষে মনেরে ভোলায়,
সত্য অসত্যের মাঝে
লোপ করি সীমা
দেখা দেয় ছায়ার প্রতিমা।”

সে বয়সে পূর্বোক্ত চিত্রকর-কাহিনী আমার মনে গভীর দাগ কেটেছিল। তার সাত বৎসব পর কিম্বৎ আমাকে টেনে নিয়ে গেলেন প্যাবিসে। কারও দোষ নেই, আমি যেচ্ছায় গেলুম, এ জীবনের প্রথম ‘ক্যাবারে’ দেখতে।

বিশ্বাস করুন আর না-ই করুন, আমার সর্বপ্রথমই মনে হয়েছিল, এ কিশোবী যুবতীরা কি অনবদ্য সুন্দর স্বাস্থ্যই না ধরে! সুডৌল পরিপূর্ণ স্তনদ্বয়, তার সঙ্গে খাপ খাইয়ে না-মোটা-না-সরু যুগল বাহু, নাভিক্রীণ কটিচক্র, পুষ্টনধর উরুযুগ এবং দেহের উত্তরার্ধের কুচদ্বয়ের সঙ্গে পরিমাণ রেখে তরঙ্গিত নিতম্বদ্বয়। আমি দীর্ঘ পাঁচ বৎসর ধরে স্বাস্থ্যবতী সাঁওতাল রমণী এবং অন্তত একটি মাস রাজপুতানী দেখেছি। এদের সঙ্গে আমি প্যারিসের ‘ক্যাবারিনী’দের সৌন্দর্যের তুলনা করছি নে। আমি করছি স্বাস্থ্যের। সেখানে প্যারিসিনীরা বিজয়িনী। এবং আরেকটা জিনিস লক্ষ্য করেছিলুম। প্যারিসিনীরা যখন নাচছিল তখন তাদের নাভিকুণ্ডলীর চতুর্দিকে অতি ক্ষুদ্র ক্ষুদ্র মাংসপেশী নাভিকে কেন্দ্র করে চক্রাধাবে ঘুরে যাচ্ছিল। নদীতে যে রকম অতি ক্ষুদ্র দ’য়ের চতুর্দিকে শ্রোতের চাপে ঘূর্ণায়মান আবর্ত সৃষ্ট হয়। ঠিক এই অদ্ভুত সৌন্দর্যটি আমি ইতিপূর্বে দেখেছিলাম একমাত্র বাজপুতানায়। সেখানকার কুমারীরা মাথার উপর দুটো তিনটে জলে-ভর্তি ঘড়া-কলসী চাপিয়ে বাড়ি ফেরে। ওরা তো তখন হাঁটে না। যেন নাচতে নাচতে এগিয়ে যায়। তাই ওদের নাভিকুণ্ডলীর চতুর্দিকে প্যারিসিয়ান নর্তকীদের মতো সৃষ্ট হয় সেই দ’, সেই আবর্ত। অপূর্ব সে দৃশ্য!

নমস্য চিত্রকর নন্দলাল, এই সচল ডাইনামিক চক্রাবর্তন তুলে নিয়েছেন এক অচল স্ট্যাটিক ছবিতে। সেখানে সেই রাজপুতানীর নাভিকুণ্ডলীর দিকে খানিকক্ষণ থাকলেই চোখে ধাঁধা লাগে; মনে হয় নাভির চতুর্দিকে যেন চর্কিবাজী ঘুরেই যাচ্ছে, ঘুরেই যাচ্ছে।...এই হল সার্থক শিল্পীর কলা-দক্ষতা। সচলকে অচলতা দিয়ে, অচলকে সচলতা দিয়ে মূর্তমান করতে পারেন।

কিন্তু এ-বর্ণনা আর বাড়াবো না। আমার বক্তব্য বোঝাবার জন্য নিতান্ত ষেটুকু প্রয়োজন সেইটুকুই নিবেদন করি।

ক্যাবারিনীদের পরনে ছিল উত্তমার্ধে অতি স্পন্দ, প্রায় স্বচ্ছ, শরীবেব মাংসের সঙ্গে রঙ

মিলিয়ে চীনাংশুকের গোলাপী ব্রাসিয়ের। অধমার্ধে ছিল কটিসূত্র—সোজা বাংলায় যাকে বলে ঘুনসি। সেই ঘুনসি থেকে নেবে গিয়েছে চার আঙুল চওড়া, ঠিক আমাদের পালোয়ানদের নেঙট, অবশ্য সাইজে তিনগুণের একগুণ, আকারে ত্রিকোণ, এবং সেটি ঘুরে গিয়ে পিছনের কটিমধ্যে যেখানে ঘুনসির সঙ্গে গিঁঠ খেয়েছে সেখানে সে ঠিক ঘুনসিরই মতো একটি সুক্ষ্ম সূত্ররূপ ধারণ করেছে।

নৃত্যের সর্বশেষ দৃশ্যে ক্যাবারিনীরা তাঁদের ব্রাসিয়ের খুলে খুলে স্টেজের চতুর্দিকে ছুঁড়ে ছুঁড়ে ছড়াতে আরম্ভ করলেন।

এস্থলে এসে পাঠক আমাদের লম্পট ভাবুন আর যাই ভাবুন, হক্ কথা বলতে গাফিলতী করবো না। যা থাকে কুল-কপালে!

এরপর আমি ভেবেছিলুম নর্তকীরা তাদের অধমার্ধের অঙ্গবাসও খুলে ফেলবেন। তা যখন হল না, তখন আমি আমার সঙ্গীকে শুধিয়ে জানতে পারলুম, আইনানুযায়ী স্টেজে সম্পূর্ণ নগ্ন হওয়া নিষিদ্ধ। অবশ্য বেআইনীভাবে গোপনে সম্পূর্ণ নগ্ননৃত্যের ব্যবস্থার অভাবও প্যারিসে নেই।

এরা যখন নাভির নিচের কাপড়টুকু খুললো না তখনই আমার মনে হল— এবারে পাঠক নিশ্চয় বিস্মিত হবেন—এ নৃত্য এবারে হয়ে গেল অঙ্গীল। আমার মনে হল, সেই চিত্রকরের আঁকা একটিমাত্র মোজা অঙ্গীলতম ইঙ্গিত দিচ্ছিল, এখানেও হবহ তাই, বরং বলবো অঙ্গীলতর, অঙ্গীলতম। এবা যদি একেবারে নগ্ন হয়ে যেত তবে এরা সেই চিত্রকরের নগ্ন বমণীর মতো (একটি মোজা পরানোর পূর্বে) হয়ে যেত সরল স্বাভাবিক নৈসর্গিক নোচারেল। এদেব সেই একচিলতে দক্ষিণার্ধবাস তখন দিতে লাগলো অঙ্গীলতম ইঙ্গিত—চিত্রকরের মোজাটির ইঙ্গিত তার তুলনায় কিছু না।

তখন হঠাৎ মনে পড়ে গেল, এক নেটিভ স্টেটের জনৈক মহারাজা ভাস্কর্য-শিল্পের প্রকৃত সমঝদার ছিলেন। তিনি ইয়োরোপ থেকে অনেকগুলো প্রথম শ্রেণীর মূর্তির প্লাস্টার-কাস্ট নিয়ে এসে তাঁবু জাদুঘরটি সত্যকাবে দ্রষ্টব্য প্রতিষ্ঠান করে তুলেছিলেন। কিছু কিছু মূর্তি ছিল সম্পূর্ণ নগ্ন—পুরুষ বমণী দুই-ই। একদিন মহারাজা গিয়েছেন সেই জাদুঘর দেখতে। তিনি তো শক্‌ড। হুকুম দিলেন নগ্ন মূর্তিগুলোর কোমরে গামছা বেঁধে দিতে। পাঠক ভাবুন, বোমান মূর্তির কোমরে (বাঁধিপোতার?) গামছা! সে কি বেচপ দেখতে! কিন্তু এহ বাহ্য।...অজ পাড়াগাঁয়ের লোক, সে শহরে এলে চিড়িয়াখানা এবং এই জাদুঘরটিও দেখতে আসতো। এক ছুটির দিনে আমি জাদুঘরের এটা সেটা দেখছি,— এমন সময় একটি গামছা পরা মূর্তির সম্মুখে তিনজন গামড়িয়া—চাষাই হবে—আমাব দৃষ্টি আকর্ষণ করলো। আমি ওডিওডি তাদের পিছনে গিয়ে দাঁড়ালুম এবং নিম্নোক্ত সবেস কথোপকথন শুনেতে পেলুম।

প্রথম চাষা: “মূর্তিটার কোমরে গামছা কেন?” (আমি বুঝলুম, ঐ অঞ্চলের একাধিক মন্দিরে নগ্নমূর্তি দেখেছে বলে এ-প্রশ্নটা তুলেছে)।

দ্বিতীয় চাষা “শুনেছি, মহারাজা নাকি ন্যাংটো মূর্তি আদপেই বরদাস্ত করতে পারেন না। তাঁরই হুকুমে গামছা পরানো হয়েছে।”

পূর্ণ এক মিনিটের নীরবতা। তারপর—

তৃতীয় চাষা: (ফিসফিস করে) “মহারাজীব পাপ মন।”

আমার এই অভিজ্ঞতা সমর্থন করেন, ঐ জাদুঘরের ধুরন্ধর পণ্ডিত জার্মান উচ্চতম কর্তা। জাদুঘরে গাঁইয়াদের ভিড় লাগলেই তিনি তাঁর একাধিক কর্মচারীকে নিযুক্ত কবতেন ওদের পিছনে গা-ঢাকা দিয়ে ছবিমূর্তি সম্বন্ধে ওদের টীকাটিপ্পনী শুনে তাঁকে রিপোর্ট দিতে।...এ-দেশ ছাড়ার সময় তিনি আমাকে বলেন, “শহরদের তুলনায় এ দেশের জনপদবাসীদের সরল স্পর্শকাতরতা অনেক বেশী। এবা যেমন কালীঘাটের পট দেখে আনন্দ পায়, ঠিক তেমনি ইউরোপীয় মডার্ন ছবি দেখেও সুখ পায়। এবং বললে বিশ্বাস করবেন না, গগন ঠাকুরের কিউবিস্ট ছবিও এদেরকে হকচকিয়ে দিতে পাবে না। তবে এগুলো সম্বন্ধে মতামত দেবার পূর্বে—এবং আকছাবই লোহাব উপর হাতুড়িটি মাঝে মোক্ষম—অনেকখানি চিন্তা করে তবে বলে। আরও একটা মোস্ট ইন্ট্রিসটিঙ এবং ক্যারাকটেরিস্টিক ফ্যাক্ট—এরা খ্রী ডাইমেনশনাল, বিয়ালিস্টিক, রঙীন ফোটোগ্রাফের মতো ছবি বাবদে উদাসীন (যেগুলো শহরেরা পছন্দ কবেন)। এই হল আমার কর্মচারীদের রিপোর্ট।” অবিশ্বাস করার কোনো কারণ নেই। কারণ, হা হতোস্মি, এই কর্মচারীরা অন্যান্য শহরদের মতো পছন্দ করে রঙিন ফোটোগ্রাফের মতো ছবি।

আমি শুধালুম, “নিউড?”

হার ডিরেক্টর তাঙ্কব মেনে বললেন, “নিউড? এসব গ্রাম্য লোক সুস্থ স্বাভাবিক যৌনজীবন যাপন করে। উত্তম বলদের সঙ্গে জাত গাভী ব সম্বন্ধ করায়। পথে-ঘাটে কুকুর-বেড়ালের সম্পর্ক দেখে ছেলেবেলা থেকেই। এদের ভিতরে তো কোনো ঢাক-ঢাক গুড়-গুড় নেই। এরা তো শহরদের মতো সেক্সস্টার্ড বা পার্ভার্স নয়। এরা ন্যুড দেখে সরলচিত্তে, রস পায় অনাবিল হৃদয়ে।

কি বলতে গিয়ে কি বলে বলে কহী কহী মুন্সুকে চলে এলুম! কিন্তু বিচক্ষণ গ্রাম্য পাঠক অনায়াসে বুঝতে পারবেন আমাব এসব আশকথা-পাশকথা আমাব মূল বক্তব্যের জন্য সখ্ৎ বুনীয়াদ নির্মাণ করছে।

তা হলে ফিরে যাই ফের সেই ক্যাবারেতে; বরঞ্চ বলি, ততক্ষণে আমি সখাসহ নৃত্যশালা ত্যাগ করে রাস্তায় নেমে পড়েছি। আমি প্যারিস নই, নটবরও নই। তাই এ-সব অশ্লীল ইঙ্গিত আমার ভালো লাগে না। ঐ জার্মান পণ্ডিতের ভাষায় বলতে গেলে আমি গ্রামাঞ্চলের সাধারণ স্বাভাবিক জনপদপ্রাণী। তদুপরি আমি বুদ্ধ। আমি চট্ করে উত্তেজিত হই নে, ঝপ্ করে মাটির সঙ্গে মিলিয়েও যাই নে।

রাস্তায় নামার পর সখা বললে, “তা হলে চলো, পুরোপাক্ষা উলঙ্গ নৃত্যে।”

আমি আঁৎকে উঠে বললুম, “সর্বনাশ। সে জায়গাব টিকিটেব মূল্য তো বিলেতের পঞ্চম জর্জের মুকুটের কুহ-ই-নুরের চেয়ে খুব কিছু একটা কম হবে না। আমার পকেটে সে-রেশ্ত নেই।”

সখা জানতেন আমি বুদ্ধ। তাই শাস্তকণ্ঠে বললেন, “একদম নগ্ননৃত্যের আসরে টিকিটের দাম ঢের ঢের কম। ওগুলো বিলকুল পপুলার নয়।”

আমি সঙ্গে সঙ্গে বুঝে গেলুম, যেটি এ-লেখনে আমাব একমাত্র বক্তব্য।

সম্পূর্ণ নগ্ননৃত্য তা অভ্যস্ত স্বাভাবিক, নৈসর্গিক নেচারেল জিনিস। নেটা দেখতে যাবে কে? প্যারিসে বেড়াতে আসে সাধারণত বিদেশীরা। তাদের অনেকেই মরবিড্, নপুংসক পার্ভার্স। তারা, এবং অল্পাধিক ফরাসীরা যায় ঐ সব অশ্লীল ইঙ্গিতপূর্ণ নৃত্যে। তারা তো

নেচারেল নগ্নতা দেখতে চায় না। এইটাই আমার মূল বক্তব্য।

সেস্টেশ্বব মাসেব দ্বিতীয় সপ্তাহে অবসরপ্রাপ্ত বিচারপতি খোস্লা অতিষ্ঠ হয়ে একটি বিবৃতি দিয়েছেন। সে-বিবৃতিতে তিনি একটা অঞ্জীল ফিল্মের সাতিশয় ভর্ৎসনাপূর্ণ বর্ণনা দিয়েছেন। যুবক নায়ক যুবতী নায়িকা একটা টিলার সানুদেশে একে অন্যের অতিশয় পাশাপাশি লম্ববান হয়ে গড়গড়িয়ে নিচের দিকে নেমে যাচ্ছেন এবং একে অন্যের প্রতি কুৎসিততম জঘন্যতম যৌনইঙ্গিত দিচ্ছেন। এটা কেন হল, তার বিশ্লেষণ শ্রীযুত খোস্লা করেন নি। বোধ হয় প্রয়োজন বোধ করেননি।

পাঠকদের সহৃদয় অনুমতি নিয়ে আমি তার বিশ্লেষণ করি।

যেহেতু এ-দেশের ফিল্মে চূষন, আলিঙ্গন, নগ্নতা দেখানো বে-আইনী তাই ফিল্ম-নির্মাতা রগরগে ছবি বানিয়েছেন যৌন-সম্পর্কের প্রতি অঞ্জীল ইঙ্গিতের আশ্রয় নিয়ে—

হুবহু যে-রকম নগ্নাকে মোজা পরিয়ে, কাব্যের নৃত্যের শেষ কটিবস্ত্র উন্মোচন না করে।

আমার মনে প্রশ্ন জাগে, চূষন নগ্নতার বাধা-নিষেধ যদি আজ তুলে দেওয়া হয় আর্টের খাতির (অবশ্যই সেটা কঠিন প্রশ্ন, ফিল্মে আর্ট বলতে আমরা কি বুঝি, এ নিয়ে সুযোগ পেলে পরবর্তীকালে আলোচনা করবো), তবে কি আমাদের ফিল্ম-নির্মাতারা সঙ্গে সঙ্গে উদ্যোগ নৃত্য আরম্ভ করে তাঁদের ফিল্ম চূষনে নগ্নতায় ভরপুর, টেটস্বুর করে দেবেন?

হ্যতো গোড়ার দিকে কিছুটা বাড়াবাড়ি হবে। কিন্তু আমার বিশ্বাস, তাঁরা শীগগিবই বুঝে যাবেন যে সাধাৰণ দর্শক তিন মিনিটব্যাপী চূষন, পাঁচ মিনিটব্যাপী নগ্নতা প্রদর্শন দেখবার জন্য অত্যধিক ব্যাকুল নয়। ঠিক যেরকম পূর্বেই নিবেদন কবেছি, প্যারিসের পরিপূর্ণ নগ্ননৃত্য দেখবার জন্য মানুষ হৈ-হুল্লোড় লাগায় না।

আইন দরকার, ব্যান-এরও আয়োজন আছে।

কিন্তু মনে রাখা উচিত, কোনো কোনো দেশে মৃত্যুদণ্ড তুলে দেওয়ার পরও সে-সব দেশের খুনের সংখ্যা বেড়ে যায়নি।

হালে ডেনমার্ক সর্বপ্রকার অঞ্জীল 'সাহিত্যে'র উপরকার ব্যান তুলে দেওয়া হয়েছে। ফলে কোথায় না অঞ্জীল সাহিত্যেব বিক্রি হুশ হুশ করে বেড়ে যাবে, রাম—ব্যাপারটা উশ্টো বুঝেছেন। অঞ্জীল মালের পাবলিশাররা মাথায় হাত দিয়ে ফুটপাতে বসে গেছেন। তাঁদের বিক্রি শতকরা ৭০ ভাগ কমে গেছে। কারণ মানুষের লোভ নিষিদ্ধ ফলেব প্রতি। ইংরিজিতে প্রবাদ-

A stolen kiss is sweeter than any other

এ বাবদে শেষ আশুপাক্য বলেছেন একটি সুরসিকা ফরাসী মহিলা। আমেরিকায় ডখন লাবেঙ্গ মহাশযেব লেডি চ্যাটারলি পুস্তক অঞ্জীল কি না, সেই নিয়ে মোকদ্দমা চলছে। লেডি চ্যাটারলি পক্ষেব উকিল (“লেডি চ্যাটারলির লাভার” না, “লেডি চ্যাটারলির লয়াব”) হুতাশনসদৃশ প্রজ্বলিত ভাষায় তাঁর বক্তৃতা শেষ করে অনুপ্রবেগিত কণ্ঠে বললেন, “লেখকবাজ লরেঙ্গ এই পুস্তক দ্বারা যৌন সম্পর্কে প্রকল্পনীয় স্বর্গীয় স্তরে (স্পিবিচুয়াল লেভেলে) তুলে ধরেছেন।”

এই বিবৃতিটি পড়ে সেই ফরাসী মহিলাটি একটু দুষ্ট হাসি হেসে বললেন, “সর্বনাশ!

এখন তা হলে যৌন-সম্পর্কের অর্ধেক আনন্দই মাঠে মারা গেল। আমি তো এ্যাঙ্গিন জানতুম, এটা পাপাচার!”

মরহুম অধ্যাপক ডক্টর আব্দুল হাই (আল্লার পদপ্রাপ্তে)

এ লেখাটি আমাকে লিখতে হবে, এবং আজই লিখতে হবে। অঁথচ অন্তর্য়ামী জানেন, এটি লিখতে গিয়ে প্রতি মুহূর্তে আমার অক্ষম লেখনী কতখানি পর্যুদস্ত হচ্ছে। ভাবাবেগে আমি এমনই মতিচ্ছন্ন যে অনেক কিছু একসঙ্গে বলতে চাই, এবং শেষ পর্যন্ত কিছুই বলতে পারি না।

সরল পাঠক ভাবে, সাহিত্যিকের ভাবনা কি? ভাষা তার আয়ত্তে, বেদনা হোক, আনন্দ হোক সে-সব কিছুই সহজ সরলতার সঙ্গে প্রকাশ করতে পারে। কথাটা ভুল নয়। কিন্তু এ বিষয়ে মাত্র একটি ব্যত্যয় আছে।

উপস্থিত আমার কথা ভুলে যান। সার্থক সাহিত্যিকদের কথাই বলবো।

তারা কল্পনারাজ্যে বিচরণ করে যুবক-যুবতীর মধ্যে বিরহ ঘটান, বিধাবার একমাত্র শিশুপুত্রের মৃত্যু ঘটান এবং এগুলোর চেয়েও নিদারুণতর ট্রাজেডি নির্মাণ করেন। তারপর অতিশয় সহানুভূতিপূর্ণ স্পর্শকাতর হৃদয় দিয়ে বিরহকাতরা যুবতীকে, পুত্রহীনা বিধবাকে কখনো যুক্তি, কখনো অনুভূতির মারফতে সান্ত্বনা জানান।

এসব কল্পনারাজ্যের কথা।

কিন্তু যখন সার্থক সাহিত্যিকের আপন জীবনে নিদারুণ শোক আসে তখন তিনি কি করেন? তখন তাঁর অবস্থা হয় সত্যই শোচনীয়। একটি সামান্য দৃষ্টান্ত দিই। আমার চেয়ে অন্তত কুড়ি বছরের বড় জনৈক ষশস্বী লেখক একদিন ঢুকলেন আমাব ঘরে কাঁদতে কাঁদতে। আমি কোনো কিছু বলার পূর্বেই তিনি বললেন, “ভাই আমার ছোট মেয়ে মাধবী কাল বিধবা হয়েছে। লঙ্কো থেকে টেলিগ্রাম এসেছে। তুমি ভাই, আমার হয়ে একটা চিঠি লিখে দাও। আমি কি লিখব কিছুতেই বুঝে উঠতে পারছি নে।”

সেইদিনই আমি প্রথম বুঝতে পারলুম, ব্যক্তিগত বেদনায় সাহিত্যিক কী নিদারুণ অসহায়। অপবের বেদনা সে দূর থেকে দেখে কিছুদিন ধরে সেটাকে মনের ভিতর থিতোয় এবং বেশ কিছুদিন পর সেটাকে সাহিত্যরূপে প্রকাশ করে। কিন্তু নিজের বেলায়? হায়, সে অসহায়! এবং সাধারণ ‘অসাহিত্যিক’ জনের চেয়েও সে নিরুপায়। সাধারণ ‘অসাহিত্যিক’-জন তখন বিধবা কন্যাকে সাদা-মাটা চিঠি লিখে সান্ত্বনা জানায়। মেয়েও সে চিঠি বুকে চেপে কাঁদে, সান্ত্বনা পায়।

কিন্তু সার্থক সাহিত্যিক? সে তো অনেক বেশী স্পর্শকাতর। এ রকম সাদা-মাটা চিঠি সে তো লিখতে পারে না। তার তো সে অভ্যাস নেই।

সার্থক ষশস্বী সাহিত্য-নির্মাতার যদি এই বিপাক হয়, তবে আমার মতো অতিশয় সাধাবণ লেখকের কথা চিন্তা করুন।

আমি যে কি মতিচ্ছন্ন সেটি রচনারপ্তেই নিবেদন করেছি।

ভোরবেলা আমার এক চেলা ঘরে ঢুকলো ‘আনন্দবাজার’ হাতে নিয়ে। প্রায়ই আসে। আপন মনে খবরের কাগজ পড়ে।

আজ শুধলো, ‘আপনি তো বাঙাল। ঢাকা বিশ্ববিদ্যালয়ের বাংলা বিভাগের অধ্যক্ষ এবং পূর্ব বাঙালার ভাষা আন্দোলনে জোর লড়নেওলা অধ্যাপক আব্দুল হাইকে আপনি চিনতেন?’

আমি বললুম, ‘চিনতুম মানে? এখনো চিনি। আমার চেয়ে বছর পনেরো ছোট। তাহলে কি হয়! লোকটা অসাধারণ পণ্ডিত, এবং সঙ্গে সঙ্গে তার সাহিত্যরসে কী সুন্দর স্পর্শকাতরতা! তদুপরি, তুমি যা বললে ভাষা আন্দোলনে জোর লড়নেওলা, আমার বন্ধু—

চেলা আমাকে আনন্দবাজার এগিয়ে দিলে। তাতে দেখি আব্দুল হাইয়ের ছবি এবং নিচে লেখা:

‘ঢাকায় ট্রেনে কাটা পড়ে ডক্টর হাই-এর মৃত্যু।’

ভাষা ও ধ্বনিবিদ বলতে শেষ পর্যন্ত বিধাতার কৃপায় বেঁচে রইলেন পণ্ডিত সুনীতিকুমার চট্টোপাধ্যায় ও মৌলানা মহম্মদ শহীদুল্লাহ। এঁরা উভয়েই পশ্চিম বাংলার কৃতী সন্তান।

দেশ বিভাগের ফলে একজন রইলেন কলকাতায়, অন্যজন ঢাকায়। যেন গঙ্গার এক ভাগ জল এল ভাগীরথী দিয়ে, অন্য হিস্যার পানি চলে গেল পদ্মা দিয়ে পাকিস্তানে। তার পর এই বাইশ বৎসর ধবে বিস্তার পানি জল’ দু’ধারা দিয়ে বয়ে গেল।

ইতিমধ্যে শ্রীযুত চাটুয্যের উপর নানাবিধ দায়িত্বপূর্ণ কাজের চাপ পড়লো। বয়সও হয়েছে। কাজেই তাঁর প্রাণের যে কামনা—ভাষাতত্ত্বের চর্চা—তার জন্য হাতে সময় থাকে অল্পই। তবে বিশ্বস্ত সূত্রে শুনেছি, শব্দতত্ত্বে জ্ঞানার্থীজনকে তিনি সদাসর্বদা পথনির্দেশ করে দেন। ভারতনাট্যেও বলে, একটা বিশেষ বয়সের পর তুমি আর নৃত্যগীত করবে না, তোমার শিষ্য-শিষ্যাদের দেহ দিয়ে তোমার নৃত্যকলা দেখাবে।

ওদিকে, ওপারে ঘটলো আরও মর্মস্বন্দ ঘটনা। মৌলানা শহীদুল্লাহ পক্ষাঘাতগ্রস্ত হয়ে বৎসর দুই পূর্বে আচম্বিতে শয্যা নিলেন^১—বহু কাজ অসম্পূর্ণ রেখে। গত বৎসর যখন তাঁকে ঢাকা হাসপাতালে সেলাম দিতে যাই তখন তিনি আমাকে চিনতে পারলেন, অনেকক্ষণ আমার দিকে তাকিয়ে থেকে—যদ্যপি আমাদের পরিচয় গত অর্ধ শতাব্দী ধরে।

উভয় বাংলাতে আমরা সকলেই আশা করেছিলুম, আব্দুল হাই একদিন শহীদুল্লাহর আসন গ্রহণ করবেন। আমি কোন সরকারী, বেসরকারী উচ্চপদের কথা ভাবছি নে।

১ জলপানি বললুম না, তার অর্থ ভিন্ন। বস্তুত আমি ‘পানি’ শব্দের দূশমন নই। অতি অবশ্যই আমি ‘জল-পাঁড়ে’ নামক কাছনিক সমাস ব্যবহার করবো না। পক্ষান্তরে জম্জমেব জল না বলে জম্জমের পানি বলাই ভালো। ‘গঙ্গাপানি’ কানে খাবাপ শোনায়। কিন্তু সেও না হয় সয়ে নিলুম। মুশকিল হবে ‘জলপানি’ নিয়ে। কেউ ‘জলপানি’ পেলে সে কি ‘পানি-পানি’ পায়? যদিও সে খুশীতে পানি পানি হতে পারে, তার জান ত-ব-ব-ব হতে পারে।

২ তবে ইনি এখনো সম্পূর্ণ অচল নন। এবং তাঁর গুণগ্রাহী তথা শিষ্যজনকে সানন্দে জানাই তাঁর তত্ত্বাবধানের ভাব নিয়েছেন একটি তরুণ ডাক্তার—চট্টগ্রামের চিবঞ্জীব বড়ুয়া। মানুষ বৃষ্টি পিতাকেও অতখানি সেবা কবে না।

আমাব দৃঢ় প্রত্যয় ছিল একদিন তাঁব গবেষণা আবও বিতৃত সুপরিচিত হলে, তাঁব পথনির্দেশ গৌরজনকে গন্তব্যস্থলে পৌছে দিতে সাহায্য কববে।

কিস্মৎ, কিস্মৎ—সবই কিস্মৎ। একটি সামান্য উদাহরণ দি

‘হাই’ শব্দেব অর্থ জীবন্ত প্রাণবন্ত। ববীন্দ্রনাথেব ভাষায় ঙগ্রত ভগবান। আব্দুল হাই শব্দদ্বয়েব অর্থ তাই ‘জাগ্রত (জীবন্ত) ভগবানেব (অনুগত) নস।

যিনি তাঁব নামকরণ কবেছিলেন তিনি নিশ্চয়ই আশা পোষণ কবেছিলেন, ‘হাই’ যখন অতি, অতিশয় দীর্ঘজীবী হয়।

তিনি চলে গেলেব পক্ষাশে, যাযা তাঁকে চিনতেন না, তাঁযা হযগে ভাবলেব পক্ষাশ তো খুব অল্প বয়স নয়। কিন্তু আমাব মতে তাঁকে ব্যক্তিগতভাবে সাক্ষাৎ পবিচয়েব সোনায সৌভাগ্য যাদেবই তয়েছিল তাযাই শুধু জানেব পক্ষাশেও এই লোকটি ছিলেব কি অসাধারণ প্রাণবন্ত (হাই), বিনাচর্চা বসগ্রহণে সদাজাগ্রত এমন কি মৃতমান ‘চাপল’ বললেও অতুক্তি হয় না—অবশ্য সদর্থে। এঁযা সকলেই একযাকো সন্দেহেব, আব্দুল হাইয়েব মৃত্যুয মতো অকালমৃত্যু—এ শোক বিপাত। যেন দযা কবে আমাদেব অত্যধিক না দেন।

কবি সত্যেন্দ্রনাথ দত্তেব অকাল মৃত্যুতে ববীন্দ্রনাথ গভীয শোক প্রকাশ কবেছিলেন। সত্যেন্দ্রনাথ তাঁয কাব্যজীবনে যখন এক নবীন ভূবনে প্রবেশ কবেছিলেন তখন তায মৃত্যু হয়। আব্দুল হাই যখন জ্ঞানার্বেষণে এক নূতন ভগ্নেবে সম্মুখীন এখন তাঁয মৃত্যু হল ববীন্দ্রনাথ ছিলেব সত্যেন্দ্রনাথেব ওক। আজ শুধু আব্দুল হাইয়েব একই তাঁয সম্বন্ধে সার্থক সর্বাঙ্গসুন্দর প্রশস্তি বচনা কবতে পাববেব।

তাঁয শিষ্যসম্প্রদায়, আমি, আমযা শুধু আমাদেব শ্রদ্ধাঞ্জলি নিবেদন কবতে পাযি।

আব্দুল হাইয়েব চরিত্রেব একটিমাত্র বৈশিষ্ট্য আমি এ স্থলে নিবেদন কবি। তায সঙ্গে পাণ্ডিত্যেব বিশেষ কোনো সম্পর্ক নেই বলে হয়তো আব্দুল হাইয়েব চরিত্রেব এ মহান্ দিকটা অধিকাংশেব দৃষ্টি আকর্ষণ কববে না। অতি সংক্ষেপে নিবেদন কবি।

এ-বঙ্গে আমাব চেয়েও বেশী যদি আজ কেউ প্রিয়বিয়োগ-কাতর হয়ে থাকেন তবে তিনি—যদিও আমি তাঁকে ব্যক্তিগতভাবে চিনি না, তবু তাঁয অবস্থাব কিছুটা অনুমান কবতে পাযি—ডক্টর হবেন্দ্রচন্দ্র পাল, এম এ (ট্রিপল) ডি-লিট (ক্যাল), বিপন, ছগলী মহসিন, কৃষ্ণনগর কলেজেব ভূতপূর্ব অধ্যাপক। তিনি পূর্ববঙ্গেব লোক, কিন্তু বহুকাল ধবে এদেশবাসী।

অধুনা তাঁয একখানি অভিধান—‘বাংলা সাহিত্যে আববী যবাসী শব্দ’—ডক্টর আব্দুল হাই ঢাকা বিশ্ববিদ্যালয়েব পক্ষ থেকে প্রকাশ কবেব। পূর্বতন ‘পঞ্চতন্ত্র’-এ আমি এ-গ্রন্থেব উল্লেখ কবেছি। কিন্তু আমাব কথা থাক। এ অভিধান প্রকাশ কবাব সময় আব্দুল হাই একটি ক্ষুদ্র ‘ভূমিকা’ লেখেব। তায থেকে আমি কয়েকটি ছত্র তুলে দিচ্ছি।

হাই সাহেব ১৯৬৭ খ্রীস্টাব্দে লিখেছেন ‘কয়েক বছর পূর্বে ডক্টর সুকুমার সেন সাহিত্য পত্রিকায় (এ পত্রিকাটি অধ্যক্ষ আব্দুল হাই ঢাকা বিশ্ববিদ্যালয়েব পক্ষ থেকে আমৃত্যু সম্পাদনা ও প্রকাশ কবেছেন) প্রকাশেব জন্য ডক্টর হবেন্দ্রচন্দ্র পালেব “বাংলা সাহিত্যে আববী-ফাবসী শব্দ সঙ্কলন” নামে একটি প্রবন্ধ আমাকে পাঠিয়ে দেন। ডক্টর পালেব এ প্রবন্ধটি আমি ১৯৬৮ সালেব শীত সংখ্যা সাহিত্য পত্রিকায় সানন্দে প্রকাশ কবি

এবং যতদূর সম্ভব বিজ্ঞানভিত্তিক পদ্ধতিতে অভিধান আকাবে এ-কাজটি সম্পন্ন করার জন্য তাঁকে অনুরোধ জানাই।

ডক্টর পাল পূর্ব পাকিস্তানের অধিবাসী। তাঁর শিক্ষাদীক্ষা পূর্ব পাকিস্তানে। এ কারণে পূর্ব পাকিস্তানে তাঁর কর্মক্ষেত্র হওয়া উচিত ছিল, কিন্তু অদৃষ্টচক্রে তিনি সীমান্তপারে বসবাস করছেন।^৩ তাহলেও তিনি মুসলিম জীবন ও সংস্কৃতিমূলক সাধনাতেই নিজেকে নিয়োজিত রেখেছেন। মধ্যযুগ থেকে এ-কাল পর্যন্ত বাংলা সাহিত্যে আরবী-ফারসী শব্দের ব্যবহার দেখিয়ে এ বিরাট সংকলন গ্রন্থটি প্রণয়ন কবে ডক্টর পাল বাংলা ভাষা-ভাষী সকলকে এবং বিশেষভাবে বাঙালী মুসলমান সমাজকে কৃতজ্ঞতাপাশে আবদ্ধ করেছেন।

ঢাকা বিশ্ববিদ্যালয়ের বাংলা বিভাগের পক্ষ থেকে প্রথমে 'সাহিত্য পত্রিকায়' ও পরে পুস্তকাকারে তাঁর এ মূল্যবান গবেষণামূলক সংকলন গ্রন্থটি প্রকাশ করে বাঙালী সুধী সমাজেব হাতে তুলে দিতে পেরে আমি আজ সত্যিই আনন্দিত।

মুহম্মদ আব্দুল হাই
ঢাকা বিশ্ববিদ্যালয়
বাংলা ও সংস্কৃত বিভাগ'

আমি শুধু এইটুকুই নিবেদন করতে পেরেছিলুম, পণ্ডিত আব্দুল হাই নিজে তো জ্ঞানচর্চা কবেছেনই, কিন্তু তার চেয়েও ঢের ঢের বেশী উৎসাহ দিয়েছেন অন্যজনকে— শুধু পূর্ববঙ্গে নয়, এ বঙ্গেও।

আর, আজ যে সব যুবক জ্ঞানচর্চা গবেষণা করতে গিয়ে নানাবিধ অন্যায়াস অসত্য, মনুষ্যকৃত স্বার্থপ্রণোদিত নীচ-হীন প্রতিবন্ধকের সম্মুখে পদে পদে বিড়ম্বিত হচ্ছে তারা অন্তত এই ব্যত্যয়টি, উৎসাহহতা আব্দুল হাইয়ের এই চরিত্রমূল্যটি মজ্জায় অনুভব করবে। আমেন।

সিংহ-মুখিক কাহিনী

চল্লিশ বৎসব বয়সের ঘাটের থেকে যৌবনতরী বিদায় দেওয়ার পরও কখনো আশা করতে পারিনি, স্বপ্নেও সে আকাশ-কুসুম চয়ন করতে পারিনি যে এ-অধমেব জীবদ্দশাতেই স্বরাজ আসবে, স্বাধীন জীবন কাকে বলে তা এই চর্মচোখেই দেখে যেতে পারবো।

কিন্তু প্রভু যখন দেন, তিনি তখন চাল ছাত চৌচির করে ঐশ্বর্য-বৈভব (নিয়ামৎ গণীমৎ) ঢেলে দেন। হঠাৎ একদিন হুড়মুড়িয়ে স্বরাজ এসে উপস্থিত—বন্যাঘ প্রাবনের মতো। ফলে আমরা সবাই যে কর্হী কর্হী মুল্লুকে ভেসে গেলুম এবং এখনো এমনই যাচ্ছি যে তার দিক্চক্রবালও দেখতে পাচ্ছি নে। আমি ইচ্ছে করেই এই অতিশয় প্রাচীন, সাদামাটা তুলনাটি পেশ করলুম, কারণ অধিকাংশ ক্ষেত্রেই তুলনা তিন ঠ্যাঙের উপর ভর

^৩ আব্দুল হাই মুর্শিদাবাদের লোক। 'অদৃষ্টচক্রে' তাঁকেও 'সীমান্তপারে' বসবাস করতে হল। তাই সমদুর্ভীজনব্যথিতবেদন অনুভব করার মতো অভিজ্ঞতা ও স্পর্শকাতরতা ছিল। তাঁর আপন দুঃখ তিনি ডক্টর পালের মাধ্যমে প্রকাশ করেছেন।

করে দাঁড়ায়, কিন্তু এ-স্থলে তুল্য ও তুলনীয় এমনই টায়-টায় মিলে গেছে—স্বরাজ এবং বন্যা, যে এটি সত্যি চার ঠ্যাঙের উপর দাঁড়িয়েছে। তুলনাটি যে কী রকম মোক্ষম ড্রেন পাইপ পাভলুনের মতো টাইটফিট তার আরেক নিদর্শন দি। এই প্রলয়জলধিতে যে সব কর্তব্যাক্তিরা নৌকো ভেলা পেয়ে গেলেন তাঁরা বানে ভেসে যাওয়া বেওয়ারিশ মাল (দেশের সম্পদ, ‘কোম্পানি কা মাল’, যদি বেওয়ারিশ না হয় তবে বেওয়ারিশ আর কারে কর!) আঁকশি দিয়ে ধরে ধরে আপন আপন ভন্টে বোঝাই করলেন। এখানে আরও একটা মিল রয়েছে—অবশ্যই স্বীকার করতে হবে, শুটিকয়েক অ্যাঙ্কুরি ইয়ং টার্ক-এর “অবিম্ব্যকারিতা”র ফলে ব্যাক ভন্ট বাবদে এমন সব ব্যবস্থা নেওয়া হল যে সেগুলো সেই বানের জলে উৎক্লিপ্ত শক্তিপ্ত হয়ে ভেসে ভেসে চলেছে। কোন্ কূলে ভিড়বে—আমরা তো অনুমান করতে পারছি নে। তবে মাঠে: এসব ঘড়েল কুমীরগুপ্তি যখন জলের অতল থেকে নির্বিচারে অবলা কুমারী থেকে গোবর-গামার ঠ্যাং কামড়ে ধরে বহুন্ন ভক্ষণ করতে পারেন, তখন এই সব বেওয়ারিশ প্রাণহীন ভন্ট কামড়ে ধরে সেগুলোকে নদীর অর্ধনিমজ্জিত গহুরে নিয়ে যাওয়া তো এঁদের কাছে শনির অপরাহ্নের পিকনিকের মতো নির্দোষ সহজ সরল, কিংবা বলতে পারেন অত্যাবশ্যকীয় ‘রাজকার্যের’ অনুরোধে হাওয়াই স্বীপে বসন্ত যাপন অথবা শীতে মস্তে কার্লো ভ্রমণ।

সন্দেহপিচেশ পাঠক হয়তো ভাবছে, আমি নিজে সেই হালুয়ার কোনো হিস্যে পাইনি বলে বক্ষ্যা রমণীর ন্যায় শতপুত্রবতীদের অভিসম্পাত দিচ্ছি। মোটেই না। আমার কপালেও ছিটেফোঁটা জুটেছে। ইরানের শ্রখ্যাত কবি মৌলানা শেখ সাদী বলেছেন, ‘ইহ-সংসারে মহাজন ব্যক্তি মাত্রই (সাদী গুণীজ্ঞানী অর্থে বলেছেন এস্থলে কিন্তু আপনাকে যখ সম্প্রদায়ের বেনেদের কথা ভাবতে হবে) যেন আতরের ব্যবসা করেন। তোমাকে মিন-পয়সায় আতর না দিলেও তাবৎ আতরের বাক্স ডবল তালা মেরে বন্ধ রাখলেও বাড়িময় যে আতরের খুশবাই ম-ম করছে এবং তোমার নাসিকা-রন্ধ্রে প্রবেশ করছে, সেটা ঠেকাবেন কি প্রকারে?’ এস্থলেও তাই। এ মহাজনরা যদ্যপি বাইশ বৎসর ধনদৌলত ভরা গোটাআষ্টেক লোহার সিদ্ধুকের উপর ডবল ডানলোপিলোতে বিনিন্দ্র যামিনী যাপন করেছেন তথাপি এগুলো বাধ্য হয়ে মাঝে মাঝে এঁদের খুলতে হয় তখন পাকা বেল ফেটে গিয়ে যে কাককুল প্রবাদানুযায়ী এ রস থেকে বঞ্চিত তারাও তার হিস্যে পেয়ে যায়।

এই ধরন কিছুদিন আগেকার কথা। এক টাকার কুমীরের উচ্চাশা হয়েছে তিনি সমাজেও যেন গণ্যমান্য ব্যক্তিরূপে উচ্চাসন লাভ করেন। হঠাৎ একদিন আমার কুটিরের সম্মুখে এসে দাঁড়ালো এক বিরাট মোটরগাড়ি। তার দৈর্ঘ্য এমনই যে সেটার ন্যাজামুড়ো করতে হলে হঠাৎ পিছনের লাগেজ কেয়িয়ার থেকে সম্মুখে বনেটের নাক অবধি—সেখানে পদাধিকারলব্ধ পতাকা পং পং করে, এঁর গাড়িতে অবশ্য পতাকা ছিল না—যেতে হলে আরেকটা মোটরগাড়ি ভাড়া করতে হয়। তা সে যাই হোক, যাই থাক, সেই যক্ষ (অবশ্য ইনি কালিদাসের একদারনিষ্ঠ বিরহী যক্ষ নন—এঁর নক্ষিক ভূমিতে আনন্দ ; থাক “শঙ্করে”র চৌরঙ্গী পশ্য) এসে এই অধমকে আলিঙ্গন করে একথানা চেয়ারে আসনপিড়ি হয়ে বসলেন।

নিম্নলিখিত রসালাপ হল :

যক্ষ ॥ আপনার সঙ্গে সাক্ষাৎ পরিচয় হওয়াতে বড়ই আনন্দিত হলাম। আমি বহুকাল

ধরে আপনার একনিষ্ঠ পাঠক। আপনার “অগ্নিবীণা” আপনার “বিদ্রোহী” উপন্যাস আমি পড়েছি, কতবার পড়েছি বলে শেষ করতে পারবো না। ওঃ, কী করুণ, কী মধুর! হরি হে, তুমিই সত্য।

আমি ॥ (মনে মনে) সর্বনাশ! ইনি আমাকে কবিবব নজরুল ইসলামের সঙ্গে গোবলেট করে ফেলেছেন! যে ভুল পাঠশালার ছোকরাও যদি করে তবে সে খাবে ইঙ্কুলের বাদবাকি পড়ুয়াদের কাছে বেধড়ক প্যাদানি। তদুপরি যক্ষবর বলছেন, “বিদ্রোহী” কবিতাটি নাকি উপন্যাস এবং সেটি নাকি বড়ই করুণ আর মধুর! এস্থলে আমি করি কী! যে ব্যক্তি গাধাকে (এস্থলে আমি) দেখে বলে এটা রেসের ঘোড়া (এস্থলে কাজী কবি—কবি পরিবার যেন অপরাধ না নেন, আমি নিছক রূপকার্থে নিবেদন করছি) সে ব্যক্তি গাধাকে তো চেনেই না, ঘোড়াকেও চেনে না। ইতিমধ্যে পুনরপি,

যক্ষ ॥ (স্মিতহাস্য করে) আপনার বড় ভাই সৈয়দ মুস্তাফা সিরাজ—ঐ যিনি তালতলার খ্যাতনামা পুস্তক প্রকাশক—তিনিও আমার ছোট ভাইয়ের কাছে প্রায়ই আসেন। বড় অমায়িক বৃদ্ধ। ওনেছি আমাদের বাড়ির পাশেই তাঁর বিরাট তেতলা বাড়ি।

হরি হে, তুমিই সত্য! তুমিই সত্য!

আমি ॥ (মনে মনে) এই আমার জীবন সর্বপ্রথম আমার পিরামিড-দৃঢ় হরিভক্তিতে চিড় ধবালো। হরি যদি সত্যই হবেন তবে তাঁকে সাক্ষী রেখে এই লোকটা মিথ্যার জাহাজ বোঝাই করে যাচ্ছে আর তিনি টু ফুঁ করছেন না, এটা কি প্রকারে হয়? ওদিকে সিরাজ মিঞা খাঁটি বিদক রাঢ়ের ঘটি, আর আমি সিলট্যা রাজা বাঙাল। ওঁর সঙ্গে আমার কোনো আত্মীয়তা নেই—থাকলে নিশ্চয়ই শ্লাঘা অনুভব কবতুম। অবশ্য আমরা সবাই আদমের সন্তান; সে হিসেবে তিনি আমার আত্মীয়। তদুপরি বেচারী পুস্তক প্রকাশক নয়, টাউস বাড়িও তাঁব নেই, যন্দুর জানি আমারই মতো দিন-আনি-দিন-খাই চাকরিতে পুরো পাক্স-পার্মানেন্ট। এবং বাচ্চা সিরাজ—যে আমার পুত্রের বয়সী—সে নাকি আমার অগ্রজ এবং বৃদ্ধ! বৃদ্ধ! বুবুন ঠালা। আশা করি এ লেখন বাবাজীর গোচর হলে তিনিও সব্যসাচার ন্যায় আমাকে মাফ করে দেবেন। ইতিমধ্যে পুনরপি,

যক্ষ ॥ (তাঁর দেওয়া “বিবিধ-ভারতীয়”র মতো বিবিধ সংবাদ যে আমাকে একদম হতবাক কবে দিয়েছে সেইটে উপলব্ধি করে, পরম পরিতোষ সহকারে) আচ্ছা, আপনি কি শাস্তিনিকেতনে লেখাপড়া করেছিলেন?

আমি ॥ (মনে মনে, যাক্ মিথ্যার জাহাজ সত্যের চড়াতে এসে কিছটা ঠেকেছে) আঞ্জে হাঁ। তবে বিশেষ ফলোদয় হয়নি সে তো দেখতেই পাচ্ছেন।

—আহা কি যে বলেন! আচ্ছা, আপনার হাতের লেখা নাকি রবিঠাকুরের মতো?

—অনুবণ করেছিলুম। সে সুন্দর লেখার কাছে আমার লেখা কি কম্বিনকালেও পৌছতে পারে?

—আচ্ছা, কিন্তু আপনি নাকি হুবহু তাঁর নাম সই করতে পারেন? একবার নাকি তাঁর নাম সই করে ভুয়ো নোটিশ মারফৎ আশ্রমকে একদিনের ছুটি দেন! পরে নাকি আপনি নিজেই সেটা ফাঁস করে দেন?

আমি “কীর্তিটি” অস্বীকার করলুম না। কিন্তু যক্ষরাজ কোন্ দিকে নল চালাচ্ছেন সেইটে বসে, তখনও বুঝিনি। জানলা দরজার দিকে ঘুরে এবারে চেয়ার ছেড়ে তক্তগোশে

আমার গা সঁটে বসে, জানলা-দবজার দিকে ঘোর সন্দিগ্ধ নয়নে তাকিয়ে ফিসফিস করে আমার কানে কানে বললেন, বাবু, তোমার হাল তো দেখতে পাচ্ছি। তোমাব দু'পয়সা হবে . আমারও ফায়দা হবে! কিন্তু কাককোকিল পোকাপরিন্দাযও যেন জানতে না পায়।

আমার প্রয়োজন ববীন্দ্রনাথের একখানা সার্টিফিকেট। আমি যে তাঁর জীবিতাবস্থায় গোপনে গোপনে দেশসেবা, পলিটিক্যাল কাজ এবং বিশ্বভারতীকে সাহায্য করেছিলুম সেই মর্মে একখানা চিঠি। শেষ বয়েসে তাঁর প্রায় সব চিঠিই ইংরিজিতে টাইপ হত, তিনি শুধুমাত্র সেই করে দিতেন।

আপনাকে কিচ্ছুটি করতে হবে না। আমি সেই জরাজীর্ণ টাইপরাইটার মেলা জাক্দের সঙ্গে নিলামে কিনেছি, অবশ্যই দালাল মারফৎ। আমার কপাল ভালো। ঐ সব হাবিজাবির ভিতর তাঁর প্রাচীন দিনের একগুচ্ছো লেটারহেড সমেত হলদে ফ্যাকাশে নোটপেপারও পেয়ে গিয়েছি। টাইপরাইটারটা সম্বন্ধে মেরামত করেছি। এখন এটা ঠিক ১৯৩৮/৩৯/৪১-এর মতোই ছাপা ফোটার। আমি পাকা লোককে দিয়ে সার্টিফিকেটের মুশাবিদা করাবো, টাইপ করাবো। তারপর কবির দস্তখৎটি হয়ে গেলে দলিলটি রেখে দেব আঁকাড়া চালের বস্তায় ভিতর। ব্যস! আর দেখতে হবে না। টাইপের কালি, দস্তখতের কালি সব ম্যাটমেটে মেরে গিয়ে ১৯৪১ সনের চেহারা নিরে বেরুবে, সেই বানদানী চেহারা।

এই চূড়ান্তে পৌঁছে যক্ষ হঠাৎ খেমে গিয়ে আমার দিকে জুলজুল করে তাকিয়ে রইলেন।

সাংসারিক বুদ্ধি আমার ঘটে আছে, এহেন অপবাদ যে-সব পাণ্ডনাদারদের আমি নিত্মি নিত্মি ফাঁকি দিয়ে অদ্যাবধি বেঁচেবর্তে আছি তাঁরাও বলবেন না। তৎসঙ্গে এ নাটকের শেষাঙ্কে আমি যেন অকস্মাৎ অর্জুনের দিব্যদৃষ্টি প্রসাদাৎ কৃষ্ণবতারের বিশ্বরূপ দেখতে পেলুম।

‘সংক্ষেপে বলিতে গেলে হিং টিং ছট!’ অর্থাৎ পূর্বোক্ত দলিলে আমাকে জাল করতে হবে কবির সিগনেচার, স্বাক্ষর, দস্তখৎ। দস্ত কথা শব্দটির অর্থ হাত (যার থেকে দস্তানা এসেছে); আমাকে দস্তখৎ করতে হবে না, করতে হবে দস্তক্ষত—অর্থাৎ জাল করে হাতে ক্ষত আনতে হবে।

আমার মুখে কোনো কথা যোগালো না।

যক্ষ বললেন, আপনার দক্ষিণা কি পবিমাণ হবে?

আমার মাথায় তখন নলরাজদেহনির্গত কলি ঢুকেছে, অর্থাৎ দৃষ্টবুদ্ধি চেপেছে। দেখিই না, শ্রদ্ধ কতদূর গড়ায়।

ব্রীড়াময়ী কুমারীর মতো—কিংবা ধোওয়া তুলসী পাতাটির মতোও বলতে পারেন—ক্ষিতিতলে দৃষ্টি নিক্ষেপ করে নিবেদন করলুম, আপনি বলুন।

সঙ্গে সঙ্গে না তাকিয়েই অনুভব করলুম যক্ষের সর্বাস্থে শিহরণ রোমাঞ্জন উত্তাল ভরঙ্গ তুলেছে। এত সহজে যে নিরীহ একটা লেখক এহেন ফেরেব্বাজীতে রাজী হবে, এ-দুরাশা তিনি আদর্পেই কবেননি। ভেবেছিলেন আমাকে বহু ডলাইমলই করতে হবে। সোন্দ্রাসে বললেন—পাঁচপ।

আমি তুলসীপাতার কোমল রূপটি সঙ্গে সঙ্গে ত্যাগ করে সূতীক্ষ্ণ তালপাতার আকার ধারণ করে বললুম, আপনি কি ছাগীর দরে হাতি কিনতে চান? তাব চাইতে যান না যে

কোনো আদালতের সামনে বটতলায়। পালা জার্নালাও পাঁচটি টাকায় ঐ কর্মটি করে দেবে।

আমাব চাই পাঁচ হাজার।

আমি বেশ বুঝে গিয়েছিলুম যক্ষ প্রফেশনাল কালিগাতের কাছে যেতে চান না। সেটা মোস্ট ডেনজবস্।

ইতিমধ্যে এই প্রথম ঠাব পবিপূর্ণ সপ্রতিভ ভাব বেটে গিয়ে তিনি হয়ে গেছেন স্তম্ভিত হতভম্ব। কিছুক্ষণ পরে বাম ইডিয়টের মতো বিডিবিড করে বললেন, পাঁচ হাজার ?

আমি সঙ্গে সঙ্গে বললুম, বডবাজারেব নাপিতকে দিয়ে আপনাব কান সাফ কবাত্তে হবে না। ঠিকই শুনেছেন।

অন্তঃপব গৃহমধ্যে সূচীভেদা নৈস্ক্য।

খানিবক্ষণ পব আমিই বললুম, আপনি বাড়ি গিয়ে চিন্তা ককন, স্লীপ ওভার ইট। আমিও তাই কবাবো।

আমি জানতুম, এ সব ঘডেলদের সবচেয়ে বড ওণ এদের ধৈর্য। তাই এই ধৈর্য কাজে লাগাবাব যুবসত-মোকা পেলেই এবা সোন্মাসে বাজী হয়। ধৈর্য দ্বাবা ঘষতে ঘষতে এবা অন্যপক্ষেব প্রস্তবও ক্ষয় কবতে পাবে।

আব আমাবও তো কোনো স্টক নেই। এদের ধৈর্য যদি অফুবস্ত হয়, তবে আমাব ধৈর্য অনস্ত। দেখাই যাক না, শ্রাদ্ধ কদুব গডায়।

তাই গোডাতেই বলছিলুম আমাদের মত নগণ্যগণও এ-সব ছিটেফোঁটাব সুযোগ পায়, কিন্তু হায়, যাব অদৃষ্টে অর্থ নেই তাব কপালে স্বয়ং মা-লক্ষ্মী ঠাকুবানীও ফোঁটা আঁকতে এলে সে মুর্থ তখন যায় নদীতীরে, কপাল ধুতে। ফিবে এসে দেখে, লক্ষ্মী অন্তর্ধান কবেছেন। তাই তাঁব নাম চপলা।

রাবাৎ-ইনস্ট

প্রখ্যাত লেখক বেমার্ক-এব উপন্যাস “পশ্চিম বণাঙ্গন নিশ্চূপ (অল কোয়াএট)”-এব এক জাবগায় আলোচনা হচ্ছে কয়েকজন নিতাস্ত সাধাবণ সেপাইয়ের মধ্যে। ক্ষীণ স্মৃতিশক্তি-ব উপব নির্ভব কবে প্রতিবেদন নিবেদন কবছি। একজন সেপাই শুধালে, “লডাই লাগে কেন ?” আবেকজন বললে, ‘দুব বোকা। এক দেশ আবেক দেশকে অপমান কবে। তখন লাগে লডাই।’ প্রথম সেপাই তখন বললে, “কিন্তু আমি তো মোটেই অপমানিত বোধ কবছি নে। যাবা কবছে তাবা প্রাণভবে লড়ুক। আমাকে আমাব বাড়ি, ক্ষেতখামাবে ফিবে যেতে দেয় না কেন ?”

বাবাৎ সম্মেলনে নাকি ভাবতবর্ষ ইনস্টেড হয়েছেন। কই, আমি তো মোটেই অপমানিত বোধ কবছি নে। তদুপবি আবেকটা তত্ত্ব এস্থলে আমাব স্মরণে আসে। আমাব বাল্যবয়সে আমাব এক ওকজনের সামনে বাইবেব এক ব্যক্তি আমাকে অথথা কড়া কড়া কথা শোনায়। আমি তখন চটে গিয়ে বলি, ‘আমাকে অপমান কবছেন কেন ?’ সে ব্যক্তি কোনো উত্তব না দিয়ে বেবিযে চলে গেল। আমাব সেই মুকব্বী তখন বললেন, ‘ঐ তো

করলে ব্যাকরণে—প্রোতোকলে—ভুল। তুমি স্বীকার করে নিলে তুমি অপমানিত হয়েছে। তারপর যে অপমান করেছে সে মাফ না চেয়ে চলে গেল। তুমি রয়ে গেলে অপমানিত। সুতরাং ককখনো নিজের মুখে মেনে নিতে নেই, ‘আমি অপমানিত হয়েছি।’ নিতান্তই যদি তখন তোমাকে কিছু বলতে হয়, তবে বলবে, ‘আপনি এরকম অভদ্র আচরণ করছেন কেন?’ দোষটা চাপাবে তার ঘাড়ে। এবং আরও নিতান্তই যদি অপমান বোধ করে থাকো তবে সেটা জোর গলায় স্বীকার না করে, চূপসে সেটা হজম করে নেবে এবং তাকে তাকে থাকবে কখন ব্যাটার উপর মোক্ষম দাদ তুলতে পারবে—যদ্যপি আল্লাতালার আদেশ সব্বর (সহিষ্ণুতাসহ ক্ষমা—যার থেকে বাংলার “সব্বর” কথাটা এসেছে।) রাবাতের ব্যাপারটা আগাপাস্তলা “মুসলমানী” ছিল বলে মুসলমানী শাস্ত্রের নজির দিলুম।

এর উপর আরেকটা কথা আছে। অপমান করতে পারে কে, কাকে? আমি গেলুম আপনার বাড়িতে। আপনার চাকর আমাকে খামোখা কতকগুলো কড়া কড়া কথা শুনিয়ে দিলে—বৈঠকখানায় ঢুকতেই দিলে না। এখানে সে আমাকে অপমান করেনি, করেছে রূঢ় ব্যবহার—আমাকে অপমান করার মত সামাজিক আসন তার কোথায়? আবার দেখুন, অন্য আরেকদিন আপনার ঠাকুরদা বসেছিলেন বারান্দায়। আমাকে দেখেই খাল্লা হয়ে আমাকে নাহক বকতে শুরু করলেন। সে-স্থলেও আমি অপমানিত হই। কারণ আমি আপনার বন্ধু। আপনার পিতামহের বিলক্ষণ হক্ক আছে আমাকে কড়া কথা বলার। ...অপমান হয় সম্মুখপায়ে। যেমন মনে করুন, সস্তোষ ঘোষ। তিনি লেখক, আমিও লেখক। তিনি আমাকে অপমান করতে পারেন, আমিও তাঁকে অপমান করতে পাবি। আরেকটি নজির দিই। যদ্যপি আইনে বারণ তথাপি ইতালি প্রভৃতি কোনো কোনো দেশে ডুয়েল লড়ার প্রথা প্রচলিত আছে। কিন্তু সেখানেও যদি আপনাব ভৃত্য ইতালির প্রধানমন্ত্রীকে ডুয়েলে চ্যালেঞ্জ করে, সে-খবর জানিয়ে দুজন প্রতিভূ চাকরের প্রতিভূদের সঙ্গে দু’মিনিট আলোচনা করেই, একবাঞ্চে চারজনাই রায় দেবেন, এ ডুয়েল হতে পারে না। দু’জনার পদমর্যাদা এক নয়। চাকরটা শুধু তার পদমর্যাদা বাড়াবার জন্য প্রধানমন্ত্রীকে চ্যালেঞ্জ করেছে।

মরক্কো দেশ কোথায়, মশাই? শুনেছি সেখান থেকে মরক্কো লেদার নামক পুরু চামড়া রপ্তানি হয়। পুরু চামড়া নিশ্চয়ই। নইলে সেখানকার লোক এই সুদূর ভারতবর্ষের লোককে নিমন্ত্রণ করে—তাদের অর্বাচীন ইতিহাসে (প্রাচীন ইতিহাস এদের নেই) এই বোধ হয় তারা কাউকে কখনো নিমন্ত্রণ করলো—এ রকম পুরু চামড়ার আচরণ করবে কেন? তদুপরি শুনেছি, মরক্কো দেশকে নাকি এখনো বহু বাবতে ফ্রান্স এবং স্পেনের কথামতো চলতে হয়, এবং সর্বশেষে শুনেছি, স্পেন ও ফ্রান্সের ঝগড়ার সুযোগ নিয়েই এ-দেশের যেটুকু “স্বাধীনতা” আছে সেটুকু বেঁচেবর্তে আছে। আমার কেমন যেন সন্দেহ জাগে, মুসলিম রাষ্ট্রদের নিমন্ত্রণ করে এরা যেন সেই ইতালীর ডুয়েলকামীর মতো পদমর্যাদা বাড়াতে চেয়েছিল। আমার তো মনে হয় না, আক্সা মসজিদের আশুন মরক্কোর বৃকে কোনো আশুন জ্বালিয়ে দিয়েছিল।

কোথায় মরক্কো, কোথায় ভারত? পদমর্যাদায় কোথায় ভারত আর কোথায় সেই খেড়খেড়ে গোবিন্দপুর টা-পেনি হে-পেনি মরক্কো! সে আমাদের ইনস্টকববে কী করে!

ফক্করুদ্দীন সাহেব, দীনেশবাবু, আমাদের ফরেন আপিস যা করলেন সেটা নিয়ে আমার কিছু বলার নেই। আমার দুঃখ, খবরের কাগজে প্রবন্ধ লিখে চিঠিপত্র ছাপিয়ে

এ-দেশের মুসলমানরা এঁদের কৃতজ্ঞতা জানাচ্ছেন না কেন? বলেন না কেন যে, এঁদেরই হয়ে একটা মহৎ উদ্দেশ্য নিয়ে ভারত সরকার ঐ একটা থার্ড ক্লাস দেশে গিয়েছিল।

যদ্যপি-বা স্বীকার করি—আমি করি না—যে ভারত রাবাতে ইনস্টেড হয়েছে—তথাপি বলবো, মহৎ উদ্দেশ্য নিয়ে অপমানিত হওয়াতে লজ্জার কিছু নেই। ক্ষুদ্র স্বার্থপর উদ্দেশ্য নিয়ে জয়ী হলেও উদ্বাহ হয়ে নৃত্য করার কিছু নেই।

অল মসজিদ-উল—আকসা

আজকের দিনে বিশ্ব মুসলিম প্রধানত তিনটি তীর্থ দর্শনে যান। মক্কায় আন্নার ঘর কা'বাতে, মদীনায় পয়গম্বরের কবরের প্রতি সম্মান প্রদর্শন করতে এবং তৃতীয় জেরুজালেমে—যেখানে ইহুদি, খ্রীস্ট ও ইসলাম তিন ধর্মের সমন্বয় হয়।

প্রকৃত শাস্ত্র বিধান অনুযায়ী কিন্তু বিশ্ব মুসলিমকে যে-তিনটি পুণ্যভূমি স্বীকার করতে হয় তার একটি মক্কার কাবা এবং তারপর যে পুণ্যস্থানের উল্লেখ করা হয়েছে তার দুইটিই জেরুজালেমে। এর প্রথমটি একাধিক নামে পরিচিত। ইংরিজিতে একে ডোম্ অব দি রক্ (রক্ = প্রস্তরের উপর নির্মিত ডোম্ = গম্বুজ), ঐতিহাসিক ভ্রান্তিবশত ওমর মস্ক্ ও বলা হয়: আরবীতে এটিকে কুব্বতুস্—সখরা (কুব্বৎ = ডোম; সখরা = প্রস্তর বলা হয়)। এটিকে ইহুদী, খ্রীস্টান, মুসলমান সকলেই সম্মান প্রদর্শন করে। কারণ এই তিন ধর্মেরই সম্মানিত রাজা সুলেমানের প্রসিদ্ধ মন্দির একদা এস্থলেই দণ্ডায়মান ছিল। এই সলমনের টেম্পল্ একাধিক বার বিনষ্ট হয় এবং সর্বশেষে সম্পূর্ণ বিনষ্ট হয় ৭০ খ্রীস্টাব্দে রোমানদের দ্বারা। ভগ্নস্থূপের উপর তাবৎ শহরের ময়লা স্তূপীকৃত হতে থাকে প্রায় সাড়ে পাঁচশ' বৎসর ধরে। ৬৩৪ খ্রীস্টাব্দে মুসলমানদের দ্বিতীয় খলিফা হজরৎ ওমর খ্রীস্টানদের হাত থেকে জেরুজালেম অধিকার করে জঞ্জাল সবিয়ে একটি ক্ষুদ্র মসজিদ নির্মাণ করেন এবং এর পঞ্চাশ বৎসর পর আমাদের শাহজাহানের মতো বিস্তৃশালী ও স্থাপত্যে সুরুচিসম্পন্ন খলিফা আব্দুল মালিক সেখানে যে পৃথিবীর অন্যতম অনবদ্য ইমারৎ নির্মাণ করেন সেইটিই ১২০০ বৎসর ধরে সেখানে অটুট অক্ষত অবস্থায় দাঁড়িয়ে বিশ্বজনের সৌন্দর্যস্বত্তি ও শ্রদ্ধাঞ্জলি গ্রহণ করছে। আমি যতদিন জেরুজালেমে ছিলাম তার প্রায় প্রতিদিন একবার না একবার একা একা ঘুরে খুঁটিয়ে খুঁটিয়ে ওর বিরাট আরকিটেকনিকাল বৈভব থেকে ক্ষুদ্রতম অলংকরণ দেখে মুগ্ধ হতুম।

(১) কা'বা, (২) উপরে উল্লিখিত এই মসজিদ—তারপরেই আসে (৩) মসজিদ-উল্ আকসা, সংক্ষেপে আকসা মসজিদ। এই আকসার উল্লেখ কুরান শরীফে আছে।

(সূরা ১৭:১)

এ স্থলে কিঞ্চিৎ ইতিহাসের প্রয়োজন।

আরব ও ইহুদী একই সেমিতি বংশ (রেস) জাত, একই রক্ত ধারণ করে। আরবী ও হীব্রু (ইহুদীদের এই ভাষাতেই তাদের বাইবেল রচিত) ভাষা দুই ভগ্নী, অর্থাৎ কগনেট। এবং সব চেয়ে বড় কথা বাইবেলে বর্ণিত ইহুদী প্রক্ষেপণ যথা, আব্রাহাম, দায়ুদ, সুলেমান ইত্যাদি কুরান শরীফেও স্বীকৃতিলাভ করেছেন। হজরৎ নবী তাই যখন ইসলাম প্রচার করেন তখন তিনি ইহুদী আরবের কেন্দ্রভূমি জেরুজালেমের দিকে মুখ করে নামাজ

পড়তে আরম্ভ করেন। কিন্তু হজবতেব মদীনা শহরের বসতি স্থাপনা করাব দুই বৎসব পর আম্মার আদেশে মক্কার দিকে মুখ করে নামাজ পড়েন—এবং আজও সে বাঁতি প্রচলিত আছে। এরই ফলে জেরুজালেমের সলমন-মন্দিরভূমি মুসলিম জগতে দ্বিতীয় স্থান পেল বটে তবু কোনো কোনো জাত্যাভিমাত্রী আবব সেটিকে বহু শতাব্দী ধরে প্রথম স্থানেই রেখেছিলেন—বিশেষত উম্মাই (ওমাইয়াড়) খলিফারা। অদ্যকার দিনে কিন্তু মুসলিম জহান প্রথম স্থান দেয় মক্কার কা'বা শরীফকে এবং দ্বিতীয় স্থান জেরুজালেমের সলমন মন্দিরকে—যার উপর প্রতিষ্ঠিত আব্দুল মালিক নির্মিত এমাবতের বয়ান এইমাত্র দিয়েছি এবং এর পরই বলেছি, তৃতীয় পুণ্যক্ষেত্র—মসজিদ-উল্-আকসা।

কিন্তু তৃতীয় হলে কি হয়, এই আক্সার সঙ্গে বিজড়িত আছে বিশ্ব মুসলিমের রোমহর্বক উত্তেজনাদায়ী ঐতিহ্য, পরমাত্মার সঙ্গে মানবাত্মার সম্মিলিত হবার অবিস্মবণীয় অভিযান এবং তার চরম ফলপ্রাপ্তি—নজাৎ, মোক্ষ, মহা পরিনির্বাণ, যা-খুশী বলতে পারেন।

কুরান শরীফে এ অভিযানের যে বয়ান লেখা আছে, হদীসে তাব যে টীকা-টিপ্পনী আছে (কুরান হিন্দুদের বেদস্থানীয় শ্রুতি; হদীসকে স্মৃতিশাস্ত্রের সঙ্গে সচরাচর তুলনা করা হয়, আশা করি কোনো মুসলমান এ তুলনার জন্য অপরাধ নেবেন না)। বস্তুত ইয়োরোপীয় কাব্যের ইতিহাসে ইসলামের এই অনুচ্ছেদটি তুমুল আলোড়ন সৃষ্টি করে। দাস্তুরের মহাকাব্য “ডিভাইন কমেডি” এর কাছে ঋণী—অপর্যাপ্ত ইয়োরোপীয় আববী তথা ইতালিয়ান ভাষা-সাহিত্যের গুণী-জ্ঞানী আলঙ্কারিক পণ্ডিত এই মত পোষণ করেন।

কুরানে আছে, পয়গম্বর সাহেব মক্কাতে ইসলাম প্রচার আরম্ভ কবার কিছুকালের মধ্যেই স্বয়ং আম্মাতালা তাঁকে পরিপূর্ণ জ্ঞান এবং পরম সত্যধর্মের নিগূঢ়তম তত্ত্বে দীক্ষিত করার জন্য তাঁর প্রধান ফেরেশতা (“দেবদূত”, ইংরিজিতে “আর্কেঞ্জেল” জিব্ রাস্টল = গেব্রিয়েলকে) পাঠান মুহম্মদকে (দঃ) তাঁর সমীপে নিয়ে আসতে।^১ কুরান শরীফে স্পষ্টাক্ষরে বলা হয়েছে,

‘সেই (ব্যক্তিই) ধন্য যিনি এক রাত্রেই তাঁর অনুচরসহ মসজিদ-উল্-হারাম্ (অর্থাৎ মক্কার কা'বা) থেকে একই রাত্রে মসজিদ-উল্-আকসা (জেরুজালেম) পর্যন্ত ভ্রমণ করেন, যার চতুর্দিক আমরা পূত করেছি। এবং যাতে কবে আমরা তাঁকে আমাদের চিহ্ন দেখাতে গারি।’ (কুরান শরীফ; সূরা ১৭ : ১)

অম্বয় এবং টীকা : “সেই ব্যক্তি” হজরৎ। “একই রাত্রে”—তখনকার দিনে যানবাহন যা ছিল তাতে কবে মক্কা থেকে জেরুজালেম পৌঁছতে সম্ভব (উটে চড়েও) পনেগ্নো দিন লাগার কথা। এটা আমার অনুমান মাত্র। কম তো হতে পারে না; বেশীই হবে।

“আমাদের চিহ্ন দেখাতে পাবি”—অর্থাৎ আম্মাতালা স্বয়ং তাঁকে সত্যধর্মের গভীর তত্ত্বে দীক্ষিত করবেন—পূর্বোক্ত নজাৎ মোক্ষ ইত্যাদি।

“এস্থলে প্রশ্ন মসজিদ-উল্-আকসা কোন্ স্থলে অধিষ্ঠিত? মুসলিম অম্মসলিম (অম্মসলিম এই কারণে বলাছি, প্রচলিতার্থে অহিন্দু মাস্ত্রমুলার যে রকম বেদ নিয়ে গবেষণা

১ কুরান শরীফে জিব্রাসিলের উল্লেখ নেই। একাধিক হদীসে সন্নিহিত আছে।

কবেছেন, ঠিক সেই জিনিসই করেছেন একাধিক ইযোবোপীয় অমুসলিম পণ্ডিত কুরান হদীস নিয়ে) সকলেই তার অধিষ্ঠান জেরুজালেমে ছিল বলে হিরানিশচয়—তাই আমি অনুবাদ এবং টীকাতে একই রাত্রে মক্কা থেকে জেরুজালেম ভ্রমণের কথা বলেছি।

পণ্ডিতদের বক্তব্য, মক্কা শরীফের বাইরে এমন এক জায়গা যেটি আল্লা স্বয়ং পূতপবিত্র করেছেন সে শুধু জেরুজালেমই হতে পারে। কারণ ইসলামের প্রথম অভ্যুদয়ের সময়ই হজরৎ নবী ঐদিকে মুখ করে নামাজ পড়েছিলেন। অতএব সেই জেরুজালেমের সলমনের মন্দিরের সঙ্গে সংযুক্ত ভূমিতেই আছে মসজিদ-উল্-আকসা।

পূর্বেই বলেছি খলিফা ওমর সলমন মন্দিরের সেই ভগ্নস্তূপ পরিষ্কার করে নির্মাণ করেন একটি মসজিদ এবং পরবর্তীকালে আব্দুল মালিক নির্মাণ করেন ডোম অব দি রক্ এবং তারই অতি কাছে আরেকটি বৃহত্তর বিরাট মসজিদ-উল্-আকসা।

ডোম অব দি রক্ একটা পাথরের চতুর্দিকে গড়া হয়েছিল বলে স্থপতি সেটাকে হাজার হাজার নমাজার্থী মুসলমানের জন্য বিরাট কলেবর দিতে পাবেন নি। তাই তিনি সেটিকে করেছিলেন, সুন্দর, মধুর। অবশ্য মসজিদেব চতুর্দিকে দিয়েছিলেন প্রশস্ততম অঙ্গন (এদেশের মন্দিরে সঙ্কীর্ণ গর্ভ-গৃহের চতুর্দিকে যেরকম বিস্তীর্ণ অঙ্গন রাখা হয়), কিন্তু গ্রীষ্মকালে, জেরুজালেমের দ্বিপ্রহর রৌদ্রে সেখানকার অনাচ্ছাদিত মুক্তাঙ্গনে—যেখানে মস্তকোপরি সূর্যের প্রতাপের চেয়ে পদতলের পাষণ ঢের বেশী পীড়াদায়ক—সেখানে জুম্মা নামাজ পড়া অহেতুক পীড়াদায়ক হবে বলে তিনি নির্মাণ করেছিলেন, তাঁর প্রাণ যা চায় সেই পরিমাণে বিস্তৃত, মসজিদ-উল্-আকসা।

কিন্তু এহ ব্যাহ্য।

আসলে বিশ্ব মুসলিমের কাছে মসজিদ-উল্-আকসা তাবৎ পুণ্যভূমির মধ্যে সবচেয়ে রোমাঞ্চকর।

কুরান হদীসের সঙ্গে যে মুসলিমের সামান্যতম পরিচয় আছে, সে-ই আপন মনে কল্পনা করে, সেই সুদূর মক্কা থেকে আল্লা তাঁর প্রিয় নবীকে রাতারাতি নিয়ে এলেন মসজিদ-উল্-আকসাতে (শব্দার্থে মক্কা থেকে “সবচেয়ে দূরে পুণ্যক্ষেত্রে”), সেখানে তাঁর জন্য অপেক্ষা করছিল ‘বুব্যক্’ নামক পক্ষিরাজ অশ্ব এবং তার মুখ মানবীর ন্যায—সেই অশ্বে সোয়ার হয়ে নবীজী পৌঁছলেন বেহেশতের দ্বারপ্রান্তে।

এই নিয়ে সে মনে মনে কত না কল্পনার জাল বোনে! স্বয়ং আল্লার সঙ্গে সশরীরে সাক্ষাৎ!

অবশ্য এ-কথাও সত্য যে বহু মুসলিম দার্শনিক সূফী (বহস্যবাদী ভক্ত = মিস্টিক) এ প্রশ্ন বার বার শুধিয়েছেন, এই যে হজরতের স্বর্গারোহণ এটা কি বাস্তব না স্বপ্ন; তিনি কি সশরীরে স্বর্গে গিয়েছিলেন, না তাঁর আত্মা মাত্রই আল্লার সম্মুখীন হয়েছিলেন? কিন্তু মোলাকাত যে হয়েছিল সে সন্দেহে সবাই নিঃসন্দেহ।

যাই হোক, যা-ই থাক—এই মসজিদ-উল্-আকসা থেকেই আল্লাতাল্লা হজরৎকে দিয়ে স্থাপন করলেন মর্ত্যভূমি ও স্বর্গভূমিতে যোগ-স্নেহ।

সেই সেতুর পার্শ্বব প্রান্ত পুড়িয়ে দিয়ে সে-সেতু বিনষ্ট করার প্রচেষ্টা অজ্ঞ বিজ্ঞ যেকোনো মুসলমানকেই বিচলিত করার কথা।

ন্যাকামো

প্রতি বৎসর আনুষ্ঠানিকভাবে সাড়ম্বর প্রাথমিক শিক্ষা, পাঠশালার মাস্টারমশাইদের 'দূরবস্থা', দেশ থেকে কেন নিরক্ষরতা দূর হচ্ছে না এই নিয়ে বিরাট বিরাট মীটিং হয়, বিস্তর চেম্বাচেম্ব হয়, ঘটি ঘটি চোখের জল ফেলা হয়। তারপর সারা বৎসর নিশ্চুপ।

এ যেন কল্পস্বপ্নের জামাইবস্তী করার মতো। নিতান্ত না করলেই নয় বলে। তারপর পরিপূর্ণ একটি বৎসর কিপটে স্বপ্নের নিশ্চিন্দ।

উহ! তুলনাটা টায়-টায় মিললো না। স্বপ্নের যতই হাড়ে টক শাইলক হোক না কেন, এবং জামাই যতই হতভাগ্য দুঃখী হোক না কেন, সে বেচারী অন্তত একবেলার মতো পোট ভরে খেতে পায় এবং শুনেছি, কোনো কোনো ক্ষেত্রে একখানা কাগড়ও পায়। আমি সঠিক বলতে পারবো না কারণ আমি মুসলমানী বিয়ে করেছি। যদ্যপি সম্পর্কে তার এক বারেন্দ্র কনিষ্ঠ ভ্রাতা এই কলকাতা শহরের পুরুষ্টু পাঠাটার মতো ঘোঁৎ ঘোঁৎ করে ঝাঁ-চকচকে একাধিক মোটর দাবড়ে বেড়ায় তবু শালা...আমি অশ্রাব্য অছাপা গালিগালাজ করছি নে'—স্পষ্ট দেখতে পাচ্ছেন ব্যাটা সম্পর্কে আমার বড়কুটুম (শ্যালক)—আমাকে জামাইবস্তীর দিনে স্মরণ করে না। কারণ তার পিতা—আমার ঈশ্বর স্বপ্নের মহাশয় তাঁর সাধনোচিত ধামে চলে যাওয়ার পর এই শ্যালকটি তার পিতার তাবৎ সব গ্রহণ কবেছেন নৃত্য করতে করতে। (সত্যের খাতিরে অনিচ্ছায় বলছি দাতাকর্ণ স্বপ্নরমশাই বিশেষ কিছু রেখে যাননি, এবং সামান্য য়েটুকু ভদ্রাসন রঙপুরে রেখে গিয়েছিলেন সেটুকুও পার্টিশনের ফলে শ্যালকের হস্তচ্যুত হয়। (বেশ হয়েছে খুব হয়েছে!!) কিন্তু পিতৃদেবের দায়দায়িত্ব বেবাক এড়িয়ে গেছে। তাই সে জামাইবস্তীর একমাস আগের থেকে এড়িয়ে চলে। হিন্দু কায়দাকানুন আমি জানি নে, কিন্তু আমি যে অঞ্চলের মুসলমান সেখানে বীতি, স্বপ্নের গত হওয়ার পরেই তাঁর পুত্র জামাইয়ের স্বপ্নের হয়ে যান। হয়তো হিন্দুদের ভিতর এ রেওয়াজ নেই। আমি জানবো কি করে? কিন্তু আমাদের এই হিন্দু-মুসলমান, ভারতীয় ঐক্যবিধান নিয়ে যখন সব্বাই মাথা ঘামাচ্ছেন তখন উভয় সম্প্রদায়ের মধ্যে কিঞ্চিৎ লেনদেন গিভ-অ্যান্ড-টেক করা উচিত নয়?

১ আমার প্রতি অকারণ সহৃদয় পাঠক, যাঁরা আশকথা পাশকথা শুনেতে ভালোবাসেন, তাঁদের কাছে অবাস্তর একটি ঘটনার উল্লেখ। আমার বৃদ্ধ পিতা তখন ছোট একটি মহকুমার অনারারি হাকিম। একদিন আদালত থেকে ফিরে আমার বললেন, "সিঁতু, আজ আদালতে কি হয়েছিল জানিস? এক মূর্খ আরেক গাধার বিরুদ্ধে মোকদ্দমা এনেছে, ঐ দোসরাটা নাকি তাকে সদব রাস্তায় 'শালা' বলে গালাগালি দিয়েছে (এতদিন পরে আমার মনে নেই সেটা এবুদ্ধিভ ল্যানগুইজ না ডিফেমেশন ছিল—লেখক)!" তারপর বাবা বললেন, "আসামী পক্ষের মোক্তারের বক্তব্য, যাকে সে 'শালা' বলেছে সে সম্পর্কে সত্যিই তার শালা; অতএব কোনো অপরাধ হয়নি। বিপক্ষ কিন্তু বলছে, রাস্তার উপর পাঁড়িয়ে আসামী যখন শালা বলছে তখন মধুভরা সোহাগ-পোবা সে শালা বলেনি; বলেছে অপমান করার জন্য।" ইতিমধ্যে বাবার মগরিবের (সহায়ার নামাজের) জন্য অল্প জল এসে গিয়েছে। আমি তাই তাড়াতাড়ি শুখোলাম, "আপনি কি ব্যার দিলেন?" বাবা বললেন, "দুই পক্ষকে আদালত থেকে দূর করে তাড়িয়ে দিলুম। বললুম, 'মন্তরা করার জায়গা পাও নি'!" . আমার মনে এখন সন্দেহ জাগে, বাবার এই স্বকুম ঠিক আইনসম্মত হয়েছিল কি না। তবে এ কথা জানি, দুই পক্ষই কোনো প্রতিবাদ না জানিয়ে সুসসূত্র করে বেরিয়ে গিয়েছিল। কারণ বাবা ছিলেন বাশভাবী, আচারনিষ্ঠ বৃদ্ধ। আসামী ফরিয়াদী মোক্তার সব্বাইকে দেখেছেন উল্লাসবাহ্য আমাদের বাড়ির আঙ্গিনায় খেলাখুলো করতে।

এই দেখুন না, ব্রাহ্মত্বীয়ার সময় আমার দু-তিনটি হিন্দু বোন আমাকে নেমস্তম্ভ জানায়—নেমস্তম্ভ কথাটা বোধ হয় ঠিক নয়। আমাকে তখন তারা ডাক দেয়—হুক হিসেবে, অ্যাজ এ ম্যাটার অব রাইট। আমি তখন বিশ-পঁচিশ টাকার শাড়ি নিয়ে যাই।

কিন্তু আমার জ্যেষ্ঠপুত্র, প্রিন্স অব ওয়েলস, ফিরোজ মিঞা বড্ডই ঘোর আত্মাভিমानी। সে নিমস্তম্ভ পায় তার তিন-চার হিন্দু বোনদের কাছ থেকে। আমি বিলক্ষণ বুঝি সেই সরলা হিন্দু কুমারীরা মনে-মনে ভাবে, সব হিন্দু ব্রাহ্মত্বীয়ার পরব করছে আর এই ছোট ভাইটি একা একা দিন গৌয়াবে? তদুপরি একথাও তো সত্য, এই কুমারীদের কোনো কোনো হিন্দু ভাই মুসলমান ফিরোজের চেয়ে কোনো গুণে শ্রেষ্ঠতর নয়। আমার মনে পড়লো, ঐ ফিরোজই তার কোনো এক দিদির জন্মদিনে তার প্রিয় ফুল কেয়া আনতে গিয়ে শান্তিনিকেতনের দক্ষিণদিকে গোয়ালপাড়ার কেয়াবনের মধ্যখানে গোবরো সাপের ছোবল খেতে খেতে বেঁচে যায়।

অতএব বাবু ফিরোজ আমাকে বললেন, “আবু, আমি ব্রাহ্মত্বীয়ায় যাচ্ছি। কিন্তু তার পূর্বে দিদিদের জন্য কিছু শাড়ি কিনতে হবে। আমি দালাল কোম্পানীতে যাচ্ছি।”

সর্বনাশ! দালাল কোম্পানী অকাতরে সব দেবে। অবশ্য, বাচ্চা ফিরোজ কেন, ওরা কাউকেই ঠকায় না। তবে কিনা আমি ওদেরকে একবার ঠকিয়েছি।

কত টাকার বিল এনেছিল জানেন? ১৮০ টাকা!

পাঠক হয়তো ভাবছেন, আমি কি নিয়ে আরম্ভ করেছিলুম, আর কোথায় এসে পৌঁছলুম। বুঝিয়ে বলি। এ লেখাটি যখন আরম্ভ করি তখন ভীষণ রৌদ্র, দারুণ গরম। তারই সঙ্গে তাল রেখে আমি রুদ্র তথা ব্যঙ্গরসের অবতারণা করি। কিন্তু দু'লহমা লেখার পূর্বেই হঠাৎ অন্ধকার করে নামলো ঝমঝম বৃষ্টি। তারপর মোলায়েম রিমঝিম। তারপব ইলশেগুড়ি। সঙ্গে সঙ্গে রুদ্ররসের অন্তর্ধান। বাসনা হল আপনাদের সঙ্গে দু'দশ রসলাপ করি, একটুখানি জমজমাট আড্ডা জমাই।

ইতিমধ্যে আবার চচ্চড়ে রোদ উঠেছে। ফিরে যাই রুদ্ররসে।

আমাকে যদি কেউ শুখায়, আমি কোন্ জিনিসে সবচেয়ে গুরুত্ব আরোপ করি তবে নির্ভয়ে বলবো, শিক্ষা।

কোন্ শিক্ষা?

প্রাইমারি স্কুল, অর্থাৎ পাঠশালা।

তারপর?

হাইস্কুল। তারপর? কলেজ, বি.এ. এম.এ.। তারপর? পি.এচ-ডি। আমার মনে সবচেয়ে বিরক্তির সঞ্চার হয়, যখন ডক্টরেট করার জন্য কেউ আমার কাছে এসে সাহায্য চায়।

পাঠক অপরাধ নেবেন না যদি এ-স্থলে আমি কিঞ্চিৎ আত্মজীবনী প্রকাশ করি।

বঙ্গসাহিত্যে আমার যেটুকু সামান্য লাষ্ট বেকের আসন জুটেছে (অর্থাৎ আমার প্রথম পুস্তক “দেশে বিদেশে” প্রকাশিত হওয়ার পূর্বে) আমি একটি নাতিদীর্ঘ প্রবন্ধ লিখি, মরহুম হুমায়ুন কবীর সাহেবের “চতুরঙ্গ” ১৯৪৮ সালে। প্রবন্ধটির নাম “পূর্ব পাকিস্তানের রাষ্ট্রভাষা”। আমি প্রমাণ করতে চেয়েছিলুম, যে যাই বলুক না কেন, আখেরে

পূর্ব পাকিস্তানের রাষ্ট্রভাষা বাংলাই হবে। কিন্তু এহ বাহ্য। আমি তখন প্রাইমারি এডুকেশনের উপর সবচেয়ে বেশী জোর দিয়ে বলি।

আমাদের পাঠশালার পণ্ডিতমশাইদের কিছু কিছু জমিজমা মাঝে-মাঝে থাকে, কিন্তু সে অতি সামান্য, নগণ্য। কেউ কেউ হালও ধরে থাকেন। এবং তৎসত্ত্বেও তাঁরা যে কী নিদাক্ষণ দারিদ্র্যের ভিতর দিয়ে জীবনযাপন করেন সে নির্মম কাহিনী বর্ণনা করার মত ভাষা ও শৈলী আমার নেই। লেখাপড়া শিখেছেন বলে এবং অনেক স্থলেই উত্তম বিদ্যার্জন করেছেন, যেটা আমরা শহরে বসে সঠিক বুঝি নে—গ্রামের আর পাঁচজনের তুলনায় এঁদের সূক্ষ্মানুভূতি, স্পর্শকাতরতা এবং আত্মসম্মানজ্ঞান হয় অনেক বেশী। মহাজনের রূঢ় বাক্য, জমিদার জোতদারের রক্তচক্ষু এঁদের হৃদয়মনে আঘাত দেয় ঢের ঢের বেশী। এবং উচ্চশিক্ষা কি বস্তু তার সন্ধান তাঁরা কিছুটা রাখেন বলে মেধাবী পুত্রকে অর্থাভাবে উচ্চশিক্ষা না দিতে পারাটা এঁদের জীবনের সবচেয়ে মারাত্মক ট্রাজেডি। “ইস্তিহাদ” “আজাদ” (পশ্চিমবঙ্গের বেলায় বলবো, “আনন্দবাজার” “দেশ”—এটা এখানে জুড়ে দিচ্ছি—লেখক) মাঝে মাঝে এঁদের হস্তগত হয় বলে এঁরা জানেন যে যক্ষ্মারোগী স্বাস্থ্যনিবাসে বহু ক্ষেত্রে নিরাময় হয়, হয়তো তার সবিস্তর আশাবাদী বর্ণনাও কোনো রবিবাসরীয়তে তাঁরা পড়েছেন এবং তারপর অশ্রুভাবে চিকিৎসাভাবে পুত্র অথবা কন্যা যখন যক্ষ্মারোগে চোখের সামনে তিলে তিলে মরে তখন তাঁরা কি করেন, কি ভাবেন, আমার জানা নেই। বাইবেলি ভাষায় বলতে ইচ্ছা যায়, ‘ধন্য যাহাবা অজ্ঞ, কারণ তাহাদের দুঃখ কম’। পাঠশালার গুরুমশাইয়ের তুলনায় গাঁয়ের আর পাঁচজন যখন জানে না, স্বাস্থ্যনিবাস (সেনেটরিয়াম) সাপ না ব্যাঙ না কি, তখন তারা যক্ষ্মারোগকে কিম্বত্বেব গর্দিশ বলে মেনে নিয়ে নিজেকে সাহুনা দিতে পারে। হতভাগ্য পণ্ডিত পারে না।”

কিন্তু প্রশ্ন, শ্রবন্ধের গোড়াতেই জামাইষষ্ঠীর কথা তুলেছিলুম কেন?

শুনেছি, সঠিক বলতে পারবো না, গাঁয়ের পণ্ডিতদের নিমন্ত্রণ করে বছরে একদিন শহরে এনে ঐ যে বিরাট বিরাট সভা কবা হয়, ঘটি ঘটি চোখের জল ফেলা হয় তখন জামাইষষ্ঠীর দিনের মতো তাদেবকে এক পেট খেতেও দেওয়া হয় না।

এবং তৎপর ৩৬৪ দিনের গোবস্তানের নীববতা।

এই শেষ নয়। দাঁড়ান না। সুযোগ পেলে আরেকদিন আরেক হাত আমি নেবই নেব। স্বামী বিবেকানন্দকে গুরু মেনে, সাক্ষী মেনে।

বিশ্বভারতী প্রাগ

রবীন্দ্রনাথ তাঁর বিশ্বভারতীর জন্য এদেশে বিশ্ববিখ্যাত একাধিক পণ্ডিত আনিয়েছিলেন। তাঁদের মধ্যে সবচেয়ে খ্যাতনামা ছিলেন অধ্যাপক মরিৎস্ ডিন্টার্নিংস। এঁকে এদেশের অনেক সংস্কৃতপণ্ডিত চিনতে পারবেন। ১৯০৯ থেকে ১৯২২ জুড়ে জার্মান ভাষায় প্রকাশিত হয় তাঁর ‘ভারতীয় সাহিত্যেব ইতিহাস’। এবই ইংরাজী অনুবাহ বেবোয এদেশে ১৯২৭ থেকে ১৯৩২। এছাড়া আছে, ‘গৃহ্যসূত্র’ ‘প্রাচীন ভারতে বিবাহ অনুষ্ঠান’ ‘ভারতীয় ধর্মে রমণী’ ইত্যাদি তাঁর প্রচুর গ্রন্থবাহি।

এ সব ক'টি বই-ই পণ্ডিতদের জন্য।

কিন্তু তিনি আমাদের মতো সাধারণজনেরও একখানি পুস্তিকা লিখে গিয়েছেন—
কবিওব ববীন্দ্রনাথ সম্বন্ধে। এ পুস্তিকা সম্বন্ধে হ্রীতিপূর্বে, অন্য অবকাশে, আমি দু-একটি
কথা বলেছি। এখানে পুনরায় বলি ববীন্দ্রনাথ সম্বন্ধে আর পর্যন্ত যত লেখা বেবিযেছে
তাৰ ভিতরে আমি এটিকেই সর্বশ্রেষ্ঠ বিবেচনা কবি। তাৰ প্ৰধান কাৰণ অধ্যাপকের সমস্ত
জীবন কৰ্মে প্ৰেম, উপনিষদ, সঙ্কৃত কাব্য নিয়ে। এদেবই ভিতৰ দিয়ে যে ঐতিহ্য
ভাবতৰ্ষে চলে আসছে তাৰ সঙ্গে ববীন্দ্রনাথ কতখানি সংযুক্ত, কতখানি অনুপ্রাণিত
হয়েছিলেন তাই ধৰ্মমত কি তাৰে গড়ে উঠেছিল এ সম্বন্ধে সবচেয়ে বেশী বলাব অধিকার
ছিল অধ্যাপক। ভিন্টাব্ৰিৎসেবই তিনি বাংলা ভাষা জানতেন।

বইখানি প্ৰাথমিক সৰল জৰ্মান ভাষায় বচিত। ইংৰাজী বা বাংলায় এৰ অনুবাদ হয়েছে
বলে শুনিমি। হওয়া উচিত। বইখানিৰ এক খণ্ড শাণ্ডিনিকেতনেৰ ববীন্দ্র-ভবনে আছে।
চেকোস্লোভাকিয়াৰ জনসাধাৰণ অস্থিয়া হান্সবি জৰ্মন এৰ পৰবৰ্তী যুগে খাস
জৰ্মনিৰ জৰ্মনগণ দাবা নিপীড়িত হওয়া সত্ত্বেও তাঁদের কৃষ্টি সভ্যতাৰ অনেকখানি জৰ্মন
সভ্যতাৰ কাছ ধৰি। তাছাড়া অনেক জৰ্মনও চেকোস্লোভাকিয়ায় বাস কৰতো।

অধ্যাপক ভিন্টাব্ৰিৎস চেক নন। তিনি জন্মেছিলেন দক্ষিণ অস্থিয়ায় ও প্ৰথম
বিশ্বযুদ্ধেৰ শেষে অস্থিয়া হান্সবি যখন টুকনো টুকনো হয়ে যায় তখন তাঁৰ জন্মভূমি পড়ে
নৰ্গনিৰ্মিত গাষ্ট্ৰ চেকোস্লোভাকিয়াৰ প্ৰত্যন্ত প্ৰদেশে, অবশ্য অস্থিয়াই (হিটলাৰেৰও জন্ম
এই অঞ্চলে এৰ তাৰ বৰ্মনীতে নাবি কিঞ্চিৎ চেক বড়ও ছিল, মনস্তাত্ত্বিকবা বলেন,
চেকদের যে তিনি সৰ্বশৰ্ষ চেয়েছিলেন তাৰ কাৰণ, ওই কবে তিনি তাঁৰ চেক বড়
অস্বীকাৰ কৰাও চৰাছ'লন), কিন্তু সেইটে আসল কথা নয়। তিনি ভালোবাসতেন প্ৰাগ
শহৰকে। ১৯০২ খ্ৰীষ্টাব্দে সেখানে তিনি অধ্যাপক নিযুক্ত হন। ১৯১৮/১৯ খ্ৰীষ্টাব্দে
চেকোস্লোভাকিয়া জন্মগ্ৰহণ কৰে মাতৃ উদৰ থেকে যখন বিচ্ছিন্ন হয়ে গেল তখন তিনি
ইচ্ছা কৰলেই ভিয়েনা (এইমাত্ৰ বলেছি, তাঁৰ মাতৃভূমি পড়েছিল অস্থিয়ায় এৰ অস্থিয়ায়
ৰাজধানী ভিয়েনা তখন প্ৰাগ ইত্যাদি শহৰ থেকে তাৰ আপনজনকে নিমন্ত্ৰণ জানাচ্ছে)
বিশ্ববিদ্যালয়ে চলে যেতে পাবতেন কিন্তু তিনি যাননি।

অধ্যাপক ভিন্টাব্ৰিৎস ১৯০২ খ্ৰীষ্টাব্দ থেকে বৰাবৰ ১৯৩৭— তাঁৰ পবলোকগমন
অৰ্ধশ প্ৰাগেই থেকে যান।

তিনি ছিলেন জাতে, ধৰ্মে ইহুদি।^১ ইহুদিবা কোনো জায়গায় পত্তন জমালে সেখানে যে
সব ইহুদি পৰিবাব আছে তাৰে সঙ্গে মিলেটিশে এমনই এক হয়ে যায় যে পৰে ভিন্ন
ভাষায়া উৎকৃষ্ট সযোগ-সুবিধা পোনে এদেৰ ভাগ কবাটা নিমকহাবানী বলে মনে
কৰে। ওই একই কাৰণে ইজৰায়েল শত ব্ৰহ্মনবোদন সত্ত্বেও আমেৰিকাৰ লক্ষ লক্ষ
ইহুদি পৰিবাব-সমাজ-দেশ ছেড়ে ওই দেশে যেতে চায় না।^২

১ আমি শুনেছি তিনি যখন শাণ্ডিনিকেতনে চিত্ৰটিং প্ৰথমাৱকাশে ছিলেন তখন কলকাতাৰ ইহুদি
সম্প্ৰদায়েৰ নিমন্ত্ৰণে সেখানকাৰ ইহুদি ধৰ্মমন্দিৰে তাঁদেৰ বাৎসৰিক পূজায় উপস্থিত থাকেন।

২ অন্য কাৰণও হয়তো আছে। ১৯৩৪ সালে যখন আমি পালেস্তাইনে ইহুদিদের কেন্দ্ৰভূমি ওল
আৰ্ভড শহৰে যাই তখন এক ইহুদি আমাকে বলেন—স্বস্ত্বা কৰে ন কি, বলা কঠিন - কাৰে কাৰে
মাংস খায় না। সব ইহুদি, সব কাক, এক জায়গায় জড়ো হলে তো উপবাসে মৰতে হবে। দুনিয়াৰ কুমে
জাত স্বস্ত্বাওব সঙ্গ থাকতে চায়। আমাৰ শতায়।

প্রাগ শহর বড় বিচিত্র শহর। সেখানে চেক আছে, জার্মান আছে, ইহুদি আছে, আবও কত জাত-বেজাতের লোক আছে—এবং বড় মিলেমিশে থাকে।

আর, পূর্বেই বলেছি, শহরটি বাস্তবিকই বড় সুন্দর।

মধ্যখান দিয়ে মলডাও নদী চলে গিয়েছে। ঠিক যে-রকম ভিয়েনার মাঝখান দিয়ে ড্যানুয়ুব, প্যারিসের মধ্যখান দিয়ে শেন, বুডাপেস্ট-এর মাঝখান দিয়ে ড্যানুয়ুব।

অধ্যাপক ভিন্টার্নিংসকে নিশ্চয়ই বিশ্ববিদ্যালয়ে পাবো।

হোটেলগুলোকে শুধোলুম, হোথায় কোন্ ট্রামে বা বাস-এ যেতে হয়।

সেদিন কি একটা পরব ছিল। ভিড়ে ভিড়ে হুজুুম।

অতএব বিশ্ববিদ্যালয় নিশ্চয় বন্ধ। কিন্তু একটা স্কেলিটেন স্টাফ থাকবে তো! তারা নিশ্চয়ই অধ্যাপকের বাড়ির ঠিকানা দিতে পারবে।

ইতিমধ্যে এই হুজুুম না কাটা পর্যন্ত ট্রাম-বাস তো চলবে না।

দাঁড়িয়ে দাঁড়িয়ে ডান হাত দিয়ে ঘাড়ের বাঁ দিকটা চুলকোচ্ছি, এমন সময়ে এক অপরাধ সুন্দরী এসে আমাকে শুধালে, ‘আপনার কি কোনো সাহায্যের প্রয়োজন?’

এ শুধু প্রাণেই সম্ভবে!

অন্য দেশের মেয়েরা পুরুষকে মদত দেবার জন্য এরকম এগিয়ে আসে না।

ত্রিমূর্তি

প্রখ্যাত রুশ ঐতিহাসিক মিখাইল গুস্ একটা বড় খাঁটি তত্ত্বকথা বলেছেন. “দ্বিতীয় বিশ্বযুদ্ধের ঘটনাবলীর কথা আজ আমবা স্মরণ করি এজন্য যে, যাতে বর্তমান ও ভবিষ্যতের জন্য আমরা তা থেকে শিক্ষা নিতে পাবি। এরকম একটা শিক্ষা হল যে, আমাদের যুগে বিশ্ব আধিপত্য বিস্তারের যে কোনো রকম দাবি এক সামগ্রিক ব্যর্থতায় পর্যবসিত হতে বাধ্য। হিটলারের ‘পদানুসরণ যারা করতে চায়, তাদের সকলের প্রতি এ হল এক গুরুতর হুঁসিয়ারি।”^১

কমরেড পশুিত গুসের কথার পিঠ-পিঠ আমি কোনো মন্তব্য করার দস্ত ধরি নে। আমি অন্য এক মনস্তত্ত্ববিদের একটি উদ্ধৃতি দিচ্ছি মাত্র। দ্বিতীয় বিশ্বযুদ্ধের শেষে ন্যুরনবের্গ শহরে যখন গ্যোরিঙ, হেস্ কাইটেল প্রভৃতি জনা বিশেকের বিরুদ্ধে মোকদমা

১ ভাবতে অবহিত বিদেশী একাধিক দূতাবাস একাধিক ভাষায় বিস্তব শ্রোপাগাডা লেখেন প্রকাশ করেন, আমার মতো স্বল্পজাত লোকও খান-মশেক পায়। এগুলো পড়তে হলে অনেকখানি ধৈর্যের প্রয়োজন কারণ এদের অধিকাংশই বড় একঘেয়ে।.. এরই মধ্যে হঠাৎ একখানি উত্তম চটি পুস্তিকা আমবা হৃদয়মনকে বড়ই আলোড়িত করেছে। “সোভিয়েত সমীক্ষা” ৯ ৯ ৬৯ সংখ্যা, সম্পাদক কোলোকোলো, যুগ্ম-সম্পাদক প্রসোপে গুই, সোভিয়েত যুক্তরাষ্ট্রের কলিকাতাস্থিত দূতহানে প্রকাশিত।

এই সংখ্যায় আছে দুটি সুলিখিত বচন . (১) মিখাইল গুস কর্তৃক ‘ইতিহাসের শিক্ষা’ এবং (২) সোভিয়েট ইউনিয়নের জনৈক মার্শাল কর্তৃক ‘সোভিয়েত সৈন্যের উদ্দেশে’ (মার্শাল জুকভের গ্রন্থ ‘স্মৃতিচারণ ও প্রতিচিন্তার’ সমালোচনা)। বলা বাহুল্য আমি যে সব সময় এঁদের সঙ্গে একমত হতে পেরেছি তা নয়। সাম্বনা নিই এই ভেবে যে দেশে-বিদেশের একাধিক কমরেডও হয়তো কোনো কোনো হুদে ভিন্ন মত পোষণ করতে পারেন। বাংলা অনুবাদ কে বা কাবা করেছেন তাঁদের নাম নেই। অনুবাদ হলে হলে ঐবৎ আড়ত হলেও অতিশয় বিদগ্ধ উচ্চাঙ্গের।

চলছিল তখন প্রখ্যাত মার্কিন মনস্তত্ত্ববিদ ডাক্তার কেলি দিনের পর দিন হাজতে এঁদের মনঃসমীক্ষণ করার পর দেশে ফিরে গিয়ে বলেন, “হিটলারের মতো ডিক্টেটর এবং নাৎসি পার্টির মতো পার্টি পৃথিবীর যে কোনো দেশে যে কোনো সময়ে পুনরায় দেখা দিতে পারে।” তাই আমার মনে ভয় লাগে, কমরেড গুসের “গুরুতর ইঁশিয়ারি” সত্ত্বেও এ গর্দিশ পুনবায় যে-কোনো দিন মাথা চাড়া দিয়ে উঠতে পারে। তবু যদি রুশ তভারিশ্ গুস্-এর এ ইঁশিয়ারি (অসত্বরজ্ঞো!) মেনে নেন তবে ক্রমে ক্রমে চীন এমন কি মার্কিনও হয়তো রুশের সং দৃষ্টান্ত অনুসরণ করবেন—এ রকম একটা আশা করা যেতে পারে।

দ্বিতীয় বিশ্বযুদ্ধে ইয়োরোপের পঞ্চপ্রধান ছিলেন, হিটলার স্তালিন মুসসোলীনি বোজোভেপ্ট এবং চার্চিল। এঁদের প্রথম তিনজন ছিলেন কট্টর ডিক্টেটর; বাকি দুজন গণতন্ত্রের প্রতিভূ। প্রথম তিনজন রণাঙ্গনে নামেননি বটে, কিন্তু তাবৎ যুদ্ধের নীতি পদ্ধতি ইত্যাদি (স্ট্রাটেজি; মাঝে-মধ্যে ট্যাক্টিক পর্যন্ত)^২ সম্বন্ধে তাঁরা পরিষ্কার, কঠিন নির্দেশ দিতেন রণাঙ্গনে অবতীর্ণ জঙ্গীলাটদের। বোজোভেপ্ট চার্চিল সেরকম করেননি। এঁরা তাঁদের জঙ্গীলাটদের যুদ্ধে মূল উদ্দেশ্য এবং নীতি সম্বন্ধে নির্দেশ দিয়ে বাদবাকি সব কিছু ওদেরই হাতে ছেড়ে দিতেন। তবে বলা হয়, রণাঙ্গনে যুদ্ধে লিপ্ত জঙ্গীলাটদের রুটিন কর্মে নাক গলাতেন (ইনটাফিয়াব করতেন) ডিক্টেটরদের ভিতর হিটলার প্রচুরতম ও গণতন্ত্রের প্রতিভূ চার্চিল অনেকখানি।

এই পঞ্চপ্রধানের যে তিন জঙ্গীলাট খ্যাতি অর্জন করলেন তাঁরা মার্কিন আইজেনহাওয়ার, ইংরেজ মন্টগামেবি। ডিক্টেটররা সর্বদাই সর্বকৃতিত্ব সম্পূর্ণ পেতে চান বলে তাঁদের সৈন্যবাহিনীর কোনো সর্বময় কর্তা নিযুক্ত করতে চাইতেন না। তৎসত্ত্বেও ডিক্টেটরের অধীনে থেকেও যিনি বিশ্বজোড়া খ্যাতি অর্জন করেন তিনি রুশের জঙ্গীলাট মার্শাল গ্রিগবি জুকফ্।

এই তিন জঙ্গীলাট সম্মুখ সংগ্রামে নেমেছিলেন। এবং যুদ্ধ শেষ হওয়ার কিয়ৎকাল পবেই মার্কিন আইজেনহাওয়ার ও ইংরেজ মন্টগামেবি যুদ্ধক্ষেত্রে আপন আপন অভিজ্ঞতা সবিস্তর বর্ণনা কবে গ্রন্থ লেখেন। তৃতীয় বীর জুকফ্ এ-তাবৎ কিছুই লেখেননি।^৩ (হয়তো স্তালিন চাননি যে জুকফ্ কোনো কিছু লেখেন যাতে করে তাঁর কৃতিত্ব ক্ষুণ্ণ হয়। আমার মনে হয় সেখানে তিনি করেছিলেন ভুল। সেকথা পরে হবে।)

২ মাএ কয়েকদিন পূর্বে হিন্দুস্থান স্ট্যাভার্ড (৩ অক্টোবর '৬১)-এ জেলায়ল শ্রীবৃন্দ চৌধুরীর “ডিফেন্স স্ট্রাটেজি” শিবোনামায় লিখিত একটি অতুলনীয় অনবদ্য রচনা পুনর্মুদ্রিত হয়েছে, এটির বাংলা অনুবাদ হওয়া প্রয়োজন। অনেকে হয়ত বলবেন, সাধারণজন, (সিভিলিয়ানরা) যতই সংগ্রামশাস্ত্রের সঙ্গে পবিচিত হব ততই সে মাবমুখো হয়ে পদে পদে লড়াই করতে চাইবে—জিসোসিস্ট বলে যাবে। আমি ভিন্ন মত পোষণ করি। আমার বিশ্বাস বাজ্ঞনীতি কোথায় সমবনীতিতে পবিণত হয়, এ জ্ঞান সাধারণজনের হতই বাড়বে ততই যুদ্ধ সম্বন্ধে তার দায়িত্ববোধও বাড়বে। ঐতিহাসিক মাত্রই জ্ঞানের, এ দুনিয়ায় কত শত বাব সিভিলিয়ান পলিটিশিয়ানবা লড়াই কবাব জন্য যখন হনো হয়ে উঠেছে, তখন সেনাবাহিনীর জঙ্গীলাট জাঁদবেলবা (প্রফেশনাল সোলজাররা) তাদেরকে ঠেকিয়ে সংগ্রাম ঘোষণা করতে দেখনি এবং পরে দেখা গেল এ কবে জঙ্গীলাট জাঁদবেল দেশকে সর্বনাশ থেকে বাঁচিয়েছেন। অথচ সাধারণজন ভাবে, এঁবা কথায় কথায় লড়াই শুরু কবে দিয়ে পদোন্নতি, মেডেলের জন্য মুষ্টিয়ে আছেন।

৩ কয়েকজন জর্মন জেনাবেল লিখেছেন বটে, কিন্তু এঁদের কেউই সব বণাঙ্গনের পূর্ণাধিকার কখনো পাননি। আব ইতালিয়ান “জাঁদবেল”দের সম্বন্ধে “নীরবতা হিরন্ময়”।

এই তিনজনেই হিটলারের সৈন্যবাহিনীকে সম্মুখ সংগ্রামে পরাজিত করেন। এবং একাধিক মার্কিন, ইংরেজ (ফরাসীও) বন্দ্যপি স্বীকার করতে রাজী হন না, আমার নিজের বিশ্বাস হিটলারকে পরাজিত করার প্রধান কৃতিত্ব রুশ জনগণ, স্তালিন ও মার্শাল জুকফের। সুতরাং গত বিশ্বযুদ্ধের রণাঙ্গন-ইতিহাস—জুকফের বিবরণীহীন ইতিহাস—যেন হামলেটকে বাদ দিয়ে হ্যামলেট নাটক।

স্তালিনের মৃত্যুর পর জুকফ অবশ্যই তাঁর গ্রন্থ লিখতে পারতেন। কিন্তু তখন আরম্ভ হয়ে গিয়েছে স্তালিনের চরিত্রের উপর কলঙ্ক-লেপন। রুশের বড় কর্তারা তখন যে প্রোপাগান্ডা আরম্ভ করলেন তার মূল বক্তব্য, “স্তালিন ছিল সংগ্রামনীতিতে একটা আস্ত বুদ্ধ। তার আস্ত নির্দেশের ফলেই লক্ষ লক্ষ রুশ সৈন্য যুদ্ধে মারা যায়। নইলে যুদ্ধ অনেক পূর্বেই বর্তম হয়ে যেত।”

যুদ্ধের পর স্তালিন যদিও জুকফকে নানাপ্রকার নিপীড়ন করেন তবু তিনি এই প্রোপাগান্ডাতে সাহায্য দিতে পারেননি। স্তালিনকে তিনি তাঁর ন্যায্য সম্মান থেকে বঞ্চিত করতে চাননি। তাই সে সময়েও তিনি কোনো কিছু লিখলেন না।

এরপর স্তালিন-স্মৃতিবিরোধীরাও গদিচ্যুত হলেন।

যীরে যীরে স্তালিন সম্বন্ধে রাশার জনসাধারণেরও ধারণা বদলাতে লাগলো।

তাই যুদ্ধের চব্বিশ বৎসর পর জুকফ তাঁর “স্মৃতিচারণ ও প্রতিচিন্তা” প্রকাশ করেছেন ১৯৬৯ খ্রীস্টাব্দে। (এক নম্বর ফুটনোট দ্রষ্টব্য)

যুদ্ধশেষের এই সুদীর্ঘ চব্বিশ বৎসর পর আইজেনহাওয়ার, মন্টগামেরি ও জুকফ এই ত্রিমূর্তির কল্যাণে এখন যুদ্ধক্ষেত্রে হাতেকলমে এঁরা কোন্ কোন্ রণনীতি রণকৌশল অবলম্বন করে অবশেষে জয়লাভ করলেন তার পূর্ণতর ইতিহাস লেখা সম্ভবপব হবে—কোনো যুদ্ধের পূর্ণতম ইতিহাস এ পর্যন্ত লেখা হয়নি, এ-বেলাও হবে না।

জুকফের মূল গ্রন্থ বা তার পূর্ণ অনুবাদ আমার হাতে কখনো পৌঁছবে না। ইতিমধ্যে রুশ মার্শাল ভাসিলেফস্কি ঐ গ্রন্থের যে পরিচিতি অর্থাৎ সংক্ষিপ্ত সারাংশ দিয়েছেন একমাত্র তারই উপর নির্ভর করে—কথায় বলে অভাবে পড়লে স্বয়ং শয়তানও মাছি ধরে ধরে যায়—ঘরমুখো বাঙালীকে রণমুখো সেপাইয়ের অভিজ্ঞতা শোনার চেষ্ঠা দেব। একেবারে নিষ্ফল হব না। কারণ “বণমুখো” হয়ে লড়াই লড়ে এদেশে “প্রলেতাভিয়া রাষ্ট্র” প্রবর্তন করবে। কিন্তু সেটা আ লা রায়স্ (রুশ পদ্ধতিতে রান্না স্যালাড) না, আ লা শীন (চীন পদ্ধতিতে রান্না ফ্রাইড রাইস) হবে সেটি নিয়ে মতভেদ আছে।

রুশ রাজনীতি তথা চীন রাজনীতি সম্বন্ধে আমার কোনোই জ্ঞানগম্য নেই।

কিন্তু বিস্তার রসানুভূতি আছে উভয়ের সরেস খাদ্যাদি সম্বন্ধে।

তাই ভালোবাসি রাশান স্যালাড, রাশান কাভিয়ার, রাশান বর্শসূপ, রাশান পানীয় (আমি কড়া ভোলকা সাইতে পারি নে; পছন্দ করি—এবং স্তালিনও ঐ খেতেন—উত্তম ওয়াইন, তা সে স্তালিনের জন্মভূমি জর্জিয়ারই হোক বা ককেশাসেরই হোক)।

সঙ্গে সঙ্গে পছন্দ করি চীনা ফ্রাইড রাইস (চীনা হোটেল-বয় “ফ্রাইড লাইস” অর্থাৎ ভাজা উকুন), পিঞ্জি চিকিন, ব্যাণ্ডের ছাতার অমলেট ইত্যাদি।

কলকাতার রুশপন্থী কম্যুনিষ্টরা একটা মারাম্বক ভুল করছেন। ওঁদের উচিত এ শহরে অন্তত দু গণ্ডা রাশান রেস্তোরাঁ বসানো।

কারণ “Love does not go through heart, but through stomach”—“প্রেম হৃদয়ে সঞ্চারিত হয় না, সঞ্চারিত হয় উদরে”—আপ্তবাক্যটি বলেছেন একটি ফরাসিনি সুরসিকা নাগরিক ॥

রহস্য লহরী

২২ সেপ্টেম্বরের ‘হিন্দুস্থান স্ট্যান্ডার্ড’ কাগজের ‘ক্যালকাটা নোটবুক’-এ দীনেন্দ্রকুমার বায় সম্বন্ধে ঐ “নোটবুকে”র বিদগ্ধ লেখকের করুণ-মধুর কৃতজ্ঞতাপূর্ণ অনুচ্ছেদটি পড়ে আমি সতাই ঈষৎ লজ্জায় মাথা নিচু করলুম। “ঈষৎ” বললুম এই কারণে যে, আমিও স্থির করেছিলাম যে আগস্ট-সেপ্টেম্বর (দীনেন্দ্রকুমারের জন্ম ২০ আগস্ট ১৮৬৯) তাঁর জন্মশতবার্ষিকীতে আমিও তাঁর স্মৃতির উদ্দেশ্যে আমার নগণ্য শ্রদ্ধাঞ্জলি নিবেদন করবো। তারপর বার্থক্যে যা হয়, বিদ্যাসাগর বঙ্কিমের জন্মদিন যখন সে ভুলে যায় তখন তরুণ অকরুণ পাঠক তার ক্ষীণ স্মৃতিশক্তির দিকে কটাক্ষ করে তাকে বিড়ম্বিত করবেন না এই তার ক্ষীণতর আশা।

তরুণ পাঠক যদি ২২ সেপ্টেম্বরের ঐ হিন্দুস্থান স্ট্যান্ডার্ডটি যোগাড় করতে পারেন তবে তিনি যেন সেই অনুচ্ছেদটি বাংলায় অনুবাদ করে তাঁর ঠাকুমা-দিদিমাকে শোনান। আমি কথা দিচ্ছি, তাঁদের চোখ জ্বলজ্বল করে উঠবে, ক্ষণতরে তাঁরা আবার কিশোরী হয়ে যাবেন, দু-ফাঁটা চোখের জলও ফেলতে পারেন। কারণ পুনবায় বলছি, অনুচ্ছেদটি—ঐ লেখকের চৌদ্দ আনা লেখাতে যা হয় তাই হয়েছে—বড়ই সুন্দর হয়েছে। এবং সঙ্গে সঙ্গে তাড়াতাড়ি যোগ করছি, আমি লেখক হিসেবে ঔঁকে দম্পূর্ণ সার্টিফিকেট দিচ্ছি নে—সামান্য পাঠক হিসেবে আমার দিলভরা তারিফ জানাচ্ছি। সে হক্ক সকল পাঠকেরই আছে। আর লেখক হিসেবে বললেই বা কী! কাগে কাগেব মাংস খায় না, এ প্রবাদ জানি। কিন্তু কাগে কাগের মাংস প্রশংসা করে না একথা কখনো শুনিনি।

গুরুজনদের মুখে যা শুনেছি (বিশেষত মমাগ্রজের বাচনিক—কারণ তিনি কুষ্টিয়ার ডিস্ট্রিক্ট মাজিস্ট্রেট ছিলেন) সে-সব তত্ত্ব ক্ষীণ স্মৃতিশক্তির উপব নির্ভর করে বলেছি। ভুল হয়ে যেতে পারে।

দীনেন্দ্রকুমার বায়েব জন্ম কুষ্টিয়ার কাছেই। সেই জায়গাতেই বা তাব অতিশয় কাছে জন্ম নেন বা বিরাজ করেন প্রখ্যাত ঐতিহাসিক অক্ষয়কুমার মৈত্র, সাহিত্যিক জলধর সেন (যাঁকে শরৎচন্দ্র বড়দা বলে সম্বোধন কবে সম্মান দেখাতেন) এবং এ-যুগের প্রথম মুসলমান লেখক মুশররফ হোসেন। তাঁর বিখ্যাত পুস্তক “বিবাদসিদ্ধি” এখনো মুসলমানদের—এবং অনেক হিন্দুদের কাছে সুপরিচিত।

তদুপরি ছিলেন কাঙাল হরিনাথ। ঐর শ্যামাসঙ্গীত আমি শুনি বাল্যবয়সে, পদকীর্তন শোনার সময়ে—প্রথম রবীন্দ্রসঙ্গীত শোনার বহু পূর্বে। হয়, সে গানের কথাগুলো আমার ঠিক ঠিক মনে নেই। তার বক্তব্য ছিল, “কাঙাল (অর্থাৎ হরিনাথ) যদি ছেলের মত ছেলে হত তবে তুমি জানতে। কাঙাল জোর করে কোল কেড়ে নিত, তুমি পাবতে না মা ছাড়তে।” গ্রামোফোন কোম্পানির সে রেকর্ড বোধ হয় এখন আর নেই।

এবং এই অঞ্চলেরই মহাত্মা—লালন ফকীর। তাঁর পবিচয় দেবার মতো প্রগল্ভতা আমার নেই।

ঐ সময়ে গোপনে গোপনে কেমন যেন একটা দ্বন্দ্ব ছিল নদীয়া জেলায় এবং কলকাতাতে। নদীয়ার লোক তো বলতোই, এখনো বলে, তাদের বাংলা ভাষা সবচেয়ে শুদ্ধ ও মধুর। ওদিকে রাঢ়ের ঈশ্বরচন্দ্র বক্ষিম প্রভৃতি তখন কলকাতাকে কেন্দ্র করে, তাঁরা যে-ভাষা জানেন, বলেন, সেই ভাষাকেই বাংলা সাহিত্যের বাহনরূপে প্রবর্তিত কবেছেন। তাই এখনো নদীয়া তথা পূর্ববঙ্গের বহু গুণী খেদ করেন যে, মীর মুশর্রফ হোসেনের 'বিষাদসিন্ধু' যখন প্রকাশিত হল, তখন বক্ষিমচন্দ্র তাঁর বঙ্গদর্শনে পুস্তকটির পবিপূর্ণ সম্মান দেখাননি।

ঐ সময়ে, অর্থাৎ গত শতাব্দীর শেষের দিকে, এ শতাব্দীর গোড়াতে দীনেন্দ্রকুমার তাঁর সামান্য কয়েকটি পল্লীচিত্র ('নোটবুকে'র ভাষায় he wrote sketches of village life in a reminiscent mood. , Generally he starts with a festival and goes on to describe its impact on the different sections of the village population. His pleasant vignettes—পল্লীচিত্রের জন্য এই “ভিন্নেৎ” শব্দটি একদম not juste— born out of acute personal observation, present a microscopical picture of life.) “ভারতী” পত্রিকাকে পাঠান। তখন সম্পাদিকা ছিলেন খুব সম্ভব সরলা দেবী কিংবা তাঁর মাতা স্বর্ণকুমারী দেবী। এই ভিন্নেৎগুলো সম্পাদিকা সানন্দে লুফে নেন এবং বহু বহু গুণী এগুলোব সর্বোত্তম প্রশংসা করেন। এ যেন হঠাৎ এক ঝলক গায়ের মিঠে মেঠো হাওয়া নগবে ঢুকে শহবেব নিরুদ্ধ-নিঃশ্বাস বাতাসকে মোলায়েম কবে দিল। এই চিত্রগুলো ঐ সময়ে পুস্তকাকারে দুই খণ্ডে প্রকাশিত হয়।

এর পবেব ইতিহাস আমি সঠিক কালানুক্রমিক বলতে পাববো না। যতদূর মনে আছে তাই নিবেদন করি।

ঐ সময়ে শ্রীঅরবিন্দ বরোদাব চাকবি নিয়ে বাঙলাদেশে লিখে পাঠান, তাঁকে বাংলা শেখাবাব জন্য যেন একজন উপযুক্ত শিক্ষক পাঠানো হয়। শেষ পর্যন্ত যে দীনেন্দ্রকুমারকেই পাঠানো হয় এক থেকেই আজকেব দিনের পাঠক বুঝে যাবেন, সেদিন বাংলা সাহিত্যে তাঁর আসন কতখানি উচ্চ ছিল। এবং হয়তো যঁারা তাঁকে মনোনীত করেন তাঁরা চেয়েছিলেন শ্রীঅববিন্দের উচ্চারণটিও যেন খাঁটি ন'দেব মিষ্টি উচ্চারণ হয়।'

কিন্তু দীনেন্দ্রকুমার ববোদায় খুব বেশীকাল থাকেননি।

কারণ ইতিমধ্যে বরোদার মহারাজা, শ্রীঅরবিন্দ, অন্যতম ববোদাপ্রধান খাসে বাও যাদব এবং (বোধ হয়) দেশপাণ্ডের মধ্যে কি-সব গুণ্ড মন্ত্রণা হয়, সে-সম্বন্ধে আমি সঠিক

১ “ববোদাতে বাঙালী” নাম দিয়ে একটি গ্রন্থ লেখা যায়। ঔপন্যাসিক, বেদন্ত সূৰ্পণ্ডিত বমেশচন্দ্র দত্ত, শ্রীঅববিন্দ থেকে আবস্ত কবে সত্যব্রত মুখোপাধ্যায়, ববীন্দ্রনাথের নাতি সূত্রকাশ গাঙ্গুলী, হবপ্রসাদ শাস্ত্রীব পুত্র বিনয়তোর ভট্টাচার্য এবং আবও উত্তম উত্তম বাঙালীকে ববোদাব মহাবাজা সযাজী বাও কর্ম দেন। এছলে একটি ব্যক্তিগত নিবেদন আমাব আছে। আমাব প্রতি দরদী পাঠক ভিন্ন অনেবা ষ্ঠেন ব্যক্তিগত না পড়েন। ১৯৩৪-এ আমি যখন কাইরোতে শান্ত্র অধ্যয়ন কবছি তখন ঐ সযাজী বাও আমাকে 'পাকড়কে বরোদায় নিয়ে এসে একটি অত্যন্ত কর্ম দেন। মহাবাজা একদিন আমাকে বমেশচন্দ্র দত্ত, শ্রীঅববিন্দেব অনেক কাহিনী বলাব পব আমি দুঃখ কবে বলেছিলুম—“Your Highness' I am your latest and worst choice ” মহাবাজ তখন গুন গুন কবেন সেকালের একটি song-hit গান “you are not my first love, but you could be my last love!” এর কিছুদিন পরেই মহাবাজ গত হন। এ-বাববে শেষ কথা, ঐ সর্বগুণে গুণী মহারাজ ভাবতেব নানা জ্ঞাতের ভিতর সব চেয়ে ভালোবাসতেন বাঙালীকে।

জানি নে। ফলে শ্রীঅরবিন্দ বরোদা ত্যাগ করে কলকাতায় এসে বিপ্লবী আন্দোলন আরম্ভ করেন। কিন্তু এ ভিন্ন কাহিনী।

দীনেন্দ্রকুমার বাঙলায় ফিরে এলেন।

এর পর তাঁর জীবন-কাহিনী আমার কাছে আরও অস্পষ্ট।

তবে আমার মনে সন্দেহ হয়, এ-কালেও যখন বাঙালী সাহিত্যতন্ত্রে শুধুমাত্র সাহিত্য সৃষ্টি করে দক্ষ-উদর-জ্বালা শাস্ত করতে পারে না^২ তা হলে ভ্রমলোক বোধ হয় খুবই অর্থকষ্টে ছিলেন। তখন ১৯১৫, এ-রকম সময় দীনেন্দ্রকুমার গতান্তর না দেখে ডিটেকটিভ স্টোরি ইংরেজী থেকে অনুবাদ করতে আরম্ভ করলেন। তারই নাম “রহস্য লহরী”। সঠিক অনুবাদ বললে বোধ হয় একটু ভুল হয়। যেখানেই সুযোগ পেতেন, সেখানেই কিষ্কিৎ বঙ্গোপযোগী বাঙালী ধরনধারণ ঢুকিয়ে দিতেন।

এই “রহস্য লহরী” এ-দেশে তখন যে উন্মাদনার সৃষ্টি করেছিল, তার বয়ান আজ দেবে কে? সাধুবাদ সহ বলি, “নোটবুক” তার যথাসাধ্য চেষ্টা দিয়েছেন।

কিন্তু এই উন্মাদনার প্রধান কারণ কি?

আমি দৃঢ়প্রত্যয়, সত্যনিশ্চয় যে-ভাষাতে দীনেন্দ্রকুমার তাঁর “রহস্য লহরী” লিখলেন, ও-রকম ঝরঝরে, ছিমছাম সরল স্বচ্ছ শীতের নদীস্রোতের মতো শাস্ত প্রবহমাণ বাংলা ভাষা এই দেড়শো বছরের ভিতর অতি অল্প লোকই লিখেছেন।

তা না হলে বলুন তো, বারো বছরের বাঙাল বালক তার সম্পূর্ণ অজানা অচেনা বিলাতেব গল্প পড়ে অর্ধযামিনী অবধি বিনিদ্র অবস্থায় শিহরিত, কম্পিত, রোমাঞ্চিত হয়ে রইল কেন?

ভাষা, ভাষা, ভাষা! ভাষা বহু তিলিসমাৎ, বহু মিরাক্‌ল, বহু অলৌকিক কর্ম করতে পারে।

দ্বন্দ্ব-পুরাণ

মহাপুরুষদের জীবনধারণ প্রণালী, তাঁদের কর্মকীর্তি এমন কি দৈবসেবে তাঁদের খামখেয়ালীর আচরণ দেখে তাঁদের শিষ্য-সহচর তথা সমকালীন সাধারণ জন আপন

^২ নবীনবা হয়তো জানেন না এ বিষয়ে ইতিপূর্বে কি কি মনোবেদনা বাংলা এবং সংস্কৃতে প্রকাশিত হয়েছিল। অর্থকষ্টে যখন মাইকেল মারা যান তখন হেমচন্দ্র লেখেন .

“হায় মা ভারতী,

চিরদিন তোর কেন এ-কুখ্যাতি ভবে,

যে-জন সেবিবে ও-রাজ্য চরণ সেই সে দরিদ্র হবে।”

এবং বিদ্যাসাগর মশাই সংস্কৃতে বলেছেন,

“অস্য দক্ষোদরস্যার্থে কিং কিং ন ক্রিয়তে ময়া।

বানরীমিব বাগ্‌দেবীং নর্তয়ামি গৃহে গৃহে।।”

অধমেব তার অক্ষম অনুবাদ :

“ওরে পোড়া পেট, কত না কিছুই করি আমি তোর তরে।

বাঁদরীর মত সরবতীরে নাচাচ্ছি ঘরে ঘরে।”

আপন গতানুগতিক ক্ষুদ্র বুদ্ধি দ্বারা কিছুতেই বুঝে উঠতে পারে না, কী করে একটা মানুষের পক্ষে এ-রকম কীর্তিকলাপ আদৌ সম্ভবে। এ-প্রহেলিকার সমাধান না করতে পেরে শেষটায় বলে, “ওঃ! বুঝেছি। এঁরা অলৌকিক ঐশী শক্তি ধারণ করেন।” তখন আরম্ভ হয় এঁদের সম্বন্ধে কিংবদন্তী বা লেজেস্ড নির্মাণ। কোন্ পীর ধুলিমুষ্টি স্বর্ণমুষ্টিতে পরিবর্তিত করতে পারতেন, কোন্ গুরু চেলাদের আবদার-খাঁহিয়ে অতিষ্ঠ হয়ে রাগের বশে এক কুষ্ঠরোগীকে পদাঘাত করা মাত্রই তন্মুহূর্তেই, সে সম্পূর্ণ নিরাময় হয়ে যায়—হরি হে তুমিই সত্য।

ফার্সী ভাষাতে তাই প্রবাদ আছে, “পীরেরা ওড়েন না, তাদের চেলারা ওঁদের ওড়ান” “পীবহা নমীপরন্দ, শাগির্দান উনহারী মী পরানন্দ”—অর্থাৎ “আমাদের পীর উড়াতে পারেন। তবে কিনা সে অলৌকিক দৃশ্য সবাই দেখতে পায় না।”

অর্থাৎ

অদ্যাপিও সেই লীলা খেলে গোরা রায়।

মধ্যে মধ্যে ভাগ্যবানে দেখিবারে পায় ॥

এস্থলে লক্ষণীয় আপনার আমার মতো পাঁচু ভূতাকে নিয়ে কেউ ক্ষুদ্রস্যা ক্ষুদ্র লেজেস্ডও নির্মাণ করে না। করবার কোন প্রয়োজন বোধ করে না।

তাই আশ্চর্য হলুম একটা ব্যাপার দেখে। কিছু দিন পূর্বে এই গৌড়ভূমির এক মহাপুরুষকে নিয়ে জনৈক সুপণ্ডিত গভীর গবেষণামূলক একখানি পুস্তিকা প্রকাশ কবেন। তাঁর বক্তব্য—খিসিস—ঐ মহাপুরুষকে নিয়ে যে-সব অলৌকিক ঘটনার উল্লেখ আছে সেগুলো নিছক রূপকথা, সোজা বাংলায় গাঁজা-গুল; আসলে উনি ছিলেন অত্যন্ত সাদামাটা সাধারণ জনের একজন।

এ খিসিস ধোপে কতখানি টেকে কি না টেকে সেটা আমি বলতে পারব না—আমার পশ্চাদ্দেশে লোহার শিকলি দিয়ে টাইম বম বেঁধে দিলেও প্রাণ বাঁচাবার জন্যও (যদিপি পয়গম্বর সাহেব বলেছেন, “জান বাঁচানো ফর্জ।” নামাজ রোজার মতোই ফর্জ—অর্থাৎ অবশ্য কর্তব্য কর্ম না করলে সখৎ গুনাহ বা কঠিন পাপ হয়)!

তাই আমি ঐ লেখককে (তিনি যে সত্যই সুপণ্ডিত সে-বিষয়ে আমার মনে কোনো দ্বিধা নেই, কারণ আমি তাঁর একাধিক গভীর গবেষণাময় সুচিন্তিত পুস্তক পড়েছি) মাত্র একটি প্রশ্ন শুধোতে চাই। সেই আলোচ্য মহাপুরুষ যদি আসলে অতই সাদামাটা সাধারণ জন হন তবে তাঁর সম্বন্ধে অত লেজেস্ড, অত অলৌকিক কাহিনী নির্মাণ করবার দায় পড়েছিল কোন্ গণ্ডমূর্খ-মণ্ডলীর উপর! লেজেস্ডগুলো সত্য না মিথ্যা সে বিচারের গুরুভার বিধাতা এ হীনপ্রাণের স্কন্ধে রাখেননি। আমি শুধু জানি, সাধারণ জনকে দিয়ে মানুষ অলৌকিক কর্ম করায় না; যদি বা অতি, অতিশয় দৈবসৈবে, দু-একজনকে নিয়ে লেজেস্ড তৈরি করে, তবে প্রথম পরশবামের “বিরিঞ্চি” স্বরণে এনে তারপর কাশীরামদাসের শরণ নিতে হয়;

কতক্ষণ জলের তিলক থাকে ভালে।

কতক্ষণ থাকে শিলা শূন্যেতে মারিলে ॥

তাবৎ লেজেন্ডই যে নৈসর্গিক নিয়মভঙ্গকারী অলৌকিক কর্ম, মিরাক্‌ল হবে, এমন কোনো খুদার কসম বা কালীর কিরে নেই। সাদামাটা, হার্মলেস লেজেন্ড আজকের দিনেও নির্মিত হয়। পাঠক হয়তো প্রত্যয় যাবেন না, কিন্তু হয়, হয় এই বিংশ শতাব্দীর ষষ্ঠ শপ্তম দশকে—অস্তুত নব লেজেন্ডের ফাউন্ডেশন স্টোন গোঁতা হয়।

ঐ তো সেদিন পত্রান্তরে পড়লুম, জনৈক লেখক লিখেছেন, “কবিগুরু রবীন্দ্রনাথ চা পান করতেন না।” আমি তো বিশ্বাসে স্তম্ভিত। আমি তাঁকে বহু বহুবার চা খেতে দেখেছি, এ-দেশী চা, যাকে সচরাচর ব্ল্যাক টী বলা হয়, উত্তম গোত্রবর্ণের অর্থাৎ, উজ্জ্বল সোনালী রঙের চা হলে তারিফ করতে শুনেছি। একবার চীন দেশ থেকে গ্রীন টী (যদিও গরম জলে ঢালার পর রঙ এর হয়ে যায় ফিকে লেমন ইয়োলো) আসে গুরুদেবের কাছে। সে চায়ের শেষ পাতাটুকু পর্যন্ত তাঁকে সধ্যবহার করতে দেখেছি।

তা হলে এ লেজেন্ডের মূল উৎস কোথায়? এ শতাব্দীর গোড়ার দিকে চা-বাগানের কুলীদের উপর বর্বর ইংরেজ ম্যানেজার (আই. সি. এস.-দের তাজিল্যাব্যঞ্জক ভাষায় বঙ্গ-ওয়াল্লা—কারণ তারা চায়ের বাস্তু নিয়ে কারবার করে) কী পৈশাচিক অত্যাচার করত সে-সংবাদ বাঙালী জনসাধারণের কাছে এসে পৌঁছয়। তখন চায়ের নামকরণ হয় “কুলীর রক্ত” এবং অনেকেই এই “কুলীর রক্ত” চায়ের পাতা বাড়ি থেকে চিরতরে নির্বাসনে পাঠান, কাউকে চা পান করতে দেখলে ঘৃণামিশ্রিত উচ্চকণ্ঠে সর্বজনসমক্ষে বলতেন, “লজ্জা করে না মশাই, কুলীর রক্ত পান করতে!” রবীন্দ্রনাথ এ আন্দোলনের খবর বাখতেন; বিশেষ করে যখন স্বরণে আনি, যে-স্বর্গত শশীন্দ্র সিংহ তাঁর সাপ্তাহিক ইংরেজী খবরের কাগজে সপ্তাহের পর সপ্তাহ ধরে অকুতোভয়ে চা-বাগানের “টমকাকার কুটির” লিখে লিখে বাঙালীর দৃষ্টি আকর্ষণ করেন তাঁর সঙ্গে রবীন্দ্রনাথ সুপরিচিত ছিলেন। অতএব আজ যিনি এক লেজেন্ডের প্রথম চিড়িয়া ওড়ালেন যে রবীন্দ্রনাথ চা খেতেন না, তিনি হয়তো ধরে নিয়েছেন যে রবীন্দ্রনাথ নিশ্চয় তখন আর পাঁচজন সহানুভূতিশীল বাঙালীর মতো চা বয়কট করেছিলেন এবং জীবনে আর কখনো চা খাননি। বয়কট হয়তো তিনি কবেছিলেন—কিন্তু নিশ্চয়ই সেই কিয়ৎকাল (এবং স্বরণে রাখা উচিত সে-যুগে চায়ের এত ছড়াছড়ি ছিল না—বোধ হয় মোটামুটি গত শতাব্দীর শেষ দশক পর্যন্ত আভ্যন্তরীণ স্টীমার প্যাসেনজারদের মুফতে চা পান করানো হত), কারণ পূর্বেই নিবেদন করেছি ১৯২১ থেকে ১৯২৬ পর্যন্ত আমি তাঁকে বহুবার চা পান করতে দেখেছি।^১ তবে চায়ের প্রতি রবীন্দ্রনাথের কোনো আসক্তি ছিল না।

প্রায়ই চা ছেড়ে দিয়ে কিছুকালের জন্য অন্য কোনো পানীয়তে চলে যেতেন। গরমের দিন বিকালে চা বড় খেতেন না—বদলে খেতেন বেলের, তরমুজের শরবত (নিমপাতার

১ ১৯২১-২২ রবীন্দ্রনাথ বাস করতেন দেহলী বাড়ির উপরের তলায়, নিচের তলায় সত্ৰীক দিনেন্দ্রনাথ। তার সঙ্গে একেবারে লাগোয়া নতুন বাড়ি হস্টেল ঘর। সেখানে শ্রীযুক্ত ধীরেন্দ্রকৃষ্ণ, বিনোদবিহারী ইত্যাদিরা বাস করতেন। শেষ কামরায় স্বর্গত অনাথনাথ বসু এবং আপনাদের স্নেহব্যা এ অধ্যক্ষ। সর্বশেষ কামরা রবীন্দ্রনাথের পেন্‌ট্রির রূপে ব্যবহৃত হত। অর্থাৎ প্রতিমা দেবী, মীরা দেবী, কমলাদি (দিনুবাবুর স্ত্রী) রবীন্দ্রনাথের যে দৈনন্দিন আহাৰ্য পানীয়-পাঠতেন সেগুলো প্রথম এ পেন্‌ট্রিতে জড়ো করে (চাকরের নাম ছিল সাধু, বনমালী পরে আসে) রবীন্দ্রনাথকে সার্ভ করা হত। ঐ ঘর পেরুবার সময় সব সমগ্রই চোখে পড়ত আহাৰ্যাদি কি কি। আমার জ্ঞানার কথা।

“শরবতের” কথা সকলেই জানেন)। সকাল বিকেল ছাড়া অবেলায় টিপিকাল বাঙালীর মতো তাঁকে আমি কখনো বেমক্কা চা খেতে দেখিনি। এবং

বর্ণনাটা ক্ষান্ত করি, অনেকগুলো কাজ বাকি,

আছে চায়ের নেমস্তম্ভ, এখনো তার সাজ বাকি।^২

স্মরণে আনুন। অবশ্য চায়ের নেমস্তম্ভে চা খেতেই হবে এমন আইন হিটলাবও করেননি—যদ্যপি তিনি দিনে রাতে এন্ডলেস (অসংখ্য, অন্তহীন) কাপ্‌স্ অব টা পান করতেন—অতিশয় হালকা, মিন-দুধ।

বস্তুত কী চা, কী মাছ-মাংস কোনো জিনিসেই রবীন্দ্রনাথের আসক্তি ছিল না—যা সামান্য ছিল সেটা মিষ্ট-মিষ্টানের প্রতি। টোস্টের উপব প্রায় কোয়ার্টার ইঞ্চি মধুর পলস্তুরা পেতে জীবনের প্রায় শেষ বৎসর অবধি তিনি পরম পবিত্রস্তুি সহকার ঐ বস্তু খেয়েছেন।^৩ মিষ্টান্ন তো বটেই—বিশেষ কবে নলেন শুড়ের সন্দেহ। বস্তুত রবীন্দ্রনাথের মতো ভোজনবিলাসী আমি কমই দেখেছি। এবং প্রকৃত ভোজনবিলাসীব মতো পদেব আধিক্য ও বৈচিত্র্য থাকলেও পরিমাণে খেতেন কম—তাঁর সেই পাঁচ ফুট এগারো ইঞ্চি দৈর্ঘ্য ও তার সঙ্গে মানানসই দোহারো দেহ নিয়ে—প্রয়োজনের চেয়ে ঢেব কম। ফবাসিতে বলতে গেলে তিনি ছিলেন গুরুমে (ভোজনবিলাসী, খুশখানেওলা); গুবর্মা (পেটুক) বদনাম তাঁকে পওহারী বাবা (ঐই সাধুজী নাকি শুধুমাত্র পও = বাতাস খেয়ে প্রাণধাবণ করতেন) পর্যন্ত দেবেন না।

লেজেন্ড সম্বন্ধে ঐইবাব শেষ কথাটি বলে মূল বস্তুব্যে যাব।

লেজেন্ডের একটা বিশেষ সুস্পষ্ট লক্ষণ ঐই; দার্শনিক বৈজ্ঞানিক গুণীজ্ঞানীবা যডই কটুর কটুর অকাটা যুক্তিতর্ক দিয়ে প্রমাণ করুন না কেন যে বিশেষ কোনো একটা লেজেন্ড সম্পূর্ণ ভ্রামাঙ্ক, তবুও তাবা সে লেজেন্ড আঁকড়ে ধবে থাকে। এখনো বিস্তব লোক বিশ্বাস করে পৃথিবীটা চেষ্টা; শ্মশানে ভূতশ্রেত, গোবস্তানে মামদো আছে, ইংবেজ বিশ্বাস করে সে পৃথিবীর—সরি, বিশ্বব্রহ্মান্ডেব সর্বোৎকৃষ্ট নেশন, ইত্যাদি ইত্যাদি।

২ ঐই কবিতাটি নিয়ে আমার ধন আছে। এ দু-লাইন থেকে বোঝা যায় কবি ব্যস্ত, চায়ের নেমস্তম্ভের জন্য এখনো সাজ কবা হয়নি, অখচ তাব ঠিক বোল লাইন পরেই বলেছেন, বিশেষ কাবণে তিনি যে বৃদ্ধ নন সেটা তিনি বৃকতে পেরেছেন। (তখন তাঁর বয়স ৬২) এবং বলেছেন,

“ঐই ভাবনায় সেই হতে মন এমনিতিরো খুশ আছে,

ডাকছে ভোলা “খাবার এল” আমার কি তার হাঁশ আছে?”

এখন প্রশ্ন, কবি ঐই বললেন তিনি চায়ের নিমস্তম্ভে যাচ্ছেন এবং তাব পবই নাকি ভোলা খাবার নিয়ে এসেছে! তবে কি লখনোওলাদেব মতো বাড়ি থেকে উত্তম কাপে খেয়ে নিয়ে লাগুয়াতে যেতেন যাতে কবে সেখানে খানদানী কায়দার কম-সে-কম খাবেন। কিংবা ফরেনসডাঙ্কাব এক বিশেষ সম্প্রদায়েব মতো—যেখানে নিমস্তম্ভ মাত্র ভোজ্যবস্তুর প্রতি নজব বুলিয়ে জলস্পর্শ না কবে বাড়ি ফিবে যান। বিশ্বাস না হয়, অবশুত বচিত “নীলকন্ঠ হিমালয়ে” মল্লিখিত মুখবন্ধে এ-বাবসে সবিস্তব বর্ণনা পড়ুন।

৩ সিলেট ও ঝাসিয়া সীমান্তে এক বকম অতুলনীয় মধু পাওয়্যা যায়। এ-মধু মৌমাছিবা সুক্কাত্র কমলালেবুর ফুল থেকে সংগ্রহ করে (সিলেট কমলালেবুও পৃথিবীতে সবচেয়ে মিষ্ট এবং সবচেয়ে সুগন্ধী, যদিও জাফার নেবুর চেয়ে সাইজে ছোট)। ছুটিতে দেশে যাবাব সময় গুরুদেব আমাকে বললেন, “পাবিস যদি আমার জন্য কিছু কমলালেবু নিয়ে আসিস।” আমি খুশি হয়ে বললুম, “নিশ্চয়ই আনব কিন্তু কাশীরেব পঙ্কমধু কি এর চেয়ে আরও ভালো নয়?” গুরুদেব নিস্ত হাস্য করলেন। ভাবখানা “কিসে আব কিসে।”

এ-স্থলে আরও বলে নিই; মহাপুরুষদের যারা বিরুদ্ধাচরণ করে তারাও তাদের সম্বন্ধে বিপরীত লেজেড তৈরি করে। যেমন খ্রীস্টবেরী ইহদিরা বলেছে প্রভু খ্রীস্ট ছিলেন মাতাল, তিনি গুঁড়িদের (পাবলিকানস) ইতরজনের সাহচর্যে উল্লাস বোধ করতেন, এবং নর্তকী বেশ্যাদের সেবা গ্রহণ করতে কুষ্ঠা বোধ করতেন না (মেরি ম্যাগডলীন)।

বাঙলাদেশে একটা দল আছে। সেটা কভু বা বর্ষার প্লাবনে দুর্বার গতিতে বন্যা জাগিয়ে জনপদভূমির সর্বনাশ করে যায় আর কভু বা বৎসরের পব বৎসর ফন্ধুধারা পাবা অস্তঃসলিলা থাকে। এ দল পর পর রামমোহন, দেবেন্দ্রনাথ, ঈশ্বরচন্দ্র এবং সর্বশেষে রবীন্দ্রনাথের বিরুদ্ধাচরণ করে উপস্থিত ফন্ধু-পস্থানুযায়ী অস্তঃসলিলা। মোকা পেলে বুজবুজ করে বেরুতে চায়। এদের জন্ম নেবার কারণ সম্বন্ধে এ-স্থলে আলোচনা করব না।

রবীন্দ্রনাথ চা খেতেন না, এটা নিবীহ, হার্মলেস লেজেড। কিন্তু এই দল প্রচার করে যে রবীন্দ্রনাথ শাস্ত্রীয় সঙ্গীতের ক অক্ষরও জানতেন না, তিনি ছিলেন সুরকানা, মামুলী বাগবাগিনী তিনি ঘুলিয়ে ফেলতেন এবং বিলিতি গাওনা-বাজনার প্রতি তাঁর ছিল অন্ধ ভক্তি। তাই গোড়ার দিকে তাঁর গানের কথাতে সুর দিতেন জ্যোতিরিন্দ্রনাথ এবং পরবর্তীকালে তাবৎ রবীন্দ্রসঙ্গীতের সুর দিয়েছেন দিনেন্দ্রনাথ!!! এস্থলে পুনরায় বলতে হয়, হরি হে তুমিই সত্য।

দ্বিতীয় লেজেড : আমাদের জাতীয় সঙ্গীত জনগণমন রবিঠাকুর রচনা করেন রাজা পঞ্চম জর্জের উদ্দেশে। এদেব “যুক্তি” এই প্রকার :—

(১) জনগণমন-অধিনায়ক ভারতভাগ্যবিধাতা একজন রাজা (কারণ রাজাই তো জনগণের ভাগ্যনির্নয় কবেন)।

(২) পঞ্চম জর্জ রাজা।

অতএব জনগণমন-অধিনায়ক ভারতভাগ্যবিধাতা স্বয়ং পঞ্চম জর্জ।

কুযোট এরাট ডেমনস্ট্রাডুম (Q. E. D.)। আমেন আমেন। সুশীল পাঠক, অবধারিত হোন, যে দল এ-লেজেডের বিষবৃক্ষ রোপণ করেছিল তারা সেটা সত্য জানা সত্ত্বেও সজ্ঞানেই করেছিল। এরা জ্ঞানপাপী। এবং এরা বিলক্ষণ অবগত ছিল, সমসাময়িক বিশ্বাসভাজন শ্রদ্ধেয় গুণীজ্ঞানীরা এই কিছুতকিমাকার থিয়োরীকে দলিলদস্তাবেজ, প্রমাণপত্র, সাক্ষীসাবুদ, যুক্তিতর্ক দ্বারা নস্যাত্ ধূলিসাত্ তো করবেনই, তদুপরি করলারি বা ফাউ হিসেবে আরও প্রমাণ করে দেবেন, এই বিষবৃক্ষ-রোপণকারীরা হস্তীমূর্খ রামপণ্টক (কণ্টক থেকে কাঁটা, পণ্টক থেকে পাঁঠা—জ্ঞানবৃদ্ধ বসসিদ্ধ সুনীতি উবাচ)। কিন্তু এ-দলেব চর্ম কাজিরাপ্তার গণ্ডারবিনিন্দিত বর্মসম স্থূল। তাই আমার যখন একদা চর্মরোগ হয় তখন আমার সখা ও শিষ্য চর্মরোগ-বিশেষজ্ঞ ডঃ—লি আমাকে সলা দেন, “আপনি পরনিন্দা আরম্ভ করুন। চামড়াটি গণ্ডারের মতো হয়ে যাবে। গণ্ডারের চর্মরোগ হয় না।”

তাই যখন অধুনা খবরের কাগজে দেখতে পাই শ্রীযুক্তা ইন্দিবাকে “জনগণমন-অধিনায়িকা” রূপে উল্লেখ করা হয়েছে তখন আমি রীতিমতো শঙ্কিত হই। আজ ইন্দিরা, কাল জ্যোতিবাবু, পরণ্ড আপনার মতো নিরীহ পাঠককে হয়তো “জনগণমন-অধিনায়ক” বলে বসবে, অর্থাৎ পরমেশ্বরের পর্যায়ে তুলে দেবে। কিন্তু এ পয়েন্টটি থাক।

কিন্তু প্রশ্ন এই জাতীয় সঙ্গীতটি ইংরেজিতে অনুবাদ করে পঞ্চম জর্জকে শোনালে কি হিজ ম্যাজেস্টি আপ্যায়িত হতেন? মোটেই না।

আইস পাঠক! গানটি বিশ্লেষণ করহ।

“ভারতভাগ্যবিধাতা” যে তিনি, সে-কথা শুনে রাজা নিশ্চয়ই মনে মনে শুকনো হাসি হাসতেন। তিনি বিলক্ষণ জানেন, তিনি তাঁর মাতৃভূমি ইংলন্ডেরও ভাগ্যবিধাতা নন। তাঁর আপন ভাগ্যই নির্ণয় করেন তাঁর (হাঁ “তাঁরই”—মস্করা আর কারে কয়?) প্রধানমন্ত্রী পার্লামেন্টের চূড়ায় বসে। তিনি অবশ্য তখন জানতেন না যে তাঁর যুবরাজ রাজা হবার পর যখন এক এড়িকে (লগ্নচ্ছিন্ন = ডিভোর্সড = তালাকপ্রাপ্তা) বিয়ে করতে চাইবেন তখন তাঁর (!) প্রধানমন্ত্রী তাঁকে কানটি ধরে দেশ থেকে বের করে দেবেন। এবং তাঁর নাতনী যখন রানী হবেন তখন তাঁর স্বামী রানা (“রাজা”র স্ত্রীলিঙ্গ “রানী” কিন্তু রানীর স্বামী যদি রাজা না হন তবে “রানী” শব্দ থেকে পুংলিঙ্গ নির্মাণ করে “রানা” শব্দ ব্যবহার করা হয়। তাই রানী এলিজাবেথের স্বামী রাজা নন, তিনি রানা) ডুক অব এড্‌নবরা ভিখিরির টোল-খাওয়া মাখনের টিন হাতে করে পার্লামেন্ট বাড়ির সামনে এসে হাঁকবেন “দুটো চাল পাই মা”, আর গেরস্ত গিল্লী প্রধানমন্ত্রী বাড়ির দরজা এক বুড়ো আঙুল ফাঁক করে (অবশ্য অস্তরজ্ঞা দেখিয়ে) বিরক্ত কণ্ঠে বলবেন “ঘরে চাল বাড়ন্ত”। প্রধানমন্ত্রী মুসলমান হলে বলবেন, “ফিরি মাঙো”—অর্থাৎ “অন্য বাড়ি যাও”।

এর পর যখন অনুবাদক চারণ বলবে, “হুজুরকে ‘জনগণ ঐক্যবিধায়ক’ বলা হয়েছে” তখন তিনি বহুগুণসম্বিত রাজগৌরব প্রসাদাৎ তাঁর ঠা ঠা করে অট্টহাস্য করার অদমনীয় উচ্ছ্বলাচরণ দমন করে মনে মনে মৃদু হাস্য করে বলবেন, “বটো! আমাদের নীতি আমাদের ধর্ম ‘ডিভাইড অ্যান্ড রুল’ দ্বিধা করে সিধা রাখো। আর এ প্রাইজ ইডিয়ট বলে কি? আমি নাকি ‘ঐক্যবিধায়ক’। হোলি জীজস!”

এর পর চাবণ কাঁচুমাচু হয়ে বলবে, “হুজুর মশিখানের প্যারা খুঁজে পাচ্ছি নে। দূসরা কপি এখনি এল বলে। ইতিমধ্যে শেষ প্যারাটি অনুবাদ করি।” বাজা আনমনে শুনতে শুনতে হঠাৎ খাড়া হয়ে বসবেন। “কি বললে? ‘পূর্ব গিরিতে রবি উদিল’? রবি তো রবীনডর ন্যাট ট্যাগোর—দ্যাট নেটিভ?”

চারণ সভয়ে বলবে, “এজ্ঞে হ্যাঁ।” কারণ একথা তো বিলকুল ঠাটি যে ববি কবি পূর্বদেশে, প্রাচ্যে জন্মেছেন, “পূর্ব উদয়গিরিভালে” তিনি রাজটীকা।

রাজা জর্জ তো রেগে টঙ। “কী, কী আস্পন্দা! কাউকে যদি পূর্বদেশে, ভারতে উদয় হইতেই হয় তবে সে হব আমি।” তারপর গরগর কবে বলবেন, “ভাইসবয়টাকে বলো গে, পুর্বের মণিপুর পাহাড়ের উপর সিংহাসন যেন পাতা হয়। আমি যেখানে উদিত হব। আশ্চর্য, এত বড় একটা ফনকশন ডংকিগুলো বেবাক ভুলে গেছে! চীফ অব প্রটোকল মাস্টার অব সেরিমনিজকে এক্ষুনি ডিসমিস করো।”

ইতিমধ্যে মিসিং দুই প্যারা এসে গেছে। অনুবাদক তো ভয়ে কাঁপছে। অনুবাদ করে কি প্রকারে? শেষটায় “ভয়ে না নির্ভয়ে” ইত্যাদি ফরমূলা কেতাদুরস্ত করে বললে, “হুজুর, কবি বলছে, আপনি ‘চিরসারথি’, আপনি শাঁখ বাজাচ্ছেন (হে চিরসারথি তব...শঙ্খধ্বনি বাজে)।”

রাজা তো রেগে টঙ। ক্রোধে জিঘাংসায় বেপখুমান হয়ে হুকারিলেন, “কি এত বড় বেআদবী, বেইজ্জতী বেস্তমিজী! এ তো ‘লায়েসা মাজেস্টাস’ (Laesa majestas)। হিজ

ম্যাজেস্টিকে অপমান। অবশ্য নেটিভটা লাতিন লায়েসা মাজেস্টাস জানে না। কিন্তু এটাও কি জানে না, এর চেয়ে শতাংশের একাংশ অপরাধ করেও, কোনো কোনো স্থলে না করেও ব্রিটিশ রাজে লক্ষ লক্ষ লোক ফাঁসি গেছে।

অসহ্য অসহ্য। আমাকে বলছে সাবথি। মোটর ড্রাইভার। আমার বাবা এডওয়ার্ড যখন ইহজগতের স্বপ্রাণীত অকল্পনীয় সর্বশ্রেষ্ঠ সর্বপ্রথম ডেমলার গাড়ি নিয়ে তাঁব কাজিন কাইজারকে বার্লিনে দেখতে যান তখন কাইজার বিস্ময়ে অভিভূত ছোট বাচ্চাটার মতো নাগাড়ে সাড়ে তেরো ঘণ্টা গাড়িটার পালিশের উপর হাত বুলিয়েছিলেন। বাবা সঙ্গে নিয়ে গিয়েছিলেন একটা গাড়ির জন্য বারোটা ড্রাইভার। আর আজ আমাকে—রাজাকে—বলছে আমি মোটরড্রাইভাব, শোফার। আমার আন্তাবলে ক'শ ড্রাইভাব আছে তার খবর আমাব প্রাইভেট সেক্রেটারি পর্যন্ত জানে না। আর আমি নাকি—ওঃ!”

তাবপর বিড়বিড় করে যেন আপন মনে বললেন, “আর বলছে কি, আমি নাকি ‘চিরসাবথি’। আমি চিবকাল ড্রাইভার থাকব। পার্মেনেন্ট পোস্ট। আমার প্রমোশন তক হবে না। আমি এমনই নিষ্কন্মা চোতা রন্দী ড্রাইভার। হোলি মৈরি—হ্যাঁ নেটিভরা মাইরি বলে বটে—আমি যদি এ লোকটাকে আমার রোলসের চাকায় বেঁধে—না, আগে তো বলডুইনের এজাজুং চাই। ড্যাম বলডুইন! আর আমি শাঁখ বাজাই। পন্টনের বিউগলে কুঁ দি। ছি ছি।”

চাবণ আবার “সভয় নির্ভয়” কবে নিয়ে বললে, “হজুরকে বলেছে স্নেহময়ী মাতা।” এবাবে রাজা লক্ষ দিয়ে সিংহাসন ত্যাগ করলেন। অবশ্য অন্য কারণও ছিল।

সিংহাসনে কোচের মতো স্প্রিং থাকে না। থাকে পাতলা একখানি কুশন। কংগ্রেসের সম্মানিত সিডিশাস মেম্বার ভাবতীয় ছারপোকাকার পাল সেখানে বাসা বেঁধে হজুরের কোমলাঙ্গে তখন ব্যাংকুয়েট পরবের মাঝখানে।

কম্পিত কণ্ঠে রাজা বললেন, “আমি এখুনি ফিরে যাচ্ছি দেশে। সব সইতে পারি। কিন্তু আমি মা, আমি স্ত্রীলোক! বুঝেছি লোকটার ইনসলেক্স। বলতে চায়, কূটনৈতিক কারণে, রাষ্ট্রের কল্যাণেব জন্য—*raison d'etat*—আমি মাগী হওয়া সত্ত্বেও মেকডনাল্ড বলডুইন আমাকে মদার বেশে সাজিয়েছে। আমি আসলে মেনি, ওরা আমাকে পরিয়েছে ছলোর ছদ্মবেশ।”

কাঁপতে কাঁপতে বাজা কার্পেটে বসে পড়লেন। প্রায় কান্নার সুরে বললেন, “সেদিন শিকারের সময় এক নেটিভ শিকারী বলেছিল, এক আসামী নাকি দারোগাকে বলেছিল, ‘হজুর, আমার মা বাপ।’ দারোগা নাকি বলেছিল, ‘বাপ হতে পারি, কিন্তু আমাকে মা বলছিস কেন? আমি কি স্যারি (শাড়ি) পবি।’ শিকারী আমাকে বলেছিল, ‘হজুর, আসামী যদি শুধু বাপ বলত তবে দাবোগা ছেড়ে দিত। মা বলেছিল বলে সেশনে সোপর্দ করলে। ফাঁসি হল।’ ... দারোগাকে মেনি বলাতে সামান্য দারোগা ফাঁসিকাঠে চড়ালে। আর আমি ইংলভেশ্বর, অ্যান্ড অব্ দি ডমিনিয়নস বিওন্ড দী সীজ, ডিফেন্ডার অব্ ফেথ, এম্পারার অব্ ইন্ডিয়া। আর এই শেষেরটা কী কাষ্ঠরসিকতা! আমি কি বকিংহম পেলেসে নিভুতে পেটিকোট পরি, চোঁটে নখে আলতা মাখি। ওঃ! অসহ্য অসহ্য!”

তারপর রাজা কোর্ট-গেজেট প্রকাশ করলেন, ঐ নেটিভ টেগোরের গান আমার উদ্দেশ্যে লেখা নয়।

তথাপি এ-লেজেড মরে না।

কিন্তু এ-কাহিনী এখানে বন্ধ করি। হালে বঙ্কিমচন্দ্রের রামায়ণ সম্বন্ধে একটি রচনা হিন্দীতে অনুবাদিত হলে তাঁর বিরুদ্ধে দিল্লীর আদালতে ডবল ফৌজদারী মোকদ্দমা রুজু হয়েছে। বঙ্কিমবাবু নাকি বিস্তর ছুটোছুটি করেও একটা বটতলার চার-আনী মোক্তারও পাচ্ছেন না—অথচ একদা তিনি স্বয়ং দুঁদে ম্যাজিস্ট্রেট ছিলেন। তাবৎ ছাড়ুখোর খোড়া চুরনবেচনে-ওলাকে বংশধর লালাজী ব্যারিস্টার দারুণ চটিতং!.... পাঠক, তিষ্ঠ ক্ষণকাল—টেলিফোন বাজছে।

হ্যাঁ, যা ভেবেছিলুম তাই। এক হিন্দীপ্রেমী সোম্লাসে জানালেন, আজ সকালে বঙ্কিমবাবুর ফাঁসি হয়ে গিয়েছে।

আমার এ-লেখন হিন্দীতে অনুদিত হলে আমার নির্খাত হুঁমাসের ফাঁসি।

মে মাসের ২৯ তারিখ ১৯২৫ খ্রীস্টাব্দে মহাত্মা গান্ধী শান্তিনিকেতন আশ্রমে কবিগুরু রবীন্দ্রনাথের সঙ্গে দেখা করতে আসেন। বলা বাহুল্য এই তাঁদের প্রথম পরিচয় নয়। গান্ধীজী যখন দক্ষিণ আফ্রিকা ত্যাগ করে ভারতে আসেন তখন তিনি প্রায় চার মাস শান্তিনিকেতন ব্রহ্মবিদ্যালয় পরিচালনা করেন। ঐ সময়ে ৬ই মার্চ ১৯১৫ খ্রীস্টাব্দে উভয়ের প্রথম সাক্ষাৎ হয়।^১ এর পর ১৯২১-এর পূর্বে উভয়ের আর কোনো মোলাকাত হয়েছিল কি না জানি নে তবে ৬ই সেপ্টেম্বর ১৯৩১-এ গান্ধীজী জোড়াসাঁকোব “বিচিত্রা” ভবনে রবীন্দ্রনাথের সঙ্গে প্রায় চার ঘণ্টা ধবে আলাপ-আলোচনা করেন। গান্ধীজীর উদ্দেশ্য ছিল সত্যাগ্রহ আন্দোলনের বিরুদ্ধে রবীন্দ্রনাথ যে বিরুদ্ধমত প্রকাশ করেছিলেন সেটা বন্ধ করা এবং কবি যেন সত্যাগ্রহকে অন্তত তাঁর আশীর্বাদটুকু জানান।^২ বলা বাহুল্য গান্ধীজী অকৃতকার্য হন। এই আলোচনা হয়েছিল রুদ্ধদ্বারে। কবি ও গান্ধীজী ছাড়া এ আলোচনায় উপস্থিত ছিলেন মাত্র আর একজন—দীনবন্ধু এনড্রুজ। বস্তুত তিনিই এ-দুজনকে একত্র করেছিলেন; তাঁর আশা ছিল, সামনাসামনি আলাপচারি হলে হয়তো

৩ শ্রীযুক্ত প্রভাতকুমার মুখোপাধ্যায় তাঁর রবীন্দ্রজীবনীর দ্বিতীয় খণ্ডে (পবিত্রিত সংস্করণ ১৩৫৫) লিখেছেন - “দুই মহাপুরুষের প্রথম সাক্ষাৎকার হইল (৬ই মার্চ ১৯১৮)।” পৃ. ৩৭৭। এটা বোধ হয় ছাপার ভুল। হবে ১৯১৫।

৪ রবীন্দ্রনাথের সর্বাগ্রজ দ্বিজেন্দ্রনাথ (একুশ বছরের বড়) কিন্তু গোড়ার থেকেই সত্যাগ্রহ আন্দোলন সমর্থন কবে গান্ধীকে পর লেখেন। গান্ধীজীকে ভক্তেবা, আশা করি অপবাস নেবেন না, যদি বলি, হিন্দু শাস্ত্র গ্রন্থরাজির সঙ্গে গান্ধীজীর খুব নিবিড় পরিচয় ছিল না। ওদিকে দ্বিজেন্দ্রনাথ ছিলেন সর্বশাস্ত্র ওথা সর্বদর্শন বিশারদ। তাই গান্ধীজী খুব একটা বল পেয়েছিলেন যে তাঁর আন্দোলন শাস্ত্রসম্মত এবং হিন্দু-ঐতিহ্যপন্থী। দ্বিজেন্দ্রনাথকে গান্ধী ডাকতেন “বড়দাদা” বলে। ১৬ই জুলাই (অর্থাৎ গান্ধী ভেটের প্রায় মাস দেড়েক পূর্বে ১৯২১-এ) রবীন্দ্রনাথ ইয়োরোমেরিকা ভ্রমণের পর আশ্রমে ঢুকেই দ্বিজেন্দ্রনাথকে শ্রণাম করতে যান। কুশলাদি জিজ্ঞেস করবার পর তিনি একাধিকবার রবীন্দ্রনাথের সঙ্গে অসহযোগ আন্দোলন নিয়ে আলোচনা করবার চেষ্টা দেন—কারণ তিনি জানতেন, রবীন্দ্রনাথ এ-আন্দোলনের বিরোধী কিন্তু অতিশয় নশত্রার সঙ্গে এবং দৃঢ়তার সঙ্গে এবং দৃঢ়ভাবে রবীন্দ্রনাথ সে আলোচনার গোড়াপত্তন করতে দিলেন না। অন্যান্য ছাত্রদের সঙ্গে আমিও সেখানে উপস্থিত ছিলাম।

দুজনের মতের মিল হয়ে যেতে পারে। ভারতবর্ষের মঙ্গলের জন্য তিনি এই দুই প্রখ্যাত ব্যক্তির মধ্যে প্রকাশ্য সংঘর্ষ বন্ধ করতে চেয়েছিলেন।^৫

এ মোলাকাৎ সম্বন্ধে একটি হাফ-লেজেড আছে। তবে সেটা অবনীন্দ্রনাথকে নিয়ে। তিনি বললেন, “এত বড় জব্বর একটা পেলাই ব্যাপার এলাহি কাণ্ড হয়ে যাচ্ছে আব আমরা দেখতে পাব না, শুনতে পাব না? আচ্ছা দেখি।” অর্থাৎ শব্দার্থেই তিনি দেখে নিলেন কী হোল দিয়ে, কি ভাবে দুই জাঁদরেল ও তাঁদের মধ্যস্থানের সেতুবন্ধ এনডুজ আসন গ্রহণ করেছেন। বিচিত্রা বাড়িতে বিলিতি কেতায় কী-হোল আছে কি না জানি নে; তবে হয়তো তিনজনের আসন নেওয়ার পর বাইরের থেকে দরজার খিল দেওয়ার পূর্বে তিনি এক বলক দেখে নিয়েছিলেন। আপন বাড়িতে ফিরেই তিনি একে ফেললেন একখানা বেশ বড় সাইজের গ্রুপ ছবি। মুখোমুখি হয়ে বসেছেন দু’জন দু-প্রান্তে। তাঁদের বসার ধন টিপিপাল—ঠিক এই ধরনেই তাঁরা আকছারই বসতেন। আর গাঁধীর পিছনে একপাশে বসেছেন এনডুজ। এব তিন মাস পবে বাৎসরিক কলাপ্রদর্শনীতে অবনবাবু ছবিখানি এক্সিবিট করলেন। দাম দেখে তো বিশ্বজনের চক্ষুস্থির। সেই আমলে—আবার বলছি সেই আমলে—পনোরো হাজার টাকা। কে একজন বললে, “দামটা বড্ড বেশী হয়ে গেল না?” অবনবাবু শেয়ানা বেনেব মতো হেসে বললেন, “বা-রে! আমি তো সস্তায় ছাড়ছি। এদের প্রত্যেকেব দাম পাঁচ পাঁচ হাজারেব চেয়ে ঢের ঢের বেশী নয় কি?” এ-ছবি যখন কেউ কিনলো না, তখন অবনবাবু বললেন, “এটা কাকে দেওয়া যায়? রবিকাকা হেথায়, গাঁধী হেথায়। তবে কিনা এনডুজের নিবাস বলতে যদি কিছু থাকে তবে সেটা তো রবিকাকার ছায়াতেই। দু’জন যখন শান্তিনিকেতনে তখন এটা যাক ওখানকাব কলাভবনে।” এ-ছবি অনেকেই নিশ্চয়ই কলাভবনে দেখেছেন—তবে দীর্ঘ ৪৮ বৎসর পর রঙ বড্ড ফিকে হয়ে গিয়েছে।

১৯২৫-এব ২৯ মে গাঁধীজী আবার রবীন্দ্রনাথকে স্বপক্ষে টানবার জন্য শান্তিনিকেতন আসেন এবং দু’দিন সেখানে থাকেন। ইতিমধ্যে “শান্তিনিকেতনেই ৯০ খানা চরকা ও তকলি চলিতেছে—বিধুশেখর, নন্দলাল প্রভৃতি সকলেই চরকা কাটিতেছেন।” আবহাওয়া তাহলে অনুকূল। প্রভাতকুমার মুখোপাধ্যায় লিখছেন : “তিনি (গাঁধী) শান্তিনিকেতনে আসিতেন, রবীন্দ্রনাথের সহিত চরকা সম্বন্ধে আলোচনাই প্রধান উদ্দেশ্য। গাঁধীজী জানতেন কবি তাঁহার সহিত চরকা সম্বন্ধে একমত নহেন, তবুও বোধ হয় বিশ্বাস ছিল যে নিজের ঐকান্তিকতার বলে তিনি কবিকে তাঁহার পথে আনিতে পারিবেন। দুই দিন তাঁহাদের দীর্ঘ আলোচনা চলে, বলা বাহুল্য কেহ কাহাকেও নিজ মতে আনিতে পারেন নাই। তৎসত্ত্বেও এখানে বলিয়া রাখি, উভয়ের প্রীতি পূর্ববৎই অক্ষুণ্ণ রহিল।”*

২৯-এ গ্রীষ্মাবকাশের মাঝখানে পড়ে। আমি তখন দেশে, সিলেটে।

ফিবে এসে কি আলোচনা হয়েছিল সে-সম্বন্ধে নানা মূনির নানা কীর্তন শুনলুম। কিন্তু

৫ এ-আলোচনাব বিবরণী কখনো প্রকাশিত হয়নি। তবে এনডুজ সাহেব আশ্রমে ফিবে ঘরোয়া বৈঠকে আমাদের একটা প্রতিবেদন দেন কিন্তু আমাদের নোট নিতে মানা করেন। আমি ঘবে ফিবে যতখানি মনে ছিল গবমাগবম লিখে ফেলি। সে পাণ্ডুলিপি কাবুলে বিদ্রোহেব সময় হাণ্ডিয়ে যায়। তাতে কবে বিশেষ ক্ষতি হয়নি। এ-আলোচনাব সারাংশ না হোক বিষয়বস্তু পাঠক হ্রীশঙ্ক পুস্তকেব ৮২-৮৩ পৃষ্ঠায় পাবেন।

* প্রভাতকুমার মুখোপাধ্যায়, রবীন্দ্রজীবনী, ৩য় খণ্ডঃ পৃ ১৬৪

সে-সব রসকমহীন আলোচনা নিয়ে লেজেভের গোড়াপত্তন হয় না। আমি বলতে চাই অন্য জিনিস।

ফিরে এসেই গেলুম আমার মুকুন্দী গাঙ্গুলীমশাইকে আদাব-তসলিমাৎ জানাতে। শুনেছি, ইনি রবীন্দ্রনাথের অতি প্রিয় বৌদির (জ্যোতিরিন্দ্রনাথের স্ত্রী) আত্মীয় ছিলেন। গাঙ্গুলীমশাই ছিলেন শান্তিনিকেতন গেস্ট হাউসের ম্যানেজার। সে আমলে শান্তিনিকেতন মন্দিরের কাছে যে পাকা দোতলা বাড়ি (এইটেই আশ্রমে মহর্ষি-নির্মিত প্রথম বাড়ি এবং বর্তমানে বোধ হয় বিশ্বভারতীর দর্শন বিভাগের আস্তানা) সেইটেই ছিল গেস্ট হাউস। তারই নিচের তলায় একটি ছোট্ট কামরায় মিলিটারী বুট তথা হাফ মিলিটারী যুনিফর্ম পরিহিত, হীতলাল ভদ্রুতি “দাসবংশ” কর্তৃক সমাদৃত হয়ে সাতিশয় ফিটফাট রূপে বিরাজ করতেন মহাপ্রতাপাধ্বিত মহারাজ প্রমোদ গঙ্গোপাধ্যায় বা “গাঙ্গুলীমশাই”। বিরাজ করতেন বললে বড়ই অল্লোক্তি করা হয়—রামায়ণী ভাষায় বলতে গেলে শ্রীরামচন্দ্রের ন্যায় গাঙ্গুলীমশাই ম্যানেজার পদে “প্রতিষ্ঠিত হইয়া অপ্রতিহতভাবে রাজ্যশাসন ও অপত্যনির্বিশেষে” অতিথিশালায় পঞ্জাব সিদ্ধু গুজরাট মারাঠা দ্রাবিড় উৎকল বঙ্গ তথা অষ্টকূলাচল সপ্তসমুদ্র থেকে রবিমন্ডিত “দেশ দেশ নন্দিত করি” ভেরীর আহ্বানে সমাগত হিন্দু বৌদ্ধ জৈন পারসিক মুসলমান খ্রীস্টানী অতিথিসঙ্কনকে যেন “প্রজাপালন করিতেন”। তাঁর দাপট তাঁর রওয়াবেবের সামনে দাঁড়াতে পারেন এমন লোক আশ্রমে সে-আমলে ছিলেন কমই। লোক বলে, তিনি যখন গেস্ট হাউসে বসে ‘হীতলাল!’ বলে হুক্কার ছাড়তেন তখন এক ফার্লড দূরের রতন কুটিতে প্রফেসর মার্ক কলিঙ্গের ছোকরা চাকর পঞ্চা আঁৎকে উঠত—তার পিলে চমকে উঠে এপেনডিক্‌সেব সঙ্গে স্ট্র্যাঙ্গুলেটেড হয়ে যেত।

গাঙ্গুলীমশাই ম্যাট্রিক অবধি উঠতে পেরেছিলেন কি না সেকথা বলতে পারি না। তাই পাঠক পেত্যয় যাবেন না যে এঁর আবাল্য অতিশয় অন্তরঙ্গ সখা ছিলেন বহুভাষাবিদ হরিনাথ দে, বিদ্যাসাগর মহাশয়ের জ্যেষ্ঠা কন্যা হেমলতা দেবী ব পুত্র ব্যঙ্গসুনিপুণ অভূতপূর্ব সাহিত্য-সমালোচক সুরেশচন্দ্র সমাজপতি, সম্পাদক-মণ্ডলীর মুকুটমণি পাঁচকড়ি বন্দ্যোপাধ্যায় এবং আরও ইনটেলেকচুয়েল বা বুদ্ধিজীবী।

গাঙ্গুলীমশাইয়ের মতো সর্বাঙ্গসুন্দর, নিটোল পাবফেক্ট “রাকৌতর” স্টোরিটেলার মজলিসতোড় কেচ্ছাবলনেওলা এ পৃথিবীতে আমি দ্বিতীয়টি দেখিনি। রাকৌতর হিসাবে ওসকার ওয়াইল্ড ছিলেন এ কলার সম্রাট। সে-বাবদে যা-কিছু লেখা হয়েছে বিশেষ করে গীতাঞ্জলির ফরাসী অনুবাদক, ১০৪৮-এ নোবেল প্রাইজ বিভূষিত আঁদ্রে জিদ (এই হালে, ২২শে নভেম্বর ১৯৬৯ খ্রীস্টাব্দে তাঁর জন্ম-শতবার্ষিকী মহাডম্বরে ইয়োরোপে উদযাপিত হল, কিন্তু হায়, কৌলিক রচনার যে প্রখ্যাত লেখক আপন সৃজনকর্ম স্থগিত রেখে গীতাঞ্জলির অনুবাদ করলেন—তিনি অন্য কোনো মহান লেখকের রচনা অনুবাদ করে তাঁকে এভাবে সম্মানিত করেছেন বলে শুনি নি—যে আঁদ্রে জিদ ইয়োরোপে অজ্ঞাত বাঙালী নামক জাতের শ্রেষ্ঠ ধন ইয়োরোপের বিদম্বতম জাতের প্যারিস সমাজে প্রচার করলেন, তাঁকে এই উপলক্ষে কোনো বাঙালী স্মরণ করেছে বলে কানে আসেনি) তাঁর অন্তরঙ্গ সখা ওয়াইল্ড সম্বন্ধে যা লিখেছেন সে-সব পড়ার পর রাকৌতর হিসেবে গাঙ্গুলীমশাইয়ের প্রতি আমার ভক্তি বেড়েছে বই কমে নি। বস্তুত আ লা রীডারস্

ডাইজেস্ট বলতে হলে ইনিই আমার মোস্ট আনফরগেটবল্ ক্যারেকটার। এর কাছ থেকে আমি সবচেয়ে বেশী বাংলা ভাষাব চালু ইডিয়ম, প্রবাদ এবং কলকাতার কক্‌নি শব্দ শিখেছি। আমার মতো তাঁর অন্য এক সমঝদার—সাপুড়ে সম্মোহিত সর্পের মতো মস্তমুখ্ শ্রোতা—ছিলেন ‘আনন্দবাজার’ গ্রুপের শ্রীযুত কানাইলাল সরকার। আমার কথা পেত্যয় না গেলে ঠুঁয়াকে শুধোবেন।

বলা বাহুল্য, বিলকুল বেফায়দা বেকার, আমি গাঙ্গুলীমশাইয়ের সে-বয়ানের বন্যা, টেটম্বুর রসের ছিটেফোঁটাও এই হিম-শীতল, রসকষহীন সিসের ছাপা হরফে প্রকাশ করতে পারব না। একমাত্র লোক যিনি পারতেন তিনি আমার রসের দুনিয়া-আখেরের পীরমুরশীদ “পরশুরাম” রাজশেখর বসু।

আমি তাঁকে মায়ের দেওয়া এক বোতল অত্যাৎকৃষ্ট সিলেটি আনারসের মোবক্বা দিলে পর তিনি আমার ললাটে চুখন দিলেন, মস্তকাস্রাণ করলেন। বেলা তখন একটা। তিনি আহারাদি সমাপন করে খাটে শুয়ে আলবোলায় ফুরুৎ ফুরুৎ মন্দমধুর টান দিচ্ছিলেন। আমাকে আদর করার পর ফের লম্বা হয়ে শুয়ে নলাটি তুলে নিলেন। চোখ দুটি বন্ধ করে, কবির ভাষায় “আকাশ পানে হানি যুগল ভুরু” বললেন, “গেরো হে গেরো। এমন গেরো আমার পঞ্চাশ বছরের আয়ুতে কখনো আসেনি। পুলিশের সঙ্গে মারপিট করে অসহ্য মশার কামড়ের মধ্যখানে তেরান্তির হাজতে কাটিয়েছি, চন্নগর মাহেশের ফেস্তাতে যাবার পথে মাঝগঙ্গায় নৌকাডুবিতে হাবুডুবু খেয়েছি—জলে পড়লে আমি আবার নিরেট পাথরবাটি—থিয়েডারের এক হাফ-গেরস্ত মাগী আমাকে ব্ল্যাকমেল করতে চেয়েছিল” ইত্যাকার বহুবিধ যাবতীয় ফাঁড়া-মুশকিল গেবো-গর্দীশ বয়ান করার পর বললেন, “ওসব লসিয় হে লসিয়। ওঃ! এ গেবো যা গেল।”

আমি বললুম, “এ আশ্রম তো শান্তির নিকেতন। এখানে আবার গেরো?”

গাঙ্গুলীমশাই নল ফেলে দিয়ে যুক্তকরে, মহর্ষির উদ্দেশ্যে প্রশ্নাম কবে বললেন, “তিনি পিরিলী^৩ বংশের প্রদীপ, আর সেই পিরিলী বংশের এ অধম পিলসুজ্ দেলকোব ছায়া। পাপমুখে কি করে বলি, এখানেও মাঝে মাঝে অশান্তির উপদ্রব দেখা দেয়। কিন্তু বাবা, আমা হেন সামান্য প্রাণীকে বলির পাঁঠার মতো বেছে নেওয়া কেন?”

আমি হাঁকোর নলাটা তাঁর হাতে তুলে দিয়ে বললুম, “হাঁকোটা ল্যান, খুলে কন।”

গাঙ্গুলীমশাই বললেন, “গাঁধী হে, গাঁধী! তোমরা যাকে মহাৎমা ঠহাৎমা বলো।” তারপর ফের যুক্তকবে বললেন, “তারা ব্রহ্মময়ী মা, বজ্রযোগিনী মা, রক্ষে দাও মা এসব মহাৎমাদের লেক লজর থাকে।”

আমি তাচ্ছব মেনে বললুম, “গাঙ্গ্বীজী তো অতিশয় নিবীহ, নিকপদ্রবী, ভালো মানুষ। তিনি আপনার গেরো হতে যাবেন কেন?”

গাঙ্গুলীমশাই বললেন, “ঐ বুঝলেই তো পাগল সাবে। তোমাকে তা হলে ভালো কবে বুঝিয়ে বলি।

৩ পিরিলী খেতাটি নাকি মুসলমান বাদশা ঠাকুর গোষ্ঠী এবং তাঁদের আত্মীয়দের দেন। কথাটা “সীর” এবং “আলী” শব্দের অতুঙ্ক সন্ধি। আমি যখন শান্তিনিকেতনে ছিলাম তখন গুরুদেবের এক পিবিলী আত্মীয় ছোকরা আমাকে বলে, “তাই তোর নাম মুজতবা আলী, আর আমার বংশের নাম সীব আলী। দুজনেবই পদধী আলী। আব ঐ সিলেটি রাকেশ বলছিল তুই নাকি সীর বংশের ছেলেও বটিস। তবেই দাখ, তুই আমার ক্যেব কুটুম।”

জানো তো বাপু, দেশ-বিদেশের হোমরা-চোমরা এখানে এলে আকছারই ওঠেন উত্তরায়ণে; বাস করেন হয় গুর্দেবেব (প্রাচীন-পছীরা “গুরুদেব” না বলে বলতেন “গুর্দেব”) পাশে, নয় রথীবাবুর ওখানে। আমি তো নিশ্চিন্দ মনে দিবা গায়ে ফুঁ দিয়ে ঘুরে বেড়াচ্ছি আর উত্তরায়ণের নায়েব গোমস্তা চাকরবাকরদের দেখলেই মনে মনে ফিক্‌ফিক্‌ করে হেসে ভাবি, সব ব্যাটা বলির পাঁঠা। গাধী মাছ মাংস খান না বটে, কিন্তু মা কালীকেই কি তাঁর উদ্দেশ্যে বলি দেওয়া পাঁঠা কেউ কখনো খেতে দেখেছে? গাধী খাবেন না, সত্যি কথা, কিন্তু তাই বলে চাকর নফরের বলি নির্ঘাত। তখন কেমন জানি, কিংবা জানি নে, একটা অহেতুক অজানা শব্দা আমার ব্রেন-বস্কের-ব্রহ্মতালুতে ঢুকে সর্বাস্ত শিরশিরিয়ে পায়ের চেটো দিয়ে বেরিয়ে গেল তোমারই মুখে শোনা,

পাঁঠার বলি দেখে পাঁঠা নাচে!

(পাঁঠা বলে) ‘ও পাঁঠা তোমার লাগি বীবীর শীর্নী আছে।’

আমি তখন পাঁঠার মতো আপন মনে ফিক্‌ফিক্‌ হাসছি, বিলকুল খেয়াল নেই যে পীর বীবীর দর্গাতে পাঁঠা বলি হয় না, বলি হয় পাঁঠা, শীর্নী চড়াবার জন্যে। সাদামাটা রাঢ়ীতে বলে, ‘ঘুঁটে পোড়ে গোবর হাসে, সবার একদিন আছে শেষে।’ উত্তমরূপে প্রবাদটি হৃদয়ঙ্গম করার পূর্বেই দ্যাখ-তো-না-দ্যাখ সঙ্গে সঙ্গে এক্সেলাফরমান উপস্থিত। আমি কি তখন আর জানতুম যে এই ফরমান-পুষ্পগুচ্ছেব ভিতর লুকিয়ে আছে গোখরোব বাচ্চা। আমি তো নাপাতে নাপাতে উত্তরায়ণ পৌঁছলুম। পকেট থেকে ডাস্টাব বের কবে বুটজোড়া পরিষ্কার করে খোলা দবজায় হাফ মিলিটারি মোলায়েম টোকা দিয়ে গুর্দেবেব ঘরে ঢুকলুম।

গুর্দেব লেখা বন্ধ করে আমার দিকে হাসিমুখে তাকিয়ে বললেন, ‘বসো গাঙ্গুলী। আমি সিভিলিয়ান কায়দায় তাঁর পায়ের ধুলো নিয়ে মিলিটারি কেতায় দাঁড়িয়েই রইলুম।

গুর্দেব অভ্যস্ত প্রসন্ন বদনে আমাকে বললেন, ‘যবে থেকে তুমি এখানে এসেছ, বুঝলে গাঙ্গুলী, আমার ঘাড় থেকে অস্ত্র একটা বোঝা নেমে গেছে, ভিজটারদের আরাম-আয়েসের জন্যে আমাকে আর মাথা ঘামাতে হয় না। তুমি একাই একশ; সব সামলাতে পারো। আমি তো মনস্থির করে বসেছিলুম গান্ধীজীকে এই উত্তরায়ণের গেস্ট রুমে তুলব। কিন্তু আজ এইমাত্র তাঁর কাছ থেকে চিঠি পেলুম, তিনি দুটি দিন এখানে নির্জনে শান্তিতে বাস করতে চান। তুমি তো জানো, আমার এখানে উদয়াস্ত ভিজটারের ভিড় লেগেই আছে। তাদের আনাগোনা, বাবান্দায় চলাফেরা, আঙ্গিনায় হাঁকডাক গাধীর শান্তিভঙ্গ করবে। তাই স্থির করেছি, তোমাব গেস্ট হাউসেব দোতলাই তাঁর জন্য সবচেয়ে ভালো আবাস হবে; আর তুমি যা-তা ভিজটারকে ঠেকাতে যে কতখানি ওস্তাদ সে আমি ভালো করেই জানি। তোমার হাতে গাধীকে সঁপে দিয়ে আমি নিশ্চিত হলাম।’

গাঙ্গুলীমশাই সেই ফাঁসির ছকুমের স্মরণে একটুখানি কঁপে উঠে কাঁপা গলায় বললেন, ‘বাব্বা! আমি আমাব ঐ গেস্ট হাউস আঙাবলে গাধীকে রাখব কী কবে? একটা শোবার ঘরে আছে দু’খানা স্প্রিংয়ের খাট। সে এমনই স্প্রিং যে তার উপর রামমুর্তি

৭ শ্রদ্ধেয় সুশীলকুমার দেবর অভ্যস্তম “বাংলা প্রবাদ” গ্রন্থে আছে (নং ৪৯৯৯) “পাঁঠায় কাটে, পাঁঠা নাচে, পাঁঠা বলে মগধেশ্বরী আছে।” সুশীলকবাবু এব টীকা লিখতে গিয়ে জে. ডি এনডাবসেন-এব উপর ববাত দিয়ে বলেছেন, মগধেশ্বরী পূজোতে চট্টগ্রামে পাঁঠা বলি দেওয়া হয়।

সার্কাসের ফেদার-ওয়েট বামনাবতার গুলেও সে-প্লেং ক্যাচর-ম্যাচর করে মেঝের সঙ্গে মিশে যায়। আমাদের পাড়াতে এক পাত্রী সাহেব লেকচার দিতে গিয়ে বলেন, প্রফেট নোআর আমলে সর্ববিশ্বব্যাপী এক বিরাট বন্যা হয়। ঈশ্বরসৃষ্ট তাবৎ প্রাণী, বৃক্ষ, তৈজস-পত্রাদি যাতে সেই বন্যায় লোপ না পায় তাই তিনি নোআকে আদেশ দেন, তিনি যেন একটা বিরাট নৌকা গড়ে তার উপর প্রত্যেক প্রাণী, প্রত্যেক জীব, এমন কি প্রত্যেক আসবাবপত্র জোড়ায় জোড়ায় হেপাজতীর সঙ্গে তুলে রাখেন।” গুরুগভীর হয়ে এতখানি শাক্সালোচনা করার পর গাঙ্গুলীমশাই ঈষৎ ক্লান্ত হয়ে পড়েছিলেন। জিরিয়ে নিয়ে দৃঢ়কণ্ঠে বললেন, “আমার মনে রক্তিমের সন্দ নেই যে আমার গেস্ট হাউসের উপরের তলায় যে দুটি খাট আছে সেগুলো শতাব্দীর পব শতাব্দী ধরে বিশ্বময় ঘোরাঘুরি করে শেষটায় আশ্রয় পেল দেবেন্দ্রনাথের চবণপ্রান্তে। আফটার অল্‌ তিনি তো প্রফেট—নোআরই মতেন গত শতাব্দীর প্রফেট।”

এস্থলে বলে রাখা প্রয়োজন, গাঙ্গুলীমশাই ছেলেবেলা থেকেই সে-যুগের বিলিতি—এদেশে একদম বেখাপ্লা—ডবল খাট, ড্রেসিং টেবিল, এস্ট্রিক্তোয়ার, বিদে, চায়না ইত্যাদিতে অভ্যস্ত ছিলেন। তিনিই আমাকে একদিন বলেছিলেন যে তাঁর ধনী ঠাকুন্দা তাঁর ডিলাটি সাজিয়েছিলেন ন’সিকে বিলিতি কায়দায়—একমাত্র ডাবলু সী টা ছিল ব্যতায়, নেটীভ স্টাইলে গোড়ালির উপর বসে কমটি সমাধান করতে হত। তা সে যাই হোক, গাঙ্গুলীমশাইর অভ্যর্থনার জন্য যেটুকু মিনিমামেস্ট দবকাব সে তিনি পাবেন কোথায়, গাঙ্গুলীমশায়েব ভাষায় “আফটাব অল লোকটা তো বিলেতে ব্যারিস্টারি পাস করেছে।”

গাঙ্গুলীমশাই বলে যেতে লাগলেন, “ওর্দেব বোধ হয় আমাব হতভম্ব ভাব দেখে ভবসা দেবার জন্য বললেন, ‘তোমার যা যা দরকার আমাব এখন থেকে, রথী আর বউমার বাড়ি থেকে নিয়ে যেয়ো।’ আঃ! কথটি শুনে পেবানটি জুড়িয়ে গেল। ওঁয়ার আছেটা কি? এ-রকম কম আসবাবপত্র নিয়ে তাঁর ক্রিচারস কম্ফর্ট পোবায় কি করে জানেন ব্রহ্মময়ী! অবশ্য রথীবাবুব বাড়িতে এটা-সেটা আছে, কিন্তু একটা ভদ্রলোকের বাড়ি তো আব লাজবাসের গুদোম ঘর নয় যে প্রত্যেক আইটেম্‌ দু’তিন দফে করে থাকবে। ও-বাড়ি থেকে আমার যা দবকার—খাট সোফা কোচ, নুতন পর্দা, লেখাপড়ার জন্য উত্তম টেবিল-চেয়ার, একটা পেনট্রিব আসবাবপত্র যেখানে খাবার জড়ো করা হবে, ডাইনিং রুমের জন্য একটা সাইডবর্ড যেখানে পেনট্রি থেকে আসা খাবাবের ডিশ ডিনার টেবিলে সার্ভ করার পূর্বে রাখা হয়, হল-মার্কওলা উত্তম রুপোর ছবি কাঁটা—”

আমি বাধা দিয়ে বললুম, “অবাক করলেন, গাঙ্গুলীমশাই! আপনি আমাকে সেই বুদ্ধ স্নব ইংবেজের কথা স্মরণ করিয়ে দিলেন। ফরাসী ভাষা জানে না; প্যারিসের রেস্তোরাঁয়

• চ কথটি খুবই সত্য। প্রাপ্ত দেহলী বাড়িতে যখন কবি থাকতেন তখন দেখেছি তাঁর ছিল (১) দু’খানা তক্তপোশ জুড়ে একটি ফবাস—তার গদি কোয়ার্টার ইঞ্চি পুরু হয় কি না হয় (২) মেসে পড়াশোনার জন্য যে-বকম মিনিটোচার টেবিল দেয় তারই এক প্রহ ও একখানা চেয়ার (৩) সামনের নাড়্যা ছাতের উপর দু’একখানা বেতের কুশনহীন চেয়ার এবং (৪) বোধ হয় উপাসনা করার জন্য একখানা হেলানো-হাতাহীন জলটোকির মতো কাঠাসন। গোসলখানায় কি কি মহামূল্যবান জিনিস ছিল দেখিনি, তবে এমনই একটা সর্কার করিডবের মতো ফালি জায়গায় সেটা ছিল যে সেখানে নৃবজাহানের হান্ধাম থাকার কথা নয়।

তাই আঙুল দিয়ে মেনুতে দেখিয়ে দিলে প্রথম পদ। এল সুপ। এবার ম্রব আঙুল দিলে মেনুর মধ্যখানে। ভাবলে, মাছ-মাংস ঐ ধরনের কিছু একটা সলিড সাবস্টেনশাল আসবে—ফরাসীতে যাকে বলে “পিয়েস দা রেজিস্তাঁস” অর্থাৎ যে বস্তু (পীস) আপনার ক্ষুধাকে মোক্ষম রেজিস্টেন্স দেবে। ও হরি! ফের এল সুপ। খানাপীনা বাবদে হটেনটট গোত্রের ইংরেজ জানবে কি কবে বিদগ্ধ ফরাসী জাত মেনুতে নিদেন ত্রিশ রকমের সুপ রাখে (হটেনটট গোরা বলে, উয়ি ঙ্ট টু লিভ, আর বিদগ্ধ ফরাসী বলে, উয়ি লিভ টু ঙ্ট)। এদিকে ইংরেজের রেষ্ট ফুরিয়ে এসেছে। পুডিং-মুডিং-এর আশায় দেখালে সর্বশেষ আইটেম। এল টুথ পেক—খড়কে। বুঝুন ঠালা। তরলতম দু-কিস্তি সুপ খেয়ে, ‘পান করে’ বললে সঠিকতর হয়, খড়কে দিয়ে দাঁটি খোঁটা! আপনি যে ইংরেজটাকেও হার মানাতে চললেন। করমচান্দ্রের সুযোগ্য সন্তান মোহনদাস গাঁধী তো শুনি খান—বা পান করেন—প্যাঞ্জের শুকন্যা বা সুপ, সেও অতি হালকা আর বকরীর দুধ। ঐ দুই তরল দ্রব্য মুখে পৌঁছে দেবার জন্য আপনি ওঁকে হাতে তুলে দেবেন হামিলটন কোম্পানির হল-মার্কওলা রুপোর ছুরি আর কঁটা! ভাগ্যিস আপনি চীনের ইম্পিরিয়াল পেলেস থেকে হীরে পান্না বসানো চপ স্টিক রেকুইজেশন করেননি।”

গাঙ্গুলীমশাই ঠোঁটের এক কোণ দিয়ে কিস্তিতে কিস্তিতে ধূয়ো ছাড়তে ছাড়তে বললেন, “তোমার খেমন আক্কেল। যে ভিখিরি কুকুদের সঙ্গে মারামারি করতে কবতে ডাস্টবিন থেকে খুঁজে খুঁজে খুঁটে খুঁটে অখাদ্য খায়, তাকে খেতে ডাকলে কি রাস্তা থেকে বাড়িতে একটা ডাস্টবিন তুলে এনে সেই ময়লার ভিতব সেই অখাদ্যই বাখো নাকি যেটা সে নিত্য নিত্য খায়? আব দু-তিনটে যেযো কুকুব লড়াই কবাব জন্য?”

আরে বাপু, যাব যা বেস্ট, মেহমানকে সেইটে দিতে হয়। আমি তাই দিন তিনেক উদযাস্ত খেটে উপরের তলার তিনখানা ঘর সাজালুম। খুব যে মন্দ হল তা বলব না। অবশ্য দুর্গা নাম জপ এক সেকেন্ডের তরেও কামাই দিইনি।

মহারাজ আসবার আগের দিন বেলা প্রায় দশটার সময়—গর্মি তখন নিদেন ১১২ ডিগ্রী—দেখি, কে যেন মিন ছাঁতায় রোদ্দুর ভেঙে ভেঙে আসছে। কে? চোখ কচলে দেখি—সর্বনাশ—জাব্বাজোব্বা পরা গুর্দেব। প্রথমটায় ভেবেছিলুম মহর্ষিদেবের ছায়া-শরীর। জানো বোধ হয়, অনেকেই জ্যোৎস্না রাতে দেখেছে, সাদা আলখান্না পরা তাঁর ছায়াকায় মন্দির থেকে বেবিয়ে তাঁব মর্ত্যের বাসভবনে এই গেস্ট হাউসের দিকে আসছেন। এবার বুঝি ঠা ঠা রোদ্দবে। তবে ভবসা এই কাছে গেলেই উপে যাবেন।”

আমি বললুম, “যত সব গাঁজা। মহর্ষিদেব এ মন্দির কখনো দেখেননি। শুনেছি, মহর্ষির আদেশে হাভেল সাহেব না কে যেন আব অবন ঠাকুবে মিলে এটার প্র্যান কবেন। এটার প্রতি পরলোকে গিয়েও তাঁর মোহ থাকবে কেন?”

গাঙ্গুলীমশাই বললেন, “আমি তো পড়িমরি হয়ে ছুটলাম গুর্দেবের দিকে, বঙচটা বাঁশের ছাতাখানা নিয়ে। তিনি ছাতাখানা উপেক্ষা কবে মৃদু হেসে বললেন, ‘দেখি গাঙ্গুলী, অতিথি সৎকারের কি ব্যবস্থা করেছ’।”

গাঙ্গুলী মহাশয়ের সর্বাঙ্গে সভয় কম্পনের শিহরণ খেলে গেল—গুরুদেবের ঐ অত্যন্ত হার্মলেস ইচ্ছা প্রকাশের স্মরণে। বললেন, “সবাই আমাকে ভরসা দিয়েছিল, গাঁধী কিছুতেই গুর্দেবকে এ বাড়িতে তকলীফ বরদাস্ত করে আসতে দেবেন না। তিনি যাবেন

স্বয়ং—যতবার প্রয়োজন হয়—উত্তরায়ণে, যাত্রী যে-রকম ভক্তিবরে তীর্থস্থলে যায়। কাজেই গুর্দেব আমার জোড়াতালির ঘর-সাজানো দেখতে পাবেন না। এখন উপায়?—এক ঝটকায় মা কালীর ঘুষ ডবল করে দিলুম—দুটোর বদলে চারটে মোষ।

হায়, হায়, হায়। গেরো, গেরো, গেরো। গুর্দেব ঘরে ঢকেই বললেন, ‘এসব করেছে কি হে! সব যে বিলিতি মাল। ব্রাস রডওলা প্রিং খাঁট। সর্বনাশ। বের কর, বের কর টেনে এখুনি। আর লোক পাঠাও, দেরি করো না—অমূকের বাড়িতে। বিয়ের সময় সে পেয়েছিল চীনে মিস্ত্রীর হাতে খোদাই করা একখানা জবরদস্ত কাঠের পালঙ্ক। আনাও সেটা। আর এসব যে একেবারে বিলিতি বেড় শীট, বালিশের ওয়াড়া। তুমিই যাও, গাঙ্গুলী, হ্যাঁ তুমিই যাও, বৌমার কাছে। তাঁর গুদোমঘরে আমার একটা মস্ত বড় সিন্দুক আছে। তার ভিতর খন্দরের সব জিনিস পাবে। আমি যখন গেলবার আহমদাবাদ গিয়েছিলুম তখন সবাই আমাকে চেপে ধরল খন্দর পরার জন্য। আমি বললুম অত মোটা কাপড় আমার সয় না। তারা যেন চ্যালেন্জটা তুলে নিলে। ধুতি, পাঞ্জাবির অতি মিহিন কাপড় থেকে আরম্ভ করে বিছানার চাদর, ওয়াড়—এমন কি খন্দরের মশারি। না হে না, তুমি ভাবছ ওর ভিতর মানুষ দমবন্ধ হয়ে মারা যাবে। মোটেই না। এমনই মিহিন যেন মসলিন। ভিতরে যে শুয়ে আছে তার দিকে বাইরের থেকে তাকালে মনে হয় মাঝখানে কোনো মশারি নেই।’

হঠাৎ কার্পেটের দিকে নজর যেতে ফের হুকুম, ‘ফেলে দাও এটাও।’ তারপর কি যেন ভাবতে গিয়ে উপরের দিকে তাকাতেই চোখে পড়ল বিজ্জলি বাতির বাল্ব। চিন্তিতভাবে যেন আপন মনে বললেন, ‘এটাকে নিয়ে কি করা যায়?’ আমাকে বললেন। ‘হ্যাঁ, বউমার ওখানে যাবার সময় নন্দলাল আর ক্ষিতিমোহনবাবুর স্ত্রীকে এখানে পাঠিয়ে দিও।’ আমি সব আদেশ তামিল করার সময় ভাবলুম, হনুমানজীকে কে বলে সরল? তিনি তাঁর মূনিবাটিকে হাড়ে হাড়ে চিনতেন। এখন বলছেন, ‘লে আও বিশল্যকরণী’। আনা মাত্রই হয়তো ফের হুকুম—‘ঐ য়-যা। বিবঙ্কতারিণীর কথা বেবাক ভুলে গিয়েছিলুম। যাও তো বৎস পবননন্দন হনুমান পবনগতিতে। নিয়ে এসো ঐ বস্তুটি।’ তখন ঘট্যাতে ঘট্যাতে যাও ফের ঐ মোকামে। ক’বার যেতে আসতে হবে সে কি স্বয়ং প্রভু রামচন্দ্রই জানেন? অতএব নিয়ে চল সমুচা গঙ্কমাদনটাকে। আর এস্থলে স্মরণ কর, আমাদের গুর্দেবের বাবামশাই কি করতেন? ঘড়ি ঘড়ি মত বদলাতেন বলে তাঁর খাস সহচর দুদিন অন্তর অন্তর বিদেশ থেকে টেলি পাঠাতেন, ‘বাবু চেন্জেস হিজ মাইন্ড।’ পুত্রে যে সেটা অর্সায়নি কি করে জানব? আমি নিয়ে চললুম গঙ্কমাদন প্রমাণ সেই বিরাট সিন্দুকটাকে। আমার অবশ্য সুবিধে, আমাকে তো ওটা বইতে হবে না। বইবে ব্যাটা হীতলাল, কালো, ভোলা, বন্ধা গয়রহ।

গেস্ট হাউসে পৌঁছে দেখি, চীনা পালঙ্ক তখনো আসেনি। খবর পেলুম সঙ্কলের পয়লা এসে পৌঁচেছেন ঠানদি (ক্ষিতিমোহনবাবুর স্ত্রী)। সেটা অতিশয় স্বাভাবিক। তাঁর নাম কিরণ। তাঁর টাট্টু ঘোড়ার মতো চলন দেখে ক্ষিতিবাবুই একদিন বলেছিলেন, ‘সার্থক নাম কিরণ! কী-run দেখেছ?’

উপরে গিয়ে দেখি তুলকালাম কাও। ঠানদি এবং জনা তিন-চার এক্সপার্ট মহিল্যা লেগে গেছেন ঠিক সেনট্রাল বাতিটার নিচে দুনিয়ার যত কঠিন কারুকার্য ভরা বিরাট

গোল একটা আলপনা আঁকতো। গুর্দেব এক কোণে চুপ করে বসে বসে সব দেখছেন। এমন সময় নন্দলাল এলেন। গুর্দেব তাঁকে বললেন, ‘এক কাজ কর তো নন্দলাল। ঐ বালবটাকে আড়াল করতে হবে। তুমি এটার নিচে একটা পেতলের চেপ্টা ফ্লাওয়ার ভাজ্ ছাত থেকে সরু সরু চেন দিয়ে ঝুলিয়ে দাও তো। ঠিক মানানসই সাইজ ও শেপের ও-রকম একটা ভাজ্ বৌমার আছে। আর ভাজ্ ভর্তি করে দাও পদ্মফুল দিয়ে, কুঁড়িগুলো যেন গোল হয়ে বাইরের দিকে মাথা ঝুলিয়ে দেয়। বিজলির আলো আসবে পদ্ম পাণ্ডির ফাঁকে ফাঁকে। কি বললে? পদ্ম নাও পাওয়া যেতে পারে। নিশ্চয়ই পাওয়া যাবে। একটু দূরে লোক পাঠালেই হবে। নইলে মানানসই অন্য ফুল? নন্দলাল মাথা নেড়ে জানানেন হয়ে যাবে।

ইতিমধ্যে সেই মানওয়ারি জাহাজ সাইজের পালঙ্ক এল।

আমি এ-কাপড়, ও-শীট দেখাই। তিনি নামঞ্জুর করেন। শেষটায় না পেবে বললুম, ‘সিন্দুকটা নিচে রয়েছে। উপর নিয়ে আসব কি?’ এক ঝলক হেসে বললেন, ‘না, আমি নিচে যাচ্ছি। সেখানে চেয়ারে বসে শেষ রুমাল অবধি নেড়ে-চেড়ে পবন করলেন, বাছাই করলেন। তারপর ফের উপরে এসে চেয়ারে বসে বিছানা তৈরী করা বাবদে পই পই করে বাতলালেন, কোন্ শীটটা উপরে যাবে, কোনটা নিচে ইত্যাদি ইত্যাদি। আবও মেলা মেলা বায়নাঝা ঝামেলা। জলের কুঁজোটা কোথায় থাকবে, নাইট-টেবিলের পাশে ছোট্ট শেলফে কি কি বই থাকবে—সে সব কথা বলতে গেলে বাকি দিনটা, চাই কি রাতটাও কাবার হয়ে যেতে পারে। সংক্ষেপে সারি। হঠাৎ বললেন, ‘চল গাঙ্গুলী, স্নানের ঘর দেখে আসি।’ ঢুকেই বললেন, ‘এ কী কাণ্ড! সরাও এখনুনি ঐ জিনক্ টাটা। নিয়ে এস আমার স্নানের ঘর থেকে পেতলের বড় গামলাটা। আর ওখানেই একটা বোয়ামে আছে বেসন। নিয়ে এসো একটা রুপোর কৌটোতে করে। সাবানটা সরাও।’ আমি বললুম, ‘ওটা গডরেজের ভেজিটেবল সোপ।’ ‘তা হোক। ফেলে দাও ওটা। আর ঐ টার্কিশ টাওয়েলটাও সরাও। সিন্দুক থেকে নিয়ে এসো খন্দরের তোয়ালে, আব একখানা সব চেয়ে সরেস গামছা। নিমের দাঁতন কই?’ আমি ভয়ে ভয়ে বললুম। ‘ওঁব তো দাঁত নেই, আর্টিফিসিয়াল আছে কিনা জানি নে।’ ‘তা হোক, নিয়ে এসো দাঁতন। আর ক্ষিতিমোহনবাবুর স্ত্রীকে বলো, আজই যেন সুপরি পুড়িয়ে—বাকি সব তিনি জানান—টুথ পাউডার বানিয়ে পাঠিয়ে দিতে।’ বুঝলুম কোনো নবীন দশনসংস্কারচূর্ণ—ক্ষিতিমোহনের স্ত্রী বন্দি-গিন্নি তো।

করে করে সব কটা ঘর তৈরি হল। সেই ১১৪ গরমে আব ক্লাস্তিতে আমি আব দাঁড়াতে পারছি না। বৃদ্ধ প্রভু কিন্তু খুট খুট করে দিবা এ-ঘর ও-ঘর কবছেন।’

দম নিয়ে গাঙ্গুলীমশাই বিরাট এক তওয়া সাজাতে সাজাতে বললেন, ‘‘তোমার প্রাণ যা চায় সেই দিবা, কসম, কিরে আমাকে কাটতে বললে আমি এখনুনি সেইটে কেটে ধলব আমার দৃঢ়তম বিশ্বাস কোনো বধু তার বরের জন্য, কোনো প্রেমিক তাব প্রিয়ার জন্য কস্মিনকালেও এ-রকম বাসরঘর মিলনশয্যা তৈরি করেনি। আব গুর্দেবও এ-কর্ম পূর্বে কখনো কবেননি সে-বিষয়ে আমি আদালতে তিন সত্যার দোহাই দিয়ে কসম খেতে রাজি আছি।

আরেকটা কথা শোন, সৈয়দ। গুর্দেবের মতো স্পর্শকাতর, সুন্দরের পূজারী যখন সব

হৃদয় ঢেলে দিয়ে কোনো কিছু সুন্দর করে গড়ে তুলতে চান—এই যেমন এ বাড়িটাকে তার চরম সুন্দর রূপ দেওয়া—তখন তাঁর হাজার মাইল কাছেও আসতে পারে কোন প্রাফেশনাল ডেকোরেরটরের গোসাঁই!

আর সমস্ত জিনিসটা ছিল অত্যন্ত সিমপল অথচ প্রত্যেকটি জিনিস থেকে উথলে উঠছিল সৌন্দর্য।”

আমি শুধালুম, “তারপর?”

গান্ধুলীমশাই শাস্তকণ্ঠে বললেন, “এখানেই কাহিনীটি শেষ করতে পারলে ভালো হত। কিন্তু তুমি যখন আদ্যন্ত শুনতে চাও তবে কি আর করি? বলি।

গাঁধীজীকে উপরের তলায় নিয়ে গেলেন স্বয়ং গুর্দেব। আমি তাঁর ধরা-ছোঁওয়ার ভিতরে,—যদি বা কোনো কিছুর দরকার হয়। তাই সব দেখেছিলুম, সব শুনেছিলুম। দুই হিমালয়ের সাক্ষাৎ, উভয়ের মধ্যে গভীরতম শ্রীতি—এমন কি সংঘাত। সেই মোকা ছাড়ব আমি! হেঁ!

বেশ পরিষ্কার স্পষ্ট লক্ষ্য করলুম, গাঁধী যেন দু’চারটে জিনিস দেখলেন, কিন্তু কোনো কিছুই লক্ষ্য করলেন না। আলপনা, মাথার উপরে ফুলের ডালি, তাজমহলের মতো খাটবিছানা, বেডরুমভারের ঠিক মাঝখানে বাতিকে কাজ করা নিটোল গোল মেডালিয়নের ভিতর সেই অজস্তার ছবি, যেখানে একটি তরুণী দু’ভাঁজ হয়ে মাটিতে মাথা ঠেকিয়ে প্রভু বুদ্ধের পদতলে পদ্মফুলের অঞ্জলি দিচ্ছে।

কোনো-কিছুই যেন তাঁর দৃষ্টি আকর্ষণ করতে পারল না।

তারপর তিনি আস্তে আস্তে উত্তরের খোলা জানালার কাছে এসে দাঁড়ালেন। তাঁর দৃষ্টি যেন মন্দির পেরিয়ে টাটা বিলডিং ছাড়িয়ে কোন্ সুদূরে চলে গেছে। হঠাৎ গুর্দেবের দিকে ফিরে বললেন, ‘এরই কাছে ছাতে যাবার সিঁড়ি আছে না? চলুন।’ ছাতে গিয়ে দু’জনাতে অল্প একটু পাইচারি করার পর গাঁধী একগাল হেসে বললেন, ‘আমি এই ছাতেই বাসা বাঁধব! ভারী চমৎকার!’

আমি অবাক হয়ে বললুম, “তার মানে?”

“মানে আর কি? পড়ে রইল সব নিচে। আমি তাঁকে ককখনো ঐ বেড-রুমের একটিমাত্র জিনিসও ব্যবহার করতে দেখিনি। অবশ্য এ কথা ঠিক, যে দুটি দিন এখানে ছিলেন তার অধিকাংশ সময়ই কাটিয়েছেন উত্তরায়ণে, গুর্দেবের সঙ্গে আর বড়বাবুর (দ্বিজেন্দ্রনাথের) সান্নিধ্যে। বড়বাবুর কাছ থেকে বূড়ো ফিরছিলেন হাসিখুশি ভরা ডগমগ মুখে, আর গুর্দেবের কাছ থেকে চিন্তাকুল বদনে। রাত্রি কাটাতেন ছাতে।” গান্ধুলীমশাই খামলেন।

অনেকক্ষণ গভীর চিন্তা করার পর বললেন, “আমি পলিটিক্স এক বর্ণও বুঝি নে। গাঁধীর লেখা এক ছত্রও পড়িনি আর গুর্দেবের সামান্য যেটুকু পড়েছি সেটা ধর্তব্যের মধ্যে নয়। আমার মতামতের কোনো মূল্য নেই। তবু বলি, এবারও গাঁধী-গুর্দেবে মনের মিল হল না। কিন্তু আমার মনে হয় এবারেই ছিল বেস্ট চান্স। আমার মনে হয়, গাঁধী যদি ঐ আলপনা, পদ্মফুলের আলো এবং গুর্দেবের আরও পাঁচটা সযত্নে সাজানো নেড়ে-চেড়ে দেখতেন, একটুখানি কদর দেখাতেন তাহলে গুর্দেবের দিলটা একটু মোলায়েম হত। লোকে বলে গাঁধী সত্যের পূজারী সেও তো জানা কথা। গাঁধীও নিশ্চয়ই সুন্দর

জিনিস ভালোবাসেন—কে বাসে না, কও! কিন্তু তার কোনো লক্ষণ আমার পাপ চোখে পড়েনি। তাই আমার মনে হয় গাঁধী যদি তাঁর জন্য সাজানো ঘরটাকে একটু পূজো করতেন—মানে একটু আদর করতেন—তা হলে গুর্দেব ভাবতেন, ‘এ লোকটা ভিতবে ভিতরে সুন্দরেরও পূজা করে। আমার বংশের না হোক আমার গোত্রেরই লোক।’ তাই হয়তো একটা সমঝাওতা হয়ে যেত।

আবার দেখ, গাঁধীজী তাঁর সত্য-উপলব্ধির প্রতীক চরকা সবাইকে বিলোচ্ছেন। আমরা হাত পেতে নিচ্ছি কিন্তু আমরা কোনো প্রতিদান দিচ্ছি নে—কারণ আমাদের মতো সাধারণ লোকের কী-ই বা আছে যে তাঁকে দেব? কিন্তু গুর্দেবের বেলা তো সে-কথা নয়। তিনি সুন্দরের পূজা করে অনেক কিছু পেয়েছেন। কই, গাঁধী তো তাঁর কাছ থেকে নিলেন না! এমন কি এই যে সামান্য সাজানো কামরা কটি—তার ফুল, কিছু আলপনা কোনো কিছুই লক্ষ্য করলেন না—গ্রহণ করলেন না।

তাই বলি, সৈয়দ, সংসারটা চলে গিভ অ্যান্ড্ টেকের উপর।”

উপসংহারে নিবেদন, বলা বাহুল্য, গুরুদেবকে নিয়ে যে আমি উত্তম পুরুষে কথা বলিয়েছি তার অধিকাংশই আমার কল্পনাপ্রসূত। কাবণ যদিও গান্ধুলীমশাই গুরুদেবের কথাবার্তার চোদ আনা আমাকে সে-সময়ে ঠিক ঠিকই বলেছিলেন তবু ভুললে চলবে না, পূর্বেই নিবেদন করেছি, গান্ধুলীমশাই ছিলেন পয়লা নম্বরী কীর্তনিয়া—রাকৌতর। নিশ্চয়ই তাঁর বর্ণনায় বেশ খানিকটে রঙচঙ চড়িয়ে ছিলেন—ইচ্ছা-অনিচ্ছায়।

তদুপরি তিনি আমাকে কাহিনীটি বলেন, ১৯২৫-এ। আর আমি এ কাহিনী লিখছি ১৯৬৯-এ!! কিন্তু মূল ঘটনাগুলো যে সত্য তার গ্যারান্টি আমি দিচ্ছি (কারণ এ ঘটনা পরে আরেকবার ঘটে—তবে সেখানে পাত্র গাঁধী ও মুস্‌সোলিনির প্রতিভূ এক জাহাজ-কাপ্তান)।

অবশ্য আমি দুই লাইনেই এ কাহিনী শেষ করতে পারতুম। যথা :

“গুরুদেব অতিশয় সযত্নে ঘর সাজালেন। তার সৌন্দর্য গাঁধীজীর চোখে পড়ল না।” কিন্তু তাহলে তো লেজেভের গোড়াপত্তন হয় না—“রবিপুরাণ” দ্বন্দ্বকাহিনী নির্মিত হয় না।

আরেকটি কথা বলার খুব যে একটা প্রয়োজন আছে তা নয়। তবু বলি। সূচতুব পাঠক অতি অবশ্যই বুঝে গিয়েছেন, গুরুদেবের মুখে আমি যে ভাষা বসিয়েছি, অতি অবশ্যই গুরুদেব ও-রকম কাঁচা বাংলা বলতেন না। এবং সহৃদয় পাঠক বুঝে গিয়েছেন বলাই আমাকে মাফও কবে দিয়েছেন। প্রবাদ আছে—“টু আন্ডারস্টেণ্ড ইজ টু ফবগিড্”।

এবং গান্ধুলীমশাইয়ের ভাষারও জেদ্দাই জৌলুস জ্যাঙ জিন্দা করতে পারিনি আমি—দীর্ঘ চুয়ান্নিশ বছর পর।

সর্বশেষে বক্তব্য এটা লেজেভ, রূপকথা, পুরাণ। ইতিহাস নয়।

“দ্বন্দ্বপুরাণ” উপরেই শেষ হল। কিন্তু গাঁধী-পুরাণের অন্য এক কাহিনীর ইঙ্গিত আমি এই মাত্র দিয়েছি। সেটি বলিনি। সেও মজাদার।

দ্বন্দ্বপুরাণের ছ’বছর পরের ঘটনা। ১৯৩১, রাউন্ড-টেবিল সেরে গাঁধীজী দেশে

ফেবার জন্য বেছে নিলেন একখানা ইতালীয় জাহাজ। ইল দুচে বেনিতো মুসসোলিনি তো ড্যাম প্র্যাড্। (ওদিকে জর্মন জাত বড় নিরাশ হয়েছিল। গাঁধী বলেছিলেন, রাউন্ড-টেবিলে তিনি যদি সফলতা লাভ কবেন তবে ইয়োরোপে যে একটি মাত্র জায়গা দেখার তাঁর ঐকান্তিক কামনা আছে সেটিকে তিনি তীর্থযাত্রীকপে শ্রদ্ধা জানিয়ে দেশে ফিববেন—ভাইমার, কবি গ্যোট্টেব লীলাভূমি ও সমাধিস্থল। কিন্তু গোলটেবিলে নিম্মল হলেন বলে সোজা দেশে ফেবেন।) মুসসোলিনি খবর পাওয়া মাত্র বললেন, “যে জাহাজে গাঁধী যাবেন সেটা অত্যাশ্চর্য, কিন্তু তাব সেরার সেরা ‘কাবিনা লুসসোরীয়োজা’ (সাধু সাবধান!—ইতালীয় ভাষার সঙ্গে আমার অতি সামান্য নমস্কার-প্রতিনমস্কারের পরিচয়—ভুল হতে পারে। অর্থ হচ্ছে কাবিন দ্য লুক্‌স্, লাকশাবি কেবিন, সব চেয়ে আক্ৰাণ ভাড়ার বিলাস কেবিন) নিশ্চয়ই রাজা মহারাজা ফিন্সটারের পক্ষে যথেষ্টরও বেশী, কিন্তু গাঁধী?” এখানে এসে তিনি যে অলঙ্কার ব্যবহার করলেন তার ইংরেজি আছে—“গাঁধী? হি ইজ নট এভরিবডিজ কাপ অব্ টী”—বাংলাতে মেরেকেটে বলা যেতে পারে, “ভিন্ন গোয়ালের একক গোমাতা, মা-ভগবতী” কিংবা আমরা যে-রকম বলি “কানু ছাড়া গীত নেই”, তার সঙ্গে মিলিয়ে “গাঁধী ছাড়া নর নেই।” আরবরা বলে, “গাঁধী মহাবাজের কাহিনী সব কাহিনীর মহাবাজা।” তার পর হুকুম দিলেন, গাঁধীকে সবসে বচিয়া কেবিন দাও—একটা না, সুইট অব কেবিনস্। বেডরুম, ড্রইংরুম, এন্ট্রিরুম (ভিজিটাবদেব জন্য প্রতীক্ষা-গৃহ), আপন খাস ডাইনিং রুম ইত্যাদি ইত্যাদি। লক্ষপতিদের বুকিং কেনসেল কবে। আব তোমাদেব দ্য লুক্‌স্ কেবিনের সোফা কোচ বিছানা বাথরুম লক্ষপতিদেব জনা গুড ইন্যফ, মলটো বুয়োনো (ভেবি গুড্) কিন্তু গাঁধীর জন্য নয়। পালাদসো ভেনেদসিয়া (ভেনিস পেলেস—ইটালীর প্রায় সর্বোত্তম প্রাসাদ) থেকে তাবৎ ফার্নিচার পাঠাও।” সর্বশেষে বললেন, “ঔব অচ্ছী অচ্ছী তাগড্রী বকরী, দুখকে লীয়ে।” এই ফার্নিচার পাঠানোর পিছনে হয়তো বা কিঞ্চিৎ ইতিহাস আছে। এখানে আবার গুরুদেব প্রধান পাত্র।

যাঁরা কবিগুরু মৃত্যুর পর তাঁর বধুমাতা স্বর্গীয় প্রতিমা দেবীর “নির্বাণ” পুস্তিকা পড়েছেন, তাঁরাই জানেন, অসুস্থাবস্থায় তিনি কিছুদিন কাটান তাঁর এক প্রিয়া শিষ্যার বাড়িতে, দক্ষিণ আমেরিকার আরজেনটিনায়। ঐর নাম ভিকতরিয়া (অর্থাৎ “বিজয়া”) এবং কবি দেশে ফিরে এঁকেই তাঁর পরের গ্রন্থ উৎসর্গ করেছেন। কবির সঙ্গে, তোলা ঐর ছবি পাঠক পাবেন “পূর্ববী” কাব্যের, বিশ্বভারতী সংস্করণ “রবীন্দ্ররচনাবলী” চতুর্দশ খণ্ড ১০৫ পৃষ্ঠার মুখোমুখি। এঁকে উদ্দেশ্য কবে কবি একগুচ্ছ কবিতা লিখেছেন। “পূর্ববী”তে “বিশ্বেশী ফুল” “অতিথি” ও অন্যান্য কবিতা দ্রষ্টব্য) ও—কাম্পো। কবি দেশে ফেরেন ইটালিয়ান “জুলিয়ো চেজারে” (জুলিয়াস সীজারের ইতালীর উচ্চারণ) জাহাজে করে। জাহাজে বিদায় দিতে এসে ভিকতরিয়া দেখেন (পূর্ববীর “বদল” ও গীতবিতানের “তার হাতে ছিল” গান দ্রষ্টব্য শ্রোতব্য) যে, যদিও কবিকে সর্বোত্তম দ্য লুক্‌স্ কেবিন দেওয়া হয়েছে তবু সদ্য রোগমুক্ত জনের জন্য হেলান দিয়ে বসার আবামকেদারা সেখানে নেই। তিনি তদগুণেই লোক পাঠালেন বাড়িতে; যে আরম্ভকেদারায় অসুস্থ কবি বসতে ভালোবাসতেন সেইটে নিয়ে আসতে। বিরাট সে কেদারা, তাই কেবিনের ছোট দরজা দিয়ে ঢোকে না। ভিকতরিয়া ডেকে পাঠালেন জাহাজের কাণ্ডানকে। বিরাট জাহাজের

কাপতেন হেজিপেজি লোক নয়—তাকে “ডেকে পাঠানো” যে সে লোকের কর্ম নয়। তাই এস্থলে বলে রাখা ভালো, তাঁর অর্থসম্পত্তি ছিল প্রচুরতম এবং তাবৎ আর্জেনটাইনের রাজনীতি ও অর্থনীতির উপর তাঁর প্রভাব ছিল সুদূর প্রসারিত। তিনি সুসাহিত্যিকা, প্রভাবশালী মাসিকের সম্পাদিকা এবং পরবর্তীকালে তিনি ইউনাইটেড নেশনসের একাধিক বিভাগে তাঁর দেশের প্রতিভূ হয়ে খ্যাতি অর্জন করেন। “টাইম” সাপ্তাহিকে আমি সে-বিবরণী পড়েছি ও তাঁর ছবি সেখানে দেখতে পেয়েছি। রবীন্দ্রনাথের জন্মশতবার্ষিক উৎসবে আর্জেনটাইন-ডাকবিভাগ কবির ছবিসহ বিশেষ স্ট্যাম্প প্রকাশ করে ভিক্তরিয়ারই জোরদার প্রস্তাবে। এবং তিনি নির্দেশ দেন, ডাকবিভাগ যেন কবির কোন্ ছবি ছাপা হবে তাই নিয়ে মাথা না ঘামায়। ভারত যে-ছবি ছাপাবে সেটা তিনি কবিপুত্রের কাছ থেকে আনিয়ে ডাকবিভাগকে দেবেন। ডাকবিভাগ মাতার সুপুত্রের মতো তাবৎ নির্দেশ মেনে নেয়। ঐ স্ট্যাম্প খামে স্টেট ভিক্তরিয়া কবিপুত্রকে একখানা চিঠি লেখেন; আমি সেটি দেখেছি। যা বলছিলুম: কাপতানকে ভিক্তরিয়া হুকুম দিলেন কেবিনের দরজা কেটে কেদারা ঢোকাও।* বলে কি ? দ্য ল্যুক্স কেবিনের দেয়াল করাত দিয়ে কেটে তার অঙ্গহানি করা! কাপতান গাইগুই করছে দেখে জাতে দজ্জাল সেই স্পেনিশ বমণী আরম্ভ করলেন ভর্ৎসনা, অভিসম্পাত, কাপতানের আসন্ন পতনের ভবিষ্যদ্বাণী—মুঘলধারার বাক্যবাণে তাকে জর্জরিত করতে। এ ঘটনা স্বয়ং কবি কনফার্ম করেছেন। তিনি পুরো ঘটনাটির বর্ণনা দিতে গিয়ে এস্থলে বলেন, “আমি স্পেনিশ ভাষা জানি নে। কিন্তু ভিক্তরিয়ার সেই জ্বালাময়ী ভাষার কটুবাক্যের রসগ্রহণে আমার কণামাত্র অসুবিধা হয় নি।”

কাপতান পালিয়ে গিয়ে প্রাণ বাঁচায়। বংশরক্ষার জন্য সঙ্গে সঙ্গে জাহাজের মিস্ত্রিকে পাঠিয়ে দেয়।

হয়তো এ ঘটনা মুস্সোলিনির কানে পৌঁছয়। হয়তো তাই এ ঘটনার ছ’ বছর পর গাঁধীজী যখন তাঁর জাহাজে চড়লেন তখন তিনি পালাদসো ভেনেদসিয়া থেকে সেরা সেবা আসবাবপত্র পাঠান।

যে জাহাজে করে গাঁধী দেশে ফেরেন তার এক ইতালীয় স্টুয়ার্ড আমাকে এ কাহিনীটি বলে। আমি তার সবিস্তর বর্ণনা আমার “বড়বাবু” গ্রন্থে “গান্ধীজীর দেশে ফেরা” নাম দিয়ে লিখেছি। এস্থলে সংক্ষেপে সারি।

গাঁধীজী জাহাজে উঠলেন। ভয়ে আধমরা (কারণ নির্মম ডিক্টেটর মুস্সোলিনির কানে যদি খবর পৌঁছয়—গুজোব হোক আর না হোক, লেজেভ হোক আর সত্য ইতিহাসই হোক—যে গাঁধীর পরিচর্যায় ক্রটি-জখম ছিল তা হলে বাবোটা রইফেলেব গুলি খেয়ে তাঁকে যে ওপাবে যেতে হবে সে বিষয়ে তিনি স্থিরনিশ্চয়) তথাপি সর্গর্বে সদস্তে গাঁধীজীকে দেখালেন তাঁর জন্য স্পেশালি রিজার্ভড প্রাসাদসজ্জায় গৌীববদীপ্ত আরাম-আয়েসের ইন্দ্রপুরী সদৃশ্য কেবিনগুলো। গাঁধীজীর অনুবোধে তারপর তিনি তাঁকে দেখালেন বাদবাকি তাবৎ জাহাজ।

* এ কেদারার শেষ ইতিহাস পাঠক পাবেন, কবির সর্বশেষ কাব্যগ্রন্থে “শেষলেখা”তে। এ ঘটনার দীর্ঘ ষোল বছর পরে, কবি তাঁর মৃত্যুর পাঁচ মাস পূর্বে রোগশয্যা়্য সেই কেদারাখানা খুঁজে নিয়ে (ছাপাতে আছে “খুঁজে দেব”—হবে “খুঁজে নেব”) তাব উদ্দেশে একটি মধুব কবিতা লেখেন। “শেষলেখা” কাব্যে ৫নং কবিতা পশ্য।

সর্বশেষে গাঁধী শুধোলেন, সব চেয়ে উপরের খোলা ডেক-এ (ছাতে) যাওয়া যায় কি না?

কাপ্তান সানন্দে তাঁকে সেখানে নিয়ে গেলেন। উন্মুক্ত আকাশের নিচে বিরাট বিস্তীর্ণ ডেক।

গাঁধী বললেন, “আমি এখানে তাঁবু খাটিয়ে বাস করব।”

কাপ্তান বদ্ধ পাগলের মতো হাত-পা ছুঁড়তে ছুঁড়তে গোঙরাতে গোঙরাতে বলল, “অসম্ভব, অসম্ভব, সম্পূর্ণ অসম্ভব। এই ভূমধ্যসাগরে রাতে তাপমাত্রা নামবে শূন্যে। সুয়েজ খাল আর লোহিত সাগরে দুপুরের গরমী উঠবে ১১৪ ডিগ্রি। এমন কর্ম থেকে আপনাকে ঈশ্বর রক্ষতু।”

গাঁধী ঝাড়া তেবোটি দিনরাত্রি কাটিয়েছিলেন উপরে। প্রতি সকালে মাত্র একবার নেমে আসতেন নিচে। প্রার্থনা করতে। সর্বশ্রেণীর প্যাসেনজার নিমন্ত্রিত হতেন। শূন্যে ছি খালাসীরাও বাদ যায়নি।

কিন্তু গাঁধীজীর এই দুই প্রত্যাখ্যানের ভিতব অতলম্পর্শী পাতাল এবং গগনচূষী আকাশের পার্থক্য রয়েছে।

মুসসোলিনির ভেট ছিল আবাম-আয়েস বিশাল-ঐশ্বর্য। গাঁধী যে সেগুলো সবিনয় প্রত্যাখ্যান করবেন সেটা কিছু বিচিত্র নয়। কিন্তু রবি কবি গাঁধীর সামনে ধরেছিলেন সরল, অনাড়ম্বর সৌন্দর্য। কবিবই ভাষায় বলি,

“দুয়ারে এঁকেছি
রক্তরেখায়
পদ্ম-আসন,
সে তোমারে কিছু বলে?”

হায়, বলেনি ॥

মাতৈঃ

বাঙালী সব দিক দিয়েই পিছিয়ে যাচ্ছে, এ রকম একটা কথা প্রায়ই শুনতে পাওয়া যায়। কথাটা ঠিক কিনা, হলপ খেয়ে বলা কঠিন, কারণ দেশ-বিভাগের ফলে তার যে খানিকটে শক্তিক্ষয় হয়েছে সে বিষয়ে তো কোনো সন্দেহই থাকতে পারে না। পার্লামেন্টে যদি আপনার সদস্য সংখ্যা কমে যায় তবে সব-কিছুই কাটতে হয় ধার দিয়ে—ভার দিয়ে কাটার সুযোগ আর মোটেই জোটে না।

দিল্লীতে থাকাকালীন আমি একটি বিষয় নিয়ে কিঞ্চিৎ চিন্তা করেছিলুম। কেন্দ্রে অর্থাৎ ইউ পি এস সি-তে বাঙালী যথেষ্ট চাকরি পাচ্ছে কিনা? এ অনুষ্ঠানের সদস্য না হয়েও যারা এর সঙ্গে সংশ্লিষ্ট তাঁদের বিশ্বাস, বাঙালীর এতে যতখানি কৃতকার্য হওয়া উচিত ততখানি সে হচ্ছে না! একদা বিশেষজ্ঞ হিসেবে আমাকেও সেখানে ডাকা হয়েছিল; আমি তখন চোখকান খোলা এবং ঝাড়া রেখে ব্যাপারটা বুঝতে চেষ্টা করেছিলুম।

দিল্লীতে এখন যারা বসবাস করেন তাঁরা বিলিতি কিংবা বিলিতি-যেঁষা পোশাক

পারেন, ছুরিকাটা দিয়ে খাওয়া প্রচুর বাড়িতে চালু হয়েছে, ইংরিজি আদব-কায়দা, বিশেষ করে ইংরিজি এটিকেট এঁদের কাছে আর সম্পূর্ণ অজানা নয়।

ইউ পি এস সি-র তাবৎ মেম্বারই সায়েবীয়ানা পছন্দ করেন, একথা বলা আমার উদ্দেশ্য নয়, কিন্তু যেখানে যে-আবহাওয়া বিদ্যমান, মানুষ ইচ্ছা-অনিচ্ছায় তার থেকেই প্রাণবায়ু গ্রহণ করে। তাই যদি বাঙালী ছেলের পোশাক ছিমছাম না হয়, চেয়ার টেনে বসার সময় সে যদি শব্দ করে মোকা-মাফিক পার্ডন, থ্যাঙ্কু না বলতে পারে এবং সর্বক্ষণ ঘন ঘন পা দোলায় তবে সদস্যরা আপন অজানতেই যে তার প্রতি কিঞ্চিৎ বিমুখ হয়ে ওঠেন সেটা কিছু আশ্চর্যজনক বস্তু নয়।

কিন্তু আসল বিপদ অন্যত্র। বাঙালী উমেদার ইংরিজিতে ভাব প্রকাশ করতে পারে না। পাঞ্জাবী, হিন্দীভাষী কিংবা মারাঠী যে ইংরিজি বলে সেটা কিছু 'আ-মরি' 'আ-মরি' করবার মতো নয়—বিশেষত পাঞ্জাবী, হিন্দীভাষী ও সিন্ধীদের ইংরিজিজ্ঞান 'শিলিং-শকার' ও 'পেনি-হরার' থেকেই আহরিত। তা হোক কিন্তু এসব বুঝে না-বুঝেই যারা বেশী পড়ে তাদের কথা বলার অভ্যাস হয়ে যায় বেশী, অন্তত 'থাঙ্কু', 'পার্ডন', 'আই এস এফ্রেড' তারা তাগমাফিক লাগিয়ে দিতে কসুর করে না।

এস্থলে ইতিহাসের দিকে এক নজর তাকাতে হয়।

মুসলমান আগমনের পর থেকে ১৮৪০-৪২ পর্যন্ত বাঙলাদেশের ব্রাহ্মণ তথা বৈদ্য সম্প্রদায়ের বিস্তর লোক সংস্কৃত ভাষা ও সাহিত্যে চর্চা কবেন এবং মুসলমান ও কায়স্থরা ফার্সী (এবং কিঞ্চিৎ আববীর) চর্চা করেন। এদেশের বড় বড় সরকারী চাকরি যেমন সরকার (চীফ সেক্রেটারী), কানুনগো (লিগেল রিমেমব্রেন্সাব), বখ্শী (একাউন্টেন্ট জেনারেল—পে মাস্টার) অর্থাৎ এডমিনিস্ট্রেটিভ তাবৎ ডাঙব ডাঙর নোকরিই কবেন কায়স্থরা। ইংরেজের আদেশে এঁরাই কলকাতাতে প্রথম ইংবিজি শিখতে আবস্ত কবেন। বস্তুত ফার্সী তাঁদের মাতৃভাষা ছিল না বলে তাঁরা সেটা অনায়াসে ত্যাগ করে ইংবিজি আরম্ভ করে দিয়েছিলেন—এবং ফলে হাইকোর্টিভ তাঁদের হাতে চলে যায়। ব্রাহ্মণবা আসেন পরে; তাই তাঁরা পেলেন বিশ্ববিদ্যালয়। মুসলমান আসেন সর্বশেষে, তাঁদের কপালে কিছুই জোটেনি।

তা সে যাই হোক, আমরা বাঙালী প্রথমেই সাততাড়াআড়াই ইংরিজি শিখেছিলুম বলে বেহার, উড়িষ্যা, যুক্তপ্রদেশ, মধ্যপ্রদেশ এস্তক সিন্ধুদেশ পর্যন্ত আমরা ছড়িয়ে পড়ি।

এর পর অন্যান্য প্রদেশেও বিস্তর লোক ইংবিজি শিখতে আরম্ভ কবেন এবং ক্রমে ক্রমে আমাদের চাহিদা ও কদর কমতে লাগল, এসব কথা সকলেই জানেন, কিন্তু এর সঙ্গে আরেকটি তত্ত্ব বিশেষভাবে বিজড়িত এবং সেই তত্ত্বটির প্রতি আমি পাঠকের দৃষ্টি আকর্ষণ করতে চাই।

যে দুটি জাতীয় সঙ্গীত ভারতের সর্বত্র সম্মানিত সে দুটিই বাঙলাদেশেই রচিত হয়েছে। স্বাধীনতা সংগ্রাম সর্বপ্রথম আবস্ত হয় বাঙলাদেশেই। এটা কিছু আকস্মিক যোগাযোগ নয়। এর কারণ বাঙালী আপন দেশ ভালোবাসে এবং সে বিদ্রোহী।' দেশকে ভালোবাসলে মানুষ তার ভাবাকেও ভালোবাসতে শেখে।

১ 'বিদ্রোহী' আমি কথ্য কথাকপে বলছি না। বস্তুত বাঙালী যে বিদ্রোহী তার ইতিহাস এখনো লেখা হয়নি। (ক) দোয়াবেব ব্রাহ্মণ্যধর্ম তাকে অভিজ্ঞত করতে পারেনি, ফলে সে সংস্কৃত উচ্চারণ গ্রহণ কবেনি, (খ) বৌদ্ধ-জৈনের নিরামিষ সে গ্রহণ করেনি, (গ) মুসলমান আমলে বাঙলাদেশই সব চেয়ে বেশী লড়াই দিয়েছে কেন্দ্রের বিরুদ্ধে ইত্যাদি বিস্তব বিষয়বস্তু নিয়ে সে ইতিহাস লিখতে হবে।

আশ্চর্য, ইংরিজি ভালো করে আসন জমাবার পূর্বেই বাঙলাদেশে তার বিরুদ্ধে বিদ্রোহ আরম্ভ হয়। (ঠিক সেই রকমই ফার্সী যখন একদা আসন জমাতে যায় তখন কবি সৈয়দ সুলতান আপত্তি জানিয়ে বলেছিলেন,

আম্নায় বলিছে “মুই যে-দেশে যে-ভাষ,
সে-দেশে সে-ভাষে করলুম রসুল প্রকাশ।”
“যারে যেই ভাষে প্রভু করিল সৃজন।
সেই ভাষা তাহার অমূল্য সেই ধন॥”)

এবং আরও আশ্চর্যের বিষয়, সে বিদ্রোহের কাণ্ডারী ছিলেন সে যুগেব সবচেয়ে বড় ইংরিজি (ফরাসী, লাতিন, গ্রীক) ভাষার সুপণ্ডিত মাইকেল। কাজেই যদিও সে উইলসেন, কেশবসেন ও ইস্টিসেন এই তিন সেনের কাছে জাত দিয়ে ছুবি কাঁটা ধরতে শিখল (আজ যা দিল্লীতে বড়ই কদর পাচ্ছে) তবু সঙ্গে সঙ্গে ওর বিনাশের চারাকে জল দিয়ে বাঁচাতে আরম্ভ করলো। এটাকে বাঙালীর স্বর্ণযুগ বলা যেতে পারে। এসময় সে গাছেরও খেয়েছে, তলারও কুড়িয়েছে।

দ্বিতীয় বিশ্বযুদ্ধের সময়ই চোখে পড়ল, বাঙালী প্রথম বিশ্বযুদ্ধের সময় ইংরিজি বইয়ের আমদানি বন্ধ হয়ে যাওয়ায় যে রকম কাতর হয়ে পড়েছিল এবার সে সে-রকম হাঁসফাঁস করলো না। স্বরাজ লাভের সঙ্গে সঙ্গে দেখা গেল, বাঙালী ইংরিজি ভাষা, আচার-ব্যবহার, কায়দা-কেতা থেকে অনেক দূরে চলে গিয়েছে এবং ফলে দিল্লীতে আর কক্ষে, সরি, সের্ভিয়েট—পায় না।

তর্ক করে, দলিল-দস্তাবেজ দিয়ে সপ্রমাণ করতে হলে ভূরি ভূরি লিখতে হবে।

তা না হয় লিখলুম, কিন্তু পড়বে কে? তাই সংক্ষেপে বলি।

পৃথিবীর সভ্যসভ্য কোনো দেশই বিদেশী ভাষা দিয়ে বেশী দিন কারবার চালায় না। আজকের দিনে তো নয়ই। ফার্সী এদেশে ছ’শ বছর ধরে রাষ্ট্রভাষা ছিল—আমরা একে চিরস্তনী ভাষা বলে গ্রহণ করিনি।

তাই হিন্দী, গুজরাতী, মারাঠীওলারাও একদিন ইংরেনি বর্জন করে আপন আপন মাতৃভাষায় কাজ-কারবার করতে গিয়ে দেখবেন, আমরা বাঙালীরা অনেক দূরে এগিয়ে গিয়েছি, মেঘে মেঘে বেলা হয়ে গিয়েছে—কারণ অনেক পূর্বে আরম্ভ করেছিলুম। তখন যখন কেন্দ্রে আপন আপন মাতৃভাষায় পরীক্ষা দিতে হবে তখন আবার আমরা সেই যুগে ফিরে যাব, যখন একমাত্র বাঙালীই ইংরিজি জানত। হিন্দী কখনো ব্যাপকভাবে বাধ্যতামূলক হবে না, আর হলেও বাঙালীকে যেমন মাতৃভাষার উপর হিন্দীতে পরীক্ষা দিতে হবে, হিন্দীওলাকে হিন্দী ভিন্ন অন্য একটি ভাষায় পরীক্ষা দিতে হবে। অমাতৃভাষা অমাতৃভাষায় কাটাকাটি গিয়ে রইবে বাঙলা বনাম হিন্দী। তাই অবস্থা একই দাঁড়াবে—আমরা এগিয়ে যাব।

তাই মাইভঃ।

হিটলারের শেষ প্তেম

১৯৪৫ খ্রীস্টাব্দের ১লা মে রাত দশটার সময় হামবুর্গ বেতার কেন্দ্র তার উচ্চাঙ্গ সঙ্গীত প্রোগ্রাম হঠাৎ বন্ধ কবে দিয়ে ঘোষণা করলো—

“আমাদের ফ্যুরার আডলফ হিটলার বীরের ন্যায় মৃত্যুবরণ করেছেন।”

যে-সময়ে এ নিদারুণ ঘোষণাটি করা হয়, তখন প্রোগ্রামমাফিক কথা ছিল, “ইদুর ধ্বংস করার উপায়।” এই নিয়ে হিটলার-বৈরীরা এখনো ঠাট্টা-মস্করা করেন।

যেসব জার্মান বেতার-ঘোষণাটি শুনেছিল, তাদের অনেকেই যে বিরাট শক্ পেয়েছিল, সে নিয়ে আলোচনা নিষ্প্রয়োজন। এদের অনেকেই সরলচিন্তে বিশ্বাস করতো, আশা রাখতো—যে হিটলার ক্রমাগত পঁচিশ বৎসর বহু উৎকৃষ্ট সংকটে যেন ভাগ্যবিধাতার অদৃশ্য অঙ্গুলি সংকেতে, অবলীলাক্রমে বিজয় পতাকা উড্ডীয়মান করে সে-সব সংকট উদ্ভীর্ণ হয়েছেন এবারেও তিনি আবার শেষ মোক্ষম ভেঙ্কিবাজি দেখিয়ে তাবৎ মুশকিল আসান করে দেবেন। তার অর্থ; যে সব রুশ সৈন্য বার্লিন অবরোধ করেছে তারা স্বয়ং হিটলার-চালিত আক্রমণে খাবে প্রচণ্ডতম মার, ছুটেবে মুক্তকচ্ছ হয়ে মস্কো বাগে। সঙ্গে সঙ্গে মার্কিন ইংরেজ সৈন্যও পড়ি-মরি হয়ে ফিরে যাবে আপন আপন দেশে। রাহুমুক্ত ফ্যুরার—পঞ্চপ্রদর্শক সর্বোচ্চ নেতা পুনরায় ইয়োরোপময় দাবড়ে বেড়াবেন।

এরা যে মোক্ষম শক্ পেয়েছিল সে তো বোঝা গেল। কিন্তু তার চেয়েও মোক্ষমতব শক্ পেল কয়েকদিন পর যখন বেতার ঘোষণা করলে, হিটলার আশ্চর্যত্যা করার পনেরো ঘণ্টা পূর্বে এফা ব্রাউন নামক একটি কুমারীকে বিয়ে করেন। কারণ, জার্মানির দশ লক্ষের ভিতর মাত্র একজন হয়তো জানতো যে, হিটলারের একটি প্রণয়িনী আছেন এবং তাঁর সঙ্গে তিনি স্বামী-স্ত্রীরূপে বছর বারো-তেরো ধরে জীবনযাপন করছেন। নিত্যন্ত অন্তবঙ্গ যে কয়েকজন এই “গুপ্তি প্রেমের” খবর জানতেন, তাঁরা এ-বাবদে ঠোঁট সেলাই করে কানে ক্লরফর্ম ঢেলে পুরো পাক্কা নিশ্চূপ থাকতেন। কারণ হিটলারের কড়া আদেশ ছিল, তাঁর এই গুপ্তিপ্রেম সন্মুখে যে-কেউ খবর দেবে বা গুজব রটাবে, তিনি তার সর্বনাশ করবেন। তার কারণও সরল। তাঁর প্রপাগান্ডা মিনিস্টার গ্যোবেল্‌স্‌ দিনে দিনে বেতাবে খবরের কাগজের মারফতে হিটলারের যে মূর্তি গড়ে তুলেছিলেন (আজকের দিনের ইংরেজিতে “তার যে ‘ইমেজ’ নির্মাণ করেছিলেন”) সেটি সংক্ষেপে এই : হিটলার আজীবন ব্রহ্মচারী, তাঁর ধ্যানধারণাসাধনা সর্বশক্তি তিনি নিয়োগ করেন একমাত্র জার্মানি বঙ্গলসাধনে। হিটলার স্বয়ং অন্তবঙ্গ জনকে একাধিকবার বলেছেন, “জার্মানিই আমার বঁধু (বাগদত্তা দয়িতা)। এমন কি তিনি তাঁর আত্মীয়-স্বজনেরও তদ্ভূতাবাশ করেন না। এটা সত্য, এ নিয়ে কোন ঢাক ঢাক গুড় গুড় ছিল না। গোড়ার দিকে তিনি তাঁর বিধবা একমাত্র সৎদিদিকে মিউনিকের নিকটবর্তী তাঁব বের্বেটেশগার্ডেনের বাড়ি বের্গহফে গৃহকর্ত্রী রূপে রাখেন। কিন্তু কিছুকালের মধ্যে সে বাড়িতে এসে পৌঁছলেন এফা ব্রাউন। যা আকছাবই হয়—ননদিনী ঠাকুরঝির সঙ্গে লাগল কোঁদল। হিটলাবের অন্যতম বন্ধু বলেন, এস্থলে আরও আকছারই যা হয় তাই হল। পুরুষমানুষ, তায় হিটলারের মতো কর্মব্যস্ত পুরুষ, এ-সব মেয়েলী কোঁদলে কিছুতেই প্রবেশ করে একটা ফৈসলা করে দিতে সম্পূর্ণ নারাজ। তিনি চূপ করে বসে “যাত্রাগান দেখলেন”—অবশ্য অতিশয় বিরক্তিতে। ‘শেষটায়ে দিদিই হার মানলেন। হিটলার-ভবন ত্যাগ করে মিউনিকে আপন একটি ছোট্ট বাড়িতে আশ্রয় নিলেন। হিটলার এরপব তাঁকে আব কখনো তাঁব নিজের বাড়িতে নিমন্ত্রণ করেননি। তার কিছুদিন পর সৎদিদি দ্বিতীয় বিবাহ করেন। হিটলার এটাতে ভয়ঙ্কর চটে যান। কেন, তা জানা যায়নি। বিবাহ-উৎসবে উপস্থিত তো হলেনই না, সামান্য একটি প্রেজেন্টও পাঠালেন না। উভয়ের মধ্যে ফেগসূত্র চিরতরে সম্পূর্ণ ছিন্ন হল।

হিটলারের আপন মায়ের পেটের একটি সুন্দরী বোনও ছিল। তাঁকেও তিনি একবার তাঁর বাড়ি বেগহফে নিমন্ত্রণ করেন। কিন্তু তিনি ঐ বাড়িই আরাম আয়েসে এতই সুখ পেলে যে, কাটালেন মাত্রাতিরিক্ত দীর্ঘকাল। হিটলার বিরক্ত হলেন এবং শেষ পর্যন্ত বোনের বিদায় নেওয়ার পর তাঁকে আর কখনো নিমন্ত্রণ জানাননি। এ নন্দীর সঙ্গে এফা ব্রাউনের কলহ হয়েছিল কিনা সে বিষয়ে ঐতিহাসিকবা নীরব। ভাইবোন বলতে ইনিই হিটলারের একমাত্র মায়ের পেটের বোন। তাঁর বিখ্যাত ভ্রাতা আডলফ হিটলারের মৃত্যুর পরও অবহেলিত এই বোন কয়েক বৎসর বেঁচে ছিলেন।

এই আপন বোন ও পূর্বে বর্ণিত সেই সংদিদি ছাড়া হিটলারের ছিলেন একটি বৈমাগ্রেয় জ্যেষ্ঠভ্রাতা, ঐ সংদিদির বড় ভাই। নানা দেশে বহু কর্মকীর্তি করার পর ইনি এলেন বার্লিনে—তাঁর সৎভাই জর্মনির কর্ণধার হয়েছেন খবর শুনে। নাৎসি পার্টির দু-একজনকে চিনতেন বলে তাঁদের কৃপায় পারমিট যোগাড় কবে খুললেন বার্লিনের উপকণ্ঠে একটা মদের দোকান—বার। পার্টি-মেম্বাররা সেখানে যেতেন তো বটেই, তদুপরি বিশেষ করে সেখানে ছম্ভোড় লাগাতেন দুনিয়ার যত খবরের কাগজের রিপোর্টাব। ওনাদের মতলব, হিটলারের বাল্যজীবন সম্বন্ধে তস্য অগ্রজ ভ্রাতার কাছ থেকে গোপন তথ্য, রসালো চুটকিলা সংগ্রহ করে আপন আপন কাগজে টকঝাল পরিবেশন করা।

কিন্তু ভ্রাদার আলওয়া হিটলার ছিলেন ঝাণ্ডু গুঁড়ি। পাছে তাঁর কোনো বের্ফাস কথা কনিষ্ঠ ফ্যুরাব আডলফের কানে পৌঁছে যায় এবং তিনি চটেমটে তাঁর মদের দোকানের পাবমিটাট নাকচ করে দেন সেই ভয়ে তিনি ফ্যুরার সম্বন্ধে একটি মাত্র কথা বলতে রাজি হতেন না। অনুজ যে কারণে-অকারণে ফাযার হয়ে যান সেটা বড় বেরাদার বিলক্ষণ জানতেন।...হিটলারও তাঁর সম্বন্ধে কখনো কোনো কৌতুহল দেখাননি।

পূর্বেই বলেছি, হিটলার দাদা দিদি বোনের সঙ্গে তাঁর যে কোনো প্রকারের সম্পর্ক ছিল না, সেটা দিদি বোনের পাড়াপ্রতিবেশী সখাসখী সবাই জানতেন। তাঁরাও সেটা আব পাচজনকে বলতেন। “আহ! ফ্যুরার জর্মনির ভবিষ্যৎ নিয়ে এমনই আকর্ষণ নিমগ্ন যে তিনি তাঁর আত্মীয়-স্বজন সম্বন্ধেও অচেতন।” ক্রমে ক্রমে, গ্রামে গ্রামে সেই বার্তা রটি গেল ক্রমে “মৈত্র মহাশয় যাবে সাগব-সঙ্গমে”, এ-স্থলে জর্মনিরও নগরে নগরে গ্রামে গ্রামে সংবাদটি বটে গেল, আবাল্য ব্রহ্মচারী জিতেন্দ্রিয় প্রভু হিটলার তাঁর সব আত্মজনকে বিসর্জন দিয়ে একমাত্র জর্মনির জন্য আত্ম-বিসর্জন দিচ্ছেন।

প্রপাগান্ডা মন্ত্রী গ্যোবেলস্ টিক এইটেই চাইছিলেন। তিনি সেই শুজবের দাবান্নিতে দিলেন ঘন ঘন কুলোর বাতাস। দেশ-বিদেশে ছড়িয়ে পড়ুক এ ‘সত্য তত্ত্ব’। বিশ্বজন আগেব থেকেই জানতো, হিটলারের জীবনধারণ পদ্ধতি ছিল চার্চিল এবং স্তালিন থেকে সম্পূর্ণ ভিন্ন। চার্চিলেব মুখে জাগ্রতাবহায় সর্বক্ষণ অ্যামোটা সিগার এবং বেলা-অবেলায় এক পেট খাঁটি স্কচ হইক্কি। স্তালিনেব ঠোটেও তদ্বৎ—তবে সিগারের বদলে খাঁটি রাশান পাপিরসি (সিগারেট) এবং স্বচের বদলে তিনি অষ্টপ্রহব পান কবতেন, হইক্কির চেয়েও কড়া মাল ভোদকা শরাব। দুজনাই সর্ববিধ গোস্ত গব গব করে গিলতেন। পক্ষান্তরে হিটলার ধূস্র এবং মদ্যপান করতেন না এবং তিনি ছিলেন ভেজিটারিয়ান। কাজেই তাঁকে জিতেন্দ্রিয় ব্রহ্মচারীরূপে বিশ্বজনের সম্মুখে তুলে ধরতে ডঃ গ্যোবেলসের কল্পনার আশ্রয় অত্যধিক নিতে হয়নি।

হিটলারের মৃত্যুসংবাদ জার্মান জনগণকে যে শক্ দিয়েছিল, তারপর তারা যে মোক্ষমতর শক্ পেল তার সঙ্গে এটার কোনো তুলনাই হয় না।

যুদ্ধ-শেষে কয়েক দিন পর (মে ১৯৪৫) যে রুশ সেনাপতি জুকফ্ বার্লিন অধিকার করেন তিনি প্রচার করলেন, আত্মহত্যা করবার পূর্বে হিটলার তাঁর এ রক্ষিতাকে বিয়ে করেন।

সর্বনাশ! বলে কি! সেই জিতেজ্রিয় ব্রহ্মচারী যিনি

“দারাপুত্র পরিবার

কে তোমার তুমি কার?”

কিংবা “কা তব কান্তা কস্তে পুত্রঃ” ধ্যানমন্ত্রস্বরূপ গ্রহণ করে সুদীর্ঘ পঞ্চবিংশ বৎসর জার্মানির জন্য বিনিদ্র ত্রিয়ামা যামিনী যাপন করলেন তিনি কিনা শেষ মুহূর্তে ক্ষুদ্র হৃদয়দৌর্বল্যবশত “ধর্মচ্যুত” হয়ে বিবাহ করলেন একটা “রক্ষিতাকে”! এ যে মস্তকে সর্পদংশন।

আজ যদি শুনতে পাই (এবং এটা অসম্ভব তথা আমি মাপ চেয়ে নিয়ে বলছি) যে-ডিউক অব উইনজার তাঁর দয়িতার সঙ্গে পরিপূর্ণ মিলনার্থে অবহেলে ইংলন্ডের সিংহাসন ত্যাগ করেন, তিনি তাঁর সেই বিবাহিতা পত্নীকে ত্যাগ করে প্যারিসের কোনো গণিকালয়ে আশ্রয় নিয়েছেন তবে কি সেটা পয়লা ধাক্কাতেই বিশ্বাস করবো?

জার্মানির জনসাধারণ প্রথমটায় এ সংবাদ বিশ্বাস করতে চায়নি।

কিন্তু ব্যাপারটা তখন দাঁড়িয়েছে এই : যতক্ষণ ম্যাজিশিয়ান তাব ভানুমতী খেল দেখায় ততক্ষণ দর্শক বেবাক নির্বাক হয়ে তাই দেখে, কিন্তু যে-মুহূর্তে বাজিকব “গুড নাইট” বলে অন্তর্ধান করে তন্মুহূর্তেই আরম্ভ হয় বিপুল কলবব। কী করে এটা সম্ভব হল, কী কবে ওটা সম্ভব হল?—তাই নিয়ে তুমুল বাকবিতণ্ডা! এবং দু’একটি লোক যাবা ম্যাজিকের সঙ্গে কিছু কিছু পরিচিত তারা অল্পবিস্তর পাকা সমাধানও তখন দেয়।

এস্থলেও তাই হল। হিটলার ম্যাজিশিয়ান যখন তাঁর শেষ খেলা দেখিয়ে ইহলোক থেকে অন্তর্ধান করলেন তখন আরম্ভ হল তুমুলতর অট্টরোল। এবং এস্থলেও যাঁরা হিটলারের অন্তরঙ্গজন—হিটলারী ম্যাজিকের অর্থাৎ এফা ব্রাউনের সঙ্গে তাঁর সম্পর্ক সম্বন্ধে অল্পবিস্তর জানতেন—তাঁরা এ-বাবদে ঈষৎ ছিটেফোঁটা ছাড়তে আবস্ত করলেন। এঁদের কাহিনী অবিশ্বাস করার উপায় ছিল না।

ইতিমধ্যে হিটলারের খাস চিকিৎসক ডাক্তার মরেল ধরা পড়েছেন। এক প্রশ্নের উত্তরে তিনি যা বলেন সেটা আমাদের ভাষায় বলতে গেলে, “হেঁ হেঁ হেঁ হেঁ—এফা ব্রাউন আর হিটলার একসঙ্গে বাস কবতেন বই কি—হেঁ হেঁ হেঁ হেঁ—এবং কিছু-একটা হত হয়তো—হেঁ হেঁ হেঁ হেঁ।”

এ সময় হিটলারের উইল দলিলাটি আবিষ্কৃত হয়। এটি তিনি তাঁর বিবাহের পরমুহূর্তেই ডিকটেট করে টাইপ করান এবং আপন স্বাক্ষর দেন। তাত্ত অন্যান্য বক্তব্যের ভিতর আছে :

“যদ্যপি আমার সংগ্রামের সময় বিবাহ এবং তজ্জনিত দায়িত্ব গ্রহণ করার মতো আস্থা আমার ছিল না, তথাপি এখন, আমার মৃত্যুর পূর্বে আমি মনস্থির করে একটি রমণীকে বিবাহ করছি। আমাদের ভিতর ছিল বহু বৎসরের বন্ধুত্ব (ফ্রেন্ডশিপ—জার্মনে

ফ্রয়েন্টশফট) এবং বার্লিন যখন চতুর্দিক থেকে শত্রুসৈন্য দ্বারা পরিবেষ্টিত তখন তিনি সম্পূর্ণ স্বেচ্ছায় আমার অদৃষ্টের অংশীদার হবার জন্য এখানে এসেছেন। তিনি সম্পূর্ণ স্বেচ্ছায় আমার স্বীকৃতি আমার সঙ্গে মৃত্যুবরণ করবেন। আমি জনসেবায় নিয়োজিত ছিলাম বলে যে ক্ষতি হয়েছিল (অর্থাৎ একে অন্যের সঙ্গসুখ থেকে বঞ্চিত হয়েছিলুম—অনুবাদক) তার ক্ষতিপূরণ এর দ্বারা হবে।”^১

এই এফা ব্রাউন রমণীটি কে?

আমি ইতিপূর্বে ‘হিটলারের শেষ দশ দিবস’ তথা ‘হিটলারের প্রেম সম্বন্ধে নাতিদীর্ঘ প্রবন্ধ লেখার সময় উল্লেখ করি যে আমার জানামতে হিটলার তাঁর জীবনে সবসুদ্ধ $\frac{1}{2} + \frac{1}{2} =$ দুইবার ভালোবেসেছিলেন। প্রথম হাফ প্রেমকে ইংরাজিতে ‘কাফ লভ’ বলে। বাছুরের মতো ড্যাবডেবে চোখে দখিতাব দিকে তাকানো আর উদ্ভ্রান্ত প্রেমের মতো গোপনে দীর্ঘশ্বাস ফেলা—বাঙাল দেশে যাকে বলে খুরে মরা। কারণ হিটলার তাঁর হৃদয়েশ্বরীর সঙ্গে কখনো সাহসভরে আলাপচারী তো করেনইনি, এমন কি চিঠিপত্রও লেখেননি। হিটলার তখন ইংরাজিতে যাকে বলে ‘টিন এজার’। এ-প্রেমটাকে সত্যকার রোমান্টিক প্রাতনিক প্রেম বলা যেতে পারে।

এর প্রায় বাইশ বৎসর পরে, যৌবনে, হিটলার পুরো-পাক্কা ভালোবেসেছিলেন গেলী রাউবাল নামক এক কিশোরীকে। এটিকে আমি পুরো এক নম্বব দিয়ে পূর্বোন্নিখিত “হিটলারের প্রেম” প্রবন্ধ রচনা কবি। এটি স্থান পেয়েছে মল্লিখিত ‘রাজা উজির’ পুস্তকে। এ-অধম পারতপক্ষে কাউকে কখনো আমার নিজেব লেখা পড়াব সলা-উপদেশ দেয় না, তবে যাঁরা বগবগে রোমান্টিক প্রেমের গল্প ছাড়া অন্য রচনা পড়তে পারেন না, তাঁরা এটি পড়ে দেখতে পারেন।

এই কিশোরী আত্মহত্যা করবেন। হিটলারও হয়ত সেই শোকে আত্মহত্যা করতেন যদি না তাঁর কতিপয় অন্তরঙ্গ বন্ধু—তাঁর ফোটোগ্রাফার বন্ধু, হফমান প্রধানত—যদি তাঁকে শব্দার্থে তিন দিন তিন রাত্রি চোখে চোখে রাখতেন।

এই দুটি— $\frac{1}{2} + \frac{1}{2}$ প্রেম হয়ে যাওয়ার পর হিটলার আরেক $\frac{1}{2}$ প্রেমে পড়েন—জীবনে শেষবাবেব মতো। এফা ব্রাউনের সঙ্গে। এটাকে আমি হাফ প্রেম বলছি এই কারণে যে, আজ পর্যন্ত উভয়ের কোনো অন্তরঙ্গজনই এঁদের ভিতর সঠিক কি সম্পর্ক ছিল সেটা পবিষ্কারভাবে বুঝিয়ে বলতে পারেননি। এফা ছিলেন অতিশয় নীতিনিষ্ঠ মধ্যবিস্ত ভদ্রঘবের কুমারী। হিটলার ভিন্ন অন্য কোন পুরুষের প্রতি তিনি কদাচ আকৃষ্ট হননি। যে-রমণী তাব দখিতেব সঙ্গে সহমরণ বরণ করার জন্য স্বেচ্ছায় শত্রুবেষ্টিত পুরীতে প্রবেশ করে তাকে “বক্ষিতা”^১ আখ্যা দিলে নিশ্চয়ই তাব প্রতি অবিচার করা হয়।

পক্ষান্তরে এ-তর্কটিও নিষ্ঠুর সত্য যে হিটলার সুদীর্ঘ বাবো বৎসর ধরে এফাকে বিয়ে করতে রাজী হননি। তিনি অবশ্য তাব জন্য একাধিক যুক্তি দেখিয়েছেন। সেগুলো বিশ্বাস করা-না-কবা ব্যক্তিগত অভিজ্ঞতা ও রুচির উপর নির্ভব করে। আমার মনে হয় তাব সব কটা ভুলো নয়। এবং হিটলার সর্বদাই এ-জাতীয় আলোচনার সর্বশেষে মধুরেণ সমাপয়েৎ

^১ বৈদিক যুগে আমাদের ভিতর সহমরণ প্রথা প্রচলিত ছিল কি না, তাব সমাধান এখানে হয়নি। এছলে লক্ষণীয় হিটলার নিজেবে, আর্থ বলে গ্লাঘা অনুভব কীবতেন। তাই হয়তো প্রথমে কিছুটা আপত্তি জানানোব পব এই সতীদাহে সম্মত হন। পাঠক এ-নিয়ে চিন্তা কবতে পাবেন।

করে বলতেন, “জর্মনি ইজ মাই ব্রাইড” = জর্মনি আমার (জীবনমরণের) বধু। এরই ইঙ্গিত তিনি দিয়েছেন, তাঁর শেষ উইল-এ।

অতএব এফা না ছিলেন হিটলারের রক্ষিতা, না ছিলেন তাঁর বিবাহিতা স্ত্রী। সর্ব ঐতিহাসিক তাই বলেছেন, ‘এ মোস্ট আনডিফাইন্ড স্টেট’—অর্থাৎ এঁদের ভিতর ছিল এমন এক সম্বন্ধ যেটা কোনো সংজ্ঞার চৌহদ্দীতে পড়ে না।

হিটলারের সঙ্গে এফার প্রথম পরিচয় হয় ১৯৩২ খ্রীস্টাব্দে। বাঘা ঐতিহাসিক (যদ্যপি আমার বিচারে তিনি ট্রেভার রোপার, বুলক, নামিরের ইত্যাদির কাছেই আসতে পারেন না) শয়রার—যাঁর নাৎসিদের সম্বন্ধে বিরাট ইতিহাসের উপর নির্ভর করে নির্মিত একটা অতিশয় রসকবহীন ফিল্ম ১৯৬৯-এর গোড়ার দিকে কলকাতা তক পৌঁছেছিল—ইনি বলছেন, যে গেলী রাউবালের সঙ্গে হিটলারের প্রণয় হয় তাঁর আত্মহত্যার এক বা দুই বৎসর পর হিটলারের সঙ্গে এফা ব্রাউনের পরিচয় হয়। এ তথ্যটা সম্পূর্ণ বিশ্বাস্য নয়। কারণ একাধিক ঐতিহাসিক বলেন আত্মহত্যা কবার কয়েক দিন পূর্বে গেলী তার মামা (সম্পর্কে) হিটলারের স্যুট সাফসুৎরো করার সময় পকেটে হিটলারকে লিখিত এফা ব্রাউনের একখানা ‘প্রেমপত্র’ পেয়ে যায়। গেলী আত্মহত্যা কবার পব তার মা বলেন, এই চিঠিই গেলীকে আত্মহত্যার দিকে শেষ ঠেলা দেয়,—অবশ্য একথা কারুর কাছেই অবিদিত ছিল না গেলীর মা এফাকে এমনই উৎকট ঘৃণা করতেন যে পারলে তার চোখ দুটো ছোবল মেরে তুলে নিয়ে, বোস্ট করে তাঁর প্যারা কুকুরকে খেতে দিতেন।

গেলী হয়তো চিঠিখানা পেয়েছিল কিন্তু সে-চিঠি যে তার হৃদয়ে কোন প্রতিক্রিয়া সৃষ্টি করেছিল সে বিশ্বাস আমার হয় না। কারণ গেলীকে যিনি সবচেয়ে বেশী চিনতে-সেই হফ্‌মান বলেছেন, গেলী ভালবাসত ভিয়েনাবাসী এক কলেজের ছোকরাকে, সে প্রকৃতপক্ষে কখনো তার মামার প্রেম নিবেদনের প্রতিদান দেয়নি। তদুপরি আরেকটি কথা আছে, হিটলাব তখন গেলীর প্রেমে অর্ধোন্মাদ। এফার সঙ্গে এমনি গভানুগতিক আলাপ হয়েছে। সে মজে গিয়ে হিটলারকে প্রেমপত্র লিখেছে—তরুণীরা আকছারই এ-রকম করে থাকে—এবং হিটলাব এ-ধরনের চিঠি পেতেন গণ্ডায় গণ্ডায় এবং নিশ্চয়ই এফার এ চিঠি সিরিয়াসলি নেননি।

হিটলারের সঙ্গে এফার প্রথম পরিচয় হল হিটলার-সখা ফোটাগ্রাফার হফ্‌মানের স্টুডিয়োতে। মধ্যবিস্ত সমাজের কুমারী কন্যা যতখানি লেখাপড়া কবে সেইটে সেয়ে তিনি হফ্‌মানের স্টুডিয়োতে অ্যাসিস্টেন্টের কর্ম নেন। তাঁর কাজ ছিল, খদ্দেরদের সঙ্গে কথাবার্তা বলা এবং ডার্করুমে কিছুটা সাহায্য করা। সেই সূত্রে হফ্‌মান নিত্যন্ত প্রফেশনালি হিটলারের সঙ্গে এফার আলাপ কবিয়ে দেন।

হিটলারের কৈশোর ও প্রথম যৌবন কাটে ভিয়েনা নগরে। সে নগরের নাগরিকরা ডানসিং, ফ্লার্টিং, প্রণয়-মিলন, পরকীয়া শিভালরিতে অনায়াসে প্যারিসেব সঙ্গে পাল্লা দেয়। হিটলারও রমণীসঙ্গ খুবই পছন্দ করতেন। জর্মনির সর্বময় কর্তা হওয়ার পর তিনি তাঁর অন্তরঙ্গজনকে একাধিকবার গল্পচ্ছলে বলেছেন, “এসব বড় বড় হোটেলের গাড়ায়ালারা যে পুরুষ ওয়েটার রাখে তার মত ইডিয়টিক আর কী হতে পারে! এটা তো জলের মত স্বচ্ছ যে সুন্দরী যুবতী ওয়েট্রেস রাখলে ঢের ঢের বেশী খদ্দের জুটেবে। আমার জীবনে ট্রাজেডি যে রাস্ট্রের প্রধান হিসেবে যখন আমি কোন স্টেট-ব্যাঙ্কয়েটে বসি,

আমাকে বাধ্য হয়ে ডাইনে এবং বাঁয়ে বসাতে হয় এই বৃত্তী-হাবড়ীকে। কারণ তাঁদের স্বামীরা দুই বৃড়া-হাবড়া রাষ্ট্রমন্ত্রী বা ভিন্ন রাষ্ট্রের রাষ্ট্রপতি...ওঃ, সে কি গব্বষত্বশা! খুশ-এখতেয়ার থাকলে তার বদলে আমি যে-কোনো অবস্থায় ছোট্ট একটি নাম-না-জানা ওয়েট্রেসের সঙ্গে (মেয়েদের বেতন কম বলে কণ্টিনেন্টে ছোট রেস্টোরাঁই ওয়েট্রেস রাখে) দু'দশ রসালাপ করতে করতে না হয় সামান্য ডাল-ভাতই (ওদেশের ভাষায় দুই পদী খানা) খাবো—জাহান্নামে যাক স্টেট-ব্যাঙ্কয়েটের বাহাদুর-পদী কোর্মা-কালিন্স বিরয়ানি-তন্দুরী (ওদের ভাষায় শ্যাম্পেন কাভিয়ার ইত্যাদি ইত্যাদি)।”

তাই হিটলারের অ্যারোপ্পেনে রাখা হত খাবসুরং ছরী, স্টুয়ার্ডেস। কিন্তু এ-কথা সবাই বলেছেন, হিটলার উচ্ছ্বল চরিত্রের লোক ছিলেন না।

এস্থলে নাগর পাঠককে সবিনয় নিবেদন করি, এফা ব্রাউন ছিলেন সত্যসত্যই চিত্তহারা অসাধারণ সুন্দরী। কিশোরী-যুবতীর সেই মধুর সঙ্গমস্থলে। কিন্তু এ-বেরসিক লেখক নারী-সৌন্দর্য বর্ণনে এযাবৎ বিশেষ সুবিধে করতে পারেনি বলে নাগর রসিক পাঠককে এস্থলে সে-রস থেকে সে বঞ্চিত করতে বাধ্য হল।

এফা সুন্দরী তো ছিলেনই তদুপরি স্টুডিয়োতে যে-সব খানদানী বিস্তাশালিনী তরুণী যুবতী ছবি তোলাতে আসতেন, এফা তাদের আচার-আচরণ থেকে অনেক কিছু শিখে নিয়েছিলেন। বিশেষ করে তাদের বেশভূষা এবং অলঙ্কারাদি... পরবর্তীকালে যখন তাঁর অর্থের কোনই অভাব ছিল না তখনো তাঁর বেশভূষাতে রুচিহীন আড়ম্বরতিশয্য প্রকাশ পায়নি। তাঁর অর্থবৈভব শুধু একটি অলঙ্কারে প্রকাশ পেত। তাঁর বাঁ হাতে বাঁধা থাকত মহার্ঘ বিরল হীবেতে বসানো একটি ছোট্ট রিস্টওয়াচ। জর্মনির মত দেশের ফ্যুরার যদি থিয়াকে তাঁর জন্মদিনে একটি হাতঘড়ি উপহার দেন, তবে সেটি কি প্রকারের হবে, সেটা কল্পনা করার ভার আমি বিস্তাশালী পাঠকদের হাতে ছেড়ে দিচ্ছি।

গোড়ার দিকে হিটলার এফাকে খুব বেশী একটা লক্ষ্য করেননি।

এদিকে গেলীর মৃত্যুর পর হিটলারের জীবন বড়ই নিঃসঙ্গ হয়ে পড়ল।

সখা হফমান তখন তাঁর চিত্তবিনোদনের জন্য সুযোগ পেলে হিটলারের প্রিয় অবসর যাপন পদ্ধতি অবলম্বন করতেন। হিটলারকে নিয়ে যেতেন মিউনিকের আশপাশের হ্রদবনানীতে পিকনিকে। সঙ্গে থাকতেন হফম্যানের স্ত্রী, ফোটো স্টুডিয়ার দু-একজন কর্মচারী এবং এফা ব্রাউন।

ক্রমে ক্রমে হিটলার শ্রীমতী এফা ব্রাউনের প্রতি আকৃষ্ট হতে লাগলেন।

এর পর দেখা গেল, হফম্যান যদি পক্ষাধিককাল কোন পিকনিকের ব্যবস্থা না করতেন তবে স্বয়ং হিটলার তাঁর ফ্ল্যাটে উপস্থিত হয়ে বলতেন, “হেঁ হেঁ এদিক দিয়ে যাচ্ছিলুম, তাই আপনার এখানে টু মারলুম।” তারপর কিঞ্চিৎ ইতিউক্তি করে বলতেন, “যা ভাবছিলুম...একটা পিকনিকের ব্যবস্থা করলে হয়, আপনারা তো আছেনই, আর হেঁ হেঁ ঐ ফ্রলাইন ব্রাউনকে সঙ্গে নিয়ে এলেও মন্দ হয় না,—কি বলেন?”

তখনো হিটলার এফাব প্রেমে নিমজ্জিত হননি—এবং কখনও হয়েছিলেন কি না, সে-বাবদে আমার মনে গভীর সন্দেহ আছে। পরবর্তী কাহিনী পড়ে সুচতুর—অন্তত আমার চেয়ে চতুর—পাঠক-পাঠিকা প্রেম বাবদে আপন আপন অভিজ্ঞতা-প্রসূত কূটবুদ্ধি দ্বারা আপন আপন সূচিস্তিত এবং/কিংবা সহৃদয় অভিমত নির্মাণ করে নিতে পারবেন।

ইতিমধ্যে কিন্তু শ্রীমতী এফা হিটলার প্রেমের অন্তলাভ সমুদ্রের গভীর থেকে গভীরতরে বিলীন হচ্ছেন। আর হবেনই না কেন? যদিপি হিটলার তখনো রাষ্ট্রনেতা হননি, তথাপি তাবৎ জর্মনির সবাই তখন জানত, রাষ্ট্রের প্রেসিডেন্ট হিটেনবুর্গ যে কোনো দিন তাঁকে ডেকে বলবেন প্রধানমন্ত্রীরূপে দেশের শাসনভার গ্রহণ করতে। তদুপরি, পূর্বেই বলেছি, হিটলার ছিলেন রমণীচিন্তহরণের যাবতীয় কলাকৌশলে রপ্ত। এবং সর্বোপরি তিনি প্রায়ই অবরেসবরে এফাকে দিতেন ছোটখাটো প্রেঞ্চেট। বিশ্বেশালীজন তার দায়িত্বকে যে-রকম দামী দামী ফার কোট, মোটরগাড়ি দেয়, সে রকম আদৌ ছিল না—তিনি দিতেন চকলেট, ফুল বা ভ্যানিটি কেস (আমাগো রাষ্ট্রভাষায় যারে কয়, “ফুটানি কী ডিবিয়া”।)

সব ঐতিহাসিক বলেছেন, এফা ছিলেন “রাদার এমটি-হেডেড” অর্থাৎ সরলা বুদ্ধিহীনা। কিন্তু তাতে কি এসে যায়? অস্বদেশীয় এক বৃদ্ধ চাটুয্যে “মহারাজ্জকে জনৈক অর্বাচীন শুষিয়েছিল প্রেমের খবর তিনি রাখেন কি, তিনি বৃদ্ধ, তাঁর ক’টা দাঁত এখনো বাকি আছে? গোসসাতরে তিনি যা বলেন তার মোদ্দা—“ওরে মূর্খ, প্রেম কি চিবিয়ে খাবার জিনিস যে দাঁতের খবর নিচ্ছিস? প্রেম হয় হৃদয়ে।” বিলকুল হক কথা। এবং সঙ্গে সঙ্গে এটাও বলতে পারতেন, প্রেম নামক আদিরসটি মস্তিষ্ক থেকে সঞ্চারিত হয় না।

তাই এফা ঐ সব চকলেটাদি সওগাত বান্ধবী, সহকর্মীদের ফলাও করে দেখাত, শিকনিকের বর্ণনা ফলাওতর করে সবিস্তর বাখানিত এবং ভাবখানা এমন করত যে, হিটলার তার প্রেমে রীতিমত ডগে মগো-জরোজরো-মরোমরো।

এখানে ইয়োয়োগীয় সরলা কুমাবীরা যা সর্বত্রই করে থাকে (এবং অধুনা কলকাতা-ঢাকাতে তাই হচ্ছে) এফা তাই ক’লেন। নির্জনে একে অন্যে যখন দুই দুই, কুই কুই তখন আশ-কথা পাশ-কথার মাঝখান দিয়ে—যেন টেবিলের ফুলদানির দেখা-না-দেখার ফুলের মাঝখান দিয়ে, জর্মনে একে বলে ‘খু দ্য ফ্লাওয়ারস’—বিবাহ নামক সেই প্রাচীন সনাতন প্রতিষ্ঠানের প্রতি দৃষ্টি আকর্ষণ হতে চেষ্টা দিলেন। নিশ্চয়ই একাধিকবার।

পূর্বেই বলেছি, হিটলার কিন্তু পতে ছুয়ে কসম খেয়ে বসে আছেন, বিবাহ-বন্ধন নামক উষ্মানে তিনি—কাটা ফলাইলেও—দোদুল্যমান হতে নিতান্তই অনিচ্ছুক। এবং ঝাঝু ডিমোমেট এই অস্বস্তিকব ব গ্যালাপ কি করে এড়াতে হয়, সেটা খুব ভাল করেই জানতেন।

এটা বুঝতে সরলা, নীতিশীল পরিবাবে পালিতা এফার একটু সময় লেগেছিল। ইতিমধ্যে তাঁর রক্ষণশীল পিতামাতা এফার সঙ্গে হিটলারের ‘ঢলাঢলি’র খবর পেয়ে গিয়েছেন। তাঁরা মেয়েকে বুঝিয়ে দিলেন হয় হিটলার তোমাকে বিয়ে করুক, নয় তুমি তার সস্ত্র ত্যাগ কর।

পিতামাতার প্রতি বিনম্রা এই কুমাবী তখন কি করে?

হঠাৎ ঐ সময়ে একদিন হফমান সখা হিটলারকে টেলিফোন করলেন, “যদুর সম্ভব তাড়াতাড়ি আমার বাড়ি চলে আসুন।”

হিটলার : “কেন, কি হয়েছে?”

হফমান : “আসুন না; সব কথা এখানে হবে।” হফমান এবং হিটলার দুজনেই জানতেন তাঁদের টেলিফোনের কথাবার্তা পুলিশ ট্যাপ করে।

হিটলার কয়েক মিনিটের মধ্যেই হফম্যানের ফ্ল্যাটে পৌঁছলেন। শুধোলেন, “কি হয়েছে? ব্যাপার কি?”

হফম্যান: “বড় সিরিয়াস। এফা পিস্তল দিয়ে বৃকে গুলি মেরে আত্মহত্যা করার চেষ্টা নেয়। তাকে অচেতন্য অবস্থায় হাসপাতালে নিয়ে যাওয়া হয়—”

বিদ্যুৎস্পৃষ্টের ন্যায় হিটলার বাধা দিয়ে বললেন, “কিন্তু জানাজানি হয়নি তো—তাহলেই তো সর্বনাশ!”

এস্থলে লক্ষণীয় যে হিটলার দুঃসংবাদ পাওয়া মাত্রই সর্বপ্রথম নিজের স্বার্থের কথাই ভেবেছেন। তাঁর পার্টি এবং বিশেষ করে গ্যোবেল্‌স্ সাধারণ্যে তাঁর যে “ইমেজ” গড়ে তুলছিলেন, সেটা জিতেদ্রিয় ব্রহ্মচারীর। এখন যদি তাঁর দূশমন কম্যুনিষ্টরা জেনে যায় যে, তিনি গোপনে একটা মেয়ের সঙ্গে ঢলাঢলি করতেন এবং সেই সরলা কুমারী যখন যুক্তিসঙ্গত নীতিসম্মত পদ্ধতিতে হিটলারকে সেই ভাব-ভালোবাসার অস্ত্রে যে প্রতিষ্ঠান থাকে, অর্থাৎ বিবাহ, সেটা প্রস্তাব করে তখন তিনি খড়িবাজ, কাপুরুষ, বেইমানের মতো মেয়েটাকে ধাক্কা মারেন, এবং ফলে ভগ্নহৃদয়া কুমারী আত্মহত্যার চেষ্টা করে, তবেই তো চিন্তিব! যে নাৎসি পার্টির নেতা এ-রকম একটা পিশেচ সে পার্টির কী মূল্য? এই বেইমান পার্টিতে আস্থা রাখবে কোন্‌ ভদ্র ইমানদার জার্মন? এবং ভুললে চলবে না, মাত্র বছর দুই পূর্বে গেলী রাউবালও আত্মহত্যা করে—যদিও সে সময় কম্যুনিষ্টরা সেই সুবর্ণ-সুযোগের সিকি পরিমাণ ফায়দাও ওঠাতে পারেনি, অর্থাৎ একসপ্লয়েট করতে পারেনি।

কিন্তু মাউঃ! কন্দর্প-নির্মিত এ-সব সংকটে প্রায়শ তিনি বিধাতাব ন্যায়-নীতি সম্পূর্ণ উপেক্ষা কবে প্রেমিক-প্রেমিকাব তাবৎ মুশকিল আসান কবে দেন।

হফম্যান সঙ্গে সঙ্গে হিটলার তথা নাৎসি পার্টির জীবনমরণ সমস্যা সমাধান করে বললেন, “নিশ্চিত থাকুন! জানাজানি হয়নি। কাবণ এফাকে অচেতন্য অবস্থায় যে সার্জনেব কাছে নিয়ে যাওয়া হয়েছে, তিনি আমার নিকট-আত্মীয়। তাকে এমনভাবে কড়া পাহারায বেখেছেন যে, পুলিশ পর্যন্ত সেখানে পৌঁছতে পাবেনি। তিনি স্বয়ং আমাকে খবরটা জানিয়েছেন।”

তখন, এই প্রথম হিটলার প্রেয়সীর অবস্থা সম্বন্ধে উদ্বেগ প্রকাশ করলেন। না—ফাঁড়া কেটে গিয়েছে, তবে এফা বক্তৃকবণহেতু বড্ডই দুর্বল।

শুধু এফাব ফাঁড়া কেটে গেল তাই নয়, স্বয়ং হিটলার এবং নাৎসি পার্টিবও ফাঁড়া কেটে গেল। অবশ্য কিছুটা কানাঘুঘো হয়েছিল, কিন্তু জানাজানি হয়নি।

ব্যক্তিগত সম্পর্কে হিটলার যে খুব একটা নেমকহারাম ছিলেন তা নয়। এই আত্মহত্যার প্রচেষ্টা থেকে হিটলার বৃক্কে গেলেন এফার প্রেম কতখানি গভীর—বল্লভার ব্রেন-বাস্ত্রে কিছু থাক আর নাই থাক, তার গলা থেকে নাভি কুণ্ডলী অবধি জুড়ে বসে আছে একটা বিরাট হৃদয়—সেখানে না আছে ফুসফুস না আছে লিভার স্প্রীন কিডনি না আছে অন্য কোনো যন্ত্রপাতি।

এ-হেন হৃদয়কে তো অবহেলা করা যায় না।

এতদিন হিটলার যে-প্রেম করতেন এফার সঙ্গে সেটার পদ্ধতি ছিল মোটামুটি জার্মন কলেজ-স্টুডেন্টরা তাদের বান্ধবীর (ফ্রয়েন্ডিন—গার্ল ফ্রেন্ডেব) সঙ্গে যে ভাবে করে থাকে। অর্থাৎ সবাই ঘুমিয়ে পড়ার পর এফা তাঁর নাইটগাউন ইত্যাদি রাত্রের পোশাক

একটি অতি ছোট্ট স্ট্রাক্‌সে পুরে চুপিসাড়ে ঢুকতেন হিটলারের ফ্ল্যাট বাড়িতে। বাড়ির পাঁচজন জেগে ওঠার পূর্বেই, ভোরবেলা, ফের চুপিসাড়ে চলে যেতেন আপন ফ্ল্যাটে।

এবারে হিটলার করলেন ভিন্ন ব্যবস্থা। ততদিনে তিনি স্বীতিমত বিস্তৃশালী হয়ে গিয়েছেন। হিটলারের আপন কর্মস্থল মুনিক শহরে তিনি এফার জন্য ছোট্ট একটি ভিলা, মোটর কিনে দিলেন এবং মাসোহারার ব্যবস্থা করে দিলেন।

অর্থাৎ তিনি হিটলারের একমাত্র রক্ষিতা হিসাবে হিটলারমণ্ডলীতে আসন পেলেন। এস্থলে “রক্ষিতা” বলাটা হয়তো ঠিক হল না। কারণ ইয়োরোপের প্রায়ই অনেকে কয়েক বৎসর পরে এই রক্ষিতাকে বিয়ে করে তাকে সমাজে তুলে নেন। সমাজপতিরাও বধুর অতীত সম্বন্ধে কোনো প্রশ্ন তোলেন না। আরেকটি দৃষ্টান্ত দিই : এদেশে যদি বিয়ের তিন চার মাস পর কোনো বমণী বাচ্চা প্রসব করে, তবে হইচই পড়ে যায়। ইয়োরোপে আদৌ না। আমার যতদূর জানা গির্জা পর্যন্ত কোনো প্রশ্ন না তুলে বাচ্চাটাকে ব্যাপ্টিস্ট কবে তাকে ধর্মভঃ সমাজে তুলে নেয়।

অবশ্য হিটলার সমস্ত ব্যবস্থাটা করলেন অতিশয় গোপনে। পূর্বেই বলেছি, তাঁর এবং এফার চাকর মেড্‌ তথা অতিশয় অন্তরঙ্গজন হাড়ে মাসে জানতেন যে তাঁরা যদি এই প্রশয়লীলা নিয়ে সামান্যতম আলোচনা করেন—বাইরের লোককে খবরটা জানাবার তো কথাই ওঠে না—তাহলে তিনি পার্টির জব্বর পাণ্ডাই হন আর জমাদারণীই হোক, তাঁরা যে তদুপে ই পদচ্যুত বহিষ্কৃত হবেন তাই নয়, কপালে গুম-খুনও অনিবার্য। কারণ হিটলাব বহু বিষয়ে নির্মম। দেশের কর্ণধার হওয়ার পূর্বে এবং পরেও হিটলার হিমলার বিস্তর গুম-খুন করিয়েছেন।

ওদিকে এফার যে ধার্মিক চরিত্রশীল জনক-জননী হিটলারের ব সঙ্গে তাঁদেব কুমারী কন্যার অন্তরঙ্গতার কঠোর কঠিনতম প্রতিবাদ জানিয়েছিলেন, তাঁরাও এ-ব্যবস্থা শেষ পর্যন্ত স্বীকার করে নিলেন। এটাকে প্রতিরোধ করলে একগুঁয়ে মেয়ে যদি আবার আত্মহত্যার চেষ্টা কবে, এবং যদি সফল হয়ে যায়!

আমার দুঃখ শুদ্ধ-পাঠটি আমার মনে নেই : মোটামুটি যে মেয়ে—

“মরণেরে কারিয়াছে জীবনের প্রিয়।

কারো কোনো উপদেশে কান দিবে কি ও?”

এফার নিতান্ত ঘনিষ্ঠ অন্তরঙ্গজন ছাড়া আর সবাই বিশ্বাস করতে, এফা ফোটোগ্রাফ দোকানে কাজ করেন। তিনি হফ্মানের স্টুডিয়োতে প্রতিদিন হাজিরা দিতেন।

এর কিছুদিন পর ১৯৩৩-এব ৩০-এ জানুয়ারি হিটলার হয়ে গেলেন জর্মনির কর্ণধার—প্রধানমন্ত্রী চ্যানসেলাব। তাঁকে তখন স্থায়ীভাবে বাস করতে হল বার্লিনে—মুনিক পরিত্যাগ করে। এখন তিনি এফাকে নিয়ে পড়লেন বিপদে। এতদিন শুধু কম্যুনিস্টরাই তাদের আধা-পাকা গোয়েন্দাগিরি করেছে হিটলারের। এবাবে জুটলো তাবৎ মার্কিন খবরের কাগজের দুঁদে দুঁদে বিপোঁটাব—পূর্বোক্ত “ঐতিহাসিক” পাষরাবও তাদেরই একজন। এদের চোখ দু-নলা বন্দুকের মতো গভীর অন্ধকারেও এক্স-রে দৃষ্টিতে তাকিয়ে থাকতে জানে শিকাবের দিকে। এবং কারণ যে কোনো ব্যক্তিগত জীবনের

প্রাইভেসি থাকতে পারে সেটা তাদের শাস্ত্রে—আদৌ যদি তাদের কোনো শাস্ত্র থাকে—
লেখেন না। পাঠক শুধু স্মরণে আনুন ইংলন্ডের রাজা যখন মিসেস সিমসনের সঙ্গে ঘনিষ্ঠ
হচ্ছেন তখন সে “কেচ্ছা”কে তারা কী কলেঙ্কারির রূপ দিয়ে দিনে দিনে রসিয়ে রসিয়ে
মার্কিন কাগজে প্রকাশ করেছে। তার তুলনায় হিটলার কোন্ ছার। ব্যাটা আপস্টার্ট যুদ্ধের
সময় ছিল নগণ্য করপরেল—তার আবার প্রাইভেট লাইফ! সেটাকেও আবার রেহাই
দিতে হবে! ছোঃ!

কাজেই এফাকে বার্লিনে আনা অসম্ভব।

ফলস্বরূপ ১৯৩৩ থেকে ১৯৪৫-এ হিটলারের আত্মহত্যা করা পর্যন্ত সুদীর্ঘ বারোটি
বৎসর—কবির ভাষায় নারীজীবনের শ্রেষ্ঠ দ্বাদশ বৎসর—এফা গেলেন আগের তুলনায়
অল্পই, এবং ক্রমশ হ্রাসমান। তাই সহমরণের বহু আগের থেকেই এফা একাধিক
বন্ধুবান্ধবীকে বিবলকণ্ঠে বলেছেন, “১৯৩৩-এর জানুয়ারি (অর্থাৎ হিটলার যেদিন
চ্যানসেলর হন) আমার জীবনের সর্বাপেক্ষা নির্মম দিবস (ট্রাজিক ডে. ‘ট্রাগিশা টাথ’)।”

যেদিন মিত্রপক্ষ ফ্রান্সে অবতরণ করে কালক্রমে জার্মনি জয় করে সেটাকে বলা হয়
ডী-ডে (D-Day)। সেটা ৬ই জুন ১৯৪৪। ১৯৩৩-এর ৩০ জানুয়ারিতেই কিন্তু আরম্ভ
হয় অভাগিনী এফার ডী-ডে। কিন্তু এসব কথা পরে হবে।

বার্লিনে কর্মব্যস্ত হিটলার মুনিকে আসার সুযোগ পেতেন কমই। কিন্তু প্রতিদিন
সন্ধ্যাবেলা মুনিকে ট্রাঙ্ককল করে তাঁর সঙ্গে বেশ কিছুক্ষণ ধরে আলাপ করে নিতেন।
এবং টেলিফোন লাইনটি এমনভাবে নির্মিত ছিল যে, এফা হিটলার কনকশান হয়ে যাওয়া
মাত্রই দুই প্রান্তের টেলিফোন অপারেটররা কিছুই শুনতে পেত না!....এবং যে স্থলে
ট্রাঙ্ককলের অষ্টপ্রহর ব্যাপী এহেন সুবিধা সেখানে চিঠিচাপাটির বিশেষ প্রশ্ন ওঠে
না—ওদিকে আবার চিঠিপত্র লেখার ব্যাপারে হিটলার ছিলেন হাড় আলসে। (জার্মনে
“স্টিভক্লেভের আইবফাউল” দু = গর্জময় লেখন-আলসে)। যুদ্ধের শেষ পর্যায়ে যখন
আক্ষরিক অর্থে হিটলাবের দম ফেলার ফুরসৎ নেই, ক্রমাগত একটার পর আরেকটা
মিলিটারি কনফারেন্স হচ্ছে—তখন তিনি তাঁর অন্তরঙ্গতম ভ্যালো লিঙেকে বলতেন, “হে
লিঙে, তুমি ঝপ করে এফাকে দুটি লাইন লিখে দাও না।” তখন প্রায় ঘণ্টায় ঘণ্টায়
হিটলাবের কোনো-না-কোনো কর্মচারী প্লেনে করে মুনিক যাচ্ছে। ঘণ্টা তিনেকের ভিতর
চিঠি এফার হস্তগত হত।

ভ্যালো বলতে ভৃত্যও বোঝায়। কাজেই পাঠক নিশ্চয়ই মর্মাহত হয়ে শুধাবেন, “কী!
চাকরকে দিয়ে প্রিয়ার উদ্দেশ্যে চিঠি লেখানো! সখৎ বেআদবী তো বটেই—তার চেয়ে
বটতলার ‘সচিত্র শ্রেমপত্র’ থেকে দু-পাতা কেটে নিয়ে খামে পাঠিয়ে দেওয়া ডের ডের
বেশী শৃঙ্খাররসসম্মত!” কিন্তু পাঠককে স্মরণ করিয়ে দিই—হিটলার, এফা ও ভ্যালো
লিঙে তিনজনই ছিলেন নিম্ন মধ্যবিত্ত শ্রেণীর লোক। এমন কি লিঙের সামাজিক
(রাজনীতির কথা হচ্ছে না) প্রতিষ্ঠা ছিল হিটলারের চেয়ে উচ্চতর পর্যায়ের। তদুপর,
হিটলারের হাজার হাজার খাস সেনানীর (এস-এ) মাঝখান থেকে বহু পরীক্ষা-নিরীক্ষার
পর লিঙেকে বেছে নেওয়া হয়েছিল এবং সেনাবাহিনীতে তিনি ছিলেন প্রায় কর্নেলের
কাছাকাছি। এবং সর্বশেষ বক্তব্য, হিটলার মুনিকে এলেও তাঁর অধিকাংশ সময় কাটতো

রাষ্ট্রকার্যে। সে-সময় ঘণ্টার পর ঘণ্টা এফাতে লিঙেতে সময় কাটাতেন গালগল্প করে। এফা জানতেন, পুরুষদের ভিতর লিঙেই দশ-আরও বছর ধরে হিটলারের সবচেয়ে নিকটবর্তী এবং হিটলাবও তাঁর সঙ্গে প্রাণ খুলে কথা বলতেন। এফা মেয়েদের ভিতর সর্বাপেক্ষা নিকটবর্তিনী। অতএব দুজনার ভিতর একটা অন্তরঙ্গতা জন্মে ওঠা খুবই স্বাভাবিক। আমার মনে হয়, এফা এই লিঙেকে তাঁর হৃদয়বেদনা যতখানি খুলে বলেছেন, অন্য আর কাউকে অতখানি বলেননি।^২

অন্যত্র সবিস্তর লিখেছি, হিটলারের মৃত্যুর পর লিঙে রুশহস্তে বন্দী হন এবং দীর্ঘ দশ বৎসর রুশ-কারাগারের দুঃসহ ক্রেশ সহ্য করার পব জর্মনিতে ফিরে এসে হিটলার সম্বন্ধে একখানি চটি বই লেখেন। এফা সম্বন্ধে কৌতূহলী পাঠক এই পুস্তিকায়ই তাঁব সম্বন্ধে সবচেয়ে বেশী এবং সবচেয়ে বিশ্বাস্য খবর পাবেন। হিটলার সম্বন্ধে তিনি লিখেছেন নিরপেক্ষ দৃষ্টিবিন্দু থেকে, কিন্তু এফা সম্বন্ধে লিখেছেন বড়ই দরদ-ভরা ভাষায়। তিনি ইচ্ছে করলেই হিটলার-এফাব সম্পর্ক সম্বন্ধে রগবগে মার্কিনী ভাষায় “কেলেঙ্কারি কেচ্ছা” লিখতে পারতেন—কোনো সন্দেহ নেই রুশ দেশ থেকে পশ্চিম জর্মনিতে ফেরা মাত্রই মার্কিন রিপোর্টাররা তাঁকে চেপে ধরে, অর্থের প্রলোভন দেখিয়ে হিটলাব এফার নব “বিদ্যাসুন্দরে”র জন্য পাম্প করেছিল কিন্তু সে সময় বিশেষ কিছু তো বলেনই নি, পরেও পুস্তিকা রচনাকালে লিখেছেন যেটুকু নিত্যন্তই না লিখলে সত্য গোপন কবে এফাব প্রতি অবিচার করা হয়। এই অন্তর্নিহিত শালীনতাবোধ ছিল বলেই হিটলাব ও এফা উভয়েই তাঁকে বন্ধুর চোখে দেখতেন। এটা এমন কিছু সৃষ্টিছাড়া আজগুবি ব্যাপার নয়। এ দেশের পাঠান দাসবংশের ইতিহাস যাঁবা মন দিয়ে পড়েছেন, তাঁরাই এব সত্যতাব নজীর সে-ইতিহাসে পাবেন। এবং লিঙে তো কিছু ক্রীতদাস নন!!

তাই এফাতে লিঙেতে এমনিতেই চিঠিপত্র চলতো। হিটলার সেটা জানতেন। তাই তিনি যে কাজকর্মে আকর্ষণ নিমগ্ন, তিনি যে ফোন করার জন্য মন্ত্রণাকক্ষ ত্যাগ করে পাঁচ মিনিটের তরেও আপন খাস কামরায় যেতে পারছেন না, এটা তাঁর গাফিলতি নয়, বস্তুত তাঁর এই অপারগতা সম্বন্ধে তিনি নিজেকে দোষী মনে করেন—এসব কথা লিঙেকে শুছিয়ে লিখতে বলতেন।

হিটলার যে এফাকে কখনো বার্লিন আসতে দিতেন না তা নয়। অবশ্য অতিশয় কালেকন্মিনে জব্বর পার্টি-পরবের স্টেট-ব্যাকুয়েট না থাকলে অন্তরঙ্গজন তথা এফার সঙ্গে তিনি ডিনার-লাঞ্চে বসতেন। এফাকে তাঁর বাঁ-দিকের চেয়াবে বসাতেন। এফা ঠিকমত খাচ্ছেন কিনা, তাঁর পছন্দসই খানা তৈরী হয়েছে কিনা তাই নিয়ে পুতু-পুতু করতেন এবং সবাই বুঝতে পারতো তিনি এফাকে সর্বাপেক্ষা বেশী সম্মান ষ্ঠেখাচ্ছেন। কিন্তু যেদিন স্টেট-ব্যাকুয়েট বা বাইরের লোক খানা খেতে আসতো, সেদিন এফাকে

২ এফার সঙ্গে লিঙের আরেকটা মিল আছে। বার্লিন যখন প্রায় চতুর্দিক থেকে বেষ্টিত, শেষ পরাজয় সূনিশ্চিত, কিন্তু পালাবাব পথ তখনো ছিল, সে-সময় হিটলাব লিঙেকে ডেকে বলেন, “তুমি আপন বাড়ি চলে যাও।” লিঙে অসম্মতি জানান এবং সংক্ষেপে যা বলেন তাব মোদ্দা যাঁকে আমি এত বৎসব ধবে সেবা কবেছি তাঁকে তাঁর শেষ মুহূর্তে আমি ত্যাগ করতে পারবো না। এবং সবাই জানেন, এফাও হিটলাবেব কড়া আদেশ সত্ত্বেও তাঁকে ত্যাগ করেননি।

উপরের তলায় হিটলারের চারজন মহিলা সেক্রেটারি ও তাঁর খাদ্যরন্ধনের অধিকারী সঙ্গে বানা খেতে হত। অবশ্য এ ব্যবস্থার কিছুটা পরিবর্তন হল, যখন হিটলারের দফতরের এক উচ্চ অফিসার, ফেগেলাইন বিয়ে করলেন এফার এক বোনকে। তখন হিটলার-সমাজের একটুখানি বৃহত্তর চক্রে এফাকে পরিচয় দেওয়া হত সম্মানিত অফিসার ফেগেলাইনের শ্যালিকারূপে। মায়ের ছেলে নয়, শাওড়ীর মেয়ের বর!

বিরাট বিরাট লক্ষজন পরিপূর্ণ সভাতে, যেখানে হিটলার ওজস্বিনী বঙ্কভাবিণী খাতারী লেকচার ঝাড়বেন, সেখানেও তাঁকে বিশেষ আসন দেওয়া হত না। তাঁর এবং হিটলারের আর পাঁচজন কর্মচারীর সঙ্গে তিনি সবার সঙ্গে মিশে গিয়ে দয়িতের জনগণমনচিন্তহারিণী বক্তৃতা শুনতেন।

হায়! একে কি বলবো—“বড় দুঃখে সুখ” বা “বড় সুখে দুঃখ”? আমি এ-বাবদে মুর্খ—আমার বিদ্রুপ, সম্মানিত সখা “শিরাম” এরকম একটা মোকা পেলে ঝগ করে একটা অকল্পনীয় পান্ন করে ঝপ করে একটা আরও অচিন্তনীয় সুমধুর সুভাবিত ম্যান্সিম বানিয়ে ফেলতেন পুরো দেড় গণ্ডা শব্দ ব্যবহার না করেই। এই একটা ব্যাপারে লোকটা মক্কা-চোস্ কল্পুস। অভিধানের শব্দ-ভাণ্ডার যেন ব্যাকের ভণ্টে লুকানো চিত্র-তারকাদের—সকলের না কারও-কারোর—ইনক্যাম-টাগ্গ অফিসারকে বৃদ্ধাঙ্গুষ্ঠ প্রদর্শক সম্পদ।

আমি কিন্তু দেখছি এর ট্রাজিক দিকটা। পিতামহ ভীষ্মের পরই যে বীরকে এ-ভারত সর্বসম্মত স্বীকৃতি দিয়েছে তিনি একচক্রা ভদ্রোত্তম কমান্ডর-ইন-চীফ্ ফীন্ড-মার্শাল কর্ণ। তিনি যখন কুরুপ্রাঙ্গণে শৌর্যবীর্য দেখাচ্ছেন, তখন মাতা কুন্তী তাঁর প্রতি-সাক্ষ্যে কি তাঁর মাতৃগর্ব, মাতৃভাষা প্রকাশ করতে পেরেছিলেন? শাস্ত্রোদ্ধৃতি দিতে পারবো না, তবে বাল্যবয়সের আমার সংস্কৃত শিক্ষার প্রথম গুরু আমাকে সঙ্গোপনে কেমন যেন ভয়ে ভয়ে বলেছিলেন, মাতা কুন্তীর সর্বাপেক্ষা শ্রিয় সন্তান ছিলেন কর্ণ।

৩ ইংরেজের নবাবির “বামনাই”য়ের দুটি চূড়ান্ত বেশরম, বেহারা উদাহরণ পাঠক এখানে পাবেন। হিটলার নিরামিষাশী ছিলেন ও তদুপরি তাঁকে বিশেষ বিশেষ খাদ্য খেতে হত; অর্থাৎ তিনি ডায়ট খেতেন। সে-সব বিষয়ে রান্না বড় বড় হোটেলের “শেফ”-রাও রীংতে জানে না। তাই ডাক্তারদের আদেশে তাঁকে নিযুক্ত করতে হয় একটি অভিশয় উচ্চশিক্ষিতা মহিলাকে। ইনি সর্বোচ্চ সম্মানসহ এম. ডি. পাস কর্তার পর বিশেষভাবে স্পেশালাইজ করেন কিভাবে বিশেষ বিশেষ খাদ্য দিয়ে রুগীকে সারানো যায় (আমাদের কবিরাজ ঠাকুরা-দিদিমা যা করে থাকেন) এবং যারা শীতের দেশে নিরামিষাশী তাদের খাদ্য কিভাবে তৈরি করতে হয়—যাতে করে মাছ-মাংসের অভাব পরিপূরণ করা যায়। ইংরেজ এই সন্ত্রাস্ত মহিলাকে বার বার “কুক”, “পাটিকা”, “রীধুনী বামুনী”, “বাবুর্চি” বলে তাচ্ছিল্যভরে উদ্বেষ করে ব্যঙ্গবিদ্রুপ করেছে। তিনি প্রায়ই এর সঙ্গে ডিনার খেতেন। ভাবটা এই, ছোট জাতের হিটলার আর “রীধুনী”, “বাবুর্চি” ছাড়া কার সঙ্গে হদ্যতা করবে। এবং সঙ্গে সঙ্গে অকস্মাৎ ইংরেজের স্বত্বশক্তি দুর্বল হয়ে যায় এবং মহিলার পাণ্ডিত্যের কথা বলতে বেবাক ভুলে যায়। এবং ভুলে যায় বলতে, মহিলাতে হিটলাবেতে খেতে খেতে “মোচাব ঘণ্টে কতখানি গুড় দিতে হয়” সে নিয়ে আলোচনা হত না। আলোচনা হত স্বাস্থ্য-বিজ্ঞান নিয়ে। এবং পূর্বেই বলেছি, লিঙের শিক্ষাদীক্ষা পদমর্যাদা “ভুলে গিয়ে” ঠিক এই উদ্দেশ্য নিয়ে “ভালে ঢাকর” নামে তাঁকে হীন করার চেষ্টা করেছে।হিটলারের আদেশ সত্ত্বেও তিনি লিঙেরই মতো হিটলারকে ত্যাগ করতে সম্মত হননি। আমার যতদূর জানা, তিনি বার্লিনে নিহত হন। প্রচুভতির ফলস্বরূপ।

এফা ব্রাউনের ঐ একই ট্রাজেডি। সর্বজনসমক্ষে তিনিও গাইতে পারেন না—“বঁধু
তুহঁরি গরবে গরবিনী হম, রূপসী তুহঁরি রূপে।”

অভিমানিনী পাঠিকা, তুমি হয়তো শুধোবে, এ-হেন ভণ্ডামীর অপমানজনক পরিস্থিতি
এফা মেনে নিলেন কেন? এর উত্তরে আমার নিজের কোনো মন্তব্য না দিয়ে শুধু
নিবেদনঃ

“চন্দ্রাবলী কুঞ্জে গিয়ে
সারা নিশি কাটাইয়ে
প্রভাতে এসেছ, শ্যাম,
দিতে মনোবেদনা ॥”

হিটলার

উৎসর্গ

প্রহব শেষে আলোয় বাঙা
সেদিন মধুমাস,
পূববী গেযে ভোলালি তোবা,
চাইনে তো বিভাস।

বাণীব একনিষ্ঠা সাধিকা
অখণ্ডসৌভাগ্যবতী বধু
কল্যাণীয়া
শ্রীমতী অর্চনা
তথা
পুত্রপ্রতিম অপিচ দিলেব দোস্ত
নুব-ই-চশ্ম
শ্রীমান দ্বাবিক মিত্রেব
চতুর্ভদ্র কবকমলে

আনক্ল
সৈযদ মুজতবা আলী

হিটলারের শেষ দশ দিবস

ঠিক কুড়ি বৎসর আগে, ১৯৪৫ খ্রীস্টাব্দে ৩০ এপ্রিল বেলা সাড়ে তিনটের অল্প পূর্বে হিটলার তাঁর অ্যার-রেড-শেলটার (বুকার—মাটির গভীরে কনক্রিটের পঞ্চাশ ফুট ছাতের নিচের আশ্রয়স্থল—কামানের বা প্লেন থেকে ফেলা গোলা বুকাবের গর্ভ পর্যন্ত কিছুতেই পৌঁছতে পারে না) থেকে বেরিয়ে করিডরে এলেন। সঙ্গে তাঁর নব-পরিণীতা বধু এফা, প্রায় পনেরো বৎসরের 'বন্ধুত্বের' (হিটলারের শেষ উইলে তিনি এই শব্দটিই ব্যবহার করেছেন—বস্তুত নিতান্ত অন্তরঙ্গ কয়েকজন অনুচর ভিন্ন দেশের-দেশের লোক জানত না যে হিটলার ও এফার মধ্যে সম্পর্ক ছিল স্বামী-স্ত্রীর) পর তিনি প্রায় চল্লিশ ঘণ্টা পূর্বে একে বিয়ে করেছেন। করিডরে গ্যোবেল্‌স্ বরমান প্রভৃতি প্রায় পনেরোজন তাঁর নিকটতম মন্ত্রী, সেক্রেটারি, সেনাপতি, স্টেনো, খাস অনুচর-চাকর সারি দিয়ে দাঁড়িয়েছিলেন। হিটলার ও এফা নীরবে একে একে সকলের সঙ্গে করমর্দন করলেন। তারপর নিতান্ত যে ক'জনের প্রয়োজন তাঁরা করিডরে রইলেন—বাদবাকিদের বিদায় দেওয়া হল। হিটলার ও এফা খাস কামরায় ঢুকলেন। অনুচররা বাইরে প্রতীক্ষা করতে লাগলেন। কিছুক্ষণ পরে একটিমাত্র পিস্তল ছোঁড়ার শব্দ শোনা গেল। অনুচররা আর কিছুক্ষণ অপেক্ষা করলেন—তাঁরা ভেবেছিলেন দুটো শব্দ হবে। সেটা যখন শোনা গেল না তখন তাঁরা কামরাব ভিতবে ঢুকলেন। সেখানে দেখতে পেলেন, তিনি সামনের দিকে ঝুঁকে বসে আছেন, কিংবা পড়ে আছেনও বলা যেতে পারে। তাঁর খুলি, মুখ এবং যে সোফাটিতে তিনি বসেছিলেন সব বক্তাক্ত। কেউ কেউ বলেন, তিনি মুখের ভিতরে পিস্তল পুরে আত্মহত্যা কবেছেন, কেউ কেউ বলেন, কপালের ভিতর দিয়ে গুলি চালিয়ে। তার কাঁধে এফার মাথা হেলে পড়েছে। এফাব কাছেও মাটিতে একটি ছোট পিস্তল। কিন্তু তিনি সেটা ব্যবহার করেননি। বিষ খেয়ে আত্মহত্যা করেছেন।

তাবপব কুড়িটি বৎসব কেটে গেলে পর ইয়োরোপের অনেক ভাষাতেই সেদিনের স্মরণে ও তার সপ্তাহখানেক পর দ্বিতীয় বিশ্বযুদ্ধ সমাপ্ত হওয়ার উপলক্ষে বহু প্রবন্ধ বেরিয়েছে।

আমার কাছে আসে প্রধানত জর্মনি, অস্ট্রিয়া ও সুইটজারল্যান্ড থেকে প্রকাশিত জর্মন ভাষায় লিখিত সাপ্তাহিক। এগুলোব আসতে প্রায় দু' মাস সময় লাগে। অ্যার-মেল হওয়ার ফলে বুকপোস্ট, ছাপা-মাল যে কী জঘন্য শব্দুক গতিতে আসে সে-কথা ভুক্তভোগী মাত্রই জানেন।

হিটলারের মৃত্যুব পর তাঁব সাজোপাক অন্তর্ধান করেন। কেউ কেউ ধরা পড়েন রাশানদের হাতে। তার মধ্যে হিটলারের খাস চাকর (ভ্যালো) লিঙেও ছিলেন। কেউ কেউ লুকিয়ে থাকেন মার্কিন-ইংরেজ-ফরাসী অধিকৃত এলাকায়। এঁরাও ধরা পড়েন, প্রধানত মার্কিনদের দ্বারা। আব কারও কারও কোন সন্ধানই পাওয়া যায়নি। যেমন বরমান ইত্যাদি কয়েকজন। এঁদের কে কে পালাবার সময় হত হন বা পালাতে সক্ষম হন জানা যায়নি।

গোড়ায়, অর্থাৎ হিটলাবের মৃত্যুর কয়েকদিন পর রুশ জর্নীলাট জুকফ্ প্রচার করেন যে হিটলার এফা ব্রাউনকে বিয়ে করার পর আত্মহত্যা করেন। ওদিকে মস্কোতে বসে স্তালিন বলেন, হিটলাব মবেননি, তিনি ডিক্টেটব ফ্রাঙ্কোর আশ্রয়ে স্পেনে আছেন (স্তালিনেব মতলব ছিল এই অছিলায় ইয়োরোপের শেষ ফ্যাশী ডিক্টেটব ফ্রাঙ্কোকে

খতম করা)। এমন কি কোনো কোনো উচ্চস্থলে একথাও বলা হল যে ইংরেজ (!) তাঁকে আশ্রয় দিয়েছে। ইংরেজকে তখন বাধ্য হয়ে পাকাপাকি তদন্ত করতে হয় যে হিটলার সত্যই বৃষ্কার থেকে পালিয়ে যেতে পেরেছিলেন কিনা, কিংবা তিনি মারা গিয়েছেন কিনা। এ কাজের ভার দেওয়া হয় ইতিহাসের অধ্যাপক, যুদ্ধকালীন গুপ্তচর বিভাগের উচ্চ কর্মচারী ট্রেভার রোপারকে।

তিনি তাঁদেরই সন্ধানে বেরলেন যারা হিটলারের সঙ্গে শেষ মুহূর্ত পর্যন্ত ছিলেন। এঁদের কয়েকজন হিটলারের মৃত্যু, দাহ, অস্থি-সমাধি পুঙ্খানুপুঙ্খ ভাবে বর্ণনা করেন। কিন্তু বৃষ্কার ও তৎসংলগ্ন ভূমি তখন রাশানদের অধিকারে (পূর্ব বার্লিনে); তারা সেখানে অধ্যাপককে কোনো অনুসন্ধান করতে দিল না। হিটলারের যেসব সাস্টোপাঙ্গ রাশানদের হাতে ধরা পড়েন তাঁরা যেসব জবানবন্দি দেন সেগুলোও অধ্যাপককে জানানো হল না।

হিটলারের মৃত্যুর সাত মাস পরে ট্রেভার রোপার তাঁর রিপোর্ট সরকারের হাতে দেন ও সেটি প্রকাশিত হয়। এর পর আরও তথ্য উদ্ঘাটিত হয় বটে, কিন্তু অধ্যাপক তাঁর ময়না-তদন্তে যে বর্ণনাটি দেন তার বিশেষ কোনো রদ-বদল করার শ্রয়োজন হয়নি। এসব মিলিয়ে ট্রেভার রোপার সর্বসাধারণের জন্য একখানি পুস্তিকা রচনা করে ১৯৪৭ সালে প্রকাশিত করেন। তার নাম ‘লাস্ট ডেজ্ অব হিটলার’।

এ পুস্তিকা ইয়োরোপের প্রায় সর্ব ভাষাতেই অনূদিত হয়, এবং তার যুক্তিতর্ক এমনই অকাটা যে জনসাধারণ হিটলারের মৃত্যু সম্বন্ধে নিঃসন্দেহ হয়। ওদিকে সরকারী রাশান মত—হিটলার মারা যাননি।—তাই লৌহ-যবনিকার অন্তরালে বইখানি নিষিদ্ধ বলে আইনজারী করা হল।

কিন্তু শেষটায় রাশানদের স্বীকার করতে হল যে হিটলার জীবিত নেই। কাশীরাম দাস পূর্বেই বলে গেছেন :—

কতক্ষণ জলের তিলক থাকে ভালে

কতক্ষণ থাকে শিলা শূন্যেতে মারিলে।

১৯৫০ খ্রীস্টাব্দে স্তালিনকে প্রায় সর্বশক্তিমান, সর্বজ্ঞ সৃষ্টিকর্তার আসনে তুলে “দি ফল্ অব বার্লিন” ফিল্ম রাশাতে তৈরী হল। এ ছবি এদেশেও এসেছিল। এতে হিটলারের মৃত্যু যেভাবে বর্ণিত হয়েছে সেটা মোটামুটি ট্রেভার রোপারের বর্ণনাই। মাত্র একটি বিষয়ে তফাত। ছবিতে দেখানো হয়েছে হিটলার বিষ খেয়ে মরলেন—অথচ হিটলার যে পিস্তল ব্যবহার করেছিলেন সে-বিষয়ে কোনো সন্দেহ নেই। এই পরিবর্তনের কারণ কি তাই নিয়ে অধ্যাপক তাঁর পুস্তকের পরবর্তী সংস্করণে সবিস্তার আলোচনা করেছেন—এস্থলে সেটা নিষ্প্রয়োজন। অধিকাংশ পণ্ডিতের বিশ্বাস, to make assurance doubly sure হিটলার বিষের গিলে কামড় ও পিস্তলের গুলি ছোঁড়েন একই সঙ্গে।

রুশদেশে দশ বছর জেল খাটার পর ১৯৫৫ খ্রীস্টাব্দে হিটলারের কয়েকজন পার্শ্বচর মুক্তি পান। তার ভিতর একজন হিটলারের ভ্যালো লিঙে। ইনি বেরিয়ে এসেই দীর্ঘ একটি বিবৃতি দেন। এদেশের অমৃতবাজার পত্রিকায়ও সেটি ধারবাহিক বেরোয়। অন্যজন হিটলারের অ্যাড্জুটান্ট গ্যুন্সে। ইনি ও লিঙে যেসব বিবৃতি দিলেন, সেগুলোর সঙ্গে অধ্যাপকের বইয়ের গরমিল অতি কম, এবং তাও খুঁটিনাটি নিয়ে।

অধ্যাপকের ‘লাস্ট ডেজ্ অব হিটলার’ বেরোনোর পর ঐ বিষয় নিয়ে প্রচুর লেখা হয়েছে, কিন্তু মোটামুটি সকলেই অধ্যাপকের উপর নির্ভর করেছেন।

আমি প্রথম জর্মনি যাই ১৯২৯ খ্রীস্টাব্দে। হিটলার তখনো গোটা জর্মনিতে সুপরিচিত হননি। তাঁর কর্মস্থল ও খ্যাতি প্রধানত ছিল ম্যুনিখ অঞ্চলে। তারপর আমার চোখের সামনেই তিনি রাইখ্‌টাগে (জর্মনি পার্লামেন্টে) তাঁর দলের ক্ষমতা অপ্রত্যাশিত ভাবে বাড়ালেন। ১৯৩২-এ আমি দেশে ফিরে এলুম। ৩৩-এ হিটলার জর্মনির চ্যান্সেলর—প্রধানমন্ত্রী, প্রধান কর্মকর্তা হলেন। ১৯৩৪-এ আমি আবার প্রায় এক বছর জর্মনিতে ছিলাম। তখন হিটলার কিভাবে রাজ্যশাসন করেন সেটি পুরোপুরি দেখলুম। ১৯৩৮-এ আমি আবার জর্মনিতে চার মাস কাটালুম। চেম্বারলেন তখন হিটলারের কাছে যাবার জন্য তোড়জোড় করছেন। ১৯৩৮-এর সেপ্টেম্বরে হিটলার পোলান্ড আক্রমণ করলেন—দ্বিতীয় বিশ্বযুদ্ধ লাগলো। বিশ্বযুদ্ধের পর আমি হিটলার ও তাঁর রাজ্যশাসন (থার্ড রাইখ্‌ একেই বলা হয়, এবং হিটলার সদণ্ডে ভবিষ্যৎ-বাণী করেছিলেন, তৃতীয় রাইখ্‌ এক হাজার বছর স্থায়ী হবে—কিন্তু তার আয়ুষ্কাল হল মাত্র বারো বছর তিন মাস!) সম্বন্ধে শত শত বই কিনি। জর্মনি, মার্কিন, ফরাসী, ইংরেজ ইত্যাদির লেখা। এঁদের সকলেই হয় হিটলারের পক্ষে না হয় বিপক্ষে ছিলেন। আমাকে নিরপেক্ষ বলা যেতে পারে। যুদ্ধের পরও আমি দু'বার জর্মনি ঘুরে আসি।

এস্থলে হিটলারের পূর্ণঙ্গ জীবনী লেখার দস্ত আমার নেই। উপরের কয়েক ছত্র থেকে পাঠক শুধু যেন বুঝতে পারেন আমার মিত্রেরা কেন আমাকে হিটলার সম্বন্ধে প্রামাণিক পুস্তক লিখতে বলেন। আমারও সেই বাসনা ছিল, কিন্তু এখন দেখছি সেটা আর হয়ে উঠবে না। তাই যেটুকু পারি সেইটুকু এইবেলা লিখে নিই।

অনেক সময় পাঠকের ধৈর্য কম থাকে বলে তিনি উপন্যাসের শেষ অধ্যায়টি পড়ে নেন। আমি শেষ অধ্যায়ই সর্বপ্রথম লিখব। পটভূমি—অর্থাৎ প্রথম বাইশ বা ত্রিশ অধ্যায় নির্মাণ করবো কয়েকটি ছত্রে।

১৯৩৩-এ হিটলার চ্যান্সেলর হলেন। ১৯৩৪-এ জর্মনির প্রেসিডেন্ট হিন্ডেনবুর্গ মারা গেলে তিনি সে আসনটিও দখল করে দেশের 'ফ্যুবার' বা একচ্ছত্রাধিপতি 'নেতা' হন। পার্লামেন্টের আর কোনো স্বাধীনতা রইল না। ১৯৩৮-এ হিটলার স্বাধীন অস্ট্রিয়া রাজ্য (তাঁর আপন জন্মভূমি ঐ দেশেই) দখল কবে 'বৃহত্তর রাইখ্‌'র অংশ করে নিলেন। ঐ বছরের সেপ্টেম্বরেই তিনি চেকোস্লোভাকিয়ার জর্মনি-ভাষাভাষী অঞ্চল গ্রাস কবতে চাইলে শান্তিভঙ্গের ভয়ে ভীত ইংলন্ডেব চেম্বারলেন ও ফ্রান্সের দালাদিগে সে অঞ্চলটুকু তাঁকে লিখিত-পঠিত ভাবে দান কবলেন। কয়েক মাস পরে হিটলার চেকোস্লোভাকিয়ার যে অঞ্চল তিনি স্বাধীনভাবে ছেড়ে দিতে প্রতিজ্ঞাবদ্ধ হয়েছিলেন সেইটুকুও কাউকে কিছু না বলে-কয়ে গ্রাস করলেন। তখন চেম্বারলেনের কানে জল গেল—সেও পূর্ণমাত্রায় নয়। ১৯৩৯-এ হিটলার পোলান্ডের ভিতর দিয়ে জর্মনি পূর্ব প্রাশা সংযুক্ত করার মানসে পোলান্ড রাজ্যের কাছে করিডর এবং অন্যান্য এটা-সেটা দাবী করলেন। ইংলন্ড অবার মধ্যস্থ হতে চাইল, কিন্তু হিটলার পোলান্ড আক্রমণ করলেন। ইতিপূর্বেই জর্মনি তথা বিশ্ববাসীকে সচকিত শঙ্কিত করে তিনি তাঁর জার্তশত্রু স্ত্রালিনের সঙ্গে চুক্তি কবে পোলান্ড ভাগাভাগি কবে নিয়েছিলেন। ইংলন্ড ও ফ্রান্স তখন উত্তেজিত জনমতের চাপে পড়ে

হিটলাবের বিরুদ্ধে যুদ্ধ ঘোষণা করলো কিন্তু পোলাভকে কোনো সাহায্য পাঠাতে পারার পূর্বেই পোলাভ হেরে গেল।

তার এক বৎসর পর ১৯৪০-এর গ্রীষ্মকালে হিটলার ফ্রান্স আক্রমণ করে অত্যন্ত সময়েই তাকে পরাজিত করলেন। ফ্রান্সে আগত ইংরেজবাহিনী প্রাণ নিয়ে কোনো গতিতে স্বদেশে ফিরে গেল। কিন্তু অস্ত্র-শস্ত্র সাজসরঞ্জাম সবকিছু ডানকার্ক বন্দরে ফেলে যেতে হল।

হিটলার ইংরেজকে বললেন, 'আর কেন? সন্ধি করো!' ইংরেজ বললে, 'না, তোমাকে খতম করবো।'

হিটলার তখন বিরাট নৌবহর নিয়ে ইংলন্ড আক্রমণের তোড়জোড় কবলেন, কিন্তু শেষটায় দেখা গেল অভিযান নিষ্ফল হলেও হতে পারে। হিটলার সে চিন্তা বর্জন করলেন।

তার চিরকালের বাসনা ছিল কশ জয় কবে বিজিত অংশে জার্মান চাষী মজুর বসিয়ে কলনি নির্মাণ করা।' ১৯৪১-এর গ্রীষ্মে তিনি রাশা আক্রমণ করলেন ও রুশ সৈন্য পরাজয়ের পর পরাজয় স্বীকার করে পিছু হটতে লাগল। হিটলারবাহিনী মস্কোর দোরের গোড়ায় পৌঁছল। কিন্তু হিটলারের কপাল মন্দ। অসময়ে নেমে এল প্রচণ্ড শীত, বরফ আর বৃষ্টি। পরের বৎসর হিটলার-সৈন্য অভিযান করলো ককেশাসের তেল দখল করতে। সেখানে স্তালিনগ্রাদে জার্মানরা খেল তাদের প্রথম মোক্ষম মার। ওদিকে হিটলারের মিত্র জাপান পার্লে হারবার আক্রমণ করার ফলে আমেরিকাও যুদ্ধে নামল। মার্কিনদের এক দল গেল জাপানকে হারাতে; অন্য দল ইংরেজসহ উত্তর আফ্রিকায়। সেখানে বমেল প্রায় মিশর আক্রমণ করে সুয়েজ দখল করতে যাচ্ছিলেন। মার্কিন-ইংরেজ সম্পূর্ণ উত্তর আফ্রিকা দখল করে নামলো জার্মানমিত্র মুসোলিনির মুম্বুক ইতালিতে।

ওদিকে ১৯৪৪-এ রুশ বিপুল বিক্রমে জার্মানদের আক্রমণ করে বিজিত রাশা থেকে তাদের খেদিয়ে দিয়ে পৌঁছে গেল পোলাভে—তারপর জার্মান সীমান্তে। এদিকে ১৯৪৪-এর গ্রীষ্মকালে হাজার হাজার জাহাজ নিয়ে মার্কিন-ইংরেজ নামল পশ্চিম ফ্রান্সের নরমান্ডি উপকূলে (হিটলার যে নৌ-অভিযান করতে সাহস পান নি এরা সেটাই উশ্টোদিক থেকে করলে)। হিটলার সমুদ্র উপকূলে প্রচুর রক্ষণব্যবস্থা করেছিলেন—সেনাপতিদের মধ্যে রমেলও ছিলেন—কিন্তু দুশমনকে ঠেকাতে পাবলেন না। তারা ফ্রান্স জয় করে ১৯৪৫-এর শীতকালে জার্মানি ঢুকে, রাইন নদ অতিক্রম কবে বার্লিনের কিছু দূরে এসে দাঁড়িয়ে রইল। কাবণ স্তালিনের সঙ্গে মার্কিন-ইংবেজের চুক্তি ছিল, রুশরা প্রথম বার্লিন প্রবেশ করবে। রুশরা বার্লিনের পূর্ব সীমান্তে পৌঁছে গিয়েছে। এবারে তারা বার্লিন আক্রমণ করবে। এটা এপ্রিলের মাঝামাঝি—১৯৪৫ খ্রীষ্টাব্দ। আর কয়েক দিন পরেই হিটলারের জন্মদিন—২০ এপ্রিল।

২০ এপ্রিল। আজ ফ্যুরারের জন্মদিন। তিনি কি জানতেন, দশ দিন পব তাঁকে নিজের

১ জার্মান বাস্তের নেতা (ফ্যুবাব) হওয়াব বহু পূর্বে তাঁব একমাত্র বই হিটলাব লেখেন 'মাইন কামপফ্' নাম দিয়ে। এ পুস্তকের অন্যতম মূল বক্তব্য সমুদ্রপাবে কলনি নির্মাণেব যুগ গেছে (এটা সত্য, এতদিনে সপ্রমাণ হয়েছে); জার্মানিকে রুশদেশ জয় কবে সেখানে কলনি স্থাপন কবতে হবে।

হাতে নিজের জীবন নিতে হবে? না, কারণ ২৯ এপ্রিল রাতেও তিনি জেনারেল ভেংকের খবর নিচ্ছেন, তিনি কবে পর্যন্ত চতুর্দিকে সম্পূর্ণরূপে অবরুদ্ধ বার্লিন থেকে তাঁকে উদ্ধার করবেন। আবার ২০ এপ্রিলে ফিরে যাই।

হিটলারের আমীর-ওমরাহ, সেনাপতি-জাঁদরেল, সাস্ত্রোপাঙ্গ সেদিন সবাই জন্মদিন উপলক্ষে বৃদ্ধারে উপস্থিত হয়েছেন। এঁদের প্রায় সকলেই মনে মনে জানতেন, ফুরারের সঙ্গে এই তাঁদের শেষ দেখা, কারণ রাশানরা তখন বার্লিনের প্রায় চতুর্দিকে বৃত্তাকারে ব্যূহ নির্মাণ করে ফেলেছে। যে প্রভুকে তাঁরা কেউ ১২ বছর, কেউ ২০ বছর ধরে সেবা করেছেন এবং হিটলার চ্যান্সেলর হওয়ার পর ধনজন-খ্যাতি-খেতাব সব কিছুই তাঁর অকৃপণ হস্ত থেকে পেয়েছেন—তাঁকে তখন ত্যাগ করতে তাঁদের আর তর সইছে না। কারণ রাশান-ব্যূহ পরিপূর্ণ চক্রাকার ধারণ করার পর তাঁরা আর বেরুতে পারবেন না। তদুপরি বার্লিনের আরও দক্ষিণে রুশ-সেনাবাহিনীর আরেক বৃহৎ অংশ রাস্ট্রের প্রায় মাঝখানে এসেছে; মার্কিন ইংরেজ পশ্চিম থেকে পূর্ব পানে তাদের দিকে এগিয়ে আসছে। দুই সৈন্যদল হাত মেলালে পর রাইষ দুই খণ্ডে বিভক্ত হয়ে যাবে। ২০ এপ্রিলে তারা তখনো হাত মেলায়নি—দক্ষিণ জার্মানি পৌঁছবার জন্য তখনো একটি করিডর খোলা। বেশীর ভাগই দক্ষিণ জার্মানি যেতে চান। সেখানেই নাৎসি আন্দোলনের জন্মভূমি ম্যুনিক শহর; তার কাছেই হিটলারের আবাসভূমি বেগহর্ফ—বেরুস্টেশ-গাডেন্ অঞ্চলে, আল্পসের উপরে। সকলেরই বিশ্বাস শেষ পর্যন্ত হিটলার ঐ পর্বতসঙ্কুল গিরি-উপত্যকার গোলকর্থাধাতে এসে তারই সাহায্যে অনির্দিষ্ট কালের জন্য দূশমনের সঙ্গে লড়ে যাবেন।

কারণ হিটলাব একাদিক্রমে বার বার তাঁর সহচরদের বলেছেন : ‘আপনারা নিশ্চিত থাকুন, এই যে রুশ, মার্কিন, ইংরেজ মৈত্রী এটা কিছুতেই দীর্ঘস্থায়ী হতে পারে না। এদের আদর্শ স্বার্থ ভিন্ন ভিন্ন। দুই সৈন্যদল মুখোমুখি হতেই এই কোয়ালিশন (মৈত্রী) ভেঙে পড়বে। ফ্রেডরিক দ্য গ্রেটের বিরুদ্ধে ঠিক এই রকমই কোয়ালিশন হয়েছিল। তিনিও নিরুপায় হয়ে যখন আত্মহত্যার চিন্তা করছেন, ঠিক সেই সময় কোয়ালিশনের অন্যতম প্রধান নেত্রী রাশার মহারাণী মারা গেলেন। রাশানরা বাড়ি ফিরে গেল; সঙ্গে সঙ্গে কোয়ালিশন খানখান হয়ে গেল। জার্মানি লুপ্তগৌরব ফিরে পেল এবং উচ্চতর শিখরে আরোহণ করল।’

বৃদ্ধারের খাস কামরায় নৌসেনাপতি ড্যানিংস, জেনারেল কাইটেল, জেনারেল ইয়োডলের কাছ থেকে হিটলার একজন একজন করে জন্মদিনের অভিনন্দন গ্রহণ করলেন। বাদবাকিরা—গ্যোরিঙ, রিবেন্ট্রপ, হিমলার (হিটলার এঁরই মারফৎ আইষমানকে ইহুদি-হনে নিযুক্ত করেন), গ্যোবেলস, বরমান ইত্যাদির সঙ্গে করমর্দন করলেন। মুখে ফুটে উঠেছে আত্মবিশ্বাস। তিনি দুঢ়নিশ্চয়, বার্লিন মহানগরের সামনে রাশানরা পাবে তাদের চূড়ান্ত পরাজয়। ভাগ্যবিধাতাই শুধু জানেন, এই সব অপদার্থ চাটুকারদের ক’জন হিটলারের এই অন্ধবিশ্বাসে অংশীদার ছিলেন। কারণ এঁরা সবাই জানতেন, প্রায় সপ্তাহখানেক পূর্বে রাশার জারিনার (মহারাণীর) মত প্রেসিডেন্ট রোজভেণ্ট মারা গিয়েছেন, কিন্তু মার্কিন সৈন্যদল স্বদেশ প্রত্যাবর্তন করেনি।

হিটলার আগের থেকেই জার্মানিকে উত্তর দক্ষিণ দু’ভাগে বিভক্ত করে বেখেছিলেন। এখন আদেশ দিলেন, বার্লিনে যাঁদের নিতান্তই কোনো প্রয়োজন নেই তাঁরা হয় উত্তর নয়

দক্ষিণ পানে চলে যাবেন। স্বস্তির নিঃশ্বাস ফেলে আমীর-ওমরাহ দক্ষিণ বাগে চললেন—বিরাট বিরাট লরীতে করে দফতরের কাগজপত্র বোঝাই করে এবং তার চেয়েও বড় কথা—আপন আপন ধন-দৌলত বোঝাই করে। পড়ে রইল বার্লিনের অসহায় লক্ষ লক্ষ নরনারী। আর রইলেন খাঁটি প্রভুভক্ত গ্যোবেল্‌স্, ক্ষমতালোভী সেক্রেটারী বরমান—হিটলারের ‘গরবে তিনি গরবিনী’। দূরে চলে গেলে সে শক্তি পাবেন কোথা থেকে? বাদবাকিদের অধিকাংশের সঙ্গে হিটলারের আর দেখা হয়নি। তাঁর দুই প্রধান সেনাপতি কাইটেল আর ইয়োডল গেলেন বার্লিনের উপকণ্ঠে, সেনাবাহিনীর হেড কোয়ার্টার্সে; নৌসেনাপতি চলে গেলেন উত্তর-পশ্চিম সমুদ্রপারে, তাঁর হেড কোয়ার্টার্সে।

সবাই করজোড়ে হিটলারকে নিবেদন করলেন, আর কয়েকদিনের মধ্যেই রুশসৈন্য বার্লিনের চতুর্দিকে বৃহৎ স্থাপন করে ফেলবে। ফ্যুরার তাহলে আর দক্ষিণে যেতে পারবেন না। যুদ্ধচালনার হুকুম-নির্দেশ তাহলে দেবে কে? হিটলার কিন্তু কিছুতেই মনস্থির করতে পারছেন না। অবশ্য এ-কথা সবাই জানতেন, একবার মনস্থির করার পর হিটলার অচল অটল হয়ে রইতেন।

তারপর হিটলার হুকুম দিলেন, বার্লিনে ও বার্লিনের চতুর্দিকে যেসব সৈন্য রয়েছে তারা যেন সবাই একত্র হয়ে এক জোটে সব ট্যাঙ্ক সব জঙ্গীবিমান নিয়ে বার্লিনের দক্ষিণভাগে রুশসৈন্যদের আক্রমণ করে। হিটলার হুকুম দিয়ে বললেন, ‘কোনো সেনাধ্যক্ষ যদি তার সৈন্যকে সম্মুখযুদ্ধে না পাঠায় তবে পাঁচ ঘণ্টার বেশী সে বাঁচবে না।’ জঙ্গীবিমানের সেনাপতি কলারকে বললেন, ‘তোমার মাথার দিব্যি, কোন সৈন্য যদি রণাঙ্গনে না যায়....।’ এস্থলে ‘মাথার দিব্যি’ অর্থ, হিটলার তার মুণ্ডটির ভিতর দিয়ে পিস্তলের গুলি চালাবার হুকুম দেবেন।

কিন্তু হয়, বাস্তব জগতের সঙ্গে হিটলারের হুকুমের কোনো সাদৃশ্য তখন আর ছিল না। মাসের পর মাস ধরে তাঁর আমীর-ওমরাহ তাঁর কাছে সত্য গোপন করে চলেছেন। যাঁরা সত্য গোপন করেননি, তাঁদের মধ্যে যাঁরা অশেষ ভাগ্যবান, তাঁরা সুদূর অপমানিত লাঞ্চিত হয়ে বরখাস্ত হয়েছেন, অন্যরা কনসেনট্রেশন ক্যাম্প, কারাগারে ফাঁসি যাচ্ছেন বা হিটলারের খাসসেনানীর চাবুকে চাবুকে জর্জরিত হচ্ছেন। সত্য গোপন করে হিটলারকে বলা হয়নি, ব্যাটালিয়ানের পর ব্যাটালিয়ান যে নিশ্চিহ্ন হয়ে গিয়েছে—যেখানে হিটলার ভেবেছেন পুরো ডিভিশন রয়েছে, সেখানে তার এক-দশমাংশ আছে কিনা সন্দেহ, তিনজন সেপাইয়ে মিলে রয়েছে একটা বন্দুক, টোটোর সংখ্যা এতই সীমাবদ্ধ যে শত্রু দশবার গুলি ছুঁড়লে এরা একবার;—হিটলার জানতেন যে জঙ্গীবিমানের পেটল কমে আসছে, কিন্তু তারই অভাবে যে শত শত অ্যারোপ্লেন মাটিতেই শত্রুর ঝোমারু দ্বারা বিনষ্ট হচ্ছে তার পুরো খবর তাঁকে দেওয়া হয়নি।

বুকারের কনফারেন্স রুমের টেবিলের উপর বিরাট জঙ্গী ম্যাপ খুলে হিটলার তাঁর কাল্পনিক সৈন্যবাহিনী, ট্যাঙ্ক, সাঁজোয়া গাড়ি লাল নীল রঙীন বোতামের প্রতীক দিয়ে সাজাচ্ছেন আর কোন্ জায়গা থেকে কোন্ সৈন্যদল কোথায় কার সঙ্গে সংযুক্ত হয়ে কোন্ জায়গায় আক্রমণ করবে তার হুকুম দিচ্ছেন। এসব সেনাপতিদের, এমন কি কোনো কোনো স্থলে কর্নেলদের অবস্থা বুঝে ব্যবস্থা করার কথা—এ সমস্ত তিনি তুলে নিয়েছেন

আপন স্বক্ষে। হুকুম দিচ্ছেন মাটির নিচের বুক্কারে বসে। যুদ্ধের শেষের দিকে মার্কিন-ইংরেজ বোমারু জঙ্গীবিমান জর্মনির আকাশে একচ্ছত্রাধিকার প্রতিষ্ঠিত করেছে এবং দিন নেই রাত্রি নেই বেথড়ক বোমা ফেলে ফেলে বার্লিন শহরটাকে প্রায় ধ্বংসস্থাপে পরিণত করেছে। হিটলার একদিনের তরে, একঘণ্টার তরেও সরজমিনে অবস্থা তদন্ত করতে বেরোননি। পাছে ‘বাস্তবতা’ তাঁর অনুপ্রেরণাকে ব্যাহত করে। পক্ষান্তরে যুদ্ধের গোড়ার দিকে জর্মন বোমারু যখন লন্ডন লণ্ডলণ্ড করছিল তখন প্রায়ই দেখা যেত, বিরাট সিগার মুখে চার্চিল সে-সব জায়গায় ঘুরে বেড়াচ্ছেন আর জনসাধারণকে দুঃখের দিনে উৎসাহ দিচ্ছেন—আর তারাও বলছে, ‘আসুক না তারা। আমরাও আছি—গুড্ গুন্ড উইনি’।^২

বুক্কারে হিটলারের জীবনের শেষ ক’দিন সম্বন্ধে যাঁরা লিখেছেন তাঁরা অনেক ক্ষেত্রে সময় ও তারিখে ভুল করেছেন। কারণটি অতিশয় সরল। দিনের পর দিন এঁরা বিজলি বাতিতে কাজ করেছেন—মাটির পঞ্চাশ ফুট নিচে। সূর্যোদয়, সূর্যাস্ত কিছুই দেখতে পাননি। তাবিখ ঠিক থাকবে কি করে? মাঝে মাঝে তাঁরা প্রায় ভিরমি যেতেন। বাইরের বিশুদ্ধ বাতাস কলের সাহায্যে বুক্কারে ঠেলে দেওয়া হত। কিন্তু বোমাবর্ষণের ফলে বাইরের আকাশে মাঝে মাঝে এত খুলোবালি জমে যেত যে কল সেগুলোও বুক্কারের ভিতর পাঠাতো। তখন বাধ্য হয়ে কিছুক্ষণের জন্য কল বন্ধ করে দিতে হত। ফলে অক্সিজেনের অভাবে সবাই নিরুদ্ধনিঃশ্বাস। বুক্কারের ভিতরকাব অনৈসর্গিক দূষিত বাতাবরণের—দৈহিক ও মানসিক উভয়ই—সর্বোত্তম বর্ণনা দিয়েছেন হ্যার বলট্ একখানা চাট বইয়ে। ট্রেভার তার উপর অনেকখানি নির্ভর করেছেন। অমূল্য চাট বইখানার অনুবাদ নিশ্চয়ই হব্বেছে কিন্তু সেটি আমার চোখে পড়েনি—আমি উপকৃত হয়েছি বলে পাঠককে পড়তে বলছি। শুনেছি, বইখানা নাকি দক্ষিণ আমেরিকায় আইষমানের লাইব্রেরিতে পাওয়া যায়, এবং ক্রোডোমন্ড আইষমান নাকি মার্জিনে লিখেছেন—‘ব্যটাকে যদি একবার পেতুম’!^৩

পূর্বোন্নিখিত আক্রমণের যে আদেশ হিটলার তাঁর জন্মদিনের পরের দিন ২১ এপ্রিল দিলেন তার সেনাপতি নিযুক্ত হলেন স্টাইনার।

পরের দিন সকালবেলা (হিটলার শুতে যেতেন ভোরের দিকে আর উঠতেন দুপুরের দিকে—শেষের দিকে দুর্ভাবনা আর ভগ্নস্বাস্থ্যের দরুন শুতে যেতেন আরও দেরিতে, উঠতেনও তাড়াতাড়ি, তিন ঘণ্টারও বেশী ঘুম হত না) থেকে হিটলার স্বয়ং এবং তাঁর হুকুমে অন্যান্যরা চতুর্দিকে ফোন করতে লাগলেন, স্টাইনারের আক্রমণ কতদূর এগিয়েছে? কেউই কোনো পাকা খবর দিতে পারে না। যেটুকু আসছে তাও পবস্পরবিরোধী; একবার স্বয়ং হিমলার বললেন—তিনি অবশ্য অকুস্থল থেকে দূরে—আক্রমণ চলছে, তার পরমুহূর্তেই অন্য সূত্র থেকে খবর এল আক্রমণ আদপেই আরম্ভ হয়নি। এমন কি স্টাইনার স্বয়ং যে কোথায় তাও কেউ সঠিক বলতে পারে না। যে জেনারেল কলারের মুণ্ডুর ভিতর দিয়ে গরম বুলেট চালিয়ে দেবার ভয় দেখানো হয়েছিল তিনি তাঁর রোজনামচায় সেই ধুকুমারের বর্ণনা লিখেছেন—এবং সেটি প্রকাশিত হয়েছে।

বিকেল তিনটে পর্যন্ত কোন খবর নেই। তারপর নিত্যিকার প্রথামত মন্ত্রণাসভা বসল। উপস্থিত ছিলেন ফ্যুরার, দুই জেনারেল কাইটেল (হিটলারের পরেই তিনি) ও তার

২ উইনি, উইনস্টন চার্চিল।

৩ বলট্—ডি লেৎসডেন টাগে ড্যাব বাইস্কাঙ্সলাই।

পরের জন ইয়োডল; এবং আরও দুই সেনাপতি বুর্গডর্ফ (পাঁড়মাতাল) ও ফ্রেব্‌স—
শেষের দুজন সদাসর্বদা হিটলারের পাশের বুক্বারে বাস করতেন ও বলতে গেলে
হিটলারের লিয়েজৌ আপিসার ছিলেন এবং হিটলারের সেক্রেটারি বরমান।^৪

সেই ঐতিহাসিক মন্ত্রণাসভায় হিটলার-রাইবের শেষ হাঁড়ি ফাটলো।

স্টাইনার-আক্রমণ আদৌ ঘটেনি। একখানি বোমারু বা জঙ্গীবিমানও আকাশে ওঠেনি।
হিটলারের পৃষ্ঠানুপৃষ্ঠ প্র্যান, মুণ্ডু দিয়ে বুলেট চালানোর বিভীষিকা প্রদর্শন—সব ভণ্ডুল,
সব নস্যাৎ!

তাঁর জীবনে এই প্রথমবারের মত হিটলার পরাজয় স্বীকার করলেন।

হিটলারের মেজাজটি ছিল আগুনে গড়া। দুঃসংবাদ পেলেই তিনি চিৎকার করে
উঠতেন কর্কশ কণ্ঠে, চিৎকাবে চিৎকারে তাঁর গলা ফেটে যেত, পাইচারি না—ঘরের এক
প্রান্ত থেকে আরেক প্রান্ত পর্যন্ত সবগে ছুটোছুটি আরম্ভ করতেন, মুখ দিয়ে ফেনা
বেকুতে আরম্ভ করত এবং চোখ দুটো যেন কোটর থেকে ছিটকে বেরিয়ে আসতে
চাইত। প্রধান প্রধান সেনাপতিদের মুখের সামনে ঘৃষি বাগিয়ে ‘কাপুরুষ, বিশ্বাসঘাতক’
পর্যন্ত বলতে কসুর করতেন না। বেদরদীরা বলে, তিনি শেষ পর্যন্ত মেঝেতে গড়াগড়ি
দিতে দিতে কার্পেট চিবুতে আরম্ভ করতেন—তাই তারা তাঁর নামকরণ করে
‘কার্পেটভুক’। তবে সত্যের খাতিরে বলা ভাল, হিটলারের শত্রু-মিত্র কোনো ঐতিহাসিকই
এটা বিশ্বাস কবেননি।

এবারে শুধু যে তাই হল তা নয়, এবার চিৎকার, হুঙ্কার, বেপথুর পর তিনি নির্জীবের
মত চেয়ারে বসে স্বীকার করলেন, এই শেষ। রুশের তুলনায় জার্মান জাতি হীনবল, নিবীৰ্য,
অপদার্থ বলে সপ্রমাণিত হয়েছে, তাঁর মত লোককে তাদের ফ্যুরাররূপে পাবার গৌরব
ও সামর্থ্য তারা ধরে না। তাঁর মনে আর কোনো দ্বিধা নেই, তিনি দক্ষিণ জার্মানি গিয়ে
আল্‌পসেব গিরি-উপত্যকা গুহা-গহুরে যুদ্ধ চালাবেন না—তৃতীয় রাষ্ট্র বন্ধ্য সপ্রমাণ
হয়ে গিয়েছে। তিনি বার্লিনেই থাকবেন। সন্মুখযুদ্ধ করার মত শারীরিক শক্তি তাঁর আর
নেই বলে রুশরা বার্লিন প্রবেশ করলে তিনি বার্লিনের রাস্তায় বীরের মত যুদ্ধ করে প্রাণ
দিতে পারবেন না। তিনি তখন আত্মহত্যা করবেন।

একথা সত্য, হিটলারের শরীরে তখন আর কিছু নেই।

হিটলারের অন্যতম বিশেষজ্ঞ চিকিৎসক হাসলবাখ বলেন, ‘১৯৪০ পর্যন্ত হিটলারকে
তাঁর বয়সের তুলনায় (তখন তিনি ৫০) অনেক কম দেখাত। ঐ সময় থেকে তিনি অত্যন্ত
তাড়াতাড়ি বড়োতে লাগলেন। ১৯৪০ থেকে’ ৪৩ পর্যন্ত তাঁর যা সত্যকার বয়স তাই
দেখাতো। ১৯৪৩-এর (স্তালিনগ্রাদের পরাজয়ের) পর তিনি বড়ো হয়ে গেলেন।’ শেষ
পর্যন্ত তাঁর স্বাস্থ্য যে একেবাবে ভেঙে পড়ে তার জন্য অংশত তাঁর হাতুড়ে ডাক্তার মরেলই
দায়ী—হিটলারকে যেসব গণ্যমান্য চিকিৎসক পরীক্ষা করেছেন, কিংবা সাময়িকভাবে
চিকিৎসা করেছেন তাঁরা সকলে একবাক্যে এ সত্যটি বলে গেছেন। হিটলার কার্যক্ষম

^৪ ডাঙব ডাঙব নাৎসিদের বিরুদ্ধে যুদ্ধশেষে মিত্রপক্ষ ন্যূরনবর্গে ‘মকদ্দমা’ কবেন # কাইটেল, ইয়োডলের ফাসি হয়। বুর্গডর্ফ, ফ্রেব্‌সের কোনো সন্ধান পাওয়া যায়নি, তবে প্রায় সবাই নিঃসন্দেহ, বাশানা বা যখন ২ মে তারিখে বুক্বার আক্রমণ করে তখন এঁরা আত্মহত্যা কবেন। তাব পূর্বে ফ্রেব্‌স সন্ধির প্রস্তাব নিয়ে (১ মে) বাশান প্রধান সেনাপতির কাছে যান, কিন্তু রাশানরা শর্ত মানলো না বলে প্রস্তাব ভেঙে যায়। বরমান নিখোঁজ।

ধাক্কার জন্যে—সামান্যতম সর্দিকাপিণ্ডে পর্যন্ত তিনি ভয় পেতেন, এবং আসার লক্ষণ দেখতে পেলেই অবিচারে ইনজেকশন নিতেন—মরেলের কাছ থেকে উদ্ভেজনাদায়ক ওষুধ চাইতেন। মরেলও অবিচারে এমন সব ওষুধ আর ইনজেকশন দিতেন যেগুলো দিত সাময়িক উদ্ভেজনা কিন্তু আবেগে করত স্বাস্থ্যের অশেষ ক্ষতি। বুক্বারে সাময়িকভাবে থাকাকালীন অন্য এক ডাক্তার দৈবযোগে হিটলারের চাকর লিঙ্কের ড্রয়ারে এসব ওষুধ প্রচুর পরিমাণে পান ও বিশ্লেষণ করে দেখেন যে ওগুলোতে মারাত্মক বিষ রয়েছে, যেগুলো অতি অল্প ডোজে কঠিন ব্যামোতে দেওয়া হয়। অথচ মরেল ওগুলো লিঙ্কেকে দিয়ে রেখেছিলেন, হুজুর যাতে যখন খুশী, যত খুশী এসব ট্যাবলেট খেতে পারেন।^৭

আর ইনজেকশনের তো কথাই নেই : লেকচার দিতে হলে পূর্বে ইনজেকশন, পরে ইনজেকশন। প্রকৃতি অসুস্থ মানুষকে সুস্থ হতে সাহায্য করে, মরেল বা হিটলার সে সাহায্য নিতে চাইতেন না। ফলে ‘প্রকৃতির প্রতিশোধ’ও শেষ বয়সে নির্মমভাবে তার শ্রাণ্য নেয়।

ডাক্তাররা যখন হিটলারকে এ তথ্যটি বললেন, তখন তিনি রেগে টং। মরেলের উপর না, ডাক্তারদের উপর।

হিটলার তাঁদের অকথ্য অপমান করে তাড়িয়ে দিলেন। তাঁর বক্তব্য, মরেলের কড়ে আঙুলের যত এলেম, এঁদের গুস্তির সব কটার মগ্নেও তা নেই।

ফেব্রুয়ারি ১৯৪৪ সালে বল্টু মিলিটারি রিপোর্ট দিতে গিয়ে তাঁকে প্রথমবারের মত কাছের থেকে দেখেন। ‘হিটলার অনেকখানি কুঁজো হয়ে, বাঁ পা হেঁচড়ে টেনে আনতে আনতে আমার দিকে এগিয়ে এসে কবমর্দন করতে হাত বাড়িয়ে দিলেন। মর্দনের সময় নিজীব হাত কোনো চাপ দিল না। তীক্ষ্ণ দৃষ্টিতে আমার দিকে তাকালেন—তাঁর চোখে এক অবর্ণনীয় কাঁপা কাঁপা জ্যোতি^৬ সম্পূর্ণ অনৈসর্গিক এবং ভীতিজনক। তাঁর বাঁ হাত নিস্তেজ হয়ে ঝুলে পড়ে ক্ষণে ক্ষণে কেঁপে উঠছে। তাঁর মাথাও অল্প অল্প দুলাচ্ছে। তাঁব মুখ ও বিশেষ করে চোখের চতুর্দিকে দেখলে মনে হয় যেন এগুলোর সব শেষ হয়ে গেছে। সবসুদ্ধ মিলিয়ে মনে হয়, লোকটি অতিশয় বৃদ্ধ।’^৭ অনারা বলেছেন, নানা রকমের বিষাক্ত ওষুধ খেয়ে খেয়ে তাঁর চামড়ার রঙ বিবর্ণ পাঁচটে হয়ে গিয়েছিল। তাঁর বাঁ হাত এত বেশী কাঁপতো যে চেয়ারের হাতা বা টেবিল তিনি সে হাত দিয়ে চেপে ধরতেন; দাঁড়ানো অবস্থায় দু হাত পিছনে নিয়ে গিয়ে ডান হাত দিয়ে বাঁ হাত চেপে ধরে রাখতেন।...বল্টু হিটলারের মৃত্যুর এক সপ্তাহ পূর্বে আবার তাঁর কর্ণা দিতে গিয়ে বলেন, তিনি আরও কুঁজো হয়ে গিয়েছেন, আরও পা টেনে টেনে আস্তে আস্তে এগোন। সমস্ত চেহারাটা মৃত। সবসুদ্ধ শীর্ণ-জীর্ণ বিকৃতমস্তিষ্ক অতি বৃদ্ধের মূর্তি। চোখেও সেই অস্বাভাবিক জ্যোতি আর নেই।

হিটলার যখন দৃঢ়কণ্ঠে বার্লিনেই মৃত্যুবরণের শপথ গ্রহণ করলেন তখন সকলেই একবাক্যে আপত্তি জানিয়ে বললেন, ‘নিরাশ হবার মত কিছুই নেই। দক্ষিণ জার্মানি ও

৫ চিকিৎসকদের কৌতূহল হতে পারে ওষুধটা কি? এর নাম Dr Koester's Antigaspsills এছ প্রেসক্রিপশন. Extr Nux Vom, extr Bellad a a 0.5, extr Gent 10. বলা বাস্তব্যে, এসব ব্যাপারে আমি সম্পূর্ণ অজ্ঞ। আমি যদুস্তং নকল দিলাম।

৬ অনেকে সন্দেহ করেছেন, এ জ্যোতি উদ্ভেজক ওষুধবিশেষঃ।

৭ বল্টু, ট্রেভার বোপার, আসমান হুস্তব্য।

উত্তর ইতালিতে, বোহেমিয়া অঞ্চলে ও অন্যত্র এখনো অনেক অক্ষত সৈন্যবাহিনী রয়েছে। হিটলার যদি দক্ষিণ জার্মানির গিরি-উপত্যকায় তাদের জড়ো করেন তবে আরও অনেক দিন ধরে যুদ্ধ চালিয়ে ভাগ্য পরিবর্তন করা যাবে।’

হিটলার অচল অটল। তাঁর হুকুমে পরের দিন বার্লিন বেতার প্রচার করলো, হিটলাব ও গ্যোবেলস্ ও পার্টির কর্মকর্তাগণ বার্লিন ত্যাগ করবেন না, ফ্যুরার স্বয়ং বার্লিন রক্ষা করবেন। তার পরের কথাগুলো বোধ হয় গ্যোবেলসের জোড়া প্রপাগান্ডা-বাণী ‘বার্লিন ও শ্রাগ চিরকাল জার্মান শহর হয়ে রইবে।’ কাইটেল, ইয়োডল, বরমানকে ডেকে বললেন, ‘আমি বার্লিন ত্যাগ করবো না।’ জেনারেলস্বয় প্রতিবাদ করে বললেন, ‘তাহলে দক্ষিণ জার্মানির জমায়েত সৈন্য চালনা করবে কে?’ হিটলার বললেন, ‘সৈন্য চালনার কীই বা আছে, লড়াইয়ের কীই বা বাকি? এখন সন্ধিসূলেহ করো গে। সে কাজ গ্যোরিঙই আমার চেয়ে ঢের ভালো পারবে।’

গ্যোরিঙের এই উল্লেখ পরবর্তী অনেক ঘটনার জন্য দায়ী।

২৩ এপ্রিল দুপুরবেলা দক্ষিণ জার্মানিতে গ্যোরিঙের কাছে এই কথোপকথনের খবর পৌঁছল। তিনি যে খুশী হলেন সেটা কারও বুঝতে অসুবিধা হল না। তবু সাবধানের মাঝে নেই বলে হিটলারের আইন-উপদেষ্টাকে ডেকে পাঠিয়ে ১৯৪১ সালের হিটলাব-দস্ত সেই পুরোনো প্রত্যাদেশের দলিল বের করলেন—যেটাতে হিটলার তাঁকে তাঁর ডেপুটি কাপে নিয়োগ করেছিলেন। এখন যদি রিপোর্ট সত্য হয় যে হিটলার আর কোনো হুকুম দিচ্ছেন না, এবং সন্ধিসূলেহ করার জন্য তাঁকেই স্বরণ করে থাকেন তবে তাঁকে কিছু একটা করতে হয়। পারিষদদের সঙ্গে অনেকক্ষণ ধরে পরামর্শ করার পর তিনি হিটলাবকে তাব পাঠালেন, ‘আপনি যখন বার্লিনে শেষ পর্যন্ত থাকবেন বলে সিদ্ধান্ত করেছেন—তবে কি আপনি ১৯৪১-এর প্রত্যাদেশ মোতাবেক রাজী আছেন যে আমি তাবৎ রাইবের নেতৃত্ব গ্রহণ করি? আজ রাতে দর্শটার ভিতর কোনো উত্তর না পেলে বুঝবো, আপন কর্ম-স্বাধীনতা থেকে আপনি বঞ্চিত হয়েছেন এবং তদনুযায়ী দেশের দেশের মঙ্গলের জন্য নিজেকে নিয়োজিত করবো। আপনি জানেন, আমার জীবনের সর্বাপেক্ষা গুরুত্বময় এই মুহূর্তে, আপনার জন্য আমার হৃদয়ে কী অনুভূতি হচ্ছে! ভগবান আপনাকে—’ ইত্যাদি ইত্যাদি (তারপর আশীর্বাচন মঙ্গল কামনা অন্যান্য দরদী বাৎ)।

অত্যন্ত আইনসঙ্গত সহায় চিঠি। কিন্তু গ্যোরিঙের জাতশত্রু জানেব দূশমন সেক্রেটারি বরমান বছরের পর বছর ধরে এই মহাশুভ লগ্নের জন্য প্রহব গুনছিলেন। দিনভর হিটলার শুধু ‘নেমকহারাম, মিথ্যাবাদী, বিশ্বাসঘাতক সব—দলকে দল’ এইসব বুলি আওড়েছেন; যখন তিনি উদ্বেজনার চবমে হাঁপাচ্ছেন তখন বরমান গুড়িগুড়ি টেলিগ্রামখানা এগিয়ে দেবার সঙ্গে মৃদুকণ্ঠে এটাও যে আবেকটা বিশ্বাসঘাতকতা, হিটলাব উৎকণ্ঠ সঙ্কটে অসহায় জেনে এ শুধু গ্যোরিঙের নিছক শক্তি কেড়ে নেওয়ার নীচা হীন বড়যন্ত্র এবং এটা তার নির্লজ্জ আলটিমেটাম (ভীতিপ্রদর্শনের সঙ্গে ম্যাদ)—এ কথটিও বললেন।

হিটলার তখন চতুর্দিকে দেখছেন বিশ্বাসঘাতকতা; এটা তারই আরেক নেমকহারাম নিদর্শন—এই অর্থেই সেটা গ্রহণ করলেন। তীব্র কর্কশ কণ্ঠে গ্যোরিঙকে দিলেন অশ্রাব্য গালাগাল। বেবাক ভুলে গেলেন, তাঁবই মুখে বেরিয়েছিল গ্যোরিঙ সম্বন্ধে প্রস্তাব, কিন্তু

বরমান যখন গ্যোরিঙের প্রাণদণ্ডাংশ চাইলেন তখন তিনি পার্টি এবং ফ্যুরারের প্রতি গ্যোরিঙের পরিপূর্ণ আত্মসমর্পণ ও সেবা ভুলতে না পেয়ে আদেশ দিলেন, তাঁকে তাঁর সর্ব পদ সর্ব ক্ষমতা থেকে পদচ্যুত করা হল, এবং আদেশ দেওয়া হল হিটলারের পর তিনি তাঁর স্থলাভিষিক্ত হবেন না। এবং তাঁকে গ্রেফতার করে বন্দী করে রাখার হুকুম দেওয়া হল।

ইতিমধ্যে হিটলার গ্যোবেল্‌স্‌ দম্পতিকে ডেকে পাঠিয়ে বললেন, তাঁরা যেন তাঁদের বাসস্থান ত্যাগ করে তাঁদের ছ'টি বাচ্চাসহ তাঁর পাশের বুক্কারে বাসা বাঁধেন। সুবুদ্ধিমান হাতুড়ে ডাক্তার মরেল ইতিপূর্বেই চোখের জল ফেলতে ফেলতে (কেউ কেউ বলেন চোখের জল ফেলে অনুনয় করে, অন্যেরা বলেন কুমীরের ভণ্ডাশ্র) হিটলারের কাছ থেকে বিদায় ভিক্ষা করে দূর দক্ষিণে কেটে পড়েছেন (হিটলার যেন ব্যঙ্গ করে বলেছিলেন, 'যে পথে যাচ্ছি সেখানে যাবার জন্যে আপনাকে আমার আর প্রয়োজন নেই')। তাঁর কামরা ছিল বুক্কারে হিটলারের মুখোমুখি—গ্যোবেল্‌স্‌ সে ঘরটাও পেলেন। গ্যোবেল্‌স্‌ দম্পতি ও হিটলার ভবিষ্যৎ নিয়ে আলোচনা করতে বসলেন। গ্যোবেল্‌স্‌ বললেন তিনিও আত্মহত্যা করবেন, এবং হিটলারের আপত্তি সত্ত্বেও ফ্রাউ গ্যোবেল্‌স্‌ বললেন, তিনিও সেই পথ ধরবেন এবং বাচ্চা ছ'টিকে বিষ খাইয়ে মারবেন।

এটা এমনি বীভৎস কাণ্ড যে কোনো ঐতিহাসিকই এ নিয়ে মস্তব্য করেননি। এর পর হিটলার তাঁর কাগজপত্র থেকে নিজে বাছাই করে কতকগুলো গোড়াবার আদেশ দিলেন।

সমস্ত দিন ধরে দক্ষিণ থেকে পররাষ্ট্রমন্ত্রী রিবেন্ট্রপ, উত্তর থেকে নৌসেনাপতি ড্যানিয়েস ও হিমলার এবং আরও একাধিক আমীর হিটলারকে বার্লিন ত্যাগ করতে সনির্বন্ধ অনুরোধ জানালেন, কিন্তু হিটলার অটল অচল। ২৩ তারিখে তিনি জেনারেল কাইটেলেকে পশ্চিম রণাঙ্গনে পাঠিয়েছেন জেনারেল ভেংকের কাছে—তিনি তাঁর সেনাবাহিনী নিয়ে বার্লিন উদ্ধার করবেন। ইতিমধ্যে রাশানরা বার্লিন মাঝখানে রেখে সাঁড়াশী বৃহৎ নির্মাণের জন্য বার্লিন ছাড়িয়ে পশ্চিম দিকে পঞ্চাশ মাইল এগিয়ে গিয়েছে। ভেংকে এদের সঙ্গে লড়াই করে করে তবে বার্লিন পৌঁছতে হবে। হিটলার ঘড়ি ঘড়ি শুধোচ্ছেন, ভেংকের খবর কি, তিনি কতদূর এগিয়েছেন! সমস্ত বুক্কারবাসীর ঐ এক শেষ ভরসা। কিন্তু তাঁর কোনো খবর নেই।

২৫ তারিখে রুশসৈন্য সমস্ত বার্লিন চক্রব্যূহে ঘিরে ফেলল। এর পর আর দশ-বিশজন লোক যে একসঙ্গে বার্লিন থেকে বেরুবে তার উপায় আর রইল না। তবে একজন দুচ্ছন গলিঘুঁটি দিয়ে স্কিয়ে-চুরিয়ে রাতের অন্ধকারে হয়তো বেরুতে পারে। এ অবস্থায় হিটলারকে বার্লিন ত্যাগ করার জন্য আর অনুরোধ করা যায় না।

কিন্তু বুক্কারে দিনে দু'বার কখনো বা তিনবার হিটলার তাঁর মন্ত্রণাসভায় নেতৃত্ব করে যেতে লাগলেন। সেখানে শুধু ঐ খবরই পাওয়া যেত, রুশরা বার্লিনের কোন্ দিকে কতখানি ভিতরে ঢুকে পড়েছে। রাত্তায় রাত্তায় বৃদ্ধ আর বারো থেকে ষোল বছরের ছেলেরা যতখানি পারে লড়াই দিচ্ছে। যে কোনো সেনানীর পক্ষেই কোনো শহরের অন্তর্ভাগ দখল করা সহজ নয়। রুশরা এগুচ্ছে ধীরে ধীরে, অতি সাবধানে। ইতিমধ্যে পূর্ব থেকে এসে রুশসৈন্য ও পশ্চিম থেকে এসে মার্কিন সৈন্য মধ্য-জার্মানিতে হাত মিলিয়েছে—জার্মান এখন দু'খণ্ডে বিভক্ত। উত্তর থেকে—বার্লিন থেকে এখন আর

আলপসের গিরি-উপত্যকায় গিয়ে যুদ্ধ থলবিত করার কোনো প্রঙ্গই গুঠে না।

দুই সেনাবাহিনীর এই হাত মেলানোর খবর হিটলার পেলেন মন্ত্রণাসভায় বসে। সংবাদদাতা বললেন, 'দু'দলে কথা-কাটাকাটি হয়েছে।' ফ্যুরারের পাংগু মুখ উজ্জ্বল হয়ে উঠলো, চোখের জ্যোতি যেন হঠাৎ ফিরে এল। সোম্মাসে বললেন, 'আমি কি তখনই বলিনি? এইবারে শুরু হবে।' কিন্তু হয়, পরের দিনই খবর এল, দু'দল শান্তভাবে আপন আপন থানা গড়ে নির্বিরোধে খবর পরামর্শ লেন-দেন করছে।

বার্লিনের অবস্থা অবর্ণনীয়। অষ্টপ্রহর উপর থেকে বোমাবর্ষণ এবং তার সঙ্গে এসে ছুটেছে শহরের উপকণ্ঠে বিরাট বিরাট কামান। বোমা ফেলছে বৃষ্কারের উপর। স্তালিনগ্রাদে যে সব জর্মণ থরা পড়েছিল তাদের অনেকে মিলে হিটলারবিরোধী এক 'স্বাধীন জর্মণি' দল গড়ে। এরাই আজ রুশদের বার্লিনের রাস্তাঘাট, বাড়ি-ঘর চিনিয়ে দিচ্ছে। তাই তাগেও ভুল হচ্ছে না। বৃষ্কারে ফাটল ধরেছে। শহরের কোনো জায়গায় যদি অগ্নিশ্রং লক বোমায় আশুন থরলো তবে সে আশুন জলের অভাবে নেভানো যায় না বলে চুর্দিকে ছড়িয়ে পড়ে এবং যতক্ষণ না পূর্বের থেকে পুড়ে গিয়ে ফাঁকা জায়গায় পৌঁছয় ততক্ষণ সে ব্লকের পর ব্লক, রাস্তার পর রাস্তা পুড়িয়ে চলে। ভূগর্ভস্থ সেলারে সেলারে লক্ষ লক্ষ আহত সৈনিক গোঙরাচ্ছে, শিতুরা কাঁদছে। ক্ষুধার চেয়ে তৃষ্ণা বড় হয়ে দাঁড়িয়েছে। বোমা পড়ে কোনো কোনো জায়গায় জলের পাইপ ফেটে পূর্বে যে জল জমেছিল মেয়েরা সেই ঘোলাটে জল বালভিতে করে নিয়ে যাচ্ছে।

খবর এল রাস্তায় রাস্তায় লড়ে লড়ে রুশসৈন্যরা তো এগুচ্ছেই, সঙ্গে সঙ্গে তারা ভূগর্ভস্থ রেলপথের (আন্ডারগ্রাউন্ড রেলওয়ে) টানেল দিয়ে এগিয়ে আসছে। হিটলার হুকুম দিলেন স্প্র নদীর (কানাল বা বড় খালও বলা হয়) জল বন্ধ করার গেট খুলে দিতে। সে জল রুশদের ডুবিয়ে মারবে। কিন্তু সঙ্গে সঙ্গে মরবে হাজার হাজার আহত জর্মণ সৈনিক—যারা মাটির নিচের স্টেশন-প্ল্যাটফর্মে গুয়ে গুয়ে অচিকিৎসায় মৃত্যুর প্রতীক্ষা করছে। এদের জীবন-মরণে হিটলারের জাফেপ নেই। বলটে বলেছেন, সমস্ত যুদ্ধে এরকম হৃদয়হীন আদেশ তিনি শোনেননি। (এ আদেশ পালিত হয়েছিল কিনা আমি জানি নে)।

এর চেয়েও নির্চুর আদেশ হিটলার বরমানকে পূর্বেই দিয়ে বসে আছেন। যে শহরের সামনে শত্রুসৈন্য দেখা দেবে তার তাবৎ কারখানা, ওয়াটার-ওয়ার্কস, বিজলি, নদীর উপর সেতু সব যেন উড়িয়ে দেওয়া হয়। সরবরাহ মন্ত্রী স্পের আপত্তি জানিয়ে বললেন, 'যুদ্ধের পরে জর্মণরা তবে গড়বে কি, বাঁচবে কি দিয়ে?' হিটলার বললেন, 'এযুদ্ধে সপ্রমাণ হয়েছে জর্মণ জাত রুশের তুলনায় অপদার্থ; এদের পক্ষে মৃত্যুই শ্রেয়।' স্পের কিন্তু গোপনে এ আদেশ বানচাল করে দেন।

নির্চুরতম আদেশ দেন হিটলার বরমানকে জর্মণ জাতকে সম্পূর্ণ বিনষ্ট করার। উত্তর দক্ষিণ পূর্ব পশ্চিম থেকে আবালবৃদ্ধ নরনারীকে বেদিয়ে, সঙ্গীনের ঘায়ে, গুলি চালিয়ে জড়ো করা হোক মধ্য-জর্মণির এক মধ্য-অঞ্চলে। পথে বা সেখানে আহরাদির কোনো ব্যবস্থা থাকবে না। সেখানে ও পথে আসতে আসতে তারা সবাই মরবে। এ আদেশ পালিত হয়নি। সেনাবাহিনীতে হুকুম দেবার মত যথেষ্ট অফিসার ছিলেন না বলে, না অন্য কারণে কেউ স্পষ্টাঙ্গটি উল্লেখ করেননি। তবে একাধিক ঐতিহাসিক বলেছেন, বাইবেল-

বর্ণিত স্যামসন ('স্যামসন ও ড্যালাইলা' ছবি এদেশেও আসে) যে বকম মৃত্যুবরণ করার সময় তাঁর শত্রুদের মন্দির টেনে ভেঙে ফেলে তাদেরও মৃত্যু ঘটান, হিটলারও তেমনি ওপারে যাবার সময় কুল্লের জাতটাকে সঙ্গে নিয়ে যেতে চেয়েছিলেন।

বার্লিনবাসীরা প্যারিজিয়ানদের মত কখনো নিজেদের মধ্যে সিভিল ওয়ার লড়েনি বলে কখনো রাস্তায় রাস্তায় পিপে, পাথর, আসবাবপত্র, ভাঙা গাড়ি, মোটর দিয়ে ঘাঁটি বা ব্যারিকেড বানাতে শেখেনি। যেগুলো বানিয়েছিল সেগুলো এতই আনাড়ি হাতে তৈরি কাঁচা যে তার বর্ণনা দিয়েছেন সুইডেন বাজপরিবারের কাউন্ট ফলকে বেরনাডট্রে। ইনি ব্যারিকেড বানাবার সময় বার্লিনে আসেন সুইডিশ রেড ক্রসের প্রতিভূ হিসাবে, তাঁর দেশবাসী বন্দীদের জন্য মুক্তির আবেদন করতে।^১ ঐ ব্যারিকেডগুলো নিয়ে খাস বার্লিন কক্‌নিরা (ঢাকার কুট্রিদের মত) একে অন্যের সঙ্গে মস্তব্য বিনিময় করছিল। একজন বললে, 'এগুলো ভাঙতে রুশদের এক ঘণ্টা দু' মিনিট লাগবে।' 'কি রকম?' 'পাকা এক ঘণ্টা তাদের লাগবে হাসি খামাতে। আর দু' মিনিট লাগবে সেগুলো ভাঙতে।

ভিন্ন ভিন্ন বৃষ্কারে প্রায় ছ-সাতশ' হিটলার-দেহরক্ষী দেয়ালে হেলান দিয়ে দাঁড়িয়ে, বেষ্টিতে মাটিতে ঘুমিয়ে অথবা সংখ্যাতিত টিনে রক্ষিত হ্যাম, বেকন, সসেজ ('কুটির উপর এত পুরু মাখন যে বলদ ঠোঁকর খেয়ে পড়ে যাবে'), মুর্গা-রোস্ট আর বোতল বোতল ফ্রাফ থেকে লুট করে আনা, জর্মনির আপন উৎকৃষ্ট ওয়াইন, শ্যাম্পেন আছে। এরা জর্মনির ঐতিহ্যগত সেনাবাহিনীর লোক নয়—তাবা লড়ছে আশ্রাণ—এরা হিটলার হিমলাবের আপন হাতে তৈরী এস এস, যুদ্ধে নামবার বিশেষ আগ্রহ এদের নেই। এদের দেখে বল্ট মনে মনে ভাবছেন, 'এবা এখানে কেন? ফ্যুরার তথা জর্মনির শত্রু বৃষ্কারের ভিতবে না বাইরে, যেখানে লড়াই হচ্ছে?' কিন্তু রান্নাঘরের খাস বার্লিনের কক্‌নি (কুট্রি) মেয়েরা স্পষ্টভাষী। হঠাৎ কয়েকজন চিৎকার করে এদের বললে, 'হেই, হতভাগা নিষ্কার দল! তোরা যদি এখুনি বাইরে গিয়ে যুদ্ধে না নামিস তবে তোদের পবিয়ে দেব আমাদের গা থেকে মেয়েছেলেদের রান্না সময়কার পোশাক। আর আমরা যাবো লড়তে। বারো-চোদ্দ বছরের ছেলেরা প্রাণ দিচ্ছে লড়তে লড়তে রাস্তায়—আব হামদো হামদো তাগড়ারা বসে আছে এখানে।'

হিটলার তাকিয়ে আছেন ভেংকের আশায়।

বৃষ্কারের এই পাগলদের দুরাশার ভিতর একটি লোকের মাথা পরিষ্কার ছিল—ইনি হিমলাবের প্রতিনিধি—ফেগেলাইন। কিন্তু তিনি জানতেন না, যেখানে সবাই পাগল সেখানে সুস্থ-মস্তিষ্ক হওয়া পাগলামি। ইনি মোকা বুঝে এফার (যাকে দু'দিন পরে হিটলার বিয়ে করেন) বোনকে বিয়ে করে যেন হিটলার-পরিবারের একজন হয়ে গিয়েছিলেন—আসলে সবাই একমত, লোকটা অপদার্থ। গোড়াতে ছিল রেস-কোর্সের জকি। আড়ল ফুলে কলাগাছ, দস্তভরে যাকে-তাকে অপমান করতো—ওদিকে বরমান,

১ ঐ সময়েই হিটলারকে না জানিয়ে আত্মসমর্পণ ও যুদ্ধ-বিরতির প্রস্তাব নিয়ে তাঁর সঙ্গে আলোচনা করেন। পরে তাঁরই মাধ্যমে মিত্র-পক্ষের কাছে সন্ধির প্রস্তাব পাঠান। এসব আলোচনা ও জর্মনি রাষ্ট্রের শেষ ক'মাস সঙ্কে তিনি যুদ্ধের পর একখানি মনোরম বই লেখেন—ইংরিজি অনুবাদের নাম The certain falls পরম পরিতাপের বিষয় এই সন্মদয়, বিশ্বনাগবিক কয়েক বৎসব পর প্যালেস্টাইনে ইহুদী আয়বের সমঝাওতা করতে গেলে সেখানে ইহুদী আততায়ীর গুলিতে মারা যান।

বুর্গডর্ফ, ফ্রেব্‌স্‌ তার এক গেলাসের ইয়ার। হিটলার-পরিবাবের সম্মানিত সদস্য হয়েও পারিবারিক আত্মহত্যা করে পারিবারিক চিতানলে হিটলার-এফার সঙ্গে ভঙ্গীভূত হয়ে বৃহত্তর গৌরব সে কামনা করেনি। সোনা-জওহর নিয়ে পালাবার সময় সে ধরা পড়লে—এই সঙ্কটের সময়ও যে হিটলার সব দিকে নজর রাখতেন সেটা সপ্রমাণ হল যখন তিনিই প্রথম লক্ষ্য করলেন, ফেগেলাইন নেই। ধরার পর হিটলারের আদেশে তার মুনিফর্ম, মেডেলাদি কেড়ে নিয়ে, পদচ্যুত করে তাকে বন্দী করে রাখা হল।

২৭ এপ্রিল দিনের শেষে রাত্রে রাশানরা যেন দৈবক্ষমতায় দিব্যদৃষ্টি পেয়ে অব্যর্থ লক্ষ্যে হিটলারের বৃদ্ধারের আশেপাশে, উপরে বোমার পর বোমা ফেলতে লাগল। বৃদ্ধারবাসীরা জড়সড় হয়ে গুনতে পাচ্ছে যেন প্রত্যেকটি কামানের বিরাট গোলা তাদেরই মাথার উপর ফাটছে। কারও মনে আর সন্দেহ রইল না, এবার যে কোনো মুহূর্তে রুশেরা সরাসরি বৃদ্ধার আক্রমণ করবে।

সেরাত্রে হিটলার তাঁর অন্তরঙ্গজনকে নিয়ে মজলিসে বসলেন। স্থির হল, প্রথম রুশসৈন্য দেখা দিতেই পাইকারি হারে সবাই আত্মহত্যা করবেন। তারপর সবাই পুঙ্খানুপুঙ্খ আলোচনা করলেন, কি প্রকারে মৃতদেহগুলোও সনাক্তের বাইরে সম্পূর্ণ বিনষ্ট করা যায়। তারপর একে একে প্রত্যেকে ছোট ছোট বক্তৃতা দিয়ে হিটলার ও জর্মনির প্রতি বিশ্বস্ত থাকবেন বলে শপথ নিলেন।

ব্লাফ! ব্লাফ! ব্লাফ! সবসুদ্ধ দুই কিংবা তিনজন প্রতিজ্ঞা পালন করবেন। আর সবচেয়ে হাস্যকর—হিটলারের মৃত্যুর ঘণ্টাভিনেক পরেই আমীরদের পয়লা নম্বরী বরমান চার নম্বরী ফ্রেব্‌স্‌কে পাঠালেন রুশদের কাছে সন্ধি-স্থাপনার্থে। সেটা বানচাল হয়ে গেলে দু'জন ছাড়া সবাই চেষ্টা করলেন, ক্ষুদ্র ক্ষুদ্র দলে বিভক্ত হয়ে, বরমান একটা ট্যাঙ্কে চড়ে—এটার ব্যবস্থা তিনি শপথ নেবার পূর্বেই করেছিলেন নিশ্চয়—রুশ-ব্যুহ এড়িয়ে, তখনো অপরাজিত উত্তর জর্মনিতে, ড্যানিৎসের (হিটলার মৃত্যুর পূর্বে একেই রাষ্ট্রের প্রধান রূপে নির্বাচিত করে যান) সঙ্গে যোগ দিতে। যারা অক্ষম হয়ে মার্কিনদের হাতে বন্দী হলেন তাঁরা তখন প্রতিদ্বন্দ্বিতা আরম্ভ করলেন মার্কিনদের সুমুখে, কে হিটলারকে কত বেশী ঘৃণা করতেন সেইটে সাড়ম্বরে বোঝাতে।

হিটলার তখনো আশা ছাড়েননি। কখনো সামনে ম্যাপ খুলে কম্পিত হস্তে রুশসৈন্য, ভেংকের সৈন্য, নবম বাহিনীর সৈন্য রঙিন বোতাম দিয়ে প্রতীক করে যুদ্ধের ব্যুহ নির্মাণ করছেন, আক্রমণের পথ স্থির করছেন; কখনো চিৎকার করে মিলিটারি ছকুম দিচ্ছেন—যেন তিনি নিজে রণক্ষেত্রে দাঁড়িয়ে স্বয়ং সৈন্য পরিচালনা করছেন। কখনো ঘর্মান্ত হস্তে ম্যাপ নিয়ে দ্রুতপদে পাইচারি করছেন—ভেজা হাতের স্পর্শে ম্যাপখানা দ্রুত পচে যাচ্ছে—আর যাকে পান তাকেই সেই ম্যাপ দেখান; কি ভাবে, কোন্ পথে, সমরুশীতির কোন কূটচালে শত্রুপক্ষকে নির্মম ঘায়েল করে, যেন এক আলৌকিক বিষয়ে ভেংক এসে সবাইকে এই সংকট থেকে মুক্ত স্বাধীন করবেন।

এঁদের অনেকেই ততদিনে জেনে গিয়েছেন, ভেংকের সেনাবাহিনী বলে আর কিছু নেই। যে ক'জন তখনো বেঁচে ছিল তাদের তিনি অনুমতি দিয়েছেন, পশ্চিম দিকে পালিয়ে গিয়ে মার্কিনদের হাতে আত্মসমর্পণ করতে—রুশদের চেয়ে মার্কিনরাই ভালো, এই তখন আপামর জনসাধারণের বিশ্বাস। কিন্তু ভেংকের সত্য বিবরণ হিটলারকে বলে

কে? বলে লাভ? কাইটেল, ইয়োডল সব জেনেশুনে হিটলারের আর্ডনাদী টেলিগ্রামের পর টেলিগ্রামের কোনো উত্তর দিচ্ছেন না (নামে মাত্র) আর্মি হেড-কোয়ার্টার্স থেকে। কী উত্তর দেবেন ঐরা?

লিঙে এ সময়ে হিটলারের আচরণ বর্ণনা করতে গিয়ে লিখেছেন, 'ঘণ্টার পর ঘণ্টা ধরে তিনি কামরার এক প্রান্ত থেকে অন্য প্রান্ত পর্যন্ত দ্রুতগতিতে পাইচারি করছেন, কখনো বা ধীরে ধীরে। মাঝে মাঝে দেয়ালের সামনে দাঁড়িয়ে বন্ধমুষ্টি দিয়ে দেয়ালে করাঘাত করছেন।' কেন? তাঁর কাছে ঘরের চারখানা দেয়াল কি কারাগারের চারখানা প্রাচীরে পরিবর্তিত হয়ে গিয়েছে?

আর পাইচারি? এটা তাঁর প্রাচীন দিনের অভ্যাস। ঘণ্টার পর ঘণ্টা কেন, দিনের পর দিন। হিটলারের একমাত্র বন্ধু ফোটাগ্ৰাফার হফ্মান লিখেছেন, 'হিটলারের প্রথম প্রায়সী (সকলের মতে এইটেই ছিল তাঁর প্রথম এবং শেষ গ্রেট লাভ—এফার প্রতি তাঁর প্রেম ছিল অন্য ধরনের) যখন আত্মহত্যা করে মারা যান, তখন তিনি নিচের তলা থেকে হিটলারের পদধ্বনি শুনে পান তিন দিন তিন রাত ধরে—মাঝে মাঝে ক্ষান্ত দিয়ে। এই তিন দিন তিন রাত তিনি জলস্পর্শ করেননি। প্রণয়িনীর গোর হয়ে গিয়েছে খবর পেয়ে হিটলার পাইচারি বন্ধ করে সোজা রাজনৈতিক ক্ষেত্রে গিয়ে পুনরায় ঝাঁপিয়ে পড়লেন।'^৯

আর কখনো কখনো টেবিলের উপর কনুই রেখে অনেকক্ষণ ধরে শূন্য দৃষ্টিতে তাকিয়ে থাকেন সমুখপানে।

ভেংকের জন্য প্রতীক্ষা, তাঁর উদ্বেজনা ও জালবন্ধ পশুর মত ছটফটানি তাঁর চরমে পৌঁছল ২৮ এপ্রিল। রাশানরা তখন বার্লিন নগরের কেন্দ্রস্থলে পৌঁছে লড়াই করে করে হিটলারের বাসভবনের দিকে এগিয়ে আসছে। বার্লিনের কমান্ড্যান্ট হিটলারকে বলে গেছেন, দু দিন, জোর তিন দিনের ভিতর রুশরা বুঝারে এসে পৌঁছবে। কিন্তু ভেংক কোথায়? কি ঘটে থাকতে পারে?

নিশ্চয়ই আবার বিশ্বাসঘাতকতা! বার্লিন জয় করার মত শক্তির শতাংশের একাংশও যে ভেংকের নেই সে-কথা কে বিশ্বাস করে? ২৮শে সন্ধ্যায় বরমান সেই সুদূর দক্ষিণ জার্মানির ম্যুনিকে তাঁর মিত্র এডমিরাল পুটকামারকে টেলিগ্রাম করলেন, 'সৈন্যদের আদেশ ও অনুরোধ করে যে সব কর্তৃপক্ষ তাদের এখানে আমাদের উদ্ধার করার জন্য পাঠাতে পারতেন, তাঁরা সেটা না করে নীরব। বিশ্বাসঘাতকতা বিশ্বস্ততার স্থান অধিকার করেছে। আমরা এখানেই থাকবো। ফ্যুরার-ভবন খণ্ড-বিখণ্ড!'

এক ঘণ্টা পর, বহু প্রতীক্ষার পর বাইরের জগৎ থেকে পাকা খবর এল। হিটলারকে কিছুমাত্র আভাস না দিয়ে হাইনরিখ হিমলার—গ্যোরিঙের পদচ্যুতির পর এখন যিনি জার্মানির দ্বিতীয় ব্যক্তি—মিত্রশক্তির কাছে সন্ধির প্রস্তাব করেছেন, পূর্বোন্মিখিত রেডক্রসের নেতা সুইড্ কাউন্ট বের্নাডট্টের মাধ্যমে। প্রস্তাবটি গোপনেই করা হয়েছিল কিন্তু কি করে কে জানে সেটা শুষ্টিপথে বেরিয়ে ছড়িয়ে পড়েছে। কোন এক বেতার-কেন্দ্র সেটা প্রচার করেছে। হিটলারের বার্তা সরবরাহ বিভাগের কর্মচারী বেতারে সেটা শুনে ব্যাপারটার গুরুত্ব বুঝে স্বয়ং এসেছেন হিটলারকে মুখোমুখি খবরটা দিতে।

কামানের গোলা, বোমারুর বোমা তখন ডাল-ভাত। কাজেই ঘরের ভিতর বোমা

৯ হাইনরিখ হফ্মান, হিটলার উয়োজ মাই ফ্রেন্ড।

ফাটলেও হিটলার অতখানি বিচলিত হতেন না। ‘সেই বিশ্বাসী হাইনরিখ, যে কিনা তার খাস সৈন্যদলের বেটে খোদাবার আদেশ দিয়েছিল—TREUE—বিশ্বস্ততা, প্রভুভক্তি, নেমকহালালী!—সে কুকুর এখন ঠাকুরের আসনে বসতে চায়, তাঁর প্রতি নেমকহারামী করে?’ এই একমাত্র নাৎসি নেতা যাঁর প্রভুতে অবিচল ভক্তি সম্বন্ধে কারও মনে কখনো সন্দেহ হয়নি। আর এ-কথা সকলেই জানতেন, যুদ্ধারম্ভের প্রথম দিনই হিটলাব মার্শাল ল প্রচার করেছিলেন, ‘তাঁর কোনো কর্মচারী—তা তিনি যত উচ্চপদেরই হোন না কেন—যদি কোনো সন্ধির আলোচনা করেন তবে তাঁর প্রাণদণ্ড হবে—এ বাবদে কোনো করুণা দেখানো হবে না।’

হিটলারের মুখ থেকে নাকি সর্বশেষ রক্তবিন্দু অস্তূর্ধান করেছিল।

স্টাইনারের আক্রমণ কেন হয়ে ওঠেনি, ভেংক কেন আসছে না—এসব সমস্যা হিটলারের কাছে সরল হয়ে গেল। নিশ্চয়ই পিছনে রয়েছে হিমলারের বিশ্বাসঘাতকতা। অবশ্য ঐতিহাসিক মাত্রেই জানেন এ সন্দেহ সত্য নয়। হিমলার শেষ মুহূর্তে সন্ধির প্রস্তাব এনে শুধু আপন প্রাণ বাঁচাবার চেষ্টা করছিলেন—অন্য বহু বহু নাৎসি নেতার মত। তাঁরা গোপনে সুইস ও দক্ষিণ আমেরিকার জর্মন-বহুল নাৎসিদের প্রতি সহানুভূতিসম্পন্ন একাধিক রাষ্ট্রে বিস্তর অর্থ জমা রেখেছিলেন ও জাল নামে পাসপোর্টও তৈরী করিয়ে নিয়েছিলেন। হিমলারকে জনসাধারণ ভালো করেই চিনতো; তাঁর পক্ষে এ পস্থা সম্ভবপর ছিল না।^{১০}

হিমলারের ‘বিশ্বাসঘাতকতা’র পর হিটলারের সর্বশেষ কর্ম সম্বন্ধে মনস্থির করতে আর কোন প্রতিবন্ধক রইল না। প্রথমেই হিমলাবের বিশ্বাসী নায়েব, প্রতিভূ, লিয়েজৌ অফিসার ফেগেলাইনকে বন্দিশালা থেকে বের কবে নিয়ে এসে সওয়াল কবা হল। এইসব বিশ্বাসঘাতকতার সম্বন্ধে তিনি কতখানি ওকীব-হাল ছিলেন? ফেগেলাইন কি উত্তর দিয়েছিলেন তা আর জানবার উপায় নেই। প্রশ্নকর্তারা মৃত নয় নিরুদ্দেশ। হিটলারের যুক্তি, ফেগেলাইন যদি না জানবে তবে পালাবার চেষ্টা করলো কেন? বিশ্বাসঘাতকতা ছাড়া কি? হুকুম দিলেন, বুঙ্কারের বাইরের বাগানে তাকে গুলি করে মেরে ফেলতে। বল্টু তাঁর বইয়ে বলেছেন, ‘এফা তাঁর ভগ্নপতিকে বাঁচাবার কোনো চেষ্টা করেছিলেন কিনা আমরা তার কোনো খবর পেলুম না, হয়তো স্বামীর উপর তাঁব কোনো প্রভাবই ছিল না, কিংবা হয়তো তিনি তাঁর স্বামীর মতই ধর্মাত্মের মত বিশ্বাস করতেন, বিশ্বাসঘাতকের প্রাপ্য মৃত্যুদণ্ড—তা সে যে-ই হোন।’ আমাদের মনে হয় দুটোই। ঐ সময় শ্রীমতী হানা রাইট্শ বুঙ্কারে ছিলেন। ইনি বিশ্বের অন্যতম নামজাদা পাইলট (পরবর্তীকালে পশুতজীর সঙ্গে ঐর হৃদ্যতা হয় এবং তাঁর অতিথি হয়ে কিছুদিন দিল্লীতে ছিলেন)। ইনি বলেছেন, এফা নাকি ঐ সময় বেদনাভরে এক হাত দিয়ে আরেক হাত

১০ আখেরে তিনি সেই চেষ্টাই করেছিলেন। ছদ্মবেশে মিত্রশক্তির ঘাঁটি পেরবার সময় তিনি বন্দী হন। দেহতন্ত্রাসির সময় মুখে কিছু আছে কিনা দেখবার জন্য তাঁকে মুখ খুলতে বললে তখন তিনি বুঝলেন এই তাঁর শেষ সুযোগ। ডাক্তার মুখে হাত ঢোকাবার পূর্বেই তিনি দাঁত ও মাড়ির মধ্যে লুকানো ক্যাপসুলে কামড় দিলেন। আবরণ ভেঙে বিষ বেরিয়ে এল; কয়েক মিনিটের ভিতরই ভবলীলা সম্বরণ করলেন। গ্যোরিঙও এই পদ্ধতিতেই জেলের ভিতর আত্মহত্যা করেন। তাঁর দেহ ও মুখ বহুবার সার্চ করা হয়, কিন্তু তিনি যে কোথায় ক্যাপসুলটি দিনের পর দিন লুকিয়ে রেখেছিলেন সেটা আজও রহস্য।

মোচড়াতে মোচড়াতে যাকে পেতেন তাকেই বলতেন, 'হায় বেচারি, বেচারি আডল্‌ফ! সবাই তাঁকে ত্যাগ করেছে, সবাই তাঁর সঙ্গে বিশ্বাসঘাতকতা করেছে। দশ হাজার লোক মরুক ক্ষতি নেই, কিন্তু জর্মনি যেন আডল্‌ফকে না হারায়!'

রুশরা বুকার থেকে আর মাত্র হাজার গজ দূরে।

২৮/২৯ এপ্রিলের রাত। ফেগেলাইনের মৃত্যুদণ্ড দিয়ে হিটলার অন্যান্য কর্তব্যের দিকে মন দিলেন। যে রমণী তাঁকে ১৪/১৫ বৎসর ধরে ভালোবেসেছেন, ভালোবাসার প্রথম দিকে একবার নিরাশ হয়ে আত্মহত্যা করার চেষ্টাতে গুরুতররূপে জখম হন, হিটলার যাকে বিশ্বাস করতেন সব চেয়ে বেশী (হিটলারও বলতেন, তিনি দুজনকে অবিচারে বিশ্বাস করেন। এফা ও তাঁর আলসেশিয়ান ব্রতীকে), সঙ্কট ঘনিষে এলে তাঁর নিরাপত্তার জন্য হিটলার বার বার চেষ্টা করা সত্ত্বেও যিনি তাঁকে ছেড়ে চলে যেতে রাজী হননি, এবং যিনি দৃঢ়কণ্ঠে একাধিকজনকে একাধিকবার বলেছেন, 'আডল্‌ফ আর আমার জীবনমরণ একসূত্রে গাঁথা', সামাজিক কলঙ্কের ভয়ে যাকে হিটলার অল্প লোকের সামনেই বেকরতে দিতেন, কোথাও যেতে হলে ভিন্ন ভিন্ন মোটরে যেতেন, সভাস্থলে এফা দর্শকদের সঙ্গে বসে হিটলারের বক্তৃতা শুনতেন—সেই এফা এত বৎসর পর তাঁর ন্যায্য প্রাণ্য অধিকার এবং আসন পেলেন। সে রাত্রে হিটলার তাঁকে বিয়ে করলেন।

কিন্তু দৌর্দণ্ডপ্রতাপ রাজা ডিকটেরদের প্রিয়া, রক্ষিতা, উপপত্নী, পত্নীরা যে রকম রোমান্টিকভাবে তাঁদের বন্দভদের জীবন প্রভাবাধিত করেন, পর্দার সামনে কিংবা আড়ালে বহুলোকের জীবনমরণ নিয়ে খেলা করেন—চক্রাণ্ড, বিবথযোগ অনেক কিছু করে থাকেন,—এফার সেদিকে কোনোই আকর্ষণ ছিল না। কর্মব্যস্ত হিটলার তাঁর সঙ্গে দেখা করার সময় পেতেন কমই। বিশেষ করে যুদ্ধের পাঁচ বৎসর তিনি ভিন্ন আর্মি হেড কোয়ার্টার্সের সন্নিক্ষানে থাকতে বাধ্য হতেন বলে প্রোবিতভর্জুকা এফা দূর আল্পসের উপর হিটলারের নির্জন নিরানন্দ বেগর্হর্ষ ভবনে একা একা দিনের পর দিন তাঁর জন্যে প্রতীক্ষা করতেন। চাকরবাকররা বলত এ যেন 'সোনার খাঁচার বন্ধ পাখি'। তারপব হঠাৎ একদিন বন্দভ এসে উপস্থিত হতেন অতিশয় অন্তরঙ্গ সান্সোপাস্ত নিয়ে। বাড়ি গমগম করে উঠতো। ডিনার, তারপর ফিস্ম, তারপর সঙ্গীত, রাত দুটোয় শেষ পার্টি—হিটলার টিটোটেলার, খেতেন হালকা চা, কাপের পর কাপ, অন্য সবাই শ্যাম্পেন। হিটলার ঘুম থেকে উঠতেন দেরিতে। খেয়ে জিরিয়ে এফা, ব্রতী, অনুচরদের নিয়ে নির্জন পথে বেড়াতে বেকরতেন। পথের শেষপ্রান্তে একটি বিশ্রামাগার। সেখানে চা, কেক্, ক্রীম-বান্ খাওয়া হত। হিটলার প্রায়ই ঘুমিয়ে পড়তেন। সবাই ফিস্‌ফিস্‌ কবে কথা বলতো। প্রভুর নিভ্রাভঙ্গ হলে সবাই বাড়ি ফিরতেন। কিন্তু বৃহত্তর সমাজে তাঁর স্থান ছিল না। হিটলারের মৃত্যুর পূর্বে ১০ সপ্তকের ভিতর একজনও জানতো না, হিটলারের কোনো বাঙ্কবী আছেন।^{১১}

১১ এফা ব্রাউন (হিটলার) সম্বন্ধে কৌতূহলীজন সর্বোত্তম খবর পাবেন পূর্বেদ্রিখিত হফ্মানের বইয়ে। ঐর ফোটো-গ্যাবরেটরিতেই এফা কাজ করার সময় হিটলারের দৃষ্টি আকর্ষণ করলে হফ্মান তাঁর সঙ্গে ঐর আলাপ করিয়ে দেন। হিটলারের ভালে লিঙে উভয়েরই কামরা-বিছানা সাফসুত্বে করতেন এবং একদিন দৈবাৎ তিনি দুজনকে এমন অবস্থায় পান যে, লিঙের চাকরি যাবার যোগাড় হয়েছিল। লিঙে এসেব অন্তরঙ্গতার বিস্তরতম খবর দিয়েছেন। এফাও লিঙেকে খুব বিশ্বাস করতেন ও তাঁর মনের কথা খুলে বলতেন। আসন্ন মৃত্যুর সম্মুখীন হয়ে তিনি লিঙের কাছে যেসব করুণ কথা বলেন সেগুলোও পড়াব যোগ্য।...হিটলাবের চিকিৎসক মরেল এফা সম্বন্ধে তাঁব জবানবন্দিতে কিছু কিছু বলেছেন।

এই দুর্দিনে বিয়ের রেজিস্ট্রি অফিসার যোগাড় করা সহজ হয়নি। শেষটায় একজন এলেন যাকে বুঝারের কেউই চেনে না। গ্যোবেল্‌স্‌ একে যোগাড় করে এনেছেন; লিঙের মতে ইনিই নাকি একদা গ্যোবেল্‌স্‌ের বিয়ে সম্পন্ন করেন। এমাজেসি বা বিননোটসের বিয়ে বলে বহাড়াঘর আর বাহাড়াঘর বাদ দেওয়া হল। দুই পক্ষে মৌখিক—সাধারণত হিটলার-জর্মনিতে সার্টিফিকেট দরকার হত—শপথ দিলেন, উভয়েই অবিমিশ্র ‘আর্থরস্‌’ ধরেন ও তাঁদের বংশগত কোনো ব্যাধি নেই। তারপর উভয়ে রেজিস্ট্রিতে সই করলেন। কনে নাম সই করার সময় ‘এফা’ লিখে ‘ব্রাউন’ লেখবার জন্য ‘বি’ হরফ লিখে ফেলেছিলেন; তাঁকে ঠেকানো হলে, তিনি ‘বি’ কেটে ‘হিটলার’ ও ‘ব্রাউন নামে জন্ম’ (nee) লিখলেন। গ্যোবেল্‌স্‌ ও বরমান সাক্ষী হলেন।^{১২} রাত তখন একটা বেজে গিয়েছে। ২৯ এপ্রিল শুরু হয়েছে।

বিয়ের পর হিটলারের ঘরে পার্টি বসলো। শ্যাম্পেন এল। বহু বৎসর পূর্বে গ্যোবেল্‌স্‌ যখন বিয়ে করেন তখন হিটলার সে বিয়েতে উপস্থিত ছিলেন। গ্যোবেল্‌স্‌ দম্পতি ও হিটলার সেই অবিমিশ্র আনন্দের দিনের সঙ্গে অদ্যকার আনন্দের উপর করাল ছায়ার তুলনা করে সে সম্বন্ধে মন্তব্য করলেন। জর্মন ভাষায় একটি সংহিটে আছে, ‘চোখের জল নিয়ে আমি নাচছি’—এ যেন তাই। হিটলার আবার তাঁর আত্মহত্যার কথা তুললেন। বললেন, তাঁর জীবনাদর্শ (ভেন্টআনশাউউঙ) নাৎসিবাদ খতম হয়ে গেল; এর পুনর্জন্ম আর কখনো হবে না। তাঁর সর্বোত্তম বন্ধুরা তাঁর সঙ্গে প্রবঞ্চনা আর বিশ্বাসঘাতকতা করেছেন। মৃত্যুর ভিতর দিয়েই তিনি এসব থেকে নিষ্কৃতির আরাম পাবেন।

পার্টি চালু রেখে তিনি পাশের ঘরে তাঁর স্টেনো-সেক্রেটারি ফ্রাউ য়ুঙেকে নিয়ে তাঁর দুখানা উইল মুখে মুখে বলে যেতে লাগলেন। প্রথম উইলখানা রাজনৈতিক, দ্বিতীয়খানা তাঁর ব্যক্তিগত সম্পত্তির ভাগ-বাটোয়ারা নিয়ে। পাঠক হিটলার সম্বন্ধে যে কোনো বইয়ে এ দুখানার কপি পাবেন। আমি সংক্ষেপে সারি। সর্বপ্রথমেই তিনি আরম্ভ করেছেন এই বলে যে, ‘একথা মিথ্যে যে আমি বা জর্মনির আর কেউ এ যুদ্ধ চেয়েছিল। এটা ইহুদি এবং যারা তাদের জন্য কাজ করে তাদের কীর্তি....এখন আমার সৈন্যদল আর নেই বলে রাষ্ট্রপতি ভবন আক্রান্ত হলে আমি স্বেচ্ছায় মৃত্যুবরণ করবো। আমি শত্রুর হাতে ধরা দেব না—ইহুদিরা যাতে করে আমাকে নিয়ে হিস্টরিয়াগ্রন্থ জনতার জন্য একটা নয়া তামাশা সৃষ্টি না করতে পারে।—তারপর তিনি গ্যোরিঙ ও হিমলারকে নাৎসি পার্টি থেকে ও সর্ব আসন থেকে বিচ্যুত করে বললেন, ‘এঁরা যে শক্তিলোভে শত্রুর সঙ্গে গোপন সন্ধি-প্রস্তাব করে শুধু আমার প্রতি বিশ্বাসঘাতকতা করেছেন তাই নয়, জর্মনি ও তার নাগরিকদের মুখে অমোচনীয় কলঙ্ককালিমা মাখিয়েছেন।’ হিটলারের মূলমন্ত্র ছিল ‘যুদ্ধের সাধন কিংবা জীবনপাতন’—সন্ধির ইচ্ছা প্রকাশ করাই বেইজ্জতির চূড়ান্ত। সর্বশেষে তিনি জর্মনদের কঠোরতম নিষ্ঠার সঙ্গে তাদের রক্তে যেন সংমিশ্রণ না হয় তার জন্যে, এবং বিশ্বে বিষসঞ্চারকারী আন্তর্জাতিক ইহুদিদের নির্দয়াভাবে প্রতিরোধ করার জন্য দিব্য দিলেন।....এই উইলেই তিনি এডমিরাল ডোয়নিৎসকে দেশের নেতৃত্ব দিলেন,

১২ কয়েক মাস পূর্বে, অর্থাৎ এ বিয়ের কুড়ি বৎসর পর রুশদের প্রধান সেনাপতি—যিনি বার্লিন জয় করেন—ঘোষণা করেন যে তাঁর মূল্যবান সম্পত্তির মধ্যে আছে এই দলিলখানা। রুশরাই সর্বপ্রথম বুঝার দখল করেছিল বলে বিয়ের রেজিস্ট্রাখানা তারাই হস্তগত করে।

এবং তাঁর জন্যে মন্ত্রিসভা নির্বাচন করে গেলেন।^{১৩}

তাঁর ব্যক্তিগত হ্রস্ব উইলে তিনি এফাকে বিবাহ করার পটভূমি ও কারণ দর্শালেন। তারপর বললেন, 'তিনি স্বেচ্ছায় আমার সঙ্গে মৃত্যুবরণ করছেন।' তাঁর সমস্ত সম্পত্তি তিনি নাৎসি পার্টিকে দান করলেন, পার্টির অস্তিত্ব লোপ পেলে জার্মান রাষ্ট্রকে, এবং সেও যদি লোপ পায় তাহলে সে বিষয়ে তাঁর আর কোনো নির্দেশ নেই। তাঁর বিরাট চিত্রসঙ্গম তিনি তাঁর জন্মভূমির লিনৎস শহরের যাদুঘর নির্মাণের জন্য দিলেন। দরকার হলে তাঁর এবং তাঁর স্ত্রীর আত্মজ্ঞান, তাঁর সহকর্মী সেক্রেটারি ইত্যাদি যেন মধ্যবিস্তৃত গৃহস্থের মত জীবনযাত্রা কবতে পারেন, তার আর্থিক ব্যবস্থাও তিনি উইলে রাখলেন।...উইল লেখা শেষ হলে ভোর চারটায় তিনি শুতে গেলেন। হয়রে বাসরশয্যা!

গ্যোবেলস্ও তাঁর উইল লিখলেন। তাঁর প্রধান বক্তব্য : ফ্যুরার আমাকে আদেশ দিয়েছেন নূতন মন্ত্রিসভায় অংশ নিতে, কিন্তু জীবনে এই প্রথমবার (এবং ইচ্ছে করলে তিনি 'শেষবারের' মতোও লিখতে পারতেন; কেন করলেন না বোঝা ভার) আমি ফ্যুবারের আদেশ সরাসরি লঙ্ঘন করছি। আমি, আমার স্ত্রী ও পুত্রকন্যাগণসহ ফ্যুরারের পাশেই জীবন শেষ করবো। এরপর আছে 'সর্বব্যাপী বিশ্বাসঘাতকতা' ইত্যাদি ইত্যাদির কথা।

সেই দিন ২৯শে এপ্রিল। দুপুরের দিকে চারজন বিশ্বস্ত লোক মারফৎ তিনখানা উইল তিন ভিন্ন ভিন্ন জায়গায় পাঠাবার ব্যবস্থা করা হল। যে করেই হোক তারা যেন রুশবৃহ ভেদ করে, কিংবা ব্যাহে কোনো ছিদ্র থাকলে তাই দিয়ে ড্যানিংসের কাছে পৌঁছয়, নইলে ব্রিটিশ বা মার্কিন অধিকৃত অঞ্চলে।

দুপুরবেলা মন্ত্রণাসভা বসলো। সেখানে প্রধান খবর, রাশানরা এগিয়ে এসেছে এবং ভেংকের কোনোই খবর নেই। তিনজন অফিসার—এঁদের মধ্যে ছিলেন আমাদের পূর্বোল্লিখিত বল্ট্—বললেন, তাঁরা ভেংকের সন্ধানে ও তাঁকে বার্লিন-পানে ধাওয়া করবার জন্য ফ্যুরারের আদেশ পৌঁছে দিতে প্রস্তুত আছেন। হিটলার অনুমতি দিলেন। রাত্রের মন্ত্রণাসভার পর আরেকজন চলে যাবার অনুমতি পেলেন।

বাত্রের মন্ত্রণাসভায় বার্লিনের কমান্ডান্ট জানালেন, রাশানরা চতুর্দিক থেকেই শহরের ভিতবে এগিয়ে এসেছে। ১লা মে তারা বৃষ্কার (এবং রাষ্ট্রভবনে) পৌঁছে যাবে। বার্লিনের ভিতবে যে সব জার্মান সৈন্যদল আটকা পড়েছে তারা এই বেলা যদি রুশবৃহ ভেদ কবে বেরিয়ে না যায়, তবে আর কখনো পারবে না। হিটলার বললেন, দু'একজনের পক্ষে কোনোগতিকে বেরোনো সম্ভব হলেও হতে পারে কিন্তু এই সব রণক্লাস্ত ভাঙাচোরা হাতিয়ারে সজ্জিত—তারও আবার গুলি-বারুদের অভাব—সৈন্যবা দল বেঁধে, তা সে যতই ছোট দল হোক না কেন, কখনই বেরুতে পারবে না। বাস, হয়ে গেল; হিটলারের অভিমতই সর্বশেষ অভিমত। সৈন্যদের কপালে নিরর্থক মৃত্যুর লাঞ্ছন অঙ্কিত হয়ে গেল।

এই সময়ে হিটলার তাঁর সর্বশেষ টেলিগ্রাম পাঠান—জেনারেল ইয়োডলকে। আশ্চর্যের বিষয়, ট্রেভার রোপারের মত অতুলনীয় ঐতিহাসিক এই শেষ টেলিগ্রামের উল্লেখ করেননি। বল্ট্ তো তার আগেই বৃষ্কার ত্যাগ করেছেন—তাঁর কথা ওঠে না। হিটলারের কোনো প্রামাণিক জীবনীতেও আমি এর উল্লেখ পাইনি। শুধু আসমান ও অন্য

১৩ ড্যানিংস এঁদের অধিকাংশকেই গ্রহণ কবেননি।

এক নৌ-সেনাপতি এর উল্লেখ করেছেন; আসমান তাঁর ইতিহাসে টেলিগ্রামখানার ফটোও দিয়েছেন। তাতে হিটলারের সেই আর্টকর্টে প্রথম, 'ভেংক কোথায়, নবম বাহিনীর পুরোভাগ কোন্ কোন্ স্থলে পৌঁছেছে, ইত্যাদি; আমি এই মুহূর্তেই উত্তর চাই।'

সেইদিনই খবর পৌঁছিল, হিটলার-সখা ডিকটের মুসসোলিনিকে মিলানের বিদ্রোহী দল তাঁকে তার উপপত্নীর সঙ্গে ইতালী ছেড়ে সুইটজারল্যান্ডে পলায়নের সময় ধরে দুজনকে খতম করে শহরের মাঝখানের বাজারে পায়ে পায়ে বেঁধে কুলিয়ে রেখেছে— যাতে করে উত্তেজিত প্রতিহিংসোন্মত্ত জনগণ দুজনকে পেটাতে ও পাথর ছুঁড়ে ছুঁড়ে ক্ষত-বিক্ষত করতে পারে। এ সংবাদ হিটলারের মনে কি প্রতিক্রিয়ার সৃষ্টি করেছিল জানা যায়নি। তবে বহু ডিকটেরদের শেষ পরিণতি হিটলারের কাছে কোনো নতুন খবর নয়। তাই উইল লেখার সময় ও তার পূর্বেও হিটলার আদেশ দিয়েছিলেন তাঁর ও এফার দেহ যেন পুড়িয়ে এমনভাবে ভস্ম করে দেওয়া হয় যে ইহদিরা পাগলা জনতাকে তামাশা দেখাবার জন্য কোনো কিছু না পায়। বুক্কারের একাধিক বাসিন্দা হবহ একই ভাষায় এই মর্মে সাক্ষ্য দিয়েছেন।

২৯ তারিখে অপরাহ্নে হিটলারের আদেশে তাঁর প্যারা অ্যাগসেশিয়ান কুকুর ব্রুশীকে গুলি করে মারা হল। সেদিনই তিনি তাঁর দুই মহিলা সেক্রেটারিকে চরম সঙ্কটে ব্যবহারের জন্য বিষের ক্যাপসুল দিতে দিতে দুঃখ করে বললেন যে, শেষ বিদায়কালে তিনি এম চাইতে ভালো কোনো উপহার দিতে পারলেন না।

সেই রাতে হিটলার ভিন্ন ভিন্ন বুক্কারবাসীদের খবর পাঠালেন, তিনি মহিলাদের কাছ থেকে বিদায় নিতে চান,—তাঁরা যেন অপেক্ষা করেন। রাত আড়াইটার সময় (৩০ এপ্রিল আরম্ভ হয়ে গিয়েছে) প্রায় কুড়ি জন অফিসার ও মহিলা সারি বেঁধে করিডরে দাঁড়ালেন। বরমান সহ হিটলার বেরিয়ে এসে তাঁদের সামনে দিয়ে হেঁটে গেলেন এবং মহিলাদের সঙ্গে করমর্দন করলেন। হিটলারের চোখের উপর যেন ক্ষীণ বাষ্পের হালকা পরশ লেগে আছে। এ বিষয় এবং তাঁর মুহূর্ত, শব্দাহ ইত্যাদি অনেকেই সবিস্তর লিখেছেন। তার মধ্যে বিশেষভাবে উল্লেখযোগ্য, হিটলারের ড্রাইভার কেম্পকার 'আমি হিটলারকে পুড়িয়েছিলুম' এবং লিঙের কাহিনী। হিটলারের অন্যতম মহিলা সেক্রেটারি ছয়নামে 'হিটলার প্রিন্সেস' অর্থাৎ হিটলারের প্রাইভেট জীবন নিয়ে বই লেখেন। সর্বশেষে হিটলারের নরদানব অ্যাডজুটান্ট গ্যুন্শের বিবৃতি—ক্রুশ কারাগারে দশ বছর কাটানোব পর জর্মনি ফিরে এসে তিনি বিবৃতি দেন। কিন্তু ট্রেভার রোপার সকলের জবানবন্দি ও বিবৃতি যাচাই করে লিখেছেন বলে তাঁকে অনুসরণ করাই প্রশস্ত। এস্থলে বলে রাখা ভালো, হিটলাব সপ্তাহখানেক পূর্বে তাঁর চারজন মহিলা সেক্রেটারিকে বুক্কার ছেড়ে নিরাপদ জায়গায় চলে যাবার প্রস্তাব করেন। দুজন চলে যান, দুজন থাকেন। নিরক্ষমিষাণী হিটলারের জন্য রান্না করতেন ফ্রলাইন মান্ৎসিয়ালী। তিনিও থেকে গিয়েছিলেন। পরবর্তীকালে তাঁর সন্ধান পাওয়া যায়নি। লিঙেকেও যাওয়া না-যাওয়া তাঁর ইচ্ছা উপর ছেড়ে দিয়েছিলেন—তিনি যাননি। ফলে রাশাতে দশ বৎসর কারাভোগ করতে হয়েছিল।

অবধারিত আশু বিপদের সামনে মানুষ সব সময় ভেঙে পড়ে না। জাপানীরা যখন সিঙ্গাপুর দখল করে তখন সব-কিছু জেনেশুনেই সিঙ্গাপুরবাসিন্দারা বিশেষ করে ইংরেজগুণ্টি নৃত্য-মদে মত্ত ছিলেন। এস্থলেও তাই হল। হিটলারের বিদায় নেওয়ার পরই

সবাই বুঝে গেল, এই শেষ, আর আশা-নিরাশার কিছু নেই। দ্বিতীয় ও তৃতীয় বৃষ্কারে (হিটলারেরটা প্রথম) তখন আরম্ভ হল জালা জালা অত্যুৎকৃষ্ট মদ্যপান ও গ্রামোফোন-যোগে নৃত্য। ‘হেসে নাও দু’দিন বই তো নয়’—এস্থলে ‘দু’দিন’ শব্দার্থে। ঠিক দু’দিন বাদেই রুশরা বৃষ্কার দখল করে।

৩০ এপ্রিল—শেষ দিন

সকালবেলা জেনারেলরা বার্লিনেব ভিন্ন ভিন্ন অংশের খবর নিয়ে মন্ত্রণাসভায় এলেন। অবস্থা আগের চেয়ে সামান্য একটু ভালো, কিন্তু হরদেরে সেই পুবনো কাহিনী—জার্মানবা যদি অসীম বিক্রমে কোনো এক অংশে একটুখানি এগোয় তবে রুশরা আর পাঁচটা দুর্বল জায়গায় তারও বেশী এগিয়ে আসে।

হিটলার আগের বাত্রে যে শেষ টেলিগ্রাম পাঠিয়েছিলেন তার উত্তর আসেনি, আব বরমান হিটলারের অনুমতিতে বিনানুমতিতে গণ্ডায় গণ্ডায় যে-সব টেলিগ্রাম পাঠিয়ে-ছিলেন তারও কোনো উত্তর নেই।

দুপুরবেলার মন্ত্রণাসভা হিটলারের জীবনের শেষ সভা। এবং সে-সভায় যে খবর সব এলো সে-রকম দুঃসংবাদ তিনি জীবনে আর কখনো শোনেননি (এবং শুনেও হবে না)। বাস্তবত্ব থেকে উত্তরে বেরোবার পথে স্প্রে খাল। তার ভাইডেনডাডর ব্রিজের কাছে রুশরা এসে গেছে (এই পোলের উপর দিয়েই ববমান এবং কয়েকজন পরের দিন বার্লিন থেকে বেকনোব চেষ্টা কবেছিলেন)—অর্থাৎ উত্তরের পথও বন্ধ হল। এবং রাষ্ট্রভবনের এক কোণ যে ফস্ স্ট্রীটে এসে ঠেকেছে তার অন্য প্রান্তরে টানেলের কিছুটা রুশরা দখল করে ফেলেছে। নির্লিপ্ত নিরাসক্ত চিন্তে হিটলার সঞ্জয়-বার্তা শুনে গেলেন।

দুটোর সময় হিটলার লাঞ্চ খেতে বসলেন। এফা আসেননি।

তিনি যে মানসিক চঞ্চলতা ও উত্তেজনায় কাতর হয়ে পড়েছিলেন সে-কথা লিঙে বলেছেন। ট্রেভার রোপার ঐতিহাসিক। মানুষের ব্যক্তিগত সুখ-দুঃখ নিয়ে তাঁর কাববার কম—বিশেষ করে এফা যখন ইতিহাসে কোনো অংশ নেননি, তখন তিনি যে তাঁকে কিঞ্চিৎ অবহেলা করবেন সেটা স্বাভাবিক। কিন্তু লিঙে ভ্যালো। তিনি তাঁর বিবৃতিতে যে এফার জন্য একটু বেশী স্থান দিয়েছেন সেটা কিছু বিশ্বয়জনক নয়। লিঙে বলেছেন, ঐ শেষের দিনেও তিনি লিঙেকে অনুরোধ করেন, হিটলারকে বৃষ্কার ত্যাগ করার জন্য চেষ্টা দিতে। এস্থলে অন্য আরেকটি ব্যাপারে ট্রেভার রোপারের সঙ্গে লিঙের কাহিনী মেলে না। ট্রেভার রোপারের মতে গ্যোবেল্‌স্ আগাগোড়া হিটলারকে বার্লিন ত্যাগ না করতেই উপদেশ দিয়েছিলেন। কিন্তু লিঙের বিবরণী থেকে জানা যায়, গোড়ার দিকে না হোক অন্তত শেষের দিকে তিনি পর্যন্ত লিঙেকে এফারই মত অনুরোধ জানান, লিঙে যেন হিটলারকে বার্লিন ত্যাগ করার কথা বোঝান। লিঙে নিঃশ্বাস ফেলে বলেছিলেন, তিনি ফ্যুরারের মন্ত্রী ও নিত্যলাপী হয়েও যে কর্ম সমাধান কবতে পারেননি, সামান্য লিঙে সেটা করবেন কি প্রকারে?

লাঞ্ছের পর হিটলার যখন বিশ্রাম করছেন তখন ফ্রাউ (মিসেস) গ্যোবেল্‌স্ লিঙের হাতে একখানা চিরকুট দেন হিটলারের জন্য। শেষবারের মত একবার দেখা করে যেতে।

হিটলার প্রথমটায় স্র-কৃষ্ণিত করে পরে সেদিকপানে চললেন। সিঁড়িতে গ্যোবেল্‌সের সঙ্গে দেখা। তিনি হিটলারকে মত পরিবর্তন করতে বললেন। হিটলার অনিচ্ছা জানিয়ে আপন বুক্বারে ফিরে এলেন।

এ ঘটনার উল্লেখ আর কেউ করেননি, কারণ লিঙে ভিন্ন আর সবাই ওপারে। ইতিমধ্যে হিটলারের অন্তরতম অন্তরঙ্গ জনা পনেরো বুক্বারের করিডরে দাঁড়িয়ে আছেন। হিটলার ও ফ্রাউ হিটলার (এফা) তাঁদের সঙ্গে নীরবে একে একে করমর্দন করলেন। এই শেষ বিদায়। ফ্রাউ গ্যোবেল্‌স্ উপস্থিত ছিলেন না। সন্তান ক'টির আসন্ন মৃত্যুর কথা ভেবে তিনি ভেঙে পড়েছিলেন।

বুক্বারে সৈন্যসামন্ত এবং তম্জনিত রুঢ় কঠোর বাতাবরণের ভিতর এসব সুন্দর মধুর বাচ্চাদের দেখাতো যেন অন্য কোনো জগতের; কোন বেহেশতের ফিরিশতা দেবদূতের মত। তারা এঘর থেকে ওঘবে ছুটোছুটি করতো। এক বুক্বার থেকে অন্য বুক্বার যেতে হলে যেখানে দেশের প্রধান সেনাপতি কাইটেলেকেও পাস দেখাতে হত সেখানেও তাদের অবাধ গতি। যে কদিন পাইলট নারী হানা রাইট্‌শ্ বুক্বারে ছিলেন তারা তাঁর কাছ থেকে কোরাস্ গান শিখেছে। তাদের কি ভয়? ঐ তো কাকা আডল্‌ফ্ রয়েছে। তিনি ঈশ্বরের মত (ঈশ্বর জাতীয় 'কুসংস্কার' গ্যোবেল্‌স্ দম্পতি হয়তো বাচ্চাদের জন্য ব্যান করে দিয়েছিলেন) সর্বশক্তিমান; এই তো তারা জন্মের প্রথম দিন থেকে জানে। কাকা হিটলারের অনুকরণে তাদের প্রত্যেকের নাম, 'এচ' অক্ষর দিয়ে আরম্ভ।

শেষ বিদায় নেবার পর একমাত্র তাঁরাই করিডরে রইলেন যাঁরা হিটলারের শেষ-কৃত্য সমাধান করবেন, অন্যদের বিদায় দেওয়া হল।

হিটলার ও এফা তারপর তাঁদের খাস কামরাতে ঢুকে দবজা বন্ধ করতেই—লিঙে তাঁর বিবৃতিতে বলেছেন—তিনি হঠাৎ কি এক অজানা ভয়ে করিডব দিয়ে ছুটে পালালেন। অল্পক্ষণের ভিতরই কিন্তু তাঁর মাথা ঠাণ্ডা হল। তিনি ধীর পদক্ষেপে ফিবে এলেন।

এর পরের ঘটনা দিয়ে আমরা এ' প্রবন্ধ আরম্ভ কবেছি। মাত্র একটি গুলি ছোঁড়ার শব্দ শোনা গেল এবং লিঙে বলছেন, পোড়া বারুদের কটু গন্ধ দরজার ফাঁক দিয়ে বাইরে ভেসে এল।

খানিকক্ষণ অপেক্ষা করে লিঙে, গুন্‌শে, বরমান, গ্যোবেল্‌স্ ইত্যাদি ঘরে ঢুকলেন এবং যা দেখতে পেলেন তা পূর্বেই বর্ণিত হয়েছে।

মৃতদেহ দুটি পোড়াবার জন্য দু'শ' লিটার পেট্রল আনতে সেদিন সকালেই হিটলাব তাঁর অ্যাডজুটান্ট গুন্‌শেকে আদেশ দিয়েছিলেন। গুন্‌শে হিটলারের ড্রাইভার কেম্পকাকে সে আদেশ জানালে তিনি বলেন, অতখানি পেট্রল যোগাড় করা সম্ভব হবে না (কমানিয়া রাশান হাতে চলে যাওয়ার পর বার্লিন আর কোন পেট্রল পায়নি)। অবশেষে পেতে হবেই হবে আদেশ এলে কেম্পকা অতি কষ্টে ১৮০ লিটার পেট্রল টিনে করে বুক্বারের বাইরে বাগানে পাঠিয়েছিলেন। শেষ রেষ্ট খতম না হওয়া পর্যন্ত হিটলার যে জুয়োখেলা বন্ধ করেননি, সে-বিষয়ে কোনো সন্দেহ নেই।

সকাল থেকেই অন্যান্য বুক্বার থেকে হিটলার-বুক্বারে আসার সব ক'টা পথ তালা মেয়ে বন্ধ করে দেওয়া হয়েছিল—যাতে কবে অত্যন্ত বিশ্বস্ত এবং প্রয়োজনীয় জন ভিন্ন অন্য কেউ ঘুণাক্ষরেও কিছু টের না পায়।

হিটলারের আপন সৈন্যবাহিনী এস. এস. সৈন্য ও লিঙে হিটলারের দেহ কব্বেলে জড়িয়ে নিলেন—রক্তমাখা মাথা মুখ ঢাকবার জন্য। পরিচিত কালো পাতলুন পরা পা দুখানা দেখে করিডরে আর সবাই অনায়াসে ইনি যে হিটলার সেকথা বুঝতে পারলেন। চার দফে সিঁড়ি বেয়ে বেয়ে এঁরা পঞ্চাশ ফুট উপরে খোলা বাগানে বেরুলেন। ইতিমধ্যে বরমান এফার দেহ তুলে নিলেন। তিনি বিশ্ব খেয়ে মৃত্যুবরণ করেছিলেন বলে তাঁর দেহে কোনো রক্তের দাগ ছিল না, এবং দেহটিকে ঢাকবার প্রয়োজন হয়নি। বাগানে এনে তাঁর দেহ হিটলারের দেহের পাশে শোয়ানো হল।

কিন্তু ইতিমধ্যে একটি দুর্ঘটনা ঘটে গেল। মাটির উপরে বুদ্ধারে যে প্রহরা মিনার ছিল সেখান থেকে প্রহরারত মানস্ফেস্ট নিচে সন্দেহজনক দ্রুত চলাফেরা দরজা খোলা বন্ধ করার শব্দ শুনতে পেল। প্রহরীর কর্তব্য অনুযায়ী অনুসন্ধান করতে নিচে এসে বুদ্ধারের সামনে সে খেল ধাক্কা শব্দাত্মক সঙ্গে। এফাকে সে পরিষ্কার চিনতে পারলো এবং কব্বেলে ঢাকা শরীর থেকে কালো পাতলুন পরা দুখানা পা ঝুলছে দেখতে পেল। সঙ্গে বরমান, জেনারেল বুর্গডর্ফ (পূর্বের সেই পাঁড়-মাতাল), দানব সাইজের অ্যাডজুট্যান্ট গ্যুন্শে, ভ্যালো লিঙে। গ্যুন্শে হুক্কার দিয়ে মানস্ফেস্টকেসরে যেতে বললেন। আদর্শনীয় চিত্তাকর্ষক ব্যাপার দেখা হয়ে গেল মানস্ফেস্টের।

বরমান সম্প্রদায় সব আটঘাট বেঁধে ভেবেছিলেন ‘সাবধানের মার নেই’।

সপ্রমাণ হল ‘মারেরও সাবধান নেই’!

অনুষ্ঠান আবার চললো।

বুদ্ধারের দরজার উপর পর্চ ছিল। দরজা থেকে কয়েক হাত দূরে দুটি লাশ মাটিতে শুইয়ে তার উপর পেট্রল ঢালা হল। এমন সময় বাশান কামানের বোমা এসে পড়তে লাগল বলে শব্দাত্মক পর্চের তলায় আশ্রয় নিলেন। ট্রেভার রোপারের মতে গ্যুন্শে একখানা ন্যাকডাতে পেট্রল ভিজিয়ে তাতে আগুন ধরিয়ে সেটা লাশদের উপর ছুঁড়ে ফেললেন। লিঙে বললেন, তিনি খবরের কাগজে আগুন ধরিয়ে ছুঁড়ে মারেন। সঙ্গে সঙ্গে আগুন জ্বলে উঠে লাশ দুটো ঢেকে ফেললো। পর্চে দাঁড়িয়ে শব্দাত্মক হিটলারকে শেষ মিলিটারি সেল্যুট দিলেন। তারপর তাঁরা বুদ্ধারের ভিতরে ফিরে গেলেন।

কারনাও নামক আরেকজন সাধারণ প্রহরীরও এসব গোপন অনুষ্ঠান দেখবার কথা নয়। বুদ্ধারের ভিতরকার দরজা তালাবন্ধ দেখে সেও বাগানের দিক দিয়ে ঘুরে আসবার চেষ্টা করে মোড় নিতেই আশ্চর্য হল। হঠাৎ সামনে দেখে দুটি মৃতদেহ পাশাপাশি শুয়ে। সঙ্গে সঙ্গে সেগুলো ধপ করে জ্বলে উঠলো—বুদ্ধার মিনারের পর্চ ঢাকা পড়ে গিয়েছিল বলে সে দেখতে পায়নি, ওখান থেকেই জ্বলন্ত ন্যাকডা, কাগজ ছুঁড়ে লাশে আগুন ধরানো হয়েছে। খানিক পর আগুন একটু কমে যেতে সে পরিষ্কার চিনতে পারলো ভগ্ন-মুণ্ড হিটলারের দেহ। প্রহরী কারনাও কিন্তু সেখানে বেশীক্ষণ দাঁড়াতে পারলো না। পরে সে বলে; ‘বীভৎসতম দৃশ্য’। গ্যুন্শের মত বিরাট-দেহ-দানব তাবৎ জমনিতেই কম ছিল। অল্পেতে বিচলিত হবার পাত্র নয়। সে পর্যন্ত বলে, ‘হিটলারের দেহ-দাহ-দর্শন আমার জীবনের সবচেয়ে ভয়ঙ্কর অভিজ্ঞতা’।

প্রহরা পুলিশের এক তৃতীয় ব্যক্তি এই ঐতিহাসিক দৃশ্য দেখবার জন্য বুদ্ধারের পর্চে গিয়ে দাঁড়ান কিন্তু মনুষ্যদেহাবশেষ পোড়ার দারুণ উৎকট দুর্গন্ধ তাঁকে সেখান থেকে পালাতে বাধ্য করে।

মিনারের ঘুলঘুলি দিয়ে মানস্ফেণ্ট ও কার্বনাও দেখতে পান, কিছুক্ষণ পরে পরে এস. এস.-এর লোক বুঝার থেকে বেরিয়ে 'চিতা'তে আরও পেট্রল ঢেলে দিচ্ছে। তারপর দুজনাতো নিচে নেমে এসে দেখেন, লাশগুলোর পায়ে দিকটা পুড়ে নিঃশেষ হয়ে গিয়েছে এবং হিটলারের হাঁটুর হাড় দেখা যাচ্ছে। এক ঘণ্টা পরে তাঁরা ফের এসে দেখেন, আশুন তখনো জ্বলছে, কিন্তু তেজ কম।

হিটলার আত্মহত্যা করেন অপরাহ্ন সাড়ে তিনটেয়—লিঙের হিসেবে তিনটে পঞ্চাশে। খুব সম্ভব বিকেল চারটে থেকে সন্ধ্যা প্রায় সাড়ে ছটা অবধি পেট্রল ঢালা হয়। কিন্তু শেষ পর্যন্ত পেট্রল ফুরিয়ে যাবার পরও দেখা যায়, দেহ দুটো পুড়ে ছাই হওয়া দূরে থাক, মাসচাম পুড়ে গিয়ে কালো হয়ে যাওয়া সত্ত্বেও হিটলারকে যাঁরা কাছের থেকে দেখেছেন তাঁরা তখনো তাঁকে চিনতে পাববেন।

শবদাহকারীগণ পড়লেন বিপদে। হিটলার এ পরিস্থিতির সম্ভাবনা মনশ্চক্ষে দেখেননি এবং সে অনুযায়ী কোনো নির্দেশও দিয়ে যাননি। লিঙে তাঁর বিবৃতিতে হক কথা বলেছেন: পেট্রল দিয়ে মানব-দেহ পোড়ানো তো সহজ কর্ম নয়, হিটলাব কেরোসিনের ব্যবস্থা করে গেলেন না কেন? লাশ পোড়ানোর অভিজ্ঞতা ভারতের বাইরে কম লোকেরই আছে। এটা যে কত কঠিন কর্ম সেটা যেসব নাৎসি গ্যাস-চেম্বারের লক্ষ লক্ষ মানুষ মেরে পবে বিরাট বিরাট চুম্বিত্তে এদের লাশ পোড়ান, তাঁবা ন্যূরনব্বের্গের মোকদ্দমায় জবানবন্দিব সময় এ-কথার উল্লেখ করেছেন। এঁদের কর্তা বলেন, 'হাজাবখানেক মানুষ গ্যাস দিয়ে মারতে আমাদের বারো মিনিটেরও বেশী সময় লাগতো না, কিন্তু সেগুলো পুড়িয়ে ভস্মীভূত করা অতিশয় কঠিন ব্যাপাব। আমাদের চুম্বীগুলো দিনের পর দিন চকিবশ ঘণ্টা চালু রেখেও এদের নিশ্চিহ্ন করতে পারতুম না। বিস্তার হাড় চুম্বির তলায় পড়ে থাকতো।' অন্য এক সাক্ষী বলেন, 'সর্বাপেক্ষা মারাত্মক ছিল চুম্বীর ধূয়ো। মানুষের পুড়ে-যাওয়া ছাই চিমনি দিয়ে বেরিয়ে বাতাসে চতুর্দিকে ছড়িয়ে পড়ে আমাদের নাকে-কানে পোশাক-আশাকে সর্বত্র ঢুকে পড়তো। পাশের এবং দূরের গায়ের লোকগুলো পর্যন্ত বুঝে যায় যে আমরা কোন্ ব্যবসাতে লিপ্ত আছি।'

হিটলারের অনুচরবর্গ ভাবলেন, তাঁর প্রধান বাসনা ছিল তাঁর দেহ যেন শত্রুহস্তে বর্বর তামাশার বস্তু না হয়; অতএব তাঁকে যদি খুব গোপনে গোর দেওয়া হয়, তবে 'ইহুদি' ও রুশরা তাঁর স্বল্পদক্ষ দেহ খুঁজে পাবে না। সন্ধ্যা মিলিয়ে যাওয়ার পব পুলিশকর্তা রাটেনহবার গার্ডদের বুঝারে ঢুকে সেখানকাব সার্জেন্টকে বললে, হিটলাব দম্পতির লাশ গোর দেবার জন্য তিনজন বিশ্বস্ত লোকের প্রয়োজন। তাঁদের নিয়ে যেন তিনি আসেন। এঁদের শপথ করানো হল, তাঁরা সব-কিছু গোপন রাখবেন। নইলে তাঁদের গুলি করে মারা হবে।

এঁদের একজনের নাম মেঙেরসহাউজন্ ও অন্যজন প্লানৎসার। দ্বিতীয়জন বার্গলিনের রাস্তার যুদ্ধে মারা যান এবং প্রথমজন কশহস্তে বন্দী হয়ে রুশদেশে দশ বছর কাটিয়ে পশ্চিম জার্মানিতে ফিরে আসেন। তিনি বলেন, হিটলাবের শরীব সম্পূর্ণ পুড়ে যাওয়া দূরে থাক, তাঁকে তখনো চেনা যাচ্ছিল।

বাগানে চিতার কাছে বোমা পড়ে একটা গর্ত হয়েছিল। মেঙেবসহাউজন্ ও প্লানৎসাব সেটাকে একটা ডবল গোরের সাইজে তিন ফুট গভীর করে খুঁড়লেন। তলায় তক্তা পেতে তার উপর লাশ দুটি রেখে উপবে মাটি চাপা দেওয়া হল।

লিঙে ও রাটেনহবার কশদেশে দশ বৎসর বন্দীদশায় কাটিয়ে ফিরে এসে বলেন, তাঁরা ঠিক গোরের সম্মুখে উপস্থিত ছিলেন না বটে তবে বাগানের একটা বোমাতে বানানো গর্তে যে উভয়ের কবর দেওয়া হয় সেটা সত্য। রাটেনহবার তার সঙ্গে যোগ দিয়ে বলেন, শেষ মিলিটারি সম্মান দেবার জন্য তাঁর কাছে একখানা স্বস্তিক (হাকেন্ড্রয়েংস—হকট ক্রস) পতাকা চাওয়া হয়, কিন্তু তিনি যোগাড় করতে পারেননি।

মধ্যরাত্রে প্রহরী মান্‌স্ফেণ্ট আবার প্রহরায় ফিবে এসে আবার মিনারে চড়ল। রাশান বোমা তখনো চতুর্দিকে পড়ছিল ও বিমানবাহিনী আকাশে হাউই ফাটাচ্ছিল। তারই আলোকে সে নিচের দিকে তাকিয়ে দেখতে পেল, লাশ দুটো নেই, এবং বোমাতে খোঁড়া এবড়ো-খেবড়ো গর্তটা পরিপাটি লম্বমান চতুষ্কোণ গোরের আকারে নির্মিত হয়েছে। তার মনে কোনো সন্দেহ রইল না, এটা মানুষের হাতের দক্ষ কাজ; আকাশ বা কামান থেকে বোমা পড়াব ফলে এরকম সুবিন্যস্ত নমুনা তৈরী হতে পারে না।

ওদিকে তার সহকর্মী কার্নাও রাষ্ট্রভবনের কাছে সঙ্গীদের নিয়ে প্রহরার রৌদে বেরিয়েছিল। এদের একজন তাকে বললে, 'ভাবতে দুঃখ হয়, অফিসারদের একজনও ফুরারের দেহ কোথায় রইল-না-রইল সে-সম্বন্ধে সম্পূর্ণ উদাসীন। আমি তাঁর দেহ কোথায় আছে জানি বলে গর্ব অনুভব করি।' (লোকটি হয় মেণ্ডের্‌স্‌হাউজ্‌ন, নয় গ্লান্‌সার)।

কিন্তু যে-ই হোক, লোকটির প্রথম বাক্যটি ন'সিকে খাঁটি। হিটলারের মৃত্যুব পব থেকে বাকি সব ব্যবস্থা অত্যন্ত অবহেলা ও দরদহীনভাবে করা হয়। এমনিতে জার্মানরা অত্যন্ত পাকা কাজ করতে অভ্যস্ত। তাহলে এমনটা হল কেন? খুব সম্ভবত লোকে যে বলে হিটলাব তাঁর সাঙ্গোপাঙ্গকে (এমন কি বহু বিদেশীকেও) মন্ত্রমুগ্ধ, প্রায় মেসমেরাইজ করে রাখতেন সেটা সম্পূর্ণ মিথ্যা নয়। সেই ভানুমতীর ভোজবাজির সঙ্গে সঙ্গে যখন ম্যাজিসিয়ান হিটলার-ভানুমতীও অন্তর্ধান করলেন তখন তারা হঠাৎ সচেতন হল তাদের বর্তমান পবিস্থিতি সম্বন্ধে। অন্ধ হোক সত্য বিশ্বাস হোক এতদিন গুরুর উপর তারা তাদের ভবিষ্যৎ ছেড়ে দিয়েছিল। কিন্তু এখন? 'ঈচ্ ফর হিমসেলফ্ অ্যান্ড ডেভিল টেক দি হাইন্ডমোর্স্ট'—'চাচা আপন প্রাণ বাঁচা, আর শয়তান নিক যেটা সঙ্কলের পিছনে, যেটা অগা কাঁচা'। বরমান অবশ্য তখন নেতৃত্ব গ্রহণ করেন, কিন্তু বুকারের অন্যতম অধিবাসী—সে বেচারী লাটবেলাট কিছুই না, এমন কি সামান্য 'আগডোম বাঘডোমের' ডোম সেপাইও নয়, সে নগণ্য দবজী, যুনিফর্ম বানায়, 'রিপুকশ্ম' করে—সে বলে, 'নেতৃত্ব কখনো এক কানাকড়িরও ছিল না, লোকগুলো হেথাহোথা ছুটোছুটি করছিল মুণ্ডুকাটা মুর্গীর মত। কিন্তু সেটা তার পরেব অধ্যায়ের কাহিনী—সেটা আমি লিখতে যাচ্ছি নে।

আমি শুধু হিটলাবের গোব দেওয়ার পরের একটি ঘটনা উল্লেখ করবো। আনাড়ি হাতে হিটলার-এফার শব্দেই পোড়ানোর অপটু প্রচেষ্টা যথেষ্ট বীভৎস—এটা বীভৎস ও নিষ্ঠুর।

পূর্বেই উল্লেখ করেছি, সেই রাট্রেই বুকারবাসীর পক্ষ থেকে রুশদের সঙ্গে সন্ধির প্রস্তাব নিষ্ফল হয়। শেষ নিষ্ফলতার খবর আসে পবদিন, ১লা মে, দুপুরের দিকে।

এবং পূর্বেই বলেছি, গ্যোবেল্‌স্‌ স্থির করেন যে তিনি সপরিবার আত্মহত্যা করবেন। এখন সে সময় এসেছে। তিনি সকলের সঙ্গে ত্যাগ করে সপরিবার আপন বুক্কারে চলে গেলেন। কোনো কোনো বন্ধু সেখানে তাঁর কাছ থেকে শেষ বিদায় নিয়ে নিলেন।

লিঙে বলেন—ট্রেভার রোপার এ-বাবদে স্বল্পভাষী—গ্যোবেল্‌স্‌ হিটলারের সার্জন ডাক্তার স্টুম্পফ্‌ফেগারকে ডেকে পাঠালেন। তিনি ভিতরে ঢুকতেই গ্যোবেল্‌স্‌-দম্পতি বেরিয়ে এলেন। ভিতরে কি হল কেউ সঠিক জানে না।

কিছুক্ষণ পরে ডাক্তার সিঁড়ির কাছে বেরিয়ে এসে ফ্রাউ গ্যোবেল্‌স্‌ের দিকে তাকিয়ে ঘাড় নাড়লেন—অর্থ ‘হয়ে গেছে’। সঙ্গে সঙ্গে ফ্রাউ গ্যোবেল্‌স্‌ অজ্ঞান হয়ে মাটিতে পড়ে গেলেন।

ভিতরে কি হয়েছিল কেউ জানে না, জানবেও না। কারণ ডাক্তার ও গ্যোবেল্‌স্‌ পরিবারের কেউই বেঁচে নেই। জনশ্রুতি, ডাক্তার যখন ঘরে ঢুকলেন তখন বাচ্চারা কফি খাচ্ছে। তাদের সঙ্গে তাঁর হৃদ্যতা ছিল; তিনি বললেন, ‘কফি খাওয়া শেষ হলেই তোমাদের সবাইকে নানা রঙের লজ্জেশুস দেব। নূতন ধবনের লজ্জেশুস।’ বাচ্চারা সাত-তাড়াতাড়ি তাদের কফি, কোকো, দুধ শেষ করলো। তিনি বিবে-ভরা লজ্জেশুস দিলেন। নিজে অন্য ধরনের একটা নিলেন। সবাইকে একসঙ্গে মুখে পুরতে হবে। ব্যাস হয়ে গেল!...অন্যেরা বলেন, ইনজেকশন দেন, এবং সবচেয়ে বড় মেয়েটি নাকি ব্যাপারটা বুঝতে পেরে নেবে না বলে ধস্তাধস্তি কবেছিল। এসব জনশ্রুতির মূলে কি ছিল? যে পাশ্চাত্য এরকম হীন কাজ করতে পারে সে হয়তো বুক্কারে তার পরিচিতদের ভিন্ন জনকে ভিন্ন কথা বলেছিল। যে এসব করতে পারে তার পক্ষে বলাটা আর এমন কি কঠিন কর্ম? কিংবা হয়তো তাব এসিসটেণ্ট ব্যাপারটা বুঝে গিয়েছিল এবং জনশ্রুতিগুলোব মধ্যে একটা হয়তো তার।

এবং আরেকটা কথা বুক্কারের প্রায় সবাই জানতেন। একাধিক রমণী গ্যোবেল্‌স্‌দের সব ক’টি সন্তান একসঙ্গে বা ভার্গ-বঁটোয়ারা করে ছদ্মনামে বা আপন নামে পালাতে প্রস্তুত ছিলেন। বল্ট বলেছেন, ‘গ্যোবেল্‌স্‌ শেষটায় তাঁর আপন প্রোপাগান্ডার ফাঁদে বন্দী। তিনি দুঢ়কণ্ঠে বলেছিলেন, বার্গিন অজেয়। তারপর শেষ মুহূর্তে যখন বার্গিনে হাজার হাজার অসহায় শিশু রোগে ক্ষুধায় মরেছে, তখন তিনি—প্রোপাগান্ডা মন্ত্রী—আপন সন্তানদের নিরাপদ স্থলে পাঠান কি করে?’ আমি বলি, পাঠালে কি হত? দু-চারটে লোক ঠাণ্ডা ব্যঙ্গ করতো। কিন্তু ছ-ছটি নিষ্পাপ শিশুর জীবন বড়, না দুটো হৃদয়হীনের তিনটে মস্তুরা।

পূর্বেই বলেছি, শিশুগুলোর সব কটারই নাম ছিল হিটলারের আদ্যাক্ষর ‘এচ’ দিয়ে। তারা তাঁর সঙ্গেই গেল।

বেঁচে গেল শুধু একজন। গ্যোবেল্‌স্‌ের স্ত্রী তাঁর প্রথম স্বামীর সঙ্গে লগ্নচ্ছদ (ডিভোর্স) করে গ্যোবেল্‌স্‌কে বিয়ে করেন। সে-পক্ষের একটি সন্তান ছিল। নাম কোয়াস্ট। গ্যোবেল্‌স্‌ তাকে খুব স্নেহ করতেন। সে তখন বার্গিন থেকে দূরে। গ্যোবেল্‌স্‌ তার জন্য একখানি সুন্দর চিঠি রেখে যান।

অতঃপর গ্যোবেল্‌স্‌ তাঁর অ্যাডজুট্যান্ট গ্যুগেরমানকে ডেকে পাঠিয়ে বললেন, ‘এটাই সবচেয়ে নিকৃষ্ট বিশ্বাসঘাতকতা; সব ক’টা জেনারেল ফ্যুরারের সঙ্গে বিশ্বাসঘাতকতা

করেছে! তাদের সব কিছু লোপ হয়ে গেল। আমি সপরিবার আত্মহত্যা করবো। তুমি আমার দেহ পোড়াবার ভার নিতে পারো?’ শ্যুগেরমান স্বীকৃত হলেন ও পেট্রলের জন্য লোক পাঠালেন কিন্তু অল্প পরিমাণেই পাওয়া গেল। প্রায় সাড়ে আটটার সময় গ্যোবেল্‌স্‌ তাঁর স্ত্রীসহ বুক্কারের করিডর দিয়ে সিঁড়ি বেয়ে উপরের দিকে চললেন। পথে শ্যুগেরমান ও ড্রাইভারকে পেট্রলসহ দেখতে পেলেন কিন্তু কোনো কথা বললেন না। বাগানে বেরিয়ে তিনি তাঁর অর্ডারলিকে আদেশ দিয়ে স্বামী-স্ত্রী দুজনা তাব দিকে পিছন ফিরে দাঁড়ালেন। অর্ডারলি দুজনার ঘাড়ের উপর দুটি গুলি মারলো। শ্যুগেবমান শব্দ শোনার পর উপরে বাগানে গিয়ে মাটির উপর দুই মৃতদেহ পেলেন। পূর্বাদেশ অনুযায়ী তাঁদের চার টিন পেট্রল—আঠারো গালন—তাঁদের উপর ঢেলে চলে গেলেন। ঐটুকু পেট্রলে তাঁদের শরীরের চামড়া আর পোশাক পুড়েছিল মাত্র। মৃতদেহগুলো বিনষ্ট কবার বা গোর দেবার কোন চেষ্টাই কবা হয়নি। রাশানরা পরের দিন সেগুলো বুক্কার আক্রমণ কবার সময় পায় ও তাঁদের সনাক্ত করতে কোনো অসুবিধা হয়নি। গ্যোবেল্‌স্‌ের ঝলসে যাওয়া শরীরের ফোটোগ্রাফ কাগজে বেরোয়। ভাঙা গাল চওড়া কপাল—চিনতে আমার পর্যন্ত কোনো অসুবিধা হয়নি।

উত্তর হিটলাব

হিটলাবের মনস্কামনা পূর্ণ হয়নি, আবাব অন্য অর্থে হয়েও ছিল।

জুন মাসের প্রথম সপ্তাহেই সর্ব পবিত্র শপথ ভঙ্গ করে একাধিক ব্যক্তি বন্দীদশায় বাশানদেব কাছে হিটলারের শবদেহ ও কবরের গুপ্তভূমিব খবর দিয়ে দেয়। তাবা হিটলাব ও এফাব মৃতদেহ খুঁড়ে বেব কবে ও মেণ্ডেব্‌স্‌হাউজন্‌ প্রভৃতিকে দিয়ে সন্দেহাতীতকাবে সনাক্ত কবায়।^{১৪}

কিন্তু রাশানবা বুদ্ধিমান, বিচক্ষণ। ইতিহাস তাদেব ভালো করেই পড়া আছে। তারা জানে, এ-যুগে যাকে অপমান করে আঙনে পুড়িয়ে বা পাথব ছুঁড়ে ছুঁড়ে মারা হয়, পরের যুগের লোক তাকেই শহীদকাবে পূজো করে—তাব নির্যাতন-ভূমি তীর্থভূমিতে পরিণত হয়।

একজন বিচক্ষণ রুশ জনৈক বন্দী হিটলাব-পার্শ্চরকে বলেন, ‘হিটলাবের দেহ আমাদেব কাছে গোপনে লুকোনো আছে, ভালোই আছে, তোমরা জর্মনার শহীদ পূজারী।’

তাই কশরা হিটলাবেব দেহ জনগণের তামাশার জন্য বাজারে লটকায়নি। সেদিক দিয়ে দেখতে গেলে হিটলারের মনোবাঞ্ছা পূর্ণ হয়েছে!!

১৪ সে আবেক দীর্ঘ কাহিনী এবং তার সঙ্গে যাব বুক্কাব থেকে ববমান লিঙে ইত্যাদিব পলাযনেব চেষ্টা। কিন্তু সেটা বর্তমান কাহিনীর অংশ নয়।

গ্রন্থপরিচয়

১

‘বড়বাবু’ মিত্র ও ঘোষ, ১০ শ্যামাচরণ দে স্ট্রীট, কলিকাতা ১২ হইতে ফাল্গুন ১৩৭২-এ প্রথম প্রকাশিত হয়। বইয়ের আকার ডবল মিডিয়ম ষোড়শাংশিত, পাইকা টাইপ ছাপা, পৃষ্ঠা ২০৭। বইটির প্রচ্ছদপট আঁকেন বিখ্যাত শিল্পী শ্রীআশু বন্দ্যোপাধ্যায়। রবীন্দ্রনাথের জ্যেষ্ঠ ভ্রাতা দ্বিজেন্দ্রনাথ ঠাকুর পরিচিত মহলে ‘বড়বাবু’ নামেই সমধিক অভিহিত হতেন। এই গ্রন্থের প্রথম প্রবন্ধ দ্বিজেন্দ্রনাথ প্রসঙ্গ। দ্বিজেন্দ্রনাথের ব্যক্তিত্বের সন্মুখে এরকম উৎকৃষ্ট প্রবন্ধ সম্ভবত আর কেউ লেখেন নি। প্রবন্ধটির নাম ‘বড়বাবু’। প্রথম প্রবন্ধের নামেই গ্রন্থের নামকরণ। এই গ্রন্থে চবিত্ত-প্রসঙ্গ জাতীয় আরও ৩টি কয়েক প্রবন্ধ আছে, যেমন—রামানন্দ চট্টোপাধ্যায়, নেতাজী, সবলাবালা, ববীন্দ্রনাথ ও তাঁর সহকর্মিদের। ব্যক্তিত্বের-প্রসঙ্গ এবং সরস ও চিন্তাপূর্ণ প্রবন্ধ ছাড়া ‘সর্বাপেক্ষা সঙ্কটময় শিকার’ নামের একটি রোমহর্ষক কাহিনী গ্রন্থটির অন্যতম আকর্ষণ। কাহিনীটি বিদেশী গল্পের অনুবাদ হলেও লেখকের সাবলীল বচনাব গুণে কোথাও অনুবাদ বলে মনে হয় না। দুর্নিবাব কৌতূহল পাঠককে গল্পের শেষ পর্যন্ত কল্পনাসে টেনে নিয়ে যায়। এই বইয়ের সব বচনাই দেশ, কথাসাহিত্য ও উদ্দেশ্য পত্রিকায় প্রকাশিত হয়।

২

‘কত না অশ্রুজল’ বইটির প্রথম প্রকাশ বৈশাখ, ১৩৭২। প্রকাশক—বিশ্ববাণী প্রকাশনী, ৭৯/১ বি মহাশ্মা গান্ধী রোড, কলিকাতা ৯। বইয়ের আকার ডবল মিডিয়ম ষোড়শাংশিত, পাইকা টাইপে ছাপা, পৃষ্ঠা সংখ্যা ২৭২। ‘কত না অশ্রুজল’ প্রবন্ধটি বইয়ের প্রথম রচনা। গ্রন্থের এক-চতুর্থাংশ ব্যাপী এই রচনার নামেই বইটির নামকরণ। গত দ্বিতীয় বিশ্বযুদ্ধে বিভিন্ন রণাঙ্গনে যুদ্ধরত নিহত আহত সৈনিকদের পত্রাবলী এই প্রবন্ধের বিষয়। বইয়ের অন্যান্য রচনাব অধিকাংশই হিটলাব ও নাৎসী-জার্মানী সম্পর্কিত ঘটনাবলী বিষয়ক। উপরোক্ত রচনাবলী ছাড়া গান্ধী-ববীন্দ্রনাথ সম্পর্কিত ‘দ্বন্দ্ব-পুবাণ’ অন্যতম উল্লেখযোগ্য প্রবন্ধ। এই বইয়ের অধিকাংশ লেখাই দেশ পত্রিকায় প্রকাশিত হয়।

৩

‘হিটলাব’ বইটিতে সৈয়দ মুজতবা আলী হিটলাব ও নাৎসী জার্মানী সম্পর্কিত সব লেখা একত্রিত করার চেষ্টা হয়েছে। চেষ্টা করা হয় বলাব কাবণ—এমন আরও পূর্ব-প্রকাশিত কিছু লেখা রয়েছে যা এই গ্রন্থের অন্তর্ভুক্ত হয় নি। এই বইটি আশাচ ১৩৭৭-এ বিশ্ববাণী প্রকাশনী, ৭৯/১ মহাশ্মা গান্ধী বোড, কলিকাতা ৯ থেকে প্রথম প্রকাশিত হয়। আকার ডবল মিডিয়ম ষোড়শাংশিত, পাইকা টাইপ, পৃষ্ঠা সংখ্যা ২০৪। হিটলাবের শেষ দশ দিবস ছাড়া অন্য রচনাগুলি (হিটলাবের প্রেম, মস্কোযুদ্ধ ও হিটলাবের পবাজয়, লক্ষ মার্কেব ববমান, কনবাট আডেনাওয়াব, বাজহংসেব মবণগীতি, আবার আবার সেই কামানগর্জন, হিটলাব) ‘টুনিমেম’ ‘রাজাউজীব’ ও ‘বড়বাবু’তে পূর্বেই মুদ্রিত হয়েছে ও বচনাবলী পূর্ববর্তী অংশে অন্তর্ভুক্ত হয়েছে। সেই কারণে ‘হিটলাব’ অংশে ঐ রচনাগুলি অন্তর্ভুক্ত হয় নি।

নকুল চট্টোপাধ্যায়.

—চতুর্থ খণ্ড সমাপ্ত—